

SACRORUM  
PARALLELORUM  
LIBRI TRES:

ID EST,

COMPARATIO locorum Scripturæ  
sacræ, qui ex Testamento vetere in  
Novo adducuntur: summam utriusque  
in verbis convenientiam, in  
rebus consensum, in mutationibus  
fidem veritatēq; breviter & per  
spicue ex fontibus Scripturæ S. ge-  
nuinæque linguarum Hebrææ &  
Græcæ conformatione monstrans:  
& contra Atheos, Arianos, Judæos,  
Mahumedistas, aliosque asserens  
simplicitatem Evangelistarum &  
Apostolorum CHRISTI.

PRIMO libro continentur loci, qui in Eu-  
angelis & Actis Apostolorum exstant:  
SECUNDO, qui in tredecim Pauli Epi-  
stolis:

TERTIO, Epistole ad Hebræos iustus &  
methodicus Commentarius. His postremo  
accedit APPENDIX, ex scriptis reli-  
quis canonicis.

FRANCISCI JUNII Biturigis.

Editio tertia.

LONDINI,  
Impensis G. Bishop.



BS 2387

J 804

Rare

room



Long

## ILLVSTRISSIMO PRINCIPI, DOMINO POTENTIS-

SIMO, D. VVILHELMO LANDGRAVIO HASSIAE, Comiti in Catzenelbogen, Dietz, Zigenheim & Nidda, &c. Domino clementissimo gratiam & pacem a Deo Patre, & Domino Jesu Christo.



**B**I ANTEM Philosophum, Princeps illustrissime, interrogatum olim, quidnam in hac mortali vita vacaret metu, respondisse aiunt, Bonam conscientiam. Rectè id quidem ex luce naturæ, & ex τὴν φύσιν dictum: sed illud ipsum quod vacare pronuntiavit metu, profectò est tantum, ut a nemine perfectè, nisi a Deo, fuerit expositum verbo cõprehensio libris Testamenti veteris & novì; & a nemine unquam rectè, nisi ab iis intellectum, quos lux celestis per Spiritum æternum ejus

ex documentis salutaribus verbi illius circumfulgens in veritatis notitiam & perceptionem deduxerit. Etenim sive ad Biantem illum, sive ad alium quemvis de prisco illo philosophorum grege sapientissimum apud suos habitum, cumque purè φύσις (ut homo a natura est) respexeris; illa ipsa lux conscientiæ sola, adventitiòque e cælis lumine destituta, quam tantopere laudabant illi, tenebris deputanda est: quapropter homines in Scripturis sacris tenebrarum nomine donati sunt, & in tenebris umbræque mortis jacere prædicantur. Quòd si illum ipsum oculum mentis nostræ & lucem conscientiæ in tenebrarum numero poni necesse est; quantæ, obsecro, tenebræ (ut Christus arguit) futuræ sunt? Itaque homo quidem ipse quamdam veri & falsi a naturæ scientiam, justique injusti cõscientiam quodammodo in sese adumbratam, ac non expressam eorum formam, re ipsa obtinet: sapientissimè verò Deus misericors & Pater luminis in rudibus illis crassisque scientiæ nostræ & conscientiæ lineamentis, quæ Deus in mentibus nostris (ut ita dicam) *μυοζέχυμους*, tamquam vestigia & reliquias tenuis priscae illius suæ imaginis, conservari voluit, excitaturus de integro lucem, & instauraturus ex beneplacito voluntatis suæ, certissimam & inextinguibilem rerum illarum omnium veritatem exposuit nobis: eaque instrumenta illius tradidit accuratissimè, quæ dispellendis tenebris, luci accendendæ, scientiæ tribuendæ, & purgandæ in nobis corrigendæque conscientiæ efficaciter conducerent. Docuit enim homines semper, & adhuc docet, intus quidem spiritu, foris autem verbo atque operibus; cum illis communibus in natura rerum, creatione, sustentatione, & gubernatione universitatis hujus: tum singularibus in Ecclesiam ipsius, quam præsentia, virtute, & operatione quadam *ἀνακλησις* sanctificat, regit, protegitq; ad gloriâ suam. Atq; hæc quidem singula testimonia divinitus oblata quicumque accipiunt salutariter, ii

## PRÆFATIO.

fructum spiritus incredibilem, quamvis difficillimo misera istius vite curriculo agitati plurimum, ex eis sentiant in presente seculo, & in futuro fruituri sunt. Sed quia nihil Satanæ odit tantopere ( prout a principio mendax & homicida est) quàm salutem hominum, eaque omnia quæ gratiosè ipsis ad salutem suppeditavit Deus: propterea neque salutem illam vel momento adhuc desivit oppugnare, quam nequit expugnare, neque illo tempore salutaria Dei opt. max. documenta impedire destitit, nec cruentis & exitalibus consiliis & institutis suis, si fortè prævalerent, aut apud homines in autoritate essent. Videmus enim quotidie, quàm sollicitè & internas illas divini spiritus, & externas verbi operumque illius testificationes ad singula quæque momenta conetur labefacere: aut si id non potest assequi ( ut profecto non potest) obscurat obtegatque omnia densissimis mendaciorum fumis, & lucem illam conscientiarum, velut oculorum aciem, fascino quodam conetur præstinguere. Quicquid Spiritus Dei testatur intus, id ipsum Spiritus malus effingit intus simulatione, *παρεπρία*, & artificio maximo: lèque ipsum transformat in Angelum lucis, ut exstinguat aut avertat lucem, quam accendit Deus. Quicquid verò foris aut verbo veritatis, aut operibus exhibet ad doctrinam nostram, id tum Satanæ ipse armis infestis petit, tum per impios homines ( quorum excæcavit mentes ne credant veritati) ignita tela *πυρρόλα τὴν* ejaculatur violentissimè: ut cælum terræ misceat, viamque ad cælum præcludat nobis: qui tamquam ad patrium æternumque domicilium nostrum verbo Dei accersimur, dum in eodem per Christum ( ut inquit Paulus) lavacro aquæ expurgamur. Demonstravit illud post omnem hominum memoriam communis seculorum omnium experientia: demonstrant omnes historiæ præsertim ex quo in hac temporum plenitudine Christus servator noster Evangelium gloriæ in mundi oculis explicavit: demonstrant nostræ hujus ætatis depravatissimæ cùm res omnes gestæ, tum dicta & scripta omnia: quæ si percurrere hoc loco instituerem, tempus me quidem citius quam oratio deficeret. Nam ut eas suas lutulentas & immundas taceam, quæ nihil nisi obgrunniunt Spiritus Dei sermonibus, eumque nefariè cogitant exstinguere: ut etiam rabiosos illos & obsecenos canes omittam, qui singulis Dei operibus, in pravo hoc seculo potentissimè confectis atque perfectis, oblatrant impudentissimè: quotus quisque est, obsecro, qui amplissimum illum thesaurum Scripturæ sacræ, illum cœlestis scientiæ, justitiæ, ac vitæ indicem fidelissimum ea religione & fide qua par est reputet & dignitatem suspiciat ejus veritatem colat & utilitatem degustet & necessitatem sentiat ex officio suo? Contrà verò adeò sunt miseri & turpes plerique homines & arcessendæ conciliandæque perditionis cùm suæ ipsorum, tum alienæ studiosi, ut prisca illius serpentis exemplo, impiis atque blasphemis mendaciis, malitiosè oppugnent veritatem Dei, in sua potius infirmitate conquiescant ultro quàm in sufficientissima illa Dei gratia quæ offertur verbo, & turpem ignorance anteponant veræ & gloriolæ scientiæ: præcipue quum ad scandalū & stultitiam crucis (ut vocant illi) attenderunt. Atque hoc quidem si ullo in argumento unquam usu venire vidimus; his maximè temporibus profectò accidit, quum de Testamenti veteris & novi comparatione & conformatione agi necesse est. Dedit enim Satanæ, datque operam diligentissimè, ut sanctissima illa Scripturæ membra, quæ Deus ad mutuam testificationem confirmationemque

illius



## PRÆFATIO.

illius per servos suos coagmentari voluit in Testamento novo, eadem ad everfionem, & infirmationem mutuam impietate summa & incredibili fraude queat abripere. Huic autem duci tam impio, ac porius latroni publico innumera volonum, stipendiariorum, imprudentium, & imperitorum agmina deferviunt, & suas singuli Satanæ, nonnulli etiam mutuas inter se operas commodant *συμπροσέχοντες*, & collusoriè agunt: ut convellant auctoritatem Scripturæ sacræ; hi universè, ex parte illi, prout in animum ipsorum Princeps hujus seculi induxerit. Scripturam totam Athei & Mahumedistæ petunt mendaciis: partem hanc Judæi, illam Anabaptistæ & alii multi exagitant: membra Ariani vellicant indignissimè: omnes denique sic caltra in orbem faciunt, ut ex omni parte augustissima illa arx & sedes veritatis, Scriptura inquam sacra, incurfionibus & cuniculis infestetur vehementissimè. At quibus armis, Deus bone! Noverunt scilicet emissarii & administri Satanæ, quod olim dicebat Hieronymus, Discidia nostra esse hostium nostrorum compendia: ac propterea maximo opere in illud incumbunt, ut gignant discidia in populo Dei, aut certè fingant & mentiantur ea, ubicunque non possunt gignere. Hoc igitur consilio Scripturam ipsam Dei, quam Deus proloquutus est Spiritu, quam servis suis, ut actuariis publicis fidelibusque, distavit conscribendam, quam ille ipse pacis & veritatis Deus summè commendavit Ecclesiæ suæ, quam denique ipsa naturæ lux, si bene attendas, evincit esse scripturæ omnium (ut Basilii loquitur) *παραμυθησάμενον*, implicare tentant discidiis, & antilogias commentantur, quærentes in serpo nodum. Plurima in Scripturis sacris *ἡρεσεν* esse criminantur. Gravissima sanè est hæc criminatio: sed quomodo probent, si placent, audiamus. Hujus *ἡρεσεν* arunt duas esse species: nam, alia esse *εἰρήνη* narrant, id autem est, *εἰρηνοπαγὴ*, quæ illi contraria esse volunt, alia verò *ἡρεσὶς*, id est, *ἡρεσὶς μωρὰ*, quæ illi contendunt diversa esse, & in Scripturis tamen confundi ineptissimè. Hæc arma, has artes, hæc *μυχαῖματα* omnium quæ excogitari aut adhiberi possunt periculosissima, in perniciem hominum occupantur ab illis Satanæ administris, ut alii alios a veritate nefariè abstrahant. His utuntur Athei ad labefactandam Scripturam totam, & cognata horum propago Mahumedistæ: his Judæi ad Testamenti novi, his Anabaptistæ ad veteris auctoritatem percellendam, subruendaque omnia abutuntur: nescientes & negantes illud quod olim sanctè & verè dixit Augustinus, Novum Testamentum esse complementum veteris, & vetus præsignificationem confirmationemque Novi. Ac de Atheis quidē non ita fuissem crediturus unquā, nisi me tenellum adhuc ipsorum agmina summo discrimine salutis meæ sollicitavissent ante triginta annos, quum literis humanioribus operā in Gallia darem. Vidi enim puer, vidi jam eo tempore versutissimas illorū technas, & machinationes gravissimas, quum animæ imprudenti meæ facerent insidias periculocissimè. Isti enim non solum τὰ *εἰρηνοπαγὰ* αἰς *εἰρήνην* gloriōsè obtrudebant, quæ in Scripturis sacris affirmabant esse quamplurima; verumetiam ipsius Christi, Evangelistarum, Apostolorumque (at quorum hominū?) sermones fermè singulos scriptæque carpebant τὰς *ἡρεσεν* nomine quam antè diximus: eamque ut probarent arbitrato suo, acervatim proferebant ex veteri Testamento locos qui adducuntur in novo: gariebant res planè diversas in eum modum confusas esse: imperitè ab illis factum clamitabant: & fieri, a nobis impiè, qui autoribus & artifi-

## PRÆFATIO.

cibus adeò imperitis fidem haberemus, rectum magis quam orationum concinnatoribus; quod pleræque antiquitas vidit, & visura sit posteritas. Hæc autem res inde ab eo tempore sic fodit & affecit graviter animum meum, ut nihil fermè tam desideraverim secundum scripturam sacram, ex quo primum sapere cœpi, quam ut exstaret firmum aliquod solidumque scriptum de hoc argumento; quod scriptum impias illorum voces compesceret, criminationes insanas dilueret, virulentiaque & venenosa tela elideret. De Mahumedistis verò quid dicturi sumus? qui, quum primum a suo illo Pseudopropheta, teterimaque illius impietatis principe, venenum, quod hodiè tam longè lateque diffunditur, animis imbiberunt, huic consilio maximè studuerunt, ut iisdem ac illi artibus sacrosancta illa Dei oracula, quæ in Scripturis exstant, impunè certatimque ludificarentur; & hæc quoque memoria nostra mercenarias quasdam operas in Christiano orbe redimunt diligentissimè, quæ hisce tam nefariis consiliis ministrent impietate & perfidia summa. Testis est insignis ille nebulo, qui ante sexdecim annos ad Turcos abiens spondebat eis se scripto quodam publico vanitatem, mendacium, & impietatem Apostolorum Evangelistarumque, & totius Testamenti novi in oculis omnium expositurum esse: idque vel unico hoc argumento solum, quod locos è Testamento vetere in suis scriptiõibus illi adduxissent, contra quam sibi olim Moses & Prophetæ ipsi voluerant. Qua inani fiducia Turci jamque sibi potiri omnium in hac Europa nostra videbantur. Judæos verò non indiligentiùs in opere iniquitatis laborare, ut Testamentum novum ex animis Christianorum deleant, res ipsa loquitur: quorum animis & sensibus horrent, scetent, & sordent omnes eę interpretationes, quas ex Testamento novo solemus depromere ad veteris illius intelligentiam. De Anabaptistis, Arianis, & aliis, judicium idem. Sed quid opus est, tam multa externa adventitiaque impedimenta comportemus, ad instituti hujus sermonis nostri confirmationem? Nam ut foris abundat Satanæ administris, qui involant in hæc arma nostra, eorum aciem quam maximè possunt adversus nos imprudentes & incautos stringunt, indignissimèque isto mucrone abutuntur: sic etiam domi, intus, in nobis ipsis, pro dolor, reperit & habet modos non paucos, quibus eadem illa arma rapit frequentissimè, & vertit in perniciem nostram. Primum indocti pariter ac docti omnes ex inscientia laboramus: deinde circumfluimus infirmitatibus: ac proinde per illam *τὴν ἀντιπροσώπων καὶ ἀπρόσφωτον* in Scripturis sacris legentes hebescimus, & ea conciliandi ac coagmentandi ignoramus viam; per hanc verò nec satis videre eas res possumus quæ ita in Scripturis se habere visæ fuerint, nec justam viam & rationem tenere, qua pervestigemus & consequamur certam aliquam earum intelligentiam. Accedit illis gravibus & deplorandis malis supina quædam indigentia hujus ætatis nostræ; in qua plerique omnes partim veritatis neglectu, partimque crucis Evangelicæ & afflictionum metu a conquirendis rebus adeò necessariis & salutaribus locorditer abstinere, aut ignaviter refrigerant: cum tamen Christiani omnes, quo amplius vehementiùsque Satanam ad opus suum mysteriumque iniquitatis promovendum fervere animadvertimus, eo studiosius, fidelius ac diligentius dies & noctes in hoc Dei opus debeamus incumbere ad gloriam ejus & salutem nostram; conscii cum animis nostris summæ inscientiæ & infirmitatis nostræ, & non inscii pervicacissimæ diaboli, & satellitum administro-

## P R Æ F A T I O.

administorumque ejus in oppugnanda & divexanda Ecclesia Christi diligentia. De malitia verò & innata nobis vitiositate, quid dicuri sumus? quæ tam altè radices egit in hac carne nostra, ut quamvis per gratiam Dei in Christo renovemur spiritu mentis nostræ, tamen non possit non exardescere quàm plurimis occasionibus, & ex radice amaritudinis usque ad eò sobolescere & luxuriari, ut omnes sanctæ de hac re cogitationes sylvescente maligna ista materia avertantur. Hæ omnes causæ, quas hætenus enumeravi, Illustrissime Princeps, jam diu animum meum pupugerunt, stimulaveruntque. Quamobrem opus aliquod ejusmodi, ac potius (ut verum dicam) luculentius, quàm istud sit quale nunc in lucem visum est edere, ad communis Ecclesiæ bonum ut accuraretur & in publicum prodiret, percipivi: & communicatis sæpè de hac eadem re consiliis & cogitationibus meis cum iis hominibus qui plus in hoc genere per eruditionem & commoditatem possent mihi videbantur, ostendi eis diligentissimè, quantopere hoc argumentum esset necessarium, & quàm utilis futura *συμμετρεῖς ἡ ἀποκρίσις* ejus explicatio, cum veritate *δὲς δὲς πᾶσιν* (ut ita dicam) consentiens. Exspectavi diu, quamdiu potui, dum viri autoritate præstantes, pietate magni, eruditione summi, Zelòque flagrantēs domus Dei in materiam hanc ingrederentur, & suas commentationes feliciter publico, Deo auctore & duce committerent. Sed non profecit huiusmodi diuturna ab illis expectatio aut silentium meum. Tantum enim absuit, ut homines isti mea illa aut cohortatione inarserint, aut expectatione silentiòq; adducti sint ad opus suscipiendum ejusmodi; ut contra nonnulli ex quibusdam pauculis annotationibus meis & disiectis huc illuc quasi tabulatis, de quibus inaudiverant, me ad *συμμετρεῖς* huius corporis bono animo jussissent pergere: suæque fide, sed periculo meo, in arēnam hanc ferme protruxerint. Nunc itaque tandem illorum voluntati parere cogor, & finem (quod felix & faustum) modumque statuere cū pudori perpetuo, tum antea cō silentio & taciturnitati meæ. Horum importunis flagitationibus plurimum momenti adjecit illud, quòd annus jam ferme decimus tertius agitur, ex quo tractationem hanc desiderari audiivi a T.C. & probari consilium meum. Quapropter etiam, quum per illud tempus communi nostro, *συμμετρεῖς* inquam mei D. Immanuelis Tremelii, & meo nomine, ad certa quædam capita, qua T.C. huc ad nos perscribi curaverat, nonnullis de causis responderi de scripto oporteret, memini me, siquidem hic omnium cessaret opera, spem facere T.C. huius argumenti: me aliquando, si Deus vellet, de hac re perscripturum esse, prout ex verbi divini fontibus didicissem. Vides jam, Illustrissime Princeps, quàm multa me huc pertraxerint: fides in Deum & Ecclesiam ejus, veritatis studium, mendacii & impietatis odium, prophanorum hominum & perditorum evictio, falsi expugnatio, veri propugnatio, imperitorum & infirmorum *διόρθωσις*, doctorum adjumentum, consentiens multorum judicium & flagitatio, obsequium denique sanctissimi consilii & religiosæ voluntatis tuæ. Atque hæc quidem singula ego tanti æstimo, ut nihil non extorquere ab homine pio & bono mihi videantur posse: quanto verò magis, si cuncta velut stipato ac pilato agmine incessant quemquam, & in eum injiciant manus? Sed de occasionibus hætenus plus satis. Nunc de fine summæque, & modo huius descriptionis, nisi molestum est, dicemus paucis; postquam de materia ejus, *ὡς ἐν παρρησίᾳ*, præmiserimus paucissima. Subjectam igitur materiæque illa, qua de hac agitur, Chri-



## P R Æ F A T I O.

Iesus est, Dominus & Servator noster : est & Scriptura sacra, per Spiritum Christi in Ecclesia inde ab omni seculo pronunciata, suis temporibus gradibusque certis per fideles Dei servos & *δομῆς* configurata, & multifariam multisque vicibus a Deo contestata. Hujus partes diabolus studet committere, ut Dei veritatem, & salutem nostram, quam illa veritas sola credentibus, salutariter exhibet, amittamus. Etenim Testamentum vetus opponit Novo, utrumque corrumpit emendicatis, inanibus, & falsis interpretationibus; eas verò quæ bonæ, justæ, & sanctæ sunt ludificatur atque exagitat, ut mentes hominum abducatur a luce & veritate illius. Quid multis opus est? Antiquus ille serpens, homicidii autor & mendaciorum pater, hac demum arte commodissime sibi videtur posse efficere, ut vita & via quæ fert ad vitam intercipiatur hominibus intercludaturque. Christus vita est: via est Scriptura Christi. Hæc duo a se potentissime confidit præcipi humano generi & averri posse, si horum alterum vicerit; aut Scripturam secum pugnam ipsam, aut non satis convenire partem cum parte, neque doctrinam doctrinæ, locumve loco admodum respondeat. De contrariis nihil hic dicimus: neque enim est jam instituti nostri. De diversis agimus, de quibus gloriatur plurimum: nam etiam id a nobis imprudentibus non raro assequitur propter ruditatem & inscientiam nostram, ut quasi amentatas hastas ex nostris interpretationibus expromat sibi ad subruendam optimi ac fidelissimi instrumenti illius dignitatem quod in Ecclesia deposuit Deus. Hic ergo finis ipse est quod spectabam in hac descriptione mea, quum eos locos Testamenti veteris, qui in Novo exstant, cum Hebræis authorum suorum verbis comparavi; ut adversus Satanæ *τεχνολογήματα* & *παρερρήματα* veritatem simplicitatemque eorum summè constantem & convenientem assererem, & corpus Scripturæ sacræ a furoribus *τῶν ἀνιχνεύων* religiosè vindicarem. Hoc enim si vinci a nobis & obtineri potest, os certè impietati vehementer obstruitur. Summa verò totius descriptionis nostræ est hæc: primum eos omnes locos Testamenti veteris, qui ad probationem earum rerum quæ aguntur aut declarationem in Testamento novo adferuntur, ex proprio germano & vero illorum sensu ac fine, citra violentiam aut injuriam ullam citatos esse: tum mutationes verborum, & membrorum *ἀλλοιώσεις*, si quæ in iis locis fortè compareant (ut sit) non temerè, leviterque, citra iudicium, præterque rationem, aut contra fidem fuisse factas: sed a prudentibus, certo iudicio, ratione summa, & fide optima, quam ne Momus quidem (si exstaret) carperet: postremò autem non allusiones poni ab illis, aut a nobis in eis locis dici oportere; sed pernecessarias demonstrationes eorum omnium quæ Prophetæ olim Ecclesiis prædixerant: eaque demonstrationes & interpretationes cum authenticis Moysis ac Prophetarum verbis *εὐμαρτίως καὶ εὐαγγελικῶς* consonare. Deum immortalem, quæ piis mentibus consolatio, quæ confusio impiis parata & exposita est, si argumentum istud obtinemus, & arma illa quæ extorqueri nobis faciliè putant adversarii, a nobis stare maximo ipsorum malo, si pergant, summòque bono, si credant, ostendimus! Id si assequor, bene est, benedictum sit nomen Domini Dei veritatis: sin minus, id saltem me assequi confido posse, ut alteri præmonstrem ampliùs præstandi viam. Modum verò interpretationis quàm potuimus simplicissimum brevissimumque, ac veritate Scripturæ conjunctissimum delegimus. Nam neque varias translationes, quibus

## PRÆFATIO.

ætas nostra abundat, contulimus: neque multiplices multorum inter-  
 pretationes sententiaque coacervavimus: neque authores earum ullo  
 in loco exagitavimus; qua in occupatione triumphat & exultat multo-  
 rum in hoc calamitolo seculo oratio: neque sermonis granditati, digni-  
 tati, ornatui, elegantia, majestati denique *ῥητορικῆς* studuimus: sed  
 materiam simplicem, brevemque, & veram in medium attulimus, &  
 modo simplice exposuimus quæcunque ad propositæ materiæ intelli-  
 gentiam pro instituto nostro visa sunt pertinere. Itaque primum a no-  
 bis traditur parallela, sive *παράλληλος* eorum verborum ex-  
 scriptio & comparatio, quæ habentur in utroque Testamento, vetere &  
 novo: deinde probatur æquitas accommodationis institutæ, a commu-  
 ni fine, summa, & sensu locorum qui in Parallelo diagrammate exstant:  
 postremò autem si quid adfertur contrà ad oppugnandam eam quæ a-  
 gitur locorum accommodationem (quo in genere aut illas verborum aut  
 membrorum commutationes, adjectiones, & detractiones censerì opus  
 est) id placidè semper, & verè plurimùm, quoad ejus fieri potuit, ex ver-  
 bo Dei, certisque & indubitatis documentis ejus refellitur: iisque non  
 foris aut longè petitis, non ex rebus humanis, aut rationibus illis quas  
 natura dicitur; sed innatis atque insitis omnino locis. Innati autem &  
 insiti maximè ii visi sunt, quos aut natura ipsa locorum de quibus agi-  
 tur evidenter flagitat, aut earum linguarum demonstrat proprietates  
 quibus hi aut illi olim conscripti sunt. Quapropter etiam mihi quidem  
 non fuit multum & diu de inscriptione hujus operis cogitandum, & au-  
 thores adhibendi; quandoquidem materia ipsa & forma totius operis,  
 quam certo consilio indidimus ei, faciem ejus apertè *ἡ ἀνωμαλία*  
 ostendat, & appellationem eam clara voce postulet quam toti libro tri-  
 buimus. Nam ex materia, SACRI loci; ex forma verò & ratione quam  
 sequuti sumus, PARALLELI appellantur, simplice hac fronte simpli-  
 citatem universi corporis & singularum ejus partium sine fūco & falla-  
 ciis præferente. Hoc argumentum esse pernecessarium omnes vident,  
 qui ratione & pietate valent, nostra hæc tractatio quàm sit futura utilis,  
 aliorum judicium esto: cupio quidem certè, & optò a Domino, qui &  
 studium jam olim, & effectum in hoc tempore largitus est mihi gra-  
 tia & benedictione sua. Istud autem quicquid est, nemini potius quàm  
 T. C. deberi judicavi, Illustrissime Princeps, maximis de causis atque  
 quàm plurimis. Nam primum cùm mihi, tum bonis multis notum est  
 T. C. in materia hac lubentissimè & religiosissimè solere versari, pro ea  
 pietate quam jam diu in rebus sacris exhibuisti & præstitisti amplissi-  
 mam: deinde hanc ipsam causam explicari ante multos annos deside-  
 ravisti, ut qui videres optimè omnium, quanti hoc in Ecclesiis Christi  
 censerì oporteat, & quanti intersit his modis tyrannidem Satanae po-  
 testatemque tenebrarum a piis debellari: tum uni alicui de numero no-  
 stro monitor & autor fuisti, quum ad Illustrissimum Principem sanctissi-  
 mæ memoriæ, D. FRIDERICUM III. Electorem, Palatinum Comi-  
 tem, &c. Dominum meum gratiosissimum ante annos duodecim rescri-  
 beres, ut scriptio hæc a nobis cogitaretur, instituereturque ad gloriam  
 Dei, & catholicæ Ecclesiæ *ὡς ἀποδύλω τὴν ἐκ πίστεως*: postremò autem  
 hanc lucubrationem meam, qualiscunque est, eodem fermè tempore  
 me spondere memini T. C. si per Dei gratiam ad finem aliquando per-  
 duceretur studio & labore meo. Quod igitur tunc feci, idem nunc me-  
 ritò ac potius jure facturus mihi videor, si T. C. ad patrocinium hujus  
 operis

## PRÆFATIO.

operis tui ~~deyopari~~ appellavero. Tuz itaque C. hoc meum opus, Illustrissime Princeps, qua fide & reverentia posium ~~deyopari~~ & dedico: orans humili demissoque animo, & contendens precibus a T. C. ut hoc meum literarum munusculum oprima fide & religioso animo factum in arvo Domini ad cōmodum ipsius, & T. C. oblatum humiliter, gratiosè dignetur accipere; ut perpetuum documentum mei in sanctam Ecclesiam studii, pignusque promptissimi illius obsequii, quod hac tenui quidem, sed tamen certissima animi mei & voluntatis significatione oblatum C. T. & dicatum volo: quemadmodum hæc mea scriptio palam apud omneis nunc, & in posteritatem pronunciat.

Illustrissime Princeps, Domine clementissime, Deum oro & Patrem Domini nostri & Servatoris Jesu Christi, ut T. C. quàm diutissimè tervet incolumen, & magis ac magis augeat e cœlo benedictionibus, consiliisque, studia, & actiones omnes moderetur & secundet prolixissimè ad gloriam sui nominis & Ecclesiarum in Germania hac & Europa tota edificationem. Amen.

*T. Celsitud.*

*Servus studiosissimus & obsequentissimus*

FRANCISCUS JUNIUS.



# I N D E X

# L O C O R V M

## VETERIS TESTAMENTI,

### QUI IN NOVO EXSTANT ET

IN PARALLELIS DIAGRAMMATIS  
vel comparationibus adducuntur.

### GENESE OS.

#### Caput. Versus.

2. per totum	Libro 2. Parallelo 58.
2.	libro 3. Pagina 233.
7.	libro 2. Parall. 42.
22.	libro 1. Parall. 33.
24.	libro 2. Parall. 34.
3. per totum	libro 2. Parall. 58.
15.	Appen. Par. 11. & 15
4.	libro 3. Pagina 317.
5.	22. libro 3. Pagina 317.
6. per totum	libro 3. pagina 317. & Appen. Par. 10 & 11
1.	libro 1. parall. 64.
10.	24. libro 1. parall. 60.
12. per totum	libro 3. pagina 317.
1.	libro 2. parall. 51.
13.	15. libro 2. parall. 53.
14.	18. libro 3. pagina 256.
15. per totum	libro 3. pagina 317.
6.	libro 2. parall. 5. & Appen. Parall. 2.
17. per totum	libro 1. parall. 70.
5.	libro 2. parall. 7.
18. per totum	libro 3. pagina 317.
10.	libro 2. parall. 9.
12.	Appen. parall. 9.
19. per totum	libro 1. parall. 64. & Appen. par. 11. & 15.
21.	10. libro 2. parall. 55.
12.	libro 2. parall. 9.
22. per totum	libro 3. pagina 317. & Appen. parall. 2.
16.	libro 3. pagina 252.
18.	libro 1. parall. 90.
25	23. libro 2. parall. 10.
30.	libro 3. pagina 334.
27. per totum	libro 3. pagina 317.
34.	libro 3. pagina 334.

#### Caput. Versus.

46.	26. libro 1. parall. 92.
47. 29. et seq.	libro 3. pagina 317.
48.	22. libro 1. parall. 67.
50. per totum	libro 1. parall. 92.
24.	libro 3. pagina 317.

### EXODI.

2. per totum	libro 3. pagina 317.
3.	6. libro 1. parall. 42.
9.	16. libro 2. parall. 12.
12. per totum	libro 3. pagina 317.
46.	libro 1. parall. 85.
13.	2. libro 1. parall. 56.
21.	libro 2. parall. 36.
14. per totum	libro 2. parall. 36.
16.	19. libro 2. parall. 48.
17. per totum	libro 2. parall. 36.
19. per totum	libro 1. parall. 92. & libro 3. pagina 334.
5.	Appen. parall. 8.
20.	7. libro 1. parall. 15.
12.	libro 1. parall. 27.
13.	libro 1. parall. 15.
14.	libro 1. parall. 15.
21.	17. libro 1. parall. 27.
24.	libro 1. parall. 15.
22.	28. libro 1. parall. 98.
24.	7. libro 3. pagina 283.
25.	40. libro 3. pagina 265.
32.	7. libro 2. parall. 37.
33.	19. libro 2. parall. 11.
34.	29. libro 2. parall. 44.

### LEVITICI.

2.	13. libro 1. parall. 52.
11.	44. Appen. parall. 6.
12.	3. libro 1. parall. 70.

# I N D E X.

Caput, Versus.

	8.	libro 1. parall.	56.
18.	5.	libro 2. par. 16. &	52.
19.	18.	li. 1. pa. 15. 17. et 43. et	
		Append. parall.	1.
20.	10.	libro 1. parall.	73.
26.	11.	libro 2. parall.	47.

## NUMERORUM.

11.	29.	Append. parall.	3.
14. per totum		libro 2. parall.	36. &
		Append. parall.	15.
15.	30.	libro 3. pagina	305.
17. per totum		libro 2. parall.	37.
20. per totum		libro 2. parall.	36.
21. per totum		libro 1. parall.	66. &
		libro 2. parall.	37.
22. per totum		Append. parall.	12.
25. per totum		libro 2. parall.	37.
28.	9.	libro 1. parall.	22.

## DEUTERONOMII.

6.	5.	libro 1. parall.	43.
	13.	libro 1. parall.	13.
	16.	libro 1. parall.	12.
8.	3.	libro 1. parall.	10.
18.	15.	libro 1. parall.	89.
19.	15.	lib. 1. par. 32. & 74. &	
		libro 2. parall.	50. &
		libro 3. pagina	305.
	18.	libro 1. parall.	72.
21.	23.	libro 2. parall.	52.
24.	1.	libro 1. parall.	15.
25.	4.	libro 2. parall.	35.
	5.	libro 1. parall.	41.
27.	26.	libro 2. parall.	52.
30.	11.	libro 2. parall.	16.
32.	21.	libro 2. parall.	19.
	35.	libro 2. parall.	24. &
		libro 3. pagina	306.
	43.	libro 2. parall.	27.
33.	2.	libro 1. parall.	92.

## J O S U A E.

1.	5.	libro 3. pagina	339.
2. per totum		Append. parall.	2.
6. per totum		libro 3. pagina	317.
24.	32.	libro 1. parall.	92.

Caput, Versus.

## I. SAMUELIS.

21.	6.	libro 1. parall.	22.
-----	----	------------------	-----

## I. REGUM.

3.	13.	libro 1. parall.	16.
17. per totum		Append. parall.	5.
	6.	libro 1. parall.	62.
18. per totum		Append. parall.	5.
19. 10. & 14.		libro 2. parall.	20.

## II. REGUM.

1.	12.	libro 1. parall.	63.
5.	14.	libro 1. parall.	62.

## I. CHRONICORUM.

1.	34.	libro 1. parall.	1.
2.	1.	libro 1. parall.	1.
3.	5.	libro 1. parall.	2.
	17.	libro 1. paral. 3. &	60.
22.	13.	libro 3. pagina	209.

## J O B I.

5.	13.	libro 2. parall.	32.
42.	12.	Append. parall.	4.

## PSALMORUM.

2.	1.	libro 1. parall.	91.
	7.	libro 1. parall.	95. &
		libro 3. pa. 209. &	240.
5.	10.	libro 2. parall.	4.
8.	3.	libro 1. parall.	39.
	5.	libro 3. pagina	214.
	7.	libro 2. parall.	40.
10.	7.	libro 2. parall.	4.
14.	1.	libro 2. parall.	4.
16.	8.	libro 1. par. 88. &	95.
18.	3.	libro 3. pagina	218.
20.		libro 2. parall.	27.
19.	5.	libro 2. parall.	19.
22.	19.	libro 1. parall.	49.
	23.	libro 3. pagina	218.
24.	1.	libro 2. parall.	38.
32.	1.	libro 2. parall.	6.
			35. 19.

# I N D E X.

Caput.	Versus.	
35.	19.	libro 1. parall. 81.
36.	2.	libro 2. parall. 4.
40.	7.	libro 3. pagina 295.
41.	10.	libro 1. parall. 80.
44.	23.	libro 2. parall. 8.
45.	7.	libro 3. pagina 211.
51.	6.	libro 2. parall. 3.
68.	18.	libro 1. parall. 91.
	19.	libro 2. parall. 56.
69.	10.	libro 1. parall. 65. &
		libro 2. parall. 26.
	22.	libro 1. parall. 84.
	23.	libro 2. parall. 22.
	26.	libro 1. parall. 86.
78.	22.	libro 1. parall. 26.
	24.	libro 1. parall. 69.
82.	6.	libro 1. parall. 77.
91.	12.	libro 1. parall. 11.
94.	11.	libro 2. parall. 32.
95.	7.	libro 3. pagina 228.
97.	7.	libro 3. pagina 209.
102.	26.	libro 3. pagina 211.
104.	4.	libro 3. pagina 211.
109.	8.	libro 1. parall. 86.
110.	1.	libro 1. parall. 54. &
		libro 2. parall. 39. &
		libro 3. pagina 213.
	4.	libro 1. parall. 78. &
		lib. 3. pag. 240. & 260
112.	9.	libro 2. parall. 49.
116.	10.	libro 2. parall. 45.
117.	1.	libro 2. parall. 27.
118.	6.	libro 3. pagina 339.
	20.	libro 1. parall. 76.
	92.	libro 1. parall. 40.
	25.	libro 1. parall. 37.
132.	17.	libro 1. parall. 54.
140.	4.	libro 2. parall. 4.

## PROVERBIORUM.

3.	11.	libro 3. pagina 330.
	34.	Append. parall. 3.
26.	11.	Append. parall. 13.

## E S A I AE.

1.	9.	libro 2. parall. 14.
6.	9.	libro 1. parall. 25. &
		libro 2. parall. 21.

## Caput. Versus.

7.	14.	libro 1. parall. 4.
8.	14.	libro 1. parall. 58.
	19.	libro 3. pagina 218.
9.	1.	libro 1. parall. 14. & 55
10.	22.	libro 2. parall. 14.
11.	1.	libro 1. parall. 8.
	10.	libro 2. parall. 27.
	13.	libro 2. parall. 41.
	8.	libro 2. parall. 43.
25.	16.	libro 2. parall. 15.
28.	10.	libro 2. parall. 21.
29.	13.	libro 1. parall. 28.
	14.	libro 2. parall. 29.
35.	5.	libro 1. parall. 29.
40.	3.	libro 1. parall. 59.
	6.	Append. parall. 7.
42.	1.	libro 1. parall. 23.
45.	23.	libro 2. parall. 25.
49.	1.	libro 1. parall. 57.
	6.	libro 1. parall. 96.
	8.	libro 2. parall. 46.
	7.	libro 2. parall. 17.
52.	11.	libro 2. parall. 47.
	15.	libro 2. parall. 28.
53.	1.	libro 1. parall. 79. &
		libro 2. parall. 18.
	4.	libro 1. parall. 19.
	7.	libro 1. parall. 93.
	12.	libro 1. parall. 53.
54.	1.	libro 2. parall. 54.
55.	1.	libro 1. parall. 71.
	3.	libro 1. parall. 95.
56.	7.	libro 1. parall. 38.
58.	11.	libro 1. parall. 71.
59.	7.	libro 2. parall. 4.
	20.	libro 2. parall. 23.
60.	1.	libro 2. parall. 57.
	31.	libro 1. parall. 8.
61.	1.	libro 1. parall. 61.
64.	8.	libro 2. parall. 31.
65.	1.	libro 2. parall. 19.
	17.	Append. parall. 14.
66.	1.	libro 1. parall. 92.

## JEREMIAE.

7.	11.	libro 1. parall. 38.
9.	24.	libro 2. parall. 30.
31.	11.	libro 2. parall. 47.
	15.	libro 1. parall. 7.
	31.	libro 3. p. 266. & 295.

## EZECHI.



# I N D E X.

Caput. Versus.

## EZECHIELIS.

36. 23. libro 2. parall. 2.

## DANIELIS.

9. 27. libro 1. parall. 45.

## O S E AE.

1. 10. libro 2. parall. 13.

2. 23. libro 2. parall. 13.

6. 6. libro 1. par. 20. & 22.

11. 1. libro 1. parall. 6.

13. 14. libro 2. parall. 43.

## J O E L I S.

2. 18. libro 1. parall. 87.

## A M O S.

5. 25. libro 1. parall. 92.

9. 11. libro 1. parall. 97.

## J O N AE.

1. 17. libro 1. parall. 24.

Caput. Versus.

## M I C H E AE.

5. 1. libro 1. parall. 5.

## H A B A K U K.

1. 5. libro 1. parall. 95.

2. 4. libro 2. par. 1. & 52 &

libro 3. pagina 310.

3. 3. libro 1. parall. 92.

## A G G AE I.

2. 6. libro 3. pagina 337.

## Z A C H A R I AE.

3. 1. Append. parall. 16.

6. 12. libro 1. parall. 8.

9. 9. libro 1. parall. 36.

11. 12. libro 1. parall. 48.

12. 10. libro 1. parall. 85.

13. 7. libro 1. parall. 47.

## M A L A C H I AE.

1. 2. libro 2. parall. 10.

3. 1. libro 1. parall. 50.


20. libro 1. parall. 55.

23. libro 1. parall. 31.

Ad Lectorem.

**A**tria Dedalii (Cretis quod dicitur) antri  
Irremeabilibus structa fuere dolis :  
Unicus Ægides ducentia fila sequutus  
Gnossiadis, fallax inde relegit iter.  
At majore latent ambage Palatia sacra,  
Et mage perplexum est Relligionis iter.  
Quilibet Icariis hac atria nixus ut ausis  
Detegere, implicito substituit usque pede.  
En quid ages? num fila tibi Minoia nectes,  
Possis hos felix ire redire sinus?  
Quin capito hoc linum, quo janua Relligionis  
Sponte patet, sacras hoc retegente fores.  
Federa quicquid habent diverso syrmate sacra,  
De quibus est doctis lis dubiumque viris :  
En tibi legitima scripto brevitate libello  
JUNIVS incertum contulit omne caput.  
Hac tibi monstrabit cacos Ariadna meatus,  
Ne dubio teneas tramite, LECTOR, iter.

JOH. POLYANDER. M.



# SACRORVM

## PARALLELORVM

### LOCORVM

#### LIBER PRIMVS.

#### PARALLELUS PRIMUS.

1. Chron. 1.

34 Genuit ergo Abraham Isaacum: filius verò Isaaci, Esau & Israël.

1. Chron. 2.

1 Filii Israël, Ruben, Simeon, Levi, & Juda, Issacar, & Zabulon,

2 Dan, Joseph, & Benjamin, Nephthal, Gad, & Aser.

4 Thamar verò nurus Jude peperit illi Pharezum & Zaram.

5 Fili Pharez, Efron & Chamul.

6 Fili Efronis, qui editi sunt ei, Jerameel, & Ram, & Celubai.

10 Ram verò genuit Aminadabum, & Aminadab genuit Naassonem principem filiorum Jude.

11 Naasson autem genuit Salmon, & Salmon genuit Boazum.

12 Et Boaz genuit Obedum, & Obed genuit Jesse.

13 Jesse autem genuit primogenitum suum Eliabum, & Abinadabum secundum, & Simeam tertium.

14 Nathanaëlem quartum, Radaium quintum.

15 Ozemum sextum, Davidem septimum.

Matth. 1.

2 Abraham genuit Isaacum, Isaac autem genuit Jacobum.

Jacob autem genuit Judam & fratres ejus.

3 Judas autem genuit Pharezum & Zaram e Thamar.

Pharez autem genuit Esromum, Esrom autem genuit Aramum,

4 Aram autem genuit Aminadabum, Aminadab autem genuit Naassonem.

Naasson autem genuit Salmonem.

5 Salmon autem genuit Boozum e Rachaba, Booz autem genuit Obedum e Ruth, Obed autem genuit Jesse.

6 Jesse autem genuit Davidem Regem.

**I**N recensio[n]e sancti hujus generis tres classes temporum à Matthæo statuuntur, ex quaternis denis capitibus vel personis singulæ. Prima classis, ab Abrahamo ad Davidem usque prore[n]ditur; & tessaradecadem patrum complectitur qui fide in Christum amplexari Prophetarum promissiones, coluerunt terrenam hæreditatem, & ceremonias, legemque universam Dei, antequam regnum tribui Jehudæ promissum exhiberetur



## PARALLELORUM

exhiberetur in domo Davidis. Secunda classis à Davide Rege (ut de indultoria Matthæus nominat) ad Jeconiam pertinet; exponitque eorum tessaradecadem, quibus præter attributam majoribus prophetiam sacerdotumque legitimam, fuit quoque regnum per Dei gratiam in domo Davidis exhibitum, velut pignus certissimum, typus alpe&abilis, & particula quædam regni spiritualis Christi. Tertia denique majores Josephi à Jeconia ad Christum usque ordine pertexit, qui amplissimis prophetiarum monumentis freti acquieverant per fidem in minutis sacerdotii sancti & angustissimis præcedentis regni reliquiis; itaque sustentati fide, in expectatione Christi, usque ad illam temporum plenitudinem qua advenit Christus, permanferunt. Atque hanc distributionem in trium Parallelorum dispositione sequuti sumus. Comparamus autem ea quæ 1. Chron. primo & secundo cap. scripta sunt cum Matthæi verbis: tum quia utriusque compendium est genealogicum ex historia Testamenti veteris collectum, tum quia ad finem eundem respiciunt. Nam quemadmodum volebat Ezras revertenti Ecclesiæ summam descriptionem illius gentis consignare, cujus promissiones erant, tabulæ federis, lex, prophetia, sacerdotium, regnum, & cuncta promissionum pignora; ut ad Jesum Christum, tanquam ad corpus eorum, prospiceret: Sic etiam Evangeligraphus eandem genealogiam ad Zorobabelem usque persequens, pios ad noticiam præsentis Christi, perceptionemque vocat, demonstrata in eo rerum antea dictarum veritate; nominatim verò generis illius cui fuerant promissiones factæ. Ratio in Parallelo sequente commodius explicabitur. In hac porro locorum comparatione & toto diagrammate singulis membris optimè inter se convenit: nisi fortè alicui dubitationem moverit, quòd uno loco Israël & Ram, altero Jacob & Aram nominantur: fuit verò uterque binominis. Ac Jacobo quidem Israël nomen vel potius agnomen à Deo fuit impositum, quemadmodum narrat Moyses Genes. 32.28. & 35.10. Ram verò & Aram nomen est unicum, si rem ipsam spectes: sed hoc Aegyptiorum Syronumque est, illud Hebræorum proprium. Cætera plane sunt eadem: quamobrem ad alia properabimus.

## PARALLELUS II.

1. Chron. 3.

5 Hæ autem eduxi sunt Davidi Hic-  
rosolyma, Simeas, & Sobab, & Na-  
shan, & Solomo: quatuor Bathsue  
filie Ammiels.

10 Filius autem Solomonis Robo-  
am, Abia filius ejus, Asa filius ejus,  
Josaphat filius ejus,

11 Joram filius ejus, Achazra filius  
ejus, Joas filius ejus,

12 Amazias filius ejus, Azarias fi-  
lius ejus, Joatham filius ejus,

13 Achaz filius ejus, Ezekias filius  
ejus, Manasse filius ejus,

Matth. 1.

6 David autem Rex genuit So-  
lomonem, ex ea quæ fuerat uxor  
Urir.

7 Solomon autem genuit Robo-  
am, Roboam autem genuit A-  
biam, Abia autem genuit Asam,

8 Asa autem genuit Josaphatum,  
Josaphat autem genuit Joramum,  
Joram autem genuit Oziam.

9 Ozias autem genuit Joatha-  
mum, Joatham autem genuit A-  
chazum, Achaz autem genuit E-  
zekiam,

14 Amnon

14 *Ammon filius ejus, Josias filius ejus,*

15 *Filii autem Josiæ primogenitus Jochanan, secundus Joakim, tertius Sedechias, quartus Sallum :*

16 *Et filii Joakimi, Jeconias filius ejus, Sedechias filius ejus.*

10 Ezekias autem genuit Manasse, Manasses autem genuit Ammonem, Ammon autem genuit Josiam,

11 Josias autem genuit Jeconiam & fratres ejus, qui fuerunt tempore deportationis Babylo-nicæ.

**I**N utraque hac narratione finis proximus est, ut regni Davidici continuatio proponatur in Ecclesia Dei: summus, ut ex hac continuati-  
one ostendatur successionem regni tandem ad Christum pervenisse, in quo positum est omnium promissionum Dei complementum; quo-  
rum finium priorem Ezras attingit maximè, ad posteriorem verò Mat-  
thæus in hac recensione properavit. Itaq; status communis est & sum-  
ma utriusque loci, regnum quod antè Davidi putè fuit attributum, etsi  
translatum est à Schelomonis gente ad Nathanis posteros (ut ipso-  
rum ostendit Lucas) tamen in domo Davidis perstitisse. Quibus ex  
rebus conficitur Christum, qui secundum carnem natus est ex Maria  
virgine filia Davidis, à natura esse filium Davidis & Abrahami, ex jure  
etiam temporali heredem, & ex veritate atque complemento Regem  
sempiternum Demonstrantur ita cum ex narrationis utriusque forma,  
tum ex aliorum scripturæ locorum comparatione. Nam etsi utrobique  
series gentis illius, ex qua Christus secundum carnem natus est, ex-  
ponitur: id tamen verba utroque in loco commonstrant evidentissimè,  
nempe magis hic legitima successione in regnum, quàm naturalis ge-  
nituræ rationem fuisse habitam. Quapropter apud Ezram Sedechias  
propterea filius Jeconie vers. 16, appellatur, quia huic successit in reg-  
num, cum tamen naturæ ordine patruus hujus esset. apud Mattheum  
verò omittuntur tum 8. versu, tum etiam 2. sequentibus, Regum quorundā  
nomina, quæ ex *ἐν τῷ* Ezræ loco faciliè suppleri possunt. Quæ no-  
mina his de causis omittia fuisse judicamus: primum quòd Mattheus ad  
scopum illum summum (ut antè diximus) de Christo demonstrando pro-  
peraret: secundò, quòd genealogiam hanc omnibus etiam imperitis  
videret esse cognitam, aut certè in omnium oculis ex quam plurimis &  
evidentibus scripture locis expositam: postremò autem quòd certum  
numerus capitum ex æquo in classes singulas referendum putaret, ut  
memoriæ piorum esset adjumento; quod consilium ipse attingit, dicens,  
*Universe igitur progenies ab Abrahamo ad Davidem usque sunt progenies  
quatuordecim,* &c. vers. 17. Mutationes autem quæ in hunc locum inci-  
dunt, non sunt ejusmodi, ut dubitationem gravem commovere possint.  
Nam primum si ad propria nomina respiciamus, idem est Ozias & A-  
zarias: fuit enim binominis, & sic utroque nomine in uno & eodem ca-  
pite appellatur sæpius, 2. Reg. 15. Cetera inter se conveniunt, si hoc tan-  
tùm animadvertitis: propria Hebræorum nomina ad linguas externas  
migrantia plerumque corrumpi unius literæ aut syllabæ permutatione.  
Restant dubitationes quædam, quas hoc loco eximi paucis necesse est.  
Prima est, quid sibi velit, quòd Sedechias filius Jeconie appellatur.  
Resp. Jeconie filium non fuisse ullum, qui regnum ab ipso obtinue-  
rit, ostendunt hæc verba Jerem. 22. 30. *Sic ait Jehova, scribite virum  
istum carentem liberis fore, virum non prosperaturum in diebus suis,* &c.

## PARALLELORUM

Proinde filius naturalis hujus Sedechias verè non potest appellari, aut ullus alius: ut Ambrosius in Lucam optimè colligit. Filium ergò Sedechiam dici oportuit, aut adoptione, aut successione in locum filii. Adoptione filius esse non potuit, cum patruus fuerit Jechonia, eoque senior: sequitur ergò propter successionem in jus regni Sedechiam in Chronicis Jechonia filium appellari. Secunda quaestio est, quomodo

<sup>2</sup> Jofias genuisse Jechoniam & fratres ejus a Matthæo dictus sit, cum hic Jechonias fratribus siue germanis siue uterinis caruerit. Resp. Jofias

*Salomon vero dicitur  
Pater Jofias. Hic Jofias  
comitatus est Jechoniam  
in captivitatem. Hic Jofias  
fuit frater Jechoniam  
& Jechoniam fuit frater  
Jofias. Hic Jofias fuit  
frater Jechoniam.*

tanquam avus nepotem mediante patre, Jechoniam gignere dicitur.

Genuit enim Jofias, Jojachimum, Jojachim verò Jechoniam; cujus fratres non leguntur quidem germani extitisse, sed intelliguntur patruus atque agnati ex Jofia Rege descendentes. Sic enim fratrum appellatione propinqui omnes & sanguine juncti notari solent: ut Gen. 13. 8.

& 20. 12. & 29. 15. & Sedechias ipse, Jechonia frater, quamvis patruus esset, appellatur 2. Chron. 36. 10. Tertia quaestio est, cur illi à Jofia dicantur geniti in deportatione Babylonica. Resp. Solvitur hæc quaestio

commoda loci hujus apud Matthæum interpretatione, si Ἰωσίας δὲ ἐχθρὸν ἔσται Ἰσραὴλ ὁ γέννησεν τὸν Ἰεχονίαν & τοὺς ἀδελφούς αὐτοῦ, τὰς ἐν τῇ μετακινήσει βαλὺλάντος, hoc est, Jofias genuit Jechoniam & fratres ejus, qui fuerunt sub tempore transportationis Babylonicae. Nam hæc ellipsi recepta (est autem apud autores probatos quosque, & in Testamento novo frequentissima) neque Jofias eo tempore genuisse dicitur, qui jam diu obierat: neque fratres Jechonia in deportatione vixisse dicuntur, cum omnes agnati ejus essent vita functi: sed tantum eo tempore dicuntur posteriores Jofia extitisse, quo cœpit misera illa in Babyloniam deportatio; quod veritate historiarum in libris Regum & Chronicorum ostenditur.

## PARALLELUS III.

1. Chron. 3.

17 Filius verò Jechonia captivi, Salathiel filius ejus:

18 Et hujus Malciram, & Pedaja &c.

19 Filius verò Pedaja, Zorobabel, & Semei.

Matthæi 1.

12 Post deportationem verò Babylonica Jechonias genuit Salathielem, Salathiel autem genuit Zorobabelem.

**Q**Uæ de fine & summa utriusque loci apud Esram & Matthæum, in præcedente parallelo à nobis dicta sunt, ea communi jure ad hunc quoque locum pertinent. In accommodatione verò videntur hi autores duo planè inter se consentire, si hoc exceperis: quòd Ezras Zorobabelem filium Pedajæ fuisse dicit, Matthæus verò à Salathiele genitum. Utrumque autem verum est ea ratione quam antè ostendimus. Nam Zorobabel fuit Pedajæ filius, & Salathielis nepos, & e proinde ab utroque genitus, à patre quidem in gradu proximo, ab avo autem Salathiele mediatè in secundo gradu. Quanquam id certissimum est, nusquam nisi in hoc Chronicorum loco à sacris scriptoribus Zorobabelem filium Pedajæ appellari, sed ubique Salathielis; quod eò factum esse ab Ezra & Haggæo Propheta judicamus, quia hæc ratio fuit per illud tempus expeditissima, qua assereretur σωτήριος justa Zorobabelis



Zorobabelis in regnum successio per Salathielem avum, & primaria dignitas penes gentem illius ex confessione omnium permaneret. quā rationem eo diligentius Matthæus observavit, quod ei cum numero generationum conveniret, quem memoriæ juvandæ causa statuerat. Ac mutatio quidem in his duobus locis nulla videtur esse, quæ dubitationem legenti afferat. Sed una quæstio oboritur ex Lucæ comparatione cap. 3. ubi Salathiel non Jechoniæ, sed Neri ex Nathane filius appellatur. Responsio est, Utramq; enunciationem veram esse, sed unam propriè dici, alteram figuratè. Propriam enunciationem hic dicimus, qua pater vel filius appellatur qui pater vel filius à natura est, secundum generationem quam vocant naturalem: figuratam verò, qua pater vel filius appellatur, qui non secundum naturam pater vel filius est, sed qui secundum jus in locum venit patris vel filii, arrogatione, adoptione vel subrogatione legitima. Secundum propriam illam significationem *Salathiel filius Neri à Luca appellatur, qui filius fuit Malchi, filii Addæ, &c.* ex posteris Nathanis filii Davidis, ut eo loco recenset Lucas. Secundum verò figuratam illam enunciationem, Zorobabel dicitur Salathielis filius, vel Salathiel Zorobabelem genuisse: quia filius Salathielis est, non natus, sed (ut ita dicamus) filiatus, non generatione naturæ, sed fictione & representatione juris. Hæc autem fictio sive representatio utrū à Jechonia per arrogationem vel adoptionem facta sit; an verò vigore (ut loquuntur) perpetuæ legis ad regnum pertinentis, minimè laboramus: tū quia hoc disertè scripturis sacris explicari non meminimus, tū quia satis est, ut legitima probetur surrogatio, quod eo tempore intercidit tota Schelomonis proles, ac proinde successio in regnum & quasi filiatio ad Nathanis posteros translata est, ut non obscurè indicat Zacharias 12. 12. In his autem Nathanis posteris penes Salathielem principatus fuit: à quo ad Zorobabelem devenerat, quum Judæi edicto Cyri patriam suam repeterent.

## PARALLELUS IIII.

Esai. 7.

14 Ecce virgo quedam concipiet  
parietque filium, & vocabis nomen  
ejus Emmanuel.

Matthæi 1.

23 Ecce virgo illa uterum feret  
& pariet filium, vocabuntque no-  
men ejus Emmanuel; quod est  
si interpreteris, nobiscum Deus.

**H**Ujus utriusque loci finis quidem in speciem diversus est: sed tamen re ipsa convenientiam inter se maximam habent illi, vel potius unum sunt sine & argumento. Nam finis utrobique communis est, ut pii certissimam habeant notam, ex qua filium Dei, Immanuelem nostrum, ab hominibus cæteris queant dignoscere inde à conceptu & ortu ipsius secundum carnem. Alioqui non est negandum hunc eundem finem toti humano generi propositum aliis ad offensionem & ruinam esse, aliis ad salutem & resurrectionem, Luc. 2. 34. & prædicationem illius his esse odorem mortis ad mortem, illis verò odorem vitæ ad vitam, 1. Cor. 2. 16. Quapropter etiam peculiaris quidam finis in utroque loco proximè objectus videtur esse. Nam apud Isaiam videtur hoc signum quasi exprobrari in os Regi Achaz & familiæ ejus, ut amplificetur perfidiæ vel infidelitatis illorum indignitas, quod tam



certis & singularibus Dei promissionibus non acquiescerent; ac proinde obfignari familiæ illius condemnatio. Apud Matthæum verò finis proximus quàm plurimum ab illo disludet. Nam pertinuit ad confirmandum sive Iosephum, sive Ecclesiam totam de veritate promissionum Dei & jam jam adveniente illarum complemento. Itaque summa vel argumentum est (ut duobus versibus antè angelus pronuntiaverat) virginem Mariam Davidis filiam concepisse ex Sp. Sancto, & parituram esse filium Immanuelem nostrum, qui liberaturus sit populum suum ex peccatis ipsius: quod Dei veritas olim prædixerat. Ac in re quidem atque accommodatione nihil difficultatis est, cum æquè verbis atque rebus ipsis inter se conveniat. Unum in verbis discrimen videtur esse, quod Hebræum verbum in plerisque exemplaribus plurali numero redditur, *Et vocabunt*, pro eo quod est, & vocabitur; pro ut Hebræorum idiotismum exponi necesse est, & optimè exponit Arabs. Atque hunc in modum pleraque antiquitas legisse videtur, Iustinus Martyr in Trypho. Chrysostomus Homilia 12. in Joannem, Epiphanius in Anchorato, Augustinus lib. 1. De consensu Evangelistarum & alii. Esaias verò voce ambigua utitur generis quidem faminini, sed quæ tamen tam secundæ quàm tertiæ personæ aptari potest; quomodo Hieronymus accepit ad Pammachium scribens, & quàm plurima ejus formæ verba in eam sententiam afferri possunt. Itaque sive legere placuerit, *Et vocabis nomen ejus*, quasi oratione ad virginem conversa, sive *Et vocabit*, quasi perpetuo narrationis cōtextu sine ulla mutatione personæ; non magni interest: quemadmodum etiam in medio relinquimus utrū potius *καλίστεις*, vel *καλίσυσι*, vel *καλίσει* legas ex veterum exemplarium fide. Nam utcunque legas, idem semper est argumentum. Hic verò quæstiones duæ oriri possunt. Una, cujus verba illa dicantur esse: utrū Evangelistæ, an verò Angelis. Altera, utrū propriè & necessariò, nec ne, designetur virgo Hebrææ vocis appellatione. Ad priorem quod attinet, plerique omnes putaverunt Matthæi orationem esse versu 22. & 23. qua oratione demonstrare Ecclesiæ voluerit revelationem Angeli cum revelatione Prophetæ jam olim facta eandem esse, & quasi antiquam illam predicationem cum præsentē complemento ab Evangelistâ conjungi. Sed tamen (quod bona omnium pace dixerim) hi duo versus videntur mihi ad orationem Angeli pertinere. Quæ res ut meliùs intelligatur, opus est observari totam Angeli orationem, & occasionem illius. occasio fuit, quòd Iosephus vir justus voluerit Mariam, ut erat gravida, dimittere: hoc consilium oppugnat Angelus oratione sua, quæ tota in dissuadendo versatur. In hac oratione partes pronuntur duæ, propositio, & confirmatio, binis versibus. In propositione vers. 20. & 21. insunt *βελὴ καὶ αἰτίον*, consilium & causa illius. In confirmatione autem vers. 22. & 23. autoritas verbi divini adducitur. Totam hanc orationem præmunnit Angelus blanda Iosephi appellatione, *Ioseph fili David*: quo exordio animus illius ad docilitatem & fidem cōparatur. Consilii autem, quod Iosepho proponit Angelus, hæc sententia est; quòd tu, Ioseph, alienam uxorem non vis attingere, quòd puellam honestam aliena fortè (ut suspicaris) culpa gravidatam non vis traducere, justè id quidem, atque humanitèr; sed ne metuas: hæc uxor tua, non aliena est, non gravidata suo aut alterius vitio, sed Dei beneficio; hæc justitiam illam tuam temperari oportet fide & promissionibus Dei jam olim domui Davidis factis, cum tu filius illaq; filia Davidis sis. Cōsilio subnectuntur

subnectuntur causæ : Prima à lege matrimonii, Nam *uxor: tua est ex facto & sponsaliorum jure* : Secunda, à graviditatis effectuore, Nam *quod in ea genitum est, ex Sp. sancto est* : Tertia, à conditione scetus, *Pariet autem filium, &c. vers. 21.* Hic certè opus habuit pius ille Joseph cõfirmatione, si quisquam alius: & quamvis non parum ad confirmationem facere videretur conspectus Angeli, tamen potuit scrupulus iste animum Josephi incescere, quomodo Deus hoc promissum semen traditurus esset: quem scrupulum ab ipsa quoque virgine Maria prolatum fuisse legimus Luc. 1. 34. Hanc ergo dubitationem Angelus diluit secunda orationis parte; confirmans non esse hoc inauditum, aut alienum à piis mentibus, sed potiùs tum de persona, officio, & beneficiis Messie fuisse prophetata quæcunque antè dixerat, tum de hoc ipso divino conceptionis & generationis modo. Hæ causæ me impellunt ut auctoritatem hanc prophetæ ab Angelo putem adductam esse. Alteram quæstionem Judæi commoverunt, affirmantes nomen Hebræum propriè non significare virginem; quin potiùs eo in loco de uxore Prophetæ accipi oportere. Ad utrumque paucis respondemus, hoc modo: Hebræam vocem propriè denotare puellam virginem, ostendit non solum illius etymon, verum etiam omnium Scripturæ locorum comparatio. Etymon: nam nomen *Halma* ducitur à verbo *Halam*, quod est abscondere, quia significatur puella quæ sub aliena potestate custodiâque delitescit, neque in conspectum virorum facillè prodire solet: quemadmodum constat priscis illis & pudicissimis leculis virgines ita fuisse habitas, ac ne ipso quidem nuptiarum die in publicum retectas processisse. Quo ex more factum est, ut qui dies sequebatur nuptias, etiam apud Græcos, non admodum bonos pudicitiz custodes, dies *ἀνακαλυπτηρίου* vel *ἐπαναλαίου* dicitur: eodemque modo *παρθένον* Græcis fuisse dictam Tzerzes in Hesiodum testis est. Locorum verò comparatio omninò à nobis facit. Nullus enim in sacris scripturis exstat, qui vel in speciem aliter quàm de virgine explicari possit; si unum acceperis, de quo triumphat Judæorum impietas Proverb. 30. 9. Scortum impudens, aiunt illi, à Solomone appellatur *Halma*: non est igitur *Halma* (ut putatis) virgo. Respondeo, Et vir nequam interdù appellatur bonus, sed *εὐγενικὸς*. Nam res omnes in scriptura ex vulgi usu duobus modis appellari solent: aliæ quidem *ἀληθινῶς ἢ κατὰ τὴν ῥέσιν ἀληθῆς*, id est prout res ipsæ sunt ex veritate; siue propria, siue translata sint earum nomina: aliæ verò *ἐνδόξως* vel *δοξαστικῶς*, id est, ex opinione: siue quòd ita habeantur, quamvis non ita sint; siue *συγχαρητικῶς*, quòd ita haberi velint: quemadmodum idola gentium, magi, & gastrologi appellationem Deorum vel sapientum obtinent, cum nihil sint minus, quàm quod dicuntur esse. Eodem modo accipiendum est puellæ nomen in eo Proverbiorum loco: quod nemo Judæus aut ullus infensissimus Euangelicæ veritatis adversarius negaverit, si attendat ad Sapientis verba. Nam postquam dixit, *Tria ista occulta sunt à me, inò quatuor hæc non novi: viam aquilæ in calo, viam serpentis in rupe, viam navis in alto mari, & viam viri in virgine.* Si roges qua virgine obsecro, audiamus Solomonem ipsum hoc genus virginum explicantem sequente versu: *Ita est, inquit, via mulieris scortantis, comedit, deinde absterget os suum; tum dicis, non sum operata iniquitatem, id est, puella virgo sum, à viro intacta.* His certè verbis demonstrat Solomo evidentiissimè, eam à se nominatim perstringi, quæ se impudenter affirmat virginem, ac proinde humana opinione habetur virgo. Iniquè fit

igitur, quum figuratum loquendi genus adducitur, ut convellatur propria huius nominis significatio. Alterum argumentum, quod Iudæi afferunt, est, Hunc Esaia<sup>z</sup> versum de uxore ipsius accipi oportere. Id duabus rationibus sibi videntur confirmare: una, quod alienum videatur, signum tam remotum longoque intervallo eventurum ad rei paulo post futuræ confirmationem adhiberi: altera, quod de filio suo Searja sub propheta loquitur in eo capite, ac proinde verba hæc de matre illius prophetissa vel uxore prophetæ accipi oporteat, præsertim cum exister illius mentio 8. capite. Nos verò de uxore prophetæ accipi negamus oportere: ac propterea commentitias ipsorum rationes rationibus certis labefactabimus, & autoritate scripturæ. Dicunt igitur alienum esse, si longinquum signum ad rei propinquæ confirmationem adhibetur. Negamus, & absurdum esse, si quando ita fiat; & hoc loco ita factum esse. Non esse absurdum, si rei propinquæ longinquum adhibeatur signum, exempla scripturæ commonstrant quàm plurima. Signum calamitatis jam ingredientis prænunciatur in futurum sacerdoti Eli, 1. Sam. 2. 34. Signum Sedechiæ & Achabo Regi in futurum statuitur, 1. Reg. 22. 25. & 28. Similiter nuncio illi quem Ioram Rex Israëlitarum ad Elisæum ablegaverat, 2. Reg. 6. 35. Propheta quoque Jeremias futurum signum Judæis in Aegypto commorantibus prænunciat, Ierem. 41. 30. Denique, ne longiores simus, Deus ipse statuit eventa esse prophetiarum signa, Deut. 18. vers. 21. & sequente, quàm legem Jeremias Propheta sibi quoque dixit 28. cap. Vincimus ergo non esse alienum, si rei propinquæ aut præsentis signum in futurum trahitur. Ad alterum ut veniamus, non esse ita in hoc loco factum, demonstrat totus Prophetæ contextus evidentissimè. Non enim conceptio & nativitas Christi, ut signum proprium temporariæ illius liberationis quam prædicebat Esaia<sup>s</sup>, adducitur; sed Searja sub Esaia<sup>z</sup> Prophetæ filius singulare fuit ac proprium illius liberationis signum: quàm ob rem Deus mandaverat ut hunc Propheta secum ad Regem abduceret. Ut igitur rem planè & apertis verbis declaremus, duo signa ab Esaia in illo capite afferuntur: unum ad revincendam Achazi & Iudæorum infidelitatem pertinens, alterum ad promissum liberationis confirmandum. Ad evincendam & increpandam infidelitatem pertinet commune illud signum & promissio de Christo & servatore nostro. Ad confirmandam liberationem pertinet pueruli Searja sub pignatio. Prius signum versu 14. Esaia<sup>s</sup> pronuntiavit in hanc sententiam: Qua conscientia, ô Rex, promissionibus Dei potes diffidere? repudiare oblata signa? Deumque magis ac magis fatigare? nonne Deus inde à principio dedit Ecclesiæ signum de semine mulieris & filio virginis, in quo benevolentia ejus & fides nostra conquiescant, omnèque promissiones Dei sint etiam & amen ab æterno. Imò nonne vobis, ô domus Davidis, nominatim facta est illa promissio, ut ab ea in rebus communibus & singularibus pendeatis? Quod si hæc promissio non excitat fidem vestram, saltem infidelitatem ob signatura est, & Deus propter suam veritatem hanc liberationem præstiturus: sed ea lege, ut tua infidelitas tibi constet magno, pro ut sub finem capitis exponitur. Ad promissum liberationis confirmandum Esaia<sup>s</sup> statim subjicit 15. versu; Veruntamen ut noveris quàm securo sim animo de propinqua illa liberatione, en tibi charissimum pignus meum, Searja subum puerulum meum, hunc ego oppono pignori, & dedo atque addico tuo arbitratui, nisi hæc omnia quæ de salute populi nostri & Syrorum Israëlitarumque



rúmque clade prædiximus, brevi acciderint. Hanc prophetiæ seriem qui animadverterit, videbit falsum illud esse quod à Judæis objicitur; neque tam longinquam afferri, ut illi volunt, rei propinquæ significationem. Ex his quoque altera illorum ratio quasi ultro videtur corrui. Agitur, inquit, de Searjasudo Phrophete filio, ergò & de matre illius. Resp. Ex particulari universale minimè sequitur. si uno aut altero, pluribusve in versibus de illo agitur, continuò non conficitur id unum esse totius capitis argumentum. Præterea constat plura esse illius orationis, quam Esaías habuit, argumenta. Deinde verò, ut in hoc ipso argumento subsistamus, indignum fuerit à Propheta uxorem suam virginem, aut (si ita placet) puellam appellari, ut quæ jam liberos ex eo peperisset: sed illud profectò omnium indignissimum, quòd filio suo imposuisset nomen Immanuelis dicitur, qui postea 8. cap. tum promissæ terre Dominus appellatur veru 8. tum ea potentia & sapientia instructus dicitur, ut ipsius consilium & verbum effectum in supra alia omnia prædicetur veru 10. Postremo ut finem faciamus, ineptum est quod Judæi arguantur, hic agi de Prophete uxore, cum sequente capite existeret illius metio. Cum enim sequentium capitum prophetia ab hac diversa sit, & ad eam instrumenta alia Deus adhibuerit, ut vers. 1. & 2. disertis verbis enunciat, tam ridiculum est si ea ad hoc caput dixeris pertinere, quàm si hujus capitis circumstantias ad illud accommodaveris, quæ omnibus ferme modis sunt diversissimæ. Quæ cum ita sint, statuimus hunc versum neque de uxore Esaie, neque de filio accipi bona fide aut certa ratione posse; sed ad Jesum Christum Immanuelem nostrum propriè & singulariter pertinere, & nativitatem ejus ostendere, quam Matthæus cap. 1. enarravit.

## PARALLELVS V.

Micheæ. 5.

1. Tu autem Bethleem Ephrata,  
minima existens in ducibus Judæ;  
ex te mihi exibat qui sis dominator in  
Israële.

Matthæi. 2.

6 Tu autem Beth-leem terra  
Judæ, nequaquam minima es in  
ducibus Judæ: ex te enim exibat  
ductor qui pascet populum illum  
meum Israëlem.

Si Hiero' videtur. Euseb.  
gelia' Heb. ad Quidro  
car' esse hoc in loco &  
fructu' ad lib' b' a' m,  
quib' se m' m' m' m' m' m'  
Hæret. Jony' nec aff' m'  
fructu' Heb. ser. d' m' m'  
m' m' a' m' m' m' m' m'.

**C**um hic primum nobis offeratur locus, ubi mutatio insignis est; antequam de re ipsa dicimus, aliquid nobis universè de mutationum causis dicendum est, quæ in Testamento Novo acciderunt. Mutationum aliz à personis sermocinantibus factæ sunt, aliz à scriptoribus ipsis. Quæcunque autem mutationes à sermocinantibus personis factæ sunt, eæ aut ex incuria fiunt dicentium, aut certo consilio. Ex incuria, veluti si quid ex mente excidit, si quid perparum, aut nihil fortasse ad eam rem attinet de qua agitur, aut si quid narratur aliena fide. Certo autem consilio, ut si cujus instituitur imitatio, si ad doctrinam personis, rebus, temporibus ii qui dicunt accommodant sermonem suum (ut sit plurimùm) amplius, minus, idem, pluribus, paucioribus, iisdem aut aliis vocibus exprimentes, aut si denique malitiosè torquetur alienus sermo. Has autem mutationes à personis sermocinantibus factas boni quique authores & fideles historici servant diligentissimè, propter legitimam narrationum suarum veritatem, cujus veritatis inter

narran-

Ad. 17. 11.

narrandum exempla in Testamento vetere & novo extant quàmplurima. In hoc autem mutationum genere duas leges teneri à piis necesse est: una est probationum, quæ ex Testamento vetere hoc modo adducuntur, mutationes alias puras ab omni vitio & integras esse, ut sunt eæ, quæ ab Angelis, hominibûsque sanctis afferuntur: alias vitiofas & corruptas, ut sunt argumentationes Satane & Phariseorum, Mat. 4. & 5. Altera, iudicium prius debere adhibere quam fidem, ut probationes ejusmodi sanctè explorentur: quia omninò bruti hominis est, si quis testimonia & probationes à quovis homine prolatas temerè ac promiscuè amplectitur, nec scrutatur an res ita se habeat, ut Beræen-  
 sium exemplo ostendit Lucas. Quæ autem mutationes fiunt à scriptoribus authenticis, etsi ex iisdem causis, tamen duce Spiritu Dei fiunt; qui prout est liberrimus, eadem veritate semper & ubique *ἀναλλοτρίως* utitur, ac non iisdem verbis altringitur. Ex quo sequitur, primum harum probationum nullam vitiosam esse: deinde omninò illis haberi fidem oportere, & deponenda nobis esse iudicia nostra, ut acquiescamus divino verbo & Spiritus sancti testimonio. His ita constitutis, jam ad Parallelum hunc nostrum veniamus. Finis, quem spectabat Micheas, quum prophetiam hanc populo Dei traderet, hic (opinor) fuit, ut pias fidelium animas peccatorum exprobratione, severissimorumque Dei iudiciorum denunciatione consternatas, consolaretur promissione Evangelica de adventu Christi: & quia gravissima ac singularia iudicia prædicta fuerant, similiter singulari, certissimâque testificatione de Christo ipsos erigeret. Quam ad rem visum est Spiritui sancto maximè pertinere descriptionem planam & designationem loci illius in quo erat nasciturus Christus. Itaque summa prophetiæ hujus est, locum hunc natalem Christo providentia Dei fuisse destinatum; neque impedimento esse tenuitatem & ignobilitatem loci, quo minùs eo in loco oriatur Christus, nobilitaturus locum & Ecclesiam suam. Ad hunc finem non respexerunt Pharisei, quando in hunc modum confulenti Herodi respondebant: sed partem responsionis suæ sic temperaverunt, ut quæstioni Herodis satisfacerent, partemque adjecerunt sive mutaverunt iudicio suo, quam tempori putabant convenire. Itaque duo in hunc locum iudicio meo, opus est observari: Unum, mutationem hanc non esse ab Evangelista profectam, sed à Scribis Termocinantibus: Alterum, hunc Scribarum sermonem hic à Matthæo nostro exponi fide historica, ut eo amplius demonstraret, ne in summis quidem illis tenebris lucem defuisse Judæorum genti, ex qua Christum Dominum & Regem suum fuissent agnitari, nisi malitiosa cæcitas ipsorum mentes occupasset. Nunc verò tempus est, ut mutationes singulas perpendamus. Primum, pro *Bethlehem Ephrata*, illi *Bethlehem terram Jude* appellarunt. Virumque verò idem est, & positum *στραγγέλης*: quia fuit Bethlehem alterum in Zabulonitarum sorte. Jos. 19. 15. Sed hoc fuit in illo tempore evidentius, & fortè etiam vehementius ad percellendam Tyranni mentem, quum nomen Judæ in aures illius intonerent. Secundo pro eo quod Micheas dixit, *minima existens in ducibus Jude*, dixerunt illi, *nequaquam minima es in ducibus Jude*, respicientes (credo) ad beatissimum illud tempus quo Herodem affici videbant Messie commemoratione: tanquam si dixissent, fuisse quidem Bethlehem minimam in ducibus Judæ præcis temporibus; sed hoc sæo tempore, quum tota tribus Judæ propemodum extincta esset,  
 non

## LIBER PRIMUS.

II

non amplius minimam Bethlehem esse, sed amplitudine & gloria cum aliis comparandam propter Christum alumnum suum. Atque hanc mutationem existimo factam ab illis esse, argumento illius loci Esa. 60. 22. *Parvulus erit in millenos, & minimus in gentem numerosam, &c.* Postrema mutatio est, quod illorum verborum loco, *ex te mihi exibat qui sit dominator in Israël*, substituerunt ista, *Ex te enim exibat duxtor, qui pascet populum meum Israël*. Sed omnia eodem recidunt. Nam Dominatores & Duces pro iisdem accipiuntur, & utrique ex scripturæ usu pastores populi, ut Græcis ποιμένες λαών, quam plurimis in locis appellantur. Si cui tamen placuerit hanc loquutionem non solum ex communi usu, verum etiam ex singulari aliquo scripturæ loco depromptam esse; per me licet, ut hæc verba ad locum Ezechielis 34. 23. aut consimilem alterum referantur. Sic ergo optima est membrorum omnium inter se convenientia.

## PARALLELUS VI.

Hoseæ 11.

1 *Quia puer Israël est, cuiusque diligo; ideo ex AEgypto vocavi filium meum.*

Matth. 2.

15 *Jesus fuit in AEgypto, usque ad obitum Herodis; ut impleretur quod ait Dominus per Prophetam dicens, Ex AEgypto vocavi filium meum.*

**E**T si, prout vulgò recepta in hunc Oseæ prophetæ locum se habet interpretatio, finis longè alius videtur esse, quam qui à Matthæo cap. 2. exponitur: cum tamen nobis Matthæi verba quodammodo injiciant manum, ut de fine, summâque, & accommodatione utriusque loci paulo aliter sentiamus; cum bona omnium piorum venia, aliquid hoc loco præfari necesse est, cum ad hujus loci, tum ad consimilium multorum intelligentiam, antequàm singularem hujus paralleli instituamus explicationem. Totius autem prætationis nostræ argumentum futurum est de scripturæ allegoriis, & anagogica earum declaratione; quibus explicatis, speciatim de hoc loco dicturi sumus. Orthodoxi Patres, quatuor scripturæ exponendæ modos esse tradiderunt, historiam, *αιτιολογίαν, αναλογίαν, & ἀλληγορίαν*. Historiam, quum res divinitus aut humanitus gesta & in rerum natura quandoque versata enarratur. Aetiologiam, quum dictorum aut factorum redduntur causas: Analogiam, quum Testamenti veteris & Novi congruentia demonstratur: Allegoriam denique, quum figuratè dicta intelliguntur. Atque hæc quidem distributio vera est, ac non inutilis Scripturæ sacræ interpretationi: sed quia & paulo brevius ad evidentiam tradi potest, & à multis in abusum maximum traducitur, rem semel altius repetemus, ut commodior aliqua aperiatur via ad scripturæ sacræ intelligentiam. Quicquid ergò alteri ab altero explicari potest, explicatur aut rebus, aut verbis. Si quando res aliæ significandis aliis adhibentur, appellantur typi, de quibus suo loco (si Deus volet) agemus postea. Sin autem adhibentur verba significandis rebus, eorum duplex est ratio. Nam verbum unum est naturale, quod nos cum Augustino effatum aut sermonem dicimus: alterum artificiosum, quod in inscriptione plurimum versatur. Hæc duo sunt ordinaria signa eorū omnium, quæ homo homini significare

*August. lib. de Genesi ad liter. imperfect. cap. 2. & lib. de utilitate cred. ad Honoraz. ca. 3.*



significare potest. Horum verò formæ sunt duæ: alia enim simplicia sunt, id est, eorum quæ significantur propria; alia figurata, id est, picta & colorata quodammodo simplicium signorum signa. Simplicia sunt quæcunque Creatoris, rerumve creaturarum facta, dicta, & causas eorum explicant nudis verbis, propriis, & puris: quo in genere sunt historiæ ad facta, dictaque tam vera, quam falsa; & Aetiologiæ, ad causas rationemque iusti & iniusti pertinentes. Figurata, sunt allegoriæ. Horum verò omnium (sive propria, ut sunt historiæ & ætiologiæ; sive figurata sint, ut allegoriæ) tractandorum commune instrumentum est Analogia. Quare nos primum de Analogia, velut communi omnium & necessario ad exponendum res & signa rerum instrumento, dicturi sumus: postea verò de signis ad sacram scripturam pertinentibus.

Analogiam esse aliquam constat ex rebus, factis, dictis, iusto, iniusto, & eorum signis. Nam & Deus ipse quicquid præstat, sibi convenienter facit, dicit, probat, improbat, atque significat; & Angeli quoque ac homines pro modulo suo: Denique omnes creaturæ præstant eadem *analogiam* aut convenienter sibi, id est (ut loquuntur vulgò) proportionaliter. Est autem Analogia sive proportio, rei unius ad aliquid relatæ comparatio sive convenientia, universæ, aut ex parte solum. Ejus genera sunt tria: Nam aut rei unius ad seipsam est analogia, aut rei unius ad alteram, aut rei ad signum. Rei ad seipsam analogia est, si cuius personæ, rei, facti, dicti, iusti, iniusti, aut signi comparisonem institueris, sive totius cum toto pro circumstantiarum mutabilitate, sive totius cum parte sua aliqua: puta si aut totum mutari, aut partem ejus cum toto comparatam maiorem, minorem, æqualem, inæqualem, parem, imparem, similem, dissimilem, convenientem aut alienam esse ostenderis. Sic Christum in forma servi exinanitum esse; ita convenire Christo cum Ecclesia, ut capiti cum corpore; facta, dictaque ipsius suis principiis, mediis, aut eventis omnino respondere; cæsuram aut circumcisionem optimè cum præputio Judeorum; eadem cum sanguine in sacrificiis cõjunctam esse dicimus. Sic (ut ad res magis communes & cognitatas in vulgo veniamus) videmus cicadæ alis grandioribus esse & minore corpore, Struthiocamelum pennis rarioribus & corpore graviore, Leonem pilo dissimili, ciliis brevioribus, & sexcenta alia. Rei unius ad alteram est analogia; ut si Moysen cum Christo, verus Testamentum cum Novo, facta, dicta, scriptaque Prophetarum cum factis, dictis, & scriptis Evangelistarum & Apostolorum, jus rei unius cum pari alterius, circumcisionem cum Baptismo, pascha cum Cœna Domini, sacrificia veteris federis cum sacrificio Novi, illas ceremonias cum his, scripturam illam cum hac comparabimus. Rei verò & signi analogia est omnium evidentissima. Nam sive oculis percipiantur signa, ut sunt ceremoniæ in prisca Ecclesia multiplices, in nostra paucissimæ; sive auribus hauriantur, ut prædicatum verbum; sive utroque modo animadvertantur simul, ut ex tonitru & coruscatione fulgur intelligitur, sive alia quacunque via; analogiam signis ad res suas adesse nemo negaverit. Ad consequendam autem rationem Analogiæ pertinent omnes circumstantiæ: in primis verò temporum, quorum notatio intelligendis scripturis est utilissima. Nam Deo visum est sedus & promissiones suas quasi per gradus dispensare, earumque progressum cum progressu temporis paulatim exhibere; quemadmodum si lucem è longinquo paulatim appropinquantem videris. Itaque

ab Adam primum ad Abrahamum usque hæc ipsa federis promissionumque substantia, quæ ad electos omnes pertinet, obscurissimè fuit exposita; ab eo ad Mosem evidentiùs; ampliùs à Mose ad Davidem; luculentiùs à Davide ad transportationem Babylonicam; illustriùs à transportationis tempore ad Christum; à Christo verò luculentissimè ad secundum usque adventum ejus. Quapropter prisca illa tempora pueritiæ & adolescentiæ nomine donata sunt; his autem nostris juvenus & plenitudo temporum tribuitur, in qua perpetuò duratura sunt signa, donec adoleverimus in ætatem justam virilemque, & Christum plenè adepti simus. Atque hæc quidem universè de analogia. Nunc ad signa veniamus, quorum hæc simplicia; illa figurata esse ostendimus. Signa simplicia cum enunciata, tum etiam scripta (ut antè diximus) aut sunt historiæ, aut ætiologiæ. Historiæ in quæstione de vero & falso versantur. Cum autem verum & falsum exquisiri in historiâ soleat, primum de natura, deinde verò de operibus eorum quæ in rerum natura sunt; naturalem historiâ Scriptura sacra permisit Physicis plurimum atque Philosophis; eam verò quæ in dictis factisque versatur, quantum Ecclesiæ interest, verissimè & fidelissimè explicavit. Estque hujus generis duplex historia: una *ἱστορικὴ*, narrationem rerum antè gestarum & dictarum continens; cujus argumenti sunt libri Geneseos, Josue, Judicum, Samuelis, Regum, Chronicorum, Ezræ, Nehemiæ, Esther, Matthæi, Marci, Lucæ uterque. & Johannis. Altera *προφητικὴ* rerum post gerendarum, dicendarumque, prædicens promissa & minas Dei, denique res futuras & eventa rerum; cujusmodi sunt permulti Prophetarum libri. Aetiologiæ autem, id est, quæstionis de justo, atque injusto explicandæ rationem simplicem semper sibi constare, & unicam eandemque esse natura postulat: ex qua quod semel justum est, numquam injustum esse potest, vel contrà: quoniam justitia (ut optimè inquit Augustinus) ubique ac semper est eadem, non alibi alia, nec alias aliter. Hæc autem Aetiologia seorsim quidem verbis simplicibus ac nudis interdum exponitur, ut exodi 20. & sequentibus; itémque toto proverbiorum libro, & Epistolis sanctorum Apostolorum: Sed plerunque aliis etiam historicis intermixta viam ad promissiones Dei prædicandas & comminationes aperit; ac propterea plurimum cum prophetica & Evangelica historia conjungitur. Figurata porro signa rerum, ex rebus aut verbis constituta sunt. quæcunque autem in rebus sunt, typi; quæcunque verò in sermonibus aut scriptis versantur, sunt allegoriæ. Typos enim vocamus, expressas quasdam rebus imagines rerum; ut allegorias, rerum imagines expressas verbis. Typi autem & allegoriæ communiter historiis & ætiologiis possunt accidere: Historiis autem interdum quidem *ἱστορικῶς*, maximè verò *προφητικῶς*. Exempli causa; In narrativo historiarum genere sunt ista: Pascha typus fuit illius transitus, quo domos Israëlitarum notatas sanguine Angelus præterivit; panis fractus, acceptus, & manducatus typus est corporis Christi, quod pro nobis fractum est, & à nobis percipitur, manducaturque ad vitam æternam: vinum quoque typus est sanguinis effusi: & similia multa. In altero autem genere plenæ sunt typis & allegoriis pleræque Exodi, Levitici, Numerorum, Prophetarumque singulorum paginæ. Itidem Aetiologiis typi quoque & allegoriæ accidunt: quemadmodum obsequium singulorum Ecclesiæ membrorum ergà Deum,

alati

Li. 3. Confess.  
cap. 7.

alati Cherubini in tabernaculo Dei repræsentaverunt: communionem sanctorum inter se figurat ejusdem panis participatio; itemque Baptismi merito mortem, sepulturamque veteris hominis, & suscitationem novi. Atque hi quidem typi & allegoriæ olim frequentissimæ fuerunt & confertissimæ, quasi rudimenta prima legalis illius pædagogicæ. Evangelium verò paucioribus typis & allegoriis utitur; quia res non adumbratas ferè, sed ipsam typorum & allegoriarum corpus, veritatemque exponit & tradit simplicissimè, ut eam fide simplicissima amplectamur. Quamobrem non possum satis mirari audaciam illorum, quibus nihil omnino sapit, nisi quod typis legalibus, & allegoriis involvitur: qua ratione lux Evangelii non modo reflectitur, sed etiam obscuratur, corrumpiturque, & indignissimè tenebris commutatur. Deinde verò omnino probare in interpretando nequeo rationem illorum, qui, ut locos, ex Lege & Prophetis adductos in Testamento Novo cum Vetere concilient, non id ipsum agi; sed tantum alludi, aut allegoricè quædam desecti putant; tanquam si Evangelistæ & Apostoli, omisso legis Prophetarumque consilio, ludibundi sese typorum mandris induissent, aut in abyssum allegoriarum immerissent, majorumque suorum *διερμύτων* verba simpliciter enunciata ad tropos traduxissent. Id enim pro certo habeo, cum tota illa verus administratio pemodum ex typis & allegoriis fuerit constituta, hæc verò nostra contineatur simplicitate doctrinæ & ipsa rerum quæ docentur veritate nuda; priscos illos Patriarchas & Prophetas typicè & allegoricè, id est, obscurè gessisse & pronunciavisse quæ ad regnum Christi & doctrinam Evangelii pertinent: nunc autem eas res exprimi nobis atque exhiberi citra typorum & allegoriarum umbracula. Quam rem ut planius exponamus, axiomata quædam conficiemus ad hanc rem pertinentia.

Primum. Veterum typi aut ex personis constabant, puta Patriarchis, Judicibus, Regibus, Sacerdotibus, & Prophetis; aut ex rebus, ut tabernaculo, templo, arca, altaribus, ornamentis, & cæteris; aut denique ex factis, ut oblationibus, sacrificiis, primitiis, diluvio, transitu maris, & Jordanis fluvii, &c.

Secundum. Typi Ecclesiæ omnes à Deo sunt, sique sive instituti verbo, ut pumbra seu ceremonia; sive opere præstiti, ut vocatio & liberatio ex Aegypto, missio in possessionem terræ, &c.

Tertium. Idcirco autem typis à Deo datis in exponendo Christi regno Prophetæ usi sunt, quod omnia quæ de illo pronunciabantur aut erant spiritualia, aut longo demùm post intervallo eventura: quamobrem carnalem populum doceri oportuit res spirituales, futuræque, carnalibus documentis, id est, quæ notiora essent & propinquiora ipsis analogicè.

Quartum. Quinetiam Prophetæ ipsi divinitus inspirati mysterium illud Christi, quod omnibus ætatibus inde à seculo fuerat occultum, sic prædicaverunt, ut ipsi de illo (quemadmodum ait Petrus) inquirerent: adeò typicè atque figuratè cum Prophetis agebat Deus.

Cum itaque Deus omnia in Christo olim administraverit, pleræque verò typicè & allegoricè per servos suos enuntiaverit; mirandum non est, si Prophetæ suam illam Spartam, quam Deo autore nacti sunt, coluerint, & typis rerum gestarum vel communium usi sint ad regnum Christi exponendum. Typi autem, sunt quidam allegoriarum loci: quam-



quamobrem fuit quidem Moses typus Christi; sed Moses de Christo allegoricè loquutus est, & eum figuravit typicè: quod Apostoli non allegoricè, sed anagogicè ex veritate Christo accommodant. Similiter typus illius fuit David, ut fatentur omnes: at idem proloquutus est ea allegoricè, & gessit quædam typicè, quæ de Christi perfectionibus, morte, sepultura, resurrectione, & gloria illius Apostoli quàm simplicissimè prædicarunt. Solomo quoque, ut typus illius, allegoricè de illo cecinit: omnes denique Prophetæ allegoricè multa de Christo prædixerunt, quæ in Evangelio tandem *etiam israhel* completa fuisse legimus. Quin ipsæ leges à Deo latæ quamplurima allegoricè, non pauca typicè præsignificaverunt de Christo, quæ suis locis (si Deus volet) ostendemus. Sunt enim propriè testamenti veteris allegoriæ, & cognati earum typi; viriusque verò anagogæ & analyses, sunt testamenti novi. Fremunt quidem aduersus ista & oblatrabunt Pseudoiudæi: objicient nos liberius audaciusque Prophetarum locos in allegorias pertrahere; injuriam illis facere & toti Ecclesiæ, qui illorum scripta *anagogicè* fuisse confirmemus. Atqui nos, quamquam Prophetas interdum ænigmati, & typis, & allegoriis usos fuisse agnoscimus, non tamen continuò statuiamus aut Prophetias omnes esse ænigmaticas, aut vitiosa earum ænigmata. Primum enim dicimus non omnia esse ænigmatica: nam pleræque sive exempla rerum gestarum, sive regulas sanctissimas de iusto & iniusto apertis verbis exponi: ænigmatica ferè ea tantum esse, quæ de rebus aut spiritualibus, aut olim futuris prædicantur. Deinde ne omnes quidem prædictiones rerum futurarum aut spiritualium ænigmaticè putamus accipiendas, sed eas tantummodò quæ aut à veritate rei, in quæstione facti; aut à jure in quæstione iusti & iniusti discrepant. A veritate, cum rerum quæ in natura sunt, tum factorum eventorumque: ut quando Prophetæ dicit, *commorabitur lupus cum agno, & pardus cum hædo recubabit; vitulus etiam & juvenis leo ac pecus pingue una futura sunt, & puer parvulus ducentur ea, &c.* Item, *non erit illic leo & violenta ulla fera non conscendet eam, non est ad futura illic.* Item, *radice serpentis prodiit viperæ, etiam fructus illius præster volans:* & si qua sunt ejusmodi. A jure verò tum divinæ legis, bonorumque morum, tum etiam sanctæ fidei nostræ. Legis; ut quum Prophetæ Dominus imperat, *abi, & accipe tibi mulierem adulteram, &c.* Fidei autem, ut quum Prophetæ inquit, *Prodibit virgula e truncis succiso Jesse, & surculus de radicibus ejus efflorescet, super quo requiescet spiritus Jehovæ, &c.* Hæc enim qui allegoricè dici negaverit, negaverit Christum. Postremò tantum abest, ut typi ipsi & allegoriæ in vitiosis enunciationibus debeant numerari, ut omnibus contra piis jucundi sint, nobis utiles cognitæ, priscis necessarii usu ad suorum temporum rudimenta, quando sobriè adhibentur. Ne plura; Abraham ille filius Ezræ (quem Judæi uno ore dixerunt sapientissimum) in præfatione commentariorum ad Testamentum vetus, hæc de allegoristis disertè scribit: *Eorum via, inquit, tenebrosa est & caliginosa, imò verò toto celo errant, qui commiscuntur ex animo suo arcana singulis in rebus; quorum denique fides est hæc, leges ipsas, judiciæque esse ænigmata: neque oratione longa usus sum, ut respondeam eis, quia fallitur animus eorum, & verba eorum nihil habent commune cum aquo & bono. Tantummodò una in re sententia eorum bona est, quod omnis oratio & præceptum omne tam parvum quam magnum lancibus & libra ponderandum est mentis. Inest enim mentibus quedam notio à sapientia Dei sempiterni plantata. Quid*

*ubi locum Allegoriæ.*

Jes. 11. 6.

Jes. 35. 9.

Jes. 15. 2.

Hos. 1. 1.

Jes. 11. 1.



*si notio hominū non potest rem illam ferre, aut illares abolitura esset id, quod sensu nostro confirmatur evidentiſſimè in natura verum, tum demum quare sibi arcanum, &c. quæ ille piè & doctè scribit de luce, cum per naturam omnib. indita, tum insita per fidem animis credentium in verbum Dei. Ex his (opinor) satis constat, primùm frequentari in Testamento vetere typos & allegorias; deinde verò non fuisse Christum aut discipulos ipsius allegoristas in hoc argumento, sed veros allegoriarum ἀναγνώστας, sive ἀδελφούς; ideoque injuriam illis fieri, si veterum typos & allegorias novis allegoriis dicuntur obruere, & legis prophetarumque verba in usum istum detorquere, qui sunt iustissimi eorum interpretes. Quid ergò dixerit quispiam, an verò Testamentum novum carere affirmas typis & allegoriis? non id quidem planè, sed omninò tamen pauciores habet. Nam ex iis quæ antè dicta sunt, inter bonos, opinor, convenit, duo fuisse summa typorum & allegoriarum argumenta: unum, rerum spiritualium; alterum, futurarum: ad quas insinuandas commodè olim usurpabantur typi & allegoriæ; in illis, propter amplitudinem ipsarum; in his, propter longinquitatem temporum. Res autem spirituales (ut de illis dicamus priore loco) nobis sunt eadem; unus Deus, unus mediator federis, unum fedus, una fides, una spes, una communio sanctorum, & si qua sunt ejusmodi. Futuræ verò, ex parte consummatæ sunt, ubi Christus patefactus est, & Evangelium promulgatum; pars earum superest consummanda. Igitur, etsi bona pars earum, quæ spectabant personam Christi, jamque completa est; ac proinde non ita, ut olim, eget umbraculis: nunc tamen id etiam opus est, ut res spirituales & quæcunque de reliquo fuerunt eventuræ, exprimerentur certis quibusdam typis (ut fit in Baptismo, & sacra Cœna Domini) & adumbrarentur verborum allegoriis. Sic ea rudimentorum pars præterivit, quæ adumbrabat venturum Christum, & officia ipsius his diebus nostris ultimis exhibenda: pars verò in melius fuit commutata. Nondum enim ad virilitatem iustitiam pervenimus, cognoscimus ex parte, & prophetamus ex parte, cernimusque (ait Apostolus) velut per speculum, sive per ænigma, donec optatissimus Christi adventus illuxerit. Exempli gratia, Spiritualis est gloria, potentia, operatio Christi, &c. quas res, quamvis presentissimas, in hac tenuitate captus nostri nemo bonus non desiderat sibi humana ratione quadam adumbrari: hoc autem factum est in Apocalypsi Joannis luculentissimè. Spiritualis item est nostra communio cum Christo, & spiritualis nostri instauratio: Illam verò communionem similitudine capitis & corporis, aut vitis & palmitis comparatione, similiterque instauracionem, & regenerationis, & novi hominis appellatione commodè assequimur. Spiritualis quoque communio inter nos intercedit nobis qui credimus; hæc verò unius panis & unius poculi communicatione proponitur, & illustratur accommodatè ad hominum captum. Atque hanc rationem instituendis credentibus, & evincendis infidelibus esse apertissimam commonstrant illa verba Christi, Si terrena dixi vobis & non creditis; quomodo, si dixerò vobis celestia, credituri estis? Ioan. 3. 12. De futuris autem exempla exstant innumera; ex quibus id certò conficitur, ingrati esse animi, si parvi feceris; insani, si abjeceris typos & allegorias rerum futurarum: ut quum à Scripturis ventura Dei judicia in rebellem hunc mundum & in Antichristum ipsum prædicantur, quum secundus Christi adventus & gloria ejus figuratur, quum adumbratur ultimum iudicium illius, quum Ecclesiæ*

Catho.

Catholica dignitas & coelestis Jerusalem majestas exornatur, & alia ejusmodi, quae non mediocriter possunt humanas mentes efficere. Imò verò (ut paucis dicamus) hæ ipsæ res in hanc formam traditæ, nostrisq; mentibus & quasi oculis expositæ, delectant hominem, docent, permoventque maximè. Si quæ enim figura (ait Augustinus) non tantum de celo & de sideribus, sed etiam de inferiore creatura ducuntur ad dispensationem sacramentorum; hæc eloquentia quedam est doctrina salutaris movendo affectus discipulorum accommodata, à visibilibus ad invisibilia, à corporalibus ad spiritualia, à temporalibus ad æterna. Plus movent & accendunt amorem, quam si nudæ & sine ullis sacramentorum similitudinibus ponerentur: cuius rei causam difficile est ducere; sed tamen ita se habet, ut aliquid per allegoricam significationem intimatum plus moveat, plus delectet, plus honoretur, quam si verbis propriis duceretur apertissimè. Credo, inquit postea, quod ipse anime motus, quam diu rebus adhuc terrenis implicatur, pigrius inflammatur; si verò feratur ad similitudines corporales, & inde referatur ad spiritualia, quæ illis similitudinibus figurantur, ipso quasi transitu vegetatur, & tanquam in facula igni agitur, accenditur & ardentiori dilectione rapitur ad quietem. His ita constitutis ad præsentem locum veniamus.

Epist. 119. ad  
Januar. cap. 7.  
& 11.

Hosæ Prophetæ locum alii interpretantur historicè, & analogicè accommodant narrationi quæ Matthæus utitur: alii historici quidem interpretantur similiter, sed allegoricè seu typicè ad consilium Matthæi putant pertinere. Nam ut ætiologica in utrumque locum afferatur interpretatio, omnino impediunt omnia. Ego verò (quod bonæ omnium pace pervelim accipi) utrumque locum historicè intelligi statuo oportere; & quidem ad unam eandemque historiam pertinere, citra typum, allegoriam, aut analogiam. Nam unicus est utroque in loco finis, & summa eadem; utrumque verò ut commodius animadvertant omnes, brevis quædam totius Prophetiæ, quam Hosæ enunciat, habenda est delineatio. Primum duos typos ejusdem penè argumenti posuerat Hosæ, & exposuerat; ut peccatorum suorum gravitatem, Dei indignationem, & superventura judicia Israëliti agnoscerent, ac proinde seriò de resipiscencia cogitarent. Hos typos & duplex illud prophetiæ argumentum, inde à cap. 5. ad finem usque enarrat Propheta luculentissimè. Peccata quidem & judicia Dei severissima, ad eum usque locum enunciatis, ubi hæc verba sunt: *Ex Aegypto vocavi filium meum.* Resipiscenciam verò & causas, effecta, ac fructus consequentes illius exponens ab eodem loco, ad finem usque prophetiæ, id est, inde à cap. 11. ubi Propheta demum incipit ad verum Israël em convertere orationem suam; ut partim recordatione beneficiorum Dei, partim judiciorum asperitate, partimque misericordiarum divinæ argumentis erigat pios ad expectationem adventus Christi, in quo & per quem Deus prophetiarum suarum veritatem erat completurus. Quamobrem postquam 10. capite *μυράκων* justis & injustis omnibus communiter doctrinam exposuit resipiscencie, & sententiam tulit de excidio Israëlitarum à resipiscencia indicta abhorrentium; tandem reliquis spem facit salutis Deus in Christo Jesu; & quasi seipsum in principio 11. capituli corripseret, statuit electas reliquias ex incendio communi eripere propter filium suum. Hic ergo finis Hosæ fuit propositus, ut reliquias in expectatione salutis æternæ confirmaret. Summa verò, omnino reliquias servatum iri propter Jesum Christum, & in ipso: tum quia caput est ac primogenitus inter multos fratres, à quo

Colos. 1. 18.  
Rom. 8. 29.

in membra sua omnia derivatur vita & salus æterna : tùm quia filius dilectionis est, in quo amor Dei infinitus conquiescit, ut de plenitudine ejus hauriamus omnes, & gratiam veritatẽque (qua plenissimus est) in ipso consequamur. Hujus autem salutis principia non obscurè demonstratum iri, quo tempore Filius Dei à populo Judæorum contemtus & ab Herode infestatus ex Aegypto revocabitur, ut opus salutis promissum Ecclesię in Judęa præstet. Sic designavit Propheta, primùm quidem salutis fontem, & causas in eo abundantes, quum diceret *quia puer Israël est, & diligo eum* : signum verò apparentis, adventantis, & tanquam sese profundentis gratiæ exposuit illis verbis, *Ex Aegypto vocavi filium meum*. Nam perinde est, atque si dixisset Deus, quid ergo totumne Israëlẽ perditurus essem? non faciam propter Filium meum; nam cùm *puer Israël sit*, id est, primogenitus, sacerdotium æternum obiens (sic enim pueri Israël dicuntur Exodi 24. 5.) præterea cùm is Filius sit unigenitus, in quo anima mea conquiescit: quamvis Israëlitiæ sua improbitate ipsum è medio sui expulerint, & planè indigni sint quibus præstetur gratia, tamen propter electos, & ad salutem ipsorum, Filium meum electorum caput ex Aegypto vocaturus sum, qui ovibus Israëliti quę perierint, salutem afferat. Est itaque hæc propositio eadem planè, qua Christus utitur Joan. 3. 16. dicens. Ita Deus dilexit mundum, ut Filium suum unigenitum dederit, &c. ut cui hæc propositio ex æquo respondeat, Ita Deus dilexit Israëlẽ, ut filium suum ex Aegypto revocaverit, &c. Hunc autem finem Matthæo quoque fuisse propositum, ut quæ Deus prædixerat futura, demonstraret facta, res ipsa loquitur. Summam omnino eandem esse, expensis iis quæ modò diximus, pii (spero) judicaturi sunt, qui sine præjudicato fidelem animum ad utrumque locum adverterint. Restat ut primùm ea, quæ ad evertendam hanc interpretationem afferri videntur posse, ostendamus; deinde verò confutemus alias interpretationes.

Adversus hanc interpretationem duo in universum afferri possunt: unum est novitatis ratio, quòd omnes veteres & novi interpretes ne cogitavisse quidem de hoc interpretandi genere videantur: Alterum verò, adjunctorum ratio, antecedentium, & consequentium. De novitate respondebimus paucis: primùm non esse novum quod Propheta dixit, & Matthæus interpretatus est: secundò utcunque novum esse videatur, tamen quæcunque sunt vetera, fuisse nova, ac non propter eam novitatis nomine vitiosa; nisi fortè novum pro renovato & restituto acceperis; quo sensu novam esse hanc interpretationem agnoscimus; ut religio nova dicitur quæ singulari Dei beneficio fuit his temporibus à fermento vetere expurgata: Postremò, etiam res novas, quando sunt utiles, magis afficere animos nostros sua novitate; ac proinde nihil per se novitatis nomine daminari oportere. Adjuncta verò ut repugnent huic interpretationi, videre non possumus: Contra enim maximam habent convenientiam cum hac interpretatione nostra. Præcessit cap. 10. justissima Dei sententia de perdendis Israëlitis: Huic sententia quædam veluti correctio subjicitur ad sanctarum reliquiarum consolationem, cujus fundamentum est Christus, ut antè diximus. Ergò summa est cum rebus antecedentibus convenientia. Quid autem consequentibus fieri illis quoque optimè convenit cum propositione ista. Est enim in verbis sequentibus concessio, & quædam velut contentio forensis, ac disceptatio: qua Israëlitarum improbitatem vehementissimè Deus



Deus exaggerat, ut amplius deinde illustret suam misericordiam. quidni evocassem ex Aegypto filium meum? inquit Dominus, Nam aliqui fuisset actum de tota hac Israëlitarum gente: quæ, ut ut per Prophetas revocata fuerit, ad idola transfugit; utcumque me ipsum operibus demonstraverim, cæcutivit ultro, neque ductu aut curatione mea, neque amantissimis officiis, liberationibus, alimentis, administratione, flagellis denique edomari hæcenus potuit, nec dum oculos ad Deum supremum extulit. Quid ergo hic fuisset facturum aliud, quam ut filium meum peregrinè versantem reducerem? Nam quomodo se traditurus essem, Ephraim? &c. Ita sententia demum de salute piorum fertur, ac si repente Dominus ex gravissimo istarum contentionum æstu emergeret. Non faciam, inquit, &c. tanquam si diceret: attamen puer meus es, mihi charus, damnabilis quidem propter peccata tua, at servandus propter naturam, veritatem, sanctitatem & misericordiam meam in filio dilectionis meæ, quem vocavi ex Aegypto. Hanc genuinam esse loci intelligentiam ipsa orationis series attendentibus commonstrabit. Taceo ipsa Prophetæ verba, quorum & constructio & prosodia locum sic explicari postulant, ut principio fecimus; nec aliter commodè reddi possunt. Nam quod Hebræi quidam verba illa, *vocavi filium meum*, conati sunt aliter exponere; quia voci *filii* particulam esse præfixam animadvertabant; id malitiæ potius, quam imperitiæ argumentum est; cum hæc omnium frequentissima sit Hebræi illius verbi constructio, idque constantissima significatione. Hic verò obijciuntur aliæ accommodationes duæ; & maxime hoc argumento, Quod non videtur obesse, si hunc ipsum Prophetæ locum propriè liberationi olim per Moysen præstitæ accommodaveris. Eatum fons est interpretatio, quam Chaldaeus Paraphrastes attulit, Prophetam de liberatione Israëlitarum ex Aegypto agere. Hinc enim profecta sunt duo accommodationis genera: unum, typicum vel allegoricum; alterum, analogicum. Typicum seu allegoricum appellamus quum exitus Israëlitarum ex Aegypto hunc Christi exitum dicitur figurasse: Analogicum verò, cum ex liberatione populi, veluti corporis,eductio Christi veluti capitis, intelligenda proponitur. Piores accommodationem infirmam esse authores ipsi vel eo satis ostenderunt, quod singulis momentis arripiunt analogiam, ut stabiliant accommodationem suam. Quamobrem etsi everio altero accommodationis genere, hoc quoque infirmitate sua corrui; tamen pauca hic poscui sumus ad explanandum hunc locum & alios necessaria, ut constet hoc nulla ratione valida obtineri posse. Primum enim extra controversiam est, typos vel allegorias tum demum firmâ doctrinâ esse, quum in quæstione juris versantur, hoc est, si quando quæritur, utrum justum aut injustum aliquid dicatur esse. Quod si ad quæstionem facti pertinebunt, id est, si quærat utrum aliquid futurum sit, nec ne: tum inter typos distinguere oportere; quia typorum alii sunt dati sive imperati, alii verò facti. Qui dati vel imperati sunt à Deo, ii cum propriè ad rem adumbratam spectent, & perpetuam relationem ac necessariam habeant; omnino concludunt futurum id, cujus adumbrandi causa dati sunt; quia hi typi nihil sunt aliud, quam divinæ veritatis signa, qua in veritate est ineluctabilis quædam & absoluta necessitas. Quicunque verò typi fuerunt facti, neque ad certam aliquam significationem propriè & peculiariter destinati, in naturam exemplorum sequuntur. Quapropter



horum typorum documenta non sunt necessitatis, sed (ut loquuntur scholæ) potius contingentia: Itaque delectare & illustrare in docendo possunt, probare autem minimè. Est autem hic typus (ut typum demus appellari posse) non juris, sed facti; non datus aut imperatus, sed opere præstitus; non proprius, sed communis; cujusmodi sunt exempla omnia. Hic ergò probare non potest, si ita accipitur. Matthæus autem singulas fermè circumstantias, quæ in historia Christi obtigerunt, probare voluit instituta prædictionum Testamenti veteris cum eventis comparatione, ut ex complemento circumstantiarum omnium Jesum esse Christum ostenderet: quemadmodum capite 1. gentem & conceptum nativitatemque, secundo, locum ortus ex Prophetarum verbis demonstravit. Quæ cum ita sint, & neque justis typorum legibus, neque Matthæi instituto accommodatio ista respondeat, nunc de altera videamus. Analogicam esse accommodationem plerique omnes putaverunt, sumpta (ut videtur) ex similitudine capitis & corporis, analogia istius interpretationis. Hoc verò mihi quidem probari non potest, multis nominibus. Primum quia Matthæus non analogiam, sed historiam hoc loco tam refert historicè, quàm antecedentes regularat. Secundo, quia probabilius est id quod antè demonstravimus, Hoseam & de hac historia, & historicè prophetasse. Tertiò, si analogia est, aut est totius ad partem, aut partis ad totum, aut partis unius ad alteram: nam de analogia similium vel parium, quæ foris assumuntur, hic nulla est questio. Analogiam hic poni totius ad partem, nemo sanus dixerit; nam eodem jure oporteret omnia Ecclesiæ membra historicè, ac non figuratè ex Aegypto vocari. Neque eò magis cum ratione conveniet, si analogiam à parte ad totum hic poni dixeris, cum inter omnes conveniit qui hanc accommodationem tradiderunt, esse institutam populi & Christi comparisonem analogicam. Restat igitur, ut institui partium inter se analogiam concludamus. Hoc autem posito labitur ex sese tota accommodatio. Nam primum à parte una ad alteram confici non potest argumentatio, & statui analogia, præterquam in iis partibus quæ similes appellantur; caput autem & corpus similes inter se dici non possunt. Secundo, etsi inter partes ejusmodi analogica accommodatio poni videtur posse; tamen non est ea propriè partium, quatenus sunt partes, sed affectionum, quatenus hæ partes agunt in illis; ac proinde analogia est non respectu partium, sed respectu causarum effectorumque ex illis proficiscentium, & in has veluti immanentium.

Tertiò, neque verò omnes partium illarum in his operationes & affectiones omnino communes dicendæ sunt; sed eæ solùm, quæ communicationem habent inter se officiorum tam agentium, quàm patientium ex causis necessariis, liberis, ac non impeditis; cujusmodi sunt in natura quidem, à proprietatibus essentialibus singularum partium; in illo autem sanctissimo mysterio spiritualis nostræ communionis cum Christo, functiones illæ quas supra naturam ad salutem nostram instituit Deus; ac proinde contingentium eventuum nulla constitui potest analogia, nisi quatenus verbo Dei per Prophetas fuerunt prænunciata. Hæc autem neque propterea in effectum perducuntur, quòd prædicta fuerint; neque propterea fuerunt prædicta, quòd ea futura vidisset Deus: sed eò prædicta & gesta sunt, quòd ita Deus constituerit. Postremo, ut etiam id demus, quod rei veritas postulat, communes operationes

operationes & effecta non solum ad totum corpus, verum etiam ad membra singula permeare; tamen apud omnes constat, à particulari ad particulare non procedere argumentationem. Est enim particularis habenda Israëlitarum ex Aegypto liberatio in hoc argumentationis genere; prout analogiam partis unius ad alteram hoc loco statui oportere supra demonstravimus. Cum itaque non similiarium, sed dissimiliarium partium instituat hęc comparatio; neque effectuum & affectionum naturalium, sed contingentium; idque ex particulari, quo ex argumento nihil probari potest: Ferimus quidem æquo animo, ut similitudo aliqua in utraque narratione dicatur esse, quod & Israël olim, & Christus in plenitudine temporum ex Aegypto vocatus est; sed non propterea venturi sumus in eorum sententiam, qui hanc accommodationem accipiunt analogicè; tum quia aliam Prophetæ mentem fuisse judicamus, tum quia Matthæus religiosissimus testis & studiosissimus demonstrandi eas circumstantias quibus olim Christus fuerat designatus, hanc nobis aperuit interpretationis viam: quam religionis, ac non contentionis studio me insistere ut boni æquo animo ferant, officiosè & amanter peto, sine cujusquam invidia.

## PARALLELUS VII.

Jerem. 31.

15 *Vox in Rama audita est, lamentum & fletus multus amarissimus: Rachel deflet filios suos; noluit consolationem admittere de filiis suis, quia nullus superest.*

Matthæi 2.

18 *Vox in Rama audita est, lamentatio, & fletus, ejulatusq; multus: Rachel deflens filios suos, & noluit consolationem admittere, eo quod non sunt.*

**F**Inis in utroque loco unus & idem est; nempe ut certo aliquo insigni & luculento signo publicè ostenderetur, ac demonstraretur eum advenisse, in quo regnum Dei patefieri & complementum sortiri oportuit, instituta prædicatione Evangelii; atque hoc signum uterque convenienter narrat, Jeremias quidem futurum ostendens, Matthæus verò demonstrans factum. Summa igitur est, regnum Domini nostri Jesu Christi in hoc mundo infectum esse quàm plurimis calamitatibus, & filios regni per multas afflictiones in illud ingressuros esse; sed illud maximè singulare signum adventantis illius regni & primùm exorientis in persona Christi, Regis & Servatoris summi, à Deo significatum olim, & suo tempore completum esse, cujus signi indubitatum futurum esset testimonium. Nam etsi multæ & indignæ strages post hominum memoriam fuerunt editæ, nusquàm tamen legitur (ni si ne animus fallit) facinoris exemplum hujusmodi: quo soli parvuli, ne excepto quidem (si Macrobio credimus) Regis ipsius filio, contra jus & fas, in regione tota fuerint trucidati, sine quæstione ulla, ad tyranni unius voluntatem, & quidem agentis sub potestate alterius, in populo Dei. Quamobrem facilis est horum duorum locorum inter se accommodatio. Tantùm in verbis aliquid videtur esse discriminis; quia Matthæus Hebræum Prophetam non expressit verbum de verbo, aut eam interpretationem sequutus est, quæ hodiè Septuaginta vulgò appellatur; sed eam potius quæ per illud tempus obtinebat, nempe germanam (puto) Septuaginta illorum interpretationem. Hęc autem verbo-tenus inter

se differunt omnia: quandoquidem solius evidentiae causa, in translatione Graeca, facta fuisse nonnulla videtur mutatio. Nam primum quod Propheta dicit, *Lamentum, fletus amaritudinum*, clarius apud Matthaeum exprimitur, & explanatur Hebraismus his verbis, *Lamentum ac fletus, ejulatusque multus*, mutata illa videlicet hypallage Rhetorum (ut vocant) quae apud Hebraeos est frequentissima. Deinde, quod illa omituntur verba, *de filiis suis*; id tantum abest, ut Prophetae verbis vitium afferat, ut contra dignitati plurimum conferat haec interpretatio. Nam asseruit quidem Propheta quodammodo summam libertatem Spiritus sancti, qui ad emphasin & vehementiam apud Prophetam eandem voces inculcabat, ut rerum futurarum imaginem gravius in popularium suorum mentibus imprimeret: hic verò apud Matthaeum ad simplicitatem enarrationis instituta eadem verba missa fecit; quia satis fuit rem narratione simplice declarari, non autem patheticè exaggerari (quod verba illa pertinent) oportuit. Nam illa apud Prophetam flagitabat rei vehementia, quae apud Matthaeum evidentiae magis obfutura quam profutura fuissent. Postremò quod Propheta dicit syllepticè, *ed quod nullus eorum superest*, id ab Euangelographo plurali numero exprimitur; quia forma loquutionis est *אנאדם* & evidentior, quamvis eodem sensu. Atque haec omnia (ut antè diximus in Parallelum quintum) libertatem sancti Spiritus perspicuè asserunt, eadem quidem veritate semper utentis, at non iisdem verbis ex necessitate quadam perpetua. Hunc autem locum plerique decepti Judaeorum interpretationibus aliter accipiunt, quam prout nobis est Matthaeus author. Alii hunc locum torquent ad ablegationem Jeremiae Godoliam versus, de qua Jerem. 40. Hoc verè Judaei ipsi confutarunt. Alii ad clades quas Assyrii intulerunt, 2. Reg. 16. & seq. & 1. Chron. 5. Alii ad deportationem Israëlitarum in Assyriam: Alii ad singularem aliquam historiam, sed ejus nulla exstet (quae quidem huic prophetiae certò accommodari possit) in Testamento vetere mentio. videntur enim, si de illa calamitate universi Israëlitarum regni voluisset Propheta agere, neque fuisse opus tot circumstantiis singularibus, neque fuisse has circumstantias singulas ipsi historiae & rerum gestarum veritati responsuras. Nam primum Rama Benjaminis est; deinde est regni Judaici, non autem Israëliti: contra quam Judaei docent, Ramathajim, id est, ambas Ramas, quae in Ephraïmo sitae erant, cum Rama Benjaminis confundentes. Prætereà ne fortè objiciant Ramam fuisse alteram in tribu Naphthali, còsultò nominatur Rachel, quae Josephi solùm fuit & Benjaminis mater. Adhuc matres de filiis tantum in hac calamitate dicuntur luxisse: in illa omnes ordines Israëlitarum de omnibus fuerunt in luctu. Tum haec matres non de eo quod deportabantur filii, sed de eo quod non erant, affirmantur ejulasse. Postremò res futuras Propheta prænunciat toto illo capite: non autem narrat præteritas. Illa verò quae Judaei de sua deportatione fabulantur, jam antè nonaginta annos minimùm effluerant. De illorum autem interpretatione, qui particularem aliquam historiam, sed incompertam & incertam hic notari putant à Jeremia, non est cur dicamus pluribus. Nam certam, compertamque historiam nobis Matthaeus affert: quam historiam accommodationemq; nos certa fide amplecti satius est, quam in historiis incertis oberrare. Deinde quorsum incerta hujusmodi historia in elegantissimas prædictiones de regno Christi inserta esset? Nam propterea in alterum quoque scopulum

Jof. 18. 25.

Isa. 10. 11.

1. Sam. 1. 1.

Jof. 19. 36.



pulum impingitur, quum responderetur prophetias Jeremia promiscuè, & sine ordine, judicioque congestas esse; quod dictum nemo facile probaturus est, qui librum primò à Jeremia scriptum, deindè quum mandato Jojakimi Regis igni fuisset traditus, de integro perscriptum à Baruch fuisse meminerit, Jerem. 36. Restat igitur ut hanc Propheuiam ad designanda principia regni Christi, & quasi digito monstranda, dicamus pertinere; quò certè & antecedentia apud Jeremiam & consequentia omnia pertinent. Id autem tribus argumentis satis est confirmari: primùm ab adjunctis omnibus, de quibus modò dicebamus; secundò à natura loci; nam quid novi fuisset Propheta dicturus? & quorū ista inter Euangelicas promissiones adducturus? postremò à circumstantiis omnibus; quæ nusquàm alibi (ut antè diximus) quàm in hac ipsa Matthæi historia recognosci possunt, ut Matthæus exponit fidelissimè.

## PARALLELUS VIII.

Esaie 11.

1 *surculus e radicibus Jesse efflorescet.*

Esa. 60.

21 *ut surculus plantarum mearū opere manuum mearum gloriatur.*

Zachar. 6.

12 *Sic edixit Jehova exercituum dicere me, Ecce virum, cuius nomen est GERME, qui de loco suo progerminet, edificetque templum Jehovæ.*

Matthæi 2.

23 *habitavit in civitate quæ dicitur Nazareth, ut impleretur quod dictum est per Prophetas, quòd Nazoræus vocabitur.*

371 qd 72 radicis mephathi ianhi  
 hyl. sym. theod. qd 72 mephathi  
 vel mephathi. Chrysost. 46. g. fuit  
 hunc locum dicitur huiusmodi et alii dixerunt  
 hic in ista evangelia quodam aut  
 mephathi aut bello mephathi.

**E**tsi de fine & summa horum locorum, quos diximus inter se comparari oportere, facilis futura est explicatio; quia tamen variè cum harum appellationum, tum verborum Matthæi interpretationes & accommodationes ad hoc usque tempus prolatae sunt; id prius videndū est, ut de his duabus rebus certi aliquid statuamus, antequàm dicamus de singulari hujus loci interpretatione. Prius ergò de vocum homonymia, tum de multiplice explicatione dicturi sumus: His demùm positis, exposituri Matthæi verba. Nazaræorum appellatio apud Latinos tam est homonyma quàm quæ maximè: apud Græcos, minus; apud Hebræos & Syros, minimè. Animadvertimus enim quatuor esse in libris nostris Nazaræorum genera; ut Latini quidem authores hac voce communi denotant. Primum est eorum, qui legibus illis à Mose scriptis Num. 6. tenebantur: Secundum, eorum qui a Nazareth opido, Galilææ dicti sunt: Tertium, eorum qui pro autoritate interfecerunt, aboleveruntque Testamentum vetus: Quartum, eorum qui duo prima genera inter se confundentes, Christianos teneri docuerunt legalibus Testamenti veteris ceremoniis. Quorum primum genus est Veteris Testamenti; secundum, Novi; tertium verò & quartum, Historiæ Ecclesiasticæ.

Ad primum genus quod attinet, appellatur Hebræis *Nazir* in locis Scripturæ quàm plurimis; quam vocem Græci interpretes plerumque appellativè, interdum verò quasi propriè reddiderunt. Appellativè

Jud. 13. 5. & 7.  
& 16. 17. La-  
ment. 4. 7.

Euseb. l. 7. De-  
monst. Euang.

Nazianz. orat.

Funebri in Pa-

trein, & in Ba-

silium, & eip-

rius primo.

Epiphan. con-

tra Hæres. l. 1.

Tom. 2.

Act. 22. 23.

reddentes Septuaginta dixerunt *Ναζαρεθ*, id est, sanctum, sanctificantem, sanctificatum, aut glorificatum: pro-  
corum videlicet locorum, in quibus occurrit, ratione. Aquila *Ναζαρεθ*, id est, separatum: Symmachus verò *Ναζαρεθ*, id est, intactum sive illi-  
batum reddidit. Quasi propriè verò ubicunque expresserunt Græci  
(fecerunt autem, si bene observavimus, in quatuor omnino veteris Te-  
stamenti locis) *Ναζαρεθ* fuisse scriptum testantur Eusebius, Gregori-  
us Nazianzenus, & Epiphanius, quorum locorum tres hodierno die  
habent *Ναζαρεθ*, & ultimus *Ναζαρεθ*. Quamobrem Naziræos quo-  
que Latinis fuisse dictos minimè dubitaverim; postea ex affinitate vo-  
cum errorem in vulgus abiisse, & obtinuisse, ut Nazaræi pro Naziræis  
dicerentur. Etsi observandum illud est, nusquam in Testamento Novo  
hanc vocem exstare, quomodo cumque legeris: sed tantum periphra-  
sticè à Luca dici *τὸς υἱοῦ Ἰωάννου τοῦ ἐκ τῆς γαλιλαίας*: ne quis fortè hoc im-  
peritè cum secundo illo Nazaræorum genere confunderet. Hoc itaque  
primum Nazaræorum genus, discretionis causâ, in his Parallelis ad ori-  
ginem, scripturamque priscam revocaturi sumus, & Naziræos dicturi  
convenienter Hebrææ voci.

Secundum Nazaræorum genus non duxit à ceremonia (ut illud an-  
tecedens) appellationem suam, sed à proprio nomine loci, qui in Gali-  
læa est: prout cum hic ab Euangelista, tum locis aliis compluribus in  
Testamento Novo confirmatur. Ac in vetere quidem Testamento le-  
gi hoc nusquam meminimus; quia ne opiduli quidem ipsius certa sit  
nominatio, ex quo Nazaræi nomen habuerunt. Quod si disertè opidi  
illius nomen in contextu Hebræo minimè legitur, non continnò ta-  
men veterum tam Christianorum, quàm Judæorum repudianda est  
scriptura atque autoritas. Iudæi enim quique vetustissimi Nazaræos  
appellaverunt *Notzerim*, sive *Notzerim*: quam vocem ad nostra  
usque tempora retinent; Christiani verò ex eodem fonte vocaverunt,  
Syri *Notzerajae*, Arabes *Notzarajaun*: nempe ab opido quod Syre  
*Notzerath*, id est, Nazareth vulgo appellatur. Græci Evangelistæ sem-  
per distinctionis ergò scripserunt *Ναζαρεθ*, aut etiam *Ναζαρεθ*; li-  
teramque Tzadi, quia stridula est (inquit Hieronymus) suo more per  
simplex Zeta expresserunt, sed *Ναζαρεθ* aut *Ναζαρεθ* scripsisse  
non comperiuntur usquam. Latini verò modò, sine ullo discrimine,  
Nazaræos dixerunt; modò adhibita distinctione aliqua, Nazarenos.  
Sunt autem hæc omnia à Notzera, sive Notzerath, aut etiam Natze-  
rath, Syro vocabulo; Syrum verò ducitur ab Hebræo Netzer, quo  
significatur furculus è trunco succiso, atque intermortuo repullulans,  
& quasi asservato intus succo sobolescens, si appellativè placeat red-  
dere. Propriè verò nomen est illius opiduli, cujus situm in Galilæa de-  
scribit Lucas cap. 4. Atque hinc Christus *Ναζαρεθ* & *Ναζαρεθ* est  
denominatus, itémque per circumloquutionem dictus *ὁ υἱὸς τῆς γαλιλαίας*,  
ne quisquam præcedentes voces aliter posset exponere. Et Christia-  
ni quoque, ex professione fidei suæ in Jesum Christum Nazarenum,  
Nazaræi olim vocati sunt. Quapropter Hieronymus Latine scribens,  
etsi nulla litera distinxit à Nazoræis Naziræos, idem tamen in Isaiam  
apertis verbis ostendit peritos Hebræorum ita accipere, ut modò dixi-  
mus; & Syrum vocabulū Notzerath, tum scribens ad Marcellam, tum  
etiam alibi passim interpretatur florem Galilææ (sic enim reddit ubi-  
que Hebræum Netzer, accipiens florem pro efflorescente & pullulante  
germine)

Act. 24. 5.

germine) ut omnem dubitationis ansam eximeret hac sua interpretatione.

Tertium Nazaræorum genus, & origine, & scriptura differt à superioribus. Nam cum primum genus per zeta scribi oporteat, secundum verò per tz, qua litera carentes Græci id saltem curaverunt, ut discrimen in vocalibus poneretur: hoc tertium per simplex scribi necesse est, quemadmodum *ναζαρεῖς* per *σζ* scripsit Epiphanius, id est, (ut ipse interpretatur) *αφανς*, à verbo Syro Nefar, quod est rescindere atque abolere. Istitis enim ex eo nomen est inditum, quòd libros Moïsi & reliquam scripturam Testamenti veteris confictos fuisse confirmarent.

Ultimum genus eorum est, quos Eusebius inter Ebionæos, vel Ebionitas refert: alii verò separatim ab Ebionitis recensent in hæreticorum numero. Hi autem in Jesum Christum ita crediderunt, ut legalium ceremoniarum observationem simul cum Evangelio Christianis esse necessariam prædicarent; & factum illud, erroremque Petri, quò Antiochiæ lapsus est (quamvis palàm à Paulo reprehensum) pertinaciter defendentes, oppugnaverunt libertatē Ecclesiarum Christi. Quòd impium dogma quum Antiochiæ primum invaluerit, fortasse occasionem Antiochenæ Ecclesiæ dedit, ut viri boni se non ampliùs Nazaræos aut Nazarenos; sed Christianos potiùs appellarent. Ac postremum quidem hoc Nazaræorum genus (qui primi sive imperitia, sive malitia, fuerunt authores, ut Nazaræorum vel Nazarenorum appellatio cum Naziræis confunderetur, quemadmodum ritus & officia eorum confundebant) maximum habuit sententiæ suæ hyperaspistem defensorumque Symmachum, celebrem illum Testamenti veteris interpretem, qui ex hoc ipso Matthæi loco sic exagitavit Patres, & suos in isto errore ita confirmavit, ut iidem postea Symmachiani appellarentur, Augustino teste: quòd ipse quoque Eusebius his verbis innuit, καὶ τῶν νήματα δὲ τῷ Συμμάχῳ εἰσὶν πῶς εἴρηται ἐν οἷς δοκεῖ πρὸς τὸ καὶ Ματθαίου διπολεῖν ὁμοῦς ἱνα γένηται τὴν διδασκαλίαν αἰρεσὶν κρατούσιν. Hæc de quatuor illis Nazaræorum generibus satis: quorum postrema duo cum ad hunc locum minimè pertineant, sed historiæ sint Ecclesiasticæ (ut ante diximus) placet jam de superioribus illis duobus agere, & quid huic loco maximè conveniat expendere. Ex prima Nazaræorum forma, quos Naziræos dici propriè docuimus oportere, existit triplex interpretatio. Prima ortum habet à votivis illis & legalibus Naziræis, de quibus Num. 5. Secunda à Naziræis natis sive effectis divinitus; cujusmodi fuerunt Samson & Joannes Baptista: Tertia, ab utroque genere conjunctim petita est. Prima interpretatio est ejusmodi: quæ de votivis Naziræis in lege dicta sunt, ea quoque ad Christum anagogicè referri oportere. Hanc interpretationem si tam firmam certamque putarem esse quam prompta & facilis est, acciperem animo æquissimo: sed multa sunt impedimenta; scriptura, ritus, accommodatio, & alia ejusmodi. Nam in scribendi ratione, sive literas Hebræorum, aliorumque Orientalium spectes; sive Evangelistarum Græcorumque omnium; scriptura sanè ubique diversa est, ut antè demonstravimus. Quam rem quisquis non attendit, fallitur; & qui parvi æstimat, is mea sententiā ad rei veritatem non satis attendit. Ad ritum verò quòd attinet, cum Christus (ut ait Apostolus) fuerit factus sub lege, non potuit profectò legitimè, nisi post consummatam redemptionem, eximi ab illis Naziræatus ceremoniis

Epiph. l. 1. contra hæreses, tom. 1.

Euseb. li. 6. Histor. Ecclesiast. cap. 17.

August. li. 7. de baptismo contra Donat.

Epiphanius lib. 1. contra hæreses tom. 2.

Gal. 2. 11.

Act. 11. 26.

August. li. 19. contra Faustianum Manicheum cap. 4. & 18.

Gal. 4. 4.



I. Cor. II.

ceremoniis quas Lex imperabat, si fuit Naziræus: ac proinde non debuit Christus Jesus quicquam de vite attingere, non comam radere, non mortuum accedere: quas res singulas postremi illi Nazaræi, de quibus antè dicebamus, aut (si ita placet) Symmachiani ex hoc Matthæi loco voluerunt confirmare. Atqui de coma quidem, quod certò statuiam non habeo: quamvis ex verbis Pauli, & communi Judæorum usu Christum non aluisse eam verisimilius videatur. De vite autem & bibit ipse, & bibendum aliis ministravit, & Christianos in sacra cœna mandavit bibere: quod procul dubio, si Naziræus fuisset ex illo genere, minimè fecisset omnium. De mortuorum verò accessu & contactu, quid pluribus est opus? Plenæ sunt exemplis sacra Evangeliorum pagina. Postremò autem, si accommodationem spectes, Deus bone, quam multa desunt, ut ille Naziræorum ritus Christo Nazareno, & illa appellatio nomini opiduli proprio aptari possit! Quæ omnia ut evinceantur accuratissimè, tamen neque pios docebunt solidè, neque revincant impios. Etenim nullum hic probationis genus à rebus disparatis & minimè coherentibus futurum esset: neque verò exemplum simile ex Matthæo ullum afferri potest, studiofissimo in primis Evangelista Testamentum vetus cum Novo comparandi. Cum itaque neque ad probationem, neque ad illustrationem illud pertinere possit: non fuisse hoc sensu à Matthæo allata hæc verba statuiamus. Jam igitur videamus, utrùm melius sibi constare possit altera interpretatio. Secunda interpretatio huiusmodi est: quæ de Samfone, veluti indictivo & nato Naziræo Dei, jam olim dicta sunt, ea apud Sanctos Patres præfiguravisse veritatem completam in Christo, & anagogicè ad Christum pertinere; quod Matthæus hoc in loco indicavisse creditur. Ac mihi quidem, si unum aliquod istarum ceremoniarum genus ex huius loci interpretatione Christo accommodari oporteret, probabilius hoc videretur, indicti potius quàm legalis, & nativi quàm votivi Naziræatus typum attribui Christo: idque permultis nominibus, imprimis autem quia hic typus magis expressus est, quàm ille sit, & propinquior veritati Christi. Sed tamen multæ sunt rationes quæ hanc interpretationem evertunt, & planè me deterrent æquè ab hac, atque ab illa explanatione. Nam primùm diversa est scriptura: tum ceremoniæ à Christo nunquam observatæ: deinde difficilis accommodatio: præterea typus involutus; qui tamen nisi proprius est, & ad eam rem de qua agitur, destinatus, neque probat necessariò, neque ad illustrationem huius loci tantillum facit, ut in antecedente Parallelo modò ostendimus. Accedit etiam quinta causa, quam prudenter Hieronymus in hunc ipsum locum observavit, *Si fixum, inquit ille, exemplum de scripturis Matthæus posuisset, nunquam diceret, quod scriptum est per Prophetas: sed simpliciter, quod dictum est per Prophetam. Nunc autem pluraliter Prophetas vocans, ostendit se non verba de scripturis sumxisse, sed sensum.* Nemo autem Prophetarum ullam Samsonis mentionem facit, præterquàm author libri Judicum.

Sequitur ergò, ne hunc quidem Samsonis typum (quem tamen communem typum cum Joanne Baptista habuisset antè docuimus) his verbis à Matthæo accommodari Christo. Ac propterea, dixerit fortasse quispiam, tertia interpretatio videtur adhibenda esse; nempe ut ex utrisque Naziræis composita intelligatur hæc Christi appellatio. Audio illud quidem: sed tamen, bona omnium pace dixerim, quàm benè ad utrumque genus conjunctim referatur, neque ipse adhuc observare potui,

potui, neque ex illorum scriptis, qui ita senserunt, cognoscere. Nam exstant, fateor, communia in utroque Naziræatu quædam; ut sunt capillamentum, rerum vineaticarum abstinencia (de Lege enim ad mortuos pertinente nulla planè in Samsonis historia mentio) & si qua sunt ejusmodi. Sed illud votivum est; hoc inditivum sive imperatum: illud temporarium; hoc perpetuum: denique illud commune omnium volentium; hoc autem singulare. Quapropter inter hæc etsi aliquid commune est, suis tamen modis inter se differunt, nec satis commodè confunduntur, ut aptentur uni Christo Servatori nostro. Deinde, quis non videat superiores causas singulas ad hoc etiam genus interpretationis pertinere, & ipsum una eademque opera refellere? Nam sublatæ hæc utrâque specie, genus quoque oportet intercidere. Quæ cum ita sint, omnino statuo non agi hoc loco de ulla inter Naziræos ceremoniales & Christum Jesum, quæ Nazarenus est, convenientia: cujus specie olim Nazaræi illi vel Symmachiani turpiter decepti sunt. Hæc ita se habere videbat olim Hieronymus, ut iis verbis demonstravit quæ antè adduximus. Videbat etiam Chrysostomus: qui animadvertens scopulum inesse in hac interpretatione, in alterum maluit imprudens rueri, dicendo, *Quis igitur hoc asseruit Prophetarum? nequaquam scruteris ista; neque in rebus ejusmodi esto curiosus. Multa enim ex Prophetis perire monumenta, &c.* Et Theophylactus in eandem sententiâ, aut libros intercidisse respondet per Hebræorum incuriam, & perpetuum successum deportationum: aut ore tenus agraphis id olim fuisse à Judæis dictum. Ex iis quæ hucusq; a nobis dicta sunt, certo videtur certius, non respexisse Evangelistam ad priscos Naziræos legis, aut ad Samsonis typum, aut ad utrosque simul; sed aliunde potiùs aliquam interpretationem alteram conquirendam esse, quæ Matthæi verbis convenientiùs aptari possit. Quapropter summi viri olim & Hebrææ linguæ peritissimi (teste Hieronymo) verbis sancti Matthæi propiùs insistentes, abjecta illa de Naziræis interpretatione, alteram amplexati sunt; & Christum ab opido Nazareth appellatum fuisse Nazarenum non solum eventu, quem Matthæus narrat, verum etiam antecedentibus jam olim Prophetis statuerunt confirmari. Atque hanc illius interpretationem nunc quasi è pulvere excitaturi sumus, & quàm simplicissimè fieri poterit, Deo auctore, exponemus. Finis igitur est hujus loci, ut quem admodum Christus à gente, conceptione, ortu, & loco, tam civitatis quàm exulii, adjunctisque omnibus fuit in Ecclesia demonstratus: ita etiam a loco educationis, ubi vixit donec ad vocationem suam capeSSendam à Patre missus est, quasi digito indicetur, & cognoscatur in Ecclesia Dei.

Summa est, etiam a loco educationis, ubi Christus transegit vitæ suæ partem, confirmari posse Jesum esse Christum, quum in opido Nazareth fuerit educatus, quem locum Prophetæ jam olim ipsi assignaverant. Hæc omnia facilè bonos omnes confido mihi duros esse, si unum tantum exceperis: nempe quòd diximus hunc locum per Prophetas Christo ad educationem fuisse assignatum. Hoc si demonstremus, confecta erunt omnia. Verum id ut commodè possimus obtinere, ponendum est illud quod extra controversiam videtur esse, quædam à Prophetis clarè exprimi, quædam obscurè innui, & ænigmaticè. Nam ænigmata in lege aut Prophetis poni non magis est admirandû, quàm adhiberi typos aut allegorias, de quibus supra Parallelo septimo dicebamus.

Homil. 9 in  
Matth.

Lib. 15. de tri-  
mi. cap. 9. & in  
Psalms 48.

Esa. 11. 1.

Gen. 49. 10.

Esa. 7.

bamus : cum ænigma nihil sit aliud ( ut Augustinus loquitur ) quàm obscura Parabola seu allegoria , quæ difficilius intelligitur. Ex quo fit, ut non omnis parabola aut allegoria pro ænigmate habeatur; sed omne ænigma sit allegoria. Adhibetur autem hoc docendi genus duobus modis. Nam aut in rebus ea est obscuritas, quæ sine tropis nec tradi possit, nec percipi : aut ex consilio eorum qui dicunt, adhibentur tropi atque ænigmata, etiam in iis rebus, quæ postea quam declarata sunt maximam habent evidentiam; prout de typis & allegoriis antè dicebamus. Ac fuerunt quidem Prophetiæ de Christo & regno ipsius ænigmaticæ, tum propter obscuritatem rerum, tum propter longinquitatem temporum. Sed quoties certo consilio Deus ænigmaticè res obscuras exposuit per Prophetas suos, hoc verò & gratiam in dicendo docendòq; habet, & dignitatem maximam. Fuit autem hoc ipsum in singulis ferè prophetiis observatum, quibus persona Christi fuit adumbrata. Verbi gratia, in personis spectantur ista; genus, genitura, natio, sexus, educatio, habitus, animi constitutio, conditio, bona, conversatio, studia, res gestæ, nomen, mors, & si qua sunt ejusmodi. Hæc autem singula de Christo ænigmaticè, allegoricè, aut typicè Prophetæ enuntiaverunt. Genus ac tempus Patribus ænigmaticè, καὶ ὁμοιον proponebat Esaias dicens, *Prodiit virgula e truncis succiso Jesse* : quæ quidem verba jam non videntur nostris, sunt tamen fuerintque tempore suo ænigmatica. Similiter genitura, quàm est ænigmatica in boni illius patriarchæ Jacobi verbis ! *Non desinet sceptrum a Juda, neque Legislator a medio pedum ejus, usque dum ventura erunt secunde ejus*; nimirum Judæ, ut masculinum genus pronominis in Hebræo sermone ostendit. Sunt enim secundæ à natura non virorum, sed mulierum : is autem quem secundæ unæ progenuerunt, idque sine viro, Is unus est Christus, semen promissum mulieris. Quod ænigma succedente tempore Esaias commodissimè declaravit, dicens, *Ecce virgo concipiet, &c.* Quinetiam hodie no die hoc ipsum verè ænigma est, si quis Jesum Christum Dominum nostrum secundas viri vocaverit : Neque verò si tenemus alicujus dicti obscuri interpretationem, continuò ænigmaticum nihil inesse putandum est. Consimiliter autem multa de his aliisque rebus exstant ænigmata, cum alibi, tum per totum caput 53. Esa. ad personam Christi pertinentia, à quibus hoc loco brevitatis ergò supersedebimus. Eodem igitur jure eodémque modo hic à Propheta judicamus pariter attingi educationis locum, ut postea demonstrabimus. Sunt autem duo genera ænigmatum : unum majus, ut ita dicamus; quod totam sententiam complectitur, eamque obscurat vocibus compluribus : alterum minùs sive angustius; quod sententiam quidem integram obscurat, sed obscura vocis unius tantum aut alterius translatione. Illud Grammatici quidam simpliciter ænigma vocant, hoc verò *ὑποκείμενον* sive *ὑποκείμενον*. horum autem neutrum pro allegoria propriè haberi potest : quia obscuritatem aut in voce solùm, aut in sensu habet allegoria; ænigma verò in utroque simul. Ac posterioris quidem generis (hic enim de illo potissimum à nobis agitur) quod apud Hermogenem suo caret nomine, sex modos memini apud bonos auctores observari, nempe καὶ τὸ ὑποκείμενον, καὶ τὸ συνώνυμον, καὶ τὸ σύζυγον, ἢ παρόνομον; καὶ τὸ παρὰ χεῖρα, καὶ τὴν ἰσορίαν, καὶ καὶ τὴν γλῶσσαν. Et si autem horum modorum omnium exempla in scripturis exstant, hoc tamen in exponenda educatione Christi usurpari maximè oportuit, propter eam causam quæ postea dicturi



dicturissimus. Itaque statuimus Esaiam *ἰσχυρὸς* excoluisse alterum anigma illud, quod antè eodem versu posuerat. Dixerat enim fore, ut prodeat Christus è genere desolato Jesse & Davidis, tanquam virgula è succiso trunco ac penè intermortuo: deinde verò hoc ipsum anigma exornat *ἰσχυρὸς*, quum ait, eam fore virgulam Netzer, id est, surculum, aut Nazorzum, Nazarenum-ve, id est, surcularium, qui è radicibus Jesse efflorescat: quam paronymiam anigmaticam Zacharias *ἐν τῷ ὀνομαζόμενῳ* interpretabatur, dicens futurum ut efflorescat e loco suo; quem locū sedemve surculi, Hebræi Netzer, Syri Natzerath vel Notzerath appellarunt. Esto sanè, dixerit quispiam: at quibus in locis Prophetæ anigmatis & hypænigmatis fuerunt usi? Respondeo, in iis certè argumentis usi sunt, quæ aut per se naturæque rei obscura sunt, pro amplitudine ipsius & tenuitate capus nostri, aut circumstantiis, ut antè monuimus. Non enim *πυρρὸς ἐστὶν ὁ τοῦ ποταμοῦ* Deus, sed *τοῦ ποταμοῦ τὸ σκατοῦν*. Quid ita? hoc verò malim Hermogenis verbis, quàm meis ipsius exponere. Postquàm enim *ἡ δὲ δεινότης* cœpit agere, his verbis utitur, *Alterum verò præter hoc sive acumen, sive acronymiam dixeris, genus est acuminis, de quo est difficile statuere, utrum in dictione versetur, an verò in sensu: quia de toto non potest confirmari, inesse aut non inesse incertum. Nam consideratur quidem in dictione acumen illud vel acronymia; sed illa ipsa dictione que acumen habet, nihil per seipsum habet acuminis; si quis illam ab ea sententia, ubi est, subduxerit, aut ab aliis rebus que antè dictæ fuerint. Hoc autem non accidit aliis orationum formis: sed pura dictione ubiq; præva est, ut gravem sententiā per seipsum exprimat, quantum non precedat quæquam: & gravis quòq; dictione gravis est; quantum neq; sententiā gravem aliquis expresseit, neq; verbum ullum antè posuerit: & aliarum denique formarum orationum similiter constans est ratio. Verùm dictione hæc que per seipsum nihil habet ejusmodi, sensum quendam tamen significat, quem propriè non potest obtinere, nisi ex consequentia adiunctarum vocum; ac proinde tanquam lepore quodam acuta est ipsa, & acumen iucundum efficit, &c. quæ deinde confirmat ille exemplis illustribus e Xenophonte, Sophocle, Euripide, & Euphorione sumtis. Atque hoc quidem dictionis genus veteres ipsi, modò serii in rebus gravibus, modò ludibundi per ironiam usurparunt. Exempli causa: Ironicum est, quum mendicum hominem *ἰσχυρὸς* vocat Homerus, teste Eustathio, & quum dicit Comicus, *τὸ μὴ χεῖρ ἐστὶν τοῖς Αἰτωλοῖς, ὅ δὲ νῦν ἐν Κλωτοδίῳ*. Quo dictionum genere abundat Plautus. Grave autem illud est, & religionis speciem habens, quum in Odyssea Pallas *μείγνῃς τῶν πόντων ἡγήτωρ* appellatur, id est, potens rerum admirabiliū præses; quo sermonis genere prisca simplicitas plurimùm delectata est. Quòd si usquā hoc genus dictionis adhiberi potest, id in futurorum prædictionibus fit cōmodissimè, iudicio meo. Itaq; si quam ironicam *ἰσχυρὸς* ex scripturis petimus, ecce Esaiam Prophetam gravissimum, qui clamorā Edomæam, & verbo popalòque Dei illudentem, appellat *ἰσχυρὸς*, quasi silentem dicas, artificiosissima *ἰσχυρὸς, καὶ τὸ πᾶν*, eademq; op̄erā *καὶ τὸ ἰσχυρὸς*, pro eo quòd clamorā fuerat insolentissimè, prænunciat irruente iudicio Dei silentem fore; & lugubrem illius statum una vocula *ἰσχυρὸς ἰσχυρὸς*, En sanctissimum illum Jeremiam, qui etsi Babylonem disertè nominare nusquam dubitavit; tamen acutè alteram vocem succedaneam duobus locis adhibet ad exponendum præcipitem Babylonis casum, quo tempore celebrandis diebus festis incumbibat. Deniq; inquit ille Rex Sāsac*

Zach. 6. 12.

Zacharias in non  
ita notat. sed  
germinat hanc Thémisἡ δὲ ἰσχυρὸς  
μὴ β.

Esai. 31. 11.

bibit

Jerem. 25. 26.  
& 51. 41.

Dan. 5.  
Gen. 48. 44.  
Esa. 21. 1. &  
32. 1.  
Mich. 7. 12.

Esa. 11. 1.

Esa. 60. 21.

Zach. 6. 12.

biber post eos: & alibi, quomodo capta est Sefac, & occupata laus totius terrae, &c. Nam Sefac vocabulum est ortu Babylonicum, quo diem illum Babyloniorum festum presignificavit Jeremias *שֶׁפַע הַיּוֹם*; qui dies Babylonis omnibus repente funestus a Deo effectus est, prout describit Daniel. Sin autem seria & gravia *וְאֵינִי עוֹשֶׂה* exempla volumus. Jacob *שֶׁפַע הַיּוֹם* Sichemitanum agrum assignat Josepho: Esaias *שֶׁפַע הַיּוֹם* isochelam Babyloniam, desertum maris: Judæam, vallem visionis vocat. Micheas *שֶׁפַע הַיּוֹם* Aegyptum appellat Matzor. Verum, ut aliena exempla omittamus, nihil est quod gravius, acutius aut elegantius Propheta expresserint sermone suo, & figuris hujusmodi exornaverint, quæ regnum Christi, doctrinamq; Evangelii; quemadmodum in hoc ipso argumento duo loci extant, in quibus Christus nominatim appellatur Netzer, communi tam exteriorum quam Hebræorum appellatione. Prior locus sic habet: *Prodivis virgula e trunco succiso Jesse, & Netzer, id est, surculus, & radices ejus efflorescet; quem locum Chaldaus ipse Paraphra- stes, & Judæi omnes de Messia viderunt accipi oportere.* Quamvis autem Netzer surculum denotet; cum tamen Esaias aliquid amplius hoc, quam priore membro, dicere voluerit; non dubitamus, quin ascita hac voce, *וְאֵינִי עוֹשֶׂה* exposuerit illius loci nomen, ubi Christus fuit educatus. Solent autem propria nomina apud Hebræos fieri patronymica sive gentilia: & quæ purè primitiva sunt pro suis derivatis accipi. Quæ- admodum igitur nomine Israël & Jacob, ipse designatur, & Israelitæ ipsius potteri: quemadmodum Hebertum de Hebero, tum de Hebræis Heberi posteris dicitur; Cnaan quoque de illo Chami filio & posteritate illius; & Sidon de urbe illa Phœnicia & incolis illius: sic Netzer modò est Nazareth, modò Nazarenus. Quia ratione Esaias dixit Netzer, id est, Nazareth, sive Nazarenus in opido Nazareth educatum fore eum, qui ex trunco succiso Jesse prodivisset. Sic rem unam eviden- ter, alteram obscure docuit: genus quidem & generatione apertis ver- bis; educationem verò testis & obscurioribus *שֶׁפַע הַיּוֹם* expri- mens. Posterioris loci ratio est eadem. Nam etsi videtur esse in speciem obscurior propter varias ac multiplices interpretationes; re vera tamen planus est & apertus, si Propheta mentem spectabimus. Postquàm enim promissiones amplissimas typis & allegoriis permultis expressit Deus, tandem sermonem suum concludit his verbis, *populares tui quotquot e- runt iusti in seculum jure hereditario possidebunt terram, ut Netzer, id est, surculus, plantarum manuum opere manuum mearum gloriatur.* Hic surcu- lus est Christus Nazarenus, cujus epitheton ab educatione sumtum Esaias iterum *וְאֵינִי עוֹשֶׂה*. In hunc autem surculum insitæ sunt animæ Chri- stianæ, tanquam Dei plantæ, quæ ut manibus Dei, id est, vi omnipoten- te spiritus sunt plantatæ in Christo, inoculatæ, insitæque per fidem; ita in eodem excoluntur. Harum enim plantarum prosperitas gloria est surculi qui fert illas, non autem ab illis fertur. De hoc opere manuum Dei, Christus Nazarenus surculus plantarum Dei gloriatur.

Tertius locus, quem ex Zacharia Propheta adduximus, nihil diffi- cultatis habet. Nam quodcunque germen efflorescit, id è surculo suo efflorescat opus est, eaque sedes est germinis. Hanc similitudinem Pro- pheta excolens Christum pronuntiavit è loco suo, id est, è Nazareth erupturum, & se ad ædificandum domum Jehovah è loco educationis suæ exerturum. Quam rem à Christo fuisse observatam omnes Euange- listæ confirmant; ut qui eo demum tempore ex Galilæa, opidòque Nazareth

# LIBER PRIMUS.

Nazareth in publicum processerit, quo fuit obiturus vocationem suam. Hinc igitur Christus & Christiani Nazoræi sunt dicti, quod Christus (ex quo Christiani) in opido Netzer sive Nazareth conversatus est, quod Esaias *עֲמֻנָה*, & Zacharias *נְצְרַת* pronuntiaverat. Huic autem interpretationi obijciuntur ista : novam esse hanc ; illam priorem esse apud omnes receptam ; denique hoc ab Esaiâ minimè dictum videri. Harum objectionum duæ auctoritatis sunt, postrema rationis speciem habet. Auctoritatem ullius hominis auctoritati Sp. sancti per Matthæum loquentis opponi non oportere omnes sani judicaturi sunt. Sed tamen, ut ex ordine dicamus, quod novitas huic interpretationi obijcitur, iisdem argumentis refellitur, quæ in Parallelo septimo posuimus, quem in locum brevitatis causa rejectum lectorem volumus. Illam apud omnes fuisse receptam jam antè negavimus, & documentis veterum comprobavimus : contrà verò idoneos testes produximus hujus interpretationis nostræ. Restat ut rationum caput & fundamentum evertamus paucis. Non videtur, inquiunt, hoc ab Esaiâ aut Zacharia dictum, nec à Matthæo illud. Respondeo, Agnoscimus Esaiam iis locis quos antè produximus de Naziræis legalibus nihil quicquam dicere : Matthæum verò hoc loco de illis agere ex ipsius verbis & interpretatione pernegamus. Cum itaque neuter de Naziræis agere hoc quidem loco statuerit ; illud probamus maximè omnium, ut altera aliqua pervestigetur interpretatio. Dicit autem Matthæus Christum venisse habitatum in civitatem Nazareth, ut impleretur quod dictum est per Prophetas, Nazoræus vocabitur. Hoc ergo per Prophetas fuisse dictum necesse est. Quod si dictum est, aut propriè aut figuratè dictum oportuit, claris aut obscuris verbis. Propria & clara verba de hac appellatione in Prophetis legere non memini ; nec verò legi puto, cum nemo adhuc aut in Orthodoxa antiquitate, aut memoria nostra quicquam ejusmodi pervestigaverit, atque tradiderit. Restat ergo, ut figuratè & obscurè Christum a Prophetis Nazoræum dici judicemus. Jam verò ad loci Nazareth & Nazareni hominis appellationem, quid accedat apud Prophetas, nondum aliud compertum est, quàm id ipsum quod ex Esaiâ & Zacharia comparavimus. Atque in hanc sententiam facere videtur maximè (ut ea omnia quæ antè dicta sunt omittamus) quod vox illa Netzer nusquam apud Prophetas Hebræicè loquentes legitur, nisi his duobus locis ; ac de nemine præterea Hebræicè agendo prædicatur, quàm de Christo Salvatore nostro. Quod enim præterea semel Esaias de rege Babyloniz agens hac voce utitur, in eo Syriissat vel Chaldaissat *ܢܨܪܬܐ*, prout singulis ferè versibus Chaldaicas voces interspergit eodem capite. Nec obstat, quod obijciunt à Matthæo dictum, *forte ut Nazoræus vocetur* ; non autem Netzer. Nam primùm, ex Hebræorum usu, vocem unam conjugatam, altera ferè cōplectitur : secundò pervulgatissimum est propria nomina Hebræis usurpari patronymicorum & gentilium loco, ut antè dicebamus. Postremò hujus loci nomen Prophetæ eleganter *נְצְרַת*, hic quidem voce patronymia, ille verò synonyma & periphrastica ; tanquam si dixissent, Christi locum appellari Netzer, id est, surculum ; eumque propterea esse Netzeri, id est, Nazoræum sive Nazarenum. Sic Matthæus ulla ratione non *נְצְרַת*, sed Prophetarum sanctorum *נְצְרַת* disertis verbis explicat. Reperent fortasse Judæi, Netzer substantivum & appellativum esse, ideoque de loco Nazareth non enunciari. Sed ut hoc

31  
Matth. 4. &  
alibi.

Esai. 14. 19.



## PARALLELORUM

demus ipsis nomen appellativum esse; tamen non est insoleus ex appellativis propria, aut ex substantivis adjectiva & gentilitia fieri. Tum indignum est eos Prophetis figuras & umbracula verborum adimere, quibus maximè illuminata est olim Spiritus sancti oratio. Postremò, cum *Netzer*, rara sit vox in Testamento vetere, Syris potius & Chaldeis quàm Hebræis recepta; eaq; de Messia tantùm Hebraicè enuntiata; id illis in mentem venire oportuit, hoc singulari usu omnino singulare aliquid significari, præter communem appellativæ vocis interpretationem. Quid autem illud est? Christum in Ecclesia Judæorum olim fuisse appellatum *Netzer*, id est, Nazarenum; eadem fide, qua aut David aut servus Jehovæ, aut germen, aut salutare, aut lumen dicebatur. Nam hæ quoque appellationes in novo Testamento existant. Fuit igitur nomen istud *Netzer* providentia Dei attributum Christo, non solum ad indicandum veritatem Dei in conservando genere Davidis; verùm etiam ad demonstrandum illum educationis locum, quem Esaias & Zacharias futurum obscurè prophetaverant, quemadmodum sanctus Matthæus optimè interpretatus est.

## PARALLELUS IX.

Esai. 40.

3 Vox clamantis, &amp;c.

Matthæi. 3.

3 Vox clamantis, &amp;c.

Totus hic locus plenior est Luc. 3. 4. Quamobrem integram hujus loci interpretationem in illum rejcturi sumus.

## PARALLELUS X.

Deut. 8.

3 Non e pane solo vivet homo, sed ex omni eo, quod prodit ab ore Johanne vivet homo.

Matthæi. 4.

4 Non e pane solo vivet homo, sed ex omni verbo prodeunte ex ore Dei.

**F**inis in utroque loco communis est, ut Dei voluntati accepta feratur universa ratio sustentandæ vitæ nostræ. Summa verò, à Deo utrumque esse, cùm instrumentum ad vitæ sustentationem pertinet, tum efficientem causam, id est, verbum & benedictionem ipsius. Omnia utrobique tam conveniunt, quam quæ maximè. Eleganter verò de hoc loco dicebat Hieronymus, *Adversarium vicis Christus testimonii legi, non potestate virtutis, ut hoc modo & hominem plus honorares, & adversarium pda punires, cùm hosti humani generis non quasi à Deo, sed quasi ab homine vinceretur.*

## PARALLELUS XI.

Psalm. 91.

12 Angelis suis præcipiet de te, ut servent te in omnibus viis tuis:

13 Super manus tollent te, ne offendas ad lapidem pedem tuum.

Matthæi. 4.

6 Angelis suis præcipiet de te, & manibus tollent te, ne quando ad lapidem offendas pedem tuum.

Finis

**F**inis est in Prophetæ verbis, ut pii sancta fide & obsequio adhaerentes Deo adversus omnia mala confirmentur. Summa, nullum malum piis tam grave accidere, quo everti & labefactari possint: nam omnia non solum terrestria; sed etiam cœlestia saluti ipsorum ministrare, certa œconomia & dispensatione providentiæ Dei. Hunc locum Diabolus in Christum torquet, utens fallacia (ut vocant) divisionis. Nam cum vias sanctorum Propheta in principio illius Psalmi accuratissimè demonstrasset, dicens, *Qui confidet in latibulo excelsi, in umbra omnipotentis indefinenter pernoctat*, &c. quas vias Propheta in eodem versu consilio certo promissionibus Dei conjunxerat, dicendo, *ut servent te in omnibus viis tuis*: his omnibus divulsis, Satanas promissionem objicit Christo: conditionem verò abjicit. Quamobrem iniqua fuit hujus loci accommodationatio, & huic conjuncta mutatio: cujus mutationis author fuit Diabolus. Hanc verò mutationem Matthæus bona fide narrat; ut impietatem audaciâque Satanæ amplius ostenderet, & personam filii Dei, & veritatem verbi uno impetu oppugnantis. De hoc autem mutationum genere supra in Parallelum quintum diximus ad institutum satis.

## PARALLELUS XII.

Deut. 6.  
16 *Nē tentate Jehovah Deum vestrum.*

Matth. 4.  
7 Non tentabis Dominum Deum tuum.

**F**inis communis est, ut pii certa fide, quamvis pressis angustiis & difficultatibus gravissimis, abstineant ab omnibus modis adversantibus volūtati Dei, & permaneant in ejus obsequio: Summa, debere pios adherere Domino, nec ipsum anrevertere, ut ea media, quæ non probavit Deus, amplectantur. Omnia sunt eadem in utroque loco; si hoc exceperis, quod interdictum plurali numero expressum enunciat Christus singulari, hoc est, legalem thesim accommodat suæ hypothese, per applicationem atque *circumlocutionem* credentibus singulis necessariam.

## PARALLELUS XIII.

Deut. 6.  
13 *Jehovah Deum tuum revereberis, & ipsi servies.*

Matth. 4.  
10 Dominum Deum tuum adorabis, & ei soli servies.

**F**inis est, ut sua gloria tribuatur Deo: Summa, pios debere operam dare, ut duo officia hæc, reverentiam & cultum, integra & inviolata constantissimè exhibeant Domino. Conveniunt omnia in verbis Moïsi & Christi: si mutationes duas exceperis, quæ sanctissimo consilio per Christum factæ sunt. Prior mutatio est in prioris membro, quum pro eo quod Moïses dixerat, *Deum tuum metues*, vel revereberis, subjecit Christus, *Deum tuum adorabis*. Posterior in posteriore membro, cui Christus adjecit membrum *soli*. Prior mutatio, respectu hypotheseos, seu præsentis causæ, à Christo facta est. Nam verbum generis restrinxit ad eam speciem, quam obtinere Satanas à Christo voluerat.

Genus est, timere vel revereri Deum; quo in genere continentur omnia piorum officia, interna & externa, quæ debentur majestati Dei. Quum autem Satanas unum ex istorum officiorum numero, quamvis in speciem levissimum, à Christo præstari sibi exigere; sanctissimè Christus adversarium ad generalem legem revocavit, quæ apud Moysen existat: & quia unam cultus speciem postulabat attribui sibi, verbum generalius ad eam ipsam speciem restrinxit Christus, ut sophisma illius argumentatione a genere ducta refelleret. Quòd autem vox, *soli*, additur, exegeticum est. Nam ostendit Christus, quòd ostendat Satanas omnia regna mundi, eorumque gloriam pollicetur Christo, si procidens in terram ipsum adoraverit; id nulla ratione Satanæ dari aut præstari quàm minimùm posse, quin summa illa potentia Dei in mundum & regna illius abjudicaretur Deo: ac proinde duplicem impietatem fore, atque gravissimam, si quis Satanam hoc nomine salutaverit, vel adoraverit adorationis minima significatione. Primum enim impium illud esse, quòd Deo sua potentia adimitur; secundò autem non minùs vacare impietate illud, si quis ea de causa vel tantillum honorem Diabolo exhibuerit, qui Deo soli debetur universè, prout hic solus regnorum Princeps atque donator est.

## PARALLELUS XIII.

Esa 9.

*Thimo: Immo temporali. 1 Sed non obscurabitur quæ affectuata, & nobilissimo agitata fuerit angustia; quum tempus hoc Orah: Vbi 70. hnt. rero prius levius affeceris terram Zabulonem & terram Nephthali, ac posterius illud affeceris gravius: via maris secundum Jordanem Galilea populosa.*

2 Populus ejus, qui ambulat in tenebris, videbunt lucem magnam, super confidentes in terra umbra leihali lux splendebit.

Matth. 4.

15 Terra Zabulonis & terra Nephthali ad viam maris secundum Jordanem, Galilæa gentium.

16 Populus qui confedit in tenebris vidit lucem magnam; & qui confederunt in regione & umbra mortis, lux illis exorta est.

**I**mpudentissimam Judæorum audaciam in depravandis Scripturæ sacre testimoniis evincit optimè omnium interpretatio, quam in hunc locum attulerunt: voces, accentus, constructio, sententia, omnia denique detorta licentiosissimè. Jonathanem verò Chaldæum Paraphrastem sententias justas ad primum versum adungere, ut sentum aliquem utcumque eruat, mirum nobis esset; nisi reputarem fuisse hominem cum plus æquo additum allegoriis, tum ignorantem Christi. Sed quid ego de Græcorum interpretatione dicam? Ea certè, etsi ab Hieronymo, Cyrillo, & aliis Patribus adducitur bona ex parte, aut ab illis Septuaginta minimè profecta est (quod ego quidem sentio) aut omnes uno momento, quum ista scriberent, dormitarunt. Quamobrem, ne longiores simus, ad rem ipsam veniemus. Sic ait Esaias de verbo ad verbum: *Non erat obscuratum ei terra Zabulonis & Nephthali, cui fuerit angustatum* (sic enim utuntur Hebræi ferè passivis verbis *angustatus*, sive impersonalium lege, pro eo quod est, Non obscurabitur ea quæ fuerit affecta angustia, ) *ut tempus hoc prius levius affecerit terram Zabulonis & terram Nephthali, &c.* ut in capite seu diagrammate Paralleli nostri posuimus.



posuimus. Matthæus verò hic omisis rebus, quæ ad præscam historiam pertinebant, ea decerpit solum, quæ ad institutam suam narrationem faciunt: prout suprà fieri diximus in Parallelum quintum de hoc mutationis genere. Finis autem vel scopus Esaiæ fuit, ut iudiciorum gravitate, quæ ab Emmanuele profectura in rebellem Judæorum gentem pronuntiaverat, p̄i non deicerentur; sed consolationem perciperent ex promissionibus Evangelicis de natura, virtute, officio, ac beneficiis Christi. Summa, etsi gravissima sũnt mala impendentia & calamitates proximè sequuturæ, quibus vel constantissimæ hominum mentes deterreri possent; tamen eas ipsas calamitates proximè eventuras, signum in posteritatem fore, & argumentum ad confirmandam piorum salutem, gloriàmque olim per Christum eidem loco obventuram, quem calamitates tam graves obscuraverint: Nam incolas illius ipsius loci hunc honorem imprimis esse habituros, quòd sol ille iustitiæ sit apud ipsos quasi exoriturus. Erit quidem, ait ille, memoria nostra consors Zabulonis & Nephtali Galilæa gentium, id est, frequentissima gentibus & populosissima, totū que Israëlitarum tractus secundum Jordanem situs duabus gravissimis cladibus per Assyrium opprimetur: primum quidem à Tiglath Phalassar, 2. Reg. 15. 29. deinde verò à Salmanassar, 2. Reg. 17. Sed quemadmodum hanc gentem graviter oppressura sunt angustiarum tenebræ antehabitas: sic etiam ante alias in temporum plenitudine maximum illud salutis nostræ lumen eas perlustrabit. Quod autem illud est *puer qui natus est nobis*, &c. Retulerunt quidem Judæi verba hæc, *via maris*, ad mare Syricum atque mediterraneum; sed imperitè, nisi fortè malitiosè: cum sequens membrum determinationem habeat evidentissimam, agi de *via maris que secundum Jordanem est*: quod membrum ab antecedente divellerunt; quamvis re, consequitione, & profodia conjuncta sint. Ut ergò melius appareat horum locorum inter se convenientia, hæc esto verborum Esaiæ analysis. Duo, inquit ille, afflictionis tempora terram Zabulon, terramque Nephtali hac ætate nostra graviter affectura sunt. Ac prius quidem leviori angustia afficiet Galilæam: quum Tiglath Phalassar ab Achazo Rege accitus eam depopulabitur, suisque opibus spoliabit. Posterius verò experietur angustiam longè graviolem; quum Salmanassar vastabit omnia, & Israëlẽ domitum in Assyriam deportabit. Hactenus metaphrasis *capituli 1. & 2. Esaiæ* illius, quam Esaias versu primo de temporibus suis prædicavit, ac propterea Matthæus omisit de industria. Sequitur alterum membrum. Verumtamen hæc eadem terra, quæ postquam affecta fuerit duabus istis gravibus angustis, jacebit horrebitque in adventum usque Christi, *Terra*, inquam, *Zabulon & terra Nephtali Galilæa gentium*, vel gentibus frequentissima, *in via maris*, id est, maritima, adiacens mari vel lacui Genesareth, & *secundum Jordanem sita*, non permanebit obscurata; sed *populus ille qui ambulat in tenebris videbit lucem magnam*, &c. quæ omnia plana & aperta sunt, de regno Christi evidentissimè pronunciata: ac proinde à Matthæo accommodantur convenientissimè illi commemorationi Christi, qui Galilæam maximè sua præsentia, diis & factis, dum hic in forma servi esset, exornavit. Superest, ut omisis Judæorum somniis tollamus ea impedimenta, quæ dubitationem movere possent. Eam autem efficit mutatio, quæ in Matthæi verbis facta videtur fuisse multiplex. Primum dubitationis argumentum est, quòd plerique *viam maris* de mari Syrico (ut

Num. 34. 11.

Jof. 19. 35.

Matth. 4. 18.

Luc. 8. 26.

Plinius lib. 5.  
Nat. hist. cap.  
15.

antè diximus) acceperunt. Ineptè verò & historiam, & Prophetæ verba convellunt. Historiam, quia nusquam leguntur isti Assyriorum Reges ad mare usque Syricum pertendisse; et si Israëlitz fratri se potestati illorum dederunt: verba verò Prophetæ, quòd determinatio (ut loquuntur) vel exegeticum superioris sermonis membrum subji- citur, *secundum Jordanem*: quo membro ostenditur hæc pertinere ad mare Cinnérèth, ut de opidi sui nomine in Scriptura vocatur, quòd postea dixerunt Genezareth; Matthæus verò appellat mare Galileæ. Nec obstat quòd *πίεξις* interpretatur *secundum*. Nam primùm sive trans, sive cis exponamus, neutrum sententiam Judæorum adjuvat. Deinde non dubium est, quin vox *πίεξις* Hebræo *Heber* respondeat. Significat autem hæc vox apud Hebræos omnem tractum qui fluvio allui- tur, aut interfluente aqua dirimitur, sive tractus sit ille citerior, sive ul- terior. Itaque Græca vox *πίεξις* latam significationem obtinet; modò citeriorem tractum, modò ulteriorem, modò utramque ripam cum ora adjacente denotans: Quamobrem etiam Lucas, ne quem falleret sim- plicis vocis ambiguitas, composito *ἀπὸ πίεξις* usus est. Taceo propriam notationem vocis Hebrææ & Græcæ, quam Grammaticis relinquo ex- ponendam. Exempla verò in quàm plurimis Novi Tèstamenti locis ostendunt, *πίεξις* eundem tractum, ac non transfluvialem denotare, maximè ubi sinuosa sunt ripæ, ut Matthæi 14. 22. & 16. 5. Marci 6. 45. & 8. 13. Johannis 1. 28. & 10. 40. Jordanem autem ejusmodi esse testantur omnes; nominatim verò Plinius, amœnum amnem, & quatenus loco- rum situs patitur, ambiciosum vocans. Secundum dubitationis argu- mentum est secundo verbum; ubi pro ratione temporum quadamtenus Esaia verba Matthæus permutavit; nimirum ob eam causam, quam Parallelo quinto supra ostendimus. Nam pro eo quòd Prophetæ suo tempore Israëlitas pronunciavit *in tenebris ambulare*, eos Matthæus scribit *in tenebris confedisse*; puta propter diuturnitatem illarum, quòd est *ἰμπατικὸς πόντος*. Deinde quam ille *terram umbra mortis* sive lethalis; hic *regionem mortis & umbram mortis* nominat, similiter ad vehementi- am, *ἡ δὲ θύρα*. Postremò, quòd ille respiciens ad magnificentissimam & augustissimam illustrationem Evangelii gloriæ Christi. *καὶ δόξα* præ- dixit fore ut *lux resplendeat*, hic eam esse *exortam* dicit: *ἀντίτιλις*, inquit, non *ἀντίλαμψας*; nempe quòd rationem habuerit suorum temporum, quibus emergebat quodammodo, & exoriebatur primùm clartas Eu- angelii per adventum Christi. Quamobrem non videmus, quàm bene hic locus aliter exponi possit, quam pro ut complemento Christi & Matthæi autoritate edocti sumus.

## PARALLELUS XV.

Exod. 20.

13 Non occides.

14 Non fornicaberis.

Deut. 24.

1 Quum quis ducta uxore mari-  
tus fuerit ei, si, fueritque si non inve-  
nit gratiam in oculis ipsius (quia in-  
venit in ea rem aliquam turpem) ut

Matth. 5.

21 Non occides: quisquis autè  
occiderit, tenebitur iudicio.

27 Non Mēchaberis.

31 Quisquis dimittit uxorem  
suam, det ei libellum discessionis.

scribens

*scribens ei libellum repudi, & tradens in manum ejus dimiserit eam de domo sua: &c.*

Exod. 20.

7 *Non sumes nomen Jehovæ Dei tui in vanum.*

Exod. 21.

24 *Oculum pro oculo, dentem pro dente.*

Levit. 19.

18 *Diliges proximum tuum sicut teipsum.*

33 *Non pejerabis; sed reddes Domino quæ tu juraveris.*

38 *Oculum pro oculo, & dentem pro dente.*

43 *Diliges proximum tuum, & odio habebis inimicum tuum.*

**E**ti omnes hi loci suam habent inter se differentiam; tamen quia & fine & genere summam habent convenientiam, ac proinde communibus quibusdam regulis concludi possunt, eos duximus conjungi oportere. Finis est, ut leges naturæ ad pietatem in Deum & ad charitatem humanitatemque pertinentes auctoritate Dei amplius sanciantur in populo ipsius, & corruptæ redintegrentur ex Christi Jesu testimonio. Sanctionem Deus per Moysen testificatus est; redintegrationem Christus pronuntiavit & effecit coram. Summa igitur est, quæcunque de nostro in Deum hominēsque officio à natura in nostris mentibus impressa sunt, quamvis peccatum hominis ea turpissimè labefactaverit; tamen eadem omnia his temporibus ultimis repeti, vindicari, & auctoritatem perpetuam obtinere testimonio legis & Evangelii: ac proinde quicunque aut secus interpretantur, quam jus naturale à principio docuit, aut eis minimè obsequuntur; illos non naturæ solum, verumetiam Legi & Evangelio refragari. Demonstravit ista Dominus noster & Servator Christus verbis quatuor antecedentibus, quibus finem hunc & summam proposuit accuratissimè. Sic enim Christus argumentatus est: *Quales principes, tales cives; vel Qualis Rex, tales filii regni; Ego autem, qui Dominus sum regni cælorum, non veni ut dissolvam legem aut Prophetas; sed ut impleam, vers. 17.* Ergò, filios regni tales esse dictis & factis, vel (si cui magis placet) doctrina & operibus, necesse est, vers. 19. Utriusque propositionis, pro more usitato d. cendi, suæ confirmationes, vel explicationes ordine proponuntur. Nam minori propositioni, Christum venisse ut legem impleat, suæ confirmatio illicò subjicitur per asseverationem gravissimam, sive (ut alii interpretantur) juramentum, his verbis: *Nam amen dico vobis, usque dum præterierit cælum & terra, jota unum, aut unicus apex nequaquam præteriturus est ex lege, usque dum facta fuerint omnia.* Conclusioni verò sua enarratio subditur vers. 20. per comparisonem his verbis, *Dico enim vobis, nisi abundaverit iustitia vestra plusquam iustitia Scribarum & Phariseorum, vos nequaquam ingressuros in regnum cælorum.* Hujus autem comparisonis sequitur toto reliquo capite *Unde et sic*, per enumerationem exemplorum ad hanc comparisonem pertinentium, inde à vers. 21. Qua inductione etsi minime negotio singula præcepta legis percurrere Christus potuisset; id tamen satis habuit, ut sex exemplis illustribus iustitiam legis, id est, quam jus naturale homini imperat, à iustitia Scribarum & Phariseorum vindicaret. His positis, nunc communes quasdam leges sive regulas à nobis poni necesse est, antequam sin-



gularem locorum instituamus explicationem. Prima regula hæc est: hos locos singulos habere comparationem illius iustitiæ, quæ lege imperata est, cum ea iustitia iudaica vel Pharisaica, quæ per illud tempus in doctrina & moribus ac institutis vitæ obtinebat. Quamobrem singulis in locis membra comparationis distinguit Christus, quum iustitiam illam Pharisaicam aggreditur his verbis, *Audiſtis fuiſſe dictum à veteribus*, &c. quum autem de vera illa iustitia acturus est, quam Deus & natura poſtulant, his verbis utitur, *Ego autem dico vobis*. Ac propterea etiam in priore membro cavet Christus diligentissime, ne scriptum fuiſſe concederet; & ubique dixit, *Audiſtis fuiſſe dictum à veteribus*. Atque hoc quidem abesse videtur mihi quam longissime ab eo quod multi jam olim putaverunt, Legem Dei in hoc capite emendari: quam rem si Christus sensiſſet, non fuiſſet dicturus, *Audiſtis fuiſſe dictum à veteribus*, aut (si quis mavult) *veteribus*; sed potius his verbis fuiſſet uſus, legiſtis scriptum in lege Dei. Secunda regula est, Mutationes igitur, adjectiones, & detractiones, quæ in illis verbis præter legem & contra legem factæ sunt, non à Christo, sed à Phariseis & Scribis profectas esse; qui se alioquin impudentissime pro certis & incorruptis legis interpretibus venditabant: Proinde hæc mala in legē Dei irrupiſſe iis ipsis modis, quos jam supra Parallelo quinto docuimus. Tertia, non verborum depravationes tantummodò, sed dogmata scelerata, impias Phariseorum sententias, impuræq; & vitioſas interpretationes à Christo reprehendi; veramque legis intelligentiam à Phariseis revocari: quemadmodum ostendunt ubique hæc verba, *Audiſtis fuiſſe dictum ab antiquis*: &, *Ego verò dico vobis*; quibus profectò verbis Christus noluit authoritati legis, id est, Dei Patris sui opponere authoritatem suam; sed inani solum Phariseorum larvæ, ad nundinationes suas sanctissima Dei lege abutentium. Hæc verò ut melius intelligantur, in singulis istis exemplis id necesse erit demonstrari quod dicimus.

1. *Non occides*. Primus hic comparationis locus vindicat veritatem Legis à fermento Phariseorum, duobus modis: Primum falsam præcepti intelligentiam refellendo: secundò autem additamenta illorum convellendo. Falsa interpretatio fuit, quòd verbum occidendi de eadē actuali solum acceperunt: ac proinde neminem contra hoc mandatum venire putaverunt, nisi qui ex facto alterum occidiſſet. Quamobrem ostendit Christus, occidendi verbo etiam iras, convitia, & contumelias in alterum contineri. Proinde reos violati hujus præcepti esse, quicumque prolapsi eò usque fuerint, versu 22. Nam Deum spiritualement legiſlatorem esse, ut Jacobus loquitur. Additamentum fuit, quum dicerent, *Quisquis occiderit, tenebitur iudicio*, hoc est, nemo de re in alterum gesta per injuriam in jus trahi potest legitime; nisi qui occiderit: Sed privata opera, quisquis injuriam est, potest Deo per sacerdotes satisfacere, & qui injuriam accepit, eam vindicare sine ulla cognitione iudicis. Præterea, non ita est, inquebant, capitalis cædes, ut vulgò creditur; sed damnum quodammodo restitui & per cognitionem iudicis compensari potest. Sic tum in crimine, tum in pœna criminis Pharisei à vero aberrabant. Utrumque demonstrat Christus versu 23. Primum iras exercere, convitari, contumeliam inferre, species esse homicidii: deinde nullam esse tam levem speciem, quæ cognitionem & pœnam subire non teneatur ex lege. Nam iras temerarias, cognitione iudicis ac velut Prætoris; convitia amplioris iudicii: contumelias,

melias summi & capitalis iudicii sententia castigari oportere. Quod autem sacrificiis, aut donariis Deum reconciliari magis procurabant; id puram putam esse hypocrisin & αἰσχροπρεπείαν demonstrat Christus, quum fratri offenso ante reconciliari jubeat charitas, & damnum restitui ei, quàm procuraretur oblatione à Deo condonatio.

2. *Non machaberis.* Secundus hic comparisonis locus veritatem Legis asserit à falsa interpretatione, qua Pharisei utebantur. Hi enim actuale solum (ut vocant) scortationem hoc interdicto caveri judicabant. Ostendit Christus, longè aliud sensisse Deum autorem legis. Nam eum etiam qui aspicit ad concupiscendum, magis verò qui concupiscit, reum esse violatæ legis. Nam non solum maleficium, malam voluntatem, consilium, aut cogitationem in vitio esse; verum etiam ipsas occasiones & instrumenta maliquæ sunt in nobis. Cum autem illius aspectus, instrumentum & occasio sit oculus, vel ipsam occasionem & instrumentum (quasi hoc suo facto damnatum) potius amittendum esse, quàm id committendum ut ejus opera totus homo in damnationem abeat.

3. *Quisquis dimiserit uxorem suam, &c.* Tertius hic comparisonis locus appendix superioris est. Vindicat autem Legis veritatem Christus à falsa Judæorum interpretatione, hoc modo. Licere viro Judæi statuebant uxorem dimittere, hac una conditione, ut libellum discessionis traderet illi: quam ad rem impetire verba Moïsi detorquebant, Deut. 24.1. Quæ verba Moïses καὶ τὸ ὑπόδειγμα, καὶ τὴν ἀρχαίαν, nimirum pro duritia cordis populi illius, in Legem Dei retulerat, ut ostendit Christus Matth. 19.8. Respondet igitur Christus falsam esse hanc interpretationem. Nam tantum abesse ut viro liceat ex Lege uxorem dimittere; ut contrà Lex eo ipso in loco ostendat, quicumque dimittit uxorem suam, eum non modò peccare ipsum; verum etiam duplicis peccati præterea autorem & instrumentum esse: Unum peccatum esse illud, quòd faciat vir iste, ut mœchetur uxor sua; cum à lege mariti, dum vivit ne per voluntatem quidem mariti ipsius soluta sit; quia conjugale jus non solum habet civile contractum quemdam; verum etiam cœlestem obligationem auctoritatèque ex institutione Dei. Alterum peccatum esse, quòd is mœchetur pariter, qui uxorem alterius, quamvis ab eo dimissam, duxerit. Quam rem disertis verbis eo ipso in loco expressit Moïses versu 4.

4. *Non pejerabis, &c.* Quartus hic comparisonis locus veritatem legis tuetur à falsa interpretatione & additamentis, quibus Pharisei ad circumducendum vulgus utebantur. Falsa interpretatio est hæc, & angustissimè restringens præceptum Dei. Quod dixit Deus, *Non sumes vel proferes nomen Jehovæ Dei tui in vanum*, Hoc Pharisei interpretati sunt, *Non pejerabis*: tanquam si dixissent, quocunque modo libuerit, licet Jehovæ Dei tui nomen enunciare, modò non pejeres. Additamentum fuit, *sed reddes Domino, quæ tu juraveris*, id est, Quod si fortè non poteris ea præstare, quæ tu juraveris, hoc imprudens factum tuum compensato & eluito muneribus oblatis Domino. Utrumq; reprehendit Christus; sed prius quidè disertis verbis, posterius verò (ut loquuntur) tacitè, per consequentiam. In interpretatione à Christo reprehenduntur ista. Primum, quòd abusum nominis divini hac doctrina sua Pharisei & Scribæ non solum ferebant; sed etiam impiè comprobabant. Secundò, quòd obliquum abusum excusabant eorum, qui diffi-

mulato Dei nomine, per res creatas jurare se posse statuebant. Tertiò, quod utrumque hunc abusum, extra necessitatem & causam justam atque legitimam jurisjurandi, in familiari sermone patiebantur usurpari. Hoc enim propriè significatur nomine λόγος, quo Matthæus utitur vers. 37. Ac primum quidem & secundum reprehensionis caput his verbis ostendit, *Ne jureis omnino*, puta sive directè nomen Dei assumentes, sive obliquè pro Dei nomine appellationem rerum creatarum adhibentes. Quod posterius quia amplius & facilius ab hominibus excusatur, prudentissimè Christus aliquot illius exempla attulit; ut omnia ejusdem generis prohiberi quoque ostenderet, quamvis ab ipso non fuerint hoc loco expressa. Deinde verò ad tertium venit reprehensionis caput, in his verbis, *Esso autem sermo vester, Etiam, etiam; Non, non* ut ab omni levi, temerario, & otioso sermone sanctissimum Dei nomen vindicaret, ne ab ullo sine vocatione justa & necessitate usurpari posset. Additamentum verò, his rebus positis, sua infirmitate corrui. Nam ex ea regula, quam postremis verbis hic tradit Christus, continuò iniquitas illius & falsitas convincitur, *quod autem supra hæc redundat, à maligno est.* Hinc enim assurgit hæc argumentatio: Quod à maligno est, probari Deo non potest: Pejorare autem à maligno est: Non igitur probari potest. Huic adjungenda est, authore Christo, altera argumentatio; Merces meretricis, pretium canis, sacrificium improbi, & alia hujusmodi sunt abominationi Jehovæ; Pretium autem vel munus pejerantis, est munus improbi: Est igitur abominationi Domino; contra quàm Phariseis esse videbatur, maximam licentiam cuique ad pejerandum attribuentibus ad commoditatem sui ἀπολαύματος.

5. *Oculum pro oculo, dentem pro dente.* Quintus comparationis locus veritatem Legis asserit à falsa Scribarum, Phariseorumque interpretatione. De verbis convenit. Legis mens fuit hæc, ut quale damnum alter alteri intulisset, tale subiret is, qui intulerat damnum; sed tamen ex cognitione judicioque legitimo. Hæc enim Lex judicialis fuit, ac non privatæ administrationis. Hæc autem lege abutebantur Pharisei duobus modis: Primum enim omnem justam judiciorum formam voluntati Dei & naturæ legibus respondentem funditus convellebant, & auctoritatè judicum, quum ad privatos eam derivarent. Secundò autem maximam januam aperiebant privatæ vindictæ & maleficiis, in quam homines ultionis privatæ cupidi facile prolabantur. Itaque justam Legis intelligentiam restituens Christus, primum omnes privatos revocat eò, ut non resistent malo, id est homini injurio atque malefico per malum. Secundò ostendit id potius videndum esse, ut omne malum subeat, maxilla prebeat, vestis, &c. quàm ut malo ulciscamur malum. Postremò ostendit quod ait Apostolus ad Rom. malum bono vincendum esse: quas res Deus jam olim lege imperaverat singulas.

6. *Diliges proximum tuum, &c.* Sextus comparationis locus Legem Dei asserit tum à falsis interpretationibus, tum ab additamentis impiis Judæorum. Falsa interpretatio fuit, quòd in his verbis, *diliges proximum tuum*, appellatione proximi aut amicum intelligebant; aut certe si qui amplius sapere videbatur, eum intelligebant qui inimicus non esset. Additamentum fuit, quum dicerent contra auctoritatem legis, *habebis odio inimicum tuum.* Altrumque everit Christus commodissima Legis interpretatione ὁσίων ἐχθρῶν. Nam primum affirmat illud adversari legi, quòd dicitur, odio habebis inimicum tuum; quia tum

justitiæ



justitiæ legis & naturali juri, versu 44 tum naturæ exemplóque Desip-  
sius advertebatur, versu 45. Deinde verò aperte docet *κατ' ἰσχυρην*, prox-  
imi appellatione omnes homines intelligendos esse, ac proinde om-  
nes diligere oportere: quod exemplo suo, in omni tempore demonstravit  
Deus, & Christus narratione evidentissima docuit Luc. 10. His ergo  
omnibus exemplis puritatem divinæ legis Christus ab impuro fer-  
mento Scribarum Phariseorumque vindicavit.

## PARALLELUS XVI.

1. Reg. 3.

13 *Quod non petisti, do tibi divi-  
nias & gloriam, adeo ut non sit par ti-  
bi ullus inter reges omnibus diebus  
tuis.*

Matth. 6.

29 Sed dico vobis, ne Solomō-  
nem quidem in universa gloria  
sua sic amicum fuisse, ut unum ex  
istis liliis.

**E**tsi non videtur propriè horum locorum institui comparatio, cum  
tamen aliquid utrique loco commune sit, & discrepare aliquid  
videatur, placuit referre in Parallelorum numerum. Commune  
est, quòd gloria Solomonis utroque in loco commendatur; sed quod  
universè in primo Regum pronuntiatur, accommodatur ad hypothe-  
sim de vestibus, in sermone Christi. Ut autem in hac ipsa hypothesi  
quam Christus instituit subsistamus; videntur discrepare ista; quòd  
Christus negat Solomōnem in universa gloria sua sic amicum fuisse ut  
lilium, & quòd Testamento vetere affirmatur non fuisse ullum regem  
gloria Solomonis parē. Conciliantur ista verbis Chrysostomi dicen-  
tis. *Quanta veritatis ad mendacium, tanta vestimentorum & florum est dif-  
ferentia, &c.* Ergo (ut paucis absolvamus, antecessit Solomō omnes re-  
ges gloria secundum idem; lilia verò antecedunt Solomōnis gloriam  
vestimentariam diversis modis. Primò secundum qualitatem: nam (ut  
ait idem Chrysostomus,) *Quando tu vestimentis decorem florum poteris  
vincere? sive ut Hieronimus, quod sericum, quæ purpura regum, quæ pictu-  
ra texturicum potest cum floribus comparari? quid ita rubet ut rosa? quid ita  
candet ut lilium? violæ verò purpuram nullo superari murice, oculorum magis  
indiciū quàm ullius sermonis est.* Secundò *κατ' ἰσχυρην*: nam vestimenta-  
ria Solomonis gloria commodata & adventitia est; liliorum verò in-  
nata, propriâque gloria. Tertiò denique ratione temporis, & modi. Est  
enim Solomō (ut idem Chrysostomus inquit) *superatus à florum decore,  
non semel tantum, neque bis; sed per totum tempus regni ipsius; neque una so-  
lum in re; sed in omnibus ad viciū & amicum pertinentibus.* Nulla igitur  
est horum locorum inter se discrepantia.

## PARALLELUS XVII.

Leviti 19.

18 *Diliges proximum tuum sicut  
te.*

Matth. 7.

12 Quæcumque volueritis ut fa-  
ciant vobis homines, ita & vos fa-  
cite eis.

**C**um illis Jesu Christi verbis summa Legis Prophetarumque dica-  
tur contineri, ea autem disertè (si bene observavimus) non existent  
in

## PARALLELORUM

in Testamento vetere; hos duos locos visum est *ἐν παλαιῇ* committere, ut convenientes argumento. Nam ea est divinorum mandatorum autoritas & vis, ut dum causas imperant, effecta complectantur ex illis causis proficiscentia, per eam synecdochen quam Donatus Metalepsim vocat: & contrā effectis comprehendantur causæ. Lex ergo quum ita sancit, *Diligens proximum tuum sicut te ipsum*, synecdochicè dilectionis illius officia imperat proximo exhiberi eadem fide, qua, si eodem loco essemus, ea conferri in nos cuperemus. Quo modo accipiendi sunt loci Matth. 19. 18. & Rom. 13. 10. E diverso autem *ισόρροπος* huic est illa propositio Christi, *Quaecunque volueritis ut faciant vobis homines, &c.* Nam quemadmodum metalepticè prior locus in Levitico dilectionis officia continet, tanquam rivos è dilectione profluentes, quum dilectionem imperat: sic posterior tacitè revocat ad dilectionis fontē per rivos ipsius, quia ex eo fonte officia fundi necesse est. His autem accedit illa sententia ex contrario enunciata, *Quod tibi non vis, alteri non feceris.* Quam sententiam ab Alexandro Severo plurimi fuisse habitam testis est Lampridius.

## PARALLELUS XVIII.

Matth. 8. 4.

Abi, ostende te ipsum sacerdoti, &c.

Hic locus est planior Marci primo: Quamobrem in quinquagesimum primum Parallelum hujus explicationem rejecturi sumus.

## PARALLELUS XIX.

Esa. 53.

4 Morbos nostros ipse pertulit, & dolores nostros bajulavit.

Matth. 8.

17 Ipse in valetudines nostras accepit, & morbos portavit.

**V**Triusque loci finis communis est, ut Christus, quamvis in speciem abjectissimus & contemtissimus esse videatur, tamen demonstretur re ipsa potentissimus & didis & factis Summa, Dominum Jesum Christum verum Deum & verum hominem in unitate personæ, potentiam divinam exseruisse ad salutem nostram, dum ambularet in forma servi, cum morbos & infirmitates humanas, tum earum causas gratosè ex hominibus eximendo, easque in se recipiendo & appropriando sibi, ut complementum Legis Prophetarumque exhibitum in se fuisse ostenderet. Mutationes aliarum non sunt, quàm *ἐν συνωνυμῶν*. Nam morbum *ἀδυναμία*, dolores *πόνος* vocibus expressit Matthæus, quæ omnia eodem pertinent. Quod autem aliò spectavisse Prophetam Judæi statuunt, impium simul, atque ineptum est: quod & Jonathan Chaldaeus Paraphrastes, & doctissimi quique ex Judæorum gente animadverterunt. Quamobrem cum illi, neque ullam historiam proferre possunt, in qua vel minima species cōplementi exstet eorum quæ Propheta prædixerat; neque autoritatem, neque rationem etiam verisimilem possunt adducere, cur aliò transferant Esaiæ verba: omisiss illorum nugis ad alia transibimus.

PARAL-

## PARALLELUS XX.

Hoseæ 6.

6 Benignitate delector, non autem sacrificio.

Matth. 9.

13 Misericordiam volo &amp; non sacrificium.

**F**inis hujus loci est, ut Deus gloriam suam illustret explicatione sue misericordiae: Summa, Deum Patrem miserationum esse, & proinde miseros potius adire, quibus faciat misericordiam, quam eos qui inscii miseriae suae putant se iustitiae illius facturos satis. Hoc argumentum olim à Propheta dictum, Christus hypothese accomodat, quum Phariis obijcerent familiarem ipsius cum peccatoribus conversationem. Optimè igitur per *αιτιαλογίας* respondet Christus, argumentatione ducta à genere ad speciem, vel singularem hypothesein & praesentem causam, ut etiam Matthaei 12. 7. factum est.

## PARALLELUS XXI.

Esa. 35.

5 Tunc aperient se oculi caecorum.  
Malach. 3.

23 Ecce ego missurus sum vobis Eliam Prophetam, &amp;c.

Matth. 11. 7.

5 Cæci visum recipiant, &amp;c.

Matth. 11.

14 Iohannes est Elias ille, qui venturus erat.

**D**e his locis, quia ampliùs ac evidentius exponuntur, prior quidem Matth. 15. 30: posterior verò Matth. 17. 10. & 11. nos postea dicturi sumus in eos locos de horum interpretatione.

## PARALLELUS XXII.

1. Sam. 21.

6 Tum respondens David sacerdoti, dixit ei, &amp;c.

7 Idque dedit ei sacerdos sanctum panem, eo quod non esset ibi panis, nisi panes faciei, qui amovebantur à conspectu Jehovæ, ad apponendum panem calidum, quo die tollebatur ille.

Num. 28.

9 Die autem Sabbathi bini agni ammiculi integri, & bina decime simile in munus mistæ oleo cum libamine suo,

10 Holocaustum Sabbathi esto sabbatho suo præter ipsum holocaustum iugo, &c.

Hoseæ 6.

7 Benignitate delector, ac non sacrificio,

Matth. 12.

3 Non legistis, quid fecerit David, quum esuriret ipse &amp; ii qui erant cum ipso.

4 Quomodo introierit domum ipsam Dei, & panes illos propositionis ederet, quibus vesci non erat ipsi licitum, neque iis qui cum ipso erant, nisi iis solis, qui sacerdotes essent?

5 Aut non legistis in Lege, Sabbathis sacerdotes in templo sabbathum ipsum profanare, & sine crimine essent?

6 Dico autem vobis quemdam templo majorem hic esse.

7 Quod si nossetis quid sit, Misericordiam volo & non sacrificium, hos non condemnassetis, qui insontes sunt,

Horum



**H**Orum locorum finis est, ut misericordia Dei illustretur, & hominibus in exemplum statuatur; quam imitari & ex qua judicare discant: Summa, esse quidem permagnam ceremoniarum auctoritatem, quas Deus instituit in Ecclesia sua: neque temerè committendum, ut pro voluntate hominum ab eis ducatur; sed eas tamen ceremonias sic à Deo positas & mandatas esse, ut cum dilectione proximi non pugnent; quia externæ ceremoniæ propter aliud; dilectio verò proximi propter se, à fidelibus debet observari. Demonstrat hanc interpretationem occasio illa, qua Christus ad sermonem hunc adductus est: nempe quòd discipuli Christi in die Sabbathi cœperunt vellere spicas, eoque nomine apud Phariseos in reprehensionem incurrerunt, tanquam violatores sabbathi. Hanc reprehensionem confutat Christus duobus modis; exemplis, & auctoritate. Hoc igitur Phariseorum argumentum esto: Dies septimus, dies sanctus est, sabbathum quietis Jehovæ, Exod. 35. 2. Isti quietem non servant; neque igitur diem septimum sanctificant. Respondet Christus; Primum, res quas institutione sanctificavit Deus, si aut altera Dei institutio, aut proximi dilectio ad alios usus adhiberi ipsas postulaverit, ex sine offensa in eos usus adhiberi possunt; quia noluit Deus ulla ceremoniali institutione aut aliis suis institutis, aut dilectioni derogare, & necessitati humanæ obsistere. Est autem hic locus dilectionis, ne esurientibus præcipiatur facultas capiendi cibi, & levandæ famis suæ. Ergò, hi infantes sunt ab illa vestra criminatione. Majoris propositionis membra duo singulis exemplis probat; nempe aut institutione, aut necessitate & dilectionis lege fieri licitum, quod extra hanc causam non esset liciturum. Prius exemplum necessitatis est; David, qui fuit homo secundum mentem Dei, inquit Christus, non dubitavit esuriens res sanctas, à sacerdotibus, solis & in loco sancto cœdendas, in usum suumvertere: aut si quis obtendat (quod vulgò dici solet) durum telum necessitatem esse, qua David eò devenit; non dubitavit Sacerdos Achimelech panes sanctos, in loco sancto à sanctis sacerdotibus comedendos, consulto Domino ei tradere. Ergò necessitati proximi, ex auctoritate Dei, & sacerdotis Davidi quæ exemplo, sanctas etiam ceremonias oportet cedere: cujusmodi est illa ceremonia panum propositionis, Levit. 24. 9. Posterius exemplum eò allatum est, quod Pharisei potuissent illicò reclamare, exemplum singulare & diversum esse; ac proinde nihil in hac argumentatione efficere. Præterea legibus, non exemplis vivendum esse. Utrique objectioni medetur Christus providentissimè, exemplum juris legitimi, non autem facti (ut prius erat) afferens: & argumentatur in hunc modum: Institutio una ceremonialis cedit alteri ex præscripto Legis: Pluris autem est apud Deum misericordia, dilectio & necessitas proximi, quam sacrificium aut ceremonia: Multo igitur magis sacrificium & institutionem ceremonialem quamque misericordiam, necessitatem, & dilectionem erga proximum oportet cedere. Cedere unam institutionem ex lege alteri demonstrat his verbis. *Nonne legisse in Lege, sabbathum sacerdos in templo sabbathum profanare, &c.* quasi dicat: est quidem sabbathi quies imperata Lege; sed suus labor sacerdotibus est sabbatho imperatus: non ergò simpliciter; sed certa quadam ratione quies imperata est. Quod si à quiete illa disceditur, propter imperatam aliquam ceremoniam alteram; quanto æquius est discedi propter dilectionem & misericordiam? Sic

Sic etiam Christus alibi adducit legem de circumcisione in die sabbathi facienda: & in hoc ipso capite proximè sequente historia solvit hæc quæstionem totam, & impudens Phariseorum os retundit per comparisonem minoris, quum illi ovem quæ in foveam ruisset prehendi & erigi, asinum aquari permitterent in die sabbathi hominem verò curari ferrent indignissimè. Alter modus confutationis ab autoritate est. Ea est duplex; prior à persona Christi, posterior à Prophetæ Hoesæ testimonio. A persona sua comparisonem instituit Christus in hunc modum, quod sabbathis sacerdotes profanant sabbathum, id sanctificatur templo; est autem hic quidam major templo: hic ergò, magis quam templum, discipulorum suorum factum sanctificaturus est. De Hoesæ loco jam antè diximus Parallelo proximè præcedenti.

## PARALLELUS XXIII.

Esa. 42.

1 *En servus meus quem sustento, electus meus, quem benignè accipit anima mea: indam spiritum meum ipsi, iudicium gentibus proferet.*

2 *Non vociferabitur, neque attollet vocem, neque faciet ut audiat foris vox sua.*

3 *Arundinem quassatam non franget, & elychrium ipsum fumigans non exstinguet, ad veritatem proferet iudicium.*

4 *Non faciet ut fumiget, neque quassabit, donec disponat in terra iudicium, & in doctrina ejus regiones expectationem habebunt.*

Matth. 12.

18 *En servus meus, quem assumpsi, dilectus meus, in quo acquiescit anima mea: imponam spiritum meum ei, & iudicium gentibus annuntiabit.*

19 *Non litigabit, neque clamabit, neque audiet quisquam in plateis vocem ejus.*

20 *Arundinem quassatam non cōfringet, & linum fumigans non exstinguet, donec proferat ad victoriam iudicium.*

21 *Et in nomine ejus gentes sperabunt.*

**H**I duo loci (quod ajunt) ab uno sunt diagrammate, vel potiùs unum omnino sunt fine atque argumento. Finis est, ut Christus servus electus Dei, dilectionis filius, in quo patris anima acquiescit, non solum ex materia donorum & administrationis ipsius; verum etiam ex forma & ratione illius in Ecclesia certò cognosci possit. Summa est, Jesum Christum Dominum nostrum, administrationem illam suam plenitudinèq; spiritus à patre acceptam sic explicavisse in oculis totius mundi, ut testatam fecerit in majestate summa humilitatem summam: & omnium hominum quamvis infirmisimorum, rationem habuisse, ut spoliatis potestatibus de restituta suorum salute triumpharet, quos ex Judæis gentibusque collegerit. Totus ergò hic locus tribus summis capitibus concludi potest: quorum primum est de persona, vocatione, donis, & administratione Christi versu 1. secundum, de modo administrationis illius versu 2. & 3. postremum denique de fine vel eventu administrationis illius versu 4. Optimè autem à Matthæo accommodatur hic locus illi interdico Christi, quo usus fuisse dicitur versu 16. *Sanavit, inquit Matthæus, eos omnes & interminatus est eis, ne ipsum palam facerent.* Cur autem *his* impleatur quod dictum erat per Esaiam, &c. Sensus

sus est, quod signum Esaias prædixit de modo administrationis Christi, id Christus reipsa præstitit. Dixerat autem Esaias hunc fore administrationis modum, ut neque contentiosè cum ullo ageret, sed humilitate maxima, vers. 2. neque infirmis ad regnum Dei venturis offensionis præberet argumentum; sed potius lenitate, prudentiâque maxima infirmitatem suorum præsentem levaret, futuramque præcaveret, vers. 3. Hoc igitur Christus reipsa præstitit, & tanta quidem religione præstitit, ut dignitatem personæ suæ, majestatem vocationis, amplitudinem beneficiorum, & salutis (quam omnibus exhibet) veritatem maluerit sensim instillare in mentes hominum infirmorum, quàm permittere, ut intempestivo clamore ac prædicatione sui nominis infirmis daretur occasio pedem referendi a schola ipsius, vel adversariis in ipsum irruendi; sive (ut dicamus brevius) misertus infirmitatis humanæ, maluit ab effectis, id est, ab operibus suis, homines ipse docere leniter, & beneficiorum infinitate ad se perducere, quàm sinere ut horum persecutione, aut illorum prædicatione intempestivè offenderentur & percellerentur qui ad regnum ipsius erant perventuri. Ac mihi quidem videtur hic Esaiæ locus ad quàm plurimos alios pertinere locos qui apud Evangelistas exstant; ubi Christus vetuit suum nomen, sermonem, aut beneficium, sive a diabolo, sive ab hominibus prædicari; sed id Matthæo visum fuit satis, si hoc tantum loco Esaiæ verba adduceret, quæ a piis hominibus ad consimiles narrationes accommodarentur. Hic verò quæstiones duæ afferri possunt: Una de mutationibus, quæ hic frequentes exstant: altera de rei ipsius interpretatione. Primum ergo ut de mutationibus ordine dicamus, nulla versu primo comparatur mutatio. Nam quod sustentandi verbum Matthæus interpretatur *αἰσιθεῖν*, factum est convenientissimè. Non enim (ut plerique omnes interpretati sunt) significatur hoc verbo eligere, sed potius (ut Varinus exponit) *αἰσιθεῖν* καὶ εἰς ἑαυτὸν αἰσιθεῖν, id est, sibi asciscere atque assumere; quod ipsum Hebræi infinitis locis dixerunt, sustentare, ut Genes. 48. 17. Exod. 17. 12. Psal. 41. 13. & 63. 9. & alibi passim. Secundo versu illa Prophetæ verba, *non vociferabitur*, metalepticè a Matthæo redduntur, *non litigabit*, puta vociferando: ut rixosi homines, atque importuni vocem inter litigandum solent contendere. Quemadmodum & ex efficiente causa effectus intelligitur atque exprimitur, quum pro eo quod Prophetæ dixerat, *non faciet ut audiat vox sua*, substituit Matthæus, *non audiet quisquam vocem ejus*. Similiter in versu tertio nihil mutationis est, si hoc exceperis, quod eventum vel finem administrationis Christi, quem Prophetæ aggressus est, sub finem hujus versus & sequente explicavit, Matthæus conjungit simul, & in pauciora verba contrahit: nimirum quia enarratio eventus, hoc quidem in loco, ad consilium Matthæi, & ad exemplum, de quo agitur, non perinde pertinebat. Quæ cum ira sint, nulla hic exstat mutatio, quæ jure, aut ulla juris specie reprehendi possit. De interpretatione autem confirmanda, cur laboremus hoc loco, nihil est; cum veteres quique Hebræorum & aliorum populorum interpretes hæc omnia accipi de Christo viderint oportere. Nam etsi de Jacobo impuri quidam interpretati sunt, & de Ecclesia Judæorum alii; id tamen clamant Prophetæ verba, veteres historiæ docent, & eventus confirmat manifestissimè, neminem unquam hominem exstiterisse, cui hæc verè attribui possint, præterquàm Christum: quod si de altero homine ullo prædicari non potest, multo minus



minùs de toto Ecclesiæ corpore, (cujus caput est Christus) enunciari oportere: hæc enim propria esse opera, effectiones, & attributa capitis, non autem corporis, aut membri particularis ullius de toto corpore.

## PARALLELUS XXIIII.

Ionæ 1.

17 *Paraverat autem Jehova piscem magnum, qui absorberet Jonam; fuitque Jonas in visceribus illius piscis tribus diebus & tribus noctibus.*

Matth. 12.

39 *Natio mala & adulterina signum requirit, sed signum non dabitur ei, nisi signum ipsum Jonæ Prophetæ.*

40 *Sicut enim fuit Jonas in ventre ceti tres dies & tres noctes: ita erit filius hominis, &c.*

**A**ntequam de justa horum locorum comparatione sententiam nostram asserimus; necessarium esse ducimus, ut certa quædam capita de typis præmittantur; quibus positis transibimus ad singularem loci hujus explicationem. Typos in Ecclesia Dei & in sacra scriptura esse, nemo sanus dubitaturus est. Quid autem sint typi, jam antè in Parallelum sextum docuimus. Sunt enim typi expressæ rebus imagines rerum, ut allegoriæ sunt imagines quasi expressæ verbis. Typorum autem duæ sunt species, communis, & propria sive singularis. Communis typus est, qui ad res varias communiter pertinet, eisque accommodari potest. Hunc Græci non modò τύπος; verum etiam ἱστορία, παράδειγμα, & ὑπόδειγμα, & ὑποχρέωσις nominarunt. Sic enim Paulus, *Hæc autem typi nostri fuerunt, ut ne concupiscamus res malas, &c.* Item, *Hæc autem omnia typi, typi inquam eveniebant ipsis, scripta verò sunt ad nostri admonitionem, in quos seculorum fines occurrerunt.* Idemque Timotheo præcipit, *ut sit typus fidelium in sermone, in conversatione, in charitate, in spiritu, &c.* & Tito, *ut per omnia seipsum præbeat typum bonorum operum.* Quo sensu Christus *se dedisse nobis ὑπόδειγμα,* & Petrus *Christum reliquisse ὑποχρέωσις* dixit. Proprius verò aut singularis typus est, qui propriè & singulariter ad unam certam personam aut factum, aut rem aliquam demonstrandam atque exprimendam institutus & destinatus est. Quemadmodum Paichalis agnus, proprius typus est & destinatus Christi: panis & vinum in sacramento cænæ Domini, proprius typus est corporis illius fracti, & fusi sanguinis pro nobis ac nobiscum verè communicati ad vitam æternam, & similia. Ac illud quidem omnium typorum commune est, quòd sunt ὁμοίησις, & ad aliud aliquid respiciunt. Sunt enim omnes typi ex personis, rebus, aut factis effingentibus: Respiciunt autem ad personas, res vel facta τύπος, id est, efficta typis. Verùm illud communis typi, quem priore loco posuimus, proprium est, quòd in quæstione iusti & iniusti necessariam planè conficit argumentationem: in quæstione verò singularis facti, non necessariam, sed contingentem solum. Nam ex particulari in hoc genere nihil concluditur: sed juris regula ad omnes hypotheseis semper & ubique universalis est. Verbi gratia, hæc oratio *typus est bonorum operum*, complexionem efficit, mortalibus omnibus ex æquo necessariam; quia typus est ætiologicus, sive de iusto & iniusto agens. Illius autem propositionis; *Patres concupi-verunt, fuerunt idololatræ, &c.*

1. Cor. 10. 6.  
& 11.

1. Tim. 4. 12.  
Tit. 2. 7.  
Joh. 13. 15.  
1. Pet. 2. 21.

fuerunt,

*sunt, sentaverunt Christum, &c.* non est confectarium ex necessitate illud. Ergo & nostri homines concupiscent, erunt idololatra, &c. sed contingens tantum. Erenim si non ex contingente; sed ex necessario illud concludendum esset, non fuisset dicturus Apostolus, *typi sumus, ut ne concupiscamus res malas, &c.* Ergo in hoc typorum genere quod est a tiologicum, concludit necessario; quod historicum, contingenter solum. Proprii verò & singularis typi proprium illud est, quòd a què in historia, atque in ætiologia, id est, tam in questione facti, quam in questione juris necessariam conclusionem efficit ad rem, quæ adumbratur, pertinentem. Exempli causa, *non confringetur ullum os ipsum*, quod a Johanne in historia perpeffionum Christi adducitur, hoc quidem de, typo, nimirum Paschali agno, a Mose dictum est, & a Deo institutum; sed cum ille typus proprius Christi ac singularis fuerit, & hoc institutum Dei inter alia significata historiam perpeffionum Christi præsignificaverit; omnino idem quoque factum fuisse eventurum Christo hic legalis typus & necessario demonstravit: ac proinde non interpretatur Johannes legem allegoricè; sed typum legalem explicat, & in Christo, qui complementum est illius effectum fuisse docet. Similiter, quòd Matthæi 27. 9. de Christo prædicatur, *ipsum triginta numis æstimatum, eosque numos ad emendum figuli agrum collocatos esse*, id quidem typicè Zacharias gesserat ex mandato Dei, sed necessario in Christo còplendum fuit: quia proprius ille typus erat Christi, ac proinde illud propriè fuit effectum in Christo, quod Dominus typo per Zachariam adumbraverit. Nec refert, utrum hic typus, sive proprium eum, sive destinatum dicas, imperatus fuerit, aut datus: faciendus, aut factus. Nam in utroque genere satis est, si id quod imperatum aut factum dicimus, ad certam rem aliquam præfigurandam Dominus adhibuerit. In omnibus autem typis prudenter & piè considerandum est, quid typi effingentis sit proprium, quid rei efficiat. Nam si omnis similitudo aliqua tantum ex parte, ac non κατὰ σύνθεσιν convenientiam habet cum ea re, qui cum intercedit convenientia: profecto typos non κατὰ σύνθεσιν; sed ex parte solum rebus efficiendis oportet respondere. Sunt enim typi genus similitudinis. Quicquid ergo proprium est rei effingentis, id quodammodo secerni opus est; ut illud solum cum ea re, adhibito iudicio comparatur, quo convenientiam cum re efficiat habet; & consimiliter, quicquid rei efficiat proprium est, hoc ita oportet subduci, ut cum typo minimè confundatur. Hoc modo priscum illud pascha fuit agnus; nostrum, est Christus verus Deus, verus homo; ille typus, hic autem veritas; & Pascha illud Patres comederunt ore (nam erat typus) ut nos ore panem, (est enim ἀντίτυπος) ac Christum utrique fide. Idem in cæteris iudicium fieri necesse est. Demonstrat illud, quod modò diximus, evidentissimè egregia illa quam Apostolus ad Hebræos instituit, Melchisedeci cum Christo còparatio; in qua, nisi quod proprium est Melchisedeci, ab eo scitè distinxeris quod proprium est Christi, in gravissimos & periculosissimos errores collabèris. Quid enim aliud est, si proprietates figuræ cum veritatis proprietatibus confundantur: quam ex figura facere veritatem, & veritatem figura commutare, imperitè: denique per confusionem utrumque simul e medio tolleres? His ita positis, jam de hoc loco nostro videamus. Igitur utriusque loci finis communis est, ut hominibus infidelibus exprobretur & obfignetur sua incredulitas: & quia homines ejusmodi ultrò prælucentem verbi divini faciem

facem certatim extinguere tentant, singulari Dei miraculo ponatur ipsis ob oculos sua condemnatio. Hoc enim Deo videbatur, quum Jonam, subterfugientem officium sibi imperatum, Deus contineri in ventre ceti triduum voluit: similiterq; Christo, quum Scribis & Pharizis objecit futurum resurrectionis miraculum. Fuit quidem alter in liberatione Jonæ, & resurrectione Christi finis ad bonos pertinens, nempe ut bono essent credentibus; sed non eo minus hic alter finis adversus incredulos, judicio Dei fuit constitutus, prout complures ejusdem rei fines optime Dei sapientia novit conjungere. Summa autem est, eos quibus nec Dei verbum, nec signa verbo accedentia propter ipsorum incredulitatem utilia esse possunt ad salutem; sed contra qui amplius irritantur vitiositate sua, ut tentent Dominum & ludificentur administrationem ejus, nō propterea omni signo carituros esse: Id enim futurum, ut ejusmodi signa ipsis objiciat Deus quibus irriteretur amplius, convincatur, & iustissime condemnentur ipsorum pertinacia. Sic olim fuisse factum Israëlitis, quum Jonas ex ipsorum conspectu sublatu est, & quasi sepultus in ventre ceti triduum, ac postea demum restitutus. Sic etiam Christum Judæis facturum esse, quum Christus resurrectione sua ægrè illis faceret, & lapis offensionis erit. Hic verò queritur ad utrum genus typi hæc pertineat accommodatio: ad communem typum, an ad proprium atque destinatum? Ad communem si retuleris, hæc futura est verborum Christi interpretatio: Signum non dabitur ei, nisi signum illud Jonæ Prophetæ: id est, dabitur signum simile illi quod in Jona Prophetæ fuit editum. Atque hoc genus loquutionis Scripturæ sacræ, authores profani & sermo vulgi semper frequentarunt. Sic enim propter peccata Manassis Joachimum Regem sublatum fuisse a Deo legimus, pro eo quod est, propter ejusmodi peccata, cujusmodi fecerat Manasses. Sic Judæi dicuntur populus Sodomæ, principesque eorum principes Gomorrhæ, & similia multa. Sic etiam (ut ad res communes & populares veniamus) aurum Tholosanum, & Dodonæum, pro iis quæ Tholosano & Dodonæo similia sunt eventu: item Sylozontis imperium, Draconis leges, Thessalicum saltum vel numisma, Thuscum jurgium, pro similibus usurpamus. Hanc verò interpretationem sequens versus videtur confirmare, quum eo dicitur, *Sicut enim fuit Jonas in ventre ceti tres dies & tres noctes, ita erit filius hominis, &c.* Altera interpretatio est, non simplicem hic esse exempli similitudinem, aut comparisonem communis typi; sed proprium (ut appellavimus) & singularem afferri typum cum eventu Christi comparatum. Quam quidem interpretationem a veteribus plerisque & nostris hominibus observatam, nolim, ut planè alienam ab hoc sermone Christi, repudiare, sed meo tamen judicio altera anteponenda est; primum, quia plus simplicitatis habet, & laboris minus ad explicationem: secundò, quia melius cum verbis Christi videtur convenire, quæ apud Matthæum & Lucam exstant: postremò, quia videtur magis respondere toti argumentationi & fini illius. Non enim argumentatur Christus se resurrecturum, quia specie quadam Jonas resurrexerit, neque hunc finem habuit propositum, ut demonstraret se resurrecturum ad implendum typum qui in Jona antegressus esset; quin potius argumentatio est hæc, Deum olim Israëlitis incredulitatem ipsorum gravissimo Jonæ signo exprobravisse, atque obsignasse: jam verò idem quoque se Judæis denunciare a persona sua; nimirum fore, ut qui tentant ipsum, miraculo

2. Reg. 24. 5.  
Esa. 1. 10.



## PARALLELORUM

supernaturali, de sua infidelitate, & severitate venturi a Deo iudicii evincantur, & damnentur omnes palam, nisi propediē resipiscant. Quapropter etiam Christus hunc sermonem totum postea exemplis communibus adductis non singularibus typis persequitur; puta Ninivitarum & Regina Sabæ. Non est igitur hic typus proprius, iudicio meo; sed exemplum purum, ut ante nos sensit Ambrosius; quod ea omnia, quæ Christus continuato sermone Phariseis tentantibus ipsum denunciavit, videntur ostendere. Parallelam autem sequentium locorum de Ninivitis & Regina Sabæ comparationem hic instituire foret supervacaneum, cum loci aperti sint verbis sententiæ suæ, & cum historia veteris Testamenti planè consentiant.

## PARALLELVS XXV.

Esaia 6.

9 *Audite audiendo, at ne intelligati: & videte videndo, neque cognoscatur.*

Matth. 13.

14 *Auditū audietis, & non intelligetis, & videntes videbitis, & non cerneritis.*

**F**inis communis est utriusque loci, ut iustitia Dei in obfirmandis & castigandis iis qui pietatem omnem ultrò abjecerunt, aperte ostendatur. Summa verò est, non esse infidelibus datum ut mysteria regni cælorum noverint; sed illud ipsum quod habent lucis reliquum, tam ineptum esse ad percipienda illa mysteria, ut res quamvis auditas non possint assequi, aut percipere oculis expositas, præ stupore & cæcitate ipsorum. Est igitur accommodatio ætiologica, vel in quæstione iusti & iniusti posita in hanc sententiam: Ad iustitiam Dei pertinet, ut quorum cor pinguefactum est, aures graves, & oculi tenebricosi, eorum cor, aures, & oculos afficiat ad obfirmandam, non corrigendam vitiositatem ipsorum. Sunt autem ejusmodi, ait Christus, illi quibuscum in præsentia agimus: Illos igitur hoc pacto opus est affici. Priorem propositionem confirmat Christus ab autoritate divina in exemplo consimili versu 14. Sic enim (inquit) olim Deus per Esaia in Judæos fecit: cujus quidem iustitiam hoc quoque tempore nos æquissimum est imitari. Secundam verò propositionem, sive assumptionem confirmat 15. versu, dicens, *Pinguefactum est enim cor populi huius, &c.* Sunt igitur omnia hoc loco evidentissima, si hoc exceperis, quod mutationes nonnullas adhibuisse videtur Christus, & ab Esaia verbis discessisse. Omnino tamen unum est mutationis genus, nempe quod Esaia hæc imperandi modo enuntiavit; quia populum ipsum compellabat Domini Dei verbis: Christus verò simplice indicandi modo eandem sententiam enunciat; quia cum Apostolis suis ipsum hac de re interrogantibus, non autem cum populo sermonem habebat. Itaque rei nulla est mutatio, sed tantum modi, respectu earum personarum, quibus cum agebatur; quæ mutatio non derogat de veritate verbi; sed ostendit applicationis modum, ut in Parallelum quintum docuimus. Atque eadem quoque videtur esse ratio sequentis versus: ubi assumit quidem Dominus Esaia verba, & illis utitur, quum sermonem de constitutione populi Judæorum, qui tum aderat, apud suos Apostolos habet. Sed non propterea putandum est Esaia locum ex professo in eo versu adduci: quia loquitur Christus de populo qui tum erat; non autem de populo, qui olim temporibus

# LIBER PRIMUS.

51

temporibus Esaiæ fuerat. Itaque versus 15. non est authoritatis (ut ita dicamus) necessario de facto & eventu concludens allegatio; sed tantum sermonis conformatio: quam propterea necesse fuit adhiberi, ut illustrior esset totius hujus argumentationis veritas, quam veritatem superioribus satis explicatam esse ducimus pro instituto nostro.

## PARALLELUS XXVI.

Psal. 78.

2 *Aperiam per parabolam os meum, et eructabo occulta inde ab antiquitate.*

Matth. 13.

35 *Aperiam per parabolas os meum, et eructabo occulta a jactis fundamentis mundi.*

**F**inis est, ut manifesta Dei sapientia in ratione docendi sit Ecclesie exposita, qua bonos instituit, & destituit magis magisque malos & impios. Summa, Deum non solum propria & simplice oratione uti, sed figuratam etiam ac parabolicam sapientissimè adhibere in Ecclesia sua, qua hos & illos commodè afficiat ex animi sui sententia; bonos quidem & trepidantes ad verbum ipsius de salute informando, malos verò de perditione ipsorum futura a cæcitate ipsorum evincendo. Accommodatio non omnibus videtur esse eadem. Nam quia duo sunt typorum genera (ut antè in Parallelum vigesimum quartum diximus) duplex quoque nata est hujus loci interpretatio. Prior est, quæ authorem Psalm. 78. constituit proprium fuisse typum & singularem Christi in canendo hoc Psalmo; ac proinde historicè hunc locum accipit, tanquam si dixeris, authorem illius Psalmi de seipso hæc verba typicè enuntiavisse: Matthæum verò jam anagogicè historicam veritatem illius typi demonstrare. Posterior accommodatio non historica; sed ætiologica est: quæ typum statuit non in persona, sed in docendi ratione: hoc est, similem esse communemque ponit æquitatem in illa Prophetæ enunciatione, atque in hac Christi; unamque & eandem cum doctrinam, tum modi in docendo analogiam. Nobis probatur magis posterior interpretatio in hanc sententiam: Qua ratione Deus Pater per Prophetas suos in omni tempore populo mysteria regni cælorum enuntiavit, eadem me quoque (ait Christus) qui sermo Dei sum, uti necesse est. Est autem usus ratione parabolica, &c. hæc autem posterior propositio authoritate scripturæ ostenditur. Itaque figuram judicamus non esse in voce *παροιμία* statuendam; sed in altera illa, *τὸ μυστήριον*: quasi dicas, ut impleretur a Christo quod simili exemplo olim Propheta impleverat. Quam figuram vel loquutionis modum esse frequentissimum Parallel. 24. antè demonstravimus. Mutatio unica est, quod pro illis verbis *ab antiquitate*, subjecit Christus, *a jactis fundamentis mundi*. Sed nulla ex eo difficultas nascitur, cum alterum sit alterius interpretamentum. Gravius illud est, quod objicere aliquis hoc loco possit, At non est eadem parabolarum ratio in utroque loco; nam Propheta res gestas eo Psalmo narrat, & Christus factas, quæ vulgò *μυστήρια καὶ ἀποκρύφια* appellantur. Respondeo, Contrà verò primum communem rationem habent generis, sive quæ generi uni subjunctæ sunt. Nam & facta exempla, id est, historie atque Apologi continentur parabolarum genere: quemadmodum etiam theses vel pronunciata generalia, & res contingentes ad idem genus referri possunt. Secundò, ne hoc quidem

## PARALLELORUM

parabolarum genere, quod in thesibus positum est, carere Psalmum septuagesimum octavum vel finis illius ostendit evidentissimè. Postremo, ne ea quidem ipsa, quæ hic narrat Christus, negaverit quisquam (si modo sanus est homo) inter mortales contingere; cum omnes hæ narrationes parabolicae, sive historias, sive apologos dixeris, non ex abstrusis atque incognitis, sed ex rebus maximè communibus, notis, ac popularibus depromptæ sint.

## PARALLELUS XXVII.

Exod. 20.

12 Honora patrem tuum &amp; matrem tuam.

Exod. 21.

17 Qui maledixerit patri aut matri, morte plectitor.

Matth. 15.

4 Deus mandavit dicens, Honora patrem tuum &amp; matrem. Item, Qui maledixerit patri aut matri, morte moriatur.

**H**is duobus locis cum Legis præscripto omnino convenit verbis atque sententia. Quia verò Christus comparationem instituit legalis doctrinæ cum Pharisaica, ut in capite quintum supra ostendimus; id tantum afferemus, quod videtur esse opus ad argumentationis hujus evidentiam. Finis hujus argumentationis est, ut evincatur præpostera Phariseorum conscientia, quod suas traditiones curent, & præcepta Dei negligant vers. 3. Summa verò, quod confirmat Christus hoc utrumque membrum instituta comparatione unius argumenti: ex cujus exemplo alia quoque voluit intelligi. Comparatio est divini illius præcepti de honore parentibus exhibendo, vers. 4. cum Pharisaica dispensatione (ut vulgò loquuntur) id est, liberatione à legitimo filiorum erga parentes suos officio, vers. 5. Mandatum Dei per gradationem duplex à Christo adducitur: unum, quo officium erga parentes præcipitur: alterum, quo poena contravenientibus statuitur. Hoc utrumque mandatum uniço Phariseorum dogmate labefactari ostendit Christus: primum, quod docerent filios satis habere honoris parentibus, si donum aliquod Deo in Ecclesia parentum causâ obrulerint: secundò, quod dicerent donum illud usque adeò meritorium esse, ut & parentes percipiant illius commodum, & filii de reliquo soluti sint planèque liberi ab adjumento aut honore parentibus amplius præstando. Hæc ita se habere, ut evidentius ostendamus, grammaticam verborum explicationem afferemus. Ac primum quidem verba illa, *δίδωμι ὃ ἴαυ ἐξ ἐμῆς* tractationem (ut appellat Varro) sive trajectionem habent in scripturis sacris frequentissimam, pro eo quod est, quodcumque donum à me fuerit; deinde in voce *ἀντιμισθία*, ellipsis est pronominis *ἐκ τῆς*; quasi dicas, hoc dono juvaberis, vel, hoc donum profuturum est tibi. Postremo autem illa verba *ἡ δὲ μὴ πρὸς*, per enallagen modi videntur dicta, in hanc sententiam: Qui donum suum Deo obtulerit & fructum illius in parentes à se dixerit derivari; non est cur laboret amplius de honore alio parentibus suis insuper exhibendo: ac proinde tum a præcepto illo legis de honorandis parentibus, tum etiam a poena, quam lex in contravenientes statuit, solutus est, etiamsi eos amplius non honoraverit. Hanc interpretationem Marcus confirmat evidentissimè, quum his verbis Christum usum fuisse narrat; *ac non permittitis amplius eum quicquam*

Marc. 7. 12.



# LIBER PRIMUS.

quicquam præstare patri suo aut matri suæ. Cætera sic videntur plana, ut opus non habeant ulla à nobis explicatione.

53

## PARALLELUS XXVIII.

Esaïæ 29.

13 Appropinquat populus iste ore suo, & labus sui honorant me: cor autem suum procul amovet a me, & est: que reverentia eorum erga me præcepto hominum edocila.

Matth. 15.

8 Quum appropinquat mihi populus iste, ore & labiis me honorat, cor autem eorum procul à me amovet.

9 Sed frustrà me colunt docentes doctrinas, mandata hominum.

**F**inis est utriusque loci, ut Judæorum impietas & infidelitas revincatur: Summa, speciem quidem habere illos pietatis, sed veritatem ejus pernegare, tum intus animo, tum etiam foris doctrina atque institutis; cum mandata hominum substituant in divinæ doctrinæ locum. Accommodatio est (ut mihi quidem videtur) historica; quia Christus dictum suum antecedens confirmat, non solum ab exemplo uno doctrinæ, de quo in Parallelo præcedente diximus; verum etiam ab autoritate Prophetica, in hanc sententiam. De toto Judæorum populo Deus per Prophetam suum hanc impietatem & infidelitatem variacinatus est; vos autem hypocritæ, estis de numero istius populi: hæc igitur Prophetia de vobis pronunciata est. Sic argumentatio est valentissima, ducta à toto in tempore, ut vocant, ad partem illius. Quod si qui maluerint argumentationem esse ab exemplo, per me licet. Verum tamen videtur prior interpretatio plus habere ponderis, & magis ad Christi consilium pertinere. Mutationes quidem nonnullæ videntur esse: ut in priore apud Matthæum versu futura est, si verbum ἀνίστην intransitivè acceperis: quod verbum non minus commodè etiam transitivè exponi videtur posse, ut Prophetæ verbis respondeat, quemadmodum nos in Parallelo diagrammate, reddidimus. Posteriore autem versu synonyma sunt, vel ὑπονομία omnia, & apud Matthæum expressa Esaïæ verba evidentius. Quamobrem hæ mutationes remorari neminem jure possunt, quum aliæ voces aliis idem significantibus exponuntur. Adjectione una est particula, *frustrà*, quam sive Christum de suo adjecisse dixeris, quia justa est & ad rem pertinens adjectio; sive ex antecedente apud Esaïam similitudine adhibuisse; non est injusta, aut perissologica; sed exegetica & maximè commoda ad rei quæ agitur explanationem.

## PARALLELUS XXIX.

Esa. 35.

5 Tunc aperient se oculi cæcorum, & aures surdorum pascient.

6 Tunc saliet claudus, velut cervus, & cantabis lingua muti.

Matth. 15.

30 Tunc adiit eum turba multa habens secum claudos, cæcos, mutos, mancos, & alios multos, quos abjecerunt ad pedes Jesu, & sanavit eos.

31 Aded ut turba mirata sit, &c.

**F**inis est utriusque loci, ut regnum Dei in Christo agnoscatur atque prædicetur: Summa, ex manifestissimis eventis & effectis illius

qualia hæc divina opera fuerunt ab Esaia prænunciata, & a Christo completa) etiam ab imperitissimis quibusque hominibus illud fuisse agnitum, & magnificè prædicatum. Quamobrem optima est hujus, & aliorum Esaia locorum, accommodatio ad hanc historiam atque consimiles. Unum tantum fortasse pios morari possit: quòd Esaia in locis ejusmodi typicè potius loquutus esse videatur quàm historicè; ac proinde non possint hi loci propriè comparari, si aliud Esaia senserit. Respondeo, verum quidem hoc consequens futurum esset, si antecedens poneretur & pro confesso certoque haberetur: sed non debent loci ejusmodi typicè potius quàm historicè accipi, ubi demonstratur historicum eorum complementum. Hoc autem demonstratur hic & locis aliis quàmplurimis. Sic ergò accipi necesse est. Historicam verò potius quàm typicam interpretationem, ubicunque exposita est commoda utriusque ratio, adhibendam esse, demonstrat primum justus interpretationis modus. Nam prior semper est propria & simplex interpretatio; neque ad figuratam transvolandum est temerè, ubi propria est locus. Secundò confirmat idipsum Prophetarum consilium in locis ejusmodi. Nam etsi hyperbolas, typos, & allegorias promiscuè adhibent; simplices tamen historias certo consilio interserunt, ut hæc sint illarum indices; quia dubia omnes Prophetia furarum essent, si nihil nisi hyperbolas, typos, & allegorias continerent. Tertiò, evincit ipse Prophetiarum typicarum modus. Nam typicæ quidem illæ sunt, quæ aut de Deo humanitus, aut de rebus creatis secus prædicantur quàm aut ex natura ipsarum est, aut ex dispensatione gratiæ, aut ex iusti & iniusti regula: Sed quæ de operatione Dei & Christi in rebus creatis prædicantur secundum eam dispensationem gratiæ, quæ aut jam completa, aut deinceps complenda est in Christo, & per Christum, ea verò typicè accipi non debent; quia omnino non possunt sine atrocissima in Deum & Christum ejus contumelia: Est autem hic locus ejusmodi. Propriè igitur hunc & consimiles accipi necesse est.

## P A R A L L E L U S XXX.

*Matth. 16.*

4 Natio mala & adultera signum requirit: sed signum non dabitur ei, nisi signum illud Jonæ Prophetæ.

Hic locus jam antè Parallelo 24 fuit explicatus.

## P A R A L L E L U S XXXI.

*Malach. 3.*

23 Ecce ego missurus sum vobis Eliam Prophetam, &c.

*Matth. 17.*

11 Elias quidem veniet primum, & restituet omnia:

12 Sed dico vobis Eliam jam venisse, &c.

**F**inis utriusque loci unus est, ut regnum Christi ex præcurfore vel antæambulone ipsius cognoscatur: Summa, Johannem Baptistam Christi præcurforem esse; cujus ministerio fuerunt pii in populo Dei ad instaurationem, quæ per Christum facta est, percipiendam comparati. Tantum eo discrimen est, quòd Malachias venturum præmonstrabat,

strabat, Christus demonstrat advenisse. Nec obstat, quòd Elias utroque in loco appellatur. Nam Eliæ nomen his quidem in locis non tribuitur propter identitatem personæ (ut loquuntur scholæ) hoc est, eò quòd Elias aut redivivus per illud tempus fuerit, aut Eliæ spiritus secundum Pythagoricam illam *μετεμψύχωση* (quam Judæi plerique credunt) in corpus alterum humanum, puta Joannis Baptistæ transiverit; sed propter identitatem spiritus & virtutis, quam Angelus explicavit Luc. 1. 17. hoc est, eò quòd paribus donis, vocatione, administratione, & operationibus instructus est; ut paria tempora pari virtute ad bonam frugem revocaret. Quamobrem Christus hoc in loco his verbis utitur, *Elias quidem venturus fuit primum, & restitutus omnia; sed dico vobis, &c.* ut ea ratione Christus ostenderet, non stetit per ipsum, quo minùs ea præstaret quæ in mandatis acceperat; sed incredulitatem Judæorum administrationi ejus obstinisse, versu 12. ut olim Israëlitarum pervicacia impedimento fuit, ne ministerium Eliæ, pro ut debuit, fructuosum apud ipsos esset.

## PARALLELUS XXXII.

Deut. 19.

15 *Ex sermone duorum testium, aut ex sermone trium testium statuta res esto.*

Matth. 18.

16 *In ore duorum aut trium testimonium stabile sit omne verbum.*

**L**ocus est ætiologicus: ac proinde constantissimam & semper necessariam regulam juris complectitur, quæ in rebus privatis, publicis, civilibus, ecclesiasticis, omnibus denique locum semper obtinere debet. Nam ætiologiæ natura semper est eadem, & sibi constans, ut in Parallelum sextum ostendimus.

## PARALLELUS XXXIII.

Genes. 2.

22 *Costam illam quam desumerat Jehova Deus ex Adamo extruxit in mulierem, & adduxit eam ad Adamum.*

24 *Propterea relinquet vir patrem suum & matrem suam, & adhaerebit uxori suæ, eruntque in carnem unam.*

Matth. 19.

4 *Non legistis, opificem ab initio fecisse masculum & feminam?*

5 *Et dixisse, Propterea relinquet homo patrem & matrem, & agglutinabitur uxori suæ, & qui duo fuerant, in carnem unam futuri sunt.*

**V**triusque loci finis est, ut naturalis ratio sancti conjugii in genere humano integra & inviolata teneatur. Summa, conjugii humani legem non ex unius conjugis, aut utriusque arbitrio pendendam esse; sed tum ex ipso creationis opere, tum ex primorum parentum exemplo, tum denique ex sancta Dei institutione constare, unam esse perpetuamque legem conjugii; ut tantisper dum vivunt, alter sit atque permaneat caro alterius. Facilis ergo est hujus loci accommodatio. Nam primum creationem his verbis adducit Christus. *Qui fecit ab initio marem & feminam*, non, mares fecit aut feminas: hoc est, unum cum una conjugandum fecit. Deinde verò primorum parentum exemplum hac voce innuitur, *Propterea*; tanquam si dixisset author,



## PARALLELORUM

quia ex Dei institutione & facto mulier convenit in manum viri, & à Deo ipso ad virum adducta est; hoc Dei factum vim legis apud homines æquum est obtinere: quia æquitas non in Adamo & uxore ipsius substituit, sed totam posteritatem & speciem ex æquo obligavit. Postremum verò & potentissimum est Dei institutio; qui non solum facto creationis, aut singularis illius conjugii inter Adamum & uxorem ejus, hanc legem confirmavit; sed etiam institutionem perpetuam in omnem posteritatem pronuntiavit: nempe cum ut conjugia inæantur, tum ut vis conjugiorum teneatur observeturque, velut sanguinis vim & necessitudinem superantium. Nec obstat illa quæstio, quæ vulgò agitari solet: sint ne hæc Dei, an Adam, an Moysis historiam conscribentis verba. Nam si ve Adam, si ve Moysis fuisse statueris, omnino tamen Dei sunt; cujus spiritus per Adamum & Moysen hæc & alia eloquutus est: si ve Dei verba immeditatè esse putaveris (quod ex historia Moysis non potest colligi) id tamen certum est, ea ipsa verba per Moysen duce Dei Spiritu literarum monumentis consignata esse. Quamobrem simpliciter Christus hoc loco narrat Deum opificem hæc verba dixisse, ut autoritatem eorum amplius ostenderet, quocunque tandem instrumento ad ea proferenda uti placuerit.

## PARALLELUS XXXIII.

Matthæi 19.

7 Cur ergo Moyses mandavit dare libellum discessionis, & eam dimittere &c.

Hic locus jam antè in Parallelum decimumquintum segmento tertio fuit expositus.

## PARALLELUS XXXV.

Matthæi 19.

18 Non occides, non mœchaberis, non furaberis, non dices falsum testimonium.

19 Honora patrem & matrem; & diliges proximum tuum ut te ipsum.

**H**Æc omnia per *συναγωγή* sive congeriem à Christo, tanquam apud hominem non ignarum, dicta sunt: & si ad rei substantiam, non ad ordinem congeriei promiscuum attenderis, summam habent cum lege convenientiam. Quamobrem his missis ad alia perrecturi sumus.

## PARALLELUS XXXVI.

Zach. 9.

9 Exsule a valde filia Sionis, clange filia Jerusale; ecce Rex tuus venit tibi, justus & salute predictus, pauper, & insidens asino, & pullo filio asinari.

Matth. 21.

8 Dicite filia Sion, Ecce Rex tuus venit tibi, mansuetus, & insidens asino ac pullo filio subjugis asinae.

**F**Inis utrobique est, ut Christi notæ & insignia certa demòstrentur, quæ in ipso exstiterunt sub illud tempus, quo ad redemptionem humani generis proximè faciendam sese accingebat. Summa autem; quo

quo tempore Christus servator noster ingressurus fuit Jerosolyma, ut opus mirificum liberationis nostræ perficeret, regnūque suum capesseret parta liberatione; eum non fuisse cum apparatu maximo & humana specie venturum ad suos; sed mansuetudinis documentum ante omnium oculos fuisse ipsum cum toto instrumento suo oblaturum. Hæc prædixisse Zachariam, quum futura essent, Matthæus narrat, & ostendit iusto suo tempore fuisse facta. Atque hanc quidem fuisse mentem Zachariæ, & consilium Dei, tum ipsa verba quæ in hoc versu extant, adjunctaque omnia antecedentia & consequentia, tum Prophetiæ illius argumentum demonstrat evidentissimè. Nam (ut de adjunctis dicamus paucis) quæcunque in ea Prophetia extant cap. 9. & duobus sequentibus, ita circumscribunt adventum Christi in regnum illud amplissimum, quod ipsi dedit Pater; ut non potuerit illustrius eo tempore figurari; sive ab effectis in adversarios, sex versibus capitis noni; sive à piorum defensione, versu 7. & 8. quæ duo ne quis humana specie & carnali modo accipi putet oportere, ulus est Propheta eadem arte, quam supra Paralelo 7. in Jeremiæ locum annoravimus. Nam repente per Apostropham ad Ecclesiam Dei exponit piis Zacharias, non esse cur potentissima illa effecta Christi cogitent fore speciosa in oculis mundi & magnifica secundum rationem carnis, quando Christus ad suos venturus est, & oblaturus facem Euangelii, promissionumque Evangelicarum complementum, in ipso; sed potius oportere ut de conditione totius regni in his terris, & de effectis illius, ex conditione Regis regnum obtinentis iudicium faciant. Regis verò conditionem alio ex tempore edisci melius non posse, quam ex eo tempore, quo primum aditurus est certamen, & regnum suum, insigni victoria (quam nobis sanguine suo per crucem peperit) ordinaturus. Hoc autem sic facturum esse Christum, ut cum his regni initiis, quamvis potentissimi, tenuissimam & abjectissimam humilitatem præ se laturus sit. Nam regni quidem & dominationis documentum in eo fore, quod asinum inequitaturus esset, ingrediens civitatem magni Regis, ut Jerusalem in Scripturis appellatur: Quem morem prisca illi Iudices sanctis & incorruptis illis seculis tenuerunt: Humilitatis verò documentum in omnes partes exsistitur, quod neque in se ipso, neque in comitatu suo, neque in actionibus aut sermonibus suis fastum ullum maiestatis regiæ & gloriæ huius mundi ostentaturus sit, sed omnia quàm humillimè perfecturus. His positis per anticipationem à Propheta, sequitur *ἀνίστααι*, vel regressio ad sermonem institutum de effectis Christi erga Ecclesiam ipsius, versu 10 & seq. in qua id unum typis elegantissimis Propheta fore pronunciat, ut Ecclesia debellatis per Christū hostibus, & defensione constituta, pacem summam habeat & colat beneficio Christi. De argumento autē quid opus est dicere: cum tria illa capita, inde ab eo tempore quo pronunciata sunt, prisca Judæorum Ecclesiæ luculentissimam consolationem & spem regni Christi; nostræ verò certissimam probationem atque multiplicem de complemento promissionum Dei in Christo semper exhibuerunt. Quæ cum ita sint, restat ut illud cum Matthæo statuamus, quod jubet Spiritus sancti autoritas, & docet rei veritas, hæc verba convenientissimè à Matthæo adducta esse; neque aliò sine gravissima in Deum & Christum ejus blasphemia referri posse. Quod autem incidunt mutationes quædam, id neminem bonum remorari potest; quia non fuit Matthæi consilium, ut singula Zachariæ verba

Jud. 5. 10. &  
10. 4.

verba quasi librata exponeret; sed tantum ut rem digito demonstra-  
ret, piolque ab his veluti rivis ad fontem Testamenti Veteris deduce-  
ret. Veruntamen videamus, quanam hæ mutationes sint. Primum o-  
mittuntur illa verba Zachariæ, *Exsulta valde filia Sionis*, quia hæc pro-  
priè ad priscæ Ecclesiæ consolationem spectabant, non autem ad præ-  
sens Matthæi institutum. Pro illis verò, *clange filia Jerusalem*, substituit  
Matthæus, *Dicite filia Sionis*, hoc est, incolis Jerosolymorum synecdo-  
chicè. Utrumque loquendi genus eodem pertinet: Nam qui clangunt  
sive intonant sermone, ii dicunt alii alijs & dicta sua significant: quod  
item Matthæus intellexit suis illis verbis, Nam filiam Sionis, jubet di-  
cere filia Sionis, hoc est, alios alijs prædicare. Quod epitheton *justi &*  
*salute præditi* Matthæus reticet, non eo fit quod expungi illud ex Zacha-  
riæ verbis oporteat, sed quia non est hujus argumenti ubi satis fuit Re-  
gis adventantis signa exprimi, & quasi digito (ut antè diximus) indicari  
pleniorum locum. Appellationem pauperis explicari nomine *εργα-  
τος*, & eundem mansuetum dici, non est insolens: tum quia mansuetus  
& pauper apud Hebræos rami sunt ex eodem trunco paronymi, vel  
conjugatæ voces: tum quia paupertas illa Regis nostri non est alia,  
quàm mansuetudo & abjectio voluntaria ipsius, qui pauperem seipsum  
fecit, ut nos ditaret. Postremò quod illa Prophetæ verba, *Insidens asino*  
& *pullo filio asinarum* (in quibus posterius membrum prioris est exege-  
ticum) Matthæus explicat *asino & pullo filio subjugis asinae*, omnium com-  
modissima est Hebraismi illius explanatio. Nam Hebræi filium armen-  
ti vocant lactentem juvenem aut vitulum: filium caprarum, hædu-  
lum; filium gregis, agnum: cum tamen vitulus, hædus, agnus sint unius  
solum bovis, capræ, aut ovis partus; quia in armento aut grege versan-  
tur, etsi lac tantum unius sugunt. Hic autem asinus hærens ad matris la-  
tera, & lac sugens illius, filius asinarum dicitur, quia duæ subjuges asinae  
in agro adhibebantur, quarum alteram, puta lactantem, asellus seque-  
batur. Quamobrem optimè loquutionem illam *filio asinarum* expressit  
Evangelographus, quum filium subjugis asinae, id est, cum altera jugo  
copulatæ eum esse diceret.

## PARALLELUS XXXVII.

Psal. 118.

25 *Obsecro, Jehova, serva nunc;*  
*obsecro, Jehova prospera nunc.*26 *Benedictus est qui venit in no-*  
*mine Jehovæ.*

Matth. 21.

9 Turba clamabat, dicens, Ho-  
sanna filio David: benedictus qui  
venit in nomine Domini: hosanna  
qui es in altissimis.

**E**T si in tantis umbraculis priscæ Ecclesiæ; & in tanta illorum tem-  
porum, quibus advenit Christus, cæcitate, credibile est non ita  
multos extinxisse, qui elegantissimum illum Psalmum, unde hæc  
verba sumta sunt, commodè intellexerint; tamen minimè dubitamus,  
quin singularem actionem hanc Spiritus Dei fuerit moderatus sapien-  
tissimè: qui & piorum eruditionum mentes adduxit, ut præirent impe-  
ritioribus faustæ hujus acclamationis verba, & imperitorum arden-  
tem zelum inflammaverit ut præeuntes sequerentur in sancta accla-  
matione hac, quamvis mysterium illius planè non intelligerent. Cum  
itaque prisci illius cantici, & hujus acclamationis, author fuerit unus &  
idem



idem Spiritus; pro certo illud statuimus, quod olim fuerat pronunciatum, idem hoc ipso tempore, quum Christus ingrederetur Jerosolyma, impletum esse, & pia illius turbæ mente, corde, & sermone agnitum, perceptum, atque prædicatum. Ac propterea communem esse loci utriusque finem, & argumentum esse commune statuimus; si hoc exceperis, quod illa Prophetia de re ventura loquebatur, hæc indicavit præsentem. Finis igitur est, ut iustus Ecclesiæ Rex ad suos veniens, & regni sui administrationem per mortem crucis initurus, piis acclamationibus & gratulationibus excipiat, prædiceturque. Summa, Jesum Christum, Davidis filium, iustumque Regem in populo Dei, ex promissione illius & in nomine Jehovæ, sive (ut rem exponamus clarius) auctoritate, mandato, & potestate ejus instructum, adire Ecclesiam suam; ac propterea pia quæque Ecclesiæ membra precibus instare apud Deum & Patrem Domini nostri Jesu Christi, qui est in cælis, ut salutem perficiat Ecclesiæ suæ, càmque ex promissione tradat in manus Jesu Christi, quam ex æterno beneplacito voluntatis ejus cum electis singulis Ecclesiæ membris communicet. Hæc omnia propositione illa comprehendere sic demonstramus paucis: Persona Christi demonstratur his verbis, *filio David*: adventus ex Dei Patris consilio, illis, *Qui venit in nomine Domini*; finis hujus adventus, illa repetitione, *Hosanna*, id est, *serva nunc*: author hujus salutis, Deus, adjectione hac, *ô tu qui es in cælis altissimus*: Ecclesiæ denique totius acclamatio, quum dicitur, *Benedictus*, &c. Atque hæc quidem omnia disertè quoque in Psalmo, unde hæc sumta sunt, exprimuntur; ac propterea non possunt alteri ulli rei commodè applicari. Sed quia tamen variat illius loci interpretatio, sententiam nostram collatis primùm aliis, quæ quidem videntur probabiliore esse, asseremus. Triplex igitur est loci illius, qui in Psalmo centesimo decimo octavo exstat, interpretatio. Prima Judæorum est: qui absolutè contendunt illa Prophetæ verba de Davide accipi oportere; sed hanc evertit ipsa natura loci, quam Paraphrasi paulo pòst explicabimus. Secunda est nostrorum hominum: qui secundum relationem typi & veritatis adumbratæ typo totum hunc locum accipi putant oportere. Quam interpretationem, ut piam & ab hominibus piis uno consensu receptam, ut damnemus, aut repudiemus, absit. Nam suo etiam loco potest constare, & ad ædificationem Ecclesiæ adhiberi: sed servatis semper, in utroque relationis membro, typi & veritatis illius proprietatibus. Sed tamè haud scio an tertiam quoque magis probari oporteat, & adversariis veritatis Evangelicæ opponi, ut vincatur illorum pertinacia. Est autem hæc tertia interpretatio, illa Davidis verba nō anagogicè de Christo hoc loco prædicari; sed tantùm historicè simpliciterque attribui ei, pro ut simpliciter & citra omnem rationem typi de Christo à Davide prædicta sunt; hoc est (ut paucis dicamus) in Psalmo historiam fuisse Propheticam a Davide (nam eum autorem puto) exaratam: hic verò apud Matthæum historiam esse *διηγετημένην*, sive narrativam complementi earum rerum quas David prædixerat. Hoc autem, ut melius assequamur, tenendum est illius Psalmi quatuor esse partes: Primam, propositionem laudativam quatuor primis versibus; secundam narrationem particularis argumenti ad propositam laudem pertinentis ex assidua Prophetæ experientia, ad versum usque decimum quartum: neque solum ipsius; verum etiam totius Ecclesiæ & piorum cætus, inde ad versum decimum nonum usque; Tertiam, narrationem

causæ,

causæ, ex qua ad particularia membra & totum Ecclesiæ corpus laudatissima illa salus pervenit, inde ad versum vigesimum octavum. Quartam denique, conclusionem laudativam exordio respondentem, duobus versibus ultimis. Quum autem à secunda parte ad tertiam Prophetia transfiliit, optimè conjungit membrorum & totius Ecclesiæ votum, ut veniat ad causarum explicationem; *Aperite mihi, inquit pius, portas iustitiæ, ingressus per eas celebrabo Jah.* Huic petitioni subicitur sua responsio; tanquam si Ecclesia mater singulos suos filios institueret de causis salutis ipsorum. Portas, inquit Ecclesia, desideras? *hec illa est porta Jehovæ, qua iusti ingressuri sunt;* nimirum Christus, qui via est, veritas, & vita. Hoc aditu explicato, gratulantur pii, dicentes, *celebrabo te, &c.* tanquam si dicerent, Quum aditum hunc, quem nobis patefecit Deus, aspiciamus; quo testatur nobis, fore ut nos porro exandiat & salute donet, non possumus non prædicare singulare ipsius beneficentiam: præsertim cum omnia divinitus data & oblata esse animadvertamus generi humano, quicquam ejusmodi ne per somnium quidem cogitanti. Nam quæ est hæc porta, obsecro? *lapis est, quem reproba verunt ædificantes; ea facta est ægyptiaca,* antam ædificii & portam ipsam constituens; denique idem lapis & columen est ædificii, & aditus in ædificium. Quam rem omnino necesse est fateamur à Jehovæ factam esse; non autem ab ullo homine proficisci, cum mentis captum superet; quanto magis hominis artificium? Deinde, quanto tempore hoc die fecit Jehova, non diuturno labore aut artificio. Quapropter æquum est, ut gaudium letitiæque nostram in ipso uno statuamus, & gloriantes certa fiducia de liberatione nostra, in hoc ipsius aditu proclamemus, *obsecro Jehovæ, serva nunc, &c.* id est, plenam salutem dato membris Ecclesiæ tuæ, & secundato viam Christi tui; quem excipimus omnes hac fausta acclamatione, *benedictus est qui venit in nomine Domini;* neque solum in seipso, aut persona (ut loquuntur) sua benedictus; sed voce Evangelii benedictionem divinam in eos transfundens, qui credunt verbo ipsius dicentis, *benedicimus vobis à domo Jehovæ,* id est, è cælis sive è locis altissimis, ut in Scriptura passim domus Jehovæ definitur. Cum itaque David ab effectis singularibus communibusque in Ecclesiam, assurgat ad celebrationem efficientis causæ in tertia hac Psalmi hujus parte, eamque omnibus numeris & tanta accuratione describat; quam descriptionem non solum Apostoli, verum etiam alii in hoc adventu Christi certissima fide agnoverunt, sanctoque officio prædicaverunt; omnino judicamus hanc interpretationem teneri à nobis oportere; sive Psalmum ipsum respiciamus, in quo fluunt omnia commodissimè, si hæc servatur interpretatio; sive hanc Apostolorum, discipulorumque, Christi, & Judæorum quoque ipsorum applicationem, quam Spiritus Dei fidelibus dictavit quum Christus ingrederetur Jerosolyma. Novimus quidem Judæos de Davide accipere, ut antè diximus: sed nullus ferè versus est in tota illa tertia parte, cui non faciant vim, lacerantes verba, & sententiam torquentes turpissimè. Novimus etiam typicam asserri interpretationem: sed iis, quæ antè diximus, expensis studiosè, cum bona omnium pace judicamus historicam narrationem, quæ simplicior est, & aliquid prophetici magis videtur sapere, typicæ atque implicatæ præferendam esse. Quamquam ego quidem minimè negaverim occasionem Davidi ex typo datam, quum arca Dei importaretur Jeruschalaima, ut ad veritatis ipsius narrationem virtute Spiritus

ritus Dei in fide transcenderet; eoque nomine hunc Psalmum jam tum Ecclesiæ datum; ut ad veritatis contemplationem singuli revocarentur: Sed illud quod in umbraculo fiebat, Davidem cenſeo de veritate pronuntiaviſſe, & ad hunc Domini & Servatoris noſtri diem propriè reſpexiſſe, ut hiftoriam propheticam de ea conſignaret in Eccleſia Dei, cujus hiftoriæ certam in Euangelio habemus declarationem. Mutatio propriè nulla eſt; ſi hoc exceperis, quòd Hebræum & integrum verbum corrupta forma à populo pronuntiatur eſt: neque ſingulæ Pſalmi voces in acclamatione fauſta propoſitæ, ſed tantum eæ quæ in uſu erant populo; & quarum mentionem pii jam olim frequentaverant, ut ſuos etiam pueros imbuerent certis prophetiarum formulis, quæ de adventu Meſſiæ communi omnium conſenſu intelligebantur.

## PARALLELUS XXXVIII.

Eſa. 56.

7 *Domus mea, domus orationis vocabitur omnibus populis.*

Item. 7.

11 *An ſpelunca effraCTORum eſſe videtur hæc domus, &c.*

Matth. 21.

13 *Scriptum eſt, domus mea domus orationis vocabitur; at vos feciſtis eam ſpeluncam latronum.*

**F**inis horum locorum eſt, ut ſanctimonia domus Domini aſſeratur, & ab omni humana labe vindicetur: Summa, Deum poſt omnem hominum memoriam ſanctificaviſſe Eccleſiam ſuam, & voluiſſe, ut in ea quicunque verſantur, incumbant ſanctificationi ſuæ verbo & precibus; ac proinde quicunque domo Dei in res alias abutuntur, eos latrones, effraCTORes, & ſacrilegos eſſe, divini juris contemtores. Duo autem ſunt loci quos conjunxit Chriſtus. Prior eſt ætiologicus; poſterior, hiftoricus, ſed tamen implexam habens ætiologiam vel quæſtionem juris. Aetiologie autem cõſtans & perpetua eſt regula, ut antè Parallelo ſexto diximus. Juſta igitur eſt prioris loci accommodatio, & neceſſariam concluſionem efficit. Poſterior locus eſt tanquam aſſumptio vel propoſitio minor, in hunc modum: Qui domo Dei non utitur ad orationis domum, is eò devenit ut ſpeluncam latronum efficiat eam: Vos autem non ſic utimini; ſed vendentes, ementes, numularios, inſtitores denique omnis generis promiſcuè in eam recipitis adhibetiſque: Ergo latronum ſpeluncâ facitis, & Dei mandatum evertitis traditione veſtra. Itaque hic locus partem habet ætiologiæ, partemque hiftoriæ. Quæſtionis hiftoriæ, ſive de facto, eſt illa propoſitio minor; Judæos non uti domo Dei, ut mandavit Deus. Atque hanc partem ex facto reprehendit & correxit Chriſtus, quum inſtitores illos e templo ejiceret, apud Matthæum proximè præcedente verſu: Sic enim probationem ex re præſente artuliſ. Ad alteram quæſtionis partem probatio adhibetur ab authoritate Jeremiæ, & exemplo Judæorum, qui ſeculo illius vixerant. Nam ſic ait Chriſtus, Judæos Domo Dei ita abutentes ita reprehendit Jeremias; Vos igitur in reprehentionem eandem incurritis. Tam enim juſtum eſt, hæc tempora ſui abuſus nomine a me nunc, quàm illa olim reprehendi a Propheta illo.

PARAL.



## PARALLELUS XXXIX.

Psalm. 8.

3 *Ex ore infantium & lactentium  
fundaram disposuisti laudem.*

Matth. 21.

16 *Ex ore infantium & lacten-  
tium perfecisti laudem.*

**F**inis est utriusque loci, ut doceamur quibus instrumentis Deus gloriam suam testatam faciat: Summa, tam admirabile esse Dei nomen, ut ex ore etiam infantium atque lactentium, id est, ex rebus minimis, & quæ ad eam rem videntur ineptissimæ, exhibeat documenta gloriæ suæ inde a primo illarum ortu: vel nihil esse tam parvum & abjectum in rebus creatis, quin enarret gloriam Dei, sitque laudationis illius instrumentum. Itaque duplex hic inest argumentatio. Prima est, a toto (ut Logici vocant) universali: Omnia vel tenuissima prædicant laudem Dei; & hos igitur oportet hujus prædicationis esse instrumenta. Secunda est ex comparatione minoris: Si infantes & lactentes prædicant, quid hos æquum est facere? In verbis nonnulla videtur esse mutatio duobus modis: primum enim Hebræum illud verbum quod sonat fundare, exponitur *καταρτίζειν*: deinde nomen roboris, ut vulgo redditur ab interpretibus, hoc loco dicitur *αἰνος*. Prior mutatio exegetica est: Nam verbum, *fundare*, accipitur metalepticè, pro eo quod est rem fundatissimam & compositissimam (ut ferè fundamenta fiunt) solidissimè statuere. Atque hoc Græca voce *καταρτίζειν* propriè designatur. Sunt enim Græcis *ἀρτια* propriè dicta, quæcunque perfectam & absolutam constitutionem habent citra omnem labem; Vnde etiam in sermonibus *ἀπαρτιλογίας* vocat Herodorus *τὴν διαρμύδιον, ἢ ἡρμοσμένην λόγον*. Quod autem altera vox aliter, quàm vulgò, redditur; factum est jure optimo. Nam etsi nomen Hebræum, quo Plaltes utitur, propriè significat robor; non dubium est tamen, quin pro locorum ratione (quod alioqui vulgus Grammaticorum fugit) eadem vox metonymicè robustam, id est, vehementissimam laudationem significet: quam exegesis non solum huic loco tribui oportere ostendit Christus; verum etiam omnino flagitant alii præterea loci in quibus conjungitur nomen gloriæ vel celebrationis, ut Exod. 15. 2. *Robor meum & canticum meum Jah*. Item Psalm. 29. 1. *Cedite Jehovæ gloriam & robor*. Itemque Psalm. 96. 7. & 118. 14. & aliis locis. Quæ cum ita sint, hæ mutationes nemini bono graves esse debent; cum ex magis pertineant ad justam hujus & aliorum similium locorum intelligentiam.

## PARALLELUS XL.

Psalm. 118.

22 *Lapis, quem reprobaraverunt ædificantes, factus est caput anguli.*23 *A Jehova factus est hic, qui mirabilis est in oculis nostris.*

Matth. 21.

43 *Quem lapidem reprobarerunt ædificantes, is factus est caput anguli: a Domino factus est iste, & est mirabilis in oculis nostris.*

**F**inis est utriusque loci, ut pii discant de ædificio Ecclesiæ consule-  
re Deum, neque ab hominum autoritate pendeant; sed quia mirabilis est, & summè quidem mirabilis, Ecclesiæ ædificatio, Dei solius

solius auctoritatem, opus, effectūque in argumento hoc suspiciant ac revereantur. Summa, Iesum Christum, qui nobis factus est a Deo Patre sapientia, iustitia, sanctificatio, & redemptio, fundamentum Ecclesiae ipsius esse: atque hoc quidem fundamentum ab iis fuisse reprobatum, quibus mandata fuerat a Deo suae Ecclesiae aedificatio: Sed eo esse admirabilius Dei opus, qui omnibus etiam procuratoribus aedificii aut repugnantibus, aut dormientibus, quasi medicam manum suam salutare gratia adhibuerit, ut fundamentum hoc poneretur: cui fundamento superaedificata Ecclesia tam solidè fundata est, ut ne ipsa quidem inferorum portae ei prevalere possint. Est igitur optima verissimāque huius loci accommodatio; quum Christus hunc lapidem, hunc angulum, hanc admirabilitatem operis divini ad se unum, tanquam filium Dei, haeredemque omnium, docet pertinere. Quo sensu illam Psalm. 118. partem accipi oportere supra ostendimus trigesimo septimo Paralelo, & ipsa vetus Judaeorum Ecclesia tam certò & vulgò agnovit, ut ipsi quoque Principes Sacerdotum, Senioresque adversus huius testimonii productionem ad interpretationis & accommodationis huius everisionem mutire ausi non fuerint. Est autem (ut in transcurso dicamus) hic locus ab auctoritate: quem propterea adduxit Christus, quòd universi huius argumenti assumptionem sive propositionem minorem (ut vocant) opus fuerit confirmari, ad Judaeos contumaces gravius verberandos. Fuit enim in antecedente Parabola propositio major, hoc argumento posita: Quae operae omni injuria, etiāque morte administratos, & filium ipsum haeredemque omnium afficiunt, ex vestra ipsorum, o Sacerdotes, confessione male periturae sunt, & vineam suam Deus aliis est elocaturus. Hanc propositionem, quae in confesso est, altera sequitur, hoc modo: Vos autem ii estis operarii, homicidae, & perfidi. Hanc propositionem confirmat antecedens Spiritus sancti auctoritas. Atque hic assurgit conclusio sequente versu, Propterea dico vobis, fore ut tollatur a vobis regnum Dei, &c. Mutatio nulla est planè, si quis ad rem propius attenderit. Unum est, quod Lectorem fortè remorari possit, nempe, vulgò illa Prophetarum verba quae habentur versu 23. neutro genere explicari. Hoc verò (quod bona omnium pace mihi liceat dicere) cum verbis Prophetarum & Christi non satis convenit. Nam utrobique relativum pronomen scæminini generis est. Cùm autem apud Hebraeos nomen lapidis scæmininum sit, relativum quidem accommodari ad illud posset, nisi obstaret sanctissima Christi interpretatio, aut etiam Matthæi ἁγίου masculino genere pronuntiantis. Deinde, quum apud Græcos scæmininum sit πέδιλον, huc quoque relativum spectare videretur, nisi masculino genere apud Hebraeos fuisse dictum. Restat igitur, ut pronomen istud relativum statuamus ad proximè antecedens nomen anguli (quod Hebraicè & Græcè scæmininum est) pertinere. Nam relativum αὐτῆς apud Græcos neutro genere acceptum, non meminimus observare. Sanè omnium est convenientissimum, & cum hac allegoria conjunctissimum, ut ad angulum referatur. Nam Deus Pater, cùm aedificatore; Judaeorum Sacerdotes cum operis aedificantibus; Christus, cum petra ἀρχογενία: principium Ecclesiae, quod jam tum in Christo aedificabatur, cum angulo comparatur; in quo angulo Christus utroque dicitur conjungere, ut optimè interpretatur Apostolus Ephes. 2. 20. & seq.

Deut. 25.

5 Si habitantibus fratribus pariter, moriatur primus ex eis cui filius non sit, ne nubito uxor mortui foris viro extraneo; levir ejus congregator cum ea, & ducens eam sibi uxorem leviri officium prestatum ei.

6 Erit autem, ut primogenitus, quem paries, succedat in nomen mortui. &c.

Math. 22.

24 Moses dixit, Si quis mortuus fuerit, non habens filios, ejus frater ducet affinitatis jure uxorem ejus, & suscitabit semen fratri suo.

**Q**uia de hujus legis intelligentia Sadducęi controversiam nullam commoverunt, neque ad hanc hypothesios ipsorum partem quicquam à Christo regitur; qui procul dubio non fuisset dissimulaturus, si argumentum veritatemque legis oppugnassent: non putamus hoc loco laborandum esse, ut consensum partium, quibus in rebus consentiunt, demonstramus. Fuit quidem alius Sadducęorum finis; qui ex hypothesi hac quęstionem novam texuerunt, quam Christo obtruderent; sed de ea quęstione dicendi commodus erit in Parallelo sequente locus. Unum in transcurso dicendum est, vel hunc ipsum locum unicum apud omnes bonos sufficere ad ea confirmanda, quę de mutationum legibus Parallelo quinto supra docuimus. Hic enim res eadem; sed diversis & decurtatis verbis proponitur; qua in mutatione verborum non esse vitium, quando a consilio Spiritus sancti minimę disceditur, silentio Christi confirmatur.

## PARALLELUS XLII.

Exod. 3.

6 Ego sum Deus Abraham, Deus Isaac, & Deus Jacob.

Math. 22.

32 Ego sum Deus Abraham, & Deus Isaac, & Deus Jacob.

**F**inis utriusque loci est, ut Dei fidem, id est constantiam atque veritatem perpetuam in federe & promissionibus federis doceamus: Summa, Deum ex quo Ecclesiam & singula illius membra federe adjunxit sibi, nunquam committere, ut sedus illud sanctissimum in Ecclesia aut aliquo illius membro intercideret; sed omnipotente virtute sua sedus in federatis suis, & federatos propter sedus suum conservare. Hic autem (ut de argumento ipso aliquid dicamus) primum tenendum est, quid docerent & quid caperent Sadducęi: deinde, quę sit refellentis eos Christi argumentatio. Tres fuerunt errores, quos Sadducęi docebant in hoc argumento: Primus, non esse spiritus, id est, substantias spirituales ullas: ac proinde animas humanas (ut cum Scholasticis loquamur) qualitates esse vel puras potentias & facultates corpori velut subjecto suo inherentes, statuebant: Secundus, mortuum hominem non amplius esse, quia extincto corpore, substantiam illius ad elementaria sua principia reduci cogitabant, neque amplius coalescere. Tertius, ex his rebus omnino consequi; quod nulla sit futura resurrectio, ut testatur Lucas Act. 23. 8. Atque hoc sensu accipiendum est illud



illud moriendi verbum, quo in sua propositione usi sunt, pro eo quod est, omnino desistere esse. Ex his principiis id captabant isti, ut doctrinam resurrectionis ludificarentur palam ludicra hypothefi, quam objecerunt Christo, dicentes, *In resurrectione, cujus e septem erit uxor?* &c. Refellit autem ludicram istorum hypothefim Christus sapientissime quum ait, *erratis*, &c. & ostendit ipsorum hypothefim peccare dupliciter: primum quidem in auctoritatem Scripturæ; deinde verò in omnipotentiam Dei. Quæ duo sequentibus versibus *ὅτι οὕτως ἔστιν ἡ ἀνάστασις* a Christo demonstrantur. Nam omnipotentiam Dei dogmate ipsorum oppugnari demonstrat 30. vers. Scripturæ auctoritatem, sequentibus. Unico autem hoc scripturæ loco everit Christus tres illos errores quos antè enumeravimus: & confirmat spiritus esse: homines, quamvis mortui sunt, esse tamen; & resurrecturos esse; sumta argumentatione ab efficiente causa, ex auctoritate Scripturæ; & quidem ejus ipsius Scripturæ; cujus auctoritas ne ab ipsis quidem Sadducæis in dubium vocabatur: Nam libros Moysi probabant, ceteros ex Testamento veterè impiè expungebant. Quæ vera est & unica ratio, cur Christus ex Mose potius quàm ex aliis Prophetis auctoritatem ad refellendos istos adhibuerit. Sic ergò est argumentatio: Deus non est Deus mortuorum, sed viventium: Est autè Deus Abrahami, Isaaci, & Jacobi. Sunt igitur. Sed nondum videtur probata esse his verbis resurrectio. Probatur quidem confutatio duorum errorum, quos primo loco enumeravimus; omnino tamen sequitur resurrectionem fore, postquam duo illi errores convicti sunt; nempe sumta argumentatione a toto ad principales ipsius partes: nam (ut vulgo Dialecticorum placet) toto posito & principales illius partes poni necesse est. Hoc igitur posito, Deum esse Deum Abrahami, Isaaci, & Jacobi, id sequi necesse est, quòd Deus sit ipsorum Deus secundum animam & secundum corpus; quæ duæ sunt principales ipsorum, ut omnium hominum cæterorum, partes. Quòd si obijciat Sadducæus, Atqui jam corpus esse desit: Responsum Christus contrà suggerit, dicens, *nescitis potestatem Dei*; hoc est, hominis pii corpus potentia Dei, federe, promissione, & veritate ipsius est, etsi non est humana specie. Quàm rem ut probemus, non aliunde probatio sumenda est quàm ex ea ipsa argumentatione a toto ad principales partes, quam modò de homine toto dicebamus. Sunt enim adhuc non solum principales, verum etiam singulares quæque partes & minutissimæ, Domino expositæ; ut eas adunet inter se, & omnes adunet spiritui animanti ipsas, ut totus homo ex federe Dei instauratus æternum vivat in Christo.

## PARALLELUS XLIII.

Deut. 6.

5 Diliges Jehovah Deum tuum  
ex toto corde tuo, & ex toto animo  
tuo, & ex totis viribus tuis.

Levit. 19.

18 Diliges proximum tuum, sicut  
te.

Matth. 22.

37 Diliges Dominum Deum  
tuum ex toto corde tuo, & ex tota  
anima tua, & ex tota cogitatione  
tua.

38 Diliges proximum tuum, ut  
teipsum.

**C**onveniunt omnia; si unum exceperis, quòd pro illis vocibus, *ex totis viribus tuis*, has suffecit Matthæus, *ex tota cogitatione tua*. Hic autem cogitationem accipio generaliter pro omni actione interna

F

agente

agente in utroque illo subiecto, id est, in corde & in anima nostra: cujus actionis sive energiz fons est illa *δυνάμις* vel *ἰσχύς*, quæ apud alios Evangelistas adjicitur. Sic ex consequente intelligitur antecedens; eadèque opera etiam natura virium illarum magis explicatur, quas in utroque dilectionis genere Deus mandavit occupari.

## PARALLELUS XLIII.

Psal. 110.

1 *Dixit Jehova Domino meo, sede ad dextram meam, usque dum ponam inimicos tuos scabellum pedibus tuis.*

Math. 22.

44 *Dixit Dominus Domino meo, sede ad dextram meam usque dum ponam inimicos tuos scabellum pedibus tuis.*

**F**Inem Davidi fuisse propositum, ut Christi regnum prophetaret, personarumque & officia illius circumciberet, non solum Christi, demonstrat auctoritas; verum etiam Phariseorum partim confessio, partimque silentium, quo usi sunt illi ad questionem hanc quam adduxit Christus. Quare, cum inter omnes conveniat de horum locorum convenientia, & de interpretatione constet; ad alios locos properabimus.

## PARALLELUS XLV.

Daniel. 9.

27 *Per alam abominationum desolantem, & quidem usque ad consummationem, eamque præcisam, effundetur ad desolationem.*

Math. 24.

15 *Quum ergo videritis abominationem illam vastatricem, quæ dicta est a Daniele Propheta, stantem in loco sancto, &c.*

**F**Inis Danieli Propheta in singulari illa narratione propositus hic fuit, ut Ecclesia de severitate judiciorum Dei informaretur, quæ propter impietatem summam Judæorum, post mortem Christi, ipsis & metropoli ipsorum maximè erant superventura; eorum fiducia patienter calamitates perferrent; & veritatem Dei in eventu illorum recognoscerent: Summa verò, non ita multo post quam Judæi Christum crucifixierint, Deum supplicia gravissima de ipsis sumturum esse; ac propterea facturum ut potens exercitus, (quem alam vocat ex Hebræorum usu & castrensi voce) urbem invadat; cujus exercitus ea conditio futura sit, tum ut sit abominandus, & abominationi ac idololatriæ serviat, tum ut re ipsa desolet ac perdat eas regiones, in quas involaverit: Denique in hoc exercitu eam obfirmationem animi & obstinationem ingeneraturum esse, ut nunquam pedem à loco dimoturus sit, donec quasi inundatione diluvioque rapidissimo omnia sursum deorsum verterit, & consummationem præcisam effecerit. Ex his autè omnibus eam solum particulam excerpit Christus, quæ ad judiciorum descriptionem pertinet, prout sex sequentibus versibus exponitur. Præcisè verò istis judiciis eam notam adhibet, quam Daniel Propheta olim illis verbis expresserat, quæ in diagrammate Paralleli nostri posuimus; ut Judæis omnibus denunciet eos signum excidii atque ruinæ Jerosolymorum esse habituros, quum primum exercitus justus ad obsidionem urbis se comparaverit. Appellatur enim exercitus omnis infidelium ad subversionem

versionem desolationemque populi Dei comparatus, ea appellatione quam hic retinuit summus noster Propheta Christus, το ἡδυνήμα τῆς ἐπιμωσύνης, id est, abominatio desolationis, ad verbum: abominatio quidem, propter naturam & constitutionem ipsius; quia totus ex hominibus abominandis & infidelibus conflatus est: desolationis verò, ab effectu, quia horridam desolationem fuerat importaturus loco in quem irruerit. Sic enim idem Propheta in diversa quoque historia accipit, puta de regibus Syriæ, cap. 11. 31. & 12. 11. & Lucas disertè interpretatur, his verbis, *Quum autem videritis Jerusalem cingi ab exercitibus*, &c. Sic omnino id statuit Christus: primum exercitum, qui *stabit*, id est, consistet obsidionis causa *in loco sancto*, id est, in circuitu Ierosolymorum, vel ad Ierosolyma, quem locum Deus olim elegerat & sanctificaverat promissione, instituto, præsentiaque sua; Eum exercitum fore indubitatum signum de evertendis Ierosolymis, templo subruendo (quod antè dixerat Christus 2. verù) & Juda a gente profliganda. Itaque facillima est utriusque loci accommodatio. Nam cujus rei narrationem propheticam Daniel exposuerat, ejusdem complementum prophetavit paulo antè Christus, & quasi digito tempus illius indicavit; ut boni pramonerentur, & evincerentur mali. Non sumus nescii aliter hunc locum vulgò explicari, quem alii ad idola quædam in templo collocata, Neronis, Caligulaeque temporibus, referri volunt: alii ad depravationem sacræ doctrinæ in Judæorum Ecclesia. Sed qui priorem interpretationem malunt, eo maxime adducuntur, quòd abominationem illam fore in loco sancto Christus pronunciat. Hi autem non mediocriter falluntur, qui locum sanctum ita accipi putant oportere. Etenim ubicunque locus sanctus in Scriptura dicitur, per relationem dicitur, siue comparatione loci alterius. Itaque adytum vel pars intima tabernaculi, ubi arca federis erat, dicitur locus sanctus, reliquorum omnium comparatione: similiterque anterior pars tabernaculi, comparata cum atriis, pronais, vestibulisque domus, locus sanctus erat, hoc est, omnibus illis sanctior. Rursum septum universum & ambitus templi, comparatione urbis locus erat sanctus: & urbs sancta, comparatione totius Judææ: ipsa denique Judæa sancta, si cum regionibus cæteris compararetur. Hic autem circumstans regio intelligitur: quæ quia montosa fuit, nomine montium sanctitatis appellatur, Psalmo 87. & alibi. Denique nobis omnium interpretum loco est Lucæ autoritas. Deinde, quod nam illud, obsecro, signum futurum esset, quod pronunciat Christus? *Quum videbitis abominationem illam*, &c. *Tunc qui in Judea fuerint, fugiant in montes*, &c. quum tempus Caligulae proximè sequutum sit post mortem Christi, nec ita multo post Nero imperium tenuerit, & aliquot anni inter institutionem Aquilæ aliorumque signorum in templo, & obsidionem urbis intercesserint. Christus autem; ex quo primum visa fuerit hæc abominatio, Judæos imperat fuga sibi consulere. Non potest igitur hoc signum de illis statuis & sigillaribus accipi: quum hoc à Danielis mente, a Christi verbis expressis, a signorum usu, & ab historiæ veritate absit. Qui autem de impia doctrinæ depravatione accipi putant oportere; id quidem boni assequeuti sunt judicio meo, quòd alteram illam interpretationem, de sigillis in templum importatis, stare non posse animadvertent. Sed tamen hi incertiores multò (nisi me animus fallit) interpretationem produxerunt. Nam quis neget doctrinam jam diu fuisse depravatissimam? aut quis non videat hic a Christo, & illic a Daniele



agi de signo aliquo aspectabili & in omnium oculos incurrente: Quæ cum ita sint, illud potius, vestigiis Christi & verbis Lucæ insistentes, simplicissimum & convenientissimum esse judicamus; ut totus hic locus de Vespasiani copiis in Judæam irruituris & Jerosolyma eversuris intelligatur, prout per Titum Vespasiani filium perfectum est.

## PARALLELUS XLVI.

*Math. 26.*

- 24 Filius quidem hominis abit, sicut scriptum est de eo.  
 34 Quomodo ergo impleantur Scripturæ, quæ docent sic oportere fieri.  
 36 Hoc autem totum factum est, ut impleantur Scripturæ Prophetarum.

**H**I tres loci promiscuè authoritatem Prophetarum appellant. Sed magis distinctè in toto hoc argumento, quod est de morte Christi, in Evangelio Joannis adducuntur: Suntque omnes ex Eisaia, Daniele, & Zacharia summi potissimum. Quamobrem de his in Evangelium Johannis dicturi sumus.

## PARALLELUS XLVII.

*Zach. 13.*

7 Gladie, evigila contra pastorem meum, & contra virum proximum meum; dictum Jehovah exercituum; percutere pastorem, & dispergentur oves.

*Math. 26.*

31 Scriptum est enim, Percutiam pastorem, & dispergentur oves.

**F**Inis hujus loci apud Prophetam fuit planè idem, quem etiam Jeremiæ fuisse propositum in Parallelo 7. docuimus; nempe ut certo aliquo insigni & luculento signo publicè demonstraretur Jesum Christum eum pastorem esse, qui in ipso perpeffionum suarum certamine oves suas dispersas curaverit; quas postea in unum ovile manu sua erat redururus. Hunc finem Jesus Christus ad se ostendit respicere. Ita que summa est, quum propè fuit ut Christus pateretur, ipsum a Deo Patre percussum esse, & traditum in manus inimicorum; discipulos verò & comites ipsius singulos gravitate ferulæ istius offensos huc illuc abivisse, tanquam errantes oviculas: Sed ipsos a Christo Salvatore nostro cum perpeffionis illius tempore conservatos esse; tum verò postquam resurrexit, curatos & reductos ipsius manu, quemadmodum Propheta prædixerat. Est igitur perfacilis hujus loci accommodatio. Nam cum Propheta de admirabilibus Christi beneficiis in Ecclesiam, typum elegantissimum, & documenta evidentia eo capite posuerit; visæ fuissent admirabili huic operationi incredibiles illius perpeffiones adversari, nisi Deus sapientissimus per occupationem adjecisset locum de cruce & scandalo crucis; ut præmonitæ piorum mentes, & adversus offensionem hanc armatæ ex eo ipso Christum recognoscerent, ex quo solet earo percipere offensionis argumentum: quam rem totam plenius exposuimus in illum Jeremiæ Prophetæ locum. Mutatio in verbis aliqua videtur esse: res tamen unica est. Nam pro eo quod Zacharias verbis  
 Dei

Dei compellat gladium, dicens, *Evigila gladio, percutite*, &c. Christus omissa loquutione illa figurata rem propriis verbis, & simplicibus enunciat, *Percutiam pastorem*, &c. nimirum gladio, qui officium hoc in mandatis a Deo habuit, ut a Zacharia figuratur. Quæ cum ita sint, omnino illum locum de Christo accipi necesse est; quemadmodum sanctissimè Christus de seipso interpretatus est, non analogica accommodatione, sed historica & necessaria interpretatione.

## PARALLELUS XLVIII.

Zach. 11.

12 *Et expenderunt mercedem meam triginta siclos argenteos.*

13 *Dixitque Jehova mihi, Conjice istam ad figulum, magnificum pretium quo estimatus sum ab illis. Itaque accipiens triginta illos argenteos conjeci eam pecuniam a domo Jehovæ ad figulum.*

Matth. 27.

9 Tunc impletum est, quod fuerat dictum per Jeremiam Prophetam, dicentem, Et acceperunt triginta siclos argenteos, pretium æstimati illius qui fuit æstimatus à filiis Israël.

10 Et dederunt eos in agrum figuli, sicut cōstituit mihi Dominus.

**V**Triusque loci, quorum alter rem gerendam olim; alter gestam narrat eadem planè est ratio. Finis est, ut narratione prophetica certissimum signum præmonstratur, & hac quoque Evangelica Matthæi narratione demonstratur exhibitum, ex quo palam omnibus innotescat Jesum Christum eum fuisse demum, qui pastor a Deo populo suo datus, minimi fuerit æstimatus: Cujus rei perpetuum signum & documentum exstare voluit Deus, quum pecuniam æstimationis illius in agellum figuli voluit collocari. Itaque summa est, Quemadmodum olim per Prophetam Deus futurum prædixerat, ut Judei mercedis loco pretium prodicionis vile numerarent, & illud pretium specie sanctimoniz à domo Jehovæ abicientes ad figulum transportarent: Ita hoc tempore omnia ex ordine fuisse gesta. Nam pro mercede pretium prodicionis appenderunt Judæ, nempe triginta siclos argenteos, Matth. 26. 15. Hanc verò pecuniam, vel sacerdotum ipsorum testimonio, noluit Deus in domo sua collocari, Matth. 27. 6. Quapropter ex autoritate ipsius, quamvis imprudentes, agellum emerunt a figulo ad sepulturam hospitum: Cujus rei signum, perpetuum fuit institutum, quòd ager ille est inde ab eo tempore ager sanguinis appellatus, versu 7. & 8. Sic ergo habent singula hæc maximam inter se convenientiam. Hic verò occurrunt quæstiones duæ. Prior, qui Prophetæ locus sit cum hoc Matthæi comparandus? Posterior, si Zachariæ est, quomodo in contextu legatur nomen Jeremiæ. De priore paucis hoc modo statuimus. Triplex est ab hominibus nostris adducta responsio. Prima; non unius, sed duorum potius Prophetarum locos hic a Matthæo conjunctos esse, puta Jeremiæ 18. atq; Zachariæ 11. Sed non sequitur, si figuli nomen apud Jeremiam eo in loco legitur, propterea ad hunc locum illud pertinere, neque argumentum illius videtur cum hoc conjunctum esse. Secunda; Jeremiæ quidem locum esse: hunc verò non exstare in authenticis libris; sed in illis apocryphis, quos Nazoræi olim habuerunt; & quorum exemplum Hebraicum narrat Chrysostomus a se fuisse visum, ubi hæc verba disertè legebantur: Sed Nazoræorum libris in hoc argu-

mento non magis quam in aliis placet habere fidem; quum indignum sit Matthæū Evangelicę narrationi suę fidem a libris illis accersere, aut fidem nostram librorum ejusmodi autoritate niti. Tertia denique est, quam omnino sequimur, non esse Jeremię, sed Zacharię Prophetę locum, prout in parallelo diagrammate nostro posuimus, & modò explicavimus. Hinc nascitur altera quęstio, qui ergo fuerit factum ut Jeremias pro Zacharia adscribatur? Ad hanc quęstionem solvendam animadvertimus hactenus septem afferri responsionum genera, quorum duo ex præcedentibus desumpta sunt. Primum conjungi unum Jeremię locum, & alterum Zacharię: secundum; esse Jeremię ex libris Apocryphis. Sed neutrum horum jam antè probavimus: nec verò probari potest ex authenticę ullius Scripturę testimonio. Tertium; esse *ἡμῶν* authoris (ut vocant) *ἀνέκδοτον*, quod Matthæus noīter imprudens pro Zacharia scripserit Jeremiam: Quem errorem (ut videtur esse) multis excusat Augustinus lib. 3. de consensu Evangelistarum, cap. 7. Sed mihi quidem religio est hunc errorem aut ullum alium consimilem, in hoc descriptionis genere ulli Evangelistę, id est, publico notario Christi & Ecclesię ejus tribuere. Quartum; esse *ῥασιόν ἀνέκδοτον*, hoc est, errorem calami & librariorum indiligenter oscitanterque exemplaria sibi proposita aut legentium aut exscribentium: Legentium, ut si quis hic Iē pro ζε legerit, id est, *Ἰερεμίας* pro *Ζαχαρίας*: Exscribentium, ut si cui imprudenter illud nomen pro hoc (quod non rarò contingit) exciderit, aut nomen per errorem adjecerit; quum non exstaret ullum in Matthæi scripto: quam postremam sententiam Syrus & Arabs videntur confirmare. Sed vetustas ipsa, & consensus omnium exemplarium, quę jam olim versata sunt in Patrum orthodoxorum manibus, videtur nobis meritò hoc defensionis genus extorquere; quod etiam agnovit memoria sua Hieronymus. Quintum; esse *συζητητικὴν* sive *ἡ τοῦ δόξα-στικὴν* positam Jeremię pro Zacharia appellationem; nempe quòd Judæorum mentes opinio illa jam olim occupasset obtinuisseque, Jeremiam Prophetam aut ipsum fuisse Zachariam, qui ex Aegypto rediens populo reduci de integro se exhibuerit, sumpta Zacharię appellatione, (Quam rem Danielis exemplo volunt confirmare, quòd principium & exitum deportationis unus & idem viderit, ut alii multi: ) Aut certè Prophetas illos qui post reversionem prophetaverūt, maximè verò Zachariam, a Jeremia fuisse institutos: Aut denique redivivum esse Jeremiam per Pythagoręam deliriamq; illam *μεταμύχων*. Qua ratione videmus 2. Machab. 2. & 15. singularem Jeremię Prophetę fieri mentionem: & Matthæi 16. roganti Christo, *Quem me dicunt homines esse filium hominis?* Responderunt discipuli, *Alii quidem Joannem Baptistam, alii verò Eliam, alii verò Jeremiam, aut unum ab quem Prophetam.* Putabant enim illi, hos Prophetas suo tempore ad institutionem populi Dei, recepta vita, reversuros. Sextum & ultimum; Zachariam Prophetam fuisse binominem; cujusmodi exempla in Scripturis occurrunt multa; ut Achimelec, & Abjathar; Jochanan & Joachaz; Penuel & Chareph; Jochanan & Jojada; Joach & Ethan & alia innumera. Ex his omnibus duę mihi probantur præ cæteris: Una ut Zachariam in disciplina Jeremię quasi per manus a majoribus tradita, dicamus vixisse; ac proinde hanc prophetiam a Jeremia ad nos per Zachariam discipulum ipsius pervenisse: Quam Prophetiam illius argumento verè Evangelicam tribus capitibus 9. 10. & 11. contineri jam antè ostendimus Parallelo 36.

Alterā,



Altera, ut duo nomina fuisse hujus Prophetæ statuamus: quæ res apud Hebræos non fuit insolens, maximè quum nomina duo inter se haberent convenientiam, aut vocum etymologia, aut rerum significatione: ut Jonathan, Elnathan, & Nethaneel: Huzzija, & Hazaria: & similia quamplurima. Est autem commune utriusque nominis Jirmejæ & Zecarjæ, significatum unum: tanquam si dixeris virum qui exaltat Deum aut commemorat celebratque professione sua. Nam ut Jeremiam post reversionem populi adhuc fuisse putemus superstitem impedit temporum ratio, quum anno 13. Josia cœperit Prophetare; quo tempore, ut demus viginti quinque annos fuisse natum, oporteret annos excessisse viginti quinque supra centenarium: quanto minùs igitur ad Darii usque tempora vixerit? Atque hæc, bona omnium pace, de accommodatione hujus loci sententia nostra.

## PARALLELUS XLIX.

Psal. 22.

11 *Partiantur vestimenta mea inter se, & pro indumento meo projiciant sortem.*

Matth. 27.

35 Postquam autem crucifixerunt eum, partiti sunt vestimenta ejus, jacentes sortem; ut imple-retur quod dictum est a Prophe-ta, Partiti sunt sibi vestimenta mea, & super vestem meam jecerunt sortem.

**F**Inis hujus loci, quemadmodum etiam totius Psalmi, hic fuit, ut Ecclesia Dei propheticam narrationem haberet olim, & diebus singulis recoleret luculentissimum documentum earum omnium rerum, quæ Jesu Christo Domino & Servatori nostro acciderunt, dum in forma servi ambulavit, & pro nobis in cruce passus est. Hujus verò temporis singulare documentum hoc versu continetur: cujus summam verbis tam perspicuis Matthæus enunciat, ut si quid præterea addamus, fœnerare soli lucem videamur. Accommodatio est evidens & necessaria: Mutatio nulla. Tantùm hic quæstio una est, utrùm illius Psalmi argumentum simplex sit, id est, simplicem narrationem contineat propheticam, historiàmque Christi; an verò compositum ex typo Davidis, & historia Christi adumbrata. Ac plerisque videmus quidem placuisse, ut composito sit argumento: Quam sanè interpretationem tolerabilem esse judicamus. Sed quia extant in eo Psalmo quamplurima quæ Davidi commodè non possunt tribui: multa verò præterea non figuratè aut typicè; sed ita propriè de Christo prædicata sunt, ut non nisi violentia quadam Davidi aptari possint; & simplicem de Christo interpretationem implicare: maximè cùm ipsa propria Psalmi inscriptio ostendat Psalmum Ecclesiæ fuisse datum, ut diluculo uno quoque caneretur; quando statuebatur matutinum jube sacrificium in conspectu Domini; quemadmodum ampliùs id ipsum in caput 2. epistolæ ad Hebræos sumus explicaturi: Omnino statuimus hunc Psalmum & singulas propositiones illius de Christo agere, & Psalmum hunc in prisca Judæorum Ecclesia Evangelicum fuisse habitum. Quamobrem primas illius voces quasi sanctificavit Christus, & aptavit ipsi momento passionis suæ, infra versu 46. & Evangelistæ non paucos ejus Psalmi

versus docuerunt ad Christum pertinere. Omnes deniq; Apostoli sententias ex Psalmo eodem frequentissimè desumserunt, quibus complementum gratiæ in Christo ex prædictionibus Testamenti veteris exhibitum fuisse docuerunt.

## EX EUANGELIO MARCI.

### PARALLELUS L.

Malach. 3.

1 *Ecce ego missurus sum angelum meum, qui expediat viam ante me.*

Esa. 40.

3 *Vox clamantis in deserto, parate viam Jehovæ, adequate in solitudine semitam Deo nostro.*

Marci 1.

2 *Ut scriptum est in Prophetis, Ecce ego mitto nuncium meum ante faciem tuam, qui parabit viam tuam coram te.*

3 *Vox clamantis in deserto, Parate viam Domini, complanate semitas ejus.*

**F**inis propter quem a Marco hi duo loci adducti sunt, evidentissimè in versu 1. exponitur, quum ait, *Principium Evangelicæ prædicationis de Jesu Christo filio Dei*, planè ita se habuisse, ut per Prophetas his locis antè fuerat pronunciatum. Voluit ergo Spiritus sanctus docere, æquè in hoc argumento atque in cæteris Vetus Testamentum fuisse prædictionem Novi, (ut Augustinus loquitur) & Novum veteris complementum. Summa, quemadmodum jam olim Deus per Prophetas significaverat se corruptissimis & desperatis Ecclesiæ Judæorum temporibus facturum esse, ut angelus vel nuncius suus prodeat in tanta solitudine vias Domini Jesu Christi preparaturus maxima voce & clara proclamatione (ut ita dicamus) Evangelii: sic præcisè per Joannem Baptistam, angelum Dei, & præcursores Christi, fuisse factum, quod versibus quinque sequentibus amplius exponitur. Est igitur facilis hujus loci utriusque accommodatio. Ac de posteriore quidem, quia superior exstat Lucæ 3. in eum locum rejeçturi sumus. De priore videamus. Omnino duplex illius afferri potest interpretatio. Una, quæ angeli vel nuncii appellationem accipit syllepticè, pro nunciis & prophetis omnibus, quos Deus inde ab illo tempore in Ecclesiæ sua excitavit. Altera; quæ propriè & singulariter de uno aliquo Propheta explicat. Priorem Judæi quidam attulerunt; etsi alii videntes infirmiorè esse, coacti sunt ad singularem unum aliquem Prophetam referre, puta eum qui postea ornatur nomine Eliæ, sub finem ejusdem prophetiæ. Ad eam verò convellendam nihil multis opus est. Nam etsi nomen Angeli vel nuncii per se generale est; ea tamen est, adeoque turpis fallacia divisionis (ut vocant) ut non indigeat confutationis. Nam primùm singulare aliquod tempus definitur, quum dicit Deus, *Ecce ego*, &c. Secundò, singularis actio, non autem communis Prophetarum omnium; quum dicit,

dicat, *Expediet viam ante me*: Tertiò, personæ Christi ad Ecclesiam suam venientis circumscriptio, quum dicit, *Repente veniet in templum suum Dominus quem queritis*: Neque persona Patris, aut Spiritus Sancti; sed persona Filii, cujus notationem continent sequentia verba, *Angelus federis, quo vos delectamini*, &c. Postremò, finis capitis hoc planè postulat: quod Judæi ipsi quamvis a Christo alienissimi, animadverterunt. Restat igitur ut illa Prophetæ verba de uno aliquo explicemus. Cùm autem indè a temporibus Malachiæ illius nemo Prophetæ exstiterit fermè in adventum usque Christi; & nemo, nisi Christus Deus patefactus in carne, Dominus ille dici possit, ante cujus faciem Prophetæ ambulaverit, paraturus vias illius: denique nihil horum de aliis personis aut temporibus demonstrari possit: justissimam esse hujus Evangeliiographi & aliorum accommodationem statuimus; qua Christus confirmatur ille Dominus esse, & Joannes Baptista ille antecambulo de quo Prophetæ olim uno ore prophetaverant.

## PARALLELUS LI.

Marci 1.

44 Vade, ostende te ipsum sacerdoti, & offer pro purgatione tui, quæ imperavit Moses, ut hoc sit eis testimonio.

**R**itus ceremonialis hujus institutio finem hunc summum habuit; ut post legitimam cognitionem a Sacerdotibus & Ecclesia Dei habitam, solennis professio palam ederetur de curatione à Deo præstita, & gratiæ Deo agerentur. Hanc institutionem voluit servari Christus, ut ea ratione Sacerdotibus testam faceret curationem à se, velut Deo in carne patefacto, præstitam; & toti Ecclesiæ materiam exhiberet gratias agendi de accepto singulari hoc beneficio. Quod igitur mystico & sacramentali modo fieri lex præcipiebat, ad veritatem gratiæ divinæ prædicandam; idem fieri ex lege imperavit Christus, ad demonstrandam veritatem gratiæ suæ, & hujus gratiæ hostes sacerdotes amplius convincendos. Ac proinde quod in lege historicè imperatur ad typicam vel sacramentalem significationem, idem hoc loco narratur factum historicè ad restificandum veritatem Christi.

Marci 2.24. Ex Davidis historia sumta argumentatio, fuit explicata in Matthæi 12. *clavin' de Abiathare posito de Abimelech ibi ad soluit*

Marci 4.12. Esaïæ locus fuit explicatus in Matth. 13.

Marci 7.10. Moïsis loci fuerunt explicati in Matth. 15.

Marci 9.12. Malachiæ locus explicatus est in Matth. 17.

## PARALLELUS LII.

Levita.

13 *Omnem oblationem muneris tui sale salito, neque cessare finito salem federis Dei tui a munere tuo: cum omni oblatione tua offerro salem.*

Marci 9.

49 *Omnis oblatio sale salietur.*

**E**T si hic non adducit Christus discretis verbis locum illum Legis, unde hæc desumpta sunt, cùm tamen ex instituto Legis à Mose con-

scriptæ



scriptæ petita sint, visum est necessarium ut ἐν παραλλήλῳ institueremus hanc locorum comparisonem. Finem autem hujus institutionis adeò perspicuè demonstrat Moses, ut nemini dubius esse possit: nempe ut profiteantur homines se in federe Dei constanter permanere. Quem eundem finem à Christo hoc loco servari, paulò pòst demonstrabimus in ipsius accommodatione. Summa verò est, ex quo homines gratiosè in Dei fedus recepti sunt, teneri eos constanter atque incorruptè in eodem federe permanere: ipsum sanctissimè colere in se-ipsis, ac sese ab omni vitio (quod cum federe pugnat) tanta religione integros conservare, quantam adhibere solent, qui carnem aut aliud quippiam infestum putredine condiunt, & sale injecto ab ea vindicant. Nam pium hominem in Christo sanctam esse victimam vel oblationem; fedus autem Christi salem esse, quo pius quisque còstantissimè permanet à corruptione & interitu vindicatus. Huc autem spectare Christum ut perspicuè demonstramus, videnda est hujus sermonis accommodatio. Hæc fuit hypothesis, quam discipuli proposuerunt Christo: fuisse quendam, per nomen Christi ejicientem dæmonia, qui non sequeretur ipsum, visum itaque fuisse discipulis, ut prohiberent ipsum. Respondit Christus, eum prohiberi non oportere. Ratio, nam qui non est contrarius, pro nobis est: hoc est, qui nō adversatur federi Dei, cujus mediator est Christus, is neque a Christo, neque a federe alienus habendus est: sed potiùs ex federe alendus est in federe omnibus pietatis & humanitatis officiis. Hanc propositionem enarrat Christus inde a versu 41. per oppositionem quàm familiarissimam officiorum atque eventuum, quæ serè ex officiis illis præstitis aut negatis consequuntur. Ac præstitorum quidem officiorum adeoque minimi cujusque officii, ut (exempli causa) si quis poculum aquæ dederit in nomine Christi, eventum declarat Christus vers. 41. His verbis, *Amen dico vobis nequaquam perdidit mercedem suam*. Non præstitorum verò officiorum qui eventus futurus sit, exponit primùm quidem generaliter versu 42. deinde verò speciatim, posita nonnullarum corporis partium, quæ certa officia ministrare debent singulæ, enumeratione: ut sunt manus, pes, oculus, versu 43. & sequentibus. Duplex autem eventus in posteriore hoc genere ponitur: quorum unus imperatur; alter denunciatur, nisi imperatum fiat. Imperatur enim, ut, quicquid offendit, abscindatur, hoc est, tanta religione abstineant pii ab omni offendiculo, ut quodvis potiùs damnum sive corporis sive membri ultrò subeant, quàm committant ut ulli parvulo offensioni sint; & si quando ipsos titillaverit ullius rei, quæ offendere potest, studium vel cogitatio, id perinde a se abjiciant, atque si res illa igni traderetur. Denunciatur verò, nisi hoc pii præstiterint, futurum esse, ut cum suis illis offendiculis & offensionum instrumentis in ignem æternum detrudantur, quicunque res illas tradere igni noluerint. Hujus rei ætiologia versu 49. affertur in utramque partem; idque adhibita per quàm elegante metaphora in salendi verbo. Quum enim dicitur, *omnis homo salietur igne*, sive (ut Syrus & Arabs vertunt) *omnes res salietur igne*; horum verborum sensus est iudicio meo, non posse aliter fieri ut homo a putredine offendiculorum vindicetur, quàm si ipse rescuerit & amoverit a se quicquid est ipsi vitio & aliis offensioni; & quidem ita amoverit, ut si candente ferro aut igne adhibito repente còlumeret quicquid sentit adesse vitiosum. Quo facto ita est homo, ac si resceta putredine salitus esset, ne amplius

ab ea, veluti gangrena quadā depascatur. Quum autem dicitur, *Omnis oblatio salietur sale*, hæc demum sententia plana videtur esse, quam antè attulimus, nempe hominem quemvis pium victimam esse Deo gratam, & conditam sale in federe ipsius. Sed hoc ipsi imprimis videntum esse, ut tanquam igne a se rescindat vitium, si cujus est conscius cum animo suo, ut ab eo repurgatus, hostia sancta, accepta, & grata Deo esse possit. Et huic interpretationi optimè convenit illa argumentatio & exhortationis locus, quo Christus utitur sequente versu.

Marci 10. 4. & sequentibus. Mosis loci fuerunt explicati in Matthæi 5.

Marci 10. 19. De hoc diximus in Matthæi 19.

Marci 11. 9. De his Prophetæ verbis in Matthæi 21.

Marci 11. 17. De his diximus in Matth. 21.

Marci 12. 10. De his diximus in Matth. 21.

Marci 12. 19. De hoc Mosis loco diximus in Matth. 22.

Marci 12. 26. & 29. & 36. De his diximus in Matth. 22.

Marci 13. 14. De hoc diximus in Matth. 24.

Marci 14. 21. & 49. De his in Evangelium Johannis dicturi sumus.

Marci 14. 27. De hoc Zachariæ loco diximus in Matthæi 26.

## PARALLELUS LIII.

Esa. 53.

12 Et cum iniquus numeratus est.

Marci 15.

28 Et impleta est Scriptura quæ dicit, Et cum iniquis numeratus est.

**Q**uemadmodum Esaia Prophetæ hæc verba scribenti ex Spiritus divini testimonio hic finis fuit propositus, ut narraret perpeffiones Christi, & beneficia ex eis ad corpus ipsius perventura, quibus etiam convenientissimè sua quædam signa per Prophetam fuerunt addita: sic non dubitamus, quin Marcus hoc loco historicè doceat hanc certissimam esse illius prophetiæ consummationem, quam iisdem verbis Esaia prænuñciaverat. Est autem summa illius loci apud Esaia, Jesum Christum multos cohæredes sibi comparaturum esse, facta redemptione nostri per mortem crucis, & deletis peccatis nostris per intercessionem ipsius. Cujus rei signum illud futurum sit, quòd idem homo, qui justus est & justus pronunciatus sententia judicis, fuerit perpeffurus in numero criminoforum; prout factum esse narrat evidentissimè historia Evangelica. Itaque non est obscura hujus loci accommodatio. Sed quia de totius illius capitis intelligentia & fine, certo consilio agitur Actor. 8. 32. & seq. præstat ut ampliorem capitis illius interpretationem in locum illum differamus.

Marci 15. 34. De illo Davidis loco in Matthæi 27. diximus.

Ex

EX EUANGELIO  
LUCÆ.

## PARALLELUS LIIII.

Psal. 132.

17 *Ibi faciam ut floreat cornu  
Davidis, aptans lucernam Christo  
meo.*18 *Inimicos ejus induam pudore;  
super ipsum vero florebit coronamen-  
tum ipsius.*

Luc. 1.

69 *Erexit cornu salutis nobis in  
domo Davidis pueri sui,*70 *Prout loquutus est per os  
sanctorum, qui a seculo fuerunt  
Prophetarum suorum,*71 *Salutem ab inimicis nostris,  
& a manu omnium qui oderunt  
nos.*

**E**tsi totum hoc Zachariæ canticum sermè verbum de verbo trans-  
scriptum est ex variis Prophetarum locis: cum tamen aut ipsi  
per se plani sint, aut ex professo minimè adducantur; non videtur  
necessarium esse, ut cum singulis ipsius vocibus singulos etiam compa-  
remus Prophetarum locos. Hic verò locus (cui alii quoque iisdem ser-  
mè verbis & eodem sensu conjungi possent) inter alios fuit adducen-  
dus; quia mihi quidem non dubium est, quin ad eundem locum Zacha-  
rias respexerit. Finis autem utrobique est, ut Ecclesia doceatur de vir-  
tute salutari, quam habet in Christo, & freta spe illius in Deo conques-  
cat. Summa est, Deum Patrem, quo tempore statuit invisere & redime-  
re populum suum a peccatis ipsius, excitavisse Jesum Christum ex femi-  
ne Davidis; ut veluti cornu salutari, hoc est, divina virtute illius salu-  
tem æternam suis compareret, eosque in libertatem afferat adversus om-  
nia impedimenta, eosque fruantur æterna illius misericordia, & profite-  
antur eam ad gloriam ipsius. Ac primum quidem est, quòd cornu salutis  
& gloriæ Deus excitavisse dicitur in Jesu Christo; quòd Propheta 17.  
versu metaphora duplici innuit; virtutem salutarem, cornu; gloriam  
verò, lucernæ nomine appellans, quam lucernam Deus aptavit in filio  
dilectionis suæ. Secundum verò est, quòd ex illa virtute gloriæq; Chri-  
sti, proficiscitur liberatio & salus membrorum ejus, conjuncta pudore &  
confusione stupenda hostium; quam partem Propheta his verbis in-  
nuit, *Inimicos ejus induam pudore, &c.* Utrumque verò eodem ordine hic  
a Zacharia planè contextitur. Primum enim virtutem gloriosam Dei in  
Christo his verbis prædicat, *Excitavit cornu salutis nobis, &c.* deinde au-  
tem effectum illius per appositionem (ut vocant Grammatici) velut in-  
sperabilem a virtute Christi enunciat illis, *Excitavit salutem ab inimicis  
nostris, &c.* nempe ab efficiente causa minimè impedita & nunquam in-  
terquiescente concludens effectum illius, certissima & indubitata ar-  
gumentatione; ut contra ab effectu, quem Deus exseruit in Ecclesia  
sua, Micheas Propheta transcendit ad efficientem causam; & effectum  
hunc confirmat in Ecclesia fore constantissimum, contemplatione effi-  
cientis causæ, sub finem capitis 4.8. principium 5.

PARAL-



## PARALLELUS LV.

Malach. 3.

20 Exorietur vobis, o timentes nominis mei, sol iustitiæ, cum curatione in alii ipsius: & procedetis, angescetis, que ut vituli saginarii.

Esa. 9.

2 Populus sedens in tenebris, &c.

Luc. 1.

78 Propter viscera misericordie Dei nostri quibus invisit nos oriens ex alto:

79 Ut appareat iis qui in tenebris & umbra mortis positi sunt, ad dirigendos pedes nostros in viam pacis.

**A**Ntequam de constitutione horum locorum dicimus sententiam nostram, de iusta vocis, *αἶατολῆ*, interpretatione afferri pauca necesse est. Duplex igitur exstat huius vocis interpretatio, utraque metaphoricè ad Christum pertinens. Prior est sumpta a similitudine herbarum, plantarum, aut germinum enascentium. Nam dicuntur hæc omnia *αἰατεῖλαι*, pro eo quod est exoriri vel efflorescere; quod posterius magis Hesychius probat. Ex eo ductum nomen *αἰατολῆ*, plerique putant designare germen erumpens primum, & efferens se e radice sua. Posterior verò sumitur a simili orientis solis; cui proprium esse verbum *αἰατίζειν*, ut aliis stellis sideribusque *ὀπλίζειν*, volunt Grammatici. Ex eo igitur ductum est nomen *αἰατολῆ*, propriè quidem ortum, id est, orientis solis actionem, vel regionem etiam, metonymicè verò orientem ipsum solem significans; etsi fortasse non minùs appositae fuerit & conveniens huius loci interpretatio, si adjunctas voces istas, *ἔξ ὕψους*, determinationis causa (ut loquuntur) dixeris cum vocè *αἰατολῆς* conjungendas esse; non autem cum antecedente verbo, *ὅτι καὶ πηγάς*, construendas. Est enim *αἰατίζειν* apud Græcos non solùm exoriri, verum etiam τὸ αἰαλᾶν, sive τὸ μωμεῖν, *αἰατίζειν* ἢ ὅτι καὶ πηγάς *ἔξ ὕψους*, quod Aegyptij dixerunt *μωμεῖν*. Quum itaque sol duobus modis dicatur *αἰατίζειν*, tum in ipso ortu apparens cum prima luce, tum in meridie e summo cælo collustrans omnia in robore suo, ut Scriptura sacra loquitur; fortasse *αἰατολῆ* *ἔξ ὕψους* conjunctè appellatur (ut mihi quidem videtur) meridiana illa & potentissima illustratio, qua sol perfluit terras; ut *ὅτι τὸ ἰσὺς αἰατολῆς*, id est, a primo ipsius ortu, orientem versus, commodè distinguatur. Jam verò utra interpretatio magis ad hunc locum videatur pertinere, demonstremus paucis. Ut simile à plantis sumtum esse videatur, efficiunt ista; primum verba *αἰατίζειν* usus; secundò locorum in quibus Christus appellatur germen, comparatio: tertio Græcorum (ut putantur) septuaginta interpretatio. Verùm (ut paucis quod sentio explicem, cum bona omnium pace) non videtur ea consequutio necessaria esse, quæ ex verbi unius recepto usu adstruit eandem conjugati nominis significationem; præsertim cùm illud apud Grammaticos Græcos in confesso sit, nomen *αἰατολῆς* in probatis authoribus non exstare ea significatione. Deinde nec illud necessarium est, ut de germine hoc loco accipiatur; quia germen Christus a Jeremia & Zacharia dicitur: Nam idem quoque in Scriptura appellatur sol, & lux, &c. Postremò nec illud necessitatem habet, si eos locos ita verterunt Græci lxx. illi, ab eis petendam, & quidem ex iisdem locis, huius quoque loci interpretationem. Nam primum neque illud constat, utrum

utrum a septuaginta illis profecta sit ea quam habemus interpretatio: hoc enim evidentibus documentis non paucis ex Testamento Novo convelli potest. Deinde verò, ut illud constet, hoc propterea non obtinebitur, ex illis locis huc afferri explicationem oportere. Quamobrem missis locorum, qui aliunde cōportati possunt, comparationibus, statui-  
mus id magis videndum esse; ut ex hoc ipso loco & adjunctis hujus am-  
bigui nominis, de interpretatione ipsius judicetur. Omnino autē, cum  
hoc ipsum genus allegorię quod a Zacharia hoc versu ponitur, tum an-  
tecedentia & sequentia quę ad argumentum hoc pertinent, videntur  
flagitare, ut ex posteriori simili ducatur interpretatio. Nam si ve orien-  
tis solis, si ve meridiani significationem amplectamur, de quib. modò di-  
cebamus; is sanē desuper inspicere & res terrenas perlustrare dicitur:  
Quod loquendi genus, non nisi corrupta dignitate hujus allegorię, ex  
hoc loco extrudi potest. Deinde verò, si ad antecedentia respicimus,  
non est dubiū, quin Joannes Baptista cum Lucifero vel matutina stella  
cōparetur, quum dixit Zacharias oratione cōversa ad Baptistā filium,  
*Preibis ante faciem Domini, paraturus vias ejus, ut des cognit. onem saluti po-  
pulo ejus obventura per remissionem peccatorū, &c.* Tanquam si diceret, Ut  
a natura stellā matutina tollis; sic Christo Soli justitię Joannem Baptistā  
pręiturū, ut ex illius indicio & pręeunte significatione populus Dei do-  
ceatur, & cognoscat Christū. Postremò tam evidens est sequentis ver-  
sus cum hac interpretatione cōvenientia, ut non dubitemus eam, velut  
justam ac necessariam, alteri antepone-  
re. Nam Zacharias alterū Esaię  
locum de industria copulans cum illo Propheta; quem in diagrammate  
nostro posuimus, his verbis utitur; *ut supernē luceat is qui in tenebris &  
umbra mortis positi sunt, ad dirigendos pedes nostros in viam pacis.* Quę verba  
Matthæus cap. 4. de industria adduxerat, utens verbo *ἀντειλεν*; ut de-  
monstraret hoc ipsum esse promissionū Dei complementum quod Za-  
charias Baptistę pater accumulatis variis Prophetarum locis hic desig-  
natum voluit. Restat, ut de accōmodatione diagrammatis nostri vide-  
amus. Primum igitur varios scripture locos in unum contrahi res ipsa  
loquitur; & ex diagrammate fit manifestissimū. Nam posteriora mēbra  
Esaię sunt, priora Malachię. Sed hoc amplius teneri opus est, ita a Za-  
chariā adduci verba Malachię, ut maxima pars capitis tertii in summā  
quamdam hac apostrophe ad Joannem Baptistam contrahatur. Nam  
illa verba, *Tu verò puerule, Propheta altissimi vocaberis, prębis enim, &c.* ad  
principium capitis tertii respiciunt, ubi dicebat Malachias, *Ecce ego  
missurus sum Angelum meum, &c.* Illa quoque, *ut des cognitionem salutis,*  
&c. respiciunt ad finem ejusdem capitis: *Ecce ego missurus sum vobis Eliā  
Prophetam, antequam dies Jehovę adventet maximus & reverendus, ut con-  
vertat cor patrum ad filios, &c.* Similiter illa, *Propter viscera misericordię  
Dei nostri, depromta sunt ex versu 16. & sequentib. ejusdem capitis. Tunc  
timentes Jehovę, qui frequenter predicant alter apud alterum, &c.* Illa deni-  
que, *quibus in v. sit nos oriens ex alto,* procul dubio ex versu 20. ejusdem ca-  
pitis translata sunt, quamvis commutatis verbis, ut in diagrammate po-  
suimus; & ultima verba sequentis versus, *ad dirigendos pedes nostros in vi-  
am pacis,* summam complectuntur quod pluribus exposuit Malachias,  
*in alio solus Christi, Solus justitię, curationem fore: Timentes Dei processuros &  
aucturos tanquam vitulos saginarios: Deniq. fore ut ita conculcent improbos,  
ut efficiantur tanquam cinis sub plantis pedum ipsorum.* Sic ergo, judicio  
meo, justa & necessaria est pariter horum locorum inter se cōparatio.

## PARALLELUS LVI.

Exod. 13.

2 Consecra mihi omne primogenitum, quicquid aperit vulvam in filius Israël, &c.

Levit. 12.

8 Quod si non assequatur manus ejus quantum satis est ad parvum pecudem, accipito duos turtures, aut duos pullos columbe &c.

Luc. 2.

22 Et quum impleti fuissent dies purgationis Marię secundum legem Moſis; adduxerunt Christum Hierosolyma, stitit eum domino:

23 Prout scriptum est in Lege Domini, Omnis mas primogenitus, sanctus Domino vocabitur;

24 Et ut darent oblationem secundum id quod dictum est in lege Domini, par turturum, aut duos pullos columbarum.

**V**Triusque loci finis est, ut cum Mariam virginem *Μαρίαν*, tum hominem Christum fuisse Legi subiectos intelligamus, ac proinde quod Lex imperat religioſe præſtitiffe. Summa, Cùm Lex Dei jam olim imperaverit, ut puerperæ certo & constituto tempore à fluxu sanguinis sui expiarentur legitima quadam ceremonia, & primogenitos suos, tanquam emancipatos a se exhiberent sanctificarentque Domino, utrumq; ritè a Maria Christi matre fuisse observatum. Ac de ceremonialis quidem mandati observatione disertis verbis divinę Legis confirmata, testem habemus locupletissimum Lucam, quum ait parentes Christum adduxisse Jerosolyma, ut stiterent eum Domino: prout scriptum est in Lege domini, &c. & ut darent oblationem secundum id quod dictum est in Lege Domini, &c. Itaque verissima est utriusque loci accommodatio, prout verū & sanctum fuit obsequium in hac ceremoniali observatione. In priore tamen loco duplex videtur esse mutatio: Una, quòd maris vel masculi nomen adjicitur: Altera, quòd primogeniti nomen a Luca omittitur. Horum expedita est ratio. Nam appellationem maris ex Moſis interpretatione assumit Lucas; qui pro eo quod Deus indixerat, Consecra mihi omne primogenitum, &c. idem populo verbis Dei imperans sic eloquutus est, Ut emancipes quicquid aperit vulvam, Jehovah: etiam quicumque aperuerit vulvam, fœtus jumentorum eorum quæ tua erunt, masculos Jehovah. Nomen verò primogeniti a Luca omiſſum eſſe nemo mirabitur, qui illud loquutionis genus *πρωτόγονον μῆτραι* ad determinationem primogeniti animadverterit pertinere. Cum enim primogeniti appellatio apud Hebræos non solum de homine aut animantibus; sed etiam de rebus inanimatis promiscuè soleat enunciari, & metaphoricè quoque non rarò usurpari; commodè vitum est Spiritui sancto in hoc loco eam loquutionem retinere, quæ non solum primogenitum notat; verum etiam restringit & circumſcribit propriam ſignificationem illius, ut lex ipsa diſcretè caverat. Hic verò duplex nascitur quæſtio; una, quid attinuerit Christum ſiſti Domino? Altera, quid Mariam oblationem dare ſuæ purgationis nomine, ſecundum legem Moſis? Ad priorem hoc modo reſpondemus paucis. Christus æternus Dei filius ſecundum naturam unigenitus, ad communicationem verò gratiæ & redemptionem noſtram primogenitus, omni tempore ſanctus fuit Domino: ab æterno quidem,

Exod. 13. 12.



dem, quā Deus est: a conceptionis verò momento, quā caro factus est. Quamobrem nihil attinuit, ut propter se sisteretur Domino, qui secundum essentiam Deus unus & idem est cum Patre & Spiritu sancto: secundum personam verò, æternus Patris æterni filius. Necesse ergo est, ut qui puer nobis datus est, & homo factus propter nos homines: idem propter nos fuerit Deo & Patri consecratus secundum Legis ceremoniam, Consecrari autem, vel sanctificari in Scripturis quæcunque dicuntur, aut reipsa, aut institutione, aut Sacramento denique consecrantur. Reipsa consecrantur alia  $\chi\tau\iota$  γίμνη, quum verè efficiuntur sancta per Dei gratiam: alia  $\chi\tau\iota$  παύροση, quum ea, quæ verè sancta sunt, ita se habere, ut sunt, demonstrantur. Institutione consecrantur alia  $\chi\tau\iota$  ἐπιταγήν & ὑπαγόφειαν, mandato & promissione vel benedictione Dei; ut dies Sabbathi, & similia: alia  $\chi\tau\iota$  προεγφέλειαν, ut quum jubentur homines sese sanctificare vel consecrare. Quo sensu accipiendus est ille Moysis locus, quem in diagrammate ex capite 13. Exodi adduximus. Sacramento denique consecrantur alia absolute sacramento-tenus, ut veteres loquuti sunt: alia relati, id est, non solum significatione; sed etiam significatæ rei veritate. Iam quibus modis Christus, primogenitus, Deo sanctificatus fuerit videamus. Reipsa fuisse sanctificatum, qui sanctus est & ipsa sanctitas, propriè dici non potest; nisi  $\chi\tau\iota$  παύροση. Sic enim Christus factus sub Lege, sanctus esse Deo commodè dicitur, & sanctificatus ex mandato Legis. Alioqui  $\chi\tau\iota$  γίμνη fieri sanctus amplius non potuit, qui  $\chi\tau\iota$  γίμνη est ipsa sanctitas. Institutione Christum sanctificari, non sua causa, sed nostra oportuit, ex mandato & promissione Dei; ut noster primogenitus, ac proinde Sacerdos noster esset, abrogato Levitarum sacerdotio. Sacramento denique consecrari Christum oportuit, quamvis ipse sit Sacramentorum veritas; Primum ut Legi obsequeretur homo sub Lege factus: secundò, ut Sacramentum Legis sanctificaret in persona sua, ut qui finis est & complementum Legis: postremò, ut sacramenti ejusdem apud Veteres observati minister esset, hoc est, ut legale illud Sacramentum in Patribus, qui sub Lege vixerant sanctificaret; quemadmodum loquutus est Apostolus ad Rom. 15. de circumcisione patrum. Sequitur ergo sanctificationem illam magis nostra, quam ipsius causa fuisse factam. Alterius quæstionis, quid virginem θεοτόκον opus fuerit purgatione uti, & dare oblationem secundum legem Domini: facilis est explicatio. Nam in Lege Moysis nusquam dicitur propter peccatum, sive originale, sive actuale (ut vocant) sive ipsum denique concubitum viri, mulierem teneri oblatione hac quam Lex imperavit; sed tantum propter fluxum separationis suæ ut Scriptura loquitur, id est, propter immunditiam ceremonialem, quam ex profluvio sanguinis, quamvis naturali, contraxit mulier; sive profluvium illud fuerit ordinarium, quod appellant menses; sive extraordinarium ex partu. Cum itaque immunditia hæc fuerit per ceremoniam indicta lege, non peccati donotandi ergò; sed infirmitatis, sordiumque naturalium (quarum genus est infirmitas, non autem peccatum:) omnino sequitur hanc oblationem purgationis ergò imperatam, non esse peccati; sed infirmitatis, ex qua secundum ceremonialem legem mulieres non quidem peccati, sed reatus ex immunditia, citra rationem peccati, tenebantur. Quemadmodum igitur pubescentes virgines ex naturæ infirmitate, citra ullam

aut

aut peccati, aut etiam concubitus contemplationem, fuerunt immunditia huius participes, ac propterea ex Lege ad separationem ( ut Moses vocat ) servandam tenebantur : sic etiam virginem sanctissimam, Jesu Christi matrem, ex naturæ lege hac infirmitate profluvioque rum menstruo, tum etiam extraordinario post partum Christi non dubitamus laborasse : Ideoque ritu legitimo in separatione fuisse, eamque religiosè observasse, ut obsequeretur Legi. Fuit eigò purgatio hæc non expiatio peccati, sed immunditiæ ceremonialis : cujus immunditiæ virgo ita fuit apud se conscia, ut fide optima sese ab ea purgare teneretur ceremoniali observatione : nec nisi protervè ab ea Lege eximere sese potuerit, quam Legem Dominus propter immunditiam, non propter peccatum sanciverat. Nam ubique in purgationis huius institutione, immunditia puerperarum cum septemdiaria & menstrua immunditia comparatur, & in eadem conditione censetur Lege. Sic enim Moses Exod. 13. 12. inquit, *ut immunda esse solet septem dies, secundùm dies, quibus separatur sanguore suo, immunda esto : & sic deinceps.*

## PARALLELUS LVII.

Luc. 2.

- 30 Salutem tuam,  
 31 Quam parasti in oculis omnium populorum;  
 32 Lumen ad revelationem præbendam gentibus, & gloriam populi tui Israël.

**H**ÆC omnia, etsi quàm plurimis Scripturæ locis occurrunt, & alia alibi; tamen certissimum est ex 49. cap. Esaie depromta esse, ubi hæc eadem de Christo propriis & disertis verbis enunciantur; nec opus habent explicatione.

## PARALLELUS LVIII.

Esa. 8.

14 Erit sanctificationi vobis: in lapidem verò allusionis & in rupem offensionis, ambobus domibus Israël, in laqueum & in tendiculam habitans Jerosolyma.

15 Et offendent ex eis multi, qui corruentes confringentur, & illaqueati capientur.

Luc. 2.

34 Ecce positus est iste in casum, & resurrectionem multorum in Israël, & in signum cui contradicatur.

**F**Inis utriusque loci communis est, ut eventa ex priore Christi adventu & prædicatione Evangelii consequutura exponantur in Ecclesia Dei, & apud omnes bonos consentiant ad piorum confirmationem: Summa, Duo fore eventa præsentis Christi & prædicationis Evangelii, pro ratione puta eorum objectorum, quibus futurum est ut exhibeatur per Evangelium Christus: nempe impiorum casum, & electorum resurrectionem. Accommodatio verò certissima est, quum

G

idem

idem planè ab Esaia & Simeone prædicetur. Etsi aliqua in speciem est hic mutatio. Nam primùm ordo sermonis inversus est, cum hic antè casus nominetur vel ruina impiorum, quàm electorum ad salutem resurrectio. Secundò, pro eo quod Esaia illum *sanctificationi futurum* dicit, Simeon aliter enunciavit per metalepsin, dicens *fore Christum in resurrectionem multorum*. Nam resurrectionis, id est, restitutionis nostræ in Christo & regenerationis consequens est fructus sanctificatio: aut, si resurrectionem pro tota piorum in Christo informatione acceperis, pars futura est sanctificatio. Tertiò, quòd Simeon Christum fore in casum dicit, eo brevitatis causa comprehendit sequentia omnia, quæ in nostro diagrammate ex Esaia adducta sunt. Quæ mutatio tantum abest ut de veritate detrahat, ut contrà eorum omnium commodissimum sit interpretamentum. Quemadmodum etiam postremum illud membrum, *fore in signum cui contradicatur*, id ex eodem loco desumptum est tertio post versu, quum sic ait Christus, *Ecce me & natos quos dedit mihi Jehova, in signa & in ostenta*, &c. Sic omnibus inter se convenit appositissimè. At videtur difficilis esse hujus loci accommodatio, dixerit quispiam: Imò verò, dixerit Judæus, falsa & aliena est. Respondeo, nec falsa aut aliena est, nec difficilis accommodatio, si quis ad Esaia locum animum adverterit. Nam quicquid in eo capite inde a promissione versu decimo continetur, id totum de Christo accipi necesse est; prout Esaia ipse demonstrat evidentissimè. Postquam enim descripsit Propheta calamitates Judæam pervasuras, quæ terra Immanuelis appellatur; ad promissionem gratiosam salutis Dei populum Propheta revocat, gloriosa in hostes prædicatione, dicens, *Consociamini, o populi*, &c. versu 9. deinde versu 10. *Inite consilium, & irritum fiet; loquimini verbum, & non exsistet; sed Immanuelis*. Postea verò Deus Pater verbum Immanuelis suo Propheta tradens, & confirmans eum adversus communem depravationem populi, his verbis admonet: *Ne dicatis, conjuratio; neque timore populi vestri timeatis*, versu 12. sed potius è contrario *Jehovam exercituum*, id est, Jesum Christum Angelum federis & exercituum Principem (ut in libro Josue appellatur) timentes eum & expavescentes ab eo. Tum demum huic mandato promissio illa subjicitur, *Et eris sanctificationi vobis*, &c. ut in diagrammate posuimus. Hæc certè cum a Jehova prædicetur, & quidem de eo qui Immanuel & Jehova appellatur; nulla ratione, ac ne specie quidem rationis a Christo abjudicari possunt, & in aliam eamque violentam interpretationem abripi. De cæteris quæ ad postrema Simeonis verba pertinent; proprio suo loco, id est, in caput secundum Epist. ad Hebræos, volente Domino, dicturi sumus.

## PARALLELUS LIX.

Esa. 40.

3 *Vox clamantis, in deserto parate viam Jehovæ, complanate in solitudine aggestum iter Deo nostro.*

4 *Omnis vallis atsolletur, & omnis mons collisque deprimetur, eritque rectum id quod incurvum est, &*

Luc. 3.

4 *Vox clamantis, in deserto parate viam Domini, rectas efficit semitas illius.*

5 *Omnis vallis implebitur, & omnis mons ac collis deprimetur, & quæ curva sunt sicut via recta, & salebrosa*



*salebrofa in viam planam commu-  
tabuntur:*

5 *Revelabiturq; gloria Jehovæ, ac  
videbunt omnis caro pariter ipsam.  
Nam os Jehovæ loquutum est.*

*asperæ viæ efficiuntur planæ:*

6 *Videbitque omnis caro glo-  
riam salutarem Dei.*

**F**Inis horum locorum communis est, ut in Ecclesia constet certò de adventu Christi, ex antecedente legato sive nuncio ipsius, & legationis argumento. Id tantùm interest; quòd Esaïas futurum præ-nunciavit, Euangelistæ annunciant factum. Summa, Johannem Baptistam Zachariæ & Elizabethæ filium ex vocatione prædicasse baptismum resipiscentiæ in remissionem peccatorum per fidem in Christum, qui ponè sequebatur ipsum; ut per Esaïam diligentissimè fuerat præ-nunciatum. Nam Johannes Baptista is ipse est, qui ratione officii *vox clamantis* appellatur: baptismum resipiscentiæ in Christo significaverunt illa, *in deserto parate viam Domini*, &c. Remissionem peccatorum per fidem in illum, demonstrat allegoricè totus versus Esaïæ quartus & quintus eodem loco. Quæ omnia simul hic ab Euangelistâ in pauciora verba contrahuntur. Mutationum itaque facilis est ratio. Primum enim quòd in omnibus Testamenti Novi locis ponitur distinctio post *deserti* nomen; id jam diu monuimus in Esaïam, ex Hebræi contextus fide & membri sequentis comparatione mutandum esse; & distinctionem post participium *clamantis* restitui oportere. Deinde quòd sequente versu horum verborum loco, *Omnis vallis attolletur*, Lucas exponit *implebitur*, ἰσχυρινῶν est. Deniquè versus quinti argumentum paucioribus a Luca exprimitur, quum pro *gloria Jehovæ se revelatura*, ut ab omni carne videatur; hæc verba tantùm substituit Lucas, *Videbitque omnis caro gloriam salutarem Dei*: quam vocem propterea, ut evidentiùs exponeremus & citra homonymiam, interpretati sumus *salutarem gloriam*. Omnia igitur eodem pertinent. Sed Judæi obgannunt, & alii veritatis hostes; non posse illum Esaïæ locum de hoc argumento accipi. Id verò falsum esse, & veritati divini verbi repugnare, non solum Euangelistas testes appellamus, & Baptistam ipsum, Johannis 1. 23. sed illum ipsum Esaïam in toto illo argumento. Primum enim declarat Esaïas versu 2. eam prophetiam quam dicturus est ad populi sancti, id est, Ecclesiæ consolationem, propriam esse illius temporis; quum tempus populi Dei fuerit completum, & exsoluta ejus iniquitas, quum acceperit e manu Jehovæ duplum pro omnibus peccatis suis. Id autem præfinitum tempus non fuisse completum revertentibus Judæis ex Babylonia, pluribus in locis pronunciat Daniel, cujus lucem tenebræ Judæorum non possunt depellere. Secundò, illi temporis tribuitur adventus Jehovæ & Dei nostri gloriam suam revelaturi, & seipsum patefacturi in carne, ut a carne spectari possit. Tertiò, argumentum Euangelii & tora administratio prædicatur; nempe de Christo exhibito, & illius officio tum contra sceleratos & impios Euangelio adversantes, tum erga pios omnes, qui ductui Servatoris sui se se commiserint, versu 9. 10. & 11. Postremò, ne argutiores quidem & peritiores Judæi interpretationem hanc subvertere omnino potuerunt; sed vi vehementiæque veritatis fracti, agnoverunt in hoc loco esse quæ ad Messiam referre cogerentur: quamvis alioqui in id unicè contenderint, ut

singula verba, quamvis evidentissima, a persona Christi & temporibus Evangelii ad populum Judæorum & reversionem ex Babylonia detorquerent.

## PARALLELUS LX.

1. Chron. 3.

17 *Fili autem Jechonia vinili,  
Salathiel filius eius, &c.*

Gen. 10.

24 *Arphaxad vero genuit Sale,  
& Sale genuit Heber.*

Luc. 3.

27 *Qui filius fuit Johanne, qui  
fuit Rhetæ, qui fuit Zorobabelis,  
qui fuit Salathielis, qui fuit Neri:*

35 *Qui fuit filius Heber, qui  
fuit Sale,*

36 *Qui fuit Kainan, qui fuit  
Arphaxad, &c.*

**P**riorem locum de Salathielis genere jam antè in Parallelo tertio explicavimus. De posteriore ergo videamus. Finis utrobique est, ut sancti generis recensione fides & veritas Dei ostendatur in præstandis promissionibus, quarum fuit complementum Christus; velut semen benedictum huic generi promissum. Summa, Christum semen ex ea gente progenitum esse, cui promissiones fuerant a Deo factæ; ac proinde hac recensione gentis demonstrari non alium Messiam haberi aut dici oportere, quam eum, cujus historiam Evangelistæ nobis tradiderunt. Sed in horum locorum comparatione non obscura esse ἀπλότης videtur vulgo; quum Moses ex Arphaxad genitum fuisse Sale docuerit; Lucas verò fuisse Cainanem ex eo progenitum, & ex Cainane genitum fuisse Sale, velut nepotem Arphaxadi patris. Ad hujus loci interpretationem triplex (si bene memini) solutio hæcenus allata est. Prima, non fuisse à Luca adscriptum hoc loco Cainanis nomen, sed librariorum sive audacia, sive imperitia interjectum. Secunda, hæc inter se minimè pugnare; quia nepos in Scriptura filius appellatur avi, & ab avo suo genitus dicitur; nimirum mediante (ut loquuntur) patre: ac proinde commodè a Luca fuisse patrem interpositum, quem brevitatis causa Moses in historia sua omiserit. Tertia, fuisse quidem Cainanis vocem a Luca additam; sed ex Græcorum interpretum fide: quorum interpretationem sequi Lucas maluerit, quam intempestiva mutatione nascenti Ecclesiæ, & illucescente primùm Evangelii veritate, materiam rixæ obtrudere. Ad primam quod attinet, confirmatur cum paucorum veterum librorum manuscriptorum fide, quam docti aliquot viri affirmant a se probatam memoria nostra: tum unico (nisi me animus fallit) loco Epiphaniï *αἰ 7ῃ Μελησεδεχιανῶν*: ubi Epiphanius certo consilio rationem temporum supputans, ut Melchisedechianorum dogma refelleret, Cainanem omisit planè: eoque ita omisso perbellè constat annorum summa, quam ex comparatis singulorum patriarcharum annis volebat conficere. Verùm, ut ut se res habeat, hæc solutio mihi quidem satis probari non potest. Nam etsi quidam libri exstant (ut volunt) destituti Cainanis appellatione in historia Lucæ; ex eo tamen minimè conficitur ab aliis fuisse infarctum Cainanis vocabulum: quia constans est omnium Patrum, quotquot sunt, omniumque interpretum, Syri, Arabis, & aliorum consensio,

senſio, apud Lucam hoc quidem in loco exſtiſſe Cainanis nomen, Quapropter etiam de hac quæſtione Patres ipſi olim quoq; plurimum laborauerunt, Chryſoſtomus, Hieronymus, Auguſtinus, & alij; qui ſeptuaginta ſeptem nomina in hac generis recenſione legi uno ore conſentiunt: ac propterea etiam a veteribus jamdiu, ad commoditatem numerationis, quini in verſus ſingulos relati ſunt; ſi primum & ultimum eorum exceperis, quorum hic quatuor nomina, ille tria complectitur. Quid, quod non poteſt aliter conſtare Nazianzeni metrum?

Τὸ δὲ Μαθουάλα ἴσκειν ὡς ᾗτα γέναιτο Λάμψ.

Αὐτὰρ ὁ Νῶε πατήρ. Σὴμ Νῶος ᾗς ἐκείνη,

Ἐκ τῷ δ' Ἀρφαξὰδ Καϊνάν. Σαλά, τῷ δ' εἰπύσει

Τίον Ἑξέρ————

Epiphanium verò contra Melchisedecianos, reticuiſſe hujus appellationem omnino oportuit, ſi cauſam quam agebat probaturus eſſet apud Melchisedecianos: tum quia homines illi non perinde probabant Teſtamenti Novi authoritatem; tum quia ex Moſe hanc recenſionem generis deſumebat, cujus recenſionis jam olim apud Græcos exempla variaviſſe plurimis locis, Orthodoxi Patres docuerunt. Quapropter etiam idem Epiphanius ἐν λόγῳ ἀγανερῶς, noluit prætermittere Kainanis nomen, quum ex Lucæ verbis genealogiam Chriſti contexeret. Secunda ſolutio mihi quoque multis nominibus probari non poteſt. Nam id quidem verum eſt, nepotes apud Hebræos donari filiorum nomine; ac proinde Salam, ſi nepos Arphaxadi fuerit, filium Arphaxadi non incommodè dici potuiſſe; modò res ſaltem unico Veteris Teſtamenti loco obtineri poſſet. Verum (quod bona omnium pace velimus dictum) nec rationi temporum, nec Moſis, aut Lucæ argumento poteſt competere iſta interpretatio. Rationi temporum quadrare non poteſt; quia ſingulorum ætatem, qua genuerunt filios, pertexit Moſes. Quod ſi hunc in hiftoriam ejus placebit interjicere, mox chronologia tota inſtabilis futura: & per ſe ruitura eſt. Argumento verò minimè omnium convenire poſſe, tanquam ſi Moſes brevitatis cauſa reticuiſſet Kainanis nomen, demonſtrat utriuſque loci comparatio: cùm Lucas brevitatem magis quàm Moſes in recenſione hac quaſi verit: Moſes verò non brevitatem, ſed accuratam perſonarum, temporum, totiùſque generis circumscriptionem tradere, (ut optimè fecit) voluerit. Reſtat igitur ſolutio tertia, fuiſſe Kainanis vocem a Luca additam: ſed ex interpretum Græcorum fide. Quam ſolutionem his verbis expoſuit Beda: *Nomen & generatio Kainan juxta Hebraicam veritatem neque in Geneſi, neque in verbis dierum invenitur: ſed Arphaxad, Sela vel Sale filium, nullo interpoſito, genuiſſe perhibetur. Scito ergo Lucam hanc generationem de Septuaginta interpretum editione ſumiſſe, ubi ſcriptum eſt quod Arphaxad centum triginta quinque annorum genuerit Kainan, &c.* Tanquam ſi diceret, Lucam id officii cùm Græcorum interpretationi, tum receptæ in vulgus opinioni tribuiſſe, prout multa in Scripturis ὁδὸς καὶ ſunt enunciata, & accommodata opinioni vulgi: Neque intempeſtivo certamine de cauſa alicujus nominis voluiſſe committere, ut Eccleſiæ pax aut piarum mentium quies in diſcrimen vocaretur, nutaret earum fides, vel periclitaretur Scripturæ authoritas. Hujus itaque reſponſi



religionem probo, & solutionis primæ veritatem. Sed quia summa Patrum, Interpretum Arabis, & Syri, omniumque fermè exemplarium consensione comparèr Kainanis nomen; nos postremæ solutioni facilè acquiescimus: præsertim cum Lucas in ipso aditu hujus genealogiæ ~~οὐδ' ἔστιν~~ usurpaverit ad hunc locum pertinentem, quum diceret, *ὡς ἐνομίσθητο*. Quibus verbis non obscurè innuit, non accuratam quamdam, sed minus elaboratam recensitionem generis Christi a se hoc loco institui, eamque temperari ad captum & opinionem vulgi. Hic verò non sumus nescii, obstrepere nonnullos veritatis hostes, & de authoritate ipsius Lucæ atque Evangelii ab eo perscripti hoc argumento fretos detrahere. Fallum est, inquit, istud, & falsò adhibetur Kainanis nomen. Respondemus, Etsi re falsum fuisse dabimus, tamen fuisse opinabile: imò in opinione fuisse vulgi, ad quam opinionem in vulgo receptissimam respexit Lucas, ut ex verbis ipsius modò ostendimus. Opinionis autem falsæ jam diu autores fuerant septuaginta illi: Lucas verò bona fide exemplum illorum, opinionemque vulgi, & certo consilio sequutus est. In illis ergo, ac non in Luca desideratur fides. At Lucas, inquit, falsum esse scivit. Scivit quidem illud, sed hoc ejusmodi esse scivit, quod rei tantum unius historici, non autem fidei Catholicæ veritatem offenderet. Nam Kainane interposito veritati quidem historiæ aliquid additur, sed nihil fidei adimitur: cujus certitudo unius aut alterius historiæ, sermonis aut vocis errore minimè convellitur, nisi contra fidei Christianæ fundamentum, aut articulos ejus (ut vocant) fundamentales veniat. Hoc itaque non est *μικροὶν ἀμαρτιῶν*, sed *συχρότης ἀμαρτιῶν*, id est, modesta concessio peccato vacans; quo genere sermonum Scriptura non rarò utitur. Quid ergo? nōne Lucas errorem falsum hoc pacto confirmaverit? Minimè omnium. Nam & publicus error a privato differt, & inveteratus a recente novòque. Lucas autem errorem neque publicum ex privato fecit, neque nascentem aluit; sed publicum errorem jam diu inveteratum pertulit; quia auctore Spiritu Dei, ex duobus malis vidit eligendum minus, quod vulgò dici solet. Malum quidem fuit illud, quòd Septuaginta ausi sunt a veritate historiæ discedere, quocunque tandem studio aut consilio fecerint; ac proinde ipsorum factò falsum invaluit in sacra historia. Sed cum ille error historicus per se fidei non afferat damnum, gravius malum eventurum fuisse vidit, si illud inveteratum atque apud omnes receptum intempestivè tentaret eximere. Quod malum & grave, mea sententia: nimirum quòd ita, propter causam, quæ non attingit fundamentum ullum fidei propriè & per se, periclitata fuisset Scripturæ authoritas, piorum fides nutavisset, tempore nascentis Evangelii, & conturbata fuisset Ecclesiæ ædificatio. Quis enim ista omnia pericula futura fuisse dubitet, si per illud tempus quæstionem ejusmodi nondum necessariam pertinaciter intulisset in Ecclesiam Dei, ac non potius modèlè prudentèrque in horas oportuniores distulisset? At hæc videtur esse carnis sapientia. Contrà verò non carnis est, sed Spiritus hæc sapientia; si quam veritatis deminutionem feras salutem non adversantem, ubi non potest corrigi sine offensione & labe Ecclesiæ, quæ columna est & firmamentum veritatis. Indulgentur infirmis, & tegantur coram illis errores, qui in hominibus valentioribus castigantur: neque id infirmis, aut in doctrina solum; sed etiam iis quos

perycay

pervicax *σκληροκαρδία* obtinet, etiam in ipsa juris & justitiæ causa, toleratur aliquid ne Ecclesia dirumpatur, aut obstruatur ædificationis via; quemadmodum Christus Matth. 19. docuit, & exempla ostendunt quam plurima. Denique si quid a veritate historię & juris, aut a probitate vitæ defleat; illud sit *χρὶς δειδὼ ἡμᾶ συγχωρεῖν*, ad veritatem & justitiam puta cæteris in rebus; quas plurius interest exponi Ecclesiæ Dei, apud homines obtinendam. Minus enim conceditur atque supponitur, ut obtineatur majus: alioquin ut justitia per se; sic etiam veritas omnibus in rebus colenda est: sed ita ut cum pace & charitate, quoad ejus fieri potest, temperetur. Summa, quod Septuaginta olim mutaverunt Mosem, indignè factum: quod Evangelistæ & Apostoli mutatum receperunt, & usurpaverunt, sapienter factum per Spiritum Dei, & convenienter suis temporibus: Quod autem jam sine periculo Ecclesiæ demonstratur veritas ab hominibus nostris, & conciliatur varietas; id tempestivum est & dignum laude officium. Atque hanc virorum Dei modestiam in ferendis erroribus alienis, qui sine offensa conscientię ad pacem & ædificationem publicam tolerari possunt, seculo nostro dignetur dare Dominus, & ferventem illum contentionis spiritum extinguere; qui nihil fratribus condonare, nihil publicæ paci, ædificationi, & charitati perfectionis vinculo, tribuere, nihil tegere & dissimulare potest in eo qui tegit peccata nostra, & misericordia maxima toleravit tempora ignorationis nostræ.

Luc. 4. vers. 4. De Moſis loco diximus in Matthæum decimo Parallelo.

Luc. 4. vers. 8. Diximus in Matth. Parallelo 12.

Luc. 4. versu 10. & 12. De his vide in Matthæi Parallelo 11. & 13.

## PARALLELUS LXI.

Esa. 61.

1 Spiritus Domini Jehova est super me. Propterea unxit me Jehova ad evangelizandum pauperibus, misit me ad obligandum eos qui fracti sunt animo, ad proclamandum captivis libertatem & vinctis aperturam ergastuli.

2 Ad proclamandum annum acceptum Jehova.

Luc. 4.

18 Spiritus Domini super me est; propterea unxit me ad evangelizandum pauperibus, misit me ad sanandum eos qui sunt contriti corde, prædicandum captivis dimissionem & cæcis recuperationem visus, emittendum confractos dimissione justæ.

19 Ad prædicandum annum Domini acceptum.

**H**orum locorum finis est, ut Ecclesia dona & vocationem Christi agnoscat, officiâque illius percipiat ad salutem suam. Summa, Christum Spiritu sancto, id est, plenitudine donorum Dei in Spiritu instructum esse; ideoque ut dona accepta occupet, a Deo Patre vocatum & missum, ut suis salutaribus erga Ecclesiam officiis Prophetæ, Sacerdotis, & Regis perfungatur. Hujus autem rei accommo-

tionem ad Christum pertinere; tum singularis illa divinæque providentia ostendit, qua Christus de Testamento vetere explicans hunc ipsum locum invenit per Spiritum, quem ex libro Esaia interpretaretur; tum ipsius Christi autoritas rem interpretantis versu 21. dicendo, *Hoc est impleta est hæc Scriptura vobis audientibus*; tum denique Prophetiæ totius apud Esaia argumentum. Nam etsi Judæi omnes in ea re laborant vehementissimè, ut Prophetiam hanc confirment de Esaia ipso prædicari: cum tamen nec materia Prophetiæ, nec effecta, nec adjuncta omnia Prophetæ illi accommodari possint; sed res divinæ pronuncientur, & quidem in futurum tempus Evangelicæ prædicationis; non potest hic locus commodè, nisi ad Christum, applicari. Etenim Deus quidem hujus Prophetæ ministerio ut aliorum, usus est, ad enunciandas in veteri populo promissiones suas, sed illud omnino pro certo habendum est, inde a capite 33. Esaia, ubi finis perpeffionum Christi copiosissimè exponitur, Ecclesiæ tradi prophetias Christi Evangelicas ipsius verbis. Dixerat enim Deus sub finem capitis 33. *exemiam molestia animam suam videns saturabitur; cognitione sui multos justificabit iustus servus meus, &c.* Quod autem eo in loco Deus paucis expresserat, sequentibus post capitibus Christus, quasi superatis perpeffionibus exurgens per resurrectionem ex mortuis, declarat luculentissimè. Quapropter initium facit Evangelicæ concionis suæ ab his verbis, *Canta sterilis quæ non parit, &c.* & doctrinam Evangelicam deinceps persequitur, postquam ecclesiam suam in spem meliorem excitavit; ut illa ipsa Prophetæ verba, ad distinctionem personarum in unitate essentiae Dei pertinentia, demonstrarent cap. 54. vers. 5. *Conjuges tui sunt factores tui, cui nomen est Jehova exercituum, &c.* Horum igitur conjugum sive opificum, id est, personarum quæ in unitate essentiae unum sunt, singularem distinctionem; & beneficiorum, quæ a personis singulis in redemptionis mysterio conferuntur, determinationem his verbis apud Esaia prædicavit Christus, & in synagoga apud suos ampliùs declaravit: nempe Dominum Jehovah, id est, Deum Patrem ipsius autorem esse donorum, vocationis, & officiorum ad salutem Ecclesiæ pertinentium: filium eum esse, qui ad eum finem iisdem rebus a patre instructus est: denique Spiritum sanctum, Jehovah, a Patre & filio ab æterno procedentem, eum esse qui ex consilio Patris in filio conquiescit, & in eodem atque per eundem in Ecclesiam Catholicam singulæque ipsius membra diffunditur ad institutionem Propheticam, sanctificationem sacerdotalem, & regiam liberationem salutemque ipsius. Hæc qui de Esaia accipi posse putant, ii videntur ultrò prælucentem fugere veritatem. Restat ut de mutatione dicamus paucis. Quicquid hoc in loco mutationis est, aut ad brevitem commoditatemque pertinet, aut ad declarationem & accommodationem eorum quæ obscuriùs pro tempore a Propheta fuisse dicta videbantur. Brevitatis est, tum quod pro Domino *Jehova Dominus* solum nominatur; tum quod proximè *Jehova*, nomen sive *Dominus* omittitur. Declarationis est, tum quod pro iis verbis quæ Propheta dixerat, ad obligandum eos qui fracti sunt corde, reposuit Christus ad *sanandum* eos qui coneriti sunt corde, metalepsi commodissima; tum quod ex cap. 42. 7. & aliis ejusdem Prophetæ locis, adjecit Christus, *predicandum cecis recuperationem visus*. Postremò autem, quod in locum eorum quæ Christus per Prophetam dixerat, ad *proclamandum vinctis aperturam ergastuli*, nunc demum idem Ecclesiam suam quasi in rem præsentem vocat, dicens,



dicens, *ad emittendum contra illos dimissione iusta vel plena*, id est, in libertatem iustam certamque asserendum. Hac igitur mutatione diversum nihil est, nisi verba; sensus verò factus est evidentior.

## PARALLELUS LXII.

*Luc. 4.*

25 Sed in veritate dico vobis, multæ erant viduæ diebus Eliæ in Israël, quando clausum est cælum ad annos tres & sex menses, adeo ut fuerit fames magna in tota regione illa:

26 Ad nullam verò illarum missus est Elias, nisi Sareptam Sidoniæ ad mulierem viduam.

27 Et multi leprosi erant temporibus Elisæi Prophetæ in Israël: at nemo eorum purgatus est, nisi Naaman Syrus.

**C**um hæc verba iustum argumentum contineant duorum capitulum, non visum est necesse, ut Hebraici contextus voces ad verba Lucæ appingantur. Finis est, ut propositio Christi in antecedente versu a Luca posita confirmetur. Summa, cum aliis quamplurimis, tum his duobus exemplis confirmari propositionem qua Christus usus est, *neminem Prophetam acceptum esse in patria sua*. Confirmatur autem ex contrario in hunc modum, Deus providentia sua mittit Prophetas suos ad eam regionem, eosque homines quibus accepti sunt. Hos autem misit, non ad regionem aut gentem suam: sed ad patriam hominesque externos. Prophetæ igitur non in sua, sed in externa regione accepti sunt. Utrumque autem membrum antitheseos accommodavit sibi ipsi Christus in ver. 23. his verbis, *Omnino dicetis mihi hoc proverbium, Medice cura teipsum: quæcunque audvimus facta esse in Capernaum, fac etiam hic in patria tua*. Ac proinde unica argumentatione, ab exemplis ducta, solvit utrumque objectionis locum.

Luc. 5. 14. Quæ de purgatione dicuntur ex præcepto Moïsis, explicavimus supra Parallelo 51. in Marcum.

Luc. 6. 3. De exemplo Davidis diximus supra in Matth. Parall. 22.

Luc. 7. 27. De loco Malachiæ vide supra Parallelo 50. in Marcum.

## PARALLELUS LXIII.

*Luc. 9.*

54 Quum autem hoc vidissent discipuli ejus Jacobus & Joannes, dixerunt, Domine, vis dicamus ut ignis descendat de cælo, & consumat eos, ut etiam Elias fecit:

**H**istoriam Eliæ 2. Reg. 1. comprehensam nihil necesse fuit hoc loco adscribere, tum quia breviter exemplum illius adducitur, cuius longa futura fuisset exscriptio; tum quia inepta fuit illius exempli ad rem præsentem accommodatio: ut sequente versu Lucas optimè demonstrat dicens, *conversum Jesum objurgavisse eos, & dixisse nescitis cuius Spiritus vos sitis, & quæ sequuntur*. Cum itaque hoc Apostolorum dictum Christus ad eò graviter reprehenderit, tanquam iustitiæ adversans, & iniustitiam illius argumentis duobus ostenderit; quorum

unum

unum est sumtum a persona Apostolorum Spiritum suum Spiritui Eliæ nec scientia nec studio conformantium; alterum a persona Christi, & vocatione officiôque ipsius, sequente versu: satis est ut responsione Christi acquiescamus, & de accommodatione hujus loci amplius non laboremus.

Luc. 10. 27. De Mosis verbis diximus in Matth. Parallelo 43.

Luc. 11. 29. De signo Jonæ vide in Matth. Parallelo 24. Itemque de sequentibus Reginz, Australis & Ninivitarum exemplis.

## PARALLELUS LXIV.

Luc. 17.

26 Et prout factum est in diebus Noë, ita erit etiam diebus filii hominis.

27 Edebant, bibebant, uxores ducebant, & dabantur nuptum, ad eum usque diem quo introivit Noë in arcam; venitque diluvium, & perdidit omnes.

28 Similiter etiam ut accidit in diebus Lot: edebant, bibebant, emebant, vendebant, plantabant, ædificabant:

29 Quo autem die Lot exiit Sodomis, pluit igne & sulphure è cælo, & omnes perdidit.

30 Secundum hæc erit dies quo filius hominis detegetur.

32 Memineritis uxoris Lot.

**L**ongius quoque fuisset futurum, si totam ex Mose historiam adscribi oportuisset ad summam hanc exemplorum recitationem. Pinis est, ut homines metu judiciorum Dei comparentur ad reverentiam illius optatissimi diei, quo Christus secundo adventurus est: Summa, futuram esse prædiciam & securitatem maximam, quo tempore adveniet Christus; quemadmodum etiam innuitur sub finem sequentis parabolæ principio 18. capitis; Sed tamen piis videndum esse ne in eandem perditionem ruant, aut animi sui perturbationibus indulgeant; quia Dominus tum (ut olim fecerat) est illo tempore imprudentes & aliud agentes oppressurus. Atq; hæc tria exempla pertinent, quæ in hoc loco a Christo adducuntur. Monuimus autem antea, typos sive exempla singularia per se minimè concludere, & ex particularibus ac contingentibus effici nihil posse, in Matth. Parallelo 24. Sed ubi Dei verbum & autoritas accessit, ea quæ alioqui ex se nihil adstruunt, necessariam habere consequentiam tum ex institutione aut prædictione Dei; tum ex Divinæ ipsius naturæ, justitiæ, judiciorumque analogia. Quæ cum ita sint, necessariam esse prædiciam Christi statuimus, non ab exemplis contingentibus quæ adducuntur, sed ab autoritate dicentis, & veritate dictorum ejus; quibus ultimorum temporum securitatem & castigationem in secundo adventu ipsius, figuravit temporum antecedentium historia, & pios ad constantem illius diei expectationem excitavit.

Luc. 18. 30. Videndum in Matth. Parallelo 35.

Luc. 19. 46. Vide in Matth. Parallelo 38.

Luc. 20. 17. Hunc Davidis locum explicavimus in Matth. Parallelo 40.

Ibidem, vers. 37. & 42. De his locis in Matth. diximus Parallelo 43. & 46.

Luc.

## LIBER PRIMUS.

91

Luc. 22. 37. De hoc Prophetæ loco diximus supra Parallelo 4.

Luc. 24. Quæ versu 25. & 27. & 44. & duobus sequentibus in genere dicuntur de Scripturæ sacræ testimoniis, ea ex aliorum Evangelistarum comparatione & Apostolorum scriptis petenda sunt, ubi de Christi sacerdotio & regno testimonia proferuntur.

## EX EUANGELIO JOHANNIS.

Joh. 1. 23. Vide supra in Parallelo 10. Quod autem ibidem vers. 46. de Mose & Prophetis dicitur communem habet rationem cum proxime præcedente observatione.

### P A R A L L E L U S    L X V.

Psal. 69.

Job. 2.

10 *Zelus domus sue comedit me.*

17 *Zelus domus tuæ comedit me.*

**V**Triusque loci finis est, ut infinitum Domini & Servatoris Christi erga Ecclesiam studium omnibus sit expositum. Summa, eam esse pietatem studiumque Christi erga Deum Patrem & Ecclesiam, velut domum & sacrarium ipsius, ut cæteras res pro nihilo ducat; adeoque seipsum exinaniverit, omnem sui rationem abjecerit, vitamque suam exposuerit, pro electorum salute. Sed de accommodatione hujus loci judicia variant. Nam hæc Johannis verba, *zelus domus sua*, &c. alii propriè simplicitérque dicta a Davide putant, & a Johanne accommodata esse Christo, velut exemplum commune ad pios omnes pertinens analogicè: alii a Davide quidem, sed typicè dicta judicant, & Christo propriè competere: alii singulorum Ecclesiæ membrorum esse existimant: alii denique propriè de persona ipsa Christi fuisse enunciata, ac propterea a Johanne propriè & singulariter accommodari Christo arbitrantur. Atque hæc quidem interpretationum varietas ex varia Psalmi 69. intelligentia dimanavit; quem alii Davidis proprium esse statuerunt; alii typicum; alii communem Ecclesiæ: alii proprium & singularem Christi. Proprium Davidis fuisse Judæi putant, & contendunt vehementissimè; quia hac ratione videntur sibi luculenta de Christo servatore nostro testimonia eludere, quibus testimoniis hic Psalmus tam circumfluit, quàm qui maximè. Sed hæc quæ ad Christum necessariò, ad Davidem verò ne contingenter quidem pertinent mox indicabimus, quum veram asseremus Psalmi interpretationem. Quemadmodum autem proprius & singularis dici Davidis Psalmus non potest: sic etiam absurdum foret, si quis proprium esse Christi, & purè de eo intelligendum ex omni parte affirmaret. Nam huic interpretationi versus non pauci obsistunt; qui id omnino flagitant, ut de Davide auctore Psalmi hujus intelligatur. Cum itaque nec hujus, nec illius purè proprius & singularis sit; restat ut communem esse dicamus, & opus habere



habere communi interpretatione. Quòd si communis est (ut est) aut  $\chi\tau$   $\tau\upsilon\pi\omicron\varsigma$  communis esse Davidis, & Christi  $\chi\tau$   $\alpha\lambda\lambda\theta\epsilon\iota\alpha$  dicendus est; aut communis Ecclesie totius  $\chi\tau$   $\sigma\epsilon\pi\tau\epsilon\iota\alpha$ ; qui typus communis & generalis est. Ac communem quidem esse totius Ecclesie, exemplo & accommodatione sive applicatione, quam Græci vocant  $\sigma\iota\kappa\epsilon\lambda\sigma\mu$ , facile datur sumus; secundum illam interpretationis viam quam in Matthæum Parall. 24. docuimus. Sed Psalmum illum certo consilio a Davide fuisse scriptum, ut de toto Ecclesie corpore destinatè intelligeretur, & de singulis illius membris; nemo (opinor) pius contendet unquam, qui vel semel cum iudicio & fide contextum illius Psalmi percurrit. Est igitur communis, iudicio meo, secundum rationem proprii & destinati typi, de quo in locum illum Matthæi diximus; ac proinde ita res Davidis eo in Psalmo exponuntur, ut figurentur res Christi; & vicissim ita res Christi exponuntur, ut non nisi figuratè Davidi possint competere. Exempli causa (ne abeamus longius) quum Propheta inquit vers. 21. *Opprobrium frangis animum meum*, &c. id de Davide tam propriè dicitur quàm quod maximè, cum animus ipsius ex infirmitatè carnis non rarò debilitatus fuerit atque infirmatus: De Christo verò figuratè dicitur, cujus perpeffiones sic adumbrabat David, ut Christum tentari solum, non autem frangi tentationibus innueret. E diverso autem, quum sequente versu his verbis utitur, *Dant pro alimento meo amatores, & in siti mea bibendum exhibens acetum*; hoc a Davide figuratè dictum, sed de Christo propriè & destinatè (ut ita loquamur) prædictum est. Atq; hinc assurgit tertium loquutionum genus, in scriptis huius argumenti usitatissimum; nempe quòd loquutiones quædam propriè simplicitèrque de utroque accipiuntur, prout etiam propriè dictæ sunt; ut quum ibidem inde a versu quinto causam suam exponit David, & Christus Davidis verbis. Quo in genere causa hæc recensenda est, qua David utitur, & quam Apostoli agnoverunt ad Christum pertinere. *Quia zelus domus sue exedit me*, &c. quæ verba propriè simplicitèrque Propheta David cum de seipso, tum de Christo, quem adumbrabat, pronunciari voluit atque intelligi. Est igitur æquissima verissimèque huius loci accommodatio.

## PARALLELUS LXVI.

Joh. 3.

14 Prout Moses extulit serpentem illum in deserto ita extolli oportet filium hominis.

15 Ut quisquis credit in eum non pereat, sed habeat vitam æternam.

**H**istoriam totam ex Numer. 21. apponi ad hunc locum nihil necesse est; quia bonam illius capitis partem adscribi fuisset longius, & tota illius veritas commodè ex Mose cognosci potest. Cæterum materialis ille serpens proprius fuit atque singularis seu destinatus typus Domini & servatoris nostri Jesu Christi: Illius sublatio, typus sublationis Christi, & intuitus corporalis in eum, typus illius spiritualis intuitus vel fidei nostræ in Christum; qua ex spiritali morte, ut illi ex corporali, per Christum liberamur, & vitam æternam obtinemus. De hoc autem proprio & singulari typorum genere consulendus est Parallelus 24. in Matthæum.

PARAL-

## PARALLELUS LXVII.

Genes. 48.

22 Do tibi partem unam supra fratres tuos, quam cepi de manu Amor-  
rhæi gladio meo & arcu meo.

Joh. 4.

5 Venit Jesus ad urbem Samariæ quæ dicitur Sichar, juxta prædium quod dedit Jacob Josepho filio suo.

**V**Terque locus est purè historicus. Ac Jacob quidem illis apud Mosem verbis ostendit se prædium vel portionem duplam Josepho filio suo tribuisse; quæ portiones duæ fuerunt de nomine Ephraimi & Manassis appellatæ. Sed hæc verba de industria hoc in loco ab Euangelista fuerunt posita, ut determinaret quam in partem Jesus advenisset, quum historia fuit ab ipso gesta, quæ deinceps exponitur. Demonstrat igitur his verbis, quia Samariæ nomen est homonymum, accuratius circumscribi locum oportuisse ubi hæc gesta sunt; nempe fuisse locum Galileæ, sed in confinio Samariæ, ut eo amplius Galilæos suos propinquorum testimonio atque exemplo afficeret. Quamobrem postquam Johannes dixit, *Venit ad urbem Samariæ, quæ dicitur Sichar*, adhibuit membrum hoc exegeticum, *juxta prædium, &c.* tanquam si diceret, Samariæ appellatione totus quidem superior tractus, qui ad regnum Israëlitarum olim pertinebat, interdum comprehendi solet; de metropoleos & civitatis regie nomine. Sed cum totius illius tractus partes duæ jam olim fuerint constitutæ; quarum una Samaria, altera verò Galilæa dicta est; angustiore significationem hoc loco accipi necesse est. Fuit enim Sichar limitaneum opidum Samariæ, in cujus opidi propinquo, & Galileæ termino, hoc tempore substitit Christus, postquam Samaritanos prætergressus esset; ut dissimulato consilio suo Samaritanos, qui a Judæis abhorrebant, ad fidem suam commodius adduceret, & Galilæos suos de officio ipsorum hoc ipso exemplo informaret. Nam illud *juxta prædium, &c.* non est referendum juxta civitatem Sichar (erat enim hæc civitas Samariæ) sed cum verbo, *venit*, construendum est: quo facto locus obscuritate caret. Quod si ulli conjecturæ locus est, non procul Succothis locum hunc fuisse existimaverim, de quibus Gen. 33. 17.

## PARALLELUS LXVIII.

Joh. 5.

39 Scripturæ sunt quæ testificantur de me

46 Si crederetis Moysi, crederetis mihi, de me enim ille scripsit.

**H**is verbis unus aliquis Scripturæ locus ex professo non adducitur; sed tantum promiscuè locos esse confirmat Christus testificantes personam, officia, & beneficia ipsius. Hi autem loci, cum speciatim alibi plurimum demonstrantur, etiam per Apostolos & Evangelistas; nihil opus est ut coacerventur in hunc locum. Quamobrem ad alios Christi sermones properabimus.

PARAL.

## PARALLELORUM

## PARALLELUS LXIX.

Pſalm. 78.

24 *Frumentum cels dedit illis.*

Job 6.

31 Panem de celo dedit eis ut  
vescerentur.49 Patres vestri manducaverunt  
manna in deserto, & mortui sunt.

**V**Terque locus est historicus, & argumento consentiens. Mutationis quicquid est, exegeticum est. Id tantum observandum est, in posteriore loco Johannis, ubi verba Christi afferuntur, perstringi duos historiarum locos: unum, ex ca. 16. Exodi, quum Patres comedisſe man in deserto dicuntur: alterum, ex Num. 14. & Pſal. 95. quum ii ipsi Israëlitz, qui manna in deserto comederunt, mortem dicuntur obiisse: nimirum, quia sacramentum, non autem rem Sacramenti plerique eorum comederunt, ut Christus exponit sequentibus: in primis autem quia manna per se fuit temporaria illius vitæ, ut Christus æternæ, alimentum. Huc enim spectat instituta hæc per Christum comparatio.

## PARALLELUS LXX.

Job. 7.

22 Mosis dedit vobis circumcisionem (non quòd ex Mose sit, sed ex Patribus) &amp; sabbatho circumciditis hominem.

**E**tsi planum est argumentum Christi, cui persimile explicavimus antè Parallelo 22. in Matth. quia tamen duo distincti hic afferuntur a Christo loci, visum est paucis hunc locum proponere, sed tamen sine comparatione ulla diagrammatis, quo solemus in hoc libro uti, ne longiores simus. Prior locus est, quum Mosis dedisse circumcisionem dicitur, & sabbatho circumcidi hominem. Respicit autem hic locus ad Mosis verba Levitici 12. quibus etsi Moses Israëlitis circumcisionem minimè dat vel instituit, tanquam primus author illius; tamen antè datam confirmat eam & ampliùs sancit autoritate Legis. Posterior locus est *επεὶ ἐναντίον*, quum dicit Christus, non esse à Mose circumcisionem, sed à Patribus acceptam. Quem locum historia Mosis confirmat evidentissimè, Genes. 17. Priore loco utitur Christus, ad institutam argumentationem probandam autoritate Legis; posteriore verò, ad occupationem: ne fortè homines malevoli verba ipsius antecedentia arroderent, & ipsum tanquam imperitum historię sacrę, aut corruptorem criminarentur. Quæ criminandi ars in disputationibus ab iis plurimùm usurpatur, qui aut sibi aut causæ suæ diffidentes, aliena aucupantur verba, ut effugiant ipsum quæstionis caput, ac veritatem celent.

## PARALLELUS LXXI.

Esa. 55.

1 *Hæc quisquis fuerit, venite ad aquas.*

Job. 7.

37 Si quis fuerit, veniat ad me &amp; bibat.

Esa. 58.



Esa. 58.

11 *Eris tanquam hortus irriguus,  
& veluti scatebra aquarum, cujus  
non fallunt aquae.*

38 *Qui credit in me, sicut dixit  
Scriptura, flumina aquae vivae flu-  
ent ex ventre ejus.*

**E**undem finem & eandem summam utriusque loci in hoc diagrammate nostro propositi, ex omni parte statuendum esse, res ipsa loquitur. Nam Esaiam in tota illa capitum aliquot serie de regno Christi prophetiaque & sacerdotio loquutum esse, tam certum est quam quod certissimum: quemadmodum copiosè suprâ Parall. 61. demonstravimus. Christum verò, in quo certissima est luculentæ illius Prophetiae veritas, ad eum locum respexisse, eumque velut digito Judæis commonstrasse, nemo dubitaturus est, qui religiosè & citra animi perturbationem verba Christi (qui per Prophetas loquutus est olim) cum verbis Esaiæ, qui de Christo hæc prænuñciaverat, inter se comparaverit. De posteriore autem parte diagrammatis, ut dicam liberè quod sentio; si qui locus est in Testamento Vetere cum illis Jesu Christi verbis comparandus, is mihi quidem videtur esse, quem in diagrammate nostro posuimus. Nam etsi varia sunt omnino verba; res tamen ipsa atque argumentum omnibus modis consentiunt, estque communis in hac promissione finis & summa, ut de priore diagrammatis mēbro dicebamus. Sed bona omnium pace, existimo frustra de aliquo veteris Testamenti loco cum magnificis illis Domini nostri Jesu Christi verbis aptando laborari, ac proinde diagrammate nihil fuisse opus: etsi hoc adscribi placuit, ut aliqua ex parte iis qui aliud sentiunt satisfacere. Statuimus igitur illis verbis, *Qui credit in me, sicut dixit Scriptura, &c.* non aliquem novum Scripturæ locum citari a Christo, sed tantum explicari & determinari verba illius promissionis, quæ in Ecclesia Judæorum palam die illo magno festi proclamaverat, & ad eundem Esaiæ locum respicere. Sensus igitur est (ut paraphrasticè reddamus) tamquam si diceret, *Quæsiturus est fortassis aliquis, hæc verba quid sibi velint, Si quis sitit, veniat ad me, & bibat:* Ego verò hunc sermonem totum enarrabo paucis. Is demum venit ad me & bibit, qui credit in me; nam fide venit ad me, & fide quoque bibitur, viviturque in me. Sed hæc fides, quam desidero, non est temeraria fides aut opinabilis; quin potius vera lex fidei est, ut qui credit in me, sic credat quemadmodum Scriptura illa dixit, id est, ut explicavit Esaias in eo ipso loco (ne longius abeamus) nimirum præditus vera illa siti quam ibidem Esaias explicat & Christus ostendit apud Matthæum dicens, *Beati qui esuriunt & sitiunt justitiam.* Huic autem homini, inquit Christus, qui verè sitiens in me crediderit, non solum id boni spondeo, quod unde bibat habiturus est; sed etiam unde in alios exundet copiosissimè ad vitam æternam. Hæc igitur sententia si tenebitur, evidens locus futurus est. Sin autem malet quis promissionem hanc Christi ad Scripturæ Veteris normam revocari, duplex futurus est interpretationis modus: Prior, ut certus aliquis locus Scripturæ cum hoc comparetur, prout in diagrammate fecimus, satisfactori voluntati eorum qui id cupiverint: Posterior, ut non unus aliquis locus, sed substantia (ut ita dicamus) universa promissionum Evangelicarum ex universo Testamento veteris corpore quasi concinnata, & uno hoc loquutionis modo comprehensa, per Christum fuisse judicetur. Summæ cuique per me iudicium est liberum,

Ioh.

## PARALLELORUM

Ioh. 7. 42. Quod de genere, & loco ortus Domini nostri Jesu Christi dicitur, fuit explicatum in secundum Matthæi caput.

## PARALLELUS LXXII.

Deut. 19.

18 *Inquirent iudices optime: quod si ecce reus falsus reus ille est. falsum dixit in fratrem suum, &c.*

Ioh. 7.

51 Num Lex nostra condemnat quemquam, nisi prius audierit ab ipso, & cognoverit cognitor quid faciat?

**C**onstantissima est iusti & iniusti analogia, ut antè sæpè monuimus: ex qua, & lege naturæ, & lege Dei cautum est, ne quisquam iudicio damnetur nisi hæc duo præcesserint; primum auditio ejus qui reus est ad defensionem, probationem, aut excusationem sui; deinde certa & legitima cognitio, quæ disertis verbis Deut. 13. & 17. & aliis in locis Scripturæ sacræ præcipitur. Sed hæc ita sunt perspicua, ut non egeant explanationis nostræ.

## PARALLELUS LXXIII.

Levit. 20.

10 *Si quis adulteratus fuerit uxorem alterius, adulteratus fuerit uxorem proximi sui; adulter & adultera omnino plectuntur morte.*

Ioh. 8.

5 In lege Moses mandavit nobis, ut tales lapidarentur.

**A**etiologiam, id est, iusti & iniusti legem perpetuam esse & constantissimam sæpè docuimus: quam cum Judæi in adducendo hoc loco sequuti sint, & ab autoritate suæ Legis iudicium tulerint, nihil est cur de hujus loci interpretatione laboretur. Id tantum fortassis imperitiores moverit, quod adulteras lapidari dicant ex Lege oportere. Et si autem hoc verbum disertè non exprimitur eo in loco Levitici, quem diagrammati huic adscripsimus; non incommodè tamen hunc locum Judæi sic interpretati sunt, ex aliorum comparatione & analogia; cum famina adulteræ, & stupratæ sponsæ hoc ipsum genus mortis indicatur, Deut. 22. Est igitur consentiens illorum interpretatio cum sententia Legis; sed scopum habebant omnino Legi adversantem, quum tentarent hac quæstione Christum. Qua de re ut amplius dicamus, neque est hujus loci, neque instituti nostri.

## PARALLELUS LXXIV.

Deut. 19.

15 *Ex ore duorum testium, aut ex ore trium testium res stabili futura est.*

Ioh. 8.

17 In lege vestra scriptum est, duorum hominum testimonium esse idoneum.

**H**ic quoque locus est ætiologicus, nec opus habet explanatione. Accommodatio autem, qua Christus utitur, fit per comperationem minoris & paris. Minoris; quando hominum testimonium cum

cum testimonio Dei Patris & filii comparatur: Nam si hominum testimonio habetur fides, quanto magis divino? cujus auctoritas est *divinissima*. Paris verò; quando numerus par cum pari confertur, duorum puta hominum testimonium, cum duabus personis sanctissimæ Trinitatis, Patre & Filio; quemadmodum sequente versu exponit Christus luculentissimè.

## PARALLELUS LXXV.

Joh. 8.

56 Abraham pater vester gessit ut videret diem hunc meum, & vidit, atque gavisus est.

**E**T si hæc verba ad unum aliquem singularem locum referri propriè nec debent, nec possunt, ac potiùs totum corpus (ut ita dicamus) vel summam historię Abrahami complectuntur: non dubium est tamen, quin ordinem totius historię, quam perscripsit de eo Moyses, his paucis verbis Christus perstrinxerit; & progressum fidei illius, incredulæ & immorigeræ genti exprobraverit. Tria sunt enim, quæ hic a Christo ordine attinguntur. Primum, exultavisse illum, & gessisse desiderio vitendi hunc diem; secundum, vidisse; tertium, hoc viso gavisum esse. Ac primùm quidem promissionem a Deo Abrahamo dari antè oportuit, quàm hæc ab ipso facta sint: cujus promissionis verba obscurius quidem habentur principio capitis 12. deinde clariùs exponuntur, sequente capite. Hac autem promissione audita, quàm gessit videre hunc diem, exponit Moyses 15. capite Genesios: quàm certa fide viderit, demonstrat sanctissimum illud in observanda circumcissione obsequium; in primis autem, in sacrificando filio, Genes. 17. & 22. quo tempore sic vidit diem Christi, ut sacrificatoris filium nihilominus de semine confirmatus esset, diceretque *Jehova sibi prospiciet filium*. Denique gavisum esse demonstrat Moyses; tum eodem capite, quum pro verbi illius author fuisse dicitur, *In monte Jehova providebitur*, & quum promissione ampliùs confirmata fore ut in semine ejus benedicerentur omnes gentes terra, se tranquillo animo recepit domum; tum verò sequentibus etiam capitibus, quando omnia ex ductu & auctoritate Dei in familia sua administrari voluit, fretus præsidio Dei Patris, & Angeli fœderis illius, Genes. 24. 7. & deinceps.

## PARALLELUS LXXVI.

Psal. 118.

20 *Hæc illa est porta ad Jehovam qua ingrediuntur justi.*

Joh. 10.

7 Amen dico vobis, Ego sum ostium ovium.

**H**Ujus sermonis, quem Christus instituit in Evangelio, finis est, ut rum cæcus ille, qui propter sanctam professionem Christi factus fuerat *ἀπομαρτυρῶς*, & pii omnes confirmarentur adversus illam grassantem in Ecclesia tyrannidem, tam ut Judæi obstinatè Christi gratiam oppugnantes docerentur, non temerè, aut inscio & imprudente Christo hanc ipsorum contumaciam existere; sed contrà proprium opus ipsius esse, quod discernit suos, eòque vote sua ad salutem æternam perducit. Summa autem est (ut postea Christus loquitur exe-

H

geticè



## PARALLELORUM

gericè versu 9.) Christum velut ostium esse, id est, per eum si quis intro-  
ierit, servatum iri. Hanc verò mentem Davidis esse in eo loco Psal. 118.  
qui exscriptus est in hoc diagrammate, jam antè demonstravimus in  
Matthæum Parall. 37. unde petenda est iusta illius Psalmi interpreta-  
tio. Nam pius consulentibus de portis per quas aditus est in regnum cœ-  
lorum, & spondentibus sacrificia laudis Domino, respondet simplicitè  
mè Ecclesia Dei, ut mater filiis, non esse cur de portis laborent, aut plu-  
res opus esse ad Christianum hoc iter cogitent; nam unicam esse por-  
tam sive aditum ad Jehovam, vel Deum Patrem, nempe Jesum Chri-  
stum Servatorem nostrum, per quem iusti ingressuri sint & venturi ad  
Patrem: quæ eadem porta lapis est imus angularis, in quo totum ædifi-  
cium coagmentatur ut sit templum sanctum Domino. Hęc igitur nostra  
est interpretatio; quam sine cuiusquam præiudicio asserimus, & iudicio  
Ecclesiæ, piorumque omnium permittimus.

## PARALLELUS LXXVII.

Psal. 82.

6 Ego dixi, dii estis.

Joh. 10.

34 Nonne scriptum est in Le-  
ge vestra, Ego dixi, dii estis?

**H**is verbis Propheta in Psalmo usus est non *εἰρηναῖος*, aut tantum  
*συχοπρηνὴς* (ut plerique existimant) sed magis *ἐπιτιμητικός*, ut  
potentiorum hominum autoritate sua abutentium iniquitatem  
amplius ostenderet evinceretque Dei ipsius verbis. Summa est, iniquis-  
simum id esse omnium, quod homines gloria & maiestate quadam  
divina ornatæ & aucti per voluntatem ac beneficium illius, occupent  
eamdem in fratribus suis tenuioribus opprimendis. Hęc eadem verba  
Christus hoc loco adhibet, ut veritatem sermonis sui, quem de seipso  
prædicaverat, assereret: nempe se esse Dei Filium, prout Judæos ipsos  
intellexisse demonstrat excusatio versu 33. Argumentatur ergo Chri-  
stus per comparisonem minoris; ut Judæos evincat, ne civiliter qui-  
dem posse ipsius verba reprehendi, quæ de seipso pronunciaverat. Hu-  
jus comparisonis explicatio traditur versibus sequentibus, & per duo  
membra antitheta distinctè illustratur Christi ipsius verbis; quæ ad  
hunc syllogismum docendi causa revocari possunt. Si sanctum est, ac  
non blasphemum, eos appellari Deos, ad quos sermo Dei factus est;  
omnino sanctius futurum est, si is ad quem sermo Dei factus est & qui  
a Patre sanctificatus & de cælo in mundum missus est, filius Dei appel-  
letur. Antecedens autem verum est, ex autoritate Scripturæ: Ergo &  
consequens. Hęc indubitata argumentatio, cui nulla Judæorum per-  
vicacia potuit obistere.

Joh. 12. 15. Zachariæ locum suprâ in Matthæum explicavimus Pa-  
rallelo 36.

## PARALLELUS LXXVIII.

Psal. 110.

4 — Tu es sacerdos in sæculum.

Joh. 12.

34 Nos audivimus ex Lege,  
Christum manere in æternum.  
Utriusque

**V**Trinque loci Prophetia est historica, omni ex parte in rei summa consentiens, ac propterea nihil necesse est, ut in horum explanatione immoremur. Etsi observandum illud est, finem utriusque loci esse diversissimum. Nam Propheta officium Christi salutare erga Ecclesiam, duraturum esse in æternum docuit: turba verò Judæorum quum hæc adduceret, sermonem Christi cupivit expugnare; quod dixisset antea, *Ego si sublatas fuero de terra, omnes traham ad me ipsum*. Huic verò objectioni respondit Christus convenientissima similitudine. Utrumque verum est, inquit, & me filium hominis tolli e terra oportere, & in æternum manere Christum. Nam Christus lux est hominum, quæ lux in æternum permanet; quamvis post tempus exiguum futurum est ut tollatur e terra: Quod si secundum corpus e terra tollitur, & morte crucis moriturus est; non propterea lux moritura est, sed in æternum permansura; quamvis in hoc mundo ex hominum oculis atque e medio discessura. Atque hinc nascitur ille exhortationis locus, quo Christus deinde utitur, *Ambulate dum lucem habetis, &c.* Quibus verbis innuit se quidem esse lucem secundum Deitatem; sed quasi lucernam esse lucis causa oblatam hominibus secundum humanitatem, in qua plenitudo Deitatis habitat corporaliter. Hac verò lucerna e medio sublata, tenebras esse Judæorum gentem deprehensuras, &c.

## PARALLELUS LXXIX.

Esa. 53.

1 Quis credidit predicationi nostræ?  
 & brachium Jehovæ cui revelatum  
 est!

Job. 12.

38 Domine quis credidit ser-  
 moni nostro? & brachium Domi-  
 ni cui revelatum est!

**H**ujus loci utrobique finis est, ut pia Ecclesiæ membra adversus scandalum mundi confirmetur, gratiam & doctrinam Evangelicam incredulitate sua propellantis. Summa verò est, multos quidem vocatos esse, sed electos paucos, qui ad doctrinam & potentiam salutarem Dei animum advertant, eamque prehendant fide. Atque hoc quidem Esaias Propheta de suo tempore, suæque gente prophetavit, respectu doctrinæ Evangelii; quam præcedentibus capitibus populo suo gravissimè enuntiaverat. Sed non immeritò eundem locum testatur Johannes ad ipsa Christi tempora pertinere, quum his verbis utitur, *ut sermo Esaiæ Propheta impleretur, quem dixit, Domine, &c.* Duæ sunt enim potissimum, judicio meo, istius accommodationis causæ. Una, quod Esaias ad conditionem suorum temporum respexit, ut a re præsentente, velut occasione oblata, communiter ad constitutionem totius humani generis animum adverterit. Nam homines prædicationi cælestis & salutaris doctrinæ non habere fidem, id verò non illius solum temporis quo Esaias prophetavit, aut illius quo Christus hic in terris vixit, proprium & singulare est; sed commune omnibus hominibus, locis, temporibusque a natura vitium, donec singulari Dei gratia in Christo refoventur. Altera, quod ea ipsa verba propriè & singulariter ad Christi tempora pertinent, quæ inde a capite 49. Esaias prænuñciaverat, & de quibus ex professo agit toto illo cap. 53. atque sequentibus. Quæ cum ita sint, optimè per Apostolum impleri dicuntur ea quæ fuerunt hæc lege ab Esaiâ de Christi doctrina olim pronunciata.

Johan. 12.40. Hunc Esaiæ locum interpretati sumus in Mathæum  
Parallelo 25.

## PARALLELUS LXXX.

Psal. 41.

10 *Qui comedit panem meum,  
sustulit adversum me calcem suam.*

Johan. 13.

18 *Qui edit meū panem, sustu-  
lit adversum me calcem suam.*

**H**istoricam esse narrationem in verbis Davidis apud omnes con-  
stat; & alteram quoque historiam a Christo designari nemo non  
est visurus qui ad illa verba attenderit: *Non de omnibus vobis lo-  
quor: Ego scio quos elegerim; sed ut scriptura hæc impleatur, Qui edit mecum,*  
&c. Nam priore historia, denotatur Achitophel in Davidem Regem in-  
surgens: posteriore verò, Judas, qui Dominum suum prodidit. Certum  
est autem unam aliquam singularem historiam facti propriè de historia  
altera non posse enunciari; sed figuratè solùm, ut in Mathæum Paral-  
lelo 6. & 24. demonstravimus. Est igitur figurata hujus loci accommo-  
datio. Sed figuratæ accommodationis in hoc genere duplex est ratio.  
Nam una est humani, altera divini instituti. Humani instituti est, quum  
typus aliquis aut simile commune sumitur ad rem aliquam certam fig-  
nificandam; ut si quis Dodonæum æs pro tinnulo, Tolosanum pro exi-  
tiali, & alia ejusmodi enunciaverit. Divini autem instituti est, quum una  
eademque res & materiam præbet communis typi, & singulari quo-  
dam instituto typus singularis est a Deo datus. Hujus generis est hic  
locus. Nam exemplum Davidis & Achitophelis, typus communis est, in  
illo probitatis bonitatisque, in hoc perfidiæ. Quum autem ad histori-  
am Christi applicatur, Davidis persona & factum typus proprius est  
Christi factorumque ejus ex instituto Dei; & Achitophelis perfidia  
perfidiæ Judæ figuravit; qui adversus spirituale regnum Christi se  
gessit longè perfidiosius, quam adversus temporale & symbolicum illi-  
us Achitophel. Quod si ex divino instituto hic typus confectus est, op-  
timè profectò & convenienter eidem instituto hunc typum Christus  
historiæ suæ accommodat, atque de ea prænunciat.

## PARALLELUS LXXXI.

Psal. 35.

19 *—Oderunt me immeritò.*

Joh. 15.

25 *—Oderunt me immeritò.*

**V**t immeritum fuit multorum in Davidem odium; sic immeritum  
semper esse mundi totius odium in Christum & in eos qui adhe-  
rent Christo, Scriptura sacra docet, & naturalis nostra viciositas  
arguit. Quod odium a Davide, velut typo Christi, præterea singulari  
quodam modo fuit prænunciatum de Christo Salvatore nostro. Quam-  
obrem cum & communi ratione, & singulari typorum lege, hæc verba  
dicti interpretatio, aut afferenda causa, quàm quæ duobus proximè  
præcedentibus Parallelis fuit a nobis exposita,

PARAL-



## PARALLELUS LXXXII.

Joh. 17.

12 Quos dedisti mihi, ego custodivi, & nemo ex ejus periit, nisi qui filius perditionis est, ut Scriptura impleatur.

**E**T si multorum opinio est, certum aliquem Scripturæ locum his Christi verbis designari; mihi tamen, omnibus expensis, videtur potius non unus aliquis ex professo perstringi; sed omnes ii legis Prophetarumque loci, quibus promissiones & minæ Euangelicæ jam olim fuerant explicatæ. Nemo autem est qui nesciat hanc veram esse promissionum Euangelicarum summam, Christum quos sibi Pater dederit eos servaturum; & ita quidem servaturum, ut nemo ex eis pereat: contra, minarum Euangelicarum argumentum istud esse, eos qui filii perditionis sunt, id est, quos Deus Pater non dedit servandos filio, sua ipsorum incredulitate & vitio perituros. His duobus documentorum locis omnes ferè Legis & Prophetarum paginæ refertæ sunt. Hic verò Christus, quasi rationes cum Deo & Patre subducens, utrumque locum recenset de industria, & ex autoritate, vel testimonio Scripturæ factæ probat fidem administrationis suæ. Quamobrem cum de corpore (ut ita dicamus) suorum Apostolorum agat, cujus corporis membra commendat Deo, quum ab eis profecturus esset; optimè de illis singularibus membris, id Christus enunciat, quod de toto Ecclesiæ corpore promissum fuerat olim per Legem & Prophetas: & ex contrario sanctæ Judas ille Iscariotes excluditur ex eorum numero; prout Scriptura jam olim docuit excludi eos qui filii perditionis sunt, & qui ad filium dilectionis, velut *σύνεργοι* nostrum, minimè pertinent.

## PARALLELUS LXXXIII.

Joh. 19.

7 Secundum Legem nostram debet mori, quia filium Dei se fecit.

**Q**UOD Legem Dei non dubitaverunt hypocritæ isti adversus Christum (qui Legis & Prophetarum complementum est) adducere, id quidem fecerunt perfidia summa; sed tamen vera est thesis, qua utuntur illi, siue (ut appellant Dialectici) propositio major. Sic enim argumentantur: Quisquis se Dei Filium facit, id est, fingit & comminiscitur, falsòque prædicat, is blasphemus est in Deum, & reus est mortis ex Lege, Deut. 13. & 18. Iste autem Filium Dei se finxit: Ergo reus est. Ex majore illa propositione, quæ per se verissima est & conveniens cum Lege, falsam assumptionem adstruunt, & Christo impingunt crimen blasphemie: ac propterea capitale ei supplicium irrogant. Sed quia hic locus habet evidentiæ satis, ad alia properabimus.

Joh. 19. 24. Davidis locum ex Psal. 22. antè explicavimus in Matthæum Parallelo 49.

## PARALLELUS LXXXIII.

Psal. 69.

22 Dederunt pro alimento meo  
anxorem, & in siti mea bibendum  
mihi dederunt acetum.

Job. 19.

28 Ut perficeretur Scriptura,  
dixit, Sitio.

29 Vas igitur illic erat posito  
aceto-plenum. Illi verò impleve-  
runt spongiam aceto, & hysopo  
circumpositam admoverunt ori  
ejus.

**H**unc locum figuratè a Davide, velut typo Christi, de ipso Davide  
typicè, de Christo verò propriè fuisse dictum, & ita accipi oportere  
demonstrat historiarum veritas, consentiens Evangelistarum  
authoritas, & ipsa typorum ratio, quam paulo antè Parallelo 65. expli-  
cavimus.

## PARALLELUS LXXXV.

Exod. 12.

46 Os ne confringatis in illo.

Zachar. 12.

10 Videbunt me quem transfixe-  
runt.

Joha. 19.

36 Facta sunt enim hæc, ut  
Scriptura impleretur, Non con-  
fringeretur *ullum* os ipsius.

37 Et rursus alia Scriptura dicit,  
Respicient in eum quem transfixe-  
runt.

**H**I duo loci optimè conjuncti sunt, ad testificandam historiarum ve-  
ritatem, quæ ab Evangelistis describitur. Nam cum apud veteres  
id esset in more positum, ut crucifixorum crura (si diutius  
fortè superviverent) per milites suffringerentur, qua ratione exundabat  
sanguis & præcidebatur facultas vitæ; ostendunt Evangelistæ non re-  
merè fuisse factum, ut Domini nostri Jesu Christi crura non confringe-  
rentur; sed Dei providentiam ita ordinavisse, ut antè expiraret, quàm  
sefe milites ad suffringenda reorum crucifixorum crura accingerent.  
Quapropter duorum quidem latronum cruribus de more ab illis fac-  
tum est; sed Christo crura integra atque intacta permanserunt. Tan-  
tùm operam dedit miles, ut periculum faceret effosso latere illius,  
utrùm animam verè egisset, nec ne. Egisse autem demonstravit signum  
sanguinis & aquæ prodeuntis; nimirum transfosso pericardio & aquæ  
conceptaculo, quo effuso animal quodvis mori protinus necesse est.  
Hæc autem eadem providentia Dei, qua per Prophetas fuerant præ-  
dicta, accidisse demonstrat Evangelographus duobus testimoniis; uno  
typico, altero propriè simpliciterque dicto. Ac typici quidem illius loci  
necessariam planè consequutionem esse, vel ex eo ipso quilibet potest  
cognoscere, quod typus ille proprius fuit & destinatus ad significan-  
dam hoc ipsum historiarum membrum, quod a Johanne singulari studio  
fuit enarratum, ut ostenderet hoc demum esse verissimum umbræ illius  
complementum. Nam ita se habere proprios vel destinatos typos Pa-  
rallelo 24. in Matthæum antè ostendimus. Alterum verò locum, qui ex  
Zacharia adducitur, similiter Prophetiam, sed sine typo, historiam esse  
illius

illius transfixionis quam Christus in latere suo perpassus est, non solum Johannes nobis author est, verum etiam ipsa Zachariae Prophetæ argumentatio sic verba ipsius accipi flagitat. Nam de regno Christi eo in loco agi, ne ipsi quidem Judæi unquam negare ausi sunt. Illius autem regni effectus duo ordine exponuntur; tum quod summus Rex noster quaesiturus est, id est, comparaturus & compositurus omnia quæ opus futura sunt, hostibus ipsius profligandis: tum quod electos suos omnibus donis spiritualibus ornaturus & cumulaturus copiosissime in Evangelio resipiscentiæ & fidei, quæ duo capita sequentibus verbis a Zacharia Prophetâ describuntur. Cum autem verba hæc in explicatione prioris illius loci, de penitentia sive resipiscentia Christiana, sint posita; omnino ostendit populum Judæorum, aut certe eos de Judæorum gente, qui ad resipiscentiâ venturi sunt, conversuros esse aciem oculorum suorum, & animos suos ad Christum, velut authorem resipiscentiæ, & scopum singularem certumque fidei; & quidē eam ob causam conversuros, quod futuri sint conscii cum animis suis, suæ impietatis & injustitiæ in Christum, qui antè ab ipsis fuerit transfixus: Ac proinde illam ipsam transfixionem, quæ sine ullius ossis fractione futura fuerat, signum fore evidentissimum inter ceteras perpassiones Christi, unde visuri sint resipiscentes Judæi Jesum esse Christum, & iustissimum planctus argumentum de impietate, & injustitia sua, qua Christus transfixus fuerit, habituri. Hæc igitur singula cum ad eum finem tanta evidentia Zacharias Prophetâ prænuñciaverit; non debet videri mirum, si noster hic Evangelista rem olim perspicuè dictam, sed obscurè a patribus ante complementum ipsius intellectam, ad justam complementi sui historiam accommodaverit; Quæ certè est omnium sanctissima, verissimâque interpretandi ratio. Quod si quis dixerit, Atqui in hac Evangelistæ nostri historia non agitur de eo planctu & resipiscentia, quam describit Zacharias; in promptu est responsio, Zachariam utrumque descripsisse, planctum piorum, & planctus argumenta: Hic autem non est quidem proprius agendi de planctu piorum locus; sed tamen cum inter cetera sancti piorum planctus argumenta non minimum illud fuerit, quod & Judæi ipsi & manus impii ex gentibus regem suum transfixerunt Servatorem nostrum; hæc illa pars est ad quam Johannes his verbis respexit propriè; & cujus prophetiam his pauculis verbis quasi commonstrari oportuit, ut Prophetiæ cum Evangelica historia, & complementi Evangelici cum antecedente Prophetia manifesta fieret conformatio.

Joh. 20. 9. Quod Scriptura de resurrectione Christi adducitur, quia promiscuè solum, generatimque dicitur; & alibi maxime verò in Actis Apostolicis Scripturæ loci ad confirmationem doctrinæ hujus adducuntur, id nos in Parallelos ad eum librum pertinentes rejecuri sumus.



EX ACTIS APO-  
STOLORUM.

## PARALLELUS LXXXVI.

Pfal. 69.

26 *Sint commorationes eorum desolatae, in tentoriis eorum non sit qui habitet.*

Pfal. 109.

8 *Curationem illius accipias alter.*

Act. 1.

20 *Scriptum est enim in libro Psalmodum, Fiat commoratio ejus deserta, & non sit qui habitet in ea. Et, episcopatum ejus accipiat alter.*

**F**inis propter quem hi duo loci a Petro in cœtu Ecclesiæ adducuntur, ex statu orationis totius, quam habuit, facile cognosci potest. Nam oratio est in genere deliberativo, status conjecturalis; qua Petrus docet Ecclesiam, quæ tum interfuit, prospiciendum esse, cum Dominus Jesus Christus ad institutionem Ecclesiæ suæ Apostolos numero duodecim esse voluerit, & præfecturam sive functionem Apostolicam in viros duodecim distribuerit: prospiciendum igitur esse, ne in pauciores cōtrahatur tam gravis & suspicienda administratio: ac proinde unum, in locum proditoris illius mortui, suffici oportere. Sed quia metuendum erat, ne qui scrupulus in mentibus infirmorum hæreret, quo scrupulo fortasse impedirentur illi ne in opere Dei naviter pergerent; propterea Petro visum est quamdam ~~opinionem~~ præmittere ante suasionis locum versibus quatuor; qua docet Ecclesiam, non esse partes ullius hominis pii, ut scandali istius nomine se ab officio abduci patiatur: Hæc enim singula jam olim scriptura sacra & autoritate divina fuisse prænuntiata, ne quis eo nomine offendi posset. Summa igitur utriusque loci est, prædictum fuisse illud scandalum, ne quis temerè putet accidisse, aut in illud offendant temerè: deinde verò hanc esse voluntatem & mandatum Dei, ut credatur alteri hæc procuratio. Ac prioris quidem loci accommodatio nō potest obscura esse piis mentibus, si ad illud benè attenderint quod suprà in Joannem Parallelo 65. tradidimus: nimirum Psalmum 69. communem esse Davidis secundum typum, & Christi secundum veritatem typi; non autem hujus aut illius proprium, aut communem Ecclesiæ Dei. Cùm enim bene constat de Psalmi illius argumento; eadem opera constabit, optimè à Petro hunc locum adductum esse, & de proditore Juda pronunciatum. Etsi videbuntur sibi Judæi habere satis, unde hanc Petri interpretationem subruant: & impetiores fortasse hac specie commovebuntur, quòd permutati sunt numeri in oratione hac; quia de pluribus mentionem fecit David, Petrus verò de uno sermonem tantum habet. Sed non potest hæc argumentatio interpretationem Petri evertere, aut accommodationem ejus ad proditoris Judæ historiam. Non enim sequitur, si argumenteris in hunc modum; David de pluribus loquutus est: Igitur de Juda minimè. Id quidem sequeretur, de Juda solum minimè loquutum esse. Quod autem de pluribus dictum est, id de hoc aut illo (ut vocant) individuo in numero complurium illorum comprehenso dici verissimum est. Utrumque autem verum est, tum de pluribus a Davide fuisse dictum

dictum prophetice, tum de Juda proditore a Petro expositum anagogice: Nam etiam utroque modo verissima est historia. Ac primum quidem de Judæis omnibus qui contumaciter Christo & Evangelio ejus obstiterunt, verissime fuisse dictum demonstrat Josephi historia; imprimis autem de bello Judæico: itemque Hegeſippi, & aliorum quemadmodum apertis verbis Christus pronuntiaverat Matthæi 23. & 24. De Juda verò seorsim explicari hoc in loco fuit æquissimū; quia in eo tamquam principe conspirationis in Christum exsequenda, Deus primum exemplum edere voluit severissime justitiæ suæ, quam in eo Psalmo pronuntiaverat. Quod exemplum, ac velut principium exsequutionis divinae commodissime adducit Petrus, tamquam pignus & tesseram quamdam in Ecclesia Dei verè depositam, quæ in reliquam gentem superventurum idem judicium obſignaret. Id quidem verum est, non posse ex Scriptura probari, Judæ aliquam fuisse commorationem sive commorationis domicilium; sed optimè solvit hanc objectionem Petrus, quum narrat commorationem Judæ, sive locum ad cōmorationem non fuisse ex facto possessum ab ipso Juda, ad quam Petrus Apostolus hoc loco respexit: sed tamen etiam ex jure commorationem ejus appellari, quæ fuerit comparata de pecunia ejus. Sic enim hæc verba accipi oportere demonstrat antecedens orationis membrum, quum inquit, *Isle igitur acquisivit agrum ex mercede injustitiæ; & paulò post, Innotuitque omnibus habitantibus, Jerusalem, adeò ut vocetur ager ille propria ipsorum lingua Aeldama, hoc est, ager sanguinis.* Cui sermoni confirmatio ex auctoritate Scripturæ subjicitur: *Scriptum est enim in Libro Psalmorum, &c. Quem ad locum Petrus in principio orationis suæ respexerat, dicens, Oportuit impleri scripturam illam, &c.* Nam quæ postea interſeruntur ad hunc usque versum, hyperbaticè intercurrerunt ad ampliorem rei declarationem. Ab hujus loci accommodatione transitur ad alterum, qui præcipuus est totius orationis locus; nempe alterum virum bonum discipulumque Christi providendum esse, qui subrogetur in locum Judæ, ut suscipiat procurationem ipsius. Quem locum Petrus commoditatis ergò proximè subnectit præcedentis; ab auctoritate incipiens, hoc versus; & explicatione auctoritatis afferens, sequentibus. Dura quidem esse hujus loci videtur accommodatio, & David Psal. 109. ad Judæ historiam minimè respexisse. Sed non propterea quicquid durum videtur esse, repudiari a nobis convenit, aut Spiritus Dei auctoritatem contemni. Fateor illud quidem, non agi eo in loco historiam Judæ, neque est necessarium ut Psalmum illum de Juda interpretemur ad confirmandam hanc Petri accommodationem. Sed non continuo sequitur, duram accommodationem esse; quia locus ille non fuit de Juda prophetatus. Est enim hoc genus accommodationis ætiologicum, ac non historicum, prout Parall. 6. in Matth. demonstravimus, accommodationes distingui oportere. Id autè est (ut evidentius exprimamus) paucis, illud quod volumus: non habetur illic sermo de facto Judæ, sed de jure & æquitate. Hæc enim mens Davidis fuit, juri & æquitati consentiens: præfecturas, administrationes vel procuraciones esse pernecessarium est: sed ita ut non committantur improbis; potius enim probis quàm improbis committendæ sunt; aut si forrè sunt improbis commissæ, eis adimendæ. Sed omnino præfecturas esse necesse est, & illis bonos præfici æquissimum. Ex hac thesi quam David pronuntiaverat, adstruit Petrus hypothesim argumentatione a toto (ut vocant) in quantitate sumpta. Præfectura, inquit, vel

vel procuratio quam Judæ Christus commendaverat sancta est & necessaria Ecclesiæ Dei; Ergo prout jure ipsi adempta est; ita ab altero, cujus conditione describit sequentibus, eam suscipi necesse est. Necessariam esse, ab autoritate doceri; & verò gravitate functionis, & comoditatem Ecclesiæ istud flagitare, statuit summa apostolorum modestia: qui licet undecim numero essent, consilii tamen erant cum animis suis quam grave esset Apostolatus munus; ac proinde unum superaddi censebant oportere, qui suas partes obiret cum ipsis. Tantum absuit Petrus ab illa præfidente & sacrilega audacia, ut Apostolicam functionem autoritatemque in manum suam ipsius, aut alterius cujusquam unius hominis, contrahi debere, aut posse putaverit. Nam quis est (inquit Paulus) sufficiens ad ista?

## PARALLELUS LXXXVII

Joël. 2.

28 *Et erit postea, effundam spiritum meum in quamvis carnem; & prophetabunt filii vestri, filieque vestre: seniores vestri somnia somniant, juvenes vestri visiones videbunt.*

29 *Quis etiam super servos & super ancillas in diebus illis effundam spiritum meum.*

30 *Et edam ostenta in cælo & in terra: sanguinem, & ignem, & elationes fumi.*

31 *Sol ipse convertetur in tenebras, & luna in sanguinem, priusquam veniat dies Jehovæ maximus & reverendus ille.*

32 *Et erit, ut quisquis invocaverit nomen Jehovæ, eripiatur.*

Act. 2.

16 Sed hoc illud est quod fuit dictum per Prophetam Joël,

17 Et erit ultimis diebus, inquit Deus; Effundam de Spiritu meo in quamvis carnem, & prophetabunt filii vestri, filieque vestre; & juvenes vestri visiones videbunt, & seniores vestri somnia somniant:

18 Et quidem super servos meos & super ancillas meas diebus illis effundam de spiritu meo, atque prophetabunt.

19 Et edam miracula in cælo sursum, & signa in terra deorsum, sanguinem, & ignem, & vaporem fumi.

20 Sol convertetur in tenebras & luna in sanguinem, priusquam veniat dies ille Domini magnus & illustris.

21 Et futurum est, ut quicumque invocaverit nomen Domini servetur.

**V**Trisque loci finis est, ut promissionum Evangelicarum veritas ostendatur, & signis divinis confirmetur: Quam rem olim futuram Joël prænuñciaverat, Petrus verò ostendit factam. Summa igitur est, omnes promissiones Evangelicas principium suum habere a Spiritu Dei communicatione in Christo Jesu; cujus virtute singulari tum membra Christi perfusa, exundatura sint donis spiritualibus in Ecclesiam ejus; tum signa amplissima cælo terraque exstitura ad afficiendas hominum conscientias; ut illis velut aculeis pii excitentur ad seriam numinis invocationem, & salutem a Deo consequantur. Itaque non est laboriosa hujus loci accommodatio: cum ne Judæi, quidem ipsi negent prophetiam illam ad regnum Messie, id est, ad Evangelii tempora pertinere; & Petrus ipse instituat eam accommodationem luculentissime,



luculentissimè, docens hæc illa demum esse tempora quibus incipit Christus celestia sua dona virtute divina explicare in Ecclesia sua, quæ idem porro deinceps continuaturus sit in electis suis. Quod si quæ mutationes comparent in hac interpretatione, ex certè non sunt ejusmodi, quæ scrupulum dubitationis homini mediocriter literato asferre possint. Nam exegetica sunt pleraque eorum, quæ Petrus substituit in prophetice orationis locum. Quamobrem hoc misso ad locum sequentem venturi sumus.

## PARALLELVS LXXXVIII.

Psal. 16.

8 *Proponebam Iehovam coram me iugiter, quoniam a dextra mea est, non dimovebor.*

9 *Propterea lætatur cor meum; & exultat lingua mea, etiam caro mea habitat secure:*

10 *Quia non es derelicturus animam meam sepulchro, neque traditurus eum quem benignitate prosequeris ut videas corruptionem.*

11 *Notam fecisti mihi viam vite, satietatem gaudiorum in conspectu tuo amenissimorum, dextra tua in æternitatem.*

Act. 2.

25 David enim dicit de eo, *Prospiciebam Dominum coram me semper, quoniam est mihi ad dextram, ne concutiar.*

26 Propterea oblectatum est cor meum; & exultavit lingua mea, atque adeò caro mea in spe requietura est:

27 Quoniam non derelinques animam meam in sepulcrum *abuntem*, neque daturus ut sanctus tuus videat corruptionem.

28 Notas fecisti mihi vias vite, impleturus es me iucunditate in conspectu tuo.

**Q**uod Propheta David Psal. 16. adducebat olim ad fidei suæ confirmationem, de historia ventura Christi; id Petrus Apostolus hoc loco adducit similiter ad publicæ fidei in Ecclesia stabilitamentum, & Judæorum evulsionem. Finis igitur utrobique est, ut piorum fides ab historia Christi confirmetur, & perfidia idololatrarum subruatur. Summa, nihil ad utrumque hunc finem consequendum pius accommodatius posse percipere, quàm si fide certa cum Dominum Jesum Christum indefinenter sibi etiam in ipsa morte præsentem cernât, tum ex resurrectione ipsius apud animos suos de suæ carnis resurrectione confirmetur, & vita æterna. Atque hæc duo illa sunt, quæ a Propheta ordine proponuntur. Nam præsentiam Christi, operationemq; perpetuam illius his verbis confessus est, *Prospiciebam Dominum coram me iugiter*, &c. Resurrectionem verò carnis & vitam æternam sequentes versus exponunt commodissimè: Ad quam orationis partem Propheta transit versu 9. a fructu spiritualis lætitiæ nostræ, ad causam illius assurgens convenientissimè. Sanctissima est igitur verissimaque hujus loci accommodatio, qua Apostoli hoc loco & aliis non paucis usi sunt. Mutationes verò paucae, quæ quidem lectorem movere possint; si versum ultimum exceperis, in quo brevitatis causa vox una mutata, quædam omisæ sunt. Sed quia fortasse non satis foret evidens instituta a Petro accommodatio, nisi indicaretur operâ nostrâ & illustraretur aliqua explicatione; paucis singula Prophetice orationis membra cum oratione

oratione Petri opus est comparari. Antequam igitur Petrus commonstret hujus orationis complementum in Christo Jesu, optimè præmisit *analogiam*, sive negativam (ut vocant) versu 29. fieri non posse ut de Davide hæc accipiantur; cum huic sermoni, si de Davide accipitur, eventus repugnet planè, cujus Judæos ipsos appellat testes. Hoc fundamento posito, sequitur affirmatio; Davidem hæc omnia de Christo pronunciasse. Ac primùm quidem de persona Christi, ostendit Petrus Davidem cognovisse quæ cognosci fuit opus, ad justam fidei constitutionem. Nam & personam Christi, & officium ejus, & beneficium erga nos illis verbis fuisse expositum. Personam Christi jam tum substituisse, ut qui æternus est Dei filius idemque Jehova cum Patre & Spiritu sancto in unitate essentis, testabatur David quum diceret: *Prospiciebam Dominum siue Jehovaham coram me semper.* officium verò illius sequentibus verbis proposuit dicens, *quoniam est mihi ad dextram, ne cœcutiar.* Beneficia deniq; in reliqua narratione prophetica descripsit accuratissimè, ab effectis ad causas assurgendo; & contra a causis ad effecta (quæ certissimè demonstrationes sunt) revertendo. Ab effectis ad causas Propheta devenit, quum pacem & gaudium in sancto spiritu à se testatur percipi: Sed spiritualis hujus lætitiæ causam esse Christum; qui ex perpeffionibus & morte, quam nostra causa subiit, adeoque ex sepultura emergendo, triumphaturus sit de morte & eo qui mortis principatum obtinet, Davidemque ipsum & electos omnes pretio sanguinis sui a morte vindicaturus, vers. 9. & 10. Deinde verò in versu ultimo, a causis ad effecta devenit. Nam causam illius vitæ, quam pii percepturi sunt, esse doctrinam fidei, quæ via est ad vitam; sive doctrinam Evangelii, quod definit Apostolus *potentiam Dei ad salutem cuius credenti.* Effectum verò, esse vitam æternam conspectu Dei jucundissimo plenissimè perfuementem. Hæc itaque singula Petrus percurrit paucis: de persona Christi & dignitate ipsius, vers. 30. de officio & beneficiis, versu sequente; ea singula contrahens quæ ad institutum argumentum visa sunt pertinere. Quæ cum ita sint, quis certiorum aut fideliorum Spiritus sancti interpretem desideret, quàm Spiritum Sanctum ipsum, qui per os Petri hæc proloquutus est? Objicient forte nonnulli, si vè plus æquo inhærentes Judæorum commentationibus, sive aliorum præjudiciis abrepti, alienâ videri a Davidis mente hanc interpretationem. Sed bona ipsorum pace non potest melior aurei illius Psalmi afferri explicatio, quàm quæ a Petro hoc loco ostenditur. Proposuerat enim Propheta suum perfugium esse unicum in Deo; ut qui in electos suos omni tempore sit beneficentissimus; neque unquam fore ut afflictionum & persecutionum procellis jactatus Deo renunciaret, quatuor versibus. Hanc fiduciam enarrat reliquo in Psalmo; tum quia Deus est portio & hæreditas ipsius, tum quia dux atque magister est, qui nos docet viam ad hæreditatem illam adeundam, vers. 3. 6. & 7. Hanc ætiologiam fiduciæ & constantiæ suæ deinceps confirmata cognitione singulari Domini & servatoris nostri Jesu Christi; idque eo ordine quem antè exposuimus; Personam, officium, beneficiaque ipsius secundum illam pietatis formam explicans, quomodo docemur Evangelio. Malumus itaque his rebus omnibus expensis, Davidis verba cum Petro intelligere, quàm alienis verbis a Davidis & Petri mente, & a testimonio Spiritus sancti aberrare.

Act. 2. 34. Hic Davidis locus perspicuus est, & jam antè in Matthæi Parall. 44. explicatus.

## PARALLELUS LXXXIX.

Deut. 18.

15 Prophetam suscitabis tibi Jebo-  
va Deus tuus e medio tui, e fratribus  
tuis, sicut me: *Auscultabit ei.*

18 Et iudam verba mea ori ejus, ut  
eloquatur ei quicquid praecepero ipsi.

19 Erit autem, us quisque non aus-  
cultaverit verbum meum, quae loquutus  
fuerit in nomine meo, ego reprobam ab  
illo.

Act. 3.

22 Prophetam vobis suscitabit  
Dominus Deus vester ex fratribus  
vestris, sicut me: ei auscultabitis,  
secundum omnia, quae loquutus  
fuerit vobis.

23 Futurum est autem, ut qua-  
cunque anima non auscultaverit  
Prophetam illi, disperdatur e po-  
pulo.

**F**Inis utrobique unus & idem est, ut Christus Mediator Dei & ho-  
minum demonstratur Ecclesiae; olim quidem expectandus, ut à  
Mose prae-nunciabatur; jam verò exhibitus & patefactus in carne,  
ut à Petro ostenditur. Summa est, Deū laboranti ex infirmitate populo,  
& minime ferenti vocem & conspectum majestatis ipsius, ac propterea  
mediatorem exposcenti sive interventorem, ut Jureconsulti vocant; tum  
quidem Mosē instituisse, qui obiret interventoris partes; sed quia  
Ecclesiam ipsius in his terris singulāque illius membra semper eadem  
tenet infirmitas; Deum non tum temporis solum prospexisse Ecclesiae  
suae de Mediatore utili & commodo; sed in perpetuum de vero, aeternōque  
Mediatore vel interventore providisse, qui Mosi similis esset, &  
illis Mediatoris partibus perfectè aeternūque defungeretur. Ac simi-  
lis quidem Mosi Christus fore dicitur; quia mediatio Mosi quaedam  
umbra fuit mediationis Christi, & corpus suum in Christo obtinet: ac  
proinde Moses, velut typus, Christo similis est, & vicissim Christus Mo-  
si, ut typi veritas. Partes verò mediationis, quae de Christo ibidem prae-  
dicantur, omnes ad unum hoc illius officium pertinent, nempe quatenus  
est Propheta vel Doctor Ecclesiae suae. Quamobrem minutatim per  
Mosē Dominus conditionem officii illius demonstravit: Primum  
vocationem divinam personae illius, in qua existit Mosi corpus & ve-  
ritas: Secundò, veritatem in praestando perficiendoque officio: Ter-  
tiò, auctoritatem, qua constitutum est, ut ipse nos doceat & nos do-  
centem ipsum audiamus: Postremò autem eventum, quem gravissi-  
mum sortientur ii qui sermoni ipsius non auscultaverint. Atque haec  
quidem iusta est verborum Mosi accommodatio; qua Petrus adeò  
usus est graviter & commodè, ut nemo per illud tempus ausus fuerit  
interpretationi ipsius obloqui; etsi brevitatis causa rescinduntur qua-  
dam, & alia contrahuntur ex duobus versibus Deuteronomii, perparum  
inter se discriminis in loquutionis modo habentibus. Quapropter nihil  
necesse est, ut in re tam perspicua explicanda, puta in huius mutationis  
causa, immoremur. Id verò gravissimum est, quòd plerique omnes pu-  
taverunt Mosē propriè de toto ministerio vel ministrorum Ecclesi-  
asticorum copore agere; sed hoc loco eadem Mosi verba analogicè  
Christo, velut capiti, à Petro accommodari. Bona omnium venis, ag-  
commodationem Petri propriam esse iudico. Quam in sententiam nec  
omnino cogit cum Mosi ipsius argumentatio, tum Petri auctoritas, &  
Stephani consensio, Act. 7. 37. De Petri ac Stephani accommodatione  
demonstranda,



Deut. 18. 13.

demonstranda, non est cur laboremus. Extant enim loci ante oculos omnium. Mosis verò argumentationem flagitare, ut hæc teneatur interpretatio; etsi ex communi illo Judæorum, æquè malorum ac bonorum, silentio confirmari potest, quo omnes utebantur quādo hæc a Petro Stephanoque dicta sunt; tamen ex ipso Mose hæc via demonstrabimus. Summa propositio Mosis hæc fuit: *Integer esto cum Jehova Deo tuo.* Quam integritatem & *σωκραδίσμον* Dei a Mose imperatam illustrat comparatio ex contrario, sequente versu. *Nam gentes istæ*, inquit, *quarum tu heres futurus es. planetarii & divinis auscultant; de te autem non sic permittit tibi Jehova Deus tuus*: quasi dicat, Isti nec integri sunt, nec integrè sequuntur Deum: te autem alia decet integritas atque obsequium. Huic mandato statim objecturi fuissent Judæi; Et quomodo, quæso, possumus ambulare cum Deo, & integri cum illo esse, qui nec audire vocem illius, nec ignem maximum, quem inhabitat, videre possumus, quia repente moriamur? Tu enim nobis non semper adfuturus es; sed propediem moriturus; ut Deus interminatus est, & tu ipse indicavisti nobis, suprà Deut. 1. 37. & 3. 23. Hanc itaque objectionem Moses anticipans, Judæis ostendit id quidè verum esse, nempe Deum habitare lucem inaccessam, & populum mediatore habere opus, cujus interventu coram Deo integrè ambulare possit: sed quia necessitas illa populi vel Ecclesiæ Dei tantisper futura est, dum in terris vivimus; propterea Deum Patrem facturum esse, ut Ecclesia mediatorem unum vel intercessorem habeat, qui Mosis succedat & in æternum mediatoris officium inter Deum hominèsq; fungatur absolutissimè, cum autoritate & potentia summa. Ac proinde Judæis, qui Mosè antè petiverant ut mediatoris partes ageret, non esse laborandum de mediatore altero: Jam enim Deum recordatum postulati illius, quod Judæi a Jehova in Chorebo die congregationis fecerant, de Mediatore providisse; qui mediator non solum agat pro populo apud Deum Patrem, verum etiam ipse & cum populo agat verbis Dei Patris, & cum Prophetis omnibus, quos suo nomine ad Ecclesiam Dei allegaturus est. Hæc ita se habere series ipsa argumentationis commonstrat. Nam primùm promissionem hanc Moses enunciat, versu 15. & occasionem ejus, 16. deinde promissionem eandem ab autoritate Dei confirmat, versu 17. & sequent. Ac postremò eandem promissionem explicat ab eventu & usu illius, reliquo capite. Ex his igitur omnino conficitur, neque de toto Prophetarum corpore in hac promissione agi; sed de capite illorum solum: nequidè alio Propheta, quàm de Jesu Christo Propheta & Apostolo confessionis nostræ, æternòque Mediatore nostro.

## PARALLELUS XC.

Genes. 22.

18 Et in semine tuo benedictionem  
sibi collatam profitebuntur omnes  
gentes terræ.

Act. 3.

25 Et in semine tuo benedictionem  
consequentur omnes familiæ  
terræ.

**F**Inem horum sermonum Petrus disertè explicat verbis antecedentibus, dicens, *Vos filii estis Prophetarum & testamenti vel dispositionis illius quam disposuit Deus, &c.* nempe ut Judæorum gens agnosceret sedus illud & testamentum Dei ad se pertinere. Summa igitur est,

est, Deum quidem sedes suum & dispositionem gratiæ in Ecclesia sua humano generi jam olim exposuisse per Prophetas suos; sed speciatim cum Patribus gentis illius inivisse, atque cum Abrahamo credentium Patre pepigisse, fore ut ipsius benedictio ad ipsam gentemque ipsius primò pertineret, utpote qui secundum carnem geniturus esset illud benedictionis semen, à quo ad Judæos primùm, deinde verò ad cæteras familias terræ dimanatura esset benedictio. Atque hanc justam esse hujus loci intelligentiam, non solum Petri verba, quæ mox subiiciuntur, ostendunt, dicentis, *Vobis primùm Deus excitans filium Jesum misit eum, benedicturum vobis, &c.* verumetiam ipsa loci natura postulat. Nam quum in semine ejus benedictionem ad alios derivatum iri promittit Deus; omnino alterum necesse est, seminis vocem aut syllepticè accipi, aut singulariter. Ac de uno quidem & singulari aliquo necessariò accipi oportere, ipsa divinarum promissionum consequutio docet manifestissimè. Prius enim syllepticè de toto Abrahami & Isaaci genere egerat Deus, dicens, *Benedicam & multiplicabo semen tuum, ut sit numero tanquam stelle cæli & tanquam arena in litore maris, & semen tuum possessorum est portarum inimicorum suorum.* Cum hoc autem posteriori membro nulla ratione convenire potest alterum hoc membrum quod proximè sequitur, nisi de certo & singulari homine accipiat, Et in semine tuo benedictionem consequentur omnes gentes. Nam illud semen dici non potest simul & portam inimicorum possidere, & benedictionem in omnes profundere; cum illud sit pœnæ, hoc beneficii: illud cum aliis communicari possit, ut pœnis afficiant adversarios, hoc beneficium sit singulare & proprium Christi, ut benedictionem in omnes, tum Judæos, tum etiam gentiles, effundat ex Dei Patris promissionibus. De Isaaco autem multo minùs hæc dici possunt, quam de gente Judæorum tota. Restat igitur ut de Christo intelligatur convenienter fidei: cum neq; de semine illo latius accepto, neq; de Isaaco promissio hæc beneficiumq; commodè prædicari possit.

Act. 4. 11. Davidis locus explicatus est in Matthæum Parallelo 40.

## PARALLELUS XCI.

Psal. 2.

1 Quare cumlusuata sunt gentes,  
& populi meditati sunt inane?

2 Adstiterunt inter se reges terra,  
& procures consultaverunt simul  
contra Jehovam & contra Christum  
ejus.

Act. 4.

25 Quare fremuerunt gentes, &  
populi meditati sunt inania?

26 Adstiterunt reges terra, &  
principes coacti sunt eodem contra  
Dominum & contra Christum  
ejus.

**V**Troque in loco finis communis est, ut exponatur contradictio peccatorum adversus regnum Christi, & quidem maximè inde ab adventu illius; & Ecclesia illius adversus scandalum crucis confirmetur. Discrimen in eo est, quòd David futurum prophetabat, Petrus demonstrat factum. Ac Davidis quidem locum alii simpliciter de Davide confirmant accipi oportere: alii de Christo simpliciter: alii denique de Davide & Christo: quorum ille typus fuit, hic typi veritas. Prima sententia Judæorum est, doctrinam de Christo, quo ad ejus fieri potest,

potest, subvertentium: secunda Patrum Orthodoxorum maxime: tertia apud homines nostros recepta est. Ac prima quidē non solum Psalmi ipsius argumento; verum etiam consequutione & ordine ipso evertitur. Nam argumentum tam manifestò ad regnum Messie pertinet, ut ne Judæorum quidem obfirmatissimi id negare possint; quia Jehova filium suum compellat, Prophetam, Sacerdotem & Regem instituit, hæreditatem attribuit totius orbis, omnipotentiam assignat, omnibusque gentibus cultum, reverentiam, & metum, ac denique fidem in eum imperat. Quæ omnia nemo, nisi blasphemus, de homine puro puto prædicare potest. Consequutione verò subruitur eadem interpretatio; quia Spiritui sancto per Davidem visum est in ipso Psalmorum aditu summam doctrinæ cælestis comprehendere: Legis quidem, Psalmo. 1: Evangelii verò & fidei in Christum, Psal. 2. Altera verò sententia quam Patrum esse diximus, est longè tolerabilior. Nam etsi quædam sunt quæ de Davide accipiuntur commodè, tamen non dubium est, quin præcipuus illius scopus eò pertineat, ut Christi regnum adversariorum conatu, compellatione, denunciatione, & subversione tandem eis superventura illustretur. Quæ res interdum quidem a Davide, ut typo, precepta est; sed veritate in Christo consummata. Quamobrem sive secundo, sive tertio interpretationis modo placeat accipere, nemo pius non est visurus optimè ab Apostolis in hunc locum Davidis verba allegari. Mihi secundus probatur omnium maxime: quod bona bonorum pace dictum. Etsi non nego rerum suarum occasione eò venisse Davidem, ut fide ad regnum Christi respiceret. Summa igitur est, Quemadmodum olim David prædixerat, ita in hoc tempore personæ Christi accidisse, versu 27. & 28. ac proinde meritò Apostolos, per synedrium Judæorum acerbè increpatos, fiduciam suam hoc loco exponere, & per eam petere a Domino ut qui sedet in cælis rideat, Dominus subsannet eos, alloquatur eos in ira sua, & conturbet eos, *dans servu suu, ut eam omni libertate loquantur sermonem suum, &c.* versu 29. & 30. Mutatio in verbis nulla est, quæ hominem pium & mediocriter doctum remorari possit. Nam tumultuationem synecdochicè designat fremendi verbum. Quod autem Psalter reges se stitisse dicit, commodè exponitur verbo *παρεστῆναι*; quod verbum perinde sonat, atque si dixeris alios cum aliis sese sistere. Postremò autem consultandi verbo respondent illa *οὐκ ἔγνωσαν ὅτι τὸ αὐτὸ*, convenerunt in idem: Quam conventionem ego quidem non de præsentia corporum (quam propheta antè exposuerat) sed de animorum consensione accipi puto oportere; ut sequentibus Petri verbis non obscurè confirmatur.

## PARALLELUS XCII.

Act 7.

Deus ille gloriæ visus est Patri nostro Abraham, quum esset in Mesopotamia, priusquam habitaret Charran: &c. quæ sequuntur.

**F**inis totius hujus orationis non aliunde quàm ex occasione, propter quam habita fuit, petendus est. Occasionem autem narravit Lucas præcedente capite: nempe adversarios, qui alitè reanimes cum Stephano non poterant resistere sapientiæ & spiritui per quem loquebatur, subjecisse viros qui dicerent Stephanum *blasphema verba in Moysen*



*Mosē & Deum protulisse*: sive (ut idem deinde explicat) *blasphema verba adversus locum sanctum, vel templum Dei, & Legem a Moſe traditam*. Hæc occasio fuit Stephano, ut sanctissima hac oratione ad nefarias illorum criminationes responderet. Finis igitur hic fuit; ut non solum fidem elevaret testium, quos tamen simplice & pura negatione poterat refellere, fretus Dei & conscientie suæ testimonio, nisi specie Legis se testium numero intercludi animadvertisset, verum etiam ut pietate & fide sua gravissimè exposita concilium, coram quo stabat, evinceret non potuisse fieri, ut vir cā doctrinā, pietate, & sanctorum inſtructus, blasphemias voces effunderet, cujusmodi a testibus in ipsum conjiciebantur. Itaque fuit quidem ille proprius finis & pernecessarius, ut testes refelleret: sed quia neque per injuriam testium, neque per indignationem judicum, neque per commoditatem piorum (quos alioquin apud æquos judices utile fuisset produci testes) operam dare potuit elidendis illorum testimoniis: eò Stephanum adduxit Spiritus sanctus, ut modestissima quadam insinuatione statueret potius probari fidem suam apud judices oportere, quàm alienam labefactari: quorum prius si in confessu potuisset obtinere; vicisset posterior, & falsorum testium injuriam a se commodissimè depulisset. Id autem ut assequatur, hanc summam orationis sibi constituit ipse; primum, ut testaretur se ad Dei sedem, quod cum Abrahamo jam olim iniverat, pertinere, tum Moſis autoritatem veritatemque Legis asserere, ut qui maximè: Præterea agnoscere summam dignitatem, quam Deus templo indiderat præsentia sua, & sanctificatione illius: postremò hæc omnia non verbis, aut ventosa & inani gloriatione; sed fide & obsequio a fidelibus Dei servis agnosci: & ab his omnibus cum majores illius gentis jam olim defecisse quamplurimos ex prophetarum sanctorum testimonio; tum eos qui aderant & tanta indignitate cum ipso agebant, summa perfidia discedere. Est igitur oratio tota primum quidem apologetica, deinde verò antenchematica: quia non solum a se depellit criminationem obiectam, sed in eos ipsos retorquet quibuscum de causa ipsius agebatur. Cæterum cum tota hæc oratio ex Testamento veteri petita sit, si exceperis postremam partem ἀντιπαράστασις, & pleraque narrationis membra citra omnem dubitationem cum locis Testamenti Veteris consentiant evidentissimè; non videtur opus, ut in comparandis singulis tempus consumamus; sed prudentiæ Lectoris & fidei permittemus, ut ipse exploret ejusmodi locorum comparisonem. Quamobrem nudos tantummodò, in iis quæ perspicua sunt, locos annotabimus. Argumentum versuum quatuor, puta secundi & trium sequentium, habetur cap. 11. & 12. Geneseos. Versus sextus & septimus ex Genes. 15. petitus est. Octavus ex Geneseos, 17. & 21. & 25. & 29. & 30. & 35. Nonus, ex Geneseos 37. Decimus, ex Geneseos 41. Undecimus & quatuor sequentes, ex reliquo libro Geneseos. Sed in versu 14. videtur prima specie Stephanus a veritate historię discessisse, quum omnem cognationem Jacobi sive Josephi capitum 75. fuisse narrat: quandoquidem e diverso Moſes Geneseos 46. (quem locum citra controversiam hic spectavit Stephanus) animas aut 66. ex Jacobi femore profectas, aut 70. comprehenso Jacobo & Josepho, duobusque filiis ipsius fuisse narret. Ac varia quidem ratio his locis inter se conciliandis jam olim fuit investigata a sanctis Patribus; quorum testimonium atque autoritas facit, ut in sententiam eorum descendere (bona ipsorum venia) non possim, qui



certè numerum hunc plurimum superavit. Restat igitur hæc conciliati-  
onis via: ut ea capita numerari hoc loco à Stephano in apologetico  
suo statuamus, non quidem omnia quæ accesserint Joseph (nam multo  
plura capita in familiis exstiterunt) neq; patres familias solum (nam hi  
pauciores futuri sunt; ac ne septuaginta quidem, ut cunq; numerentur)  
sed ea capita, quæ nominatim in descriptione sua Gen. 46. Moses re-  
censuit. Hic verò altera occurrit objectio: Nihil pertinuit, inquiunt, ad  
consilium Stephani, ut numerum propriorum nominum, quæ in locum  
illum retulit Moses, in narratione hac observaret. Respondeo, Imò verò  
si quam aliam numerandi viam sequutus esset, non fuisset assequutus  
consilium suum: sed assequutus est; quia ipsius instituto omnino conve-  
nit hæc numeratio. Aliam si adhibuisset, ea certè aut obscura fuisset, aut  
etiam incerta. Obscura, si narrationem suam, quam maxime decet sim-  
plicitas, exceptionibus & circumscriptionibus involvisset, dicendo, om-  
missis his aut illis, vel adjectis his aut illis, & si quid est ejusmodi: incerta  
fuisset, si uxores aut familias integras statuisset circumscribere. Deni-  
que utrovis modo numerum cognationis retulisset, non defuisset ad-  
versariis argumentum quod reprehendissent, omittensq; principali causa  
exagitavissent. Quamobrem optime instituto illius convenit hæc nu-  
merandi ratio: tum quia præcisè numerum animarum, quas certis no-  
minibus recensuit Moses, his verbis persequutus est, & prævaricatoris  
eripuit argumentum improbitatis suæ; tum quia ratione hac demon-  
stravit luculentissime, se tantum abesse a sermonibus blasphemis in  
Mosem pronunciandis, ut contrà in rebus etiam levioris momenti reli-  
giosissime Mosem sequutus sit, & singulas veluti syllabas illius in nu-  
merato habuerit. Nam citra omnem controversiam, propria nomina  
totius cognationis illius, excepto Jacobo (cujus nomen seorsim præpo-  
suit Stephanus) eo in loco Geneleos non plura exstant quàm septua-  
ginta quinque, prout hic Stephanus recenseri à Mose docet. Atq; hanc  
interpretationem Epiphanius olim tradiderat, ut antè diximus; & Sy-  
rus quoque interpres, quamvis obscurius, videtur innuisse.

Versus 16. ex Geneleos, & Josue ultimis cap. petitus est: neque mi-  
nus videtur laboris esse in pervestiganda justa illius interpretatione,  
quàm fuit in explicando proximè præcedente loco. Quapropter alii  
truncandum esse versum putaverunt: alii mutandum non nihil: alii  
transponendum: alii deniq; interpretationes alieniores commenti sunt,  
ut sartam tectam hujus sacri contextus auctoritatem conservarent. At-  
que hic finis fuit quem ante annos aliquot spectavimus, quum Arabi-  
cam illam Translationem in lucem ederemus: ubi postremum mem-  
brum illius versus metalepsi quadam sic sumus interpretati, ut si lege-  
retur, *Positi sunt in sepulcro quod erit Abraham pretio argenti, quo delati fu-  
erunt Sichemo a filio Emmoris, ut cum Abrahamo, & majoribus suis reliquis  
conderentur.* Sed quia neque officiosum est, neque necessarium diu in  
labefactandis aliorum interpretationibus immorari, quas citra cujus-  
quam præjudicium suo loco relinquimus, causas afferam quibus nunc  
demum cogor discedere a mea illa antea facta interpretatione: neq; pu-  
debit me unquam, qui bonorum fidem, diligentiam, judiciumque in his  
rebus summa religione investigandis, admiror & colo, veritati cõper-  
te subdere judicium meum, aut ab aliis expositæ. Dux sunt igitur cau-  
sæ potissimum, quæ me ab ea interpretatione abduxerunt. Una, quòd  
in principio versus habentur hæc verba, *Translati sunt in Sichem.* Hæc  
I 2 autem



autem verba, ut etiam ea quæ habentur in fine versus, omnino essent *συναλογισμένα*, si Patriarchæ omnes in agrum & speluncam translati essent ab Abrahamo, comparatam. Cur enim potius Stephanus hic Sichemi, quàm Jordani, aut alterius loci meminisset? præsertim cum istius Sichemi nulla existeret mentio, ubi narratur elatum fuisse Jacobi corpus; sed Jordanis maximè. Altera causa est, quòd præpositio Græcorum *παρ* in hac consequutione, (si bene memini) non admittit motus de loco significationem: mihi verò non est probabile usitatæ huic consequutioni novam significationem adoptari oportere: & quidem minimè omnium oportere, si qua alia commoda interpretandi ratio excogitari & afferri potest. Ut illud taceam, quod Hieronymus in Paulæ Epitaphio duodecim Patriarchas ad Sichemum sepultos narrat, Josephus verò ad Chebronem: quia pars hic, pars illic sepulta est, prout commodum posteris videbatur. Quod in hoc versu non obscurè Stephanus innuit dicens, *Qui Jacob & patres nostri* (ac non duodecim Patriarchæ solùm) *translati & positi sunt, pars in Sichem, pars verò positi in monumento, quod emerat Abraham pretio argenti, &c.* Sequenti igitur verba perinde interpretamur, ac si articulo expresso legeretur *παρ τὸ τῶν υἱῶν Ἐμμορ τοῦ Σιχημ*: quali dicas, præter monumentum illud, quod Jacob a filiis Emmoris patris Sichemi legitur comparavisse, sub finem capitis 33. Geneseos. Quem utrumque locum Israëlita reduces ex Aegypto in religione summa habuerunt; prout de Abrahami monumento Jacob ipse caverat Gen. 47. de Jacobi verò possessione mulier illa Samaritana testis est Joh. 4. & alii confirmant Scripturæ loci. Insolentem verò non esse ellipsim articuli, quam in hoc loco statui- mus, nemo ignorat, qui vel mediocriter in lectione Testamenti Veteris & Novi versatus fuerit: prout nos etiam cum alibi sæpè, tum in Parallelo 2. annotavimus in caput Matthæi primum.

Versus decimus septimus, & duo sequentes, ex primo cap. Exodi de- prompti sunt: ex secundo ejusdem libri, versus sequentes decem: qui hos sequuntur proximè, sex versus numero, capiti tertio Exod respondent: Versus trigessimus sextus summam historię de profectioe Israëlita- rum, quam Moyses in reliquo Geneseos opere descripsit, complectitur: Versum 37. paulo ante in Parallelo 89. explicavimus. Versus trigesimi octavi argumentum partim cum 19. capite Exodi, partim cum sequen- tibus convenit. Versus 39. & duo sequentes, ad illam historiam perti- nent, quam narravit Moyses Exod. 32. Versus quadragesimus secundus ad historiam pertinet rerum ab Israëlitis gestarum, ex quo tempore exploratores ad castra ipsorum redierant, Numer. 13. & ad universam temporum subsequentiū historiam non solùm a Mose, verum etiam ab aliis Prophetis scriptam quos Deus post Moysi tempora excitavit. Confirmatio verò ex vehementissima Prophetæ Amos exprobratione petita est: cujus verba ἐν παραλλήλῳ evidentiz ergò cum explicati- one Stephani opus est comparari.

Amos. 5.

25 An sacrificia & munus obtuli-  
stis mihi in deserto ipso quadraginta  
annis, o domus Israël?

26 Imò portastis tabernaculum  
Molechi vestri, & basin imaginum

Act. 7.

42 Num sacrificia & munera  
obtulistis mihi annis quadraginta  
in deserto ipso, o domus Israël?

43 At sumtum bajulavistis ta-  
vestrarum,

Abraham. n. u. ruit. Sichem  
a fil. Emmor. patris Jacobi.  
Gen. 33. 19. & c. et si huius  
modi loci. Act. 7. v. 38.  
23. ruit. Abrahā in terr. (Sichem)  
a fil. Jacobi in sepulchro  
Gen. 47. & c. huiusmodi  
et a Joseph. c. 7.

*vestrarum, fidus Dei vestri, quæ se-  
cistis vobis.*

27 Itaque deportabo vos ulterius  
*Damascenū, inquit Jehova, cui Deus  
exercituum nomen est.*

bernaculum Molochi, & fidus Dei  
vestri Remphanis, imagines quas  
feceratis, ut adoraretis eas : ita-  
que sum translaturus vos trans  
Babyloniam.

**H**I duo loci quàm benè inter se conveniant, etsi non obscure de-  
monstrat nostra hæc *παρεκκλήσις* comparatio: tamen quia  
in verbis aliquid varietatis est, quod imperitiores fortè abripere  
in dubitationem possit; quicquid varietatis est paucis in hoc loco ex-  
plicabimus. In priore versu nihil a Stephano fuit immutatum. Nam etsi  
vulgo *θύτης* nomen sacrificium exponi solet, id est, *σπαρτήρ*, quod antè  
Stephanus nominavit: id tamen certum est, cum ex septuaginta in-  
terpretatione, tum ex Novi Testamenti comparatione, Græcam illam  
vocem æquè pro munere & oblatione, ac pro sacrificio accipi; quem-  
admodum etiam apud probatos auctores Græcos conjugatum ver-  
bum *θύω* non solum mactare & sacrificare significat; verum etiam suf-  
fire atque adolere sive offerre munus, quod Hebræis *Miſcha* appella-  
tur. Nec aliter Irenæus lib. 4. interpretatus est, quàm locum Malachiæ  
Prophetæ adduceret. Id tantum interest, quòd singularem Prophetæ  
vocem plurali numero Stephanus interpretatus est; in singulare no-  
men interpretandum esse doceret *συνῆθηται*. In altero versu plus va-  
rietatis est, non solum immutatis aliquantulum vocibus, verum etiam  
aliis adjectis & aliis abjectis pro commoditate loci. Etsi (ut sæpe ante  
hac monuimus) adjectiones mutationesque pertinent ad illustrandum  
locum; detractiones verò propterea factæ sunt, quòd, quæ videntur  
hic deesse, ea ad hunc locum nihil opus essent. Mutatio autem prima  
est, quòd pro nomine idoli Melech, Stephanus reposuit Moloch, qui  
idem Milcom appellatus est 1. Reg. 11. 5. & Regem significat. Alterum  
quoque istud mutationis est, quòd transpositis membris, quæ apud Pro-  
phetam exstant diverso ordinè, Stephanus priore loco nominat *fidus  
Dei illorum*, & posteriore, *imagines*. Sed hoc ad commoditatem conse-  
quutionis, & evidentiam magis visum est pertinere. Postremò illud  
quoque mutationis est, quòd loco illarum vocum, *Deportabo vos ulterius  
Damascenū*, explicationis ergò Stephanus hoc modo reddidit, *Deporta-  
bo vos trans Babyloniam*, spectans nimirum fidem historię sacrę, & rei  
gestę veritatem. Adjectio duplex est; Una, quòd nomen Dei Ammoni-  
tarum ponitur *Remphan*: Altera, quòd finis illius circumgestionis ad-  
scribitur, *ut adoraretis eas*. Ac de fine quidem nulla est dubitatio, quin  
pompa idololatrarum *ἐξοπποσύς* significaverit, de qua multa in libro  
Baruc. De voce Remphan judicia variant, præsertim quia varia est  
scribendi ratio. Itaque alii ab Hebræa voce *Rapha* dictum esse existi-  
mant, & significari Herculem, quasi Gigantem, qui apud Ethnicos Gi-  
gantæa specie fingebarur esse: alii Remphan pro Rimmone accipiunt  
Syrorum Deo, & ita restituendum in hoc loco putant: alii compositam  
vocem Hebræa origine confirmant esse, quòd statua esset Gigantæa  
specie, & quòd statura excelsa supra omnes homines videretur. Ego, cū  
tra cuiusquam præiudicium (ut antè monui) existimo sumtam esse de  
nomine loci appellationem; aut idoli, si fortè, appellationem in locum  
translatam. Est autem Rephan 1. Mach. 5. vers. 37. sive Raphan, apud Jo-  
sephum lib. 12. Antiquitat. cap. 12. sive Rophon, apud Ruffinum Josephi

Interpretem; sive Réphon, apud Chaldaeorum Paraphrasten, opidum situm in Ammonitarum finibus, cui tutatus Deus Rephan sive Remphan praesse videbatur: quamobrem etiam hic a Stephano Judaeis obijcitur, tamquam si de Ammonitis nefarius illius cultum acceperint. Réstant detractiones de Propheta vespis, quarum causam modò perstrinximus. Amos ita loquutus est, *Tabernaculum Melechi vestri*; hoc autem pronomen omisit Stephanus, quia ex sequente membro *domus* intelligitur. Tum pro eo quod *basin imaginum*, sive *delubrum* appellaverat, Stephanus simpliciter appellavit *thronus*, id est, figuras sive imagines. Præterea pro eo quod dicebat Amos, *quae fecistis vobis*, *id est, idola* apposuit Stephanus, *quas fecistis ut adoraretis eas*. Reliqua omisit Stephanus velut ad rem hoc loco nihil facientia. Unum observandum est: dubitationis ansam in hoc loco Propheta interpretando ex eo arreptam esse, quòd Propheta Amos de diis exteris exteròque illorum cultu & instrumentis loquens, puxat abetnaculo, delubroque sive basi, & imaginibus, exteras voces adhibuit *idola*, ut eo magis indignitatem facti, atrocitatemque impiis Israëlitis ostenderet. Quod genus loquendi plerique omnes interpretes quum non satis animadvertissent, facile a justa verborum ejus intelligentia aberrarunt.

Versus quadragesimi quarti argumentum a Mose Exodi 35. & ultimo traditum est: quemadmodum & sequentis exponitur Jos. 3. & libris sequentibus. Versus quadragesimi sexti locus est 2 Sam. 6. & 7. Narratio verò quadragesimi septimi versus continetur 1 Reg. 5. & 6. Ad versum 48 respexit Solomon 1 Reg. 8. Esaiæ locus, qui mox adducitur, difficultate caret.

Esai. 66.

1 Sic ait Dominus, Calum ipsam  
thronus meus est, & terra scabellum  
pedum meorum: qualem domus est,  
quam essetis edificaturi mihi, & quia  
locus requietis meus non hic erit.  
2 Aequi mihi me fecit haec omnia.

Act. 7.

49 Calum ipsum thronus est  
mihi, terra autem scabellum pe-  
dum meorum. Qualem edem ellis  
& edificaturi mihi, inquit Dominus,  
aut quis locus requietis meae?  
50 Nonne manus mea fecit haec  
omnia?

**H** I loci prorsus inter se conveniunt; si hoc unum exceperis, quòd necundum versum quem Esaias categoricè enunciaverat, Stephanus majore cum vehementia extulit *ἐργατικῶς*, ut Judaeos illos *οὐδὲν ἄλλο ἐργάζεσθαι* vehementius afficeret.

Versum 51. & 52. cum secundi Chronicorum ultimo prorsus convenire ipsa loquitur. Versum 53. quem ad amplificandam Legis autoritatem, impietatemque Judaeorum exaggerandam adhibuit Stephanus, & cujus causa Judaei coeperunt furere, & ab audiendo illo desinere; narravit Moses Exod. 19. & Deut. 33. Quemadmodum etiam ex eodem auctore verba Prophetae Davidis Psal. 68. Habak. 3. & Pauli ad Galatas 3. petita sunt. Et si, ut vulgo fertur hujus 53. versus explicatio (quod bona pace omnium dixerim) ea non videtur planè cum verbis Moysis aut Stephani ipsius consentire. Nam Moses quidem Legem datam esse stipantibus myriadibus sanctorum Angelorum praedicat, & Propheta olim agnoverunt: sed per Angelos fuisse datam, aut per dispositionem illorum, minimè. Neque verò hoc ipsum Stephani verba sonant; sed  
haec



hæc iusta est (ut mihi quidem videtur) ipsorum interpretatio: Qui accepistis Legem in dispositionibus, id est, in mediis agminibus, sive inter medias acies Angelorum stipantium honoris & officii causa imperatorem suum; & tamen neque Dei maiestate, neque sanctorum Angelorum comitumque sanctissimorum & innumerabilium maiestatis Dei reverentia & pudore jam adducimini, ut eam observetis. Sicut enim Stephanus statuit: Deum qui olim comitatus Angelis Legem tulit Ecclesie sue, hoc quoque tempore eodem modo confirmare auctoritatem Legis & totius doctrinæ suæ, & notam nunc quoque facere per Ecclesiam multiformem illam suam sapientiam imperiis ac potestatibus, quæ sunt in locis supercælestibus, ut Paulus loquitur alibi. Atque in hanc sententiam Paulus ad Galatas scribens, *Legem dicit fuisse ordinatam di. αγγελων*, id est, *inter Angelos* idque *mediatoris manus*, id est, opera illius Angeli qui fuerat visus in rubo, & quem mediatorem fore Moyses pronuntiaverat, ut ante Stephanus demonstravit versu 35. & seq. Quod autem ad alteram illam interpretationem confirmandam adducitur locus Apostoli ad Heb. 2. 2. id certe nihil ad rem facit. Non enim statuitur eo in loco Christi cum Christo comparatio, id est, quæ se obscurius in tradenda Lege Israelitis demonstravit olim, & quæ Deus est in carne præfatus temporibus Euangelii: sed Christi cum Angelis comparatio est, quam 1. cap. instituerat Apostolus, & in qua secundo cap. pergit. Neque verò ibi singulare illud tempus spectatur quo Lex fuit tradita; sed in genere ad tempus Testamenti Veteris respexit Apostolus, quo Deus ministerio Angelorum curavit pronuntiari sermonem suum; ut illa Apostoli verba ostendunt: *Si per Angelos dictus sermo fuit firmus*, &c. Aliud enim est sermonem enunciatum esse, aliud Legem imperatam. Sanè si quis ad argumentum primi cap. illius Epistolæ propius attenderit, facile animadversurus est argumentum in principio secundi capituli fieri per comparisonem minoris; quæ comparatio ex 1. cap. petenda est: ac proinde ex constituta Angelorum cum Christo comparatione nasci illum doctrinæ locum, quo Apostolus utitur; per comparisonem verbi illorum cum verbo quod Christus Dominus enarravit.

Ephes. 3. 10.

Galat. 3. 19.

## PARALLELUS XCIII.

Esa. 53.

7. Et parva pecus ad mactationem ducitur, & velut ovis coram tonsoribus ipsius obmutescens: ita non aperuit os suum.

8. A coarctatione & a iudicio tollitur; ac generationem ejus quis enarraret? Nam excinditur a terra viventium.

Act. 8.

32 Ut ovis ad mactationem ductus est, & velut agnus coram suo tonsore obmutescens: ita non aperit os suum.

33 In ipsius abiectione iudicium ejus, quo sublatus fuit: ac generationem ejus quis enarraret? Quoniam tollitur e terra viventium.

**T**otum illud Esaiæ caput agere de Christo adeò manifestum est, ut ne Judæi quidem ipsi negare audent: quemamodum Parallel. lo 19. in Matthæum ostendimus. Neque verò dubium nobis est, quin Philippus in eam sententiam interpretatus sit; & ex eo loco, quem sibi divinitus oblatum animadvertibat, argumentum sumserit Eunuchum instituendi certius de persona, officio, beneficioque Christi, ut

Lucæ narratio ostendit sequentibus, & ipse eventus probat. In verbis perparum est discriminis, si id observaveris: primum quod res futuro tempore a Propheta dictas velut gestas enunciavit, ut Philippi interpretationem eadem opera testatam faceret, & cōplementum in Christo per illud tempus demonstraret obtigisse. Deinde, quod parvæ pecudis loco nominavit ovem, id est, speciem pro genere, ad evidentiorē circumscriptionem hujus similitudinis. Tum quod secundo versu ordine distinguuntur ea quæ Propheta conjunxit, dicens, *A coarctatione & a judicio sublatu est.* Nam Lucas spectans Philippi interpretationem, illud ipsum Prophetæ dictum magis distinctè hoc modo explicavit, *In ipsius dejectione judicium ejus fuit, quo judicio sublatu est.* tamquam si diceret, Quod sublatu est ex hac vita Christus, id duobus modis accidit, nimirum oppressione ab hominibus, & judicio Dei. Quum enim ab hominibus adeo graviter & violentè oppressus est, tum judiciū suum perfecit Dominus: ac proinde non humanitus solum factum est ut ex hac vita tolleretur impiorum manibus, ut Petrus loquitur; sed judicio Dei, quemadmodum manus ipsius & consilium instituerat perfecitque ad salutem nostram. Quamobrem Græci contextus verba meo periculo sic distingui velim, *Εν τῇ ταπείνωσιν αὐτοῦ ἡ κρίσις αὐτοῦ ἡρῶν· τὸν δὲ, &c.* id est, *In abiectione ipsius judiciū ejus,* puta, exstitit sive perfectum est, & quæ *judicio sublatu est.* Sed an propterea in perpetuum periisse dicendus esset? Minimè verò: nam *Generationem ejus quæ enarret?* Postremo, illa quoque muratio accedit, quod pro illis verbis, *exscinditur a terra viventium,* substituit Lucas loquutionem *ἰονδωαῖονες, Tollitur a terra viventium ejus.* Sed quum hæc reipsa summam inter se habeant convenientiam, non video quantoperè vel imperitissimos remorari possint, quo minùs agnoscant, & Esaiæ verba, & Lucæ historiam ab eodē spiritu proficisci.

A2.2 &amp; 3.

## PARALLELUS XCIII.

At. 10.

34 In veritate comperio Deum non esse eum qui accipiat personam.

35 Sed in quavis gente quemvis timentem ejus & operam justitiz dantem ei acceptum esse:

36 Ut qui euangelizet sermonem illum quem mittens Prophetas euangelizaverat filiis Israelis, nimirum, pacem per Jesum Christum, qui est omnium Dominus.

43 Huic omnes Prophetæ dant testimonium, remissionem peccatorum accepturum per nomen ipsius quemvis qui crediderit in ipsum.

**H**I duo loci, quamvis ad unum aliquem singularem veteris testamenti locum propriè non pertineant: cum tamen universè argumentum Legis & Prophetarum cōplectantur de promissionum Evangelicarum complemento, atque hæc promissiones singulis ferme paginis inculcentur; non potuimus quin hos quoque locos in numerum Parallelorum referremus. Et si uterque locus (si verba spectemus Apostoli) ad Prophetiam Esaiæ maxime videtur pertinere; qui tum de pace per Christum Judæis, gentibusque constituta, tum de remissione peccatorum credentibus in ipsum obventura, prophetavit luculentissime

48. & 49. capitibus. Sed quoniam prior locus, pro vario interpretum judicio, variè explicatus est; visum quoque nobis est, bona omnium pace, sententiam nostram de iusta illius interpretatione producere. Nam propositionem illam abs qua Petrus sermonem suum exorsus est, Deum nempe non esse *μεσωτολάτην*, confirmat versu 36. ab auctoritate Prophetiarum, quæ omnes in hoc argumentum consentiunt; Quisquis crediderit, ex quacumque tandem gente ortus sit, hunc Deo Patri in Christo acceptum fore, & Christum omnium Dominum appellari. Itaque duæ figuræ sunt iudicio meo, in eo versu observandæ. Una est ellipsis Hebraica, quam metalepsin appellamus in his verbis, *quem sermonem misit filiis Israël*, pro eo quod est, quem sermonem missis legatis sive Prophetis suis prænuntiavit. Altera est, quam appositionem dicunt Grammatici in his verbis, *Et qui evangelizet sermonem illum, pacem*, id est, qui sermo est pacis, vel de pace per Jesum Christum constituta. His positis, videntur omnia obscuritate vacare.

## PARALLELUS XCV.

Act. 13.

17. Deus populi hujus Israël elegit Patres nostros, &amp;c.

**C**um universa hæc concio à Paulo fuerit instituta, ut Judæos, qui Antiochiæ aderant, ex documentis Legis Prophetarumque de complemento Evangelicarum promissionum in Christo confirmaret, & remissionem peccatorum per ipsum credentibus singulis nuntiaret obventuram; prudentissimè (ut antè Stephanus) ita comparavit hanc concionem suam, ut totam ex penetrabilibus Testamenti veteris depromeret. Nam in ea paucis, primum electionem, ductumque populi, & promissiones Davidi factas explicat: Deinde complementum demonstrat in Christo: tum quæ capita de Christo maximè poterant à Judæorum gente controversi, confirmat testimoniis. Postremò apertè ecludit hortatione ad fidem sermonem suum. Quamobrem nos, ut supra in caput 7. fecimus, Veteris Testamenti locos annotabimus, unde narrationis membra petita sunt: & in iis tantum exponendis utemur commemoratione, in quibus aliquid dubitationis fortè imperitioribus oboriri posset. Versus igitur decimus septimus partim ex Genes. 11. & 12. petitus est, partimque ex primo Exodi, & sequentibus. Versus 18. contrahit summam historiæ illorum temporum, quæ reliqua parte Exodi, & sequentibus libris à Mose enarrata sunt. Versus 19. summam historiæ completitur, quæ libro Josue perscripta est: Quemadmodum, & sequens summam historiæ Judicum: itèmq; vigesimus primus, & vigesimus secundus historiæ prioris libri Samuelis: postremò autem vigesimus tertius, ad promissionem pertinet quæ 2. Samuelis 7. Davidi à Deo facta legitur. Sed incidit versu 20. pergravis quæstio de temporum illorum supputatione; quum ait Paulus, *Es postea annu quasi quadringenti quinquaginta, dedit Judices Deus*, &c. Hanc enim temporum circumscriptionem alii aliunde incipiendam putant: alii non dubitant corruptam affirmare: alii denique non corruptam a Paulo aut à 2. librariis; sed conformatam Septuaginta Græcorum interpretationi. Ac (ut de postremo dicamus *ὡς ἐν ἑξήκοντα*) mihi non videtur verisimile Paulum

*frat. go an. illi  
am. 47. ad 147 p.  
ad 147 p.*



Paulum hoc in loco agere de hoc argumento ex Septuaginta Interpretum autoritate duabus de causis. Una est, quod ineptum illud fuisset futurum, si Paulus ingressus Judæorum synagogam die Sabbathi, post lectionem Legis & Prophetarum apud Hebræos dicere voluisset de rebus ad fidem pertinentibus secundum Septuaginta interpretationem; non autem secundum Hebræi contextus fidem: qua quidem ratione magis de fide Christi & autoritate Euangelii fuisset derogaturus quam conciliaturus gratiam. Altera est, quod utcumque etiam ex illorum Septuaginta Interpretatione ratio temporum ineatur; tamen nullè planè existitura est via commoda qua effugiat ista conciliationis difficultas. Neque verò altera magis interpretatio eorum mihi probari potest, qui corruptam esse lectionem huius loci statuunt. Nam neque autoritate ullius Veteris sive Codicis, sive interpretis, alia lectio adhuc cōprobata est, si benè meminimus; neque penes auctoritatem est ullius hominis, ut ita refundat opinionem vel iudicio suo quæ in libris sacris & omni exceptione maioribus constanter & consensione summa deprehenduntur. Præstat enim (iudicio meo) præstat ut vitium nostrum, imbecillitatemque & ignorantiam fateamur, quàm his sacris libris vitium aut labem impingamus. Restat igitur, ut primam viam ineamus in huius loci explicatione, & videamus quæ tempora potissimum huic supputationi adscribi oporteat. Duplex omnino via se nobis exhibet ad huius loci interpretationem. Una, ut illi 450. anni respiciant ad illud tempus, quo gesta sunt antecedentia, quæ in narratione exposuit Paulus: Altera, ut ad sequentia dicantur pertinere. Nam ut illud spatium 450. annorum referamus ad tempus Iudicium, de quib. solum hoc versu agitur, vetat illa temporum circumscriptio, quæ tum in historia Iudicium exstat, tum in principio sexti capitis 1. Regum. Ac illam quidem circumscriptionem temporum ad antecedentia pertinere, doctissimi quidam viri memoria nostra putaverunt; tamquam si in Græco Lucæ contextu ita loqueretur, *καὶ μετὰ ταῦτα ὡς ἑστὶν ἑξακοσίων καὶ πεντήκοντα ἔτη*. Et si haud scio, an commodiore Græci contextus forma Hieronymus, aut quisquis vetus est Latinus interpres, olim fuit usus. Nam hæc verba videtur legisse velut eum præcedenti versu coherentia, hoc modo, *κατεκληρονομήσθη αὐτοῖς τὰ ἔτη αὐτῶν, ὡς ἑστὶν ἑξακοσίων καὶ πεντήκοντα, καὶ μετὰ ταῦτα ἰδοὺκε κρητὶς*. Alteram verò interpretationē, qua hæc circumscriptio temporum sequenti historię accensetur, attulit Arabs interpres, aut quisquis distinctiones Arabicas in translationē illius apposuit. Ego verò (ut quod sentit aperte enunciet) posteriorem interpretationem, quam bonæ fide in editione Arabica ante annos aliquot reddidi, satis probare non possum: quia etsi quodammodo ratio temporum potest coalescere, tamen non satis commode huic loco aptari potest. Nam partem antecedentis historię decidi necesse est, ut cum sequentibus iuncta possit in eam annuū summam, quam Paulus hoc loco affirmat, assurgere. Quamobrem ommissa illa Arabica interpretatione, priorem omnino statuo amplecti oportere; nempe his verbis Apostolum comprehendisse totum illud tempus, quo eę res gesta atque confecta sunt, quas tribus proximè præcedentibus versibus inde a narrationis principio, exposuit. Est autem principium illud petendum inde ab eo tempore, quo Deus Abrahamo nominatim respondit, *in Isaaco vocabitur tibi semen*. Tum enim primū Deus Ismaēlem excludens, vim & auctoritatem electionis sue reificatus est; unde

[illegible]

dem excludens, vni & auctoritate electionis sine relictibus est; un  
v. abq. vrbib: p<sup>re</sup>dictib: comput<sup>at</sup>ur t<sup>em</sup>p<sup>or</sup>e illud t<sup>em</sup>p<sup>or</sup>is exordiu  
a vocatione Abbat<sup>is</sup>, (q<sup>uod</sup> facit a n<sup>ost</sup>ro circiter 480 An<sup>ni</sup> ad  
diuisionem t<sup>em</sup>p<sup>or</sup>is fol. 4.) summy v<sup>er</sup>o h<sup>ic</sup> computat<sup>ur</sup> a  
vocatione Abbat<sup>is</sup>, / sed a nato p<sup>re</sup>dicti; et d<sup>icit</sup>ur n<sup>ost</sup>ra q<sup>uod</sup> d<sup>icit</sup>ur  
in Becht agere de spatio p<sup>re</sup>dicta, id<sup>em</sup>, d<sup>icit</sup>ur h<sup>ic</sup> p<sup>re</sup>dicti;

exorditur Paulus dicens, *Deus populi huius Israël elegit Patres nostros, &c.* Post ea igitur, quorum principium a pronuntiata electione Isaaci, Genes. 17. sumendum est, ad illud usque tempus, quo per sortitionem terra Canaan Israëlitis distributa fuit opera Josue, decurrerunt anni ferme 450. Horum autem ratio annorum sic futura est (nisi me fallit animus) expeditissima. Eleatio Isaaci & Patrum in Isaaco pronuntiata est, quum Abraham annum ageret nonagesimum nonum: sequente anno, quum Abraham centenarius esset, natus est Isaac: ab hujus nativitate ad traditionem usque Legis præcisè intercesserunt 400. anni. His si addantur 40. anni, quibus in deserto versati sunt Israëlitz: tum verò septem, ex quo Israëlitz pedem in possessionem terre Canaan posuerunt, efficiuntur anni 448. Nam annus demum septimus, ex quo Josue populum in terram Canaan introduxerat fuit sabbathicus, eoque primum distributio facta; ut libri Josue historia docet. Itaque si hoc anno trajecto ad sequentem veneris, quo *populus* five terræ cultum populus redintegavit ex Lege, præcisè cōperies annos 449. ad perfectam usque distributionem terræ & proprium usum illius supputari oportere; nempe conceptus Isaaci, unum; a nato Isaaco ad annum Legis traditæ, quadringentos; a Lege tradita ad ingressum terræ, quadraginta; & ab ingressu terræ ad absolutam distributionem & occupationem illius, octo: ex quibus omnibus assurgit numerus annorum, qui hoc verum a Paulo ponitur 450. uno minus. Quamobrem particulam *et* placuit adhibere, ut demonstraretur enunciari hanc temporis circumscriptionem ex usitata numeris ut appellatur vulgò *rotundatione*. Quod autem Dei verba adducit Paulus 22. versu; ea non ex uno aliquo certo scripturæ loco deprompta sunt (nam Paulus partem suæ narrationis, certam & indubitatam apud Judæos, de industria percurrit paucis) sed ex variis scripturæ locis ad idem argumentum pertinentibus in unum comporavit. Secunda narrationis pars tota ex Evangelica historia constat. Cum autem duo præcipua illius membra sint; Unum, de Christo exhibitio; alterum, de excitato ex mortuis, in quibus duobus membris versatur maximè historia salutis nostræ: propterea utriusque membri confirmationem adhibuit Paulus, prout evidentissimè distinxit 32. & 34. vers. Nam versu quidem 32. Paulus simpliciter de Deo in carne patefacto his verbis utitur; *Nos quoque vobis evangelizamus eam promissionem quæ Patribus facta est, Deum explevisse filius illorum, quum excitavit nobis Jesum, &c.* In versu autem 34. ut alterum caput narrationis à se institui ostenderet, rem disertis verbis exposuit *discrepantibus*, *Quid autem excitaverit eum ex mortuis, nec amplius reversurum, &c.* Quæ antithesis commonstrat evidentissimè priorem quidem confirmationis locum ad excitationem, id est, exhibitionem Christi pertinere; posteriorem verò, ad *hypotesin* & excitationem a mortuis, quam resurrectionem dicimus. Atque in eam sententiam verbum *excitavit* non raro accipi, cum verbi ipsius etymon arguit, cum etiam persimilium locorum comparatio, ut Act. 2. 30. & 3. 26. & alibi. Ergo (ut de singulis confirmationis membris ordine dicamus) prius, quod est de exhibitione Christi, uno Davidis loco; posterius, de resurrectione, duobus, puta Esaiæ atq; Davidis, confirmatur. Qui locus ad exhibitionis confirmationem ponitur, is ex Ps. 2. desumptus est; ut ipse Paulus disertè exprimit, quum ait, *ut etiam in Psalmo secundo scriptum est, filius meus es tu, Ego hodie genui te, Quæ verba etsi alii aliter interpretantur; nos tamen propriè & germano sensu hinc a Paulo accipi certa fide*

12. ex pl. 89. 21.  
 & ex 1. Sa. 13. 14. 26.  
 27. per act. 1. Sa. 16. 17.  
 minus rest.

pl. 2.

Heb. 1. 5.

fide credimus, & argumentis ostendemus. Primum enim quis Paulum, in synagoga apud Judæos dicentem, facile crediturus est locos non modo controverios, verum etiam accommodatu difficiles attulisse confirmationis loco? Hæc verò confirmatio Judæos potius in errore fuisset confirmatura, quam perfidiam ipsorum infirmatura, & animos ad fidem perducitura: nisi jam eo tempore apud omnes, etiam Judæos, confitisset, cum Psalmum propriè ad Messiam pertinere. Præterea Psalmi ipsius argumentum (quemadmodum supra Parall. 91. ostendimus) proclamat cum non aliò detorqueri posse; sed planè totam illam Propheticam narrationem ad Christum pertinere: quod ne ipsi quidem Judæi, superati vi veritatis, ausi sunt pernegare. Nam quora pars illius, obsecro, Davidi potest competere? Contrà verò, quæ vox ullius vel alicui proferri potest, quæ suum in Christo non habeat complementum? Postremo (ad hæc ipsa verba veniamus) quis homo pius, si penitius rem introspekerit, statuet hæc verba de Davide dici, *Filius meus es tu*; quæ ne ulli quidem Angelorum unquam fuisse dicta Apostolus ad Hebræos docet? Cujus quidem argumentum planè oportet corrumpere, nisi vincatur atque obrineat hæc interpretatio. Quænam ergo hæc sit interpretatio, videamus. Postquam narravit Propheta insanum consilium inimicorum Christi, & decretum Dei potentissimum; Christum demum, velut sermonem æternum Patris & *ὑποκρίτω*, introducit, narrantem illud decretum Dei Patris sui; quo decreto persona Christi instituitur, & Prophetæ officium fungens seipsum exhibet, versu 7. Tum officium Sacerdotis & Regis exponitur versu 8. & 9. quemadmodum (si Deus dederit) luculentissimè in Epistolæ ad Hebræos caput 5. declarabimus. De se autem, sive de persona (ut loquuntur) sua, Christus duo ordine enunciat fuisse a Patre pronunciata: Unum, de generatione æterna, qua filius Dei est, æternum a Patre genitus, & *ἁγίος* vel coessentialis Patri: alterum de paterfatione vel exhibitione facta in tempore, & transmissione illius quem Pater gignit ante omnia tempora. Prius, de æterna generatione enunciatur his verbis, *Filius meus es tu*; Posterius, de missione in hunc mundum, *Ego hodie genui te*. Ac prius quidem accipi de æterna generatine oportere, ipse David demonstrat sequentibus; quum regibus, principibusque imperat, ut Jehovah sibi exhibitum colant cum reverentia, & cum tremore exsultent; ut osculentur Filium, &c. maximè autem quum sermonem suum concludit sanctissimo illo Epiphonemate, *Beati omnes qui se recipiunt ad eum*. Nam si Jehova est; si colendus cum reverentia; si osculandus; si pertimescendum ab ira illius, quum primùm exarserit etiam momento atque levissimè tamquam ab eo qui est ignis consumens: si denique fide nos oportet ad eum recipere, ut beati simus: omnino Christum Deum esse & coessentialem Patri necesse est; non in tempore, sed ante omnia tempora genitum æterni Patris æternum Filium; unum cum Patre essentiâ, unum virtute, unumque operatione. Nam (ut optimè ex istis locis arguebant Orthodoxi Patres) quorum omnino effecta sunt eadem, naturam esse eandem necesse est. Hic autem quis non videat eadem huic Filio effecta tribui, quæ etiam Patri, constante omnium etiam Judæorum confessione, tribuuntur? Quamobrem optimè illius præstantiam, majestatemque supra omnia omnibus modis evehi ex hoc loco affirmat Apostolus, facta cum Angelis comparatione; quum sit, *Tanto præstantiorem factum Angelis, quanto excellens præ illis fortius*

Heb. 1. 4.



*est nomen. Nam cui dixit unquam Angelorum, Filius meus es tu, &c. Posterius verò, quod de exhibitione Christi accipi diximus oportere ex præcedentis propositionis similitudine quadam profectum est. Sic enim Deus Opt. Max. & sapientissimus ordinem suæ οικονοµίας ad creaturas suas & operationum suarum instituit re ipsa, & nobis exposuit verbo, ut quam rationem ab æterno personæ Deitatis inter se habent, eidem rationi œconomia in operibus externis conformetur. Nam quemadmodum Pater filium ab æterno gignit: sic etiam eundem mittit ut Pater. Et quemadmodum Spiritus sanctus æternùm à Patre & Filio procedit; sic etiam in tempore à Patre filiòque mittitur, & à Patre ipso Filiòque inspirat & sanctificat corpus & membra singula, id est, Ecclesiam ejus. Posita igitur æterna illa & ineffabili generatione Filii, commodè à Propheta verbis ipsius Christi hæc altera subjicitur, quæ in tempore facta est; nempe quòd Deus Pater Filium suum primogenitum in tempore miserit ad liberationem & salutem Ecclesiæ suæ. Ac illud quidem verum est, Deum Patrem, qui author solus est mittendi & exhibendi Filii, eundem secundæ hujus & temporariæ genituræ authorem esse; etsi non satis commodè Pater Jesu Christi respectu incarnationis appellari potest; cum eadem ratione Spiritum sanctum, ex quo conceptus est, secundum carnem Patrem Jesu Christi oporteret appellari. Sed omnino tutius illud est, si quando propter incarnationem prædicatur de Patre (ut ita loquamur) paternitas respectu Filii; & vicissim de Filio, ad Patrem relatione facta, filiatio; has appellationes referri ad totam exhibitionem auctore Patre factam, & manifestationem filii Dei in carne; puta secundum illam regulam, qua Orthodoxi Patres plurimùm usi sunt in hoc argumento, Res tùm demum dicuntur fieri interdum, quum incipiunt manifestari. Hanc verò Pauli Apostoli fuisse in hoc loco mentem; tum narrationis argumento, tum etiam repetitione, quam ad confirmationem adhibuit, ostenditur. Etenim in narratione his verbis usus est versu 23: *Hujus de semine Deus secundum promissionem excitavit Israël Servatorem Jesum.* In confirmatione verò ita repetit illam narrationis institutæ partem. *Et nos vobis euangelizamus eam promissionem quæ Patribus facta est, Deum explevisse filium illorum, quum nobis excitavit Jesum, ut etiam in Psalmo secundo scriptum est, &c.* Itaque filium Pater gignere dicitur ab æterno *χρὶ φύσιν* (si φύσις, id est, natura in hoc mysterio dici potest) vel potius *χωρὶ ἀλήθειαν*: in tempore verò genuisse dicitur *χρὶ παρθενομ.* Quam quidem *παρθενομ* luculenter à Spiritu Sancto fuisse demonstratam arbitror apud Prophetam Hebræo illo gignendi verbo, quod sceminæ potius, quæ in lucem edit, quàm viro gignenti tribuitur. Non sum nescius hunc Prophetæ locum ab aliis aliter explicari; quia hi divinum solum illum æternæ generationis modum, ut plerique Patres; alii, temporariæ generationis; alii utrumque his duobus membris, quibus Propheta utitur, narrari putant. Sed unicum solum si intelligas, non est satis ad justam fidei analogiam: sin autem utrumque, plus controversiæ & obscuritatis habitura est interpretatio, & verba non sunt παντολογία quadam caritura. Quamobrem prius membrum convenienter Scripturæ de æterna illa generatione malo accipere, fretus autoritate Apostoli ad Heb. 1. Posterius, de illa temporaria, qua factus est ex muliere, factus sub Lege in temporum plenitudine, quum Deus explevit promissionem Patribus olim factam, ut hoc in loco Paulus interpretatus est. Hic verò incidit una questio: quæ*

qui factum sit, ut Psalmus ille, qui secundus est ordine, in veteribus plerisque primus appelleretur; quemadmodum ex Hieronymo, Hilario, & Augustino Erasmus adduxit testimonia, & in Oecumenio ditterè legitur. Hic duplex solutio affertur. Una, quòd is qui primus Psalmus à nobis dicitur, non fuerit pro Psalmo habitus, sed pro communi quadam præfatione libri: Altera, quòd a plerisque cum secundo fuerit adunatus, & duo conjunctim pro uno habiti: Quam sententiam fuisse pervertem Judæorum superstitiosa observatione quadam ex ipsorum libris didicimus. Hi enim ubicumque finem aliquem *διόσφωμον* atque inauspicatum (ut vocant) in extremis libris aut Psalmis animadverterunt, soliti sunt eos libros aut etiam Psalmos cum sequentibus conjungere; aut, si qua connexio non offerretur commodè, ex eodem libro aliquid repetere, ut postrema clausula esset gratiosior. Alteram præterea causam adjecerunt, quòd Psalmus qui nobis secundus dicitur *κωνσταντίνος* terminatur sermè ab ea voce, unde primus initium ducit. Quapropter eum Judæorum ipsorum judicio jam receptum esset, ut duo illi Psalmi in unum coalescerent, & illi revera summam doctrinam divine complectantur, Legis & Evangelii (Nam legalia præcepta & promissiones primo, Evangelica autem veritas & promissiones ejus credentibus factæ secundo explicantur) mihi non videtur alienum, si Paulus apud Judæos agens primum potius quàm secundum Psalmum appellaverit: tum quia jam usus ejusmodi receptus erat, tum quia fidei non adversabatur; quam fidem impedivisset ac non adjuvisset, si intempestivam ac non necessariam quæstionem eo tempore inter Judæos commovisset: vide in Parallelum 60. annotata. Sequitur jam alterius membri confirmatio, prolata duorum Veteris Test. locorum autoritate. Prior locus ex Esai. 55. petitus est, ubi Lucas planè sequutus est Septuaginta Interpretationem, quemadmodum etiam hoc nostro tempore in Græcis Bibliis legitur. Ac Esaiæ quidem verba aliter sonare videntur, quàm illi reddiderint; sed facillima est verborum ejus cum interpretatione hac concessio. Qui mediocriter versati sunt in Testamenti veteris lectione, non ignorant nomen *Charid* apud Hebræos modò activa significatione, modò passiva accipi. Nam hic benignum significat, illic benignè & gratiosè acceptum; pro natura locorum in quibus legitur, & fidei analogia. Quam rem Græci interpretes quum utcumque enunciare cuperent unica & perpetua voce, reddiderunt *δοσω*; ut metaleptice virum significarent & benignè acceptum à Domino, ut qui sanctificatus esset, & benignè quoque agentem, ut qui in sanctificatione incederet. Eadem planè ratio tenenda est in conjugatæ vocis *Chesed* explanatione. Nam ea, prout loci postulant in quibus legitur, modò activè benignitatem & beneficentiam denotat, qua homo benefacit, modò passivè beneficium quo homini beneficit à Deo. Cum autem in hoc quidem loco benignitatis nomen passivè accipi oporteat, pro divina illa beneficentia, qua homines credentes in Christum afficiuntur: optimè, judicio meo, Græci Interpretes, quamvis metaleptice, exposuerunt hac loquutione Dei mentem per Prophetam dicentis, *Dabo vobis benignitates Davidis constantissimas*: quum ita loquuti sunt, *δοσω υμῖν τὰ δόξα Δαυὶδ τὰ μέγα*. Sensus enim est, quicquid beneficii jam olim Davidi promisit Deus, & prænunciavit se in Ecclesiam effusurum esse ad sanctificationem illius, id totum in hoc tempore fuisse perfecturum. Hic verò incidit quæstio, quo modo hic locus ad confirmandam resurrectionem

rectionem Christi pertinere possit, & quidem resurrectionem ejusmodi, quam semel consequutus Christus numquam sit moriturus, neque mors in eum dominatura. Responsio est, Duo sunt capita, quæ de resurrectione Christi a Paulo prædicantur: Unum, quod Deus Pater filium suum a mortuis excitaturus sit; Alterum, quod in æternum ubi resurrexerit, sit vindicaturus a corruptione, id est, effecturus ut constantissima sit & invicta illius resurrectio. Utrumque autem his duobus locis aperte ostenditur: etsi prior, qui Esaiæ est, per posteriorem explicatur; quia in priore facta est benignitatum Davidis mentio, quas Deus Davidi per Spiritum; & David Ecclesiæ prædixerat. Rem ita habere in hoc Esaiæ loco, antecedentia omnia demonstrant evidentissimè, inde a cap. 49. illius Prophetiæ. Nam postquam in eo capite paternum suum studium amorémque infinitum erga Ecclesiam exposuit, & indignitate illius demonstrata amplificavit misericordiam suam in Christo, sequentibus; tandem sub finem capitis 52. transit ad narrationem propheticam historiæ Christi de perpeffionibus, morte, & resurrectione illius, cap. 53. Deinde verò excitato Christo ex mortuis, Ecclesiam excitat promissionibus, & sermone Evangelii, cap. 54. Ac postremò Christum ex mortuis excitatum, velut sedata ira sua, mittit in possessionem Ecclesiæ suæ, adjiciens magnificam hanc promissionem, Dabo vobis beneficia, quæ Davidi & per Davidem jam olim pronuntiavi; eaq; vestri juris ita effecturus sum, ut numquam eripi vobis possint, aut ullus vestrum perire umquam de manu redemptoris vestri. Si resurrectionem dumtaxat Christi semel factam notare Paulus voluisset, proculdubio locum ex 53. cap. Esaiæ fuisset producturus. Sed quum omnia adjuncta & effecta illius, quæ tam multis Prophetæ enarravit, visum fuerit paucis ostendere, maximè quum apud Judæos non inscios prophetiarum ageret: non poterat commodior locus ad resurrectionem & constantiam resurrectionis afferri, quàm hic est: cum ad antecedentia omnia piorum mentes revocet, & singula quæ dici in questione hac poterunt duabus oculis complectatur, *Benignitatis & fidei sive constantiæ*, Quæ duæ res potentissimè explicant hoc confirmationis caput. Commodè verò huic probationi conjungitur altera ex Davide, ut consensus Esaiæ cum priscis illis promissionibus ampliùs ostendatur, ad piorum, qui in Christum credunt, confirmationem. Sed quia de toto illius loci constitutione & accommodatione suprà in 2. cap. Parall. 88. diximus quod satis visum est, & ipse Apostolus duobus sequentibus versibus demonstrat sententiam suam, suæque demonstrationis Judæos ipsos appellat testes: ad alia properabimus.

Conclusio totius sanctissimæ hujus concionis Judæos ad fidem & resipiscenciam provocat, primùm ab utilitate bonorum, quæ fides in Christo perceptura est; deinde verò a necessitate effugiendi gravissimas & periculosissimas illas interminationes quas Deus olim prophetarum suorum ministerio præsignificaverat, imprimis autem in contumacem Judæorum gentem pronuntiaverat. De multis autem unus affertur interminationum locus, ex primo cap. Habakuk. Etsi autem præcisè hoc tempus Prophetæ eo in loco minimè designavit, sed in Judæorum contumaciam, qui tum vivebant, intonavit gravissimè, propositis severissimis Dei interminationibus: quum tamen certa sit & constantissima justitiæ divinæ regula, prout copiosè in Matth. Parall. 6. ostendimus, indubitata est certissimæque hujus loci accommodatio; præsertim

explicat loci Esay. 55



serim cum hic locus non solus adducatur (quamvis hic exprimat<sup>ur</sup> solus) sed cum aliis eodem pertinentibus, qui tacite à Paulo innuuntur, quum dicit, *Videte ne vos invadat quod dictum est in Prophetis*; deinde verò illius dicti exponendi causâ hunc unum, tamquam ad exemplum afferat. Sed, quid si conjungi duos Scripturæ locos aut etiam plures ostendamus? certè ex Habakuc quidem pleraque omnia petita sunt: illud tamen quod contemptores nominatim vocat, non est ab illo; sed magis ad Esaia Propheciam videtur pertinere, qui eodem planè argumento contemptores sive irrisores compellat cap. 58. 14. Est igitur hoc argumentum non solum ab exemplo uno, sed ab inductione complurium exemplorum vehementissimum. Inductione autem imò verò à natura Dei iustissima & constantissima, quæ nunquam sivit contemptores verbi sui impune abire, nec umquam permittitura est. In verbis, si illud exceperis, quod Paulus contemptores vocat, summa est inter hanc & veteris Testamenti locum, certâque convenientia.

## PARALLELUS XCVI.

Esa. 49.

6 Constitui te in lucem gentium,  
ut sis salus mea ad extremum usque  
terra.

Act. 13.

47 Constitui te in lucem gentium,  
ut sis saluti ad extremum usque  
terre.

**F**Inis horum locorum communis est, ut contumacia Judæorum in doctrinam Evangelii exprobetur, & vocatione Gentium ad zelytypiam sanctam provocentur qui signati sunt ad vitam æternam. Summa est, Etsi lucem doctrinæ Evangelicæ & salutem quibusdam veluti cancellis Dominus antè circumcluserat: tamen illustriorem Dei gratiam affulgere, ex quo Christus Deus patefactus est in carne, qui & face Evangelii omnibus Gentibus præluxit sine discrimine, & credentes omnes ex gente qualibet vocavit ad salutis participationem. Id tamen fortasse imperitiores putaverint arrogantius fuisse a Paulo dictum, quod Deus nominatim de Jesu Christo apud Esaiam videtur pronuntiavisse. Sed toram hanc dubitationem eximit ille ipse Esaia locus, unde hæc verba desumpta sunt. Nam etsi illa de persona Christi dicta sunt; tamen non simpliciter de eo, quâ persona est; sed quâ Propheta est & Apostolus confessionis nostræ, interpretari necesse est. Rem ita se habere demonstrat series, qua Propheta in universa illa narratione utitur. Christus enim principio capitis omnes gentes promiscuè ad percipiendum Evangelium vocat, tum sua ipsius, tum etiam ministrorum operâ: de quibus disertè in versu primo hoc modo loquitur: *Jehova & visceribus matris constituit memoriam nominis mei*. Sed ubi vocationem suam Judæis testatam fecit; Judæi fremere, & officium illius contumacissimè oppugnare. Quamobrem ex postulanti Filio non suo solum; sed etiam ministrorum suorum nomine, vers. 4. responderet Pater in vers. 5. & 6. eâq; verba adhibet quæ adduxit Paulus ut in Parallelo diagrammate posuimus. Est igitur evidens hujus loci convenientia, & necessaria accommodatio ad ministerium sanctum Evangelii. Atque hæc Pauli argumentatio: Ministerium verbi & salutis Deus Pater commendavit Christo; Christus autem commendavit nobis a Patre: Aequum igitur

Igitur est, ut leges ministerii quod Pater illi mandavit, & ille nobis ob-  
servemus. Hæc autem est Lex ministerii illius Evangelioi apud Esaiam  
tradita. Ergo postquam repellitis illum, inquit Paulus, & Judæi, & indig-  
nos vos ipsos decernitis æterna vita, ecce pro eo mandato quod acce-  
pimus, ad Gentes convertimur. Itaque nihil assumit sibi Paulus, aut col-  
legis suis se cum atrogat, quod solius sit personæ Christi & sit incommu-  
nicabile; Sed in eo solum, quod Christus communicarum cum servis  
suis, Apostolis, & ministris voluit, ostendit se religiosissime communio-  
nem velle colere & se in ea occupare, fretum promissione Christi, *Qui*  
*vos accipis, me accipis; qui autem vos rejicit, non rejicit me, sed Patrem qui*  
*misi me.* Quapropter etiam alibi agnoscit sibi necessitatem Evangelizi-  
candi esse impositam; gravemque sententiam in sese pronunciat, di-  
cens, *Va mihi, nisi Evangelizavero.*

1. Cor. 9.

## PARALLELUS XCVII.

Amos 9.

Ab. 15.

11 Tempora illa erigam taberna-  
culum Davidis, quod decidit, & sepi-  
am rupturas earum, ac demolitiones  
eius instaurabo, & reedificabo illud  
sicut olim, &c.

16 Post hæc revertar & instau-  
rabo tabernaculum Davidis quod  
decidit, & dirutas partes ejus in-  
staurabo, ac rursus erigam illud:

17 Ut exquirant reliqui homi-  
nes Dominum, & omnes gentes  
super quas invocatum est nomen  
meum; Dicit Dominus qui facit  
hæc omnia.

**E**tsi sanctissima illa Pauli concio, qua Lystris in Lycaonia usus est, sum-  
mam habet cum plurimis scripturæ locis convenientiam: cum  
tamen Paulus cum gentibus, non autem cum Judæis, sermonem  
illum habuerit; ac proinde certis naturæ principiis & rationibus apo-  
dicticis potius quàm authoritate Scripturæ gentes ad veri Dei cogni-  
tionem revocaverit: non putamus eum in tota oratione illa unum ali-  
quem Scripturæ locum adduxisse, ac propterea non esse instituendam  
illam parallelam comparisonem. Ut igitur ad Jacobi verba cap. 15.  
veniamus, non est obscura mens Apostoli ex antecedente versu. Osten-  
dit enim se non ad unicum sacræ Scripturæ ex Prophetis locum respi-  
cere; sed ex omnibus locis ad instaurationem Ecclesiæ per Christum &  
patefactionem Evangelii pertinentibus summam quamdam hoc loco  
produxisse, ut ostenderet hoc demum illud tempus esse, quo Deus po-  
pulum sanctum nomini suo ex gentibus cooptavit. Ac verum quidem  
illud est, illum Prophetæ locum, qui vulgò cum hoc Jacobi comparari  
solet, eo in numero habendum esse. Verum, cum aliæ circumscriptio-  
nes non pauca in hunc locum a Jacobo accumulata sint, & ipse hos  
Prophetarum sermones esse dicat; generalem potius quàm particula-  
rem promissionem Evangelicarum, quas Prophetæ vaticinati sunt, de-  
scriptionem judicio his verbis contineri. Quoniam autem infiniti ope-  
ris esset locus adducere de hoc argumento a Prophetis dictos, aut a  
Jacobो perstrictos, ab eo supersedebimus: alioqui certissimum est &  
luculentissimum hujus accommodationis argumentum. Sequitur pau-  
lo post locus non parum ab interpretibus controversus, in quo non ad-

Ab. 14 &amp; 15.

K

ducitur

ducitur quidem Testamenti veteris auctoritas, sed tamen non est dubium, quin fontes hujus documenti sint ex Vetere Testamento, prout Jacobus ipse demonstrat versu 21. dicens: *Moses enim ab aetatibus antiquis in singulis civitatibus habet, qui ipsum producent, quum in synagoga per singula sabbatha legatur.* Quæstio igitur est hujusmodi: Ceremoniæ Moysis (ut loquitur Petrus) fuerunt tamquam jugum impositum & cervici discipulorum, quod nec Patres ipsorum, nec ipsi portare potuerunt: Quapropter censebant Apostoli non esse per illas obturbandos ex gentibus qui ad Deum convertuntur, vers. 10. & 19. Supra autem sequentia interdicta; maxime verò de suffocato & sanguine profecta ex Lege Moysis. Quomodo ergo hæc ceremonia de integro fuit ab Apostolis confirmata? Solutio est hæc: Tria sunt capita, quibus interdicti oportere hic censet Jacobus; pollutiones idolorum, scortatio, & sanguis. Ex his duo sunt necessaria, cum natura, tum Dei ipsius Lege: nempe ut ab idolis, idololatria, rebusque omnibus ad eam pertinentibus abstinetur, ex prioris legis tabula; & ut vitetur scortatio, ex secunda Legis tabula. Quibus verbis synecdochicè quidem utriusque tabulæ & Legis totius mandatur observatio; sed tamen propterea hæc duo exempla sive genera *εἰρημίας* a Jacobo adducta sunt, quia apud gentes in usu erant plurimum, & parvi ducebantur. Tertium verò caput, quod illi a suffocato & sanguine per illud tempus abstinere voluerunt; non fuit eo imperatum, quod esse necessarium ex Lege videretur (hoc enim futurum fuisset jugum, & fideles ex gentibus obturbavisset) sed propter aliorum conscientiam, quæ hoc facto per illud tempus, quo in fide Christi nondum planè instituta & confirmata erat, offensa fuisset facillimè. Nam in hoc argumento omnia quidem licent; sed non omnia expediunt, neque ædificant. Atque hoc fuisse Jacobi consilium ostendit sequens ætiologia, *Moses enim ab aetatibus antiquis, &c.* quasi dicat, In remedia sive adiaphora, rationem eorum, qui adhuc hærebant Moysi, haberi oportere; neque committendum, ut cibi causa destruat vel minimè eorum pro quibus Christus mortuus est, Atque hæc quidem sanctissima fuit Jacobi sententia, qui pauculis verbis totam externæ Christianorum vitæ rationem informatam voluit. Sed tamen videntur Apostoli comparatis inter se omnium sententiis in sua illa Epistola quæ postea subjicitur inde a versu 13. de industria aliquid sustulisse, ex iis rebus, quas Jacobus adduxerat; non quod omnia dicta illius sancta non fuerint, & per se necessaria ad rectè instituendam vitam nostram; sed quia præstare judicaverunt, ut consisterent in quæstione proposita, & non evagarentur latius. Itaque non negaverunt illi quidem, omnem *εἰρημίας* in primam & secundam Legis tabulam caveri oportere; sed in hac causa id satis futurum esse putaverunt, si monerent gentes, ut cum ab offensa in rebus indifferentibus contrahenda, tum a scortatione, quæ plus satis tempore illo obtinebat, sibi caverent religiosissimè. Idcircoque scripserunt in hunc modum sub finem suæ Epistolæ: *ut abstineatis ab idolophtis, & sanguine, & suffocato, & scortatione.* Qua ratione scandalum, quod Judæis præberi poterat, optimè præcaverunt, & credentes ex gentibus officii sui quàm lenissimè monuerunt, quemadmodum ab illis dem postea repetitur Act. 21. 25.

De sanctissima illa concione Athenis habita, cujus summam consignavit Lucas Act. 17. judicium perinde facimus, ut in principio hujus Paralleli de altera Lystris pronunciata fecimus.



## PARALLELUS XCVIII.

Exod. 22.

28 Principi in populo tuo non maledices.

Act. 23.

5 Principi populi tui non maledices.

**Q**uia de fine summæque illius Legis inter omnes convenit: non sumus futuri hoc loco laboriosi in afferenda ejus enarratione. Finem esse constat juris, æquitatis, honestatis, & ordinis conservationem: Summam verò, neminem istarum rerum custodem & vindicem a Deo institutum, per importunam hominum audaciam, vel unica voce, lædendum esse. Hic unum queritur, de quo jam olim fuit apud Orthodoxos Patres controversia. Nam hæc verba alii ironicè a Paulo fuisse pronunciata putant: alii verò defensionem hanc seriò ab ipso fuisse habitam. Non sum nescius, quæ causæ eos moveant, qui defensionem hanc ironicè pronunciatam putant. Mihi verò perplacet illa Cypriani sententia, Paulum seriò & summa gravitate hanc defensionem adhibuisse, ut totius confessus ætæ redargueret, & acceptam ab illo injuriam. Nam etsi non videtur judicio multorum verisimile, quòd Paulus sacerdotem summum ex ordine confessus, honore, veste, & si qua sunt ejusmodi, non potuerit ab aliis dignoscere: hæc tamen ratio apud me non est tanti, ut Paulum ironicè loquutum existimem. Ordinem in hoc confesso aliquem existisse non puto, quia aderat Tribunus, cujus authoritati deserebantur omnia. Ad eum, & mandato ejus confessus fuerat convocatus, Act. 22. 30. & quidem tumultuariè convocatus, ac tumultuariè administrans omnia; prout hoc Anania factio & seditione paulo post excitata confirmatur evidentissimè. Honorem, etsi habitum fuisse sacerdoti summo a reliquo confesso, vel potius circumstante turba facile credimus: id tamen antè fuisse factum (ut moris est) judicamus, quàm eò Paulus intromitteretur. Deinde stantes videntur potius & plano (ut loquuntur) pede quàm sedentes ordine concilium habuisse. Vestem verò diversam quidem ab aliis jubebatur habere sacerdos summus, quo tempore Dei domum erat initurus: extra illud tempus non memini quicquam observari. Neque verò temporibus ita perturbatis, quum sacerdotes ipsi tanta contentione in Paulum exarsissent, & repente illius causa a tribuno militum vocarentur, credibile est magnoperè de rebus istis laboravisse; modò cruentum summum explere possent; prout tota sequente historia confirmatur. Quæ cum ita sint, omnino judico hæc seriò & graviter a Paulo fuisse dicta; ut qui Ananiam Pontificem esse maximum nesciverit, longo intervallo Jerosolyma recens advenerit. & inde a tempore adventus sui non admodum fuerit sollicitus, quis Jerosolymis summus sacerdos esset. Ac proinde iustissima est illius defensio: cum ne ipsi quidem Judæi in suo loco confesso ita res suas instituerint, ut novus advena sacerdotem summum internoscere posset; illud juris & æquitatis esse, ut in hac sua defensione, quamvis graviore ac vehementiore, excusaretur id enim ab ipso imprudente factum.

Locus Esaiæ 6. quem Paulus Act. 18. 26. adduxit, antè explicatus est in Matthæum Parallelo 35.

# SACRORVM

## PARALLELORVM

### LIBER SECUNDUS.

#### PARALLELUS I.

Habak. 3.

4 *Justus ex fide sua vivet.*

Rom. 1.

17 *Justitia enim Dei quæ est ex fide, revelatur Evangelio in fide; sicut scriptum est, Justus ex fide vivet.*

**V**Triusque loci summa communis est, idemque finis; si hoc exceperis, quod Paulus auctoritatem Prophetæ adhibet ad sui antecedentis dicti confirmationem. Finis est, ut electi & pii omnes certò & constanter teneant, quæ in re debeant conquiescere in mediis procellis & tempestatibus & unde vivere in ipsis mortis angustiiis securè possint. Summa verò est, neminem vivere in summis angustiiis & ipsa morte posse, nisi qui justus sit; & neminem justum, nisi ex fide dici posse. Atque hanc Prophetæ Habakuc mentem & sententiam esse, adeò evidenter demonstrat totius Prophetiæ argumentum, ut nihil opus sit pluribus de eo disceptare. Nam etsi proximè futuram post tempora ipsius calamitatem per Chaldaeos attingit plurimum; cum tamen ex eo tempore perpetuus quasi cursus calamitatum exstiterit, quibus præca Ecclesia diverxata est usque ad adventum Christi; etiàmque his ultimis temporibus pios omnes per afflictiones plurimas oporteat ad regnum celorum contendere: non est dubium, quin Prophetæ constantem & perpetuum descriperit vitæ & justitiæ modum, quem omnes fideles a Deo consequuntur. Deinde, ut illud mittamus, doctrina illius loci est ætiologica; ac propterea constans & immota haberi debet, prout ætiologiarum constantem & perpetuam esse Legem sæpè ostendimus. Optimè igitur hunc locum adduxit Apostolus, ut sermonem suum institutum de Evangelio confirmaret. Sic enim argumentatur. Quæ doctrina justitiæ Dei ex fide retegitur in fidem, id est, in obedientiam fidei, (ut paulo antè idem loquutus est) ea doctrina salutaris est, sive ad salutem omni credenti: Hæc autem doctrina est Evangelium: Ergò Evangelium est ad salutem & vitam. Quòd si est, optimo sanè jure non pudebit me Evangelii Christi. Priorem illam propositionem, quam hostes Evangelii forè in dubium fuissent vocaturi, probat ab auctoritate. Nam, inquit, scriptum est, Justus ex fide, id est, quisquis per fidem amplectitur justitiam Dei quæ est ex fide; is vivet, id est, salutem & vitam æternam consequuturus est. Certa est igitur & sancta hujus loci accommodatio, quam ne ipsi quidem Judæi possunt convellere. Sed mutatio forè, qua utimur in modo interpretationis, nonnullos traductura est in admirationem,

onem; quia altera in vulgus recepta est interpretatio, in hunc modum, *Iustus vivet ex fide*, id est, in fide & per fidem vitam obtinebit. Sed etsi hoc verum est, iustum dum hic vivit ex fide vivere: duo tamen sunt, quæ me pertrahunt in alteram illam interpretationem. Unum est, ipsa argumenti ratio, quæ certè facilius longè atque illustrior est, si hoc modo, quàm illo acceperis. Alterum est, Hebræi contextus distinctio, quam ego quidem parvi facere non possum. Eam autem si sequimur, omnino ita legendum est ὁ δίκαιος ἐν πίστει ζήσεται; non autem, ut vulgo legitur, ὁ δίκαιος ἐν πίστει ζήσεται. Præcedentia autem Pauli verba ad eandem quoque interpretationem ut ostenderemus pertinere, in Parallelo nostro diagrammate explicavimus; quia hoc modo apparet evidentiùs argumenti, quo Paulus utitur, consequentia, ut paulo antè exposuimus.

## PARALLELUS II.

Ezech. 36.

23 Sanctificabo nomen meum maximum quod profanatur in gentibus, quia profanatum in medio illarum.

Rom. 2.

24 Nam Dei nomen propter vos blasphematur inter gentes, sicut scriptum est.

**H**I duo loci tantam habent inter se convenientiam, ut explicatione opus habere minimè videantur. Loquutus est Ezechiel de regno Christi in plenitudine temporum adventuro, de Judæorum impietate nomen Dei gloriosissimum profanantium indignissimè, & de scandalo seu offensiorè Gentium. Quæ duo illis temporibus, quibus advenit Christus, tam apud Judæos abundarunt, quàm quæ maximè. Erant autem Judæi procul dubio hanc suam impietatem negaturi, quamvis apud gentes omnes exploratissimam. Optimè igitur hoc loco Paulus confirmat ab autoritate Scripturæ institutam reprehensionem illorum; ut Romanos, & credentes omnes ex Gentibus, de veritate argumenti sui confirmaret. Quamquam non dubito, quin plures in eam sententiam fuisset adhibiturus Scripturæ locos, si cum Judæis habita fuisset disputatio.

## PARALLELUS III.

Psal. 51.

6 Ut justificeris in sermonibus tuis, & purus sis, quando tu iudicas.

Rom. 3.

4 Ut justificeris in sermonibus tuis, & vincas quando tu iudicas.

**H**ic quoque locus omni obscuritate vacat. Psalter ex sua ipsius hypothesi erumpens in confessionem peccati sui, eruit thesaurum hanc sanctissimè & appositissimè; ex peccatorum confessione (cujus nunquam pios credentes puduit) semper exsistere amplissimum gloriæ divinæ argumentum; quia illustratur maximoperè iustitia & puritas illius ex peccati nostri comparatione & confessione voluntaria. Hic autem Apostolus eundem locum Prophetæ adhibens ad dicti sui confirmationem, tacitè utitur comparatione minoris, in hunc modum: Quòd si credentes dum peccata sua confitentur Domino, profitentur iustitiam & puritatem illius; eamque supra res omnes creatas asserunt; quanto magis, obsecro, veritas, iustitia, & invicta Dei puritas illustratur,



illustratur, si cum incredulorum mendacio & impierate compareretur. Quinimò incredulitas illorum ad asserendam Dei iustitiam & veritatem facit, quia Deus non tantum iustus est apud eos qui consentiunt peccata sua; verumetiam apud incredulos vincit, & omnibus modis vindicat iustitiam suam. Atque hæc causa est, cur Apostolus pro eo quod dixerat David, *ut sis purus*, substituit verbum vehementius, *ut vincas*. Qua ratione voluit ostendere semper puritatem Dei, quamvis oppugnantibus incredulis, virtute sua obtinere. Hæc ergo mutatio non evertit veritatem dicti, sed sine injuria loci Davidici hanc hypothefin & argumentationem vehementiorem illustriorémque efficit.

## PARALLELUS IIII.

Psal. 14.

1 Non est, qui faciat bonum.

2 Jehova a cælis prospectat super filios hominum, ut videat an sit intel- ligens, requirens Deum.

3 Unusquisque recessit, pariter pu- tidi facti sunt, non est qui faciat bo- num, non est vel unus.

Psal. 5.

10 Sepulcrum apertum est guttur eorum, lingua sua dolore blandiuntur.

Psal. 140.

4 Venenū Pyados subest labiis eorū.

Psal. 10.

7 Exsecratione os ejus plenum est, fraudibusque, &amp; dolo.

Esa. 59.

7 Pedibus suis ad malum concur- runt, &amp; festinantes sunt ad funden- dum sanguinem innoxium: cogita- tiones eorum sunt cogitationes ini- que: vanitas &amp; contritio in aggestis illorum itineribus est.

8 Viam pacis non agnoverunt.

Psal. 36.

2 Coram oculis illius non est pavor Dei.

Rom. 3.

10 Non est iustus, ne unus qui- dem:

11 Non est qui intelligat, non est qui exquirat Deum:

12 Omnes deflexerunt, simul inutiles facti sunt, non est qui fa- ciat quod bonum est, non est uf- que ad unum.

13 Sepulcrum apertum est gut- tur eorum, linguis suis ad dolum uti sunt, venenum aspidum sub la- biis eorum est.

14 Quorum os maledictione &amp; re amara plenum est,

15 Veloces sunt pedes eorum ad effundendum sanguinem.

16 Contritio &amp; calamitas in vi- sis eorum:

17 Et viam pacis non agnove- runt.

18 Non est timor Dei coram oculis eorum.

**Q** Via horum locorum omnium finis, summa, & modus accommo- dationis unus & idem est, quemadmodum a Paulo videmus con- junctos esse: visum est brevitas causa item omneis conjungere, ne eandem rem sæpius repeti oporteret. Ac finis quidem propter quem hi loci a Paulo accumulati sunt, non potest legentibus obscurus esse. Finis enim hic fuit; ut horum testimoniorum omnium autori- tate institutam illam suam argumentationem confirmaret: nempe eos omnes qui peccaverunt & defecit sunt gloria Dei, opus habere gratuita justitia illius per redemptionem factam in Jesu Christo: Om- nes autem non solum ex Gentibus, verum etiam Judæos in hoc nu- mero

merò habendos esse, affines peccati, & gloria Dei a natura sua destitutos: ac proinde Judæos habere opus æquè ac Gentiles Dei gratia, ad justitiam & vitam æternam. Summa igitur est ex sententia Apostoli, ne ipsos quidem Judæos natura immunes esse ab illo reatu & peccati onere, quo alii omnes contaminati sunt; sed in peccatorum numero eos recenseri ex æquo oportere, & haberi pro destitutis illa Dei gloria, nisi justitiam ejus per fidem in Christum amplectantur. Etsi autem verissimum est indubitatumque Pauli argumentum, quod ne ipsi quidem Judæi ullo Scripturæ testimonio infirmare possunt, aut etiam in speciem eludere: Quia tamen videntur hi loci a suis authoribus alio consilio fuisse pronunciati; nobis hoc loco videndum est, ut demonstremus justam esse eorū accommodationem, prout in hoc loco visum est Spiritui Dei per Apostolum conficere. Cur injusta & quasi detorta nonnullis videatur hæc accommodatio, una potissimum adfertur causa plus speciei quàm veritatis habens, si rem accuratè introspexerimus. Ea est, quòd videntur Prophetæ in illis locis omnibus ad personas, causas, facta, & tempora particularia respexisse: ac proinde non esse justam hanc Apostolicam accommodationem, quum ex rebus particularibus & paucis exemplis Legem universalem de ejusque hominis constitutione velle videtur efficere. Atque hæc quidem sententia aliquo modo refelli posset, si diceretur Paulus cōparationem rerum illarum particularium, & variorum temporum, puta Davidis atque Esaiæ, instituere cum illis temporibus quibus hæc a Paulo scripta sunt: cūque in Republica Judæorum olim omnium castissima sanctissimæque fuerint illa tempora, quibus David & Ezechias regnum obtinebant; si ea tantæ corruptionis & impietatis nomine reprehenduntur, multò magis cætera, præcipuè autem hæc, quibus vivebat Apostolus peccato fuisse infesta, & a justitia illa gloriæque Dei aliena. Quinetiam altera quoque defensio non incommoda insuper adduci posset: nempe inductionem esse, qua utitur Apostolus; & quia futura fuisset longior, idèò placuisse ea solùm exempla eorum temporum producere quæ omnium fuerunt longè purissima, & justitiæ gloriæque Dei, si ulla umquam existerunt, propinquissima. In hanc sententiā Judæi omni tempore fuerunt peccatorum rei, & gloria Dei defecti sunt omnes, temporibus Moysis, Judicij, Regum, captivitatis, reversionis, & cæteris. Imo si qua ad justitiam Dei proximè videtur accedere, hæc secula procul dubio fuerunt, de quibus David & Esaias tam graves criminationes monumentis literarum consignaverunt. Ergo Judæi omnes tenentur peccati. Verùm, etsi hæc duæ interpretandi viæ piorum mentibus aliquo pacto facere possunt satis: omnino tamen videtur mihi altius aliquid subesse, quòd Apostolus his locis adducendis spectavit, ut non obscurè versu 19. indicat his verbis: *Scimus quæcumque Lex dicit, ea dicere iis, qui in Legē sunt, suo omnes os obturaretur, &c.* Sententia igitur Pauli, quum hos Scripturæ locos adduceret, fuit hæc; ut locis & testimoniis generalibus, ac non particularibus (ut hi putantur esse) universam Judæorum gentem æquè ac cæteras ream esse peccati ostenderet. Quod si videntur illi ex Davide loci ad aliquid particulare magis, quàm ad cōmune de tota gente dictum pertinere: tamen rem non ita esse demonstratura est singularis Psalmorum, unde hæc petuntur verba, consideratio. Nam ut de illis ordine dicam quod sentio, Psalmus decimus quartus, & confitens cum illo quinquagesimus tertius, tantùm abest ut particula-

rem interpretationem perficere possit ut contra singulis scilicet verbis & universales voces habeantur, & generalissima (ut ita dicamus) universalitatis notæ. Primum enim generali propositione homo a natura in defectionem ruens depingitur, impietate, inhumanitate, & improbitate circumfluens, atque ab omni bono & benefaciendi studio alienus, versu 1. & deinde verò propositio hæc enarratur, atque confirmatur duobus testimoniis: quorum prius, est testificatio & iudicium Dei ipsius re optimè cognita & explorata homines condemnantis nomine impietatis & improbitatis istius; & ne unum quidem excipientis ex utroque isto crimine, versu 2. & 3. posterius verò, est naturale testimonium ipsius hominum conscientie, quam facta ipsorum evincunt, terrores exagitant, & verbum Dei redarguit ad confusionem ipsius, tribus versibus seq. Quapropter generalem istam conditionis nostræ labem deplorans Ecclesia, concludit Psalmum ipsum precibus de redemptione & salute sua, versu ultimo; id est, iustitiam Deiprehendit per fidem quæ est in Christum Jesum, & salutarem exoptat adventum illius. Hæc verò, quæ particularia esse dicunt, ii neque Davidis mentem probè assequuti videntur, neque Apostoli argumentationem; quæ, hoc posito, est omnium argumentationum, quæ quidem ex Testamento veteri prodici possunt, *Deus exultavit in eis*. De tribus Psalmis, ex quibus postea petuntur a Paulo loci, iudicium idem est. Nam etsi prima specie non videtur esse tam evidens, quam huius est, accommodatio ad generalem hominum corruptionem: non dubium est tamen, si placebit eos amplius expendere, non particularem ullam, sed generalem seu universalem interpretationem adhiberi eis oportere. Nam Davidem mihi numquam persuaserim ita de singularibus suis calamitatibus laborasse, ut earum argumento non assurrexerit ad universalis hominum corruptionis & mali hæreditarii contemplationem; & illud etiam multo minus est verisimile, maluisse ipsum particularia documenta suarum afflictionum Ecclesie Dei in perpetuum exemplum committere, quàm universalia monumenta generalis illius pestis, qua totum genus humanum infectum est, penes Ecclesiam deponere. Non inficior quidè sanctum illum virum privata sua experientia ad cogitationem publici mali evectum esse; sed cur tres illi Psalmi ad privatam & singularem aliquam ipsius afflictionem restringantur, videre non possum. Quid ergo? nempe occasione & exemplo particulares sunt; sed universales reipsa atque argumento. Nam fuit quidem nominatim David ab hominibus impiis vexatus atrocissimè; qua occasione se ipsum ad exemplum statuit, & Ecclesie universale proposuit documentum, pios omnes instituens in persona sua, velut regenitos per Dei gratiam in Christo Jesu, & a naturali sua labe potentissimè vindicatos: impios verò & eos qui in malo siti sunt secundum naturalem corruptionem suam, in persona adversariorum. Hæc ita se habere in tribus his Psalmis, quorum auctoritatem adducit Apostolus, & in aliis ejusmodi, tribus potissimum argumentis demonstrabimus. Primum est a fine Scripturæ sacræ. Nam quæ antè scripta sunt, ad nostram doctrinam scripta sunt, ut per patientiam & consolationem Scripturarum spem habeamus, inquit Apostolus. Hæc autem à Davide scripta, & Ecclesie tradita sunt, a Deo sancita, & ab Ecclesia ad communem edificationem relata in corpus Scripturæ sacræ. Sunt ergo exemplo quidem singularia, ut antè diximus; sed communia & universalia documento. Secundum est, a constante analogia causa-

rum



rum efficientium, effectorumque in hominibus regeneratis gratia, vel in natura labe permanentibus. Nam ut regeneratum Davidem gratia Dei prosequuta est, homines autem regenerationis expertes eum persequuti sunt: sic in perpetuum gratia Dei in illis qui regenerati sunt, & hereditaria naturalisque corruptio in his operatur; Quemadmodum alio exemplo confirmat Apostolus Galat. 4. Nam utraque causa efficiens in utroque hominum genere potentissima est, & semper efficax illa, quidem, supernaturalis; hæc verò, naturalis, libera, & non impedita in homine naturali sive *ἰουδαῖο* usque; dum impediatur per regenerationis gratiam. Tertium est a fine, quem singulis in Psalmis Propheta apposit. Non enim simpliciter eum finem Propheta adhibet qui aut personam ipsius, aut domesticos, aut populares, aut ætatem suam non transeat; sed finem universalem ubique ponit ad totam Ecclesiam, singulæque pia ipsius membra in Christum insita, & ad omnia tempora pertinentem. Est igitur optima horum locorum accommodatio. Sed tamen quia facilius in dubium vocari potuit, quàm illa accommodatio Psal. 14. ne quis fortè unam tantum perspicuam probationem hic ab Apostolo allatam esse contenderet, prudentissimè Spiritus sanctus curavit, ut Paulus ad hæc testimonia duo quoque ex Esaia Propheta & Davide adduceret, quæ ne Judæi quidem ipsi negare possint ad universitatem suæ ipsorum gentis pertinere. Nam cum priore in loco propheta contestetur populum Judæorum Dei ipsius verbis; deinde verò, objectis speciatim atrocissimis illius peccatis, ad judicia Dei præsentia futuræque in peccatores transeat usque ad salutarem adventum Christi: ecquis negaturus est universam Judæorum gentem, quæ universa exarsit severissimis Dei judiciis, reprehendi peccatorum suorum nomine? Posteriores verò universalis esse interpretationis, quisquis bonus est, agnoscet; qui malus, evinceretur, si vel frontem illius Psalmi aspexerit. Nam eadem est planè illius ratio quæ Psalmi 14. quem in primo testimonio citavit Apostolus. Atque hæc quidem de sanctissima horum locorum ad quæstionem institutam accommodatione, quam propterea disertis verbis illic Paulus asseruit adversus falsas Judæorum calumnias, per anticipationem prudentissimam dicens: *Scimus autem quæcunque Lex dicit*, &c. in hanc sententiam: oblatrabunt fortasse Judæi (prout hoc tempore est summa illius gentis impietas) ea de aliis, aut de particularibus, ac non de gente sua dici. Sed unum mihi argumentum satis est isti cavillationi refellendæ; nempe quòd Lex ipsorum est quæ hæc dicit, id est, libri sunt Veteris Testamenti, quos ipsi pro lege & regula suæ fidei vitæque a Deo habent, & ita sibi vindicant, ut ferre non possint si quis eos ad alienigenas transtulerit. Ipsi ergò sui sunt iudices. Sic optimè constitutis causæ suæ probationibus, concludit Apostolus oportere ut omne os obthuretur, & obnoxius fiat totus mundus condemnationi Dei; sentiant denique singuli ex operibus Legis nullam carnem justificatum iri in conspectu Dei. Restat ut de mutatione, quæ his locis incidit, pauca quædam asseramus; ne imperitioribus moram injiciant, aut dubitationis causam. Mutationis igitur in his locis tria sunt genera. Nam alia per æquivalentia explicantur, alia interpretationem quandam habent, alia contrahuntur, ut quæ pro instituto commodè brevioribus dici potuerint, Aequivalent quæ plurima. Explicatio verò illustris est illorum Davidis verborum, *Pariter pueri facti sumus*; quum res metaphorica propriis verbis enunciatur, *simul facti sumus inuiles*. Contrahuntur verò quædam;

quædam; tum quia sunt interdum voces ad hunc locum non necessarie; ut quum Paulus simpliciter meminit effusi sanguinis, ubi Esaias innoxium sanguinem nominavit: tum quia quædam in eum modum contra se plus habent evidentie, ut pro eo quod veluti forensem cognitionem a Deo institutam narravit Psalter, *Jehova est cælis prospectus*, &c. Paulus simpliciter eventum narrat, quem Deus constituto judicio comperit dicens, *Non est qui intelligat, Non est qui exquirat Deum*, &c. Nam hac ratione Apostolus & lucem narrationi intulit, & sermonem magis accommodavit adjunctis omnibus. Quæ res quotiescumque sit tempore & loco; præ prudentiæ, non autem impietatis aut inofficiosa temeritatis est, ut libro 1. Parall. 5. ostendimus.

## PARALLELUS V.

Genes. 15.

6 Credidit autem Abram Jehovæ,  
& imputavit hanc ei justiciam.

Rom. 4.

13 Credidit autem Abraham Deo,  
& imputatum est illi ad justiciam.

**H**ujus loci proprius finis est, ut ex Abrahami exemplo justitiæ Dei cognoscatur, quæ per fidem Jesu Christi in omnes & super omnes, qui credunt, pervenit. Summa, fidem quæ Abraham percepit promissiones Dei, prehensisse justiciam illam salutarem, quam sibi imputavit Deus. Est igitur horum locorum certissima inter se consensus, quam verbis nostris nihil opus est explicari, cum Paulus eam explicet evidentissimè. Quod autem verba Moysi a Paulo commutantur, & ex activo verbo passivum factum est; ideo fecit Paulus, quod ambiguitatem verbi hoc interpretationis modo præcavendam esse in hoc argumento duxerit. Nam si dixeris, imputavit ipsi justiciam, etsi apud fideles dubium esse non potest; simplicioribus tamen oblata fuisset dubitatio, uter imputaverit, Deus ne Abrahamo, an Abraham sibi. Hoc autem sensu integro, sed passivè explicato verbo, tollitur commodissimè; quod apud Romanos fieri oportuit.

## PARALLELUS VI.

Psalm. 32.

1 Beatus, cui condonata est defec-  
tio, cujus relictum est peccatum.

2 Beatus homo, cui non imputat  
Jehova iniquitatem.

Rom. 4.

7 Beati, quorum remissæ sunt  
iniquitates, & quorum obrepta  
sunt peccata.

8 Beatus vir, cui non imputave-  
rit Dominus peccatum.

**F**inem & summam hujus loci proximè præcedente versu sic Paulus explicavit; ut qui ampliùs dicat, soli lucem scenerari velit. Mutatio unica est in numero nominis: Nam quod David sylleptice singulari dixerat; id Apostolus, ad majore evidentiam, plurali hoc loco enūciat.

## PARALLELUS VII.

Genes. 17.

3 Patrem multitudinis gentium  
constitui te.

Rom. 4.

17 Patrem multarum gentium  
constituere.

Com.

**C**ommunis est finis utroque in loco, ut spiritualis Dei erga Abrahamum benedictio ostendatur ab hæredum frequentia & multitudine in Ecclesia Catholica. Summa, frequentiam fore maximam eorum, qui in fide futuri sint filii Abrahami. Sed finis singularis est, propter quem hic locus a Paulo adducitur; ut cõfirmet dictum antecedentis versus, quod dictum exegeticum est hujus ipsius promissionis: nempe Abrahamum esse Patrem omnium nostrum; puta non solum ejus seminis quod est naturæ Lege, verum etiam illius quod est ex fide Abrahami. Quod pertinet etiam illud, quod proximè sequente versu ex Geneseos 15. adducitur, *ita eris semen tuum*, quum Deus stellas cælestes ipsi videndas exhiberet. Quod autem postea versu 19. affirmat Paulus, *minimè imbecillum fide fuisse Abrahamum, ac non consideravisse suum ipsius corpus jam emortuum, quum natus esset quasi annos centum, nec emortuam vulvam Saræ, &c.* id usque adeò verum est, ut ad promissi illius auditionem eum risisse Moses scribat, & præ lætitia (tanta erat fide) coram Domino gessivisse.

Gen. 17. 17.

## PARALLELUS VIII.

Psal. 44.

33 *Causa tua occidimur totum diem, habemur velut pecudes maciandæ.*

Rom. 8.

36 *Causa tua occidimur totum diem, habiti sumus velut oves destinatae macrationi.*

**H**ic locus ita apertus est, ut interpretationis ullius non egeat. Confirmabat Paulus nihil futurum esse, ac ne gladium quidem qui nos separaturus sit a charitate Christi. Ne quis ergo objiceret hanc gloriationem Christianam esse de nihilo; ostendit Apostolus ex Prophetæ ipsius testimonio, hanc piorum conditionem esse, ut gladio & omnibus calamitatum generibus infesti sint: sed hanc unam consolationem ipsis accedere, quòd Dei causa patiuntur ista, subeuntque omnia propter charitatem Christi. Sic ab authentico testimonio confirmat nihil a se dici per hypothesein ludicram; sed certa cum fiducia, animo ad subeundas afflictiones propter nomen Christi paratissimo subire certamina lucramque Christianam piis omnibus pronunciatam.

## PARALLELUS IX.

Gen. 21.

12 *In Isaac vocabitur tibi semen.*

Gen. 18.

10 *Revertar ad te, quum hoc tempus vigebit, Ecce autem filius eris Saræ uxori tue.*

Rom. 9.

7 *In Isaac vocabitur tibi semen.*

8 *Hoc est, non quæ filii carnis, si filii Dei, sed qui filii promissionis sunt, censentur in semine.*

9 *Hic enim est promissionis sermo: hoc ipso tempore veniam, & erit Saræ filius.*

**C**um duas institutæ questionis partes Apostolus in antecedentibus Epistolæ hujus capitibus ex autoritate Scripturæ certissimisq; rationibus exposuerit, capite demum nono per anticipati-

onem



onem sive (ut Græci Rhetores vocant) *ἀντιπαράθεσις* quamdam aggreditur summæ causæ explicationem, unde nata est hæc Dei administratio, ut offensionis & invidentiæ Judæorum aliquo pacto, si non omnino posset, mederetur. Primum enim docuerat, nō gentes solum, sed etiam Judæos omnes sub peccato inclusos esse; ac propterea etiam ira Dei a natura filios, nisi justitiam Dei, quæ est per fidem in Christū, prehenderent. Deinde verò credentes omnes, non circumcisos solum, sed incircumcisos etiam, fieri justitiæ illius participes, tum exemplis & auctoritate Scripturæ, tum rationibus ostenderat: eamque justitiam fidei a regenerationis & sanctificationis fructibus descripserat, & exornaverat eloquiis singularibus. Hoc tantum Dei beneficium sibi oblatum per vicacia sua gens Judæorum oppugnabat, & aliis invidebat; adeo ut quod ipsis futurum erat salutare, fieret ipsorum culpa exitiale atque letiferum, & odium invidiamque non mediocrem ipsorum in Apostolos & ministros Evangelii accenderet. Videns itaque Apostolus in quantum odium apud gentem suam adduceretur; quod salutis & justitiæ beneficium ex fide, ac non ex Lege, Gentibus etiam, ac non Judæis solum docuisset, & cōstanter docere exhiberi; posita *ἀντιπαράθεσις* per sanctissimam studii sui & exultationis de gente sua affirmatione principio hujus capituli, ostendit neque durum Judæis neque novum videri oportere, si Deus cum credentibus omnibus, etiam præter Judæorum gentem, vitam & justitiam suam ex fide communicet. Nam id ab æterno decretum esse in consilio Dei, & suo tempore jam olim significatum Judæis, in lege, & ante legem, certissimis & constantissimis Dei promissionibus. Ac de Judæis quidē ostendit opus prædestinationis esse, quod electi solum, id est, promissionis filii censentur in semine, non omnes promiscuè: de gentibus verò, quod non omnes sinuntur se ire perditum, sed quædam adductæ sunt, ut illæ quoque communiter eam justitiam quæ ex fide est prehenderent. Quorum prius membrum ad versum usq; 24. posterius reliquo capite exponitur. Non omnes qui ex Israël sunt, Israël esse proponit versu 6. exponitque septem sequentibus: tum id ab electione gratuita esse docet, 14. versu, & quatuor sequentibus: eam denique vacare omni iniustitia, & sapientissimam esse ordinationem potentiæ Dei demonstrat versu 19. & quatuor sequentibus. Propositionem, quam hic figuratè enunciat Apostolus, quia vox Israël æquivocè accipitur (nimirum propriè, & patronymicè, ut Hebræi solent) optimè demonstrat Apostolus & confirmat duobus exemplis: uno Isaaci ex Abrahamo, altero Jacobi ex Isaaco progeniti. Sic enim hoc loco statuitur: Quemadmodum eo tempore sermo Dei minimè excidit, quum præterito Ismaële Isaac filius Abrahami dictus est, aut Jacob filius Isaaci omisso Esau: sic etiam non esse, cur Israël ite sermonem Dei excidisse putent, si deinceps quoque idem jus & auctoritatem electionis integram sibi servavit Deus. Itaque in priore exemplo prudentissimè duo ex Mose loci adducuntur: quorum priore ostendit Apostolus, quid Deus fecerit; posteriore autem, quo jure illud fecerit in Isaaci causâ. Quid fecerit, exponit illis verbis, *In Isaac vocabitur tibi semen*. Quæ verba sequente versu adeo luculentam habent explicationem, ut nihil suprâ. Nam etsi Ismaël filius carnis fuit prognatus Abrahamo, non tamen filius Dei propterea censendus est; sed qui filius fuit promissionis, hic censendus fuit in semine. Quo jure id Deus fecerit, in versu 9. exponitur; nempe quia fuit promissionis filius, id est, non

ex carne solum, sed ex sermone promissionis divinae genitus, cujus promissionis verba ex Gen. 18. cap. adducuntur. Hic verò infideles, & sanctissime hujus doctrinae de gratuita electione hostes statim objecturi sunt, ineptam hoc loco consequentiam à Paulo adstrui, qui ab exemplo particulari uno aut altero universalem doctrinam ausus sit eruerè. Ad objectionem istam facilis responsio futura est, si modum argumentationis spectemus; cum Apostolus singulari illi enunciationi, *In Isaac vocabitur tibi semen*, interpretationem adhibeat plurali numero, dicens, *hoc est, non qui filii carnis, sed sunt filii Dei*. Sic enim sentit Apostolus; etsi de singulari una persona hæc verba dicta sunt, tamen analogicè ad communem sive universalem populi Dei distinctionem, administrationemque pertinere; non solum exemplo, quod tamen in rebus divinis non mediocrè momentum obtinet: non solum typo, cum tamen domus Abrahami per illud tempus typus fuerit Ecclesiae nostrae: non solum analogia sumpta à parte ad totum, quæ etiam in hoc argumento non potest jure præteriri: sed omnium maximè à natura Dei constantissima; cujus una est, semperque sibi constans, voluntas erga Ecclesiam, & administratio. Quemadmodum eodem jure jam antè vidimus Abrahami exemplum afferri cap. 4. ad vim fidei in credentibus omnibus confirmandam. Nam Deus unus est; unus, inquam, natura, consilio, sapientia, iustitia, misericordia: eoque simplicissimus, quod nunquam aliter se habere potest: cum non sit in ipso mutatio, ac ne ullius quidè mutationis obumbratio. Optimè igitur ab autoritate Dei constantiaque æterna confirmat Apostolus, filios carnis, id est, reprobos justè ab ipso præteriri: promissionis verò filios misericorditer ex communi perditione eripi, secundum beneplacitum voluntatis ejus in Christo Jesu.

Jacob. 1.

## PARALLELUS X.

Genes. 25.  
23 Major serviet minori.

Malach. 1.

2 Dilexi Jacobum,

3 Esau verò odio habui.

Rom. 9.

12 Major serviet minori.

13 Sicut scriptum est, Jacob dilexi, Esau verò odio habui.

**E**tsi antecedentis exempli tanta est autoritas, ut pio cuilibet debeat esse satis: visum est tamè Apostolo alterum præterea exemplum adhibere ad electionis gratia, & præteritionis sive reprobationis justæ confirmationem; qua hominibus vel fastidiosissimis naturæ suæ tenebras propugnantibus ora occluderet. Est autem hujus exempli & singularum illius partium eadem ratio atque accommodatio, quam in superiore ostendimus. Sed una hic nascitur objectio, Alienum videri, non illud solum quod hypothesis vel particulare exemplum affertur ad thesicos sive universalis doctrinae confirmationem; sed etiam illud maximè, quod argumentatio sit à rebus disparatis: nimirum à corporalibus & temporariis benedictionibus ad spirituales, æternasque. Ac de priore quidem absurdi (ut illis videtur) parte jam in Parallelo proximè præcedente diximus: ubi ostendimus optimè ab hoc hypothesis genere adstrui consequentiam thesicos sive doctrinae generalis. Restat igitur, ut de posteriore dicamus paucis. Ac primùm quidem, ethres quæ in hunc locum adducuntur ratione subjecti vel materiae

sua

suæ disparatæ videntur esse; genere tamen inter se habent convenientiam: ac proinde quatenus genere inter se conveniunt, communem habent generis analogiam. Sed ne hæc quidem solutio satis est: altera hæc indubitata est, & omnium bonorum iudicio inexpugnabilis: Quæ Deus conjunxit promissionibus, ea nemo potest divellere: Promissiones autem corporales & temporarias spiritualibus æternisque conjunxit Deus; non solum ut promissionum partes, verumetiam (quod gravius est) ut rerum majorum symbola atque sacramenta, ad relationem rerum spiritualium æternarumque ex Dei institutione pertinentia. Hæc ergo nulla ratione ab ullo homine inter se divelli possunt. Ac proinde cui temporalem dilectionem, dominium, & benedictionem ex promisso adjudicavit Deus olim, quum Ecclesia vetus promissionibus symbolisque temporalibus fulciretur ad expectationem melioris vitæ civitatisque in cælis; eidem benedictionem spirituales ex verbo Dei censemus competere: è diverso autem, cui odium, servitutem, & maledictionem denunciavit Deus, eidem competit spiritualis maledictio. Quum autem de Jacobo & Esau Deus loquutus est nondum natis pueris, ut propositum ipsius secundum electionem permaneret, dixit, *Major serviet minori*: & Malachias Propheta altiùs conscendens, causam hujus eventus explicat, dicens, *Jacobum dilexi: Esavum verò odio habui*. Stetit igitur firma & immota Dei sententia, cum corporalium terrenarumque rerum respectu, tum verò maximè spiritualium atque celestium. Optimè ergo argumentatur Apostolus, non tanquam simpliciter à parte ad totum, sed à signo divino transcendens ad rem significatam illius. Quod argumentum nullo planè sophismate eludi potest.

## PARALLELUS XI.

Exod. 33.

19 *Gratiosus ero tui fuero gratiosus, & miserebor cuius miserum fuero.*

Rom. 9.

15 *Miserebor ejus misertus fuero, & commiserabor quem eò miserratus fuero.*

**C**um de fine & argumento utriusque loci faciliè inter omnes bonos conveniat: hic de accommodatione solum dicturi sumus. Videtur enim, ut in antecedentibus duobus Parallelis, ita in hoc loco infirmam consequentiam nectere. Apostolus ab exemplo singulari vel particulari. Sed cum ad istud objectionis genus satis copiose pro infirmo nostro responderimus in Parallelum nonum, non sumus inculcaturi ea quæ illic explicavimus: hoc amplius dicturi sumus, quod hujus loci proprium est; sententiam Dei, quæ Mosis his verbis fuit enunciata, non esse particularem; sed universalem: ac proinde optimè Apostolum sequente versu *ἐργάζομαι* doctrinam universalem conficere ab autoritate loquentis Dei. Nec refert, quòd occasione particularis historiae atque postulati hæc verba pronuntiavit Deus. Nam quis nescit factum quidem singulare, jus verò commune & causas illius universales esse? Quemadmodum libro 1. Parallelo 6. docuimus. Quòd si juris apud homines una est perpetuæque a natura & constans regula, multo magis eadem constantia affirmanda est in Dei administratione; qui numquam non est idem & seipsum negare non potest. Itaque certissima est & invicta probatio ab autoritate; qua ostendit Apostolus nullam



nullam apud Deum injustitiam esse, quod nonnullos eligit pro sua misericordia; quia solum electionis fundamentum est beneplacitum voluntatis ejus in Christo Jesu: in qua sit ab eterno electorum suorum misertus est, ut in tempore faciat eis misericordiam, quam ab eterno decreverat secundum electionem gratiae. Atque haec duo, aeternum, inquam, decretum divinae misericordiae, & demonstrationem sive explicationem decreti misericordiae in Christo Jesu, Deus Moysi exposuit, dicens, *Miserere nimirum ex facto, cuius misertus fuero*, puta in aeterno decreto & beneplacito voluntatis meae.

## PARALLELUS XII.

Exod. 9.

Rom. 9.

16 *Propter iniquitatem tuam, ut ostendam in te virtutem meam, & ut enarratem nomina mea in universa terra.*

17 *Dicit enim Scriptura Pharaoni, Ad hoc ipsum excitavi te, ut ostendam in te potentiam meam, & ut annuncietur nomen meum in universa terra.*

**F**ais, propter quem hunc locum adducit Apostolus, ex versu 14 pe-  
tendus est. Quae fuerat Apostolus per occupationem *nam injusti-  
tias apud Deum*, quod hos diligit & illos odit, hos eligit & illos  
praeterit. Quod eligit non esse injustum, probavit versibus anteceden-  
tibus. Jam quod odit & praeterit pro placito voluntatis suae id non esse  
injustum confirmat his verbis, quae Pharaoni indixit Moyses. Summa igitur  
est, Quos Deus praeterit in aeterno decreto suo, ac non tradidit Fi-  
lio dilectionis suae, eos sibi ipsis permitti & tradi cupiditatibus carnis  
suae, adeoque ad peccata sua obstinari atque peroritari justo judicio  
Dei, ut potentiam suam in eis & gloriam suam in omnibus testatam fa-  
ciat. Est quidem (ut in superioribus diximus) istud exemplum particula-  
re factum; sed, justillius, quod Deus pronuntiavit, est constantissimum:  
ac propterea optimè Apostolus ex hypothese constituit thesin, dicens,  
*Itaque cuius vult misertus; quem autem vult indurare.* Hic verò fortasse  
objecturi sunt, qui sanctissimae huic doctrinae adversantur, non solum eo  
nomine hunc locum adduci iniquè & praeter consilium Dei, quod ex-  
emplum agitur particulare in persona Pharaonis; sed etiam eo maxi-  
mè, quod Deus videtur causam ostendere, cui superfluum ipsum ad-  
huc reliquerit ex peste Aegyptum infestante; non autem ad myste-  
rium illud reprobationis respicere. Atque hanc sententiam videntur  
illi ex adjunctis confirmare posse, cum ista disertis verbis ita sileo-  
quutus Dominus, *Modo enim quoniam extendi manum meam percussissem te  
et populum tuum peste; sic fuisses excusus a terra. Verum manus propo-  
nere a excusavi te, &c.* Sed utrumque illum objectionis locum, ne longius  
abeamus, ex ipsa Moysi narratione facile est refellere. Nam primum  
non esse particulare personae Pharaonis, sed commune ipsius & populi  
Aegyptiorum, qui partes ipsius protèrve contra mandatum Dei se qua-  
tus est, illa ipsa antecedentia verba elamant, nobis ita centibus. Non vi-  
nim simpliciter dicitur, *percussissem te*, sed potius, *percussissem etiam te et  
populum tuum*. Non igitur particulare exemplum est, sed late patens ad  
confirmandam iustitiam Dei contra immergeros, qua indurantur illi  
& suis ipsorum peccatis in ruinam gravem impelluntur. Deinde verò

non

non simpliciter a Deo dicitur, *Eci ut restares ex illa posse; sed* respicitur ad illud totum Pharaonis opus, quo in obfirmatione sua Deo resistenterat, & porro erat restitutus; ut duobus antè versibus Deus pronuntiaverat, & Moses ipse in narratione dixerat, *obfirmatum fuisse a Jehova cor Pharaonis, ut non ausculetur eum, quemadmodum praeceperat Jehova Moysi.* Quae verba non obicure docent; hanc Dei sententiam ad totum historiae contextum, ac non ad membrum illud solum pertinere. Postremo autem, ut demus ita esse; tamen certum est in Dei operibus & administrationibus tam constantem esse rationem; ut certissima sit argumentatio, quae ab effectibus ejus ad causas, & quae a consequentibus ad antecedentia necessario conjuncta adstruitur. Est autem haec induratio sive obfirmatio: qua Deus improbitatem Pharaonis amplius exacerbavit, certissimus effectus malitiae Pharaonis: malitia verò illius, certissima & indubitata praeteritionis illius sive reprobationis divinae consequentia. Nam si Deus non praeterivisset ipsum, reproba vissetque; non fuisset Pharaon tantum odium apud Deum & tantam insaniam impietatisque deventurus. Igitur utcumque accipiat, optimè concludit Apostolus: Quemadmodum Pharaon induratus est sua ipsius malitia in Dei odio, quod odium non aliunde quam ex praeteritione ejus & consequente reprobatione profectum est: sic etiam omnino fieri, neque aliter fieri umquam posse in his qui pereunt, quin versentur in odio Dei propter malum suum, & in malum ruant per se instinctu Satanae & sua visiositate, quia praeteriti sunt a Deo, ac non probati & electi in Christo Jesu.

## PARALLELUS XIII.

Osee 2.  
23 *Miserebor Lo-rucham, & ad Lo-hammi dicam, populus meus, & ipse dicit, Deus mi.*  
Osee 1.  
10 *Erantque loco ejus quod dictum fuerat eis, Non populus meus estis, ut dicatur illis, filii Dei viventes.*

Rom. 9.  
25 *Vocabo populum qui meus non erat, populum meum; & eam quae dilecta non erat, dilectam.*  
26 *Et erit in loco ubi dictum fuerat eis, non populus meus vos, illic vocabuntur filii viventis Dei.*

**H**I duo Prophetae loci non obscure ad eum finem, & argumento eodem adducuntur, quo a Propheta fuerunt enunciati. Ostendit enim Apostolus, quod in sua illa prophetia Osee praedixerat de gentium vocatione in Ecclesiam Dei, id hoc demum tempore completum esse. Nam primum & secundum caput Osee totum in eo argumento consumitur, ut evicti suae impietatis & improbitatis Judaei & Israelitae omnes sentiant optimo jure a Deo decretum esse, ut ipsos deserat, & gentes advocet ad communionem Ecclesiae suae. Quam rem ut Judaei commodius intelligerent, neque ulla tergiversatione possent eludere; visum est Domino per Prophetam suum totum humanum genus in duas classes distribuere, quarum una est populi sui, & gentis misericordiam consequatur; altera non populi & gentis non consequatur misericordiam. De his autem diversis eventus & quasi in contrarium committens Propheta denunciat: nempe fore ut ex populo & gente misericordiam obtinente, efficiatur non populus, & gens exers misericordiae: contra

contra verò ex eo qui fuit non populus & gens expertis misericordiae, fiat populus Dei & gens adepta misericordiam. Hanc verò gentem utramque nemo, qui quidem mediocriter imbutus sit literis sacris, non potest internoscere. Nam si populus Dei & gens adepta misericordiam fuit populus Israël & Judæ; omnino sequitur appellatione non populi & non assequatur misericordiam reliquas gentes a Propheta designatas esse. Quod si est (ut profectò est) sequitur optimè hoc loco eventum gentibus accommodari, quem de non populo & de gente experte misericordiae Oseas prænuñciaverat: nempe hoc demum illud tempus esse, quo pars illa humani generis, quæ tum fuit non populus, adoptata est in populum & numerum filiorum Dei assequutum misericordiam & dilectionem ejus, quod præcedente versu Paulus disertis verbis affirmaverat. Quòd autem partim verborum Prophetarum ordo inversus est, partimque mutatio quædam facta in alias voces argumento & significatione conjunctissimas, alia verò prætermissa: idèò factum est, ut partim res evidentiùs ad tractationem antecedentem accommodaretur, partim ut brevitati consuleretur; quia satis id esse visum est Apostolo, si locos illos duos, qui evidentissimè vocationem Gentium docuerunt, pro ratione instituti, omnis aliis rebus non ita ad argumentum hoc pertinentibus, perstringeret.

## PARALLELUS XIII.

Esa. 10.

22 Si fuerit populus tuus Israël numero sicut arena maris, reliquii ex eo reuersurum est: consummationem præcisam consummabit exundans iustitia.

23 Nam consummationem & quidem præcisam Dominus Jehova exercituum facturum est in universa terra.

Esa. 1.

9 Nisi Jehova exercituum reliquisset nobis superstites, utique paucos; ut Sedomum essemus, Gomorrhæ facti fuissetus similes.

Rom. 9.

27 Etiam si fuerit numerus filiorum Israël ut arena maris, reliquiae servabuntur.

28 Rem enim conficit & concidit cum iustitia, quoniam rem concisam perficiet Dominus in hac terra.

29 Et sicut prius dixerat Esaia, Nisi Dominus Sabaorth reliquisset nobis semen, facti fuissetus ut Sodomæ, & Gomorrhæ similes facti fuissetus.

**Q**uemadmodum præcedente Parallelo diximus, voluisse Apostolum autoritate Scripturæ confirmare unum propositionis illius membrum, quam versu 24. antè statuerat: id etiam in hoc Parallelo tenendum est. Fuerat enim propositio, Deum vasa misericordiae, quæ præparavisset ad gloriam suam, non solum ex Judæis, verum etiam ex Gentibus vocaturum esse. Ac de Gentibus quidem hysteron proteron ex Osea Propheta duobus versibus proximè præcedentibus loquutus est; & simul ostendit ex loci illius indicio, in quantam zelotypiam Dominus Judæorum gentem provocaturus esset. Nunc ergo alterum hoc membrum de Judæis confirmat duobus Esaia locis: Sed ita ut ostendat sola Dei misericordia & gratuita electione fieri, ut aliquæ saltem reliquæ ex Judæorum gente salutem consequantur. Sunt autem Esaia verba adeò luculenta, ut ampliore interpretatione opus non esse videatur. Sed quia partim accommodationem a Paulo institutam, par-



timque mutationem verborum ejus, imperitiores mirari ex ignoratio-  
 ne, impii verò improbè exagitare possunt, de utroque paucis dicen-  
 dum est. Accommodationem paulo duriorē id videtur facere, quòd  
 de singulari aliquo tempore videtur Esaias loquutus esse. Atqui primò  
 omnium falsum illud est, quum particularis dicitur esse loci illius inter-  
 pretatio. Nam si ve ea verba species, quæ ex capite 10. si ve sequentiâ,  
 quæ ex primo adducuntur; adjuncta omnia Judæis omnibus invitis  
 clamant, hæc verba quæ adduxit Paulus ad plenitudinem temporum,  
 quibus Deus in carne patefactus est & Evangelium prædicatum, maxi-  
 mè pertinere. Nam cum Propheta utroque in loco inde a suo tempore  
 sigillatim omnia velut momenta percurrat afflictionum usque in ad-  
 ventum Christi, & in postremo hoc tempore maximè observari doceat  
 minarum promissionūque Dei complementum oportere: iniquum  
 est planè si quod de toto tempore & singulis ejus partibus affirmatur,  
 ad singularem aliquod tempus restrinxeris. Sic autem se habent illæ Dei  
 interminationes per Prophetam enunciatae. Propterea enim & caput  
 ipsum primum & caput secundum promissionibus de regno Christi  
 concluditur, unde octavum & nonum incipitur. Deinde verò, ut demus  
 particularem alicujus temporis fuisse illam Prophetæ denunciationem  
 de facienda consummatione & servandis pauculis reliquis; omnino  
 tamen constat unicam semper esse & perpetuam justitiam Dei, perpe-  
 tuamque hominis injustitiam; nisi reliquias ex genere nostro servaret  
 misericors Deus secundum electionem gratiæ. Cum ergò insit in ho-  
 mine naturalis causa perditionis ipsius naturaliter, in Deo verò solum  
 causa gratiæ supernaturalis; atque hanc erga reliquias effusum iri De-  
 us pronunciaverit: quæ dementia homines invasit, ut illud sanctissi-  
 mum decretum Dei & constantissimum conentur labefactare? Quem-  
 admodum profectò faciunt, si ex universali pronunciato gratiæ particu-  
 larem sententiam effecerint: Quæ etiam si particularis esset, tamen  
 ex universali sententia & perpetuo fonte misericordiæ Dei ducitur, ac  
 proinde legem universalem constantissimæ administrationis ejus com-  
 plectitur. Quæ cum ita sint, omnino statuimus justam & necessariam  
 horum locorum accommodationem esse. Quòd autem mutationes  
 quædam intercidunt, id non evenit temerè; sed certo consilio factum  
 est ab Apostolo: tum ut ea quæ ad hoc argumentum propriè non per-  
 tinent missa fierent, tum ut evidentiora essent, quæ alioqui plus obscu-  
 ritatis fuissent habitura. Prioris generis illud est, quod Apostolus non-  
 nullas voces missas fecit, quæ Esaiæ 10. cap. habentur. Quarum adje-  
 ctio nihil lucis ad hanc rem attulisset; quia ad circumstantias veteris  
 Ecclesiæ, quæ typus est nostræ, pertinebat. Posterioris verò generis  
 illud est, quòd loco illorum verborum quæ cap. 10. Esaias pronuncia-  
 vit, *Nisi Dominus exercituum reliquos fecisset nobis superstities, utique pau-  
 ros, &c.* illorum igitur loco adscripsit Paulus, *reliquum fecisset nobis semen;*  
 ut in hac temporum plenitudine ostenderet longè fuisse paucissimos,  
 quos Deus ex communi illa gentis Judæorum perditione exceperit.  
 Etsi haud scio an hoc ipso loco Apostolus de industria nomen seminis  
 adhibuerit, ut ad Christum, qui ex Judæis secundum carnem ortus est,  
 respiceret: Quemadmodum videmus a Paulo factum reliqua parte  
 capitis hujus & toto sequente; ut Christum velut benedictionis semen  
 proposuerit, in quem quisquis credit, non sit pudorem experturus. Sed  
 de hac re penes doctos & pios judicium esto.

## PARALLELUS XV.

Esaï. 28.

16 Ecce pono in Sione lapidem, lapidem probationis, angularem, pretiosum, fundatione fundatissima. Qui credit non præsternabit.

Rom. 9.

33 Ecce pono in Sion lapidem offendiculi, & petram offensionis: & quisquis credit in eum, non perdet.

**V**identur quidem hi duo loci non satis commodè inter se respondere, si prima specie ad verba eorum respexeris. Sed tamen non est dubium, quin & sine & argumento summam habeant convenientiam. Etenim finis est, ut exponatur occasio data divinitus, qua homines reprobi, adeoque gens ipsa Judæorum in peccata ruens, per contumaciam suam in ruinam dentur præcipites. Summa est, cum Judæi legem justitiæ sectantes pergant provehantque in sua injustitia, & contumaciter justitiam eam quæ est ex fide avertentur in perniciem suam, Deum hoc demum tempore, id est, in temporum plenitudine, Filium suum misisse in carne, qui credentibus quidem, id est, justitiam quæ est ex fide amplectentibus petra sit receptus, salutis, & gloriæ æternæ: aliis verò, non sua; sed ipsorum contumacium hominum & ad peccata projectorum culpa, lapis sit offendiculi & petra offensionis, in quam irruentes corruant magno malo suo. Atque hæc quidem ab Esaia fuisse in hanc sententiam intellecta totū 28. caput tam clarè loquitur, ut actum agere nobis videamur, si de hac re præbationes afferre studeamus. Quamobrem commodissimè a Paulo adduci nemo pius non confitebitur. Sed quædam sunt mutationes, quibus fortasse imperitiores movebuntur ut de fide hujus loci dubitent, nisi adhibeatur interpretatio. Ut autem nihil dicamus de iis rebus quas de industria omisit Apostolus, eò quòd nihil viderentur ad argumentum istud hoc loco pertinere: Duæ sunt mutationes gravissimæ, quæ scrupulum possunt injicere. Una, quòd Esaïas *Lapide[m] probationis* dixit, Paulus verò *lapide[m] offendiculi & petram offensionis*. Altera, quòd pro illis Esaïæ verbis, *non præsternabit*, scripserint Apostoli, *non perdetur*. Utriusque verò mutationis quædam est communis ratio, quam metalepticam dicimus; quia ex antecedentibus intelliguntur consequentia, eodémque jure hæc sufficiuntur in illorum locum. In priore loco Epitheton est Christi, quòd sit *lapis probationis*, id est, ad quem futurum est ut homines omnes probentur, utrum probi an reprobi sint. Hujus verò probationis consequens est, si ad impios atque reprobos respexeris, quòd illis est lapis offendiculi & petra offensionis, id est, quòd illi sua malitia allidunt, non autem credunt; Ac proinde allidentes corruunt, non autem credentes salutem consequuntur. Et si hoc quoque ampliùs tenendum est, in hujus loci interpretatione prudentissimè operam dedisse Paulum, ut hanc suam interpretationem (quæ iusta est certissimæque interpretandi ratio) ex eodem spiritu hauriret, & ex eodem Esaïæ Prophetæ libro. Nam hæc ipsa interpretationis verba apud Esaïam exstant cap. 8. v. 14. & seq. In posteriore autem mutatione non admodum est gravis quæstio. Nam optimè inter se conveniunt Prophetæ verba, atque Apostoli, hoc & sequente capite. Præsternare apud Esaïam nihil aliud sonat, quàm fiducia sui Christum (ut ita dicamus) antevertere, vel fiducia Legis justitiæ,

quam inconfulti homines sectati sunt, iustitiam quæ est ex fide negligere, & per se suæque opera ad salutem contendere. Hujus autem præproperæ & inconfulte actionis consecrarium est indubitatum, confusio. Nam ut credentes & Christum sequentes ducem, non pudeant; sic autem iniqui, sectantes Legem, non possunt non pudeant. Optime igitur Apostoli pro eo quod dixerat Esaias, *Qui credit in eum, non præfestinabit*, interpretationis ergo reddiderunt in hunc modum, *Quisquis credit in eum, non pudeat*; cum præfestinantes non alium eventum quam confusionis assequantur.

## PARALLELUS XVI.

Levit. 18.

5 *Qui feceris ea, homo victurus est eis.*

Deuteron. 30.

11 *Præceptum hoc quod ego precipio tibi hodie, non est occultum a te, neque longinquum est.*

12 *Non est in calu, ut dicas, Quis ascendet nobis in calum, qui præceptum tradens illud nobis, enunciet nobis illud, ut faciamus illud?*

13 *Neque ultra mare est, ut dicas, Quis transeat nobis in tractu ultiorum maris, qui præceptum tradens illud nobis, enunciet illud, ut faciamus illud?*

14 *Nam propinquum tibi est hoc verbum valde: in ore tuo & in corde tuo, ut facias illud.*

Rom. 10.

5 *Moses enim describit iustitiam quæ est ex Lege, quod homo qui fecerit ea, viveret eis.*

6 *Atque ex fide est iustitia ita dicit, Ne dixeris in corde tuo, Quis ascensus sit in calum & hoc est, Christum deducere ex alto.*

7 *Aut, quis descendet in abyssum & hoc est Christum ex mortuis reducere.*

8 *Sed quid dicit? Prope te hoc verbum est, in ore tuo, & in corde tuo.*

**E**xistimat quidem vulgus interpretum hunc Mosis locum sic a Paulo adduci, ut magis alludat ad Mosis sententiam, quam ex ea concludat & conficiat argumentum vel probationem institutæ ab eo questionis; nempe Christum finem esse Legis ad iustitiam cuius credenti. Alii verò, quibus hoc genus interpretationis non videtur sufficere, argumentum fieri per comparisonem minoris arbitrantur in hanc sententiam: quod si hæc Moses de lege pronuntiavit adeò magnificè, multo magis de Evangelio Christi oporteat accipi, in quo est præstatio & complementum Legis. Alii denique, ut Veteres non pauci, Mosis verba de iustitia quæ est ex fide & de verbo fidei interpretati sunt. Sed non satis iudicio meo ostenderunt, quam benè Moses eo in loco de Christo & iustitia, quæ est ex fide, verboque fidei magnificas illas antitheses & cautiones religiosissimas posuerit. Cum itaque ex variis illis interpretationibus hæc postrema probetur mihi omnium maximè, & id tantum desiderem, ut accedat ad eam aliqua illustratio & confirmatio veritatis; secundum quam Mosis verba ad doctrinam Evangelii dicuntur propriè & singulariter pertinere: videndum nobis est, ut in hoc loco probemus documentis certis & evidentibus hanc Apostoli accommodationem. Nam finem utrobique & argumentum commune idemque esse statuimus. Finem, ut Judæi omnia iustitia legis ad



ad Christum & ad iustitiam ejus, quæ est ex fide, pædagogio legis adducantur. Summam verò, quod severitas iustitiæ legis demonstratur, ut ab ea deterriti Judæi, cum illud *adjuvato* legis animadvertissent, ad iustitiam fidei, quæ est in Christo testata per verbum ipsius & prehensa fide, confugerent. Hoc verò negaturi sunt tum Judæi omnes, tum imperiti Judæorum interpretationibus fascinati, & quicunque seriem documentorum Moïsi in eo loco non animadverterint. nos autem (ut his omnibus respondeamus paucis) confirmamus hanc. Moïsi, ac non aliam fuisse sententiam, duobus modis: Primum totius illius tractationis serie: deinde verò natura ipsius loci. Series hujusmodi est: Moïses propositis Dei legibus in libro Deuteronomii ad caput usque 26. eas omnes concludit: a populo quidem solemnem professionem sive fœderis divini cum populo repetitionem, & legalium observationum sponsonem ac protestationem, cap. 26. & 27. a Deo verò, legalium promissionum erga morigeros & minatum adversum immorigeros denunciationem, cap. 28. His factis Moïses 29. capite ex mandato Dei fœdus renovat, ac potius fœdus Evangelii populo exponit, præter illud legale fœdus quod cum ipsis in monte Horeb pepigerat; prout ipse disertis verbis versu 1. capitis 29. exponit Ecclesiæ Dei. Hujus fœderis propositionem sic instituit Moïses, ut primum attentos & dociles Israëlitas exordio faciat, ad versum usque nonum illius capitis: deinde propositione fœderis utitur gravissima, inde ad versum usque 16. tum verò partes fœderis enarrat; legales quidem, conjunctas prophetia calamitatum quæ Judæos propter peccata ipsorum erant oppressuræ, reliquo capite; Evangelicas verò, cap. 30. Neque enim solum in hoc cap. 30. ponuntur promissiones de corporali illa restitutione, quæ Dei beneficio facta est quum ex Babylonia Judæi reversi sunt, versu 3. & duobus sequentibus, verum etiam ampliores & gratiosæ promissiones adhibentur, his verbis: *Benefaciet tibi, & augebit te supra quàm majores tuos, & circumcidet Deus tuus cor tuum, & cor seminis tui ad diligendum Jehovam, &c.* id est, Filius Dei qui Jehova est circumcidet te circumcissione *ἀρετῆς*, ut diligas Jehovam, &c. Sic enarrato fœdere, Moïses ad hortationem venit, inde a vers. 11. & tandem concludit protestationem, duobus ultimis. Ex hac igitur consequutione tota facillè animadvertitur Christum finem esse legis ad iustitiam omni credenti, cum lex ipsa non sola proponatur; sed revocetur ad fœdus alterum; neq; ipsa sui complementum exhibeat, sed tamquam pædagogus sit deducens ad Christum, in quo exhibetur à Deo complementum ejus; neq; in illud tempus promissiones hæc a Moïse proponantur; sed in tempus restitutionis & instaurationis futuræ; neque legales promissiones, sed Evangelicæ. Sed hæc quoque omnia potentissimè ipsius loci natura confirmantur. Nam promissionis hypotheticæ sive conditionalis summam Moïses proposuerat tribus versibus proximè precedentibus, in hanc sententiam: *Quum tu reversus obsequeris Deo, & facies præcepta ejus, omnino tibi benedicturus est.* Atque hanc propositionem illustraverat luculentissimè proposito illius benedictionis modo, & singulis Dei Patris ac filii in Evangelio patefacti operationibus, dicens, *Nam rursus Jehova, id est, Deus Pater, letabitur de te benefaciendo tibi, quemadmodum letatus fuerat de majoribus tuis, si ausculta-veris vocem Jehovæ Dei tui, id est, Domini Jesu Christi, Prophetæ nobis à Patre dati, observando præcepta ejus, &c.* Hujus promissionis Evangelicæ antecedens sive annexa conditio poterat multorum animos deterrere, ac potius om-

nium; si legis *ἀδωάτω* in carne nostra (ut necesse est) expendissent: cujus *ἀδωάτω* inde a principio sermonis hujus conditionem Moses expresserat, dicens, *nondum dedit vobis Jehovah mentem ad cognoscendum, & oculos ad videndum, &c.* Ne igitur impossibilem conditionem propositam sibi a Deo fuisse quereretur, commoditatem illius Moses his verbis explicat: *Nam praeceptum hoc quod ego praecepit tibi, &c.* quasi dicat, haecenus proposui tibi partem priorem federis, ut obsequaris Deo: sed quia altera quoque pars federis est tibi necessaria, ut Deus tuus, quasi novo federe (quod tamen reipsa unum est) suis partibus erga te defungatur, cum tu ipse non possis, & circumcidens cor tuum inscribat ei Legem suam & fedus suum ad obedientiam fidei: nunc demum hoc tibi testor, Deum ita praecepta sua imperare Lege, ut jam jam ea praestandi facultatem paratus sit dare ex promissionibus Evangelicis, cor tuum circumcidere, in ore tuo & in corde tuo praecepta sua inscribere, vitam denique & bonum praestare, quod per te non potes assequi. Cum ergo duo ante Moses praeceperit, nempe Legem, & fidem; verè fallacia divisionis (ut vocant) futura est, si quis praeceptum de Lege tantum intellexerit, quum dicit Moses, *Praeceptum hoc, quod ego praecepit tibi hodie, occultum non est a te, neque longinquum*: praesertim quum eo die non Legis praecepta, sed fidei praeceperit, Legemque totam verè in hoc praecepto demonstraverit terminari, & utiliter salutariterque praestari in Christo Jesu. Optimè igitur generalem hanc propositionem, quam Moses 11. versu pronuntiaverat, *ἡ γὰρ ἀγάπη τοῦ θεοῦ* exornat, atque declarat sequentibus: Optimè verò Apostolus quoque hoc loco interpretatur, & ad Christum credentesque in Christum accommodat ex consilio Moysis; ac propterea id sibi faciundum esse duxit, non ut singula Moysis verba quae eo in loco exstant percurreret; sed potius ut illis quasi digito monstratis, interpretationem suam adhiberet in partes singulas, & argumentatione ex absurdo confirmaret. Hac ratione optimè constat antithesis ab ipso instituta, iustitiae legalis, & Evangelicae. Nam de legali dicit, *Moses describit iustitiam quae est ex Lege.* Levit. 18. *Quod qui praestiteris ea, per ea vires*: hoc autem fieri non potest ab ullo puro puto homine. Non enim justificabitur ulla caro in conspectu Dei ex Legis operibus. Ergo alteram iustitiam a Mose pronuntiari opus est, quum iustitiam ad pios docet perventuram. Haec verò iustitia illa est quae est ex fide. Probat altero membro antitheseos: *Nam quae ex fide est iustitia, eodem Mose testante, sic dicit, Ne dixeris in corde tuo, Quis ascendat in caelum? aut, qui descendat in abyssum?* id est, quis profunda & ulteriora maris ipsius pervelliget? Sed dicit, *prope te verbum est hoc, in ore tuo & in corde tuo*, id est, hoc praeceptum fidei, quod ego eloquor, neque occultum neque longinquum est, cum id ipsum in ore tuo & in corde tuo Deus gratosè indat, si tantum fide voles prehendere. Quamobrem istis absurdis quaestionibus & a Christiana fide alienissimis per absurda duo ex contrario responderet Paulus, cum antecedente propositione conjunctissima. Dixerat enim, *Finis Legis est Christus ad iustitiam curvis credentibus*; unde omnino consequitur, Ergo quisquis Christum ad iustitiam cuius credenti datum evertit, finem evertit Legis. Ex hac verò consequuntione, quaestiones absurdas quibus Moses interdixerat studiosissime, confutat absurdis propositis a persona Christi, quem finem Legis esse ostenderat. Absurda est, inquit, inepta, impia quaestio haec: *Quisnam sit in caelum ascensurus ut verbum illud fidei confirmes,* quod

quod indicabat Moſes. Nam quiſquis hoc deſiderat, aſſum agi deſiderat, ſubruit veritatē Chriſti, & perinde facit ac ſi Chriſtum ex cælis de integro deduceret expoſiturū voluntatē Dei: Deniq; omnino pernegat Chriſtum a Patre miſſum ex alto, deſcendiſſe, ut Prophete partes apud homines ageret, & voluntatē Dei Patris Eccleſiæ exponeret. Nec alia ratio eſt, qua Moſes alterū quoq; abſurdū aſſert, dicens, Quis trāſeat in partes ultiores maris, id eſt, (ut optimè interpretatur Paulus) in ipſam abyſſum & ledem maris extimam, nimirum ut de eventu illius fidei homines confirmet, & ab eventu probet veritatem ejus. Reſpondet enim Apoſtolus abſurdo altero commodiſſimè: eventus quem Chriſtus potentiffimè demonſtravit p̄r reſurreccionem ex mortuis, veritatem hujus verbi de juſtitia fidei confirmat luculentiffimè. Quiſquis ergo ampliùs deſiderat ut in abyſſum deſcendatur, & ab eventu novo requirit hujus Euangelicæ doctrinæ confirmationem; is non enervat ſolū, verum etiam pernegat veritatem reſurreccionis Chriſti & virtutem illius: quandoquidem reſurreccionem ſuam tam multis teſtibus voluit teſtata fieri, ut in æternum de veritate, virtute, fructib; que ipſius apud omnes credentes cōſtare poſſet. Quæ cum ita ſint, non debet cuiquam videri mirum, ſi Paulus hoc in loco quibuſdam interpretamentis tam neceſſariis illa Moſis verba locupletaverit, omiſſis aliis quæ a Moſe fuerant interjecta. Nam Paulus hoc pacto & Moſis authoritatem aſſeruit adducendis illius verbis, & veritatem illuſtravit, quum res ab eo jam olim prophetatas auxit enarrationibus quibuſdam Euangelicis, ad complementum Moſis & finem Legis pertinentibus.

Rom. 10. 11. Quæ ex Eſaiæ cap. 38. 16. adducuntur, expoſita ſunt Parallelo 15. hujus libri.

Rom. 10. 13. Quæ ex Joëlis 2. 32. adducuntur, ea in caput 2. Actorum fuerunt expoſita, Parallelo 87. libri 1.

## PARALLELUS XVII.

Eſa. 52.

7 Quam ſpecioſi ſunt ſuper iſtos montes pedes Euangelizantiū, pronunciantiū pacem, euangelizantiū bonum, pronunciantiū ſalutem, dicens Sioni, Regnat Deus tuus.

Rom. 10.

15 Quam ſpecioſi pedes euangelizantiū pacem, euangelizantiū bona!

**H**ic locus nihil obſcuritatis habet; cū id ipſum quod Propheta futurum prænuſciaverat, Apoſtolus demonſtret factum. Quamobrem id unum hic nobis videndum eſt, quomodo hæc verba cum illo Sorite, quo Paulus utitur, cōveniant, & pertineant ad ejus cōfirmationem. Sorites ſuit hic, Qui miſſi ſunt, prædicant: qui prædicant, ii audiuntur: qui audiuntur, iis creditur: prout his creditur, ſic invocatur Deus: a quibus invocatur Deus, ii ſalutem conſequuntur. Confirmat igitur hæc ſingulas propoſitiones Paulus adducto 52. cap. Eſaiæ, quod totum hæc ſingulas Soritæ partes ſic interpretatur atque prænuſciat, ut vix commodior locus adhiberi ex Scriptura reliqua Teſtamēti



## PARALLELORUM

veteris potuerit ad justam earum probationem. Nec refert quòd Paulus unicam solum partem unius versus ex eo capite inseruit in hanc Epistolam. Nam id Apostolo visum fuit satis, si amplissimum illum locum de ministerio Euangelico cæterisque rebus eò pertinentibus velut digito indicaret, & fidelem quemq; lectorem ad Esaiam ipsum velut Prophetam Euangelicum, rejiceret. Hæc autem ita se habere, nemo dubitaturus est, qui vel leviter illud Esaiæ caput legendò percurrerit.

## PARALLELUS XVIII.

Esai. 53.

Rom. 10.

2 *Quis credit auditioni nostræ?*

16 Domine, quis credidit auditioni nostræ?

**V**triusque loci idem finis est, & argumentum idem: Nam & Esaias in Prophetia illa sua, & Paulus in hoc loco antè explicaverunt gratiam Euangelii de justitia fidei, quam pios omnes in Christo solum consequi tradiderant. Hic autem uterq; indignè factum conqueritur, quòd gratiosam illà Euangelii prædicationē justus eventus apud Judæos minimè consequatur; Quamobrem Esaias ex abrupto orationem ad Deum & Ecclesiam cōvertens his verbis utitur, *Quis credidit auditioni nostræ? & brachium Jehovæ cui relevatum est?* nimirum in hac perditā & deploratā Judæorū gente. Paulus verò in eodem argumēto pergens (nam hæcenus de Judæis egit potissimum inde a principio capituli noni) Dominum appellat, tamquam veritatis & complementi testem, earum rerum quas suo tempore Esaias deploraverat; & dicit, *Domine quis credidit?* &c. ut hac loquutione ostenderet, jam suo tempore ita obfirmatam fuisse Judæorum gentem, ut neminem fermè ex ea reliquum esse animadverteret, qui licet vehementissimè Paulo appellante, ad obfirmationem & incredulitatem suæ gentis, vel minima ex parte, attenderet. Ac propterea sibi necessariò Dominum fuisse appellandum, cum Judæi tam graviter obscuruissent, & in Christum lapidem offensionis impegissent.

## PARALLELUS XIX.

Psal. 19.

Rom. 10.

5 *In omnem terram proditi delinatio eorum, & in extremitatem orbis habitabilis sermones eorum, &c.*

Deut. 32.

21 *Ego provocabo ipsos ad zelotypiam per eum qui non est populus meus: per gentem expertem intelligentiæ, ad iram provocabo eos.*

Esai. 65.

1 *Exposui sum iis, qui non interrogabant: inventus sum ab iis, qui non querebant me.*

18 Sed, inquam ego, annò audierunt? imò verò in omnem terram exivit sonus eorum, &amp; in fines orbis habitabilis, verba eorum.

19 Sed, inquam ego, numquid Israël nō cognovit? primus Moyses dicit, Ego ad æmulationem provocabo vos per gentem quæ non est gens: per gentem intelligentiæ expertē, ad iram provocabo vos.

20 Esaias autem ex eo audacia utitur, &amp; dicit: Inventus sum ab iis, qui me non querebant: conspicuus factus sum iis, qui de me non interrogabant.

2 *Expandi*

2 *Expandi manus meas totum diem  
ad populum rebellem, qui ambulat  
via non bona, sequendo, &c.*

21 *Ad Israëllem autem respiciens  
dicit, Totum diem expandi ma-  
nus meas ad populum non creden-  
tem, & contradicentem.*

**H**I omnes loci ita a Paulo cōjuncti sunt, & pressē (ut ita dicamus) adunati, ut nobis visum fuerit Parallelo uno simul omnia cōcludere, ad commodiorem argumentationis institutē ab eō declarationem. Dixerat antē Judæorum gentē suo ipsius vitio non esse assequutum iustitiā fidei, & sermoni Euangelii minimē credidisse: hoc tantum malum, quia impii & infideles excusant studiosissimē; visum est Paulo per occupationem singulas ipsorum cavillationes breviter percurrere, & ad eas autoritate divini verbi respondere. Tres igitur omnino sunt cavillationes ejusmodi, quę suo ordine hoc in loco exponuntur. Prima: At fortasse non audiverint doctrinam fidei; quod si non audiverunt, injustē videntur incredulitatis damnari nomine. Secunda: At fortasse Deum antē non cognoverant; ac proinde iniquum fuerit eos tam præcisē damnari, qui Dominum ipsos compellantem verbo, statim non agnoverint. Tertia, ex absurdo est, principio capitis 11. Atqui si res ita se habet, videtur Deus populum suum totum abjecisse; quæ res planē absurda est, & veritate Dei indignissima. Ad primam respondet Paulus versu 18. adductis quibusdam verbis, quæ ex Psalmo 19. videntur desumpta esse. Et quidem revera ita sunt; sed de eorum verborū interpretatione, accommodatione, & mutatione hæcenus mihi non videtur satis apud Interpretes convenisse. Quamobrem, ut singula hæc ordine conciliemus, prius de fine & summa illius loci dicendum est. Finis totius Psalmi est; ut videant omnes, quæ documenta sibi a Deo data sint; & quibus documentis ad certam & veram salutarēque Dei notitiam vocentur atque adducantur. Summa est, Deum post omnem hominum memoriam duobus documentis ad informandos homines usum esse, operibus, & verbo: Nam de operibus, ad versum usque 7. de verbo autem sequentibus versibus Prophetæ agit. Hunc igitur Psalmum adducit Apostolus, demonstraturus Judæos audivisse verbum Dei, & ex eo fuisse institutos de fide, qua Christum ab ipsis percipi oportuit. Sensus igitur est; non solū delineationem, & constitutionem *σύνταξιν* rerum creaturarum, verum etiam verbum Dei, adeoque doctrinam ipsam Euangelii jam olim Judæis fuisse propositam: & ita quidem propositam, ut non potuerint ipsi non audivisse: quia non clanculum, sed in propatulo; non in angulo aliquo, sed in publico coram Sole & toto mundo fuit enunciata Apostolorum sanctorum ministerio, ex Prophetarum (quibus Judæi se prædicabant credere) prædicationibus. Horum igitur verborum evidens est interpretatio; estque hujusmodi iudicio meo. Quidā annon Judæi audiverint illam prædicationem verbi & doctrinæ fidei? ad quos primū pervenisse ex Mose suprā ostendimus versu & seq. Imō verō (quod amplius est) Annon audiverint illi, quibus jam olim fuit prædicata, cum hoc tempore vox Euangelii ab ipsis in universam terram dimanaverit? sic ergo comparatio est minoris: Nam si audiverint longissimi, & quibus hæc doctrina recens fuit oblata: quantō magis propinquos atque domesticos audivisse eam oportuit præsertim cum jam olim ab ipso Mose traditam eandem doctrinam habuerint, & asservaverint. Atque hæc quidem vera esse dixerit, fortasse quispiam; sed

sed Davidem longè aliud sensisse, in eo loco qui hic adductus est: propterea ineptam videri accommodationem. Nos verò accommodationem omnium aptissimam esse statimus ex argumento Psalmi, quod antè tradidimus: Nam accommodatio hæc (ut ita dicam) non est ab Apostolo, sed a Propheta ipso, qui comparisonem instituit operum Dei cum verbo; & demonstrat ibidem, quæcumque de operibus Dei ad documentum, & institutionem nostram adferuntur, ea multò magis de verbo credi oportere. Nam eò pertinent quæcumque postea magnificis verbis de doctrina & sermone Dei prædicantur; lucere quidem diem & Solem de die, cælumque & res creatas omnes enunciare voluntatem Dei: sed aliam esse efficacitatem verbi. Nam recreant corpus diei & noctis vicissitudines: sed verbum animam dicitur insaturare; & illa quidem res de nocte latentes retegunt in oculis nostris; verbum verò ex fatuo sapientem facit, &c. Si ergo operum illorum aspectabilem tanta est vis, ut totum orbem terrarum perlustrarent: quanto ampliùs id sensit Propheta, Euangelium, quod potentia est Dei ad salutem cuius credenti, suo tempore, id est, in plenitudine temporum singulas orbis terrarum partes esse perlustraturum; sed hoc non dixit Propheta: objiciet quispiam. Fateor illud quidem non dixisse in eo versu; sed postea ex consequente intellexisse, ut Prophetam Dei & legis peritissimum, instituta comparatio demonstrat luculentissimè: deinde verò Paulus his verbis agit interpretem comparisonis illius a Propheta institutæ; & docet quàm certò in omnem terram cælorum delineatio & documenta prodierunt, hominibusque omnibus (ut loquitur Moses) data sunt, tam certò his temporibus ultimis doctrinam Euangelii in universum orbem terrarum dimanasse, Apostolorum prædicatione. Ac propterea non tenerè vocem unam Prophetæ Apostolus permutavit, tamquam si veritatem Scripturæ, quam religiosissimè agnovit & coluit, corrumpere: sed certo consilio in locum vocis illius, *Delineatio*, substituit hanc, *Sonus*; respiciens ad præsentissimum illius promissionis complementum, qua Deus per Moysen & Prophetas fore prædixerat, ut omnes gentes ad Euangelii communionem vocarentur, atque ad hunc finem præcones suos a se datum iri prænunciaverat. Quòd si non corruptio, sed interpretatio & illustratio est illius loci, quam Apostolo visum est adhibere ut luculentior Euangelii gratiam esse ostenderet; nemo profecto vir bonus futurus est, qui optimam hanc interpretationem ex ipso Propheta haustam & his temporibus ultimis accommodatam, optimè non sit accepturus: impius autem quomodo hanc interpretationem prober, qui non probet Euangelium Christi? Atque hæc quidem de primo diagrammatis nostri Paralleli loco, quem non allusione, ut putavit vulgus Interpretum; sed sanctissima & pernecessaria interpretatione auctum ab Apostolo fuisse hætenus docuimus. Sequuntur jam loci ad cavillationem secundam pertinentes. Duplex ergò a Paulo hic proposita est auctoritas, ut cavillationem istam dilueret, nimirum Deum antea fortasse non ita fuisse à Judæis cognitum; contrà verò affirmat Apostolus eos cognovisse, & duobus locis confirmat, argumentationibusque ex contrario eventu sumptis; nempe ex æmulatione Judæorum primum, deinde verò ex infidelitate & octra dictione. Sic enim Apostolus optimè arguit: Rei inaudite non est Zelotypia, aut invidentia & indignatio. Ut trumq; verò in Judæis futurum esse jam olim Moses prædixerat. Omnino igitur



igitur doctrinam Dei, & iustitiæ fidei per Moſen audiverunt. Idem quoque de Eſaia loco, Non poſſunt incredulitatis damnari, & rebellionis aut contraditionis, quibus doctrina credenda non eſt propoſita. Judæi autem eo nomine à Deo condemnantur. Audiverunt igitur. Imò verò non audiverunt ſolùm; ſed Deum quaſi obſecrantem contemſerunt, & ad indignationem provocaverunt: Nam *Totum diem, inquit, expandi manus meas.* &c. Cognovit ergò Iſraël, concludit Apoſtolus: ſed cognitum oppugnavit. Cæterùm quæ mutationes his in locis factæ ſunt, nemini vel mediocriter docto poſſunt dubitationem injicere, ut quum in illo Deut. loco, pro eo quod Moſes dixit, *provocabo eos*, Apoſtolus reſponſit, *provocabo vos*, ut vehementius dictum exprimeret. Similiter, quòd primus Eſaia verſus ordine inverſo proponitur, factum eſt ab Apoſtolo, ut gradationem beneficiorum Dei erga gentes in Euangelio ampliùs revelaret. Reliqua contra Judæos ultimo verſu dicta, quia pluribus ab Eſaia contra Judæos fuerant adducta, Paulus (ne eſſet longior) *quædam* complexus eſt populi contradicentis appellatione. Atque hæc de horum locorum convenientia, iudicio meo, ſatis.

## PARALLELUS XX.

1. Reg. 19.

10. & 14. *Et dixit Elias, zelotypia aſſeſtus ſum pro Jehova Deo exercituum: quia reliquerunt fedus tuum fili Iſraël: altaria tua deſtruxerunt: & Prophetas tuos occiderunt gladio. Ego verò ſum relictus ſolus & querens animam meam, ut intercipienti ipſam.*

18 *Feci autem ut remaſerint in Iſraële ſepties mille, qui omnes genua ſua non flexerunt Baali.*

Rom. 11.

3 An nescitis de Elia quid dicat ſcriptura? quomodo colloquatur cum Deo, dicens, adverſus Iſraëlem. Domine Prophetas tuos occiderunt, & altaria tua ſuffoderunt; Ego verò ſum relictus ſolus, & quaerunt animam meam.

4 Sed quid dicit ei divinum reſponſum? Feci ut remaſerint mihi ſeptem millia virorum, qui non flexerunt genu Baali.

**H**ic locus nihil obſcuritatis habet; ac propterea a longiore ipſius interpretatione ſuperſedebimus: tantum id obſervandum eſt, conſutari his verbis tertiam illam cavillationem, qua Judei tractaturi eſſe videbantur ſapientiſſimam Dei adminiſtrationem dicentes, *Ergò Deum abieciſſe populum ſuum.* Hanc cavillationem negat Apoſtolus, & deſenſionem ſuam confirmat duobus exemplis. Prius exemplum eſt a perſona ſua, verſu 1. Poſterius autem ab authoritate ſcripturæ, & Iſraëliitarum exemplo, quo tempore perditiffimus illorum ſtatus etiam ab ipſo Propheta Elia iudicabatur. Hujus exempli *verſus* ſive applicatio verſu quinto, ab eodem Apoſtolo ponitur elegantiffimè quum ait, *Ita igitur & hoc tempore reſervatio ſecundum electionem gratia facta eſt.* Eſt autem tota vis huius argumentationis poſita in Dei appellatione, & verbo *precognoscendi*, quo in verſu ſecundo utitur. Sic enim argumentatur a natura Dei, Deus ſemper unus eſt, ſibi ipſe conſtans, & conſilio, modisq; omnibus immutabilis: Precognovit autem Iſraëlem: Ergo non abiecit. Quòd ſi qui eò abieciſſe putant iudicio a maiore parte (ut vulgò loquuntur) facto, quòd Populi corpus atque univerſitatem

tem rejecerit, plurimum falluntur: Nam etsi membra multa tamquam putrida abiecit ex isto corpore, tamen electio remansit in omni corpore, ut Dei veritas & fides constaret. Itaque, ut infra versu 28. Apostolus optime statuit, hi secundum electionem diliguntur: illi secundum incredulitatem, qua obsistunt Evangelio, Deo inimici sunt. Sic omnino constat falsum illorum judicium esse; quia duplicem hunc respectum nequeunt distinguere ex Elenchi (ut vocant) ignoratione. Quod autem paucula mutationes quædam in his verbis videntur esse, eæ non sunt tanta, quæ hominem mediocriter peritum movere possint; ut sunt membrorum *v'st'egoni*, & unius tantum partis ex versu historiæ veteris adscriptio: Nam partem aliquam ex narratione aut versu adscribi, tum demum moris est, quum aut aliqua tantum pertinet ad rem quæ agitur: aut locus magis innuitur, quàm explicatur brevitatibus causa, quemadmodum in Matthæum Parallelo 5. docuimus.

## PARALLELUS XXI.

Esa. 29.

10 Effudit super vos Jehova spiritum soporis: & obfirmavit oculos vestros.

Rom. 11.

8 Sicut scriptum est: dedit Deus eis spiritum soporis, oculos ut non videant: & aures ut non audiant.

Quod sit argumentum & finis hujus loci, res ipsa tam aperte loquitur, ut non sit opus nos hic de explicatione eorum laborare. Dixit Apostolus, *Electi assequuti sunt; reliqui verò occalluerunt.* Hoc posterius membrum confirmat Apostolus autoritate Scripturæ. Unde autem petita sit hæc scripturæ autoritas apud Interpretes est controversia; Ego auctoritatem hujus loci non alibi exstare puto, quàm Esa. 29. ut in diagrammate nostro posuimus; sed obscurioris unius dicti assumptâ esse aliunde interpretationem: Nam pro eo quod Esaias dixit, *Effudit super vos, &c.* Paulus mutato dicendi genere, ex translato fecit proprium, dicens, *Dedit, vel indidit eis; & pro illis verbis, obfirmavit oculos vestros,* substituit illa, *dedit oculos;* nimirum excæcatos, ut non videant: quæ omnia etsi verbis divisa sunt; re tamen & argumento sunt eadem. Cætera quæ Paulus adjicit, etsi ita defendi possunt ut dicantur adjecta ex analogia; omnino tamen interpretamentum videtur esse ex Esaie sumtum. Cum igitur nihil sit in quo hi duo loci discrepare videantur, nisi quod pietatis hostes justam esse accommodationem, negaturi sunt, de ea videamus. Justam non esse accommodationem, duobus modis contendere potest. primum, quod argumentum videtur esse in consequens, prout a Paulo adducitur: deinde, quod particulare, ut vocant, testimonium non potest efficere regulam generalem. Ad priorem objectionem videtur facere, quod diversi a Paulo (ut loquuntur) termini apponuntur: *reliqui,* inquit, *ocalluerunt, sicut scriptum est: Dedit eis Deus spiritum soporis:* Oportebat enim judicio istorum hominum testimonium adduci de illis quod occalluerunt; non autem de Deo, quod Spiritu soporis ipsos perfuderit. Atqui non est eo nomine reprehendendus Apostolus, quod & illorum malitiam, & Dei judicium expressit simul: Nam utrumque verum est, reliquos occalluisse, qui id non sunt assequuti quod considerabant: & illos in malitia sua occallescentes a Deo amplius obduratos esse, ut gratiam ipsius justitiæque fidei minus agnoscerent, & magis

magis oppugnarent magno malo suo. Nam quòd occalescunt, sua ipsorum viciofitate & malitia occalescunt per se: quòd Dei facti indurantur, id Deus non simpliciter per se, sed per accidens facit: Nam subiecti vitium est; non autem agentis Dei, quum gratia Dei per se salutaris ab impiis depellitur; & ita quidem depellitur, ut peccatum ipsorum fiat magis peccans, oblatione divinæ gratiæ: quemadmodum de legis mandato simile responsum docet Apostolus ad Romanos 7. Altera obiectio, malè concludi ex particulari, ipsis Esaiæ verbis refellitur, & totius capitis argumento. Nam ille ipse versus & qui eum sequuntur proximè, testantur evidentissimè Prophetam eo in loco agere de Judæorum gente, ac velut corpore: quemadmodum tertio post versu habentur verba istius argumenti: quæ Christus contra Judæos adduxit commodissimè, ut in caput. 15. Matthæi exposuimus. Totum verò caput, quod argumento cum præcedente est conjunctissimum & Prophetia tota continens, ad regnum Christi respicit: cujus statim disertis verbis Propheta prænunciaverat; ut bonos consolaretur, & impios perterrefaceret, denunciata judiciorum Dei per Christum gravitate, ut Parallelo 13. ostendimus. Deinde verò, ut demus non agi disertè in eo loco de tota Judæorum gente & temporibus Evangelii, certum est (quod jam multoties diximus) *αιτιολογίας*, id est, iusti & iniusti legem etiam in rebus humanis esse constantissimam: quanto magis in natura Dei & qui ipsissima est iustitia, & negare seipsum non potest. Si ergò iustum fuit, quum Esaias viveret, quòd Deus occalescentes obduraverit amplius & spiritu soporis eos perfuderit: idem certè omni tempore in obstinatos iustum est à Deo fieri. Tertio (quod amplius est) si gravior fuit Judæorum pertinacia in plenitudine temporum, quum Deus patrefactus est in Carne, quam cum Esaias futurum prophétaret; omnino iustitiam Dei pariter exerceri, adeoque gravius, oportuit in perditam Judæorum gentem, quæ peccata majorum suorum omnibus numeris superaverat. Postremò autem, si illud verum est (ut est) Quæ antè scripta sunt, ad nostram doctrinam scripta esse, Rom. 15. 4. quid nō etiam à particulari concludamus in hoc argumento & cum, si à personis & quasi individuis discesseris, eadem semper coram Deo sit Thesis, ut ita dicamus, eademque subiecti de quo agitur constitutio, nisi corrigatur, emendeturque per spiritum regenerationis in Christo Jesu. Stat igitur illud firmum & immotum, causam indurationis primam & per se esse in hominibus; accidentariam verò eamque iustissimam, in Deo viciofitatem hominum rebellium & contumacium spiritu soporis (quem imbibebant ipsi, & quem hauriunt avidissimè, semperque sitiunt) cumulante iustissimè ad casum & ruinam ipsorum.

## PARALLELUS XXII.

Psal. 69.

23 *Sis mensa ipsorum ante ipsos pro laqueo: & ad retributiones pro tendicula.*

24 *Obtenebrentur oculi ipsorum, ut non cernant: & lumbi ipsorum faciat jugiter vacillant.*

Rom. 11.

9 David dicit, *Fiat mensa ipsorum pro laqueo, & pro tendicula, & pro offendiculo, & pro retributione ipsis.*

10 *Obtenebrentur oculi ipsorum ut non cernant: & tergum ipsorum semper incurva.*

Hic



**H**ic locus, quem ex Davide adducit Paulus, etsi de quibusdam personis & quasi individuis subjectis loquitur; tamen ratione causæ & iustitiæ, cujus lex perpetua & immutabilis est (prout de Aetiologia antea monuimus) generalem doctrinam habet. Nam si iustum fuit eos homines, qui Davidem iniuste persequuti sunt, aut qui Dominum & Servatorem nostrum Christum tam contumeliose exceperunt, à Deo affligi; & quidem his ipsis afflictionum generibus, quæ à Davide fuerunt proposita: certum est eandem iustitiæ legem obtinere adversus eos, qui non fuerunt electi à Deo; sed sua ipsorum vitiositate & malitia occalluerunt in peccatis suis. Est igitur hic non abusus loci, aut levis accommodatio, aut allusio, ut nonnulli vocant; sed argumentum verissimum firmissimumque à natura Dei, & iustitiæ ejus constantissima, quæ non potest non castigare peccatores ceteros, ut illos castigavit. Nam quod David de illis dixit, ita de illis dixit, ut universè hoc de omnibus à iustitiâ Dei constitutum esse senserit, qui ejusmodi futuri essent. Itaque, si quis ex verbis Davidis documentum ejusmodi eruit, non discedit à mente, sed ab hypothese illius, quia quicquid de hypothese David prædicabat, illud de Thesi hauserat, quam divinitus didicerat. Cæterum, ut locus intelligatur evidentius, unum præter institutum hujus operis nostri sumus adjecturi: nempe duos à Davide modos diserte exprimi, quibus ostendit quomodo occallescant impij atque obdurentur: prior est, quod ipsi sua vitiositate omnia Dei beneficia, adeoque suam ipsorum mentem & convictum ordinarium vertunt in damnum suum: denique ad singula Dei beneficia offendunt; quæ quum Deus utenda dederit, ipsi ad abusum, & perniciem suam transferunt indignissime; Posterior est, quod nefariam istam contumaciam hominum nequitiam Deus novis peccatis castigat; & quia oculos occludunt ultro ad verum usum beneficiorum Dei, vicissim oculos ipsorum occludit Deus, & ita obtenebrat, ut, quia peccato addicti sunt, eos peccatis suis mancipet: Nam ut optimè ait Apostolus, sicut non visum est eis Deum in notitia retinere: ita tradit eos Deus in mentem omnis judicii expertem, ut faciant, quæ minimè conveniunt: id est, (ut forensi loquutione utamur) miseros istos peccati nexu obligatos addicit peccato, in quod ultro natura sua projecti sunt.

Rom. I.

## PARALLELUS XXIII.

Esai. 59.

20 Veniet Sioni vindex, & revertentibus a defectione ex Jacobo, dictum Jehova.

21 De me autem hoc sedus meum cum illis, ait Jehova, Spiritus meus qui est in te, & verba mea, quæ posui in ore tuo, &c.

Rom. II.

26 Veniet ex Sione liberator ille, & avertet impietates a Jacobo.

27 Atque hoc illis a me sedus futurum est, quum abstulero peccata ipsorum.

**N**on est obscurus finis, propter quem hæc promissiones tum a Propheta fuerunt prænuntiata, tum etiam ad hunc locum ab Apostolo adhibentur: Nam quum Propheta miseram Judæorum conditionem, in suis peccatis versantium antè explicavisset, & calamitates

calamitates eorum causâ Judæos invasuras; concludit tandem Deum propter seipsum, sive propter fidem & justitiam suam toti mundo lucem Evangelii omnibus hominibus salutarem prælatum esse; nominatim verò missurum esse vindicem, Redemptorēque nostrum ad Sionem & ad Judæos a defectione sua reversuros; quos ubi Christus apprehenderit & in sedus gratiæ adsciverit, fore ut ob signati promissionis Spiritu obtineant libertatem filiorum Dei, servati ex peccatis suis. Commodissimè igitur hoc loco Apostolus Esaiæ verba ad argumentum suum adhibet: Nam ostendit antè reliquo capite, Et si Judæorum corpus in speciem defraustum est, & exsectum a vera & germana olea; tamen reservationem ex eo corpore factam esse secundum electionem gratiæ; neque esse, curgentium corpus (ut ita dicamus) adversus Judæorum corpus gloriatur: quia ista rejeção non ex toto, sed ex parte evenit Israël, donec advenerit plenitudo gentium; partem verò Israël servandam esse quemadmodum Esaias Propheta prædixerat. Restat ut de mutationibus aliquid dicamus; quia plurimum a Prophetæ verbis videtur Paulus discedere. Nam primum pro eo, quod Esaias dixerat, *Veniet Sioni Redemptor aut vindex*, dixit Apostolus, *veniet ex Sione*: sed non debet hæc mutatio permovere quemquam, ut de fide Apostoli aut Spiritus sancti veritate dubiter in proferendis his testimoniis; si tempora distinxerit ad quæ Propheta & Apostolus respexerunt. Etenim Esaias ipsum quasi momentum adventus Christi notavit illis Prophetiæ suæ verbis; ac proinde non potuit aliter enunciare, quàm hoc modo, *Veniet Sioni*, &c. Paulus verò progrediens ab adventu Christi ad res alias ex eo adventu consequutas, jam non dicit venturum Sioni (venerat enim) sed pro ratione temporis, venturum ex Sione, id est, ex Ecclesia sua, ut Judæis quoque beneficiat. Itaque non simpliciter agit Paulus interpretem, sed etiam accommodat suis temporibus ea quæ ex justa illius loci interpretatione omnino consequuntur: quod genus accommodationis planè apodicticon quis, nisi demens aut impius oppugnare ausit? De sequente membro idem judicium est: Nam pro illis verbis, *veniet revertentibus a defectione ex Jacobo*, metaleptica gravitate quadam beneficium adventus illius consuetudinem Paulus pro adventu ponit, dicens, *Avertet impietates a Jacobo*. Nam Græci; plurimum defectionis Hebræum nomen nomine *αποκείας* interpretati sunt. Sequens autem versus eodem ex loco petitus est, neque necesse est ut confugiamus ad alterum ullum Esaiæ locum, unde hæc verba expleamus: Nam petita sunt omnino ex postremo versu illius capitis: sed ita tamen, ut brevitas causa principio tantum illius posito, reliquam partem omiserit, perinde ac si communem illam notam adhibuisset, & cetera: quæ nota in longioribus sententiis fermè adhibetur, ubi aut brevis desideratur, aut non postulat reliqua adjici commoditas loci; aut denique locus est notissimus, & tamquam in ore omnium: Quæ omnia de illo Esaiæ loco, quem adducit Paulus, verissimè prædicari possunt. Quod autem postremò adjicit verba hæc, *quæ abstulero peccata ipsorum*, ex præcedente versu petita sunt: Propterea verò a Paulo adjecta, quod tum ordinem beneficiorum Christi optimè distinguere voluit, tum gentes confirmare hac inculcata repetitione, non esse desperandum quin Judæis peccata sua remittantur, & reconcilietur Deus federe gratiæ; ac proinde non habere gentes cur adversus Judæos insolescant.

## PARALLELUS XXIII.

Deut. 32.

35 *Mea est ultio & retributio.*

Rom. 12.

19 Scriptum est enim, Mihi est ultio, ego rependam, ait dominus.

**A** Etiologia; id est, iusti & iniusti constans est perpetuâque regula, quam eodem sensu pronuntiavit Deus in hoc argumento, atque ab Apostolo in hoc loco adducitur: nempe, non esse cur homines solliciti sint de ultione procuranda aut sumenda, si quando ab impiis iniquè injuriam pertulerint; sed potius oportere, ut conquiescant in Domino, eique omnes injurias permittant, confidentes justitiæ illius. Quod autem vocem illam, *Retributio mea est*, Paulus per conjugatum verbum explicavit, mutatio est exegetica, nihil de sensu detrahens, sed potius addens illius intelligentiæ; quia hoc est evidentius atque facilius intellectu, quam illud ipsum quod adhibuit Moses.

## PARALLELUS XXV.

Esaï. 45.

23 *Per me juravi, prodit ex ore meo iustum verbum, nec revocabitur: quod mihi flectet sese omne genu; per me jurabis omnis lingua.*

Rom. 14.

11 Scriptum est enim, Vivo ego, dicit Dominus, quoniam mihi se flectet omne genu: & omnis lingua confitebitur Deo.

**E**tsi hic locus apud Esaïam videtur in speciem aliò pertinere, quam ad eum finem, quem hoc loco monstrat Apostolus: tamen non dubium est, quin duobus modis ille ipse sermo conveniat personæ Christi; primum, secundum deitatem, quâ Deus unus est *quosvros & suavis* cum Patre & Spiritu sancto; deinde verò secundum personam totam, qua sermo factus est verbum, & mediator est Dei & hominum, homo Christus Jesus. Etenim, quâ Deus est, omnino eadem gloria (ut ita dicamus) conglorificandus est, & coadorandus una eademque adoratione cum Patre & Spiritu sancto, quandoquidem tres illæ personæ una sunt essentia & unus Deus, prout optimè atque sanctissimè in Ephesina Synodo fuit expositum: Quâ autem mediator est secundum utramque naturam in unitate personæ, tantum abest ut gloriam illam, jus adorationis, & cætera, quæ ab æterno cum Patre & Spiritu habet, amiserit aut deposuerit, quando seipsum exinanivit forma servi accepta, ut contra novo quodam modo clarè ostenderit eadem omnia ad se pertinere. Quamobrem etsi Esaïæ verba in eo loco speciatim personæ Christi vindicari possunt, cum sequentia omnia ferè de persona Christi distinctè enuncientur; id tamen religiosè & sanctè concedimus, illa apud Esaïam verba, esse verba Dei Patris, filii, Spiritus sancti. Quod autem speciatim hoc loco, ut in Epistola ad Philippenfes, hæc verba de Christo prædicantur; illud statuimus nihil derogare de dignitate Patris & Spiritus sancti, aut de Prophetiæ illius veritate. Nam inter omnes pios de eo convenit; quæcunque prædicantur de essentia Dei, eadem optimè sanctissimèque de personis prædicari in essentia illa subsistentibus; si proprietates personarum, & respectus relationemque inter



inter personas exceperis, & quæ illius relationis sunt. Glorificatio autem, adoratio, & cætera ejusmodi, officia sunt quæ a rebus creatis omnibus essentia Dei tribuuntur, nec sine impietate & contumelia flagitiosissima denegari possunt. Hæc igitur speciatim quoque personæ Christi competunt, cum propria sint totius essentia, singulisque personis inter se communia. Sed cur speciatim, dixerit quispiam, commune illud officium toti essentia divina, tribuendum Christo Paulus Apostolus asserit: nonne hoc factum injuria fit Patri & Spiritui sancto, ad quem una eademque gloria pertinet? Responsio: Et justæ causæ sunt, cur id Paulus fecerit, & absurditate vacat. Causæ cur hæc verba Paulus Christo accommodet, tres ad hunc locum asserri videntur oportere. Prima est, quod de persona Christi hoc loco agitur, ad quam si id accommodat Paulus quod ipsi cum Patre & Spiritu sancto commune est, sermonem præsentem confirmat de persona Christi sine ulla Patris sanctive Spiritus contumelia; quia de hoc in præsentia, non de Patre aut sancto Spiritu agitur. Secunda est, quod omnino gloriosam hanc prædicationem attribui Christo oportuit, quo amplius gloriam suam deposuisse suscepta carne videbatur; ut eo pacto omnes, qui vocantur ad Evangelium Christi, certò intelligant Christum (ut in veterè Ecclesia dicebatur) semper id esse, quod erat, neq; de sua conditione aut jure æterno quicquam vel minimum amisisse. Tertia denique est, quod hic de summo illo judicio, quod Christus habiturus est, deque nostro officio agitur in expectatione illius; ad hoc enim, inquit Apostolus, *Christum & mortuum est & resurrexit & revixit, ut & mortui & viventibus dominetur*: deinde, *Omnes enim sistentur apud tribunal Christi. Scriptum est enim, Vro ego, dicit Dominus, &c.* quasi dicat, Quid tu miser, oculos configis in fratrem tuum, ut cognoscas labes ipsius, & eum condemnes? quin potiùs attendis ad te, & teipsum comparas ad expectationem illius judicii, quo tu judicaberis æquè ac frater ille tuus, quem judicas? Ne igitur antevertas judicium illud, aut tibi arroges; sed potiùs fac, ut in expectatione illius humiliter ambules, & jam jam te sistas Domino judicandum; non autem judicium (quod illius est) aut partem judicii arroges tibi magno malo tuo. Quæ cum ita sint, nihil hac interpretatione vel accommodatione Paulus Deo Patri, aut Spiritui sancto eripit, de quibus personis hoc loco minimè agitur; sed id quod trium personarum commune est, de una Filii persona enunciat; quia hic de Filio agitur & de officio ipsius, quatenus omne judicium Filio dedit Pater; in primis autem, quia asseri de Filio oportuit in hoc argumento ea, quæ per infirmitatem carnis, quasi erepta fuisse videbantur.

## PARALLELUS XXVI.

Psal. 69.

10 Opprobria eorum qui probro afficiunt se, acciderunt mihi.

Rom. 15.

3 Christus non indulget sibi ipse; sed sicut scriptum est, Convitia eorum qui convitiantur tibi, inciderunt in me.

**I**dem est finis & argumentum utriusque loci: Nam & communis piorum omnium conditio utrobique describitur, quod ab hostibus Dei afficiantur probis propter justitiam ipsius; & singularis personæ Christi,

M

Christi,

Christi, qui nihil non est perpeſſus, per voluntatem Patris, ad salutem Ecclesie sue: Nam quod David in eo Psalmo dixit, tum de seipſo dicit tamquam membro germano Christi & Ecclesie ejus; tum de Christo, cujus typus fuit, & in quem omnes oſores Dei tamquam in petram offensionis, semper allisuri sunt; tum etiam de omnibus Christi & Ecclesie membris accipi voluit per analogiam; quam analogiam spectari eo in loco oportere, puta a capite Ecclesie ad membra ipsius. Apostolus hoc loco ostendit luculentissimè: Nam propositio est, nos omnes teneri proximis nostris indulgere in bonum ad ædificationem; Confirmatio ab exemplo Christi, hoc versu apponitur: quod exemplum non simpliciter exempli vim habet, sed auctoritatem legis; quia vivimus omnes de capite, vivit in nobis Christus, & nos oportet imitatores esse illius. Hoc verò ut melius a credentibus singulis percipiatur, ostendit Apostolus sequente versu constantissimam esse analogiam factorum Christi, & certissimam justitie Legem; neq; solum factorum ejus, sed etiam exemplorum omnium, quæ per administrationem Dei in sanctis hominibus & electis ejus acciderunt, dicens: *Nam quæ antè scripta sunt, ad nostram doctrinam scripta sunt, ut per patientiam & consolationem scripturarum spem habeamus.* Quorum verborum sensus est, ita scripturam sacram per Dei Spiritum temperatam esse, ut ne jota quidem in ea otiosum deprehendi possit; Cumque triplex sit consensu omnium docendi via (ut alicubi Augustinus monet) auctoritas, ratio, & exemplum; e quibus exemplum minimè potest omnium; eam tamen esse Dei optimi maximi sapientiam, ut ne minimum quidem exemplum in scripturam sacræ retulerit, quin pertineat ad bonum & ædificationem piorum, per applicationem sive accommodationem justissimam; sive ex analogia capitis cum membris, sive ex membrorum horum cum illis comparatione; quia semper sibi constat Deus in electionum gubernatione: ut qui eos velit communi analogia cum Christo sociari, & in Christo experiri tum afflictiones, tum liberationes & benedictiones ejus.

## PARALLELVS XXVII.

Psal. 18.

50 Propterea celebrabo te inter gentes, Jehova, & nomini tuo psallam.

Deut. 32.

43 Caniate gentes cum populo ejus.

Psal. 117.

1 Laudate Jehovam omnes gentes; collaudate eum omnes populi.

Esaie 57.

10 Erit autem die illoradix Jesse, qui consistet ut signum sis populis: ad ipsum gentes consultiura venient, & risque requies ejus gloriosa.

Rom. 15.

9 Propterea cōfitebor tibi inter gentes, & nomini tuo psallam.

10 Et rursus dicit, Gaudete gentes cum populo ejus.

11 Et rursus, Laudate Dominum omnes gentes, & collaudate eum omnes populi.

12 Et rursus Esaieas dicit, Erit radix Jesse, & qui existet ad imperandum gentibus, in ipso sperabunt gentes.

**N**on dubium est, quin omnes hi loci in Testamento vetere, & quàm plurimi alii consimiles, de vocatione gentium in communionem fœderis cum Judæorum populo, accipiendi sint: quam

rem

rem ne ipsi quidem Judæi negare ausi sunt; quamvis pro more suo ad ludibria & somnia sua, de imaginario quodam regno sibi tribuendo ingentes, detorqueant. Cùm itaq; de fine & argumento eorum locorum constet; id unum nobis hoc loco videndum est, quomodo & ad quam argumentationem Paulus eosdem adhibuerit. Propositio fuit hortatoria in versu septimo: *Assumite alii alios; sicut & Christus assumpsit nos in gloriam Dei*: nos autem, id est, eum Judæos, e quorum numero sum, cum vos ex gentibus. Hoc, quia fortasse aut non fuissent animadversuri imperitiores, aut maliuosi homines negaturi; Paulus deinceps explicat, & confirmat ab autoritate Scripturæ. Subjicit enim propositionem (ut appellant) minorem sequentibus, in hanc sententiam; Christus autem nos omnes assumpsit pro Dei veritate & singulari erga nos misericordia, quum minister factus est circumcisionis omnibus: id est, nos omnes peccati & iræ filios a natura, ac proinde veritate promissionum Dei indignissimos, circumcidit circumcisione *ex opere operantis*, id est, non manu facta, exuto corpore peccatorum carnis per circumcisionem illius, Coloss. 2. 11. Hinc efficitur conclusio, quam etsi Paulus videtur reticere, tamen post sanctum illud opusculum versus 13. proponit artificiosissime, versu 14. dicens. Persuasum autem habeo ego iple de vobis, fratres mei, quod ipsi pleni sitis bonitate, &c. Minorem autem hanc probat Apostolus ex partium enumeratione: Nam, inquit, minister fuit circumcisionis omnibus, & Judæis, & gentibus: Judæis (quos ellipsi quadam reticet in membris antithetis frequentissima) pro Dei veritate, ut confirmaret promissiones Patrum, easque re ipsa præstaret erga illos & semen illorum; gentibus verò, ut gentes promiscueria quam assequutæ sunt, glorificent Deum, sicut scriptum est, &c. Ac prioris quidem membri, de Judæorum gente, probationem adferri non fuit opus; cùm de ea re apud omnes in Ecclesia Dei semper constiterit: propterea posterioris solum membri, de quo controversi poterat, adhibetur a Paulo confirmatio. Quatuor sunt autem confirmationis loci, omnes petiti ab autoritate scripturæ, primus est, ex Psal. 18. ubi David spondet confessionem Dei inter gentes. At quæ probatio ista est? inquit Judæus, quid ista ad Christum? Respondeo, Contrà verò quid ad Davidem ista? qui regno illo cedens & fermè moribundus canticum illud cecinit Domino, ut testatur scriptura, 2. Sam. 22. Nam notum est illud Davidis & sæpius recantatum, *Non est in morte recordatio tui, in sepulchro quis profiteatur te?* *Non mortui laudaturi sunt Jehovah, neque ullus eorum, qui descendunt in silentium*, &c. Restat igitur, ut secundum aliud, & aliud, id est, diverso respectu profiteatur David, quum moribundus esset, se Jehovah celebraturum; & idem agnoscat, eum a mortuis celebrari in Ecclesia non posse: Secundum se vel personam suam (ut ita loquamur) non fuit celebraturus, ne in Judæa quidem: quanto minus inter gentes, ex quo defunctus est vitæ? Secundum personam Christi veri Davidis, id est, filii dilectionis Dei, quem David ille olim adumbraverat, omnino inter gentes & in Ecclesia earum professus est Deum, atque dum stabie mundus, professurus est. Servivit quidem sua ipsius ætate, consilio Dei, Act. 13. sed postea obdormivit: in Christo verò, cujus fuit membrum, se fidelem illam operam præstiturum esse, prævidit fide, atque lætatus est. Nam quemadmodum ait Apostolus, per Abrahamum (ut ita loquamur) etiam Levin fuisse decimatum, eò quod adhuc in lumbis patris esset, quum Abrabamo occurreret Melchisedec: sic vicissim agnovit pia Hebr. 7. 9.



Davidis fides, seminis sui, Christi, officium quodammodo ad se pertinere, & partem illius per fidem sibi vindicavit. Secundus locus obscuritate vacat, quæ dubitationem vel moram legenti queat injicere. Nam Moses suo illo cantico gravissimo, exposita Israëlitarum perfidia, & Dei in ipsos iudiciis, venturæque reliquiarum conservatione, secundum electionem gratiæ, hortatione illa concludit, *Cantate gentes, populus ejus*; quæ verba per asyndeton ad Emphasin dicta, Paulus hoc loco interpretatur adjecta conjunctione, ut sensum melius sublata emphaseos illius ratione exprimeret. Quod si qui, sive Judæi, sive Judæorum auctoritate abrepti reclament iniquam esse Pauli interpretationem; non animadvertunt se potius quam Paulum de seipsis & sua gente iniquè statuere. Nam tollatur (ut isti volunt) conjunctio, certè tantum abest ut loco hoc adjuventur, ut contrà sit adversus ipsos facturus evidentiissimè. Nam, ut ipsa Moses verba Grammaticè expendamus, triplex solum justa dari potest eorum interpretatio: prima, *Cantate gentes, populum ejus*: secunda, *Cantate gentes, populus ejus*: tertia, *Cantate gentes, & populus, vel cum populo ejus*. Primam non esse hujus argumenti res ipsa loquitur. Nam subjectum Cantici quod cantari & prædicari præcepit Moses, non est populus; quem tam graviter increpavit, impietatis nomine, & quem severissimis Dei iudiciis obrutum iri pronuntiavit: ac ne reliquiæ illæ quidem sunt, quas Deus gratiosè eripuit ex publico gentis incendio: sed Deus est subjectum laudis; quod proximè antecedentia & sequentia tam clarè demonstrant, ut qui hoc non videat, nihil viderit. Secundam si malint, hæc ipsis omnino adversatur. Nam, ea futurum est, ut gentem suam abdicari a Deo profiteantur; reliquas verò in filiorum numerum adoptari: quod numquam approbaturi sunt. Restat igitur, ut tertiam (quæ omnino cum Mosis argumento & prædictionibus convenit) nobiscum amplectantur; & intergerino pariete rupto Judæos & gentes ad communem gratiam in uno ovili, sub pastore uno percipiendam, & prædicandam, vocatos esse fateantur. Quam sententiam utrovis modo interpretemur, *Cantate gentes cum populo ejus*: vel, *gentes & populus*, idem est argumentum, quamvis differente in speciem interpretationis modo. Quartus quidem interpretandi modus adhiberi posset verbo transitivè sumpto, *Facite, ut canant gentes, popule illius*. Sed primùm illa horratio nihil planè ad argumentum pertineret, nisi quis fortè ex dicto Pauli, per ruinam Judæorum gentibus salutem obtigisse, intelligeret Judæorum vicio præbitum fuisse gentibus cantici & laudationis argumentum. Sed hoc illi multo miùs, quàm superiora comprobaturi sunt: qui tantum absunt a materia canticorum gentibus subministranda beneficio suo, ut contrà nihil nisi malè precentur, & in commentitio illo Messie (quem adhuc expectant) adventu, omnia sibi lata, gentibus verò tristitia & luctuosa prænuncient, atque minitentur. Duo qui supersunt loci, positi in Parallelo nostro diagrammate, ita sunt perspicui, & confirmant Pauli interpretationem, ut nihil lucis ampliùs simus allaturi, longiore nostra interpretatione. Id unum de posteriore monendum est, Esaiæ locum non plenum adduci hic ab Apostolo, sed concisum & contràctum in pauciora: quia satis visum est Spiritui sancto, si locus ille indicaretur & perfringeretur solum, cum sit admodum copiosus; non autem singula verba accuratè hic perscriberentur. Quamobrem ad alia explicanda jam sumus transituri.

Rom. II. II.

PARAL.

## PARALLELUS XXVIII.

Esa. 52.

15 *Quod non narratum fuerat eis, videbunt, & quod non audiverant, intelligent.*

Rom. 15.

21 *Quibus non erat annunciatum de eo, videbunt; & qui non audiverant, intelligent.*

**V**trumque hunc locum eodem fine & argumento esse nemo negaturus est, qui ad Prophetæ & Pauli verba attenderit. Id tantum interest, quod hæc a Propheta dicuntur *Septuaginta*; Paulus verò ad hypothesin ministerii sui accommodat. Nam Thesis est: Gentiles etiam remotissimas, quibus nec annunciatum fuerat nomen Christi, nec ad aures quidem ipsarum perlatum, visuras beneficium ejus, & intellecturas esse. Hypothesis verò, ad hujus Theseos effectum electum & sanctificatum instrumentum, inter ceteros, fuisse Paulum, qui ambiverit prædicare Evangelium, & supra omnes laboraverit, quos Deus Apostolatus honore & onere instruxerat. Quemadmodum autem in præcedente Parallelo diximus Apostolum brevitati studuisse, sic nobis hoc loco dicendum est. Nam discedit quidem in speciem ab Esaiæ verbis; sed si quis prius membrum versus apud Esaiam cum posteriore contulerit; is animadvertet hanc mutationem certo studio fuisse factam; ut tantilla mutatione includeretur simul his verbis prioris membri argumentum. Nam priore membro exposuerat, quæ persona quibus annuncianda esset, nempe Christus gentibus, earumque regibus: posteriore autem effectum ex iis rebus consequuturum prædixerat: Utrumque (ne longior esset) Paulus hac unius aut alterius voculæ mutatione complexus est. Quæ cum ita sint, nemo vir bonus, pietatis veritatisque studiosus, pro impedimento vel offendiculo id habiturus est quod maximo est adjumento, cum ad memoriam, tum ad justam Scripturæ intelligentiam.

## PARALLELUS XXIX.

Esa. 29.

14 *Peribis Sapiencia Sapiensum ejus, & intelligentia hominum intelligentium sese abditura est.*

1. Cor. 1.

19 *Abolebo Sapienciam Sapientum, & intelligentiam hominum intelligentium tollam e medio.*

**H**ujus loci evidens & familiaris est intelligentia. Quod enim de Judæis olim Esaias vaticinabatur, id Paulus de omnibus pronunciat, qui sapere sibi videbantur. Ac de Judæis quidem habita etiam ratione temporum plenitudinis, qua Christus Deus in carne patefactus est, hæc verba apud Prophetam enunciari luce meridiana clarius est; cum citra rationem illius temporis nulla possit justa investigari Prophetiæ illius interpretatio, prout jam sæpe ostendimus. Quomodo ergo, dixerit quispiam, ex particulari de Judæis dicto universale statuit Apostolus: Primum, secundum ætiologiam: quia unica est justitia Dei & immutabilis; atque hæc justitia non potest eos non perdere, & sapientiam eorum evertere, qui sapiunt in oculis suis. Deinde verò, secundum analogiam & comparisonem majoris. Nam, si Deus ne

Judæis quidem parcat, ramis naturalibus; quid cæteris facturus est? Stat igitur planè & verissima est hæc Pauli accommodatio. Jam de mutatione videamus. Dixit Esaia in persona tertia, *Peribit Sapiencia*, &c. Paulus verò in persona prima reddit, *Abolebo Sapienciam*, &c. nempe hic interpretator illum, nec sine autoritate iusta hanc interpretationem adhibet; sed ea ratione & via quam duobus Parallelis proximè præcedentibus modò ostendimus. Nam priore membro versus Deus per Esaia hoc se dixerat effecturum: *Idcirco, Ecce ego, inquit, pergam res mirificas agere adversus populum istum videsinenter & admirabiles*: deinde subicit, quid illud futurum sit. Nam *Peribit Sapiencia Sapiencium*, inquit, &c. Iusta igitur est & commoda hæc Pauli interpretatio; quamvis contracta in eum modum, quem proximè exposuimus Parallelis antecedentibus. Quòd autem sequentis versus exornatio aliter ab interpretibus refertur ad aliquem scripturæ locum, & quidem nominatim ad illa Esaia verba, quæ habentur 18. capite, id mihi probari non potest. Nam ab illa opinione jam diu me tum locorum circumstantia, tum verò verborum discrimen deduxerunt, *inquit mèla pouda metaid*, ut Homerus loquitur. Etenim hæc verba minimè omnium respiciunt ad illa Esaia, sed contrà exponunt præcedentem ætiologiam exornatione gloriosissima, hoc versu; in qua primùm generatim Propheta dicit, *Ubi est sapiens*; deinde speciatim enumerat duo sapientum genera; horum in Scripturæ sapientia exercitatorum, quos *σοφισται* appellabant; illorum in sapientia hujus mundi, qui disquisitores hujus seculi appellantur. Atque hanc Prolepsin sequentibus verbis primùm quidem generaliter explicat, hoc reliquo & sequente versu: deinde verò demonstrat speciatim, ubi dicit, & Judæos (quibus concessa fuerant Dei oracula) signum petere, & Græcos sapientiam desiderare in hac prædicatione crucis Christi.

## PARALLELUS XXX.

Jerem. 9.

34 In hoc gloriatur, qui gloriatur, se intelligere & cognoscere me, me esse Jehovah, &c.

1. Corinth. 1.

31 Qui gloriatur, in Domino gloriatur.

**H**Os duos locos inter se optimè comparari non solum demonstrat verborum ratio, quæ in Parallelò diagrammate hoc descripsimus; sed etiam antecedens tota argumentatio. Dixerat enim Deus per Prophetam, *Ne gloriator sapiens in sapientia sua, neque gloriator potens in potentia sua, neque gloriator dives in divitiis suis*; deinde ex contrario subjecerat ista, *sed in hoc gloriatur qui gloriatur*, &c. Hæc igitur lex est constans & immutabilis, pertinet ad gratiæ divinæ demonstrationem & humanæ vanitatis. Eadem verò omnia in causa Evangelii gloriæ Christi Apostolus optimè persequutus est, inde a versu 25. docens nullam esse posse justam comparisonem rerum divinarum cum humanis; omnemque humanam gloriam, si ad res divinas comparabitur, nihilo vaniorem esse, ut nulla caro gloriatur coram Domino. Itaque ut gloriam rerum divinarum, in primis verò Christi crucifixi, quæ Dei potentia est ac Dei sapientia, homo pius summa religione ac reverentia discat agnoscere; ostendit paulo, qui, a quo, &



in quo gloriari possit. Ex Deo Patre, inquit, vos estis in Christo Jesu: deinde verò hoc dictum explicat singulari causarum omnium enarratione. Materia est Christus: Forma, quòd factus est nobis sapientia, justitiæque, & sanctificatio, & redemptio. Efficiens, quòd is nobis factus est a Deo: Finis, quòd ideo factus est, ut qui gloriatur, sicuti scriptum est, in Domino gloriatur. Hæc igitur cum plana per se atque aperta sint, pluribus non enarrabimus.

## PARALLELUS XXXI.

Esaï. 64.

8 *Quæ a seculo non intellexerunt, non perceperunt auribus, oculus non vidit, o Deus, præter te, facturus es præstolanti ipsum.*

1. Cor. 2.

9 *Sed loquimur, sicut scriptum est, quæ oculus non viderat, & auris non audiverat, & in cor hominis ullius non ascenderat, quæ præparaverat Deus diligentibus ipsum.*

**O**mnino quidem Interpretibus assentior, & piis viris, qui hæc Pauli verba cum illis Esaïæ comparari judicant oportere: ut etiam in argumento summam puto esse convenientiam. Sed quia multi plurimum aberrant (nisi me fallit animus) a Pauli interpretatione vulgò; antequam de locorum convenientia aliquid dicimus, de interpretatione verborum Pauli præmitti sententiam meam necesse est. Hæc igitur Pauli verba, primum quidem, si interpretationem desideres, aut cum septimo versu conjungi possunt, tamquam ex hyperbato: aut cum octavo, tamquam ex antithesi. Si versui septimo conjunxeris, hæc futura est interpretatio: *Sed loquimur sapientiam Dei positam in mysterio, occultam illam, quam præstiterat Deus ante secula, &c.* Deinde per Epanaphoram (cujus index videtur esse repetita particula, *sed*, quæ in principio versus septimi habetur) hic versus hoc modo cohærebit: *Sed, inquam, loquimur, sicut scriptum est, ea quæ oculus non viderat, &c.* Sin autem cum proximè præcedente versu placeat conjungere, ita constabit antithesis: *Loquimur sapientiam Dei, quam nemo principum seculi hujus cognovit: imò verò, quam oculus cujusquam non viderat, &c.* Quæ interpretatio non tam antithesi, quàm incremento & amplificationi deputanda est. Priorem probò. Sed rursus altera questio incidit, ad justam hujus loci interpretationem. Nam vulgò sic interpretantur hæc verba ut præteriti perfecti temporis, non plusquam perfecti esse videantur. *Loquimur sapientiam Dei, res quas oculus non vidit, & auris non audivit, &c.* Atque hinc factum est, ut plerique omnes hæc verba non de sapientia Evangelica & prædicatione ejus, sed de cælesti gloria, sive (ut Paulus loquitur) de spe, quæ nobis reposita est in cælis, acceperint. Error. Non enim hoc loco Paulus de illo extremo fine solum agit, quem assequuntur sunt credentes Evangelio Christi; sed de illa ipsa doctrina Evangelii universè, quæ cum innotuerat in Christo Jesu, revelato mystero, quod a temporibus æternis fuerat tacitum, ut idem loquitur. Ideoque mihi illud magis placet, ut totus hic versus per præteritum plus quàm perfectum exponatur. Nam antequam oculus non viderat, auris non audiverat, &c. Sed postquàm Deus in carne patefactus est, factus ex muliere, factus sub lege, ut eos qui tenebantur lege redimeret: ex eo igitur tempore vidit oculus, auris audivit, &c.

Rom. 16. 25.

mens hominis percepit, quæ antè vidisse, audivisse, percepisse nunquam potuerat. Quis enim hæc non fuisse ab homine priscis temporibus illis percepta demiretur? cum ipsis quoque Angelis & celestibus intelligentiis multiformis illa Dei sapientia fuerit abscondita, ut optimè idem Apostolas loquitur ad Ephe. 3. & ex eo Chrysostomus in Joannem optimè observavit. Atque hæc de interpretatione: jam de convenientia videamus paucis. Idem est utriusque loci finis, idemque argumentum. Finis est, ut mirifica Dei gratia in declaratione Evangelii extollatur: summa verò est sive argumentum, doctrinam Evangelii olim expectatam, his verò temporibus patefactam atque exhibitam, summam esse mysterium, quod neque ullus rerum creatarum sensus, neque ulla mens aut intelligentia, nec celestis quidem sive angelica percipere antè potuerit, quam a Deo declarata esset. Hoc apud Esaiam supplex aspexit Ecclesia, quum exorta a laudativa commemoratione antecedentium beneficiorum Dei, capite 63. sequente postulatam suam explicat de liberatione Ecclesie, tum ab instantibus malis, tum a peccatis malorum causis; non solum ad presens tempus verum etiam in perpetuum, per declarationem Evangelii gloriæ Christi quo pii & fideles singuli, acerbis calamitatibus pressi vehementissimè, quasi cervices suas & mentes surrigebant, & sese consolabantur ejus expectatione, Deumque sollicitabant, ut propter electos acceleraret adventum filii sui, & declarationem Evangelii illius, ad salutem æternam Ecclesie sue. Atque hoc tantum bonum prisca Judæorum Ecclesia cernebat quidem, sed per ænigma; & per ænigma Prophetæ de eo prædicabant: sed ubi Deo placuit filium suum mittere, & instituere prædicationem Evangelii; totum illud ænigma, quod oculus non viderat, nec auris audiverat, nec in mentem hominis venerat illius intelligentiæ, totum, inquam, illud solutum est, & in Ecclesia Dei expositum luculentissimè: quemadmodum sequentibus Paulus testatur dicens, *Nobis autem Deus revelavit ea per Spiritum suum, &c.*

## PARALLELUS XXXII

Job. 5.

13 *Qui deprehendit sapientes versutia ipsorum.*

Psal. 94.

11 *Iehova cognoscit cogitationes hominum esse vanitatem ipsam.*

1. Cor. 3.

19 *Qui deprehendit sapientes versutia ipsorum.*20 *Et rursum, Dominus novit cogitationes sapientum esse vanas.*

**H**orum locorum quos adducit Paulus finis communis est, & idem argumentum; summaque inter eos, & sententiam Pauli convenientia. Docuerat Paulus eos qui sibi videntur sapientes in hoc seculo, non aliter posse fieri sapientes quam si fiant stulti, & pauperes Spiritu in oculis suis: id est, universa hujus mundi sapientiæ ex toto animo renuncient, eamque exuant. Hoc documentum confirmavit propositione hæc, quod sapientia mundi hujus sit apud Deum stultitia. Hoc autem dictum, quia iudicio hominum sibi indulgentium facile oppugnatur, probat Apostolus duobus Scripturæ locis luculentissimè. Ac prior quidem ita planus est, ut nullus scrupulus inesse videatur, qui dubitationem offerre possit. Id tantum observandum est, quod Hebræa & Græca particula ab aliis accipitur pro materia simpliciter,

pliciter, quod in ipsa versutia sua a Deo deprehendantur sapientes : ab aliis vero, pro circumstantia, nempe quod ipsi deprehendantur cum versutia sua : ab aliis denique pro instrumento, nempe quod sua ipsorum versutia Deus deprehendat ipsos, hoc est, ipsi sibi laqueum inducant, & sapientia sua evertant sese. Quam postremam interpretationem, ut locupletiore & ceteras unà complectentem, magisque argumentum huic accommodam, libenter amplectimur. Posterior verò planè eadem est cum Davidis verbis, si unum exceperis ; nempe quod usus est David generali voce, cogitationes hominum vanas esse pronuncians iudicio Dei : Paulus verò generis appellationem ad speciem, de qua agitur, accommodat. Quod argumentum a genere ad speciem est apodicticon, neque ratione ulla potest labefactari. Mutationis verò huius duplex causa est : una, quod commodius & illustrius visum est Apostolo, si eam ipsam speciem, qua agitur hoc loco, velut genere illo comprehensam nominaret : altera, quod emphaticum est hoc mutationis genus ; & ex eo necessariò sequitur illa ipsa prædicatio de genere qua utebatur David, si comparisonem minoris placeat instituere. Nam, si cogitationes sapientum ipsorum vanæ sunt iudicio Dei, quid insipientium cogitationibus futurum est, aut eorum omnium, qui non sunt cum illis sapientia comparandi ?

## PARALLELUS XXXIII.

Genes. 2.

24 *Erunt duo in carnem unam.*

1. Cor. 6.

16 An ignoratis cum qui agglutinator scorto unum esse corpus cum illo ? sicut enim, inquit, illi duo in carnem unam.

**H**ic locus etsi a Pauli argumento abesse videtur in speciem longissimè, quia Moses de iusto conjugio ; Paulus de scortatione agit : si quis tamen rem penitus intropexerit, animadversurus est nihil accommodatius ad probationem huius dicti afferri potuisse. Finis, propter quem sermo ille a Mose institutus est, de verbis hominis uxorem suam agnoscentis ex spiritus Dei testificatione, hic est propriè ; ut sancti matrimonii institutio generi humano exponatur, probetur, atque sanciat in æternum. Summa, Deum sacri conjugii authorem, & jura illius, & opera sanctificavisse, ita ut propria sint humani conjugii, neque sine impietate & scelere gravissimo alteri cuiquam rei aptari possit. Itaque jura conjugii declarat Moses, vers. 23. Opera, sequente. Jura conjugii ponuntur duo : unum, quod vir & uxor sunt os & caro alter alterius ; alterum, quod uxor, tamquam de capite suo, denominatur de viro. Ex hac circumscriptione juris conjugalitatis, consequuntur opera cum eo jure conjunctissima. Primum est, quod ex quo vir se eo jure obligari a Deo sensit, tantam vim & religionem esse experitur ejus, ut officium ejus naturali erga parentes officio anteponat : *propter ea derelinques, inquit, vir patrem & matrem suam.* Secundum, quod animo & corpore arctissimè agglutinator est uxori suæ juris illius conscientia, eamque habet consortem omnis divini & humani juris : ut gentes ipsæ olim agnoverunt, & testatur Paulus non ita multo post. Tertium, quod secundum jus illud & communionem a Deo institutam, ex facto in carnem unam coalescunt, ad sufficiendam sobolem per benedictionem Dei.

1. Cor. 7. 3. &amp; 4



Dei. Quæ tria ordine in versu 14. a Mose proposita sunt. Hujus verò doctrinæ de jure conjugii, singula capita Apostolus noluit percurrere, quia non pertinebant omnia ad questionem hoc loco institutam; sed illud tantum decerpit ex eorum numero, quod vidit esse hujus argumenti, & facere ad probationem sermonis instituti. Sermo autem est, scortationem a Deo damnari, ac proinde fugiendam esse. Id certis argumentis docet. Primum a fine, cujus causa corpus a Deo nobis datum est versu 13. Secundò, a certa illius in futurum gloriâ, & jam jam præsentem per resurrectionem Christi, versu 14. Tertiò, a sanctissima communione nostra cum Christo, qua corpora nostra effecta sunt membra Christi; ac proinde non nisi impietate summa effici membra scorti unius possunt. Hoc verò argumentum ut melius intelligeretur, illustrat Apostolus, repetita illa antithesi quam modo diximus, & membro uno per auctoritatem Scripturæ confirmato. Sic ergò argumentatur: Non potest idem & unum corpus membrum Christi & scorti esse. Qui autem agglutinatur scorto, unum est corpus cum eo. Non ergò idem corpus, Christi servatoris nostri membrum futurum est. Minorem, quam protervi homines & in libidinem projecti fortasse fuissent negaturi, probat Apostolus auctoritate primæ illius institutionis, quam Deus ante peccatum fecerat, & homo divinitus quum primò evigilavisset, visâ uxore sua agnoverat. Est autem argumentatio, quam ex hoc testimonio conficit Apostolus, ducta a proprio, in hunc modum: Generi humano proprium est conjugium, juræque, & opera illius, ex instituto Dei, naturæ luce, & singulorum conscientia. Est autem illa copulatio, quam in conjugio sanctificavit Deus, propria conjugii. Homo igitur non potest bona fide copulari cum muliere extra ordinem conjugii a Deo institutum. Ex hac argumentatione id planè sequitur, quod docet Apostolus, nempe virum & uxorem in sancto conjugio atque legitimo fieri carnem unam; primum quidem institutione; secundò verò actu & re ipsa: sed eos contrà, qui actu & re ipsa inter se agglutinantur citrà institutionem Dei, non eò minus sic agglutinari, ut membra efficiantur alter alterius, sed illegitimè: quia semper idem effectus est, sed causa different; qua in conjugio sanctificatur hæc copulatio, damnatur extra conjugium: in utroque verò, sive damnata sit, sive sanctificata, pariter aptari virum mulieri, ut hic sit illius membrum. Quamobrem sanctissimè Apostolus carnali isti & impuræ adhesionis opponit nostram conventionem & conjunctionem cum Domino, dicens. Qui verò agglutinatur Domino, unus est Spiritus: quasi dicat, Tribus modis agglutinatur homo: primum, corpore & animo legitime, quum vir adhærescit uxori suæ ex instituto Dei: secundò corpore solum illegitimè, quum vir agglutinatur scorto: tertio denique Spiritu solum & per gratiam singularem Christi, quum quis per Spiritum sic agglutinatur Domino, ut unus sit Spiritus. Atque hi duo postremi adhesionis modi tantoperè inter se discrepant, ut simul constare non possint: quia nulla est justitiæ cum injustitia communicatio, luci cum tenebris, Christo cum Beliale, ut idem docet alibi luculentissimè.

## PARALLELUS XXXV.

Dent. 25.

1. Cor. 9.

4 Non obligabis os bovi quum triturat.

9 In Mosis lege scriptum est, Non obligabis os bovi trituranti.

Hujus

**H**ujus loci adeò aperta est sententia, ut non indigeat explicatio-  
ne nostra. Nam, ut illud mittamus, quòd Moſis conſilium in ea  
Lege obſcurum nemini eſſe poteſt; docet Apoſtolus eam Legē  
propriè atque ſimpliciter non pertinere ad boves, quorum miniſterio  
ad tritram Orientales utebantur; ſed potiùs id figuratè fuiſſe dictum,  
ut primùm quidem officiũ noſtrum erga eos homines agnoſcamus,  
quorum juvamus miniſterio; deinde verò eo ampliùs confirmari ſi-  
mus, Deum ſervis ſuis, quorum miniſterio Eccleſia utitur, proſpectum  
voluiffe, & ſingulari ſtudio pro ſua illa paterna benevolentia proſpec-  
turum eſſe quantum expediet. Duplex itaq; ineſt in hac lege compara-  
tio minoris, quam Apoſtolus ordine oſtendit verbis ſequentibus. Prior  
eſt: Cujus providentia minima etiam miniſteria rerum vel minimarum  
curat, ei rerum magnarum & ſanctarum miniſteria non poſſunt non eſ-  
ſe curæ. Deus autem Lege curavit boves. Quantò igitur magis rerum  
ſanctarum adminiſtros? Hanc argumentationem his verbis Paulus e-  
nunciat: *Num boves cura ſunt Dei* nimirum *χρῆν τι*. Nam boves qui-  
dem curat, & ipſos quoque paſceres; ſed ita curat, ut homines imagine  
ſua prædiros, imprimis verò myſteriorum ſalutarium ejus fidos diſpen-  
ſatores atque adminiſtros ſit multò magis curaturus. Poſterior argu-  
mentatione eſt de officio noſtro. Qui humanitatem noſtram ad pecora  
uſque proreſendi voluit, multò magis in ſpeciem noſtram exerceri volu-  
it, & in eorum miniſterium, qui vigilant pro animabus noſtris. Illud au-  
tem præcipit Deus: Hoc igitur magis. Atque hanc argumentationem  
ſequentē verſu Apoſtolus aſſert, dicens, *An non hoc propter nos omnino di-  
cit, &c.* nempe ut tum miniſtri ipſi de providentia Dei erga ſe confir-  
mentur, tum greges moneantur ſui in illos officii. Quòd autem nos illa  
Apoſtoli verba explemus adjecta particula, Non, quæ in contextu Græ-  
co deſideratur; idèd facimus, quia proximè antecellit in præcedente  
membro: Ex quo, ſi *χρῆν* Zeugma hoc in membro negatio illa repeta-  
tur, ſenſus longè evidentior efficitur, quàm ſi omiſeris.

## PARALLELUS XXXVI.

1. Cor. 10.

- 1 Nolim autem vos ignorare fratres, omneis patres noſtros ſub illa  
nube fuiſſe, & omnes per mare ipſum tranſiviſſe.
- 2 Et omnes ad Moſen venientes baptizatos eſſe nube illa & mari:
- 3 Et omnes eandem eſcam ſpiritualem ediſſe:
- 4 Et omnes eundem potum ſpiritualem bibiſſe: bibebant enim ex  
ſpirituale petra ſimul faciente iter; petra autem illa erat Chriſtus.
- 5 Sed pleroſque illorum non approbavit Deus; fuerunt enim pro-  
ſtrati in deſerto.

**O**mnino fuiſſet id hoc in loco futurum longius, ſi juſta capita, ip-  
ſamque adeò Moſis hiftoriam bona ex parte ad Parallelum di-  
agramma faciendum inferi oportuiſſet. Quamobrem id nobis  
ſatis viſum eſt, ſi Pauli verba aſſerremus, & cum eis conferremus vete-  
ris Teſtamenti locos, argumento tenus. Antequàm verò de argumen-  
tatione Pauli hòc loco dicimus: primùm de fine & ſcopo hujus inſti-  
tuti ſermonis dicendum eſt, deinde ad ſingularem locorum accommoda-  
tionem

dationem deventuri sumus. Finis igitur est, ut confirmet Apostolus illud documentorum genus quod capite 8. Corinthiis cœperat exponere nempe religiosè ab Idolothytis pios omnes cavere oportere; quia verò cavillationes quædam ab iis afferebantur, qui dum in membris Ecclesiæ censerì vellent, id tamen sibi licere contendebant: ad eas divina planè anticipatione respondet Paulus ordine convenientissimo. Nam primùm quia dicebant Idolum nihil esse in mundo, ac propterea nihil sibi ab Idolis aut boni aut mali inferri posse: Respondit Apostolus non sequi ex eo, si libera est conscientia in rebus quas vocant adiaphoras, propterea liberum esse licitumque; usum promiscuè; quia scientiam rerum liberarum, & conscientiam pius sibi habere debet, usum verò pro aliorum capta & adificatione temperare, capite 8. Quod documentum exemplo ministerii, alimentorumque; ad illud pertinentium, hyperbatica disputatione confirmavit toto capite 9. Secundò, quia regerebant se tamen omnino ad Christum & Ecclesiæ ejus pertinere, neque tanti offensam hanc esse (si qua offensa est) ut propterea a Christo & ab Ecclesiæ ejus discederent: Respondet Apostolus, non solam hanc offensam esse qua peccant in fratres infirmos; sed alteram quoque offensam plurimum accedere, quòd dum indulgent voluntati suæ & fratres suos negligunt, imprudètes in Idololatriam prolabuntur, ejusque impietatis rei peraguntur coram Domino: qui, ut justus est, approbare impium ipsorum in sese factum, aut inhumanum in fratres non potest. Tertiò denique illis obijcientibus, Ergo reliquum esse, ut ruant in pericula, graves tentationes subeant hoc nomine, atque (ut loquuntur sapientes secundum carnem) videantur ipsi ultrò tentare Dominum, quum modico flexu tentationes istas possent effugere: Respondet Apostolus hoc absurdum non aliunde proficisci, quàm ex humana infirmitatis ignoratione, & infidelitate in omnipotentiam, veritatemque promissionum Dei. Qua ratione omnino illud consequitur, ut qui ab Idololatria tenentur fugere, paulatim eò deveniant, ut Idololatriæ cum specie, tàm re ipsa & facto adhærescant. Hæc autem omnia, a principio capitis decimi ad versum usque undecimum, pertinent ad secundum illud cavillationis genus, quod his argumentationibus & exemplis Paulus voluit diluere. Summa igitur est, fidelia Christi & Ecclesiæ membra non eo posse in conditione sua acquiescere & sibi indulgere, quòd in corpus Christi & Ecclesiæ cooptata sint; sed contrà, quo amplius honoris & beneficii a Deo acceperunt, eo amplius debere toto vitæ suæ curriculo explorare administrationem suam, & ab omni malo adeoq; specie mali, & (quo ad ejus fieri potest) suspicionis argumento præbendo abstinere: quod graviter olim de familia sua Julius Cæsar prædicabat. Causa est, quòd homines vitam suam in eum modum instituentes, id est, proximum negligentes, & prolabentes in Idololatriam, Deus non approbat, sed abjicit severissimè. Ac causam quidem hanc exponit Apostolus, versibus quinque; dehortationem verò, hujus ipsius causæ argumento, sex proximè sequentibus. Jam tempus est, ut ad singularem horum locorum expositionem veniamus. Duo sunt hujus propositionis membra: Unum, ad explicationem subjecti pertinet, versibus 4. Alterum, prædicati, versu 5. Nam propositio hæc est: Non omnes, qui in Christo & Ecclesiæ censentur, probantur domino; sed ab eo, quam visum est, iusto judicio profligantur nempe ii qui abutuntur illo singulari beneficio ipsius, ut posse docet Apostolus. Subjectum ergò, id



Id est, eos homines qui in populo Israël censentur, & membra Christi Ecclesiaeque videbantur, describit Paulus ab externa ipsorum actione, & Symbolorum Christi & Ecclesiae participatione; prout Moyses Symbola Ecclesiae veteris peregrinantis in deserto narratur copiosissime. Atque hæc symbola ita conglutinat, ut non obscure cum Symbolis Ecclesiae nostrae, id est, Baptismo & Cæna Domini contulerit, ne quid fortè Corinthii arriperent, ad sui excusationem. Etsi autem plura potuit accumulare ad hoc argumentum, binis tamen contentus fuit, quæ cum singulis nostris compararet. Nam cum Baptismo, nobis ductum, & maris transicum; cum Cæna, cibum & potum quo Israëlitarum in deserto usi sunt, contulit elegantissime. Ad hunc verò sermonem transitur per insignem *ἡμεῖς τὸν Μωϋσὴν*, qua Corinthios monet Apostolus se libenter quidem ab hoc sermone fuisse abstenturum, sed necessarium esse ipsorum causa; & ita necessarium, ut pro fide & vocatione sua non possit Apostolus, quin exempla hæc in mentem ipsorum revocet, tamquam fratrum in Christo, quorum salutem fraterno planè studio velit procurare. Est autem evidens narratio historica. Patres enim sub nube fuerunt. Exod. 12. & 13. per mare transiverunt, Exod. 14. ac propterea sese omnes Moysi, tamquam fideli famulo in domo Dei, ducèdōs atque regendos permiserunt. (Sic enim interpretamur loquutionem illam, *οἱ τὸν Μωϋσὴν*, Hebraica Metalepsi apud sacros Authores frequentissima) tum Man, id est, panem à cælo ederunt; & aquam de petra biberunt, Exod. 17. & Num. 20. & 21. Sed de accommodatione sive applicatione, ut vocant, nonnulla est controversia: quamobrem de ea dicemus breviter. Propositio est Apostoli: Non omnes qui Symbolis Christi, & Ecclesiae usi sunt in populo Israël, approbavit Deus. Argumentatio huiusmodi. Deus autem sui semper est similis: Ergo, ne hoc quidem tempore eos omnes approbat, qui Symbolis Christi & Ecclesiae utuntur in Ecclesia ejus, & qui humano iudicio censentur ad eam pertinere. Huius argumentationis vim ampliùs demonstraturus, adhibet (ut diximus) symbola Ecclesiae illius oberrantis in deserto, quæ sunt Symbolorum nostrorum antitypa. Dicit enim, Patres, quamvis diverso symbolo, baptizati sunt, & suo quoque modo Cænam Domini participaverunt; sed non propterea Deo probati sunt. Quæ igitur per illud tempus ipsorum fuit, eadem nostra in hoc tempore futura est: nempe, si non studeamus sanctificationi nostræ, nos similiter Dei iudicium subituros. Restat jam, ut de singulis Mosaicæ illius historię membris, & oratione Pauli dicamus, quomodo inter se convenient. Primum illud membrum minimè obscurum est, Patres fuisse sub nube, & omnes per mare transivisse. In sequente autem versu obscuritatem habet illa loquutio, quòd omnes *οἱ τὸν Μωϋσὴν* baptizati sint. Mihi verò (ut alias interpretationes mittam) illa per placet, quæ innumeris in veteri Testamento locis exemplisque confirmatur: nempe Ellipticam consequutionem esse, pro eo quod est, venientes ad Moysen sive accurrentes, eumque tamquam protostatē (ut Occumenius vocat) sequentes diligentissime, ad participationem eorundem beneficiorum a Deo accinctos esse, quæ hodie cum Ecclesia sua Christus communicat: Ac proinde baptizatos esse nube & mari, id est, eadem gratia divina & gratiæ Symbolo per voluntatem Dei fuisse instructos; sed ipsorum infidelitatem (quæ tamen fidem & veritatem Dei abolere non potest) fuisse impedimentum, ne illam gratiam oblatam & datam divinitus salutariter perciperent. Rom. 3.3.

Sequitur,

Sequitur, omnes eamdem escam spiritualementem edisse; quibus verbis non dubium est, quin Manna designet Apostolus, qua esca Israëlitas annos quadraginta pavit in deserto Deus. Atque hæc quidē esca per se corporalis fuit, & pavit corpora, ut Moysi historia non obscure docet: sed spiritualementem hoc loco vocat Apostolus propter finem summum & potentissimum, cuius causa eam suppeditavit Deus. Verūm fuit quidem ille propinquus, sed inferior finis, ut eo corpora alerentur: Summus verò finis, ad quem piorum mentes assurrexerunt, & Israëlitarum omnium oportuit erigi, is fuit, quod Spiritus vel animos eorum celestis & spiritualis esca alere vellet Dominus; cuius spiritualis esca Manna fuit Symbolum, sive sacramentum, non modò significativum, verum etiam exhibitivum (ut loquuntur vulgò) secundum institutionem Dei, & veritatem promissorum ejus. Omnes igitur escam ederunt Spiritualementem, & significatione vel Symbolo, & sacramentali unione: sed non propterea omnes rem significatam aut veritatem spiritualementem edisse dicendi sunt, si escam spiritualementem ederunt: quia boni, qui manent in Christo, & in quibus Christus, escam spiritualementem comedunt percipientes Spiritu; mali verò non percipiunt eam Spiritu, ut qui non habeant spiritualementem vitam; sed edunt escam spiritualementem, quatenus per institutionem spiritualis in sacramento est vel Symbolo, & unione sacramentali ipsius; non autem spiritualementem in ipsis, aut ab ipsis perceptam spiritualiter. Eadem quoque sequentium ratio tenenda est, quum omnes eundem potum spiritualementem bibisse dicuntur: spiritualementem puta, Symbolo & exhibitione, secundum fidelem sacramentorum institutionem veritatemque: non autem spiritualementem in ipsis secundum fidelem perceptionem Spiritus, qua soli pii eam participant, eaque solum participatur fide. Hoc ita accipi oportere demonstrant sequentia: quum Paulus inquit, *bibebant enim ex spirituali petra simul faciente ier.* Quia verò hæc verba obscuritatis aliquid habere videntur; tum quia figurata sunt; tum etiam, quia de historia ipsa non satis convenit; dicendum nobis est de utroque dubitationis argumento. Figurata esse hæc verba ii maximè statuunt, qui nomen petra accipiunt metonymicè, pro aqua manante ex petra, & Israëlitas (ut putant) prosequente. Neque enim petra bibebatur, sed aqua ex petra: neque petra sequebatur, sed aqua (ut putant) ex petra profluens; neque petra illa spiritualis erat per se, sed institutione solum, typo, & sacramento tenus. Minus figurata altera hæc interpretatio futura est; si ex proximè precedentibus verbis & natura conjugatarum vocum, ellipsin statuamus vocis *πνευματική*, id est, potus, hoc modo: *bibebant enim potum profluentem a spirituali petra.* Quam interpretationem eo facilius boni probaturi sunt, quod plus habeat facilitatis & evidentia, quam illa superior. Bibebant ergo Israëlitas eundem potum spiritualementem a spirituali petra manantem: spiritualementem autem, primò respectu fontis illius spiritualis, ex cuius plenitudine haurimus omnes; secundò, respectu institutionis sacramentalis, quia typus erat sacramentumque spiritualis potus quo pii potantur in Christo; tertio, exhibitione, quia non nuda erat significatio, sed verissima præstatio eorum, quæ aqua manante ex petra significabantur; quartò denique ratione seu modo, quia usque adeò spiritualis est potus, ut a nemine nisi Spiritu, & spirituali modo percipi possit. De historia verò quod dicitur, etsi multos & graves auctores habet; non possum tamen (quod pace illorum & citra invidiam dictum

dictum velim) id facile accipere & pro authentico habere in rerum sacrarum historia, quod sacra historia reticet: nec Moses fidelissimus narrator rerum mirificarum, quas præstitit in deserto Deus, fuisset omisurus. Statuunt enim aquam ex petra Israëlitas sequutam esse; cujus rei testimonium indiciumve minimum (si bene observavimus) apud Moysen non compareret usquam. Duo sunt omnino loci, in quibus petra per voluntatem Dei ad significationem Moysi fuisse aquam dicitur, quam Israëlitas biberent. Prior Exod. 17. posterior Numer. 20. Tertius qui vulgò adducitur ex Numer. 21. non meminit aquæ ex petra; sed aquæ ex puteo, quem Israëlitas scipionibus suis, id est, ligneis instrumentis suis foderunt: ac proinde nihil ad hoc argumentum facit. Jam verò si de priorē historia accipitur, quid fuit posteriore opus? Deinde manserunt annos amplius triginta octo Israëlitas in Cades-Barne, ubi non fuit ex aquæ inopia laboratum. Sin autem de posteriore, quorsum paulo post spatio Israëlitas puteum cavaverint? quorsum mandatum a Deo acceperint, ut aquam a fratribus suis emerent? Deuter. 2. quorsum ipsi pretium fratribus suis obtulerint? Numer. 20. & 21. denique qua fide tam evidens Dei beneficium dissimulaverint? de quo potius apud omnes gloriari ipsos oportuerit, & præsentissimā Dei virtutem testatam facere, quā aliunde potum qui opus esset, mendicari. Quæ cum ita sint, neque materialem petram Spiritualis Symbolum, neque aquam ex petra Israëlitas prosequutā esse statuiamus; sed Jesum Christum, Angelum faciei Domini, nubem, manna, petra figuratum, & verè spiritualem petram (ut Apostolus loquitur) confirmamus ex Mose coram Israëlitis & cum Israëlitis processisse. Dixerit fortasse quispiam, Atqui illa spiritualis petra Israëlitas sequuta dicitur. Respondēdo, minime verò: Nam verbi ἀκολουθεῖν homonymia vel æquivocatio (ut loquuntur scholæ vulgo) materiam istius dubitationis tollit, qua plurimi in opinionem falsæ illius historiæ abrepti sunt. Est enim verbum ἀκολουθεῖν, non solum sequi præeuntem (ut vulgò solet accipi) verum etiam generaliter significat simul iter facere cum altero, sive præeat, sive sequaris, sive te comitem ad latus euntis adjunxeris. Factum est enim ex particula α, quæ apud Græcos non infrequenter significationem habet ἅμα, id est, simul, & nomine ἀκολουθεῖν, iter; unde primaria hæc & generalis significatio profecta est. Quamobrem optimè mox subiecit Apostolus dñi hujus interpretationē his verbis, *Hæc verò spiritualis petra erat Christus*, puta, ex qua omnia illa beneficia quæ antè posita sunt, profuebant, & exposita erant Israëlitis, ut in ipso credentes baptizarentur, alerenturque ad vitam æternam. Hæc enim verba etsi de proximo membro dicuntur speciatim; tamen Synecdochicè, sive per analogiam, cum præcedentibus omnibus aptari necesse est: tamquā si disertis verbis dixisset Paulus. Nubes autem illa columnaq; ignis, manna, & aqua aspectabilis, quibus secundū corpus Israëlitas ducti & educati sunt, Symbola fuerunt aspectabilia gratiæ invisibilis in Christo Jesu; qui in nube, columna, manna, aqua sic figurabatur, ut seipsum revera omnibus viæ ducem, panēque vitæ e cælo futurum exhiberet, siquidem ipsum fide prehenderent: quia quod illæ res erant corpori, Christus id erat spiritui; spiritui autem credentium & viventium per fidem, non autem mortuorum in sua incredulitate. Petra igitur spiritualis erat Christus; neque id solum; sed spiritualis nubes, & columna, & esca, & potus; prout res illæ materiales & aspectabiles ostendebant id sacramentaliter.



Sed hoc (ut diximus) de postremo sacramento expressit Apostolus, de ceteris autem synecdochicè voluit intelligi. Sequentis versus non est obscura interpretatio. Nam planè respondet historię, tum interminationis Dei, Num. 14. tum verò executionis, de qua Num. 26. copiose satis a Mose actum est.

## PARALLELUS XXXVII.

1. Cor. 10.

6 Hęc autem fuerunt typi nostri, ut ne concupiscamus res malas, sicut & illi concupiverunt.

7 Neq; sitis idololatraz, ut quidam eorum; quemadmodum scriptum est; Sedit populus ad edendum & bibendū, surrexeruntq; ad ludendū.

8 Neque scortemur, ut quidam eorum scortati sunt, & ceciderunt die uno, viginti tria millia:

9 Neque tentemus Christum, ut etiam aliqui eorum tentaverunt, atque a serpentibus perierunt:

10 Neque murmuratē, ut etiam nonnulli eorum murmuraverunt, & perierunt ab exterminatore.

**N**Equē huic loco visum est diagramma Parallelum atque *aliquos* *20*, ut plurimū facimus, adhibere; quia non unus aliquis versus propriè, sed iustā capitum quorundam historię adducuntur, si unum exceperis in versu septimo. Quamobrem de his conjunctim dicaturi sumus; quę autem singularia sunt, suo loco & ordine posituri. Ac primū quidem, quomodo hę historię appellantur typi, luculentē satis demonstrat Apostolus. Sunt enim exempla, communes typi ad institutionem omnium; ut duobus antè locis in Matthæum ostendimus. Pertinent autem exempla hęc ad dehorationem; cū & malefactorum historias complectantur, & eorum pœnas, quas Deus sumit iudex iustissimus. In hoc autem exemplorum genere facta quidem hominum sunt contingentia; ac proinde hortationibus ac dehorationibus regi homines necesse est: Dei verò facta sunt necessaria, quia perpetuam & constantem legem in Deo habent, & causam immutabilem; quę ex causa facta hominum contingentia probantur, aut castigantur secundū immutabilem iustitiam ejus, prout antè diximus de locis Aetiology. Sic enim Augustinum olim, & alios orthodoxos Patres diximus appellavisse in Matth. Parallelo 6. Jam autem ordine de exemplis singulis videamus. Primum est, Israhelitas concupivisse, cujus criminis exempla exstant quā plurima in historia Moysi. Injuriam itaque fecerit, qui hęc verba ad unā aliquam solū & singularem historiam voluerit restringere. Secundum est, fuisse Idololatrias: quod crimen Moyses quidem narrat aliquot in locis, sed Paulus ad unum singularem respicit, ut narratur Exod. 32. unde illa verba decerpta sunt, *Sedit populus ad edendum & bibendum, & surrexerunt ad ludendum*: sive, ut Moyses loquitur, *ad videndum*, aut potius agendum ridiculè, Exod. 32. 7. Hic verò incidit una quęstio, cur Paulus hęc demū verba adhibuerit ad probationem Idololatrię, cujus Israhelitas fuisse reos sacra historia docet. Responsio duplex est. Vna, quā historię particulam adducit Paulus, id brevitatis studio sic fieri, ut totius historię veritatem ex eo Moysi loco velit intelligi, quē vocularum aliquot iudicio, quasi digito, commo-

stravit;

stravit; ac proinde hæc verba synecdochice accipi oportere, quia non excluduntur cetera narrationis membra; sed re ipsa concluduntur, priorumque studio cognoscenda ex Mose ostenduntur. Altera, quod de industria operam dedit Paulus, ut ea verba ex tota historia exciperet, quæ cum argumento & quaestione ea, quæ hic agitur, maxime convenirent. Agitur autem de idolothytis, quorum usus is fuit maximè, ut non solum convivatione publica consumerentur; sed etiam hilarijs, ludis, choreis, & saltationibus conjungerentur; prout in illo tempore Israëlitarum fecerant. Prudentissime igitur sanctus hic Apostolus ab exemplo Israëlitarum Corinthios admonet, si illi qui Deum noverant, rei fuerunt Idololatriæ; eò quod aliquam veri illius & viventis Dei imaginem & simulacrum aptassent, eumque fictitium & imaginarium Deum more gentium convivijs, ludis, & tripudijs contelebravissent; ut qui hac ratione palam animi sui Idololatriæ significationem & professionem apertam ediderant; nullam propterea excusationem futuram iis, qui Idolothyta, id est, res idolis gentium, ac non vero Deo dicatas atque oblatas, simili modo ad hunc idololatriæ comitem, sive ad convivia, ludos, & saltationes transfulerint. Certa enim est argumentatio qua utitur Apostolus: Israëlitarum fuerunt Idololatriæ, tum in eo quod Deum suum in idolo se colere putaverunt, tum etiam in eo, quod de oblationibus ejus convivati sunt, & ludis interfuerunt exercueruntque sese. Ergo eodem plane argumento, quicumque aut idola colunt, aut convivia, aut ludos eorum participant, Idololatriæ dicendi sunt. Quod si re & animo non sunt Idololatriæ; ut in numero vestro, o Corinthii, exstare audio, qui eò quod noverunt idolum nihil esse, licentiosè res istas participant; omnino tamen specie & significatione (quam simulationem vocant) sunt Idololatriæ. Id autem velim, inquit Apostolus, *ne sitis Idololatriæ, sicut Israëlitarum quidam*, qui non dubitaverunt cum alijs convivati & ludere, quamvis in crassam illam Idololatriam minimè incidissent; quia virum Christianum oportet abesse quam longissimè, non a crassa modò, verum etiam a quavis Idololatria, & specie quoque ac suspitione Idololatriæ. Atque hoc evidentissimum tum conviviorum, quæ cum Idololatrijs celebrantur, tum saltationum encomium. Tertium est, Israëlitas scortatos esse; cujus malefici exstat historia Num. 25. Sed una in hunc versum sextum incidit dubitatio: nempe quomodo Apostolus dicat uno die viginti tria millia Israëlitarum cecidisse; cum Moses eo in loco nominatim tradat vices quater mille mortuos esse plaga illa, Numer. 25. 9. sed facilis est solutio, & locorum istorum conciliatio, si quis ad narrationem Mosis probè attenderit. Nam duo sunt apud Mosen in eo capite narrationis membra: Unum de primarijs populi quos Deus publicè suspendi jussit, ut averteretur furor Jehovah ab Israëlitis vers. 4. alterum, de populo, qui in libidinem exarserat; & quidem primarijs ejus his instigantibus & præeuntibus exemplo suo, illis dissimulantibus, & tolerantibus contra officium suum. Ac de primarijs quidem quasi mille viri laqueo vitam siniverunt, aut certe cruci suffixi sunt, mandato Mosis. De populo autem, vices ter mille confossi sunt fratrum suorum manu. Utrumque igitur verum est, tum id quod ait Moses, mortuos esse plaga illa vices quater mille, si hos & illos unà complectaris; tum hoc quod affirmat Paulus viginti tria millia cecidisse: nempe si ad eos respexeris, qui non cruce aut laqueo, ut primores illi, sed gladio vitam siniverunt. Atq; hos posteriores

non sine causa speciatim notavit Apostolus; sed de industria hoc potius singulare exemplum, quam illud commune attulit: quia visum est eo docere Corinthios, quam frigida & jejuna sit eorum defensio, qui vel exemplo, vel autoritate, vel mandato potentiorum aut Magistratus sui se tutos putant, si in maleficia aut consenserint; aut ruerint preter officium suum: Etenim non secus Israëlitis, quum vestigia sequerentur Magistratus sui, a Deo Judice & Magistratu summo accidisse. Quartum est, Israëlitas tentavisse Christum, & a serpentibus periisse: cujus rei historia habetur Numer. 21. Id tamen fortasse alienum a Moysis historia imperitiores judicabunt, quod Paulus quosdam illorum affirmet tentavisse Christum & a serpentibus periisse, quum Moyses simpliciter Deum ab illis tentatum fuisse dixerit: sed non debet hæc Pauli interpretatio aut aliena aut detorta videri cuiquam, si ad duo illa respexerit; unum, Jesum Christum Deum verum esse, coæternum & coessentialē cum Patre & Spiritu sancto; ideoque tam illius esse tentationem factam, quam Patris & Spiritus sancti, cum tres personæ sint essentiā unum, ut Christus loquitur. Alterum, revera Christum speciali quodam modo fuisse tentatum; quia speciali modo Israëlitis aderat, eosque deducebat in columna nubis interdiu, & ignis noctu, tamquam Angelus faciei Domini, in quo nomen Dei est, ut scribitur Exod. 23. 20. & sequentibus. Quapropter etsi non tollit illud Apostolus, quod Deus Pater & Spiritus sanctus tentatus fuerit; tamen singulari modo Christum fuisse tentatum narrat, ut eo amplius Christianorum mentes afficeret, & ab ipso crimine deterreret, cujus criminis aliqua ratio offerebatur ipsis, quum ad Idolothytorum participationem a civibus & vicinis suis vocarentur. Quintum est, Israëlitas murmuravisse, & periisse ab exterminatore. Atque hanc quidem historiam vulgus Interpretum comparat cum illa murmuratione, quam exponit Moyses, Numer. 13. & 14. sed cum illi *ὁ θεὸς τὸ πνεῦμα* dicantur periisse, quo nomine Scriptura plurimum Angelum pestilentem denotat, aut certè uno impetu (ut in Aegypto factum est) vastantem omnia; mihi quidem videtur id verisimilius, Apostolum hoc in loco ad murmurationem illam populi respicere, quæ post exitum Koræ, Dathan, & Abiram in populo fuit excitata, & plagâ presentissimā a Deo castigata; Ad cujus principium quater decies mille septingenti occubuerant, & plures fuerant occubituri, nisi intervenisset Aharon facturus pro populo expiationem, Numer. 17. Sic omnino cum verbis Moysis videtur consentire narratio a Paulo instituta.

## PARALLELUS XXXVIII.

Psal. 24.

1 *Jehova est terra & plenitudo ejus.*

1. Cor. 10.

26. &amp; 28. Domini est terra &amp; plenitudo ejus.

**C**ertum est horum verborum utroque in loco argumentum & nulla in re omnino discrepans. Tantum obscura est in verbis Apostoli accommodatio, quam nos syllogisticè ad utramque speciem argumenti, quo Paulus utitur, evidentiz causa proponemus. Priore loco hæc Apostoli est argumentatio: Quicquid est Domini, & a Domino præstitum in macello venditur, id pii citra dubitationem vel scrupulū conscientiz



conscientiæ possunt in usum suum convertere. Est autem Domini terra & omnia quibus impletur terra: Pii ergo omnibus iis citra conscientiæ dubitationem libere & fide optima uti possunt. Hæc prioris loci argumentatio. Posterioris verò ratio diversa est: sic enim argumentatur Paulus: Qui sunt Domini, ii rebus ad Dominum suum pertinentibus sic uti possunt, si non fuerint aliena culpa interversa a Domino suo, ad everfionem gloriæ ipsius & aliæ conscientiæ: Idolothyta autem interversa sunt & erepta iusto suo Domino ad everfionem aliæ conscientiæ, aut confirmationem in malo. His ergo uti pii nec debent, nec possunt, ad everfionem aliæ conscientiæ. Quid ergo fiet? Respondet Apostolus, *Domini est terra & plenitudo ejus*: hoc est, non est pius alligatus & astrictus huic cibario Idolothytorum: servit enim locupletissimo & potentissimo Domino terræ & omnium quæ continentur ea. Aliis ergò cibis uratur potius quàm ut propter ista, quibus non est astrictus, alienam offendant conscientiam. Quòd cap. 15. Christus secundum Scripturas mortuus & sepultus esse, ac resurrexisse dicitur, id in Evangelia & Acta Apostolorum suo loco exposuimus.

## PARALLELUS XXXIX.

Psal. 110.

1 *Sede ad dexteram meam, donec posuero inimicos tuos, in scabellum pedum tuorum.*

1. Cor. 15.

25 Oportet enim Christum regnare usque dum posuerit Deus & Pater omnes inimicos ejus sub pedibus ejus.

**E** T si de horum locorum inter se convenientia nemo vir bonus dubitare potest: cum tamen Pauli interpretatio aliquid amplius indicet, quàm vulgus solet intelligere; de ea paucis dicturi sumus. Dixit Apostolus Christum primitias esse eorum qui obdormiverunt: ac omnes quidem vitam habituros fuisse suo quemque ordine: primitias Christum esse, postea verò eos, qui sunt Christi, vitam recepturos in adventu ejus, ac tum fore finem Oeconomice illius administrationis Christi; quo tempore regnum, id est, administrationem illam *οικονομικῆς* sibi imperatam & a se receptam atque procuratam, in manus Dei & Patris traditurus est, quum omnem principatum, omnemque potentiam & dominatum sibi adversantem aboleverit. Hoc dictum, puta, de œconomica administratione Christi, & de fine administrationis illius confirmat Apostolus illis Prophetæ verbis, quæ in Parallelo diagrammate posuimus, dicens: *Nam oportet illum regnare*, id est, perfungi illa sua regni administratione in persona sua, qua Mediator est Dei & hominū secundum utramque naturam adunatam personaliter, *Donec posuerit Deus & Pater inimicos ejus sub pedibus ejus*, id est, perfecerit in Filio suo illam œconomiam salutis nostræ, quem admodum per Prophetas Deus prædixerat. Itaque duo sunt quæ ex utriusque hujus loci comparatione teneri necesse est: prius, quòd Christus sedere dicitur ad dextram Dei Patris, idem planè esse cum eo quod Paulus hoc loco dicit βασιλεύειν, Posterius, particulam *donec* vel *usque dum*, non esse infinitè eo in loco accipiendam; sed includere certam quandam determinationem œconomici illius regni, quod Christus a Patre habuit ad salutis nostræ complementum. Quam rem tertio post versu Apostolus explicat luculen-

rissimè, dicens: *Cùm autem omnia illa ipsi fuerint subiecta, tum & ipse Filius subicietur ei, qui subiecerat ipsi omnia, ut sit Deus omnia in omnibus*: subji- cietur autem, id est, recipietur ab eo, & ipse traderet ultro Patri suam illam œconomicam administrationem; & suo ordine in unione perso- nali utriusque naturæ ita adhærebit Patri, ut membra ipsius Patri velut fonti, & ipsi velut suo capiti subiecta eidem adhæreant, ut Deus sit om- nia hæc in omnibus, id est, ipsam quoque administrationem Ecclesiæ suæ habeat, tamquam templi sui assumti in participationem commu- nis gloriæ, quæ repõsita est in cælis.

## PARALLELUS XL.

Psal. 8.

7 *Omnia posuisti sub pedibus ejus.*

1. Cor. 15.

27 *Omnia subiecit sub pedibus ejus.*

**E**T si commodior cùm ad hujus loci, tum ad Psalmi totius enarra- tionem futura est occasio in caput secundum Epistolæ ad Hebræ- os; in præsentia tamen hic dicturi sumus, quæ ad hanc Pauli argu- mentationem videbuntur satis. Dixerat Apostolus omnes in Christo vivificatum iri, sed unumquemque suo ordine; deinde finem fore istius administrationis, quum regnum Deo tradiderit, & omnes adversantes potestates aboleverit. Jam verò cùm summus ille Christi actus sit vivi- ficatio: sequitur ultimum hostem, quem Christus aboliturus est, fore mortem, quam absorbebit immortalitas in electos a Christo collata. Hoc dictum probat Apostolus Davidis testimonio, dicentis, *Omnia sub- jecit sub pedes ejus*, Ergo & mortem, quæ ultima linea rerum est, ut inquit Satyricus: Deinde verò, quia ex adverso poterat aliquis regerere, Si Pater omnia subiecit sub pedes filii, ergo & seipsum: occupatione amo- litur Paulus hanc argumentationem, quæ est verè (ut Gellius vocat) *κλυσθόπος*. Propterea, inquit, quum autem dicit omnia ei subiecta, hoc palam est dici, excepto eo qui ei subiecit omnia; quasi dicat, Si cui in hanc sententiam argumentari placuerit, vitiosè argumentaturus est a dicto secundum quid (ut vocant) ad dictum simpliciter. Nam qui subje- cit omnia Christo, sic ei subiecit omnia, ut se non subjecerit, cui Filius ipse subiectus est; & subji- cietur etiam tum, quum Deus omnia in om- nibus futurus est. Non enim deposuit Pater officium Patris, quum Filio imposuit officium hæredis & mediatoris ad salutem æternam Ecclesiæ suæ.

## PARALLELUS XLI.

Esa. 22.

13 *Edamus & bibamus, cras enim morituri sumus.*

1. Cor. 15.

31 *Edamus & bibamus, cras e- nim moriemur.*

**H**Æc verba mimeticè utroque in loco posita sunt, neque obscu- ritatis quicquam habent: Nam proterviam porcorum de grege Epicuri graphice exprimunt. Hic autem a Paulo ex absurdo adducuntur, ratione commodissima. Quorsum, inquit, subeamus tam multas & graves difficultates, si mortui non excitantur? quin potius edimus

## LIBER SECUNDUS.

181

edimus & bibimus, tamquam morte cras omnino obituri; Deinde hypothesin, unde hoc absurdum adstruitur, confutat blanda admonitione, dicens, *Ne errate, corrumpunt bonos mores commercia prava*; quasi dicat, Falsa est illa hypothesis, mortuos non excitari. Errant, qui ita sentiunt; qui verò ita vivunt quasi id sentirent, impiorum consortio & consuetudine mala corrumpuntur; quod malum pios averfari opus est, & sanctificationi suæ consulere.

### PARALLELUS XLII.

Genes. 2.

1. Cor. 15.

7 Fuit Adam in animam viventem.

45 Ita etiam scriptum est: Fuit prior homo Adam in animam viventem.

**C**erta quidem est & omnibus modis conveniens utriusque loci interpretatio: sed quòd Paulus locum illum Mosis ad comparationem prioris Adami & posterioris adhibet, id verbis Mosis tam lucem adhibet, quàm quod maximè. Duo enim subjecta inter se opponuntur, prior & posterior Adam, secundum tempus appellati. Deinde verò opponuntur prædicata, quòd prior factus dicitur in animam viventem: posterior in vivificantem spiritum. Hoc autem oppositionis genere duo comparationis ostenduntur gradus: Unus, naturæ sive substantiæ; Alter, operationum, effectuumque ex ea natura proficiscentium. Oppositionem naturæ constituunt duæ illæ voces, Anima, & Spiritus: nam Anima in priore Adamo appellatur illa essentialis forma hominis, quæ habitat in corpore organico personaliter, eoque utitur ad præsentem vitam: Spiritus verò in posteriore dicitur natura illa divina personæ Christi, quæ humanitatem assumpsit totam & totam adunavit sibi, ut salutem afferret toti. Operationum verò manifesta est oppositio, quòd prioris anima vivens appellatur, id est, sic vitam in sese habens ut ea uteretur mutabiliter; quia cum morte poterat commutari in priore Adamo, communi nostro omnium Patre: posterioris verò spiritus vivificans, id est, sic vitam in sese habens, ut ea uteretur immutabiliter, tum ad vivificandum carnem personæ suæ: tum ad vivificandum membra sua & Ecclesiæ suæ, id est, corpus suum, quod redemit sanguine suo, & a morte adeoque mortalitate, & mutabilitate vindicavit.

### PARALLELUS XLIII.

Esai. 25.

1. Cor. 15.

8 Absorbebit mortem ipsam ad victoriam.

54 Tunc fiet illud quod scriptum est, Absorpta est mors ad victoriam.

Hose. 13.

14 Ubi tua pestes, ô Mors? ubi cuspis exitialis tua, sepulcrum?

55 Ubi tua, ô mors, victoria? ubi tuus, ô sepulcrum, stimulus?

**C**um illis duobus locis Esaias & Hoseas citra controversiam ad plenam illam instaurationem in Christo & per Christum futuram respexerint; non est dubium, quin Paulus optimè ad hoc argumentum de resurrectione & victoria adversus mortem illos accommodaverit. Ac omnium quidem plana est sententia, nec eget explicatione;



mutationis verò quæ hoc loco incidit perfacilis est ratio, si quis ad ea attenderit, quæ in Matth. parallelo quinto docuimus. Dixerat Prophetæ, *Absorbebit Deus mortem, &c.* Idem hoc loco dicitur, *Fiet illud quod scriptum est, Absorpta est mors, &c.* Discrimen in eo est, quod Esaias futurum prædicit: Paulus verò & futurum prædicit, *Fiet*, inquit, & simul vim Christianæ fidei exprimit, quum id quod in membris Christi optatissimo illo die futurum est, verbo præteriti temporis exprimit, tamquam si animæ Christianæ jam in rem præsentem venissent fide: quemadmodum etiam re ipsa factum est, quum Christus declaratus est Filius Dei potentissimè per resurrectionem ex mortuis secundum carnem. In loco autem Osæ plus mutationis est; sed tamen citra sensus injuriam evidentiz causa a Paulo factum. Dixerat Osæas verbis Christi ubi pestes tuæ, ò Mors & pestes autem, id est, perniciēs, & profligatio, qua pereduntur & absumuntur omnia. Hoc autem elegantissimè apud veteres Latinos propriè, ac non figuratè, significatum est pestis appellatione: Est enim pestis nomen factum per syncopen ex composito perestis & mutato r, in s, (ut sæpè factum est) pesestis sive pesestas, a verbo Peredo, peres, perest, quo significatur quidquid peredit & planè consumit ac perdit materiam quamque. Unde factum est, ut lues illa epidemica pestis appellationem obtineret. Hoc tantum malum, quia non satis commodè videbatur sibi Paulus enunciare posse, ab effectu vel consequente victoriam appellavit; quia pesti illi nemo homo per se potest obistere, sed illa victoriam in omnes reportavit, usque dum a Christo vindicarentur. Alterum verò nomen, quod idem sepulcro tribuit, optimè respondet Hebrææ voci. Nam quidquid pertundendo & perfodiendo repentè penetrat impetu vehemenissimo, ut cuspis acuta solet, id apud Hebræos nomine illo designatur, quod Hoseas enuntiavit. Quamobrem optimè Paulus substituit in locum Hebrææ dictionis illius, *κέντρον*, & nos evidentiz causa cuspidem exitialem reddidimus.

## PARALLELUS XLIIII.

2. Cor. 3.

7 Quòd si mortis ministerium literis informatum in lapidibus fuit conjunctum gloria, adeò ut non possent filii Israël intueri in faciem Moïsi, propter gloriam vultus ejus, quæ abolenda erat:

8 Quomodo non magis ministerium hoc spiritus conjunctum gloria futurum est;

12 Habentes itaque spem ejusmodi, multa in loquendo audacia utimur:

13 Ac non, sicut Moïses imponebat velamen faciei suæ, ne intuerentur filii Israël ad finem usque ejus, quod erat abolendum.

14 (Sed occalluerunt mentes eorum. Nam usque ad hodiernum diem illud ipsum velamen in lectione Testamenti veteris non reiectum manet, quod per Christum aboletur:

15 Sed, inquam, ad diem hodiernum usque, quum legitur Moïses, velamen super cor eorum situm est:

16 Postquam autem converterit se ad Dominum, velamen illud tolletur:

17 Dominus autem Spiritus ille est, & ubi Spiritus Domini, ibi est libertas.)

18 Nos verò omnes reſecta facie gloriam Domini tamquam in ſpeculo cernentes; ſecundum eamdem imaginem transformamur ex gloria in gloriam, ſicut a Spiritu Domini.

**Q**uia totus hic locus ampliſſimam habet commendationem Euangelii glorię Chriſti, legis Moſis cum Chriſto, veteris Teſtamenti cum novo, & glorię illius cum huius gloria comparatione; idque vix fieri potuit, ut pars una commodè ſine altera a nobis exponeretur, maxime quia involuta eſt quodam hyperbato ſententia Apoſtoli, neceſſarium nobis viſum eſt, ut totum illius loci contextum apponeremus cauſa evidentię. Moſis autem verba, quę pauca ſunt de hoc argumento, ſub ſinem capituli 34. Exodi commoditatis cauſa omiſimus. Ad hanc igitur comparationem, quam inſtituit Paulus, adhibentur duo demonſtrationis loci: Unus, a natura utriuſque miniſterii ad verſum uſque 12. Alter, a relatione ſive applicatione illius erga eos, ad quos hoc miniſterium pervenit, reliquo capite. Prior locus a natura utriuſque miniſterii, ſimpliciter hoc cum illo comparat, reſpectu glorię quam Deus impreſſam voluit in utroque miniſterio. Hęc igitur eſt naturę in utroque comparatio. Miniſterium veteris Teſtamenti, quod idem eſt miniſterium literę occidentis, ſive miniſterium mortis literis informatum in lapidibus, verſu 6. & 7. miniſteriumque condemnationis, verſu 19. conjunctum fuit gloria; ſed tranſeunte: ut veritate hitorię & Pauli ipſius verbis oſtenditur. Miniſterium verò Teſtamenti novi, quod idem eſt miniſterium vivificantis Spiritus, miniſteriumque juſtitię, conjunctum eſt gloria, eaq̃ue permanente. Probatio utriuſque propoſitionis eſt a modo miniſterii, vel miniſtrorum, qui ad illud vocati ſunt, conſtitutione. Moſes habuit quidem gloriam viſibilem, quam præ ſe in vultu tulit; ſed quæ ne in ipſo quidem permansit, nedum in aliis miniſtris Legis, aut toto legali miniſterio: Dominus verò Jeſus Chriſtus, qui Propheta eſt & Apoſtolus confeſſionis noſtrę, idemque miniſter (ut Paulus ad Romanos vocat) circumciſionis noſtrę, habet gloriam, non eam quidem viſibilem (Nam ea quę cernuntur, temporaria ſunt) ſed inviſibilem; quam non in vultu, ſed in Spiritu fert, id eſt, in ſeſe habet ſecundum naturam divinam ſuam, & imprimit per eundem Spiritum in miniſterio Euangelii glorioſi ſui; ita ut tum in ipſo maxime velut Domino glorię, tum in miniſtris Euangelii præſentia & virtute Spiritus illius refulgeat. Poſterior locus, quem a relatione diximus eſſe, ſive applicatione illius glorię erga eos, ad quos hoc miniſterium pervenit, duobus modis oſtenditur. Nam una eſt applicatio, erga miniſtros Euangelii & operarios Chriſti, ad functionem hanc inſtitutos: Altera, erga pium gregem, quem Chriſtus per ſervos ſuos voluit paſci Euangelio ſuo. Ultramque verò ab effectis docet Apoſtolus, & effectuum cauſis; & per eamdem comparationem illuſtrat elegantiffimè. Effecta primùm in miniſtris a Chriſti Spiritu proficiſcentia, ponuntur duo. Nam & ſpem illam in ſeſe habere dicuntur ſuperantis glorię, & (quod ampliùs eſt) freti ea ſpe dicuntur uti audacia multa in enunciando Euangelio glorię; qualem ſpem vel audaciam nec Moſes, nec alii Prophęta, qui ad Chriſtum uſque ſucceſſerunt, ex Lege perceperunt unquam, verſu 12. In grege verò ovibùſque Chriſti effectus unus ab Euangelio Chriſti dicitur conſequutus, verſu 13. & tribus ſequentibus: nempe quòd eadem audacia ex fide ſingulis ovibus Chriſti eſt indita, ſi non

2. Cor. 4. 18.

ad loquendum (id enim ministrorum est) saltem ad intueendum gloriam Evangelii Christi, & animadvertendum quanto superetur Lex ab Evangelio; cum & ipsius gloria per se fuerit abolenda atque deservit, & impar populus fuerit spectandæ faciei Moïsi, quum gloria illa transeunte ornatus esset. Atque hunc quidem effectum ex præsentē Judæorum constitutione & ritu confirmat Paulus, versu 14. & 15. ostenditque exterram illorum observationem esse internæ cæcitatē indicem; sed postea ad causam horum effectuum transit, quam secundo loco diximus; nempe causam esse Dominum Jesum Christum, auctorem gloriæ Evangelii in se & in ministris & grege suo, effectoremque, versu 16. & 17. Illius autem gloriæ duas esse partes communiter ad pastores & oves Christi pertinentes: unam esse libertatem, in quam nos vindicavit Christus, ut relecta facie, ac non oblecta (ut Judæi olim) gloriam Domini intueamur, ut in speculo, per fidem: alterâ verò, transformationem in gloriam ejus sicut a Domini spiritu, id est, nostri sanctificationem ex fide & justitia Christi. Quapropter versu 18. dicit. *Nos autem omnes, nimirum pastores & oves ad vile Christi pertinentes, relecta facie gloriam Domini intuemur, &c.* Atque hæc quidem, judicio meo, facilis & expedita hujus loci intelligentia.

## PARALLELUS XLV.

Psal. 116.

10 Credidi, quod loquutus sum.

2. Cor. 4.

13 Credidi, ideo loquutus sum.

**F**Inis utroque in loco, & argumentum commune est: si hoc exceperis, quod David hæc verba primùm de se prædicavit, quæ postea Apostolus ex eo mutuatus est ejusdem Spiritus in se loquentis cōscientia; neque solum in se, sed etiam in aliis conservis Dei incumben- tibus in Ecclesiæ ædificationem ministerio verbi: quum ait, *Habentes autem eundem Spiritum fidei, secundum illud quod scriptum est: Credidi, ideo loquutus sum, nos quoque credimus: Quamobrem etiam loquimur.* Sumta igitur est argumentatio, non simpliciter ab expello Davidis, sed potius & conjunctim a virtute & veritate vel natura Dei, per spiritum suum operantis in electis suis propter filiū dilectionis suæ: operantis autem primùm quidem intus per fidem, qua vivimus; secundò autem foris sermone reconciliationis per fidem, quo fratres nostros ad vitam accersimus. Est enim fides causa efficiens, qua ministri omnes pii corde credentes ad justitiam, ore & lingua ad salutem Dominum profitentur. Est quidem in specie aliqua verborum commutatio, qua videtur Paulus a Davidis oratione discedere: At mutatio hæc non variat sensum; sed interpretatur evidentius, quod dictum fuerat obscurius. Psalter enim ab effectu causam efficientem probare voluit & confirmare, dicens: Quod loquutus sum, id est, quod in mediis angustiis sic animum confirmavi meum ut modò dicebam; Credidi, id est, hoc argumentum est manifestissimum me certa fide prehensisse beneficia Dei. Paulus verò diverso ordine ab efficiente causa incipit, & ab ea effectum probat ad commoditatem sermonis instituti: Credidi, inquit, videlicet per spiritum illum fidei, quem eundem habemus omnes: ideo loquutus sum, id est, ad proloquendam doctrinam fidei adductus virtute ipsius. Eadem igitur est utroque in loco, quamvis mutato ordine, sententia.

PARAL.



## PARALLELUS XLVI.

Esa. 49.

8 Sic ait Jehova: Tempore accep-  
to exaudiam te, & in die salutis auxi-  
liabor tibi.

2. Cor. 6.

2 Dicit enim, Tempore accep-  
to exaudivi te, & in die salutis sum  
auxiliatus tibi.

**C**ertissima est arque sanctissima utriusque loci convenientia, si u-  
troque ad argumentum benè attendamus. Nam apud Esaiam  
promissionem Deus Pater hanc dedit Christo, fore in tempore  
Euangelii, quum Judæi contumaciter illud repulerint, ut Christum sa-  
cerdotem nostrum exaudiat, & benedicat ministerio illius apud gentes  
successuras in Judæorum locum. Ac Judæis quidem Christus Euangeli-  
um obtulerat in persona sua immediate (ut loquuntur) deinde verò me-  
diatè per Apostolos suos: sed quum ad gentes translatum est ministe-  
rium ejus, sic in sevit illud per Spiritum suum in mentibus gentilium, ut  
tamen usus sit servorum suorum ministerio. Cum autem de hac parte  
potissimum agatur in eo loco, & toti prædicationi Evangelicæ hæc be-  
nedictio a Patre promittatur; optimè concludit Apostolus, Ergò suo  
& aliorum suorum collegarum ministerio, tamquam parti functionis  
Euangelicæ Christi, Deum benedicturum esse; quod exaudiendi, &  
auxiliandi verbis promittitur. Sed de hoc argumentationis genere vi-  
de plura in Acta Apostolorum libri 1. Parallelo 96.

## PARALLELUS XLVII.

Levit. 26.

11 Disponam habitationem meam  
in medio vestri, neque fastidiet vos  
anima mea:

12 Et indefinenter ambulabo in  
medio vestri, & ero vobis Deus, vobisq;  
mihi eritis populus.

Esa. 52.

11 Discedite, discedite, exite illinc,  
immundum ne attingitote; exite è  
medio istius, purgate vos, qui portatis  
vasa Jehovæ.

Jerem. 31.

1 Tempore illo, dictum Jehovæ: E-  
ro Deus omnibus familiis Israël, &  
ipsi erunt mihi populus.

2. Cor. 6.

16 Sicut dixit Deus, Habitabo  
in eis, & inambulabo, & ero illo-  
rum Deus, & ipsi erunt mihi popu-  
lus.

17 Quapropter exite è medio  
eorum, & separamini, dicit Domi-  
nus, & impurum ne attingite, Et  
ego excipiam vos:

18 Atque ero vobis pater, vos  
autem eritis mihi filii & filiz, dicit  
Dominus omnipotens.

**C**um varios locos ad unam eandemque argumentationem Pau-  
lus comportaverit, visum est potius in Parallelum unum omnes  
includere, quàm alios ab aliis discerpere, cum aliqua jactura sen-  
sus, & intelligentiæ. Hortatus fuerat Apostolus Corinthios, ne impari  
jugo cum infidelibus copularentur, deinde verò hortationis suæ ratio-  
nem a contrariorum comparatione attulerat, dicens: Justitiæ cum in-  
justitia, luci cum tenebris, Christo cum Belial, fideli cum infideli, réplo  
Dei

Dei cum templo simulacrorum nullam consensionem esse. Quapropter hanc eandem argumentationem inverso ordine ab autoritate Scripturæ cōfirmat iis verbis, quæ in Parallelo diagrammate posuimus. Cūq; hic sit argumentationis ordo: Fideli cum infideli non est pars, communio aut consensio ulla: Vos autem fideles estis, & templum Dei viventis. Nulla igitur vobis communio intervenire potest cum altero illo hominum genere: hanc argumentationem repetens enthymematicè, ut antè proposuerat; primū quidem maiorem propositionem reticet, velut certam & indubitam apud omnes, cū illud a natura constet, contraria in gradibus (ut vocant) excellentibus, simul eodem tempore non exsistere in subiecto uno. Reliquas verò duas argumentationis partes exponit ordine; Minorem quidem, versu 16. Conclusionem verò 17. Minorem autem, cujus sententia est, pios esse templum Dei viventis, probat Apostolus ex legali illa promissione, Levit. 26. in qua plura quidem verba sunt, quæ perscripsit Moyses, & promissiones in secunda persona enunciantur: sed citra ullam sensus injuriam, mutata solum persona & vocibus quibusdam omissis, locus a Paulo factus est evidentior, & pronunciatus commodius ad institutam argumentationem illius. Conclusionis verò, quæ versu 17. proponitur, locus ex Esaiâ peritus est, ubi de præconio Evangelii, & Ecclesiâ per Evangelium collecta agitur. Quamobrem optimè ad hoc argumentum a Paulo adductus est. Nec obstat, quòd omissa quædam ex verbis Esaiâ sunt, & nonnulla commutata. Nam quòd separari ipsos Propheta jubet, omnino idem est quod bis ab ipso dicitur, *exire*, hoc est, non solum exeundo se ab infidelium cōsortio separare, verum etiam perstare in cœpta illa & instituta separatione. Quam rem si Apostolus expressit evidentiore verbo, id verò non potest verti vitio; sed potius, obviis (ut ita dicamus) ulnis & animo æquissimo excipienda est illius interpretatio. Quòd autem illi Conclusioni subnectantur promissiones, ex variis scripturæ locis inter se comparatis sumtæ, & apud omnes Prophetas repetitæ; id, quia vulgò refertur ad Jeremiæ locum, simpliciter in diagramma nostrū retulimus: Et si (ut paucis dicam quod sentio) non unius loci verba sunt, sed ex quàm plurimorum argumento per Apostolum coagmentata, ut his blandissimis promissionibus ampliùs ad sanctificationem sui pellicerentur boni.

## PARALLELUS XLVIII.

Exodi 16.

19 *Qui multum habebat, non abundavit; & qui parum, non laboravit penuria.*

2. Cor. 8.

15 Sicut scriptum est: Qui multum habuit, non abundavit; & qui parum, non habuit minus.

**E**T si hæc Moysis verba propriè & singulariter ad Mannæ historiam pertinent, tamen optimè a Paulo ad institutum sermonem, de communicatione cum sanctorum necessitatibus, hoc loco accommodantur, sumta ab exemplo argumentatione. Ac infirma quidem est per se exemplorum ratio; si res humanas spectemus; sed tamen non potest non esse firma exemplorum illorum autoritas, quæ tum a Deo sunt imperata, tum verò naturalem habent ætiologiam, id est, pertinet ad iusti & iniusti legem, quæ lex perpetua est & constantissima. Sic ergò

ergo argumentatur Apostolus: Cujus singularis, aut mandati, aut exempli ratio æterna est, ejus æterna quoque est substantia: Illius autem mandati, quod Deus præcepit, Exod. 16. 17. itémque obsequii illius, quo Israëlitarum paruisse dicuntur Deo, versu 19. illius, inquam, ratio æterna est, nempe ut horum abundantia defectum illorum suppleat, & fiat æquabilitas. Aeterna igitur & inviolabilis est illius præcepti substantia, & exempli authoritas. Nam quod Deus tum voluit, ut Ecclesiæ suæ, & membris ejus consuleret; id perpetuò vult, & procurat, & mandat constantissima voluntate sua: ac propterea non solum Israëlitarum obsequiuntur sunt, & de abundantia sua, si qui plus habuerunt, fratribus sunt largiti: verum etiam Deus effectum dedit, neque sivit contrà fieri, quàm per Moysen Israëlitis præceperat. Hæc igitur sanctissima est accommodatio, & probatio certissima illius dicti, quod duobus præcedentibus versibus Paulus instituerat.

## PARALLELUS XLIX.

Psal. 112.

9 Dispersit, dedit pauperibus, justitia ejus stat in seculum.

2. Cor. 9.

9 Dispersit, dedit pauperibus, Justitia ejus manet in seculum.

**H**ujus loci nulla planè est difficultas, cum verbis & argumento optima sit convenientia utroque in loco. Ceterum, quod nomen justitiæ alii beneficentiam exponunt, alii Eleemosynam; nihil est necesse judicio meo, ut quæ vox latissimè patet, exquisita aliqua interpretatione coarctetur. Nam justitiæ nomen hoc loco melius exponi non potest, quàm proximè præcedentibus verbis Apostoli: *Ut in omnibus, inquit, semper omnino, quantum sufficit, penes vos habentes abundetis ad omne opus bonum, sicut scriptum est, Dispersit, &c.* Justitiam ergo, Paulo interprete simpliciter accipio pro omni opere bono, quod pii servientes Domino fratribus suis præstant qualibet fraterna communicatione, ac non solum ea quæ Eleemosyna hoc tempore appellari solet.

## PARALLELUS L.

Deut. 19.

15 Ex ore duorum testimonium, aut ex ore trium testimonium, statum erit verbum.

2. Cor. 13.

1 Ex ore duorum testimonium aut trium statum erit omne verbum.

**D**e hujus loci accommodatione plerique omnes Interpretes non mediocriter laboraverunt, putantes hæc verba quoddam esse eorum, quæ proximè præcedunt, interpretamentum. Sed quod bona omnium pace dixerim, alteram his verbis argumentationem contineri puto. Prior fuit argumentatio, quod jam tertio Corinthios monuit de iis rebus, quæ ad salutem ipsorum pertinere maximè videbantur, ut sequente versu explicat, dicens, *se prædixisse, & jam prædicere absentem, sed quasi præsentem secundo & quidam scripto prædicere, se ubi coram venerit, non esse iis, qui peccaverint, parciturum.* Nam primò præsens reprehenderat peccatores, quum Corinthi esset, Act. 18. postea verò bis, ut præsens (quamvis absens corpore esset, at præsens Spiritu, 1. Cor. 6.) scripto eos commonefecit gravissimè sui officii de his tribus monitis dicitur illud principio



principio capituli, *serua hac vice venio ad vos*. Posterior verò argumentatio, & planè ab illa superiore differens, his verbis comprehenditur, quæ in Parallelo diagrammate posuimus: Jam, inquit Apostolus, accedit alterum confirmandis monitis meis salutaribus argumentum: Si vobis non est satis (ut esse debet) Apostolica autoritas, qua sum instructus in Christo; Ecce alterum testem, quem mihi adjunxi ultro, velut testem Christi, eodémque Spiritu veritatis præditum, nempe fratrem Timotheum, qui has literas mecum ad vos communiter dedit; ut non solum autoritate Christi, qui Apostolatum meum potentissimè obsignavit, sed etiam Legis ipsius, & còmunis juris testimonio sentiatís nihil vobis esse, cur vestra peccata aut vestrorum dissimuletis, eludatísque admonitiones meas. Atque hanc esse mentem Apostoli ostendit numeri mutatio, versu 4, 6. & sequent, ubi Apostolus non amplius loquitur tamquam de se solum singulari numero; sed pluralem adhibet plurimum; & Timotheum sibi adjungit in gravissima hac increpatione, quum ait: *Nam & nos infirmi sumus cum Christo, sed vivemus cū eo ex virtute Dei apud vos*: deinde, *spero fore, ut cognoscatis nos non esse reprobos*: & quæ sequuntur. Sic facilis est, nisi me animus fallit, & perspicua hujus loci interpretatio.

## PARALLELUS LI.

Gen. 11.	Gal. 3.
35 Benedicite erunt in te omnes familia terra.	8 Benedicentur in te omnes gentes.

**D**E proximè præcedente loco, quem ex Genes. 15. adduxit Apostolus, diximus in caput 4. Epistolæ ad Romanos. Hic autem locus, quem Paulus affert ad probationem argumenti sui, sive ex Genes. 11. peratur (ut fecimus in Parallelo nostro diagrammate) sive ex Genesios 18. 18. nihil refert. Nā posterior pura puta est prioris repetitio. Ac de verbis quidem nulla est controversia; sed argumentationis genus non ita facile probaturi sunt quicumque doctrinam fidei aspernantur. Quamobrem hoc loco paucis demonstrari opus est argumentationis modum. Paulus igitur doctrinam fidei probaturus, inde a principio capituli tertii dilemmate usus est eodem plane, quod habetur in Epistola ad Romanos passim, hoc modo. Qui Spiritu acceperunt v. 2. aut quibus Deus subministrat Spiritum, & in quibus virtutes efficit, iis hoc datum est, aut ex operibus Legis, aut ex auditione fidei: Nō est autem ex operibus Legis: Igitur ex fide. Non esse ex operibus Legis probat duobus argumentis, Exemplo singulari, & promissione generali, ut nihil de sequentibus argumentis hoc loco dicamus. Exemplum singulare est Abrahami: Quemadmodum, inquit, hæc Abrahamo obtigerunt, sic etiam iis, qui vestigia Abrahami sequuturi sunt. Abraham autem credidit Deo, & imputatum est ei ad justitiam, versu 6. Ergo, qui sunt ex fide, hi filii sunt Abrahami, eadémque imputatione ad justitiam fruituri, versu 7. Confirmatur idem commodissima hac transiitione, a generali promissione, in hunc modum: Quæ scriptura Abrahamo antè evangelizavit, propterea quòd prævideret & præsignificatum vellet, eadem quoque aliis in Abrahamo evangelizavit: Evangelizavit autem fore, ut omnes gentes benedicantur in ipso, id est, fide justificatum Patrem credentium

credentium sequantur fide, verſ. 8. quia non aliter benedictionem aſſequuntur ſunt, quàm prout eſt aſſequutus pater: Unus eſt Deus, una ſine una ſalutis via. Igitur quicumque ex fide ſunt, etiam in gentibus, benedicti, dicuntur cum illo fideli Abrahamo.

## PARALLELUS LII.

Deuter. 27.

26 *Maledictus qui non preſtiterit  
verba Legis huius, faciendo ea.*

Habac. 2.

4 *Justus ex fide vivet.*

Levit. 18.

5 *Homo ille qui fecerit ea, utique  
vivet in eis.*

Deuter. 21.

23 *Suſpenſus execrationi eſt Deus.*

Gal. 3.

10 Nam quotquot ex operibus Legis ſunt, ſub execratione ſunt. Scriptum eſt enim: Execrabilis quiſquis non manſerit in omnibus quæ ſcripta ſunt in libro huius Legis, ut faciat ea.

11 Nullum autem juſtificari per Legem apud Deum, manifeſtum eſt: quia juſtus ex fide vivet.

12 Lex autem non eſt ex fide; ſed qui fecerit ea homo, vivet in eis.

13 Chriſtus nos redemit ab execratione Legis, dum pro nobis factus eſt execratio (ſcriptum eſt enim: Execrabilis eſt quiſquis pendet in ligno.)

14 Ut in gentes benedictio Abrahamæ exſtet in Chriſto Jeſu diſſuſa; ut promiſſionem Spiritus accipiamus per fidem.

**C**um hæc omnia unius ſint & continentis argumentationis; viſum eſt ea potiùs conjungere, quàm ſuſpenſam aut divulſam proponere locorum interpretationem: Atque hæc tertia eſt argumentatio, quâ Paulus utitur ad demonſtrationem illius dilemmatis, quod ex principio capitis tertii in Parallelo ſuperiore poſuimus. Eſt autem hæc argumentatio ſumta ab effectis, & per comparationem contrariorum illuſtrata. Nam poſito illo dilemmate, Hominem aut Lege juſtificari, aut fide: nihil eſſe medium, aut quod præterea ad hominis juſtificationem adduci poſſit; ſtatim comparationem inſtituit Apoſtolus effectuum & conſequentium ab utroque juſtificationis modo, quem dilemmate propoſuerat; & partes ſingulas confirmat Teſtamenti veteris teſtimoniis. Itaque de Lege primùm argumentationes ponuntur duæ; una, a conſequenti, decimo verſu, in hunc modum: Quiſquis non manet in omnibus, quæ ſcripta ſunt in libro Legis faciendo ea, eſt ſub execratione: Nemo autem homo eſt, qui maneat in illis omnibus per ſe: Nemo igitur homo ſimpliciter & per ſe non eſt ſub execratione. Minor autem hoc loco reticetur; quia id pro conſeſſo ſumitur, neminem adeò inſanum aut deſperatum eſſe, qui juſtitiam Legis perfectam in rebus omnibus ſibi arrogare auſit, quàm juſtitiam Lex omnino flagitat ab eo qui cupiverit juſtificari Lege. Altera de Lege argumentatio eſt ab effectis,

effectis, versu 11. & sequente, in hunc modum: Qui fecerit ea, quæ imperantur Lege, is vivet in ipsis: Nemo autem facit ea: Nemo igitur in ipsis aut per ipsa victurus est: non enim vita est effectus Legis, cum Lex sit mortis & condemnationis ministerium, ut idem Apostolus vocat, 2. Cor. 3. His duobus de Lege positis, probatis atque confirmatis; ex contrario docet Apostolus, Ergo iustitiam ex fide esse, cum non sit ex Lege; ac proinde vitam & liberationem ab execratione Legis, per fidem ad nos pertinere. Hæc verò demonstrantur *versu 11. & sequente*, ex familiari scripturæ usu. Nam primum docet Apostolus iustitiam ex fide esse, versu 11. Secundò, vitam & liberationem a morte atque execratione Legis, nostram fieri per fidem in Christum. Prius demonstrat Apostolus a contrario, in hunc modum: Quisquis iustus est & iustificatus apud Deum, ex fide iustus est. Nullum ergò iustificari per Legem, apud Deum manifestum est. Posterius autem, de vita & liberatione a morte & execratione Legis, similiter ex contrario probatur primum, deinde verò ex materia & argumento fidei nostræ. Vitam non esse ex Lege, contrariis duobus testimoniis ostenditur. Unum est Prophetæ Habacuc, Qui ex fide iustus est, vivet: Non ergo qui ex Lege videtur iustus. Alterum, Qui fecerit ea homo, vivet per ea, quæ scripta sunt in libro Legis: Lex igitur non est ex fide, sed ex operibus. Nemo autem ex operibus; sed credentes ex fide iusti sunt. Ex fide ergò vivitur, non autem ex Lege. His positis, transit Apostolus ad summum & potentissimum argumentum, quod est a materia fidei nostræ, vers. 13. hanc enim disputationem totam concludit gravissima illa sententia, *Christus nos redemit ab execratione Legis, dum pro nobis factus est execratio*; quasi dicat, Nos quidem in nobis & per nos ipsos, cum non maneamus in omnibus quæ scripta sunt in libro Legis, sumus sub execratione, neque iustificamur apud Deum tantisper dum sub Lege sumus: quamobrem non sumus possessuri vitam, si Deus nos in nobis ipsis respexerit ex Lege; sed optimum habemus interventorem & fidei iustorem Christum, qui & Legi satisfecit plenè, & nos credentes in se beneficio suo ac merito liberavit a malo, bonisq; omnibus cumulaturus est, si per fidem, meritum beneficiumq; illius amplectimur. Ac proinde nec iustitiam, nec vitam in nobis habemus, tamquam ex nobis; sed iniustitiam & execrationem æternam; iniustitiam a nobis; execrationem a Lege. In Christo autem, qui iniustitiam nostram & Legis execrationem recepit in se, habemus omnia; nempe cum pretium iniustitiæ & absolutionem a Legis execratione, tum iustitiam & vitam æternam: E quibus pretium iniustitiæ & redempturam ab execratione, semel præstitit Deo & Patri, ut sacerdos noster: iustitiam verò & vitam æternam ex benedictione Abrahæ in dies credentibus infundit, & per gradus perficit, communicatione Spiritus promissi, quem nos ab eo per fidem accipimus. Hic verò duplex occurrit quæstio: Prior, quomodo Christus factus sit pro nobis execratio: Posterior, quomodo illud ex verbis Moïsis, quæ Paulus affert, probari possit. De priore omnino statuimus, cum Paulo, Christum factum esse pro nobis execrationem. Factum autem quum dicimus, non intelligimus solum verbo, aut imaginatione, neque etiam symbolo & significatione, ut factum est veteribus typis & ceremoniis in Lege Moïsis: sed imputatione, & applicatione. Imputatio est, quod Deus Pater illi, velut sponsori & fidei iussori nostro, debita nostra imputavit, & ab eo tamquam promittendi reo exegit ex Lege. Applicatio



catio est, quam Græci vocant *oinuon*, quod ipse ultro sistens se Deo & Patri in nostro nomine (ut Esaias loquitur) bajulavit languores nostros, & infirmitates nostras sustulit, easque cruci affixit in seipso, mortificavit atque sepelivit, ut sepulto peccato, & maledictione Legis infracta, tamquam novus homo, liber a Legis maledictione, de causa nostra resurgeret. Atque hæc quidem ratio est constantissima, qua Christus factus est pro nobis execratio: quo sensu alibi dixit idem Apostolus, *Deum fecisse ut qui non novis peccatum esse peccatum pro nobis, ut nos efficerentur iustitia Dei in ipso.* In posteriore autem questione graviores causæ afferri possunt (ut videtur) quibus improbetur hæc Pauli applicatio, quæ admodum a Judæis sæpè & ab aliis quoque infidelibus objectæ sunt. Nam primum videtur Lex generalis esse, ac proinde ad Christum minime pertinere: secundò non videtur Christus ita reus esse, ut a Mose in versu præcedente reatus describitur: tertio, si non ita reus est, neque execratio ad ipsum videtur pertinere: postremò multò minus videtur dicendum esse, quod polluat terra ex occasione illa. Nos verò primum ad singula hæc objectionum capita respondebimus, deinde veram (ut ego quidem sentio) loci illius applicationem ostendemus, & hujus interpretationem. Quod igitur generalem esse hanc Legem obtendunt adversarii & Legis & Christi, id a nobis facit. Nam constans est Logi-  
corum regula, A genere cum signo universali posito ad singulas ipsius species: itemque a specie ad singula individua *avalbyr* valere consequentiam. Si ergò ex autoritate legis suspensus est execrationi Deus; omnino id sequi necesse est, Christum, quæ fuit suspensus, execrabilem fuisse execratione legis. Nec obstat, quod a Mose non adhibetur universale signum; quod signum de industria adjecit Paulus, ut argumentationis hujus vim omnibus ostenderet: Nam hujus particula adjectio antece-  
dentibus petita est; quia Moses sic legem universalem a Deo imperatam Israëlitis proposuit, ut de singularibus quibusque individuis accipiendam esse ostenderit; dicens, *Cum eris in viro peccatum*, id est (ut latinis verbis disertè explicemus) in ullo. Ex quo sequitur pro natura antecedentis legis hanc execrationis legalis denunciationem explicari oportere. Quod autem secundo loco objicitur, non videri Christum ita reum esse ut suum hunc reum depingit Moses; id in hac causa a nemine piè defendi potest. Nam agnoscimus quidem illud omnes non fuisse in Christo per se ejusmodi peccatū fonticum, cujus peccati nomine eum tradi morti & de ligno suspendi oportuerit: sed factus est peccatū pro nobis, quia Deus pater dedit ipsum nobis, & ipse apud Deum Patrem pro nobis ultro fide jubens peccatū nostrum appropriavit sibi, & recepit in se abolendum, affigendum cruci, mortificandum, & sepeliendum, adeò ut nunquam deinceps coram Deo & Patre existeret; qua ratione injusta martyrum & piorum condemnatio a justa Christi tamquam fide jussoris nostri cōdemnatione distinguitur. Eadem opera tertia ob-  
jectio, quam antè diximus, diluta est: nempe, si Christus non ita reus est, ut proposuit Moses in antecedente hypothese, neque execrationem ad ipsum pertinere. Nam utrumque verum est, antecedens & consequens: Verè enim Christus reus fuit, ut qui factus est peccatum pro nobis sua ipsius intercessione; & verè subiit maledictionem legis, ut qui sub lege fuisset factus. Postrema ob-  
jectio nihil ad rem facit; non enim dicitur suspensum illud corpus, si per noctem hæreat, fore ut illud ipsum cadaver, aut per se, aut symbolo terram polluat, quam Deus  
in

2. Cor. 5. 31.

in possessionem dedit; sed ii, qui cadaver illud suspensum esse siverint diutius, quam lege permissum est. Tu, inquit Moses, Magistratus, tu, Israelita quisquis es, ne polluito terram hoc tuo maleficio; sed studiosè legi obsequitor, ne in diem posterum suspensus ad crucem hæreat. Atque hæc de objectionibus. Restat, ut (quod antè recepimus) veram loci illius ex Mose applicationem commonstrems, & hujus interpretationem. Legem igitur illam, quam Moses protulit, observandum est, partim civilem esse, vel politicam; partimque ceremonialem. Civile est, quòd hominis de ligno suspensi cadaver Deus ibidem permodòare vetat, & eodem utique die sepeliri jubet. Ceremoniale verò est *אלנוי* five causa, cujus respectu id ita observari mandavit Deus; nempe quia suspensus, secundum legem ceremonialem est execrationi Deo. Nam alioqui neque secundum naturæ legem, neque secundum jura civilia, neque per seipsum denique, qui suspensus est, Deo est execrabilis. Cum itaque ceremoniale sit dictum illud Aetiologicum de homine suspensio; ceremoniarum verò corpus & complementum sit Christus: non est dubium, quin hac ceremoniali ætiologia Moses, æterni Mediatoris nostri typus, ad illum æternum & perfectum Mediatorem respexerit, in cujus carne inimicitia & lex mandatorum, in ritibus ceremoniarumque posita, fuit abolita & peremta per crucem, nosque ex maledictione legis liberati. Quamobrem optima est & demonstrativa planè in hoc loco Pauli interpretatio; quum omnibus illis antecedentibus incommodis, quæ a lege sunt, unum Christum opponit, in quo & maledictio legis exhausta est, & absoluta fidei benedictio. Ac legis quidem maledictionem exhaustam esse proclamat his verbis, *Christus nos redemit ab execratione legis, dum pro nobis factus est execratio: scriptum est enim; Execrabilis est quisquis pendet in ligno.* Fidei verò benedictionem, quæ in dies promovetur, perficiturque virtute Dei, sequente versu declarat dicens: Ut in gentibus benedictio Abraham existeret, &c. Justissima est igitur illius loci accommodatio, & fidelissima his verbis interpretatio a Paulo nobis est exposita.

## PARALLELUS LIII.

Gen. 13.

13 Totam hanc regionem quam vides, tibi dabo & semini tuo usque in sæculum.

Gal. 3.

16 Abraham verò dictæ sunt promissiones & semini ejus: Non dicit, & feminibus, ut de multis, sed, ut de uno, & semini tuo, qui est Christus:

**A**Ntequam de hujus loci interpretatione dicimus, id primò constare opus est, ad quod promissionum genus Apostolus propriè respexerit, quum hæc verba ex primo libro Moysi adduceret: Nam de eo sententiæ variant. Plerique crediderunt hæc verba ex Geneseos 22. de promissa esse, ubi magnifica illa Dei promissio exprimitur, *Benedicentur in semine tuo omnes gentes terræ.* Alii hæc verba non judicant ad locum illum pertinere, sed ad alterum, Geneseos 17. ubi exponitur federis nostri æterni cum Deo caput, his verbis: *Ego sum Deus tuus & semini tui.* Mihi verò (quòd bona illorum omnium pace dixerim) neutrum adhuc satis probari potest. Nam priorem locum ad hæc verba

verba Pauli minime pertinere, non obscure testatur facti Apostolus, quum diverso utitur predicationis genere: non enim dicit, In semine Abrahami benedictum iri omnes gentes; sed, Abrahamo & semini ejus promissiones fuisse dictas: qua ex comparatione constat has propositiones & subjecto differre, & predicato, & predicationis modo; cum hic de promissionibus, illic de benedictione; hic de Abrahamo & semine illius copularetur, illic de gentibus seorsim praedicetur; hic semini, illic in semine. Posteriores verò, etsi magis in specie ad hunc locum videtur accedere, tamen probare non possumus: primum, quia hic non agitur de federe proprie & simpliciter, sed de promissionibus comprehensis, federe. Nam de federe, precedente versu actum est; de promissionibus appensis federi hoc versu agitur; quæ duo evidentissime ibidem a Mose Gen. 17. distinguuntur: Deinde verò, quia diserte eadem ordine pergens Apostolus distinguit, proximè sequente versu: & hæc non de federe, sed de promissionibus federe conjunctis *διαφύσει* accipi oportere, vers. 18. docet. Quæ cum ita sint, omnino statuo, cum ipsius Pauli verbis, tum argumentatione ductus ad hunc locum non pertinere illa verba federis, sive dispositionis & pacti, quod inivit Deus; sed potius alia comparari oportere, in quibus promissiones ex federe a Mose exponantur: maxime cum ex sequente versu id omnium constet evidentissime, non fedus proprie, sed *διαθήκη*, id est, dispositionem & institutionem Dei primam denotari, quæ annis amplius viginti octo antecessit fedus illud, quod Moses Genes. 17. explicavit. Quapropter etiam hoc loco *διαθήκη* neque Testamentum, neque fedus, neque pactiorem exponendam puto; sed prout simpliciter notatio vocis postulat, dispositionem, vel institutionem Dei. Hujus autem dispositionis quam Deus Abrahamo testatam fecit, frequens repetitio extat Genes. 12. & 13. & sequentibus. Nam his verbis illa conveniunt optime, tum quæ in Parallelo diagrammate nostro posuimus, tum quæ alibi repetuntur in eandem sententiam: ut Abraham de veritate promissionum Dei quasi in rem præsentem deductus manu, amplius confirmaretur. Argumentatio verò, quæ Paulus utitur confirmat hoc iudicium nostrum evidentissime: Sic enim argumentatur Paulus, ut ostendat promissiones & benedictionem quam Deus in Abrahamum contulit, in Christo Iesu esse constantissimam, & per fidem a nobis accipi. Major: Nemo aut abrogat, aut amplius disponit jure de ea dispositione, quæ alterius iusta autoritate firmata atque sancita est, vers. 15. Minor: Deus autem, cujus dispositionem nemo abrogare, aut amplificare potest, promissiones dedit Abraham & semini ejus, versu 16. Conclusio: Ergo dispositionem, quam Deus autoritate sua sancivit respiciens in Christum, Lex longo post intervallo data non potest infirmare, irritamve facere, ut aboleat promissiones ejus vers. 17. Sed hic obiecturus est fortè aliquis sive Judæus, sive τὸ κατὰ Ἰουδαίους Judæorum imitans, duo impedimenta huic interpretationi nostræ adversari: Unum, quod nomen seminis apud Hebræos collectivum est, contra quam Paulus interpretatur in hoc quidem loco: Alterum, quod Deus illic de omnibus filiis Abrahamæ, non autem de Christo loquitur, contra quam asserimus. Ad priorem objectionem respondeo paucis. Nomen seminis apud Hebræos modò collectivum est, modò individui alicujus *συντριβὴν ἢ σπέρματι*. Collectivum esse cum fateantur omnes, probare nihil attinet. De individuo dici, aliquot exemplis (ne omnia colligamus) declarabimus,



Genes. 3. 17. *ipsam favem mulieris conseres tibi caput*, de Christo dicitur, Geneleos 4. 24. *Reposuit mihi Deus semen alterum*, de filio dicitur Setho, quem Eua Adamo pepererat, Geneleos 15. vers. 3. *Ecce*, inquit Abraham, *non delisti mihi semen*, quum de filio promissionis cogitaret, Geneleos 21. versu 12. & sequente, primum quidem de Isaaco dicit Deus, *In Isaaco vocabitur tibi semen*; & de Imaele, *Efficiam patrem genti magnae, quia semen tuum est*. Genes. 38. vers. 8. & 9. in eadem sententiam dicuntur iudores fratres *semen suscitare fratri primogenito*, cum tamen unicuique puta primogenitus, censeretur in primogeniti defuncti semine. Quid plura? cum semen metaphorice a rebus sativis humanæ soboli accommodetur; omnino vicerimus, si appellationem seminis unico grano sementis accommodari ostendamus. Hoc autem sensu in Scripturis legitur, ut Exod. 16. cum dicitur Man fuisse sicut granum coriandri seminis: quod idem iisdem planè verbis repetitur, Num. 11. 7. Omisi de industria illos Scripturæ locos, qui ad promissionem de Christo pertinent, ne viderer ex argumentorum vel probationum firmarum inopia (ut loquuntur) principium petere. Id enim mihi satis est ad præsentem questionem, si obtinuerò, quod antè dixi, semen apud Hebræos non solum de speciali aut particulari, verum etiam de singulari & individuo enunciari; idque non infrequenter: Hinc enim facilius assequuntur sumus id, quod ad secundam objectionem pertinet: nempe cum nomen seminis æquivocè in Scripturis dicatur; videndum esse, utra significatio magis pertineat ad eos locos, ubi contendimus singulares de Christo promissiones a Deo fuisse propositas. Secunda igitur obiectio vel impedimentum quod illi afferunt, est Deum illic de omnibus filiis Abraham, non autem de Christo loqui: sed hanc objectionem ipsi loci dissolvunt commodissimè; de quibus antequam dicamus, videndum est, ut omnia interpretationis genera, quæ de semine Abraham dici possunt, colligamus, & exploremus quanam sit convenientissima omnium interpretatio. Semen Abraham (ut modò dicebamus) aut de singulari individuo; aut de aliqua universitate & congregatione dicitur. Cum de universitate vel collectione interpretamur, modò accipitur de iis, qui secundum carnem fuerunt ex Abrahamo geniti; modò verò de iis, qui secundum fidem; modò denique de utroque hominum genere. De primo genere Judæi gloriantur; de secundo dicebat Johannes: *Dico vobis Deum posse excitare ex istis lapidibus Abrahamo filios*; de tertio exempla non pauca in novo Testamento extant. Ac primum quidem genus, puta eorum qui filii sunt Abrahami secundum carnem, sic ad Abrahamum pertinet, ut non pertineat ad Christum. Duo posteriora communionem cum Christo habent, & cum Abrahamo in Christo Jetur. Jam ergò videamus, quid horum illi loco quem ex Mose protulimus, & aliis consimilibus, maximè convenire possit. Primum omnium nego, & Judæos ipsos appello testes id rectissimè negari, quòd filii Abrahami secundum carnem propriè in hac promissione intelligendi sint. Nam cum promissionis membra sint duo; unum significantis symboli, alterum rei significata: & illi rem significatam numquam perceperint, certum est, illam Dei promissionem istorum non esse. Præterea promissio fit in seculum, id est, in æternum: Isti autem non magis rerum æternarum, quàm promissionum participes esse possunt: De his ergò Deus in suis illis promissionibus minimè locutus est. Nec obstat, quòd potest obijci, filios Abrahami secundum carnem terram promissam tenuisse. Aliud

Aliud est enim terram promissam obtinere, aliud promissionem. Nam qui terram cum promissione obtinuerunt, hi demum fuerunt iusti possessores; qui autem sine promissione, ii non domini aut etiam coloni iusti; sed magis prædones (ut Iureconsulti loquuntur) vocandi sunt. Secundò, cum promissio illa duas habeat partes compositas, sacramentum, & rem sacramento figuratam ex institutione Dei; non potest etiam ad eos propriè simpliciterque pertinere, qui semen Abraham dicuntur secundum fidem; ut si qui (exempli causa) filii Abrahamo ex lapidibus excitati essent. Restat igitur, ut semen Abrahami quum dicitur, universali significatione, sive (ut vocant) collectiva, accipiat de iis, qui carne & fide, promissiones Abrahamo factas perceperunt; carne quidem, sacramentum; fide verò & Spiritu, rem sacramenti. Hæc verò interpretatio non satis cum illis Dei verbis apud Moysen convenit, ut duo argumenta confirmant sequentia. Prius est, regionem Abrahamo & semini ejus in seculum datam esse. At semen illud non possedit in seculum ut sacra historia testis est, sed ex ea fuit exturbatum, & temporibus Christi Apostolorumque pro glorioso illo nomine (quod olim obtinebat) *αβραάμ*, conjugatum nomen obtinuit *δυναστεα*; quia non amplius terram possidebat semen, sed ipsum disseminatum erat in omnes regiones terræ. Posterius est, quòd sequente versu, & alibi passim alterum est promissionis membrum de collectione vel multitudine heredum, quum dicit Deus, *reddam semen tuum numerosum, sicut pulverem terræ*, &c. ubi collectivè opus est accipi, & distingui radicem (ut ita dicamus) expressam priorè promissionum membro, id est, Christum, a ramis, id est, a membris in Christum insitis, & ad ipsum secundum carnem & fidem pertinentibus. Obijcient fortasse, turpem incientiam esse, quòd vocem illam seculi ad tempus æternum & promissiones æternas referimus; multos enim existare Scripturæ locos, ubi nomen seculi de ætate hominis & brevi aliquo temporis curriculo, accipi necesse est. Verum, si locorum circumstantias benè expenderint, quicumque hoc modo argumentari volunt, comperient, quemadmodum subiecta ex natura & conditione prædicatorum, ita vicissim prædicata ex conditione subiectorum accipi oportere: Verbi gratia: Subiectum esto homo, aut servus, quæ de homine libero aut servo in seculum fore prædicantur in Scripturis sacris, ea secundum rationem subiecti intelligenda sunt; ut servus voluntarius in seculum serviturus dicitur, Exodi 21.6. Hic verò neque autor est temporarius, neque promissio, neque res temporaria; sed æterna omnia in Dei promissionibus, si a symbolo discesseris. Cum igitur res spiritualis in æternum promittatur; symbolica verò in suum seculum, ut ita dicamus; omnino alterum necesse est, ut aut Judæi sibi ipsis æternas promissiones adjudicent, aut illud, in seculum, in divinis & spiritualibus promissionibus (ut hæc est) dici de æternitate fateantur. Dixerit fortasse quispiam, quomodo igitur Christo tota regio data est? Respondeo, Quia omnia ipsi data sunt a Patre, & heres constitutus est omnium, ut Mediator noster. Quomodo autem gentes, quæ nihil ad Abrahamum secundum carnem pertinent, censentur in Abrahami filiis? nempe quia in Christo sunt, & Christus in ipsis; ac proinde in Christo insita, id est, in semine Abrahami, promissiones percipiunt Abrahamo factas in Christo, Abrahami & Davidis filio. Ceterum, quòd proximè sequente versu dispositionem illam, quæ in Christum respicit, a Deo fuisse factum confirmat Apostolus ante quadringentos

# PARALLELORUM

triginta annos quam Legem in populo Israëlitarum ferret; illud ne-  
minis dubium esse potest, qui ad verba Moſis Gen. 15. & Exod. 12. ani-  
mum adverterit. Nam certum est Gen. 15. Deum totam Abrahami po-  
ſteritatem ſimul comprehendere in illa prædictione ſua, *Scito certo pe-*  
*peregrinos fore poſteros tuos in terra non ſua, idq; quadringentos annos*; ac pro-  
inde illius ſpauſi principium duci ab Iſaaco nato oportere: ſi enim  
juſta ſupputetur annorum ratio; ad eum uſque annum quo Iſraëlem  
ex AEgypto eduxit Deus, præciſe comperientur quadringenti anni,  
quos Deus Abrahamo ad hiftoriam poſteritatis exponendam diſertis  
verbis prædixerat. Cùm autem centenarius fuit Abraham, quo tem-  
pore Iſaacum genuit, & ſanctam illam diſpoſitionem Dei in Chriſto  
Jeſu trigefimo ante natum Iſaacum anno, id eſt, ſeptuagenarius acce-  
perit, Gen. 21. & 12; omnino ſequitur diſpoſitionem hanc annis 430.  
præviſſe legi; quem ad numerum reſpexit Moſes Exod. 12. 40. quum in-  
colatum gentis Iſraëlitarum; quo incolatu commorati ſunt in AEgypto  
& aliis in locis, ſynecdochicè fuiſſe annorum 430. narrat. Nec ob-  
ſtat, quòd gens illa Iſraëlitarum in ea regione non habitavit tamdiu;  
ſed partim in ea, partimque in finitima: Nam habuit Moſes rationem  
totius peregrinationis, quam Deus Abrahamo imperavit habitanti in  
Ure Chaldæorum; & qua tum Abrahamum ipſum in Meſopotamiam,  
Chananæam, & AEgyptum proficiſcentem ex voluntate Dei, tum po-  
ſteros ejus exercuit. Ac propterea totus ille locus ſynecdochicè intel-  
ligendus eſt: quemadmodum Septuaginta Interpretes expoſuerunt  
commodiſſimè, & Auguſt. quaſt. 47. in Exodum optimè annotavit. De  
eo autem quòd poſtea dicitur lex diſpoſita fuiſſe inter Angelorum or-  
dines vel diſpoſitiones Mediatoris manu, qui idem Angelus faciei Do-  
mini, & Angelus federis appellatur: quod ſatis viſum eſt, jam ſuprà ex-  
plicavimus in Act. 7. libri 1. Paral. 92.

PARALLELVS XLIIII.

*Galas.4.*

23 Scriptum est, Abrahamum duos filios habuisse : unum ex ancilla, & unum ex libera.

23 Sed is qui ex ancilla natus est, secundum carnem natus est: qui  
verò ex libera, per promissionem.

24. Atque hæc quidem allegoricam interpretationē habent. Nam hæ sunt duæ illæ dispositiones, *quarum* una quidem ex monte Sina est ad servitutem generans, quæ est Agar.

25 Nam Agar Sina mons est in Arabia: pari autem serie respondet  
huic Jerusaleem, quæ nunc est, & servit cum filiis suis.

26 Altera vero sublimis Jerusalem libera est, quæ mater est omnium nostrum.

\* Martyr in Jem. refert ad  
 hist: Anon. & Penioner 1.  
 Sam. c. 1. \* Hi Anon. qui  
 relig. afflicta erat de.

37 Scriptū est enim, Letare sterilis, quæ non paries: erumpe & clama, quæ non parturis: quoniam plures sunt liberi deserta, quàm ejus, quæ habet virum.

**C**um hic locus ex variaz historia, ac differentis capitibus sit consti-  
tutus, quorū alia fermè integra, alia ex parte ascribi oportuisset  
in Parallelo diagrammate, si membra singula opus fuisset com-  
parari; visum est brevitati potiùs consulere, quàm committere ut inani  
aut certè non necessaria exscriptione tædium lectori adferremus. His  
itaque



itaque omisſis, primùm de ſine & ſumma totius hujus argumentationis dicendum eſt: Deinde veniemus ad ſingularem membrorũ ejus explanationem. Finis igitur eſt, ad quem contendit Apoſtolus, ut Galatas doceat, ipſos jam non eſſe ſubjectos legi & ſervituti illius; ſed adoptatos eſſe in Chriſto Jeſu, & in libertatem filiorum Dei vindicatos per Chriſtum: ac proinde non debere ceremonialibus elementis, & obſervationibus ſervilibus ſe denuò ſubjicere. Ac illud quidem evidentibus firmiſque argumentis jam antè docuit, inde a principio capitis tertii: ſed quia videbat Apoſtolus quibuſcum ageret, nempe rem ſibi eſſe cum iis hominibus, qui non planè quidem negarent beneficium Chriſti; ſed legem tamen & obſervationem illius ſimul retinendas eſſe cum Euangelio Chriſti contenderent; propterea novum quoddam argumentum accommodum captui Galatarum hoc loco adhibet: ut illa præfatione non obſcurè indicat: *Dicite mihi qui ſub lege vultis eſſe, legem non auditis*: Eſt autem hæc iſtius argumentationis ſumma. Ratio communis eſt, aut par, aut potius eadem, domus Abrahami & Eccleſiæ Dei. Domus autè Abrahami duos filios habuit, unum ex ancilla ſecundùm carnẽ natum; alterum, ex libera per promiſſionem, verſu 22. & 23. Ergo par quoque, vel potius eadem eſt Eccleſiæ ratio, nempe quòd priores quaſi filios ancilla ad ſervitutem generaverit; poſteriores verò libera liberos, verſ. 24. & duobus ſequentibus. Majorem propoſitionem, in qua vertitur totus hęcum argumentorum cardo, ſtabilit Paulus duobus modis, primùm exordio vel præfatione illa, *Dicite mihi qui ſub Lege, &c.* quaſi dicat: Quæ priùs in Lege ſcripta ſunt, ea idcirco ſcripta ſunt, ut qui ſub Lege volunt eſſe, doctrinam illius audiant, eiſque adhibeant fidem: Eſt autem doctrina Legis non ſimpliciter hiſtorica, ſed ad exemplum & documentum Eccleſiæ perpetuum pertinens. Quapropter non dubito, quin vos, qui ſub Lege vultis eſſe, exemplum Legis toti Eccleſiæ propoſitum ſitis ex officio accommodaturi Eccleſiæ Dei, & recognituri perpetuam conſtitutionem ejus. Quia verò contentioſis hominibus applicatio iſta nõ fuiſſet factura ſatis, eò quòd dicturi eſſent exemplum eſſe diſſimile, eſſe ſubtile, eſſe Pauli commentum aut aliquid ejusmodi; alterum confirmationis locum ſubjicit Apoſtolus, verſ. 27. dicens: *Scriptum eſt enim: Latere ſterili, &c.* quaſi dicat: Non eſt, cur obſiciatis a me hanc interpretationem eſſe; recognoſcite vos ipſi, qui ſub Lege vultis eſſe, annòn ex Lege ſeu veteri Teſtamento, & ex fideliffimis Legis interpretationibus, Prophetis, deſumpta ſit. Ego certè non ſum is, qui interpretationem hanc cuderim arbitrato meo; ſed Eſaias ipſe reſpiciens ad hiſtoriam domus Abrahami, conditionem Eccleſiæ Dei ex typo vel imagine illius domus adumbravit: qua de re amplius poſtea dicturi ſumus. nunc ad ſingularem horum locorum interpretationem veniamus. Ac primùm quidem, quòd de numero filiorum Abrahami dicitur, verſu 22. extra omnem controverſiam eſt; id enim diſertè narravit Moſes Geneſeos 16. & 21. Neque illud quoque in dubium venit, quòd prior, ſecundùm carnem ex ancilla natus; poſterior ex libera per promiſſionem dicitur, verſu 23. Nam quatenus hæc ſunt hiſtorica, ſunt in conſeſſo apud omnes: ſed quòd ſtatim ſubjicit Apoſtolus verſu 24. horum eſſe quamdam allegoricam interpretationem, id primùm variè redditur; deinde verò contravertitur, quaſi infirmum & penè nullum ad probationem argumentum. De interpretatione verborum nolumus cum ullo contendere, aut ullius judicium, cenſoria quaſi virgula notare: id in præſentia tantùm

simpliciter dicturi sumus, eam interpretationem quæ in diagrammate a nobis adducitur, iudicio meo cum verbis & mente Pauli convenire; verbis, quia non dicit illa esse typica & figurativa (ut loquuntur) per se, neque etiam figurata; sed tantum dicit esse *ἀλληγορικὴ*, id est, quamvis propria & historica sint; tamen figuratè traducta ad sermonis alterius demonstrationem: idque non præsumpta quadam a Paulo licentia; sed illis duobus argumentis, quæ antè dicebamus; nempe naturali exemplorum quæ in scriptura sunt analogia, & autoritate Esaiæ Prophetæ; qui duce Spiritu Dei illam scripturæ analogiam docuit, ut possèa disertis verbis ostenditur. Cum mente verò optimè videtur convenire, quia non id sibi vult hoc loco Apostolus, eas proprias & destinadas vel singulares figuras esse; sed potius ex illa communi analogia exemplorum administrationis Dei, optimè institutam esse a Dei Spiritu quandam delineationem administrationis Dei in Ecclesia ejus. Hinc ergo sequitur accommodatio exempli hujus qua Paulus utitur, communem scripturæ analogiam & exemplum Esaiæ sequens, quia ait: *Ναὺς ἡσὺν δὺα ἰλλε δὺσποσῖτῖνες, &c.* Nam primùm proleptice illud sive generatim dicit Apostolus, has esse duas illas dispositiones, quæ tum in Ecclesia Dei videbantur; deinde verò speciatim omnia distinguit, quæ in comparatione istarum dispositionum passionumve opus est observari: nempe primùm matres, quibuscum hæ constitutiones vel passionēs a Deo constitutæ sunt; secundò loca; tum etiam jura; postremò eventa: quæ omnia de priorē quidem comparationis membro copiosius, ver. 24. & sequente enarrantur; de posteriore, brevius, quia ex antithesi facile colliguntur. Nam ex priorē exemplo mater constituitur Agar; locus, mons Sina in Ismaëliarum tractu; jus, est illa servitus, quam servivit in familia Abrahami; eventus denique, quod partus (ut Jureconsulti loquuntur) ventrem sequutus est, id est, liberi sunt ex ea ad servitutem nati. Quæ omnia postquàm simpliciter proposuisset Apostolus, ver. 24. per quamdam Epanalepsin accommodat prisca Judæorum Ecclesiæ, ver. 25. *Nam, inquit, Sina mons, ubi Lex data est, mons est Agare, id est, Agarenorum sive Ismaëliarum in Arabia: deinde subjicit applicationem hanc, quod Agar hæc & Sina mons illius respondeat illi Jerusalem, quæ tum erat.* Cujus accommodationis sensus est, Jerusalem illam, quæ tum fuit, sive Ecclesiam illius gentis adhuc hæreere monti Sina, & in ea quasi fuisse genitam, ubi Lex data est; ac proinde servam esse, & filios ad servitutem parere. Huic membro alterum, quod opponitur, levius est, ver. 26. Illa verò inquit Jerusalem, quæ cum Sara & passionē illius comparatur, non est ex monte Sina, non ancilla, non ad servitutem generans: sed est sublimis, libera, mater omnium nostrum; qui Spiritum libertatis & gloriæ obtinemus in Christo Jesu. Sic ergò Apostolus constitutionem Ecclesiæ quæ tum temporis fuit, adducto familie Abrahami exemplo, quæ priscorum temporum Ecclesia erat, illustravit; tamquam si dixisset; Ut tunc fuit, ita nunc est: non enim variat Dei administratio, qui nascentem Ecclesiam a principio sic voluit distinguere. Sed ne quis audaciùs invehret in illud simile a Paulo institutum; propterea confirmationem Apostolo ex Esaiā visum est subjicere, his verbis: *Scriptum est enim, Latere sterilis, &c.* quibus verbis non dubium est quin voluerit Esaias appellare illam Ecclesiam Christi, quæ in plenitudine temporum Christo desponsata est, predicatione Evangelii. Erat enim jam eo tempore sterilis Ecclesia Christi, & omnes Judæi semine illi

illi Ecclesie ancillanti & servitorem gravissimam Legis amplectenti adhibebant. Quapropter Esaias priorē illam Ecclesiam missam faciens postquam de Christo, per passionibus & gloria ejus luculentissimē concionatus esset, orationem convertit ad liberam illam Ecclesiam, quam Christus redemptam suo sanguine donavit libertatis Spiritu, & adjunxit sibi; ut liberos non solum ex Judæa; verum etiam ex omnibus gentibus pareret: quod triumphalibus sermō (ut ita dicamus) amplissimisque verbis toto illo capite Propheta enuntiavit. Cū itaque hæc fuerit mens Esaiæ Prophete, & ad eam explicandam commodissimē appellationem Ecclesie Christi, ex similitudine domus Abrahami, jam olim adaptaverit: quæ res & Spiritu Dei, & Ecclesie totius consensione fuit comprobata: nemo sanus dubitaturus est quin Paulus duce eodem Spiritu, & Propheta monitore, hoc exemplum ex Abrahami familia ad demonstrationem argumenti sui optimē depromserit. Verborum autem summa est convenientia: Quapropter ad sequentem accommodationem transgrediri sumus.

## PARALLELUS. LV.

Genes. 21.

10 Ejice ancillam hanc & filium ejus: non enim futurus est heres filius ancillæ istius cum filio meo.

Galat. 4.

30 Ejice ancillam & filiam ejus: non enim heres erit filius ancillæ cum filio liberæ.

EX præcedentis Paralleli constitutione ratio hujus tota petenda est: Nam ostendit Apostolus similitum causarum similia effecta consequi. Sunt autem causæ similes in horum exemplorum collatione; nempe: Quemadmodum factus ex ancilla ad servitutem generatus in familia Abrahami, filium promissionis ex libera genitum persequutus est; ita filios Ecclesie servæ, & secundum carnem solum in Ecclesia natos, persequi & infestare eos qui nati sunt secundum Spiritum libertatis, ad libertatem, qua Christus liberavit nos: Nec tamen propterea oportere, ut aut qui filii Dei sunt, abiciant animum fracti afflictionibus; aut qui filii ancillæ sunt sibi gratulentur. Nam stare sententiam Dei, æquē in hoc tempore atque in illo; quod non sit futura ancillæ aut filiorum secundum carnem ex ea natorum hereditas: cujus hereditatis contemplatione filii Dei satis habere debent, & gloriationem ipsius firmam continere ad finem usque. Hic verò non est dubium, quin oblatraturi sint canes, tamquam si Apostolus justæ argumentationis aut probationis inopia, verba malè sanæ atque fuentis (ut prærant) mulieris testimonio afferat. Nam, ut fuentis mulieris ullius factum non debet in exemplum trahi: Sic etiam verba mulieris eum in modum affectæ, exempli causa afferri non posse, multo minùs ex eo regulam statui; quod Paulus hoc loco videtur facere. Verum iniquè faciūt, qui de motu Saræ perinde judicant, ut si in furorem præceps prolapsa esset, quum his verbis apud Abrahamum virum suum usa est. Hanc enim sententiam, judiciumque de Sara non ex Scripturis habent; sed ex opinione sua, & infirmitatis super ipsorum conscientia, aut impotentie, qua mulieres nonnullæ rapiuntur, experientia. Est autem iniqua ex particulari, ut vocant, conclusio. Deinde, ut demus Saram in hoc facto laboravisse ex muliebri aliqua impotentia (quod tamen ex Scriptura probari non potest) tamen illa non in re, aut substantia rei, sed in modo peccaverit, cū res



alioqui iusta legitimâque meritis, ut filius ancillæ cum filio liberæ non divideret hereditatem; sed ab ea exclusus esset. Hic verò Paulus non ad modum infirmitatis, si quæ fuit, sed ad rei ipsius veritatem & æquitatem respexit; quod in omni causa viri prudentes faciunt, imprudentes verò & impotentes homines facere nesciunt. Postremò, ut ista omnia faciamus mihi, falluntur, qui hæc Saræ verba a Paulo adduci putant simpliciter, propterea quòd in Scriptura existant. Nam (ut opimè Augustinus monet) exemplorum quæ in scripturis habentur, alia sunt proposita, quæ imiteris; alia, quæ fugias. Ac proinde, si ad hoc sacrum Apostolus tantum respexisset, non ineptè ea obijcerentur, quæ ante proposuimus: sed hæc verba habent suam probationem a Deo, ibidem versu 12. quum indicit Abrahamo, *ne malum videatur in oculis tuis*, &c. ac propterea illis Saræ verbis Abraham sine mora deinde obsequitur, quum verba illa a Deo profecta, & sancita esse animadverteret. Non igitur hoc loco eadem verba a Paulo adducuntur, quòd Saræ verba sint; sed quòd verba sint Dei ipsius, quæ per Saram pronuntiata primùm; deinde a Deo ipso confirmata, tandem ab Abrahamo sanctissimo voluntatis divinæ administro confecta sunt. Quapropter omnino constat horum verborum autoritas; accommodatio verò tum ex illis quæ in principio diximus, tum ex Parallelo antecedente est evidens.

## PARALLELUS LVI.

Psal. 68.

19 *Ascendisti in excelsam; captivam duxisti captivorum turbam; accipiens dona dedisti hominibus.*

Ephes. 4.

8 *Ascendens in sublime captivam duxit captivorum turbam; & dona dedit hominibus.*

**E**T si non videtur multis commune esse Psalmi illius argumentum cum eo, quod hic a Paulo adducitur: non dubium est tamen si omnia benè expendantur, quin Psalter toto illo Psalmo ad regnum Christi respexerit. Nam finis hic Davidi fuit propositus, quum Psalmum illum caneret Domino; ut Deo in Ecclesiam suam adventanti gratularetur; primùm quidem secundum typum, id est, arcam federis, quæ eo tempore introducebatur Jerosolyma; deinde verò secundum corpus & veritatem typi, quum Christus in carne venit, & se adjunxit Ecclesie suæ, quam sanguine suo redimeret. Itaque summa Psalmi illius est, nunquam Dei presentiam non esse Ecclesie salutarem, & hostibus ejus exitiosam; quod argumentum postquam in principio generatim exposuit Psalter; deinde minutatim per tempora Legis & Evangelii distinguit, & a Deo fuisse demonstratam docet presentiam suam, non solum dictis; verum etiam factis salutaribus. Atque hoc quidem argumentum confirmat ab historia priscorum temporum; inde a versu octavo ad 14. usque; deinde verò, quia illa legalis gloria quodammodo interficindi videbatur afflictionibus intercurrentibus; propterea ad consolationes & hortationes Evangelicas Propheta transiens, Ecclesiam Dei erigit alterius adventus contemplatione; quem adventum gloriosissimum describit versu 18. & sequentibus, cum a comitatu regio adventantis Christi, tum a regificis ipsius operibus; cujusmodi ea sunt, quæ versu 19. (quem in diagrammate Parallelo nostro posuimus) prædicantur gloriosissimè. Tria sunt autem illa, quæ ad hunc locum futura satis Paulus judicavit. Primum, ascensus Christi in cælum; secundum, triumphus

phus de potestatibus adversariis : tertium denique, munifica donorum communicatio erga pios, expectantes alterum adventum ejus. His positis, an quisquam est, obsecro, qui locum hunc diverso sine & argumento contendat allegari : omnino enim id ipsum quod sibi olim Propheta voluit, docet Apostolus ; demonstrans (ut verbis utamur Athanasii) vetera ex novis, & nova ex veteribus esse contestata. Non est itaque, cur de hujus loci accommodatione amplius laboremus. Nam res ipsa loquitur genuinum esse illum sensum, ad quem respexit Paulus. Obgannunt quidem Judæi, & qui imperite hauriunt ex Judæorum fæce, illa verba non dici de Christo ; sed aut de Davide ; aut certè de Deo, quo tempore Legem tulit. Fabulæ. Nam de Davide quomodo acceperis, cum antecedentia & sequentia omnia de Deo enuncientur ; & (quod amplius est) in hoc ipso versu ostendat Propheta, ad quem orationem habet, dicens : *Etiā inhabitāti*, puta, in sublimi, *rebelles captivos tenes, O Jah Deus*. Restat igitur, cum de Davide ista prædicari non possint, ut accipiantur de Deo ; sed de Deo patefacto in carne, qui in has inferiores terræ partes descenderat (ut Apostolus sequente versu optimè explicat) postea in cælum, & longè supra omnes cælos ascensurus, ut imple-ret omnia. Hoc verò Judæis non ita videtur ; ac propterea Deum significari putant, secundum illud tempus, quo Legem Israëlitis dedit : sed ipse Psalmus evertit istam illorum interpretationem. Prius enim actum est de illo tempore quo Deus apparuit, Legem laturus in populo suo : quia verò gloriam illam, quam Deus data Lege, deducto populo, & in terræ possessionem misso, regno constituto, hostibus debellatis, inter-rumpebant afflictiones quàm plurimæ, quibus illa gloria quasi flaccescere & marcescere videbatur ; propterea transsiluit Propheta ad prædicationem adventus alterius, nempe quo verbū caro factum est, & Angeli Dei ascenderunt, descenderuntque super filium hominis, donec ascendens in sublime captivam fecit multitudinem potestatum, quæ Ecclesiam suam infestebant, & depromta ex thesauro suo dona spiritualia profudit in homines, & vocatione instruxit eos, ut mēbra ipsius ad obsequium fidei provocaret. Hæc autem adeo clara sunt, ut si bene exponuntur, suavissimam adferant piorum mentibus pacem & consolationem. Qui autem non vident ; aut videre ceterè renuunt, iis non mirum est rectum esse Evangelium ; quia Deus hujus sæculi excæcavit mentes ipsorum, ne irradiantur hoc salutarī lumine. Restat, ut quæ de interpretatione illius loci afferuntur ex verborum aucupis, ea diluamus. Id autem unicum est, nempe, quod in Hebræo contextu ad verbum sic habetur, *Accepisti dona in hominibus*. Hæc verba alii ex imperitia, alii malitia exagitant ; cum tamen ex Hebræa consuetudine & constructione frequentissima nihil obscuritatis habeant. Nam propriam non esse constructionem eorum, sed figuratam, ipsi quoque Judæi coguntur agnoscere. Nemo enim propriè sic loquitur, neque propria loquutio (si bene memini) apud Hebræos exstat ejusmodi. Quod si figurata est, ut est, certè nō potest alia esse figura, quàm ellipsis, ut omnino postulat consequutio, unde autem hoc genus ellipsos suppleri oporteat, res ipsa loquitur. Unus solet Scriptura in loquutionibus hujusmodi per Metalepsin ex antecedente consequens intelligere ; Accepit ergo, est accipiens dedit, ut ostendit nomen (dona) proximè subsequens, & sequentis versus argumentum, Benedictus Dominus qui quotidie nos onerat donis, &c. Atq; hoc genus Ellipseos, si ullo cum verbo receptum est, cum accipiendi verbo est

est frequentissimum; quod ipse Chaldaeus Paraphrastes, & Rabbi Salomo Jarki sequuti sunt, ut Exo. 25. 2. & 3. 27. 2. & alibi passim accipitur.

## PARALLELUS LVII.

Esaï. 60.

1 Surge, luce, quandoquidem ad-  
venit lux tua, & gloria Jehova su-  
per te orta est.

2 Cum ecce tenebra ista operiant  
terram, & caligo nationes: & super te  
exorietur Jehova, gloriâq; ejus in te  
conspicua erit.

Eph. 5.

14 Excitare qui dormis, & sur-  
ge a mortuis, & super te lucebit  
Christus.

**E**tsi non videtur propriè existare in scriptura locus, unde hæc Pauli verba deprompta sint: cum tamen Dominum hujus sermonis autorem vocet, cujus antè 10. versu meminerat; & huic argumento illud optimè respondeat, quod ex Esaïæ 60. adscripsimus, & vocibus & argumento, non dubitamus, quin hos duos locos inter se oportuerit comparari. Nam plurimæ quidem sunt voces, & varieg. quibus Esaïas in gloriosa illa exhortatione usus est; sed citra illius injuriâ apostolus perstrinxit locum, & in summam quamdam contraxit illius argumentum. Finis enim ad quem eo in loco spectavit Esaïas hic fuit; ut Ecclesia ornata amplissimis illis Dei promissionibus, quæ proximè antecesserant, ex beneficio accepto, ad officii sui conscientiam vocaretur, & de præstatione religiosa illius cogitaret seriò. Summa igitur est, cum Ecclesia & singula membra ejus tantam lucem & gloriam consequuta sint, per Spiritus divini communicationem: omnino id postulare singulorum officium, ut tenebris & somno spirituali renuncient, & in luce ambulent, eamque occupent ad salutem suam, & aliorum quibuscum versantur, ædificationem. Quod si cui placuerit institutum Pauli in hoc loco studiosius expendere; non dubitamus, quin comperturus sit eandem planè nullâque ex parte diversam hoc in loco esse Pauli sententiam. Nam ex eo quòd pios antè monuerat, ne quisquam se inanibus sermonib. seduci pateretur, propter quas res venit ira Dei in filios irreverentias, aggressus est duos hortationis locos: unum, ne sint confortes illorum, versu 7. alterum, ne communionem habeant cum operibus infrugiferis tenebrarum, sed potius arguant ea, versu 11. Priorem locum eisdem locis confirmat Apostolus, quos Esaïas attigerat: primùm a conditione piorum, ut qui olim quidem fuerint tenebræ, nunc autem lux sunt in Domino, versu 8. secundò ab effectis Spiritus in ipsis habitantis, quòd fructus ejus sit in omni bonitate, justitia, & veritate: tertio a Lege regulâque perpetua istarum rerum, quam pii non aliunde possunt recognoscere, nisi ex voluntate Domini. Posteriores locum de averfandis operibus infrugiferis tenebrarum atque arguendis, probat Apostolus, primùm a natura illorum operum: Nam inquit, *quæ ab istu oculis fiunt, turpe est vel dicere*. Vos autem ab omni re turpi abesse quàm longissimè imperat lux, cujus facti estis confortes in Domino. Secundò ab effectu lucis: Nam (inquit) ista omnia quæ reprehenduntur (ut certè reprehensione digna sunt) ista, inquam, manifesta sunt a luce illa (de qua antè diximus) in vobis habitante. Omne autem quod res istas facit manifestas, lux est. Igitur, quod antè diximus, non estis amplius tenebræ, sed lux



lux in Domino. Hæc omnia confirmat Apostolus Esaia loco, quem in digramate nostro posuimus, his verbis; *Quapropter dicit Dominus, excitare qui dormis, & surge a mortuis, tu, qui ante fuisti tenebræ, & in tenebris jacuisti, ambulans in operibus mortuis; & Christus, qui gloria est Jehovah, sive Dei Patris elucescet tibi, exorieturq; super te tanta vi & efficacia, ut omnib; fiat conspicua. Eodem pertinent sequentia argumeta apud Paulum in tribus versibus; sed quia non est instituti nostri, ut Methodum hanc persequamur, excurrentes extra cancellos qui nobis circumpositi sunt, ab eis superie debimus. At non sunt eadem verba, dixerit quispiam; nihil refert, modò sensus idem utroq; in loco habeatur: maxime cum Pauli consilium fuerit, tum ut locum perfringeret solùm, lectorib;que monstraret consulendum; tum ut, quæ obicurius dicta pro tempore Prophetiarum videbantur; clariùs interpretaretur, secundùm illustrationem Evangelii gloriæ Christi. Quamobrem illud Esaia dictum, Surge, paulò copiosius explicat dicens, *Excitare qui dormis, & surge a mortuis*; ut somnolentiam & mortem, in qua versati sumus, proponens nobis magis nos afficeret, studio & religione nostri officii. Pro illis autem verbis: *Super te exorietur Jehova, gloriaque ejus in se conspicua erit*, substituit id quod est omnium evidentissimum, super te lucebit Christus; quæ interpretatio si cui non sapit, ne Christus quidem poterit ei sapere. Locus ille, Honora patrem tuum & matrem tuam, ætiologicus est, nec ulla indiget interpretatione, Ephes. 6. 2.*

## PARALLELUS LVIII.

1. Timoth. 2.

13 Adam prior formatus est, deinde Eva.

14 Et Adam non fuit seductus prior, sed mulier seducta causa transgressionis fuit.

**V** Traque hæc ætiologia, qua confirmat Paulus non esse mulieris ut doceat, autoritatẽmve usurpet in virum, historica est, sumpta ex secundo & tertio capite Geneseos; ac proinde non est confirmatione opus in argumento ita perspicuo; sed potiùs interpretatione: quia non satis, iudicio meo, plerique tradunt quæ sint in hoc loco argumentationum genera. Duplex est (ut mihi quidem videtur) ratio antecedentis dicti, quam adhibet Apostolus. Prior est a materia & fine, versu 13. quam rationem idem Apostolus explicat luculentissimè. 1. Cor. 11. 8. & 9. *Adam, inquit, prior formatus est, deinde Eva; ex ipso puta, & propter ipsum, atque hæc ratio inde a creationis momento in viro & femina valuit. Posterior argumentatio est a causa peccati in humano genere. Adam, inquit, non fuit seductus prior (hoc enim repetimus ex precedente versu) sed mulier seducta a serpente, causa transgressionis fuit viro. Sunt igitur optime & validissime Pauli argumentationes hoc modo: Qui posterior ex altero & causa ejus creatus est, non debet in alterum autoritate uti. Ejusmodi est femina. Item: Qui prior seductus in causa transgressionis fuit, ut instrumentum illius, ei non tribuit auctoritatem Deus. Ex his concludit optime Apostolus, omnino in Ecclesia videndum esse, ut mulieri neque docendi, neque autoritatem in ea usurpandi facultas permittatur.*

Locus Deuter. 25. 4. de ore non obligando bovi trituranti, suprâ expositus est in 1. Cor. 9.

# ILLVSTRISSIMO PRIN- CIPACI AC DOMINO, DOMINO

MAURICIO LANDGRAVIO HASSIAE,  
Comiti in Carzelnbogen, Dietz, Zigenheim, & Nid-  
da, &c. Domino clementissimo, gratiam & pacem a Deo  
Patre & Domino Jesu Christo.



Um desiderio & expectatione bonorum, illustrissime Prin-  
cept, jam ante annos aliquot, inprimis autem Illustrissimi  
Principis parentis sui adductus sum, ut de perscribendo  
Parallelorum sacrorum argumento cogitarem serio; tum  
pietatis veritatisque celestis studio, quam Deus verbo ex-  
posuit in Scripturis sacris, illustrande. Atque hanc qui-  
dem materiam tractationemque, ut pernecessariam, fuisse  
expectatam a bonis jamdiu, & mihi etiam ipsi doctorum hominum judicio com-  
mendatam; & lucris multorum, & sermone omnium quibuscum hactenus  
super hac re consuli, intellexi jamdiu. Illustrissimo vero Principi, & paren-  
ti tuo, cujus pietatem, fidem, virtutem, studiumque fers in oculis, velut do-  
mesticam lampada T. C. ad omne bonum opus officiumque praelucentem, consi-  
lium illud perplacuisse, & optatissimum fuisse argumentum, jam olim probe  
didiceram, quum de causa quadam ad nos; me, inquam, & D. Immanuellem  
Tremellium, meum in translatione Testamenti veteris quumque perscriptum  
esset, Studium revera omnibus bonis dignum; viri Principibus iam honorificum  
quam quod maximè, Illustrissimo verò Principe parente tuo, tua quoque C.  
dignissimum: quo studio & in hac florente augefcere, & in reliquo decursu  
aetatis tue (cui precor optima) tum & exteris praeire possis pietatis vera & sin-  
cerae fidei exemplo per charitatem operantis: memor tum aviae & paternae  
his rebus advinis diligentia, tum gravissimi illius dicti Aristotelei πολιτικῶν  
β ο π ι κ ῶν ἀπολαβὴ τίμοι εἶναι τὸ κέραιον, εἰς ἀκρίαν δὲ τὴν ἀνὰ  
πολιτικὴν δόξαν ἀκολουθεῖν ταῖς. Ad hunc verò suavissimum & saluarem  
scopum optata bonorum omnium & vota ferri adhuc oportuit jure meritis-  
simo, propter rei amplitudinem, & utilitates publicas, quae maxime sunt atque  
innumerae: praesertim verò in hoc tempore, quo gravissimae procelles fluctus-  
que calamitatum, & nova molestiarum moles in dies excitantur, studia  
discinduntur, nimium altercando (quod ille dicebat) veritas avulsitur, in-  
crebrescit amentia, & impia hominum ad idem, Judaeorum, Mahumedisitarum  
Arianorum, aliorumque manu Christiani non dubitat insultare, ut im-  
peritiorum mentes praestigii verborum & importunitate fascinet. Hanc e-  
nim rem obtendunt maximè, ut nefarium suum consilium assequantur. Quod  
Testamenti veteris auctoritas a voto dissidere videatur ipsis; proinde hujus  
aut illius labefactari fidem; ac potius utrumque alterius opera subruere, quae  
virulenta & exitiosa tela ante annos quasi triginta sensi & incredibili dolo-  
re meo expertus sum. Itaque hoc officium, studio veritatis, communi desiderio,  
meaque ipsius experientia, & Christianorum ἀδελφῶν imperitiorumque (in  
quos ista pericula intenduntur maximè) commiseratione victus; hoc inquam  
officium meum, qualecunque est, publico visum est committere: quum  
non deesse animadverterem, quibus hoc meum opus esse adjumento possis;  
sive edificentur in fide secundum Deum qui sunt rudiores, sive peritiores ad  
viam

viam hanc pervestigandam & commodius præmonstrandam aliis exemplo meo provocentur. Huius autem officii mei semper in posteritatem, & jam apud omnes exstabit (spero) hoc testimonium; quod τὸ φιλότιμον abiciens procul, sententiam meam ubique quam simplicissimè ex sola scriptura, quoad ejus fieri posset, explicavi; alienam dissimulavi plurimum; aut si vis quædam coëgis major, quam maxima potui modestia sine offensa aut pertinacia studiis referre. Ac huius quidem argumenti primas obtuli Illustrissimo Principi parenti tuo: cum eo quod consili huius penè auctor, certe adjuvor fuit monitorque; tum quia id pietas ejus mihi visa est postulare, cui sponderam ante annos decem, & tamquàm reus promittendi, honorifica ~~οὐκ ὀρθοῦ~~ Celsitudinis illius debui promissum exsolvere. Secundus verò nunc eadem operâ, Illustrissime Princeps, ad T. C. deferro & offero: non quod libri unius partes difficere unquam voluerim: sed quia hæc pars altera est quodammodo a præcedentibus libris, & diversum ab illis habet interpretationis modum, quem singularis hæc epistola jure quodam suo vindicavit. Quamobrem cum hæc diversa ratio diversum principium desiderare videretur, officium T. C. non ingratis, nec molestum boni confido me facturum esse si ut principium totius ab Illustrissimo parente tuo, sic huius partis principium a T. C. nomine duxero: quæ ratione virorum Principum facies accenduntur in oculis omnium, & fomites atque incentiva faculis juniorum ad pietatem, fidem, virtutem, sanctimoniamque adhibentur. Atque hæc quidem rebus sanctissima hæc Pauli (sic enim sentio) epistola commodare potest plurimum: mea autem enarratio ut item commodes, ille daturus est, qui summus est auctor huius Epistolæ, & dux optimus maximus laboris mei. Tuam itaque C. summis quantæque possum animi reverentia oro, ut meum hoc literarium munusculum in bonam partem accipias grato: suumque illustre nomen per me in hac præfatione edi patiat, saltem eodem jure ac beneficio, quo principum nomina in rudusculo a monetilibus procuduntur. Hoc enim monumentum in posteritatem exstare cupio, tum pietati illius, fidei doctrinæque summe, quæ nunc in T. C. adolevis, deinceps Ecclesiæ Dei bonisque omnibus profutura, tum studiosissimi erga T. C. animi & voluntatis meæ.

Deus Opt. Max. Pater Domini nostri Jesu Christi, florentem illam ætatem C. T. omnibus benedictionibus prole æugeat, & confirmet in omni bono; ut ætate firma, firmiore iudicio, firmissima pietate & virtute omnibus utiliter præluceas, sanctæque ipsius gloriæ subservias, gloria æquæque nunc ad id præparandum in Filio dilectionis suæ. Amen.

T. C.

Studiofissimus & addictissimus

FRANCISCUS JUNIUS



# SACRORVM

## PARALLELORVM

### LIBER TERTIUS.

*In Epistolam ad Hebræos; methodica & brevis Enarratio.*

**E**TSI libris præcedentibus non fuit instituti nostri, ut justam plenamque Evangeliorum aut Epistolarum enarrationem contexeremus, neque adhuc in ea sententia sumus, ut justum commentarium in Epistolam hanc conscribamus; quod genus descriptionis summa pietate & doctrina viri feliciter & sanctè præstiterunt: cum tamen hujus Epistolæ ea sit constitutio, ut vix, ac ne vix quidem veteris Testamenti loci queant seorsim explicari, eo quod tota aut in locis illius, aut in eorum interpretatione versatur: speramus nemini bono ingrati fore hoc officium nostrum, si totam Epistolam, prout est contextus illius a sancto Spiritu dispositus, breviter percurramus, & strictim exposita illius Methodo locos Parallelos (de quibus præsertim a nobis agitur) suo quemque ordine enarremus. Finis igitur hujus Epistolæ est hic: ut pii omnes agnoscant Jesum Christum, & redemptionis salutisque nostræ in eo solo complementum ex Testamento veteris, quo mysterium pietatis per Dei gratiam præsignificatum fuerat, documentis. Summa, Jesum Christum æternum Dei filium & *ἰσούστριον* vel coessentialem Deo patri & Spiritui sancto, verum Deum, & verum hominem in unitate personæ, esse illum ipsum æternum & unicum Prophetam, Sacerdotem, & Regem a Patre Ecclesiæ datum in plenitudine temporum: quemadmodum olim Deus ante Legem Patribus figuraverat, per Legem prænunciaverat, & per figuras ceremoniasque Legis significaverat, & per prophetas confirmaverat promissionibus Evangelicis: ac proinde in eodem Christo habere Ecclesiam perfectissimum cælestis doctrinæ, sanctificationis suæ, & salutaris regni illius complementum. Atque hæc quidem inde a principio Epistolæ Apostolus docet *ἀποφασίς*, ad finem usque sermō illius; sed tamen, ut commodior ad consequendam hujus Epistolæ sententiam via ostendatur, paucis de partibus ejus aliquid exponemus. Ut ergo in tradendis partibus, ea quæ generalia sunt ratione facili demonstramus; tres in universum partes Epistolæ hujus constituimus; quarum duæ (ut ita loquamur) sunt essentielles, ultima, *ἀποφθερίζουσα*. Prima pars est, propositio generalis totius argumenti; quam non incommode Prolepsin appellaveris, quia singula ipsius partes paucis in ipso Epistolæ aditu complectitur; quas partes deinde enarrat copiosius, & persequitur eodem ordine. Secunda pars est *ἔκδοσις* sive expositio, & enarratio singulorum membrorum, quæ in Prolepsin fuerunt posita. Tertia denique est conclusio *ἄκρα* amoris & humanitatis plena, sub finem Epistolæ. Prolepsis, quam primam partem esse statuimus, quatuor primis versibus continetur: *Εἰς*, inde ad versum 20, capitis ultimi: Conclusio, reliquis versibus.

CAPUT

## CAPUT PRIMUM.

1 Deus multis vicibus, multisque modis loquutus olim Patribus in Prophetis, diebus hisce nobis loquutus est in filio;

2 Quem instituit heredem omnium, per quem etiam secula fecit.

3 Qui, ut est splendor gloriæ, & character personæ illius, sustinensq; omnia verbo illo potente suo, postquam purgationem peccatorum nostrorum fecit per seipsum, sedit ad dexteram maiestatis illius in excelsis;

4 Tanto præstantior factus Angelis, quanto excellentius præ illis nomen sortitus est hereditario jure.

**H**ABEC proleptis, ut antè diximus, vel propositio summa totius Epistolæ: in qua primùm de officiis Christi, tribus in versibus, deinde verò de excellentia ejus secundùm personam officiâque ipsius agitur, vers. 4. Officiorum tria ponuntur genera, Prophetia quæ est velut reliquorum index, v. 1. Regnum, v. 2. & Sacerdotium, v. 3. quæ omnia deinde diverso ordine per Apostolum enarrantur. Prophetiæ conditio in versu primo non simpliciter, sed per comparisonem diversorum temporum exponitur, & aliarum circumstantiarum, quæ ad dignitatem Evangelii asserendam plurimum pertinent. Nam commune quidè omnium temporum illud est, quòd Deus loquutus est: sed in circumstantiis & rebus hæc sunt discrimina. Primum, quòd olim Deus Patribus loquutus est; nunc autè his diebus ultimis loquutus est nobis. Secundum, quòd multis vicibus & quasi per partes alloquutus est ante Legè Patres, singularibus revelationibus, in Legè significationibus, post Legè traditam promissionibus, & Prophetiarum additamentis, ante captivitatem, & post captivitatem, usq; dum advenerit Christus; nunc verò semel & quasi perpetuo doctrinæ cælestis contextu, tempore Christi & Apostolorum, loquutus est. Tertium, quòd tum multis modis, puta, sermone, typis, ceremoniis, signis, visionibus, somniis, & si qua sunt ejusmodi; nunc verò dictis solùm & factis Christi, Apostolorumq; ac scriptis contestantibus loquutus est. Postremum, quòd exposuit ea per Prophetas olim & in prophetis, quibus virtute Spiritus sui adsistebat; nunc per filium & in filio, in quo Deus Ecclesiâ alloquutus est, non adsistens *x<sup>ti</sup> magis* illam Prophetis omnibus communem; sed in eo existens, prout Pater & Filius sunt essentia unum, & Pater est in filio, filiusq; in Patre. Regni conditio secundo versu, duobus documentis exponitur. Nam regnum Christi spectatur, aut quâ Redemptor est, verus Deus, verus homo in unitate personæ; aut quâ Creator est, æternus Deus cum Patre & Spiritu sancto. Quâ autem regnum Domino & Servatori Jesu Christo secundùm utrâque naturam, ut mediatori nostro & Redemptori, competit; inquit Apostolus, *num confusum Deus pater heredem omnium*, id est, ut Christus loquitur) omnia sunt ipsi tradita a Patre: Pater enim diligit filium, & omnia dedit in manum ipsius; adeò ut jam ex facto, quâ Deus & homo est in unitate personæ, ipsius sit omnis potestas in cælo & in terra. Quâ verò creator est, inquit Apostolus, *Deus secula per ipsum condidit*, id est, non solùm tēpora, in quibus numerus est motus secundùm prius & posterius; verum etiâ omnia quæ umquâ exsisterunt, existant, aut existabūt

Math. 11. 27.

Ioh. 3. 35.

Math. 28. 18.

in tempore. Sacerdotii conditio describitur in versu 3. Quia verò, si quidquam est in persona Christi, quod ab his stultitiæ, ab illis offensionem deputari possit; omnino in eum numerum perpeffiones ejus (quas ut Sacerdos sacrificiūque nostrum pertulit) referri necesse est; propterea Apostolus sanctissima anticipatione utens, quum Sacerdotium ipsius descripturus esset gloriam personæ Christi certo sanctoque consilio præmisit, dicens: *Quis ut est, vel quamvis sit splendor gloria, & character personæ illius, sustinet omnia verbo illo potente suo*: deinde hac *expositio* posita, venit ad Sacerdotii declarationem. Dignitatem verò personæ Christi in illa sua anticipatione asserit Apostolus elegantissime tribus elogiis: quorum primum est, Christum esse splendorem gloriæ; secundum, esse characterem *veritatis* seu personæ Patris; tertium, omnia ab eo sustineri. Priora duo, ut receptam a Patribus interpretationem sequamur cum analogia fidei conjunctissimam, re quidem eodem pertinent; sed tamen non sine causa conjuncta sunt. Nam commune est utrique, quod Pater & Filius duæ personæ dicuntur esse, & quod filius a Patre, Deus de Deo, lumen de lumine, ab æterno genitus est a Patre: Præterea quod ita genitus, ut Pater in filio omnem gloriam suam expresse rit, & suæ ipsius personæ incommunicabilis characterem exhibuerit. Sed in eo discrimen est: primum, quod priore loquutionis modo Apostolus docet Patrem esse naturam, non autem instituto ac voluntate sola Patrem; & filium vicissim naturam, ac non voluntate consilioque nudo æternum filium Patris æterni sui; quemadmodum splendorem natura sol gignit, non autem voluntate aut consilio suo: Secundò, quod filius imago patris inconspicui seu invisibilis esse dicitur, tum ratione essentialis gloriæ, quam sancta Trinitas in se habens, in persona Christi exposuit rebus creatis; tum verò ratione personæ, quia persona Patris se totam expressit, velut characterem, in persona filii; qua ratione nos Christus docuit, eum *qui filium videt, videre Patrem*. Hæc autem duo prædicata de persona Christi, quia ad amplissimum illud mysterium relationis inter personam Patris, personamque Filii pertinent, ac proinde humana mente non comprehenduntur, nisi per ænigma, sed adorantur fide; Propterea tertium elogium adhibuit Apostolus, ut ostenderet quem ordinem in relatione illa personarum ineffabili scriptura tradit, eundem ordinem ad creaturas (ut scholastici loquuntur) ex potentissima Dei Patris administratione in filio tenendum esse; quem eundem ordinem in principio sui Evangelii, ubi de persona Christi commodè loquutus esset, Joannes observavit, dicens: *Omnia per eum facta sunt, & absque eo factum est nihil quod factum sit; in ipso vita erat, &c.* Secundum ordinem hunc ad creaturas, dicit Apostolus eum *sustinere omnia verbo illo potente suo*; omnia inquam, quæ jam antè secundo versu facta fuisse ab ipso dixerat. His rebus præmissis ad commendationem personæ Christi, sequitur singularis explicatio Sacerdotii illius duobus membris comprehensa; prius est perpeffionum, quibus purificationem fecit peccatorum nostrorum per seipsum tamquam sacerdos & sacrificium nostrum vel agnus Dei tollens peccata mundi: Posterius verò est gloriæ, quod tamquam sacerdos noster ingressus est sanctuarium illud verum æternumque cælorum, & sedet ad dexteram majestatis illius; ut ex factò Ecclesiam suam doceat se, ut sacerdotem victimamque nostram, Deo patri acceptum esse, peccata nostra sustulisse, gratiam ejus nobis conciliavisse, & ita semel perfundum esse munere



munere sacerdotii, ut numquam repeti illud oporteat; sed omnes in ipso Sacerdotes facti, cum omni libertate in sanctuarium cœleste ingrediamur, quò nobis aditum in æternum comparavit. Nam propterea etiam sedere jam dicitur; non autem stare, aut de perficiendis sacerdotii sui paribus laborare. Ex his omnibus, quæ de persona officii, que Christi summam docuit Apostolus, conficitur summa conclusio Prolepsos in vers. 4. de excellentia personæ officiorumque ejus; quæ via sternitur ad singularem membrorum illius enarrationem. Hujus autem excellentiæ ratio per comparisonem demonstratur ab Apostolo, in hunc modum: Cuiusque Deus imposuit nomen, is certè ita est, ut sortitus est a Deo nomen: Christus præstantius nomen Angelis sortitus est, ac proinde ceteris rebus omnibus creatis: Christus igitur tanto præstantior Angelis factus est, quanto excellentius præ illis nomen obtinet. Nomen enim quod Deus imponit non simpliciter vocalem sonum, aut appellationem (ut ita dicamus) titularem denorat, sed rei ipsius naturam, potentiam, actum, atque veritatem. Quapropter hanc propositionem *μετακατα* (ut antè diximus) confirmaturus Apostolus, reliquum hoc caput occupat in minoris propositionis confirmatione a natura ejus, officioque Regis; & secundum in hortatione ex eo consecraria, & Scripturæ testimoniis.

Psal. 2.

7 *Filius meus es tu, ego hodie genui te.*

1. Chron. 22.

13 *Is mihi futurus est filius, & ego ei futurus Pater.*

Psal. 97.

7 *Adorate eum omnes dii.*

5 Nam cui dixit Angelorum unquam, Filius meus es tu; ego hodie genui te; ac rursum, Ego ero ei pater, & ipse erit mihi filius;

6 Rursum autem, quum inducit primogenitum in orbem terrarum, dixit, Et adorent eum omnes Angeli Dei.

**P**rolepsos antecedentis summa est (ut proximè attigimus) Dominum Jesum Christum, secundum personam & officia sua, rebus creatis omnibus antestare. Hanc deinceps Apostolus per partes explicat a substantia & usu ipsius: quorum prius 9. cap. ad cap. 10. 19. usque: posterius reliquis exponitur: Ac primùm quidem personæ dignitatem, id est, substantiam asserit cap. 1. & 2. a natura, officioque; & regali dignitate ejus: deinde verò ab officiorum reliquorum amplitudine: quorum veritatem demonstrat ordine, & probat; prophetiæ quidem, cap. 3. & 4. sacerdotii verò, sequentibus. Personæ autem regiæ præstantiam toto hoc capite ostendit secundum naturam divinam ipsius; deinde verò secundum humanam, cap. 2. per comparisonem ipsius cum Angelis: quia illud necessario ex eo consequitur, si Christum Angelis præstare vincimus, & Angeli rebus omnibus aliis creatis præstant, omnino Christum omnibus rebus creatis præstantiorem esse. Hujus verò institutæ comparisonis in hoc capite, tres ab Apostolo ponuntur loci. Primus est a natura Christi: secundus ab officio & operibus: tertius a gloria; in quam supra res omnes creatas effectus est. Personam Christi natura sua Angelis & per consequens rebus omnibus creatis anteponendam esse probat Apostolus ab autoritate Dei Patris: quod tribus modis in Scriptura Christum Angelis præstare docuerit, nempe genitura, promissione, & mandato suo. Genituram primo loco, promissione

P

Secundo,

secundo, mandatum tertio Apostolus paucis complexus est. Duplex autem genitura est: una hypostasica, quæ persona Patris gignit personam filii, ab æterno: altera *φανερωσις*, quæ sermo factus est caro, & Deus in carne conspicuus. Utramque genituram David in Psal. 2. attigit, & Christus ipse per os Davidis professus est, dicens: *Narrabo ad decretum, vel ex decreto Jehovæ*, id est, Dei Patris; qui interpretem instituit filium in sinu ipsius confidentem. *Dixit mihi, filium meum es tu*, &c. quem admodum hunc Psalmi 2. locum accipi oportere, docuimus supra lib. 1. Parall. 95. Promissione, quam Deus Pater fecisse filio in Scripturis dicitur, Christum præstare Angelis & rebus creatis omnibus ostendit Apostolus, his verbis, *Ego ero ei pater, & ipse mihi filius futurus est*: cujus promissionis hæc sententia est, Deum quidem res creatas nonnullas interdum honore tanto afficere, ut eas donet filiorum nomine; quem admodum Angelos & homines pios in Scripturis interdum constat filios Dei appellari. Sed neminem esse qui filius Dei dicatur, cum hac promissione & prærogativa, quod Deus nunquam non fuerit & fit ei futurus pater, & ille nunquam non patris filius. Quid ita? quia hic filius natura est; illi autem gratia: hic in se filius est patris, illi in Christo: hic ante tempora, illi in tempore: ac proinde huic a natura & in se competit magnifica illa patris promissio, quæ non potest ad alios dimanare, nisi per beneficium & adoptionem Christi. Neque obstat, quod hæc verba Davidi enunciata sunt, quum de ædificatione templi Jerosolymitani cogitaret. Nam primum etsi de Solomone, successore proximè futuro, David propriè ac primum cogitabat; Deus tamen promissionem suam in eo noluit conquirere; sed spiritualementem æternamque adjecit, ut paternam suam benevolentiam ampliùs explicaret. Deinde verò non est credibile pium illum Dei servum de illo filio solius cogitasse, sed ad promissiones ampliores quoque respexisse. Tertio, eam fuisse Dei mentem in promissionibus illis docent adjuncta pleraque, ut quæ nullo pacto ad Solomonem, aut ullum alium ex posteris Davidis pertinere possint: quod ipsi etiam Judæi consentiunt. Postremo etiam David singularem Dei beneficentiam, accepta illa promissione, singulari gratiarum actione prædicat 2. Sam. 7. & 1. Chron. 17. ubi nominatim agnoscit omnium promissionum Dei complementum esse in Christo positum; quem verbum vel sermonem & servum illius vocat. Restat tertius locus, mandatum gloriæ, quam Deus Pater Domino Jesu Christo tribui imperavit; de qua sententiæ autorum variant. Nam Patres (ut videre est apud Epiphanium contra Ariomanitas, & in sermone anchorato) hunc locum ex verbis Moysi, Deut. 32. petiit esse putaverunt: alii verò ad illa verba referunt, quæ habentur Psalm. 97. Ac prior quidem locus apud Moysen (prout a Patribus adduci solet) in Hebræo contextu minimè legitur; sed in hunc modum habet Græcorum interpretatio: *διεξήκοντι ἕξαι ἄμα αὐτοῖς, καὶ προσκυνοῦντες αὐτῷ πάντες ἄγγελοι θεοῦ*. Inde sancti illi & orthodoxi Patres hæc Apostoli verba putarunt desumpta esse: verum, ut nihil de loco illo dicamus, qui nusquam (si benè memini) in Mose exstat, non videtur ex hoc loco depromi potuisse; quia non est ita evidens illa de Christo circumstantia, quam certo consilio Apostolus hoc in loco attigit, dicens: Hæc a Deo Patre pronunciari, *quum inducis primogenitum in orbem terrarum*. Non enim videtur ejusmodi esse Moysi eo in loco argumentum. Quapropter eorum sententia mihi probatur magis, qui hæc verba ex illo Psalmo deduxerunt;

Deut. 32. 42.

deduxerunt; quem in Parallelo diagrammate nostro posuimus. Etenim revera totum Psalmi illius argumentum est, ut filius Dei Patris primogenitus, quum in orbem ab ipso introducit, agnoscat a rebus creatis omnibus. Nam primum gloriam illius adventantis Propheta exponit, sex versibus; deinde verò rerum creaturarum omnium declarat officium ad adventum illius; nempe, ut erubescant dissipenturque omnes, qui obsistunt gloriæ illius; contra verò agnoscant & profiteantur eam, quicunque student glorificare Deum, primum quidem Angeli versu 7. deinde verò Ecclesia, versu 8. quæ duo membra reliquis versibus illustrantur. Optimè ergò locus ille in hanc sententiam ab Apostolo adducitur. Neque est, cur magnopere laboretur de eo quòd Hebræum verbum redditur verbo *εὐσεβείᾳ*, aut quòd nomen Dei adjicitur. Nam illud ex usu communi factum est: hoc verò *διὰ τὴν ἁγίαν* adjecit Apostolus, ut evidentior faceret loci illius interpretationem. Quæ res non vitio, sed laudi vertenda est; ut quæ sit utilis institutioni nostræ, & Prophetici sermonis demonstret interpretationem.

Psal. 104.

4 Qui angelos suos facit Spiritus,  
& ministros suos ignem flammantem.

Psal. 45.

7 Thronus tuus, ô Deus in seculum  
& sempiternum; sceptrum rectum,  
sceptrum regni tui.

8 Dilexisti justitiam, & odisti improbitatem: propterea unxit te Deus,  
Deus tuus oleo gaudii præ consortibus  
tuis.

Psal. 102.

26 Primum terram fundasti, & opus  
manuum tuarum sunt cæli.

27 Istæ peribunt, tu autem permanes,  
& omnia ista ut vestimentum  
veterascent; ut indumentum mutabis  
ea, atque mutabuntur:

28 Tu verò idem es, & anni tui non  
deficient.

7 Ac de angelis quidem dicit:  
Qui suos angelos facit spiritus, &  
ministros suos ignis flammam.

8 De filio verò: Thronus tuus ô  
Deus, in seculum seculi; virga recti,  
virga regni tui.

9 Dilexisti justitiam, & odisti iniquitatem: propterea unxit te Deus,  
Deus tuus oleo exultationis  
præter consortes tuos.

10 Et: Tu in initio, Domine, terram  
fundasti, & opera manuum  
tuarum sunt cæli.

11 Ipsi peribunt, tu autem permanes:  
& omnes ut vestimentum  
veterascent.

12 Ac velut amictû circumvolves  
eos, & mutabuntur: tu verò  
idem es, & anni tui non deficient.

**H**ic secundus est institutæ comparationis locus, quem ab officio operibusque sumtum esse antè docuimus. Summa igitur est, Christum Angelis eo præstantiorem esse, quòd Angeli creaturæ sunt: Christus verò minimè omnium dici creatura potest, quæ creavit omnia, ut qui verus & æternus Deus est cum Patre & Spiritu sancto in unitate essentiae. Hoc autem per locorum Scripturæ oppositionem demonstratur duobus modis, jure & opere: qui modi brevius quidem atque obscurius de Angelis prædicantur, versu 7. sed clarius ac evidentius ex antithesi sequente colligendi sunt; ubi personæ Christi primum quidem jus æternum, versu 8. & 9. deinde verò opus creationis in principio temporis factum tribuitur, versu 10. & sequentibus. Primum autem in loco de Angelis observandum est, conditionem illorum duobus modis a Propheta declarari: tum creaturas esse a



Deo factas quum dicit: *Qui facis Angelos, &c.* tum verò velut creaturas Dei, jure & opere, quacunque dignitate sint, Deo ministrare, quum dicit, *Angelos sive nuntios & ministros ipsius esse*: Nec eos vulgares administratos, aut humano judicio contemnendos; sed purissimos, simplicissimos, & velocissimos: prout est conditio Spirituum expeditissima omnium, inter eas res quæ sensum oculorum nostrorum fugiunt; & in aspe&abilibus, natura flammantis ignis. Non sum ne cius aliter vulgò versum hunc explicari; sed pro certo habeo, si quis ad Davidis argumentum & Apostoli interpretationem propius attenderit, fore ut hæc germana comperiatur interpretatio. Etenim David in eo Psalmo de operibus creationis loquitur, priore parte illius; ac proinde qui de ventis aut de flamma ignis versum illum accipiunt, frigidior utuntur interpretatione: Non enim id sentiebat David, Deum ventis aut flamma ignis pro Angelis & ministris uti: sed contrà hæc vera est ipsius prædicatio, Deum Angelorum esse opificem; quorum ministerio, ut suarum creaturarum utitur; eosq; ad ministerium istud esse omnium longè commodissimos, tamquam naturæ spiritualis & igneæ. Neque aberrat ab eo sensu Apostolus; qui propterea hanc interpretationem demonstraturus articulum Græcum adhibuit illis duabus vocibus, *τὸς ἀγγέλους, & τὸς λειτουργίας*, ut has voces (si versum dissolveris analyticè) statuamus subjecti loco, intelligamusq; Deum fecisse Angelos Spiritus & ministros suos, non autem illud, quod vulgò dicitur, Deum ventis & igne pro Angelis & ministris uti. Illud autem membrum de Angelis, quod paulo videtur obscurius, optimè illustrat antitheti sequentis comparatio; ubi primum quidem de autoritate Christi, ex Psal. 45. deinde verò de opere ex Psal. 102. dicitur. Nam autoritatem demonstrant hæc, prout a Propheta ordine recensentur: Primum, natura, secundum quā Deus est cum Patre & Spiritu sancto in unitate essentia: Secundò, qualitates ejus autoritatis quam modò diximus, nempe æternitas, & justitia integerrima: Tertiò efficiens causa, nempe Deus Pater, qui propterea Christum unxisse dicitur, & donis instruxisse, quæ sunt opus ad illam ipsam autoritatem in æternum justè occupandam. Quòd si fortè Judæorum pertinacia cõtenderit, non esse hæc verba interpretanda de Christo, cum disertè Psaltes de Schelomonis conjugio eo in Psalmo agere videatur: responsio facilis est, quam antè sæpè ostendimus; propriè de Christo Psalmum illum accipi oportere, Schelomoni verò typicè ab iis qui volunt accommodari, sed singulos fermè versus habere, quæ de Schelomone commodè nemo interpretari possit. Cur autem & nempe quia typus fuit Schelomo, & de eo dicuntur typicè, quæ propriè non nisi de Christo prædicari possunt. Deinde, quid ad Ecclesiam Dei, conjugium Schelomonis in facis illius cœtibus celebrari? & hoc quoque tempore celebrari, prout postulat inscriptio: certè cum Deus sit autor, & conscribendi Psalmi, & in Ecclesia tradendi, & canendi in cœtibus sacris illius atque exponendi; non possumus bona fide, quin Psalmum de æterno, ac non temporali; Christi, ac non Salomonis conjugio cum Ecclesia accipiamus: quod conjugium solum est Ecclesiæ Dei salutare, & post omnem hominum memoriam celebrandum ab ea religiosissimè. Alter locus, ubi de operibus Christi agitur, est evidentissimus. Nam operum quæ inde a creatione exstiterunt, principium & finis a Propheta exponitur: Christus verò ante principium eorum fuisse dicitur, & post finem eorum permanens esse. Utriusque verò, principii inquam &

& finis, causa propriè Christo tribuitur : principii quidem, quòd ipse fundarit terram, cælos fecerit, &c. Finis verò, quòd ipse velut amictum eas res circumvolurus est, & quasi in suum chaos reducturus. Ex quibus omnibus manifestè constat, Jesum Christum jure & opere res omnes creatas, adeoque Angelos ipsos, omnibus numeris superare.

Psal. 110.

1 *Sede ad dexteram meam, usque dum disposuero inimicos tuos scabellum pedum tuorum.*

13 Cui Angelorum dixit unquam ; Sede a dexteris meis, donec posuero inimicos tuos scabellum pedum tuorum ;

14 Nōne omnes sunt Spiritus ministratorii ; qui ad ministerium mittuntur propter eos, qui heredes salutis futuri sunt ;

**T**ertius hic locus est institutæ comparationis inter Christum & Angelos, ex quo præstantia Christi asseritur, nempe a gloria ipsius. Est autem hic locus sumtus ab autoritate Dei Patris alloquentis filium, gloriāque præsentem & futuram ei tribuentis : qualem nullus Angelus, nedum alia creatura ulla, unquam a Deo vel minima significatione sibi oblatam esse confirmaverit. Præsentis gloriæ est, quòd Pater dicit filio, *Sede ad dexteram meam*, id est, regnum illud æternum jam jam obtine, & administrationem ejus tibi commissam habe. Futuræ verò gloriæ est, quum promittit Pater se *positurum inimicos filii pro scabello pedum ejus*, id est, omnia subiecturum sub pedibus ejus, ut idem postea loquitur : etsi hæc quoque pars in dies completur mirifica potentia Dei. Huic igitur gloriæ opponitur conditio Angelorum ; qui etsi gloriosi sunt suo modo, tamen a gloria Christi absunt quàm longissimè : tum quia vocatione Dei Spiritus sunt ministratorii, tum quia ministerium ipsorum non solum propter gloriam Dei constitutum est, sed etiam iis additum & destinatum per voluntatem Dei, qui hereditatem salutis percepturi sunt in Christo Jesu : qua ratione optimè dixeris Angelos & Christo ipsi, & minimo cuique ipsius membro ministrare : tantum abest, ut regnent illi, & inimicos suos pro scabello pedum suorum sibi habituri sint.

## CAPUT SECUNDUM.

1 Propterea oportet nos eo magis attendere iis quæ audita sunt, ne quando perfluamus.

2 Nam, si sermo qui per Angelos dictus est fuit firmus, omnisque transgressio & contumacia recepit justam retributionem mercedis ;

3 Quomodo nos effugiemus, si tantam salutem neglexerimus ; quæ primùm cæpit per ipsum Dominum enarrari, & ab iis qui audiverunt allata ad nos, fuit confirmata ;

4 Unà testimonium illis præbente Deo & signis, & prodigiis, variisque virtutibus, & Spiritus sancti distributionibus, secundum voluntatem ipsius.

5 Non enim Angelis subjecit mundum illum futurum de quo loquimur.

Psal. 8.

5 *Quid est homo, quod memor sis  
ejus; aut filius hominis, quod visites  
eum?*

6 *Fecisti eum inferiorem paulisper  
Angelis, gloria & honore coronasti  
eum, & constituisti eum super opera  
manuum tuarum.*

8 *Omnia subjecisti sub pedibus  
ejus.*

6 Testatus est autem quidam  
alicubi, dicens: Quid est homo,  
quod memor sis ejus; aut filius  
hominis, quod visites eum?

7 Fecisti eum paulisper inferio-  
rem Angelis, gloria & honore co-  
ronasti eum.

7 Constituisti eum super opera  
manuum tuarum: omnia subje-  
cisti sub pedibus ejus.

**H**Actenus probavit Apostolus ex autoritate Scripturæ, & Ange-  
licæ naturæ cum Christo comparatione, quanta sit præstantia  
Domini & Servatoris nostri Jesu Christi, prout verus Deus est  
cum Patre & Spiritu sancto. Sed quoniam idem quoque est verus homo  
in unitate personæ, Mediator inter Deum & homines, ad quem regnū  
aliæque salutaria illa officia pertinent, de quibus deinceps Apostolus  
instituit dicere: secundum illud restat, ut hujus ipsius personæ dignitas  
secundum naturam humanam confirmetur. Antequam verò ad digni-  
tatis hujus narrationem demonstrationemque transeat, interserit Apo-  
stolus sapientissimè hortationis & doctrinæ locum, de usu cognitionis  
illius Christi, & de officio nostro erga eum κατὰ τὴν ἀποστολὴν, quem tan-  
ta præstantia & dignitate præditum esse novimus; ut sit hæc hortatio  
ad alterum dignitatis caput παρακαλῶν. Hic usus ergò officiumque  
nostrum quatuor versibus primis exponitur; reliquo autem capite con-  
firmatur dignitas Christi etiam secundum naturam humanam ipsius,  
partim autoritate evidentissima, partimque rationibus ex Scriptura  
sumtis. Est autem usus officiumque nostrum in eo positum, ut illius,  
quem tanta præstantia instructum esse novimus, verbum hauriamus,  
contineamus, atque obsequamur ei, pro certo habentes eam esse vo-  
luntatem Dei. Atque hæc quidem propositio continetur versu primo,  
& omni obscuritate caret; illustratur verò tribus sequentibus, posita  
eadem comparatione quam in superiore capite adhibuerat Aposto-  
lus, ut dignitatem & præstantiam Christi eo magnificentius eveheret.  
Sic enim argumentatur per comparationem minoris: Quo quis po-  
tentior est, eo firmior est ipsius sermo; & omnis transgressio atque con-  
tumacia eo certiorē justiorēque retributionem reportatura est:  
Firmior autem est hujus sermo sermone illorum Angelorum de quibus  
antè loquutus est. Ergò certior retributio futura est, & eo justior, quo  
injustiores sunt qui sermonem Domini contemnunt, quàm qui servo-  
rum ejus. Nam etsi ipse quoque servorum & Angelorum sermo non  
alius est quam Dei & Domini sermo, ac proinde respectu Domini æquè  
hic ac ille certus est: tamen respectu loquentis immediatè Dei, gra-  
vior eorum est impietas quæ Dominum ipsum immediatè, quàm qui  
mediatè in servis ejus respuunt; ut Christus Agricolarum parabola &  
filii heredisque, Matthæi 21. demonstravit. Novimus quidem prius  
illud membrum comparationis de sermone per Angelos dicto vulgò  
referri ad Legem, quam ab Angelis fuisse datam plerique tradiderunt,  
decepti specie aliqua locorum Act. 7. & Galat. 3. quos antè expli-  
cavimus: sed non dubito, si quis ad germanam locorum illorum in-  
terpretationem



interpretationem & hanc quoque argumentationem volet attendere, quin facile sit descensurus in sententiam meam: nempe neque illic dici quòd Legem Angeli tradiderint, neque hic Legis comparationem fieri aut Angelorum, tamquam Legem Dei tradentium; sed tantum comparationem institutam esse eorum sermonum & revelationum, quas Angeli ex mandato Dei patribus olim exponebant, cum eo sermone Euangelii, quem Christus docuit & prædicavit coram, signisque miraculosis confirmavit. Qua propter etiam visum est Apostolo, quum agit de sermone Christi, totidem sermè pondera verborum addere, quot voces posite sunt in propositione sermonis illius, versu 3. & 4. Ac prius quidem institutæ comparationis membrum duobus nominibus commendat dignitatem sermonis, quem olim Angeli pronuntiabant; nempe a veritate ipsius constantissima, & ab eventu, quem homines contumaces nulla vi aut arte unquam potuerunt effugere, 2. vers. Posterius verò longè plura habet ad commendationem sermonis, quem Christus habuit, documenta. Nam postquam retributionem contumaciæ Apostolus his verbis expressit *ἡμετέρας*, *Quomodo nos effugiemus*; illico præstantiam hujus sermonis asserit, primum quidem a natura; deinde a mediis; tertio ab Adjunctis, a quibus nunquam hic sermo nudus aut destitutus est. Naturam hujus sermonis perstringit Apostolus a fine & amplitudine ipsius, quum *salutem* nominat, & quidem *salutem tantam*. Est enim Euangelium potentia Dei ad salutem omni credenti. Media, quorum opera visum est Deo & Patri hoc salutis verbum humano generi exponere, ponuntur (ut ego quidem sentio) duo; ut vulgus Interpretum, tria. Unum, idque præcipuum & singulare est, *Dominus* noster & Propheta Christus, de quo præcepit Pater, dicendo: *Hunc audite*. Alterum est (ut Jureconsultorum voce utamur) fidei commissum; nempe quod Christus, *ὁ ἀρχιεπίσκοπος*, servis suis & Apostolis credidit, & Ministerio illorum in Ecclesia propagavit. Prius significavit Apostolus, dicens *cœpisse hanc salutem primum enarrari per Dominum ipsum*: Posterius, quum ait, *fuisse apud nos confirmatum ab iis qui ipsum audiverant*; nempe quum primum cœpisset per Dominum ipsum enarrari. Adjuncta, ex quibus sermonis a Christo pronuntiati dignitas ostèditur in versu 4. conclusit Apostolus, quum primum quidem operationes divinas appellat testes hujus salutaris verbi; nam ex indicantur *signorum & prodigiorum* appellatione: Deinde administrationes & dona singularia varietate, sanctitate, evidentia Spiritus, & virtute admirabilia. Quorum admirabilitas eo clariùs in omnium oculis fuit exposita, quod distributiones rerum istarum factæ sunt non ex humano studio aut opinione; sed ex voluntate Dei singula providentissimè dispensantis, & tanto ordine ac sapientia, ut vel cæcissimus quisque videre potuerit hunc Dei digitum esse, ut Christus ipse affirmavit Luca 11. 20. Ceterum (ut illud in transcurso dicamus) non videtur iudicio meo alicujus momenti esse eorum argumentatio, qui ex hujus loci interpretatione student confirmare, non esse hanc Epistolam a Paulo Apostolo conscriptam; sed ab aliquo ipsius aliorumque Apostolorum discipulo. Sic enim argumentantur: Quisquis hanc Epistolam scripsit, is de verbo salutis confirmatus est ab iis qui Christum audiverant: id est, non Christi ipsius immediatè fuit discipulus, sed Apostolorum Christi: Fuit autem Paulus a Christo ipso institutus atque confirmatus: Est igitur hæc Epistola alterius, quisquis tandem ille fuerit, non autem Pauli Apostoli.

Nam hujus argumentationis Major, ut vocant, propositio tribus modis refelli potest. I. Quod membra in hoc sermone conjuncta dividuntur, cum utrumque dicatur, & sermonem a Domino fuisse enarratum, & ab iis qui audierant confirmatum; quæ duo membra etiam ipsi Paulo in primo vocationis suæ momento contigerunt, tum audito sermone a Domino ex cœlis, tum confirmato ab Anania, ad quem Paulus Dei mandato ablegatus est. Secundò, quod (ut illud mittamus) etsi Apostoli acceperunt a Domino eam doctrinam quam tradebant Ecclesiis; alii tamen aliorum ministerio atque *συνιστήσιν* in sua functione confirmati sunt, & divinis operationibus suarumque administrationi accedentibus, pro voluntate Dei in dies stabiliti sunt in gratia, & veritate illius in eandem imaginem Domini transformati ex gloria in gloriam, sive per gradus, & (ut vulgus loquitur) successive, 2. Cor. 3. 18. Postremò ut demus ea non ita sese habuisse; tamen non id necessario, quod volunt confecturi essent; quia a loquutione figurata ad propriam dicerentur transire. Nam etiam Apostoli synecdochicè non raro ita loquuti sunt, ut quod de majore parte dicitur, illud tamquam de se conjunctim prædicarent: cujus rei exempla existant quàm plurima apud Jeremiam. Et non est obscurus sermo ille Pauli 1. The. 4. Nos vivi, qui reliqui erimus in adventu Domini, non præveniemus eos qui obdormierint; & altero post versu, Nos vivi, qui reliqui erimus, rapiemur simul cum illis in nubes in occursum Domini, &c. Huic exhortationi subjicit Apostolus confirmationem de dignitate personæ Christi secundum naturam humanam ipsius, reliquo capite, ut antè dicebamus; ad quam transit *ἡγεῖται* occupatione quadam, quæ argumento conjuncta est planè cum ultimo versu antecedentis capitis. Dixerat enim Christi regnum esse, Angelos verò Spiritus esse ministratores, qui ad ministerium mittuntur, propter eos qui heredes salutis in mundo illo futuro, id est, in Regno Dei futuri sunt. Poterant autem Hebræi objicere; Si Deus ne Angelis quidem mundum illum futurum subjecit, quomodo homini subjecerit; qui cum electis Angelis natura, sanctitate, dignitate, rebusque ceteris minimè comparandus est? Hanc objectionem occupat Apostolus versu 5. per negationem, dicens: *Non enim Angelis subjecit Mundum illum futurum, de quo loquimur; sed illi ipsi vero homini, quem Dominum heredemque omnium a Deo Patre fuisse constitutum antè affirmavimus versu 2. capitis 1. & tertio versu proximè præcedente.* Hujus autem Propositionis *ἀντιπαρὶς* quidem enuntiavit Apostolus in 5. versu sive Negativam (ut vocant;) *Ἄντι* verò sive affirmativam reticet, quia tum ex capite 1. & hujus cap. vers. 3. (cujus rationem deinceps explicat) facillè intelligitur, tum verò, quia sequentia proximè verba ostendunt luculentur contrariam affirmationem subintelligi oportere: tamquam si dicentibus Hebræis, Cui ergò mundum illum subjecit Deus? Responderet Prophetæ verbis, vel potiùs Dei ipsius per Prophetam: *Hoc testatur est quidam dicens, quid est homo, &c.* Sic objectionem illam quam versu 5. occupaverat, Dei autoritate solvit versu 6. & duobus sequentibus: Deinde verò locum illum ad solutionis evidentiam explicat, reliquo capite. Locus autem qui ad propositionis hujus confirmationem adducitur, ex Psalm. 8. sumtus est: etsi Davidis nomen reticet Apostolus, non eo consilio ut nomen Davidis fugiat, aut Psalmum ab eo scriptum fuisse neget (hoc enim ex ejus inscriptione constat) sed potiùs ut eo demonstret evidentius

tiùs se nolle superstitiosè hærere in vocibus ad unam exprimendis : cum satis esse videretur locum indicari, & ea huc afferri ex eo Psalmo, quæ ad præsentem causam pertinebant. Atque hunc quidem locum ad quæstionem institutam propriè pertinere ut credam, facit Apostoli hoc in loco, & 1. Cor. 15. autoritas, verumtamen quia variat Interpretum de hac re sententia : age, expendamus, quænam sententia & illi Psalmo, & huic quoque loco sit omnium convenientissima. Animadverto igitur illum 8. Psalmum in tria distrahi interpretationum genera. Primum eorum est, qui Dei magnificentiam prædicari statuunt ab iis dotibus quas in homines creatione contulit Dominus. Secundum, eorum qui gloriam Dei similiter prædicari putant eorum bonorum nomine, quæ Deus in omnes homines universè contulit, ex quo redemptionem & instaurationem in Christo assequuti sunt. Tertium demique eorum qui propriè quidem prædicari Dei magnificentiam statuunt in Christo explicatam, sed ita ut per consequens a Christo dimanet in universum humanum genus effectus gloriæ & magnificentiæ illius. Primam interpretationem ut simpliciter probemus, vetat ipsum orationis genus & circumstantiæ. Orationis : quia Propheta in eodem Psalmo agit de gloria supercælesti, id est, non naturali, sed supernaturali & divina in homine patefacta, vers. 2. quia eandem gloriam supercælestè esse explicat instituta comparatione, versu 4. & 5. & quia universam Christi historiam proponit evidentissimè, versu 5. 6. & 7. Circumstantiæ verò, quia Psalmum hunc ita conscripsit David, ut à pertè ostendat Psalmum illud, non solum de tempore creationis enunciari, sed de universo tempore Ecclesiæ agentis in his terris ; cui hic Psalmus, teste inscriptione, datus est per Spiritum Dei, ut omni tempore quasi in rem præsentem veniens, & in oculis ferens Dei magnificentiam, indefinenter celebraret eam. Non enim dicit, *quàm magnificum fuit* nomen tuum, &c. sed, *quàm magnificum est*, non, in hac terra, sed, *in universa terra*, ut totum Ecclesiæ tempus æquè sub Evangelio atque sub Lege ostenderet. Secundum interpretationis genus iisdem causis refellimus scilicet, quas modò in primum adduximus. Nam tam huic quàm illi explicationi & orationis genus, & circumstantiæ adversantur, si quis rem penitus introspexerit. Hæc enim duo apertè ostendunt, non agi de gloria Electorum communi in ipsis, sed potiùs de gloria propria unius hominis alicujus, cujus gloriæ effectus sit, hominum reliquorum gloria : id est, de gloria (ut ita dicamus) *ovis id est* personæ, non autem speciei communi per *mutuam*, vel communicationem cum universa specie. Restat igitur tertium interpretationis genus : nempe ex eo Psalmo Jehovah Domini nostri magnificentiam in universa terra sic explicatam esse, ut in ea Majestatem supercælestem exposuerit humano generi : idque inde a primo ortu singulorum individuorum in genere humano testatum fieri : quæ magnificentia tanta sit, ut cælorum & totius exercitus in cælis magnificentia nihil ad hanc planè dicenda sit. Atque hæc primis 4. versibus. Eam verò magnificentiam in Christo homine, vel Deo patefacto in carne, esse spectatissimam : prout secundi hujus membri in Psalm. 8. positi verba hoc loco adducuntur. Hanc enim magnificentiam a Deo Patre in Christo Jesu (qui verus Deus est & verus homo in unitate personæ) fuisse potentissimè divinèque explicatam, in Christo, inquam, secundum naturam humanam ipsius, 1. assumptione illius in unitatem personæ, quo respectu etià *homo* appellatur, & *David* *ben David* ; Christus 2. Me-



moria & inspectione, id est, paterno studio & procuratione Dei Patris erga filium dilectionis suae, versu 5. Tertiò, ab officiis adjunctis in hac persona consequutis secundum naturam humanam per inspectionem Dei Patris, & oeconomiam nobis salutarem; nempe abiectione, gloria, vocatione & effectis ejus, quae omnia Psaltes ordine persecutus est. Nam recordationem & inspectionem paternam Dei Psaltes versu 5. proposuit, quam hic Apostolus in 6 versu repetit: abiectionem, mortem, & gloriam ex resurrectione, quam Psaltes in versu 6. recensuit, hic refert versu 7. vocationem denique & effecta, sequentibus eodem ordine. Atque his rebus omnibus non evertitur, sed omnino contra stabilitur Dei gloria, in electis omnibus *μετὰ δόξης*; sive per communicationem in Christo & per Christum a Patre exposita.

8 Nam eo quod ipsi subiecit omnia, nihil omisit quod non sit subiectum ipsi. At nunc nondum videmus ipsi omnia illa subiecta esse.

9 Sed Jesum illum videmus, qui paulisper fuit Angelis inferior factus propter perpeffionem mortis, gloria & honore coronatum, ut pro omnibus mortem gustaret per gratiam Dei.

10 Decebat enim, ut ipse propter quem sunt illa omnia, & per quem sunt illa omnia, multos filios in gloriam adducentem principem salutis ipsorum per afflictiones consecraret.

11 Nam & qui sanctificat & qui sanctificantur, ex uno sunt omnes: quam ob causam non erubescit ipsos vocare fratres.

Psal. 22.

23 *Enarrabo nomen tuum fratribus meis in Ecclesia laudabo te.*

Psal. 18.

3 *Recipiam me ad ipsum.*

Esaï. 8.

19 *Ecce me & natos istos, quos dedit mihi Jehova.*

12 Dicens; Annunciabo nomen tuum fratribus meis, in Ecclesia hymnis celebrabo te.

13 Et iterum, Ego fretus ero ipso: ac rursus, Ecce me & pueros, quos mihi dedit Deus.

**Q**Uum superiore capite dixisset Apostolus Electos heredes fore venturi seculi; & Jesum Christum, in tertio versu capitis hujus, Dominum esse mundi illius futuri cujus heredes illi futuri sunt, communionem & beneficio ejus: hanc Propositionem suam autoritate Scripturae modò confirmavit ex libro Psalmorum. Sed quia locus ille vocari in controversiam ab imperitis aut iniquis adversariis poterat; nunc deum Apostolus instituit loci illius enarrationem, ut ostendat omnino eum accipi in hanc sententiam oportere, nimirum de persona Christi, deque rebus ab eo gestis, & deinceps amplius consummandis. Hujus verò enarrationis membra duo sunt ordine ab Apostolo pertractata: Prius est, accommodatio sive applicatio loci praecedentis ad personam Christi, versu 8. & 9. posterius verò applicationis hujus declaratio & confirmatio, sequentibus. Applicationis autem, quam hic instituit Apostolus, cum omnes loci extra controversiam facile futuri essent, præterquam ille postremus de subiectione rerum omnium; propterea ceteris omissis & quasi confessis, postremum hunc locum de subiectione rerum omnium Apostolus inculcavit, & ex signo universali, quod omnia Christo subiecta dicuntur esse, optimè cõcludit, ergo

ergo & mundum illum futurum, de quo loquutus est, sub pedibus ejus a Patre constitutum esse; nec esse quicquam in presente futurove seculo, quod sit dominationis illius expertus. Quamobrem si ei omnia subiecta sunt etiam secundum naturam humanam ejus, & a Patre tradita in manum ejus; ex iustissima relationis Lege illum heredem omnium Dominumque esse constitutum (ut versu 2. & 3. capitis primi, itemque tertio hujus capitis fuit pronunciatum) etiam secundum naturam humanam ipsius per unionem personalem cum  $\lambda\theta\gamma\phi$ . Sed quia aliud est decretum Dei atque jus illius, aliud decreti & juris exsequutio; quarum rerum confusione fallunt facile quicumque Christo adversantur, & imperiti falluntur; propterea Apostolus, ubi  $\chi\alpha\delta\omega\lambda\iota\chi\alpha\upsilon$  Christi dominationem affirmavit, adhibita quadam occupatione, ostendit ex antecedentibus & conjunctis, omnino constare Christo suam illam dominationem, quam Psalter affirmaverat. Objectionis est in his verbis: *At nunc nondum videmus omnia ei subiecta esse*: tamquam si dicerent adversarii; Cui non sunt subiecta omnia, is non potest esse, de quo Psalter in eo loco prophetavit: At nondum videmus omnia Christo subiecta esse: Is ergo Christus esse non potest. Huic objectioni respondet Apostolus sequente versu, sive (ut melius dicamus) occupationi. Respondet autem duobus modis: Primum non valere argumentationem ab eo quod videtur, ad omne id quod est: non enim continuo sequi; omnia Christo non esse subiecta, si nondum videmus ea subiecta esse. Nam in hoc genere, ut loquuntur vulgo, quatuor esse terminos argumentationis: quod scire & eleganter demonstrat Apostolus, quum verbo  $\epsilon\gamma\gamma\alpha\gamma\mu\epsilon\upsilon$ , quod in occupatione posuit 8. versu, opponit  $\beta\lambda\epsilon\pi\omega\mu\epsilon\upsilon$  versu 9. quæ duo verba sic inter se differunt, ut videre & cernere. Secundus vero responsionis modus est ab adjunctis, tum antecedentibus, tum etiam presentibus; iisque propriis & inseparabilibus a postrema hac prædicatione, de universali dominatu ejus. Nam, inquit, Apostolus, adjuncta hujus dominationis universalis a Davide proposita sunt, eaque certissima & indubitabilia, ne quis aut mentem ipsius, aut rei veritatem in dubium vocare possit. Adjuncta autem ista posuit David: id est, quod hominis illius Deus Pater recordatus est & respexit eum: Secundò, quod fecit eum paulisper inferiorem Angelis: Tertio, quod gloria & honore coronavit eum. Quæ adjuncta, inquit Apostolus, si de ullo homine probari possunt, is omnino futurus est, quem Deus constituit super opera manuum suarum, & cujus pedibus subjecit omnia. Is autem est Christus, cui hæc omnia adjuncta competunt: Ergo is demum Christus est, & nō alius quispiam, cui omnia subiecta sunt. Nec refert, quod oculis non videmus complementum: nam satis est, quod cernimus singuli, quibus oculos aperuit Deus, cernimus, inquam, ex tam multis & propriissimis adjunctis complementum rerum istarum fide. Hanc solutionem proponit Apostolus vers. 9. quum ait, *Sed Jesum illum cernimus, &c.* Qua in solutione commodissime instituitur adjunctorum antecedentium cum presentibus comparatio, ut eo luculentius demonstraretur id quod ait Apostolus 1. Cor. 15. *Oportere eum regnare*, id est, Mediatorium (ut ita loquamur) illud regnum & gubernationem obtinere, usquequod omnes inimicos subjecerit pedibus ejus: ac proinde duo esse tempora, distincte in persona Christi observanda; prius abjectionis, quam Psalter ideò priore loco posuit; posterius verò gloriæ: quemadmodum etiam Petrus Prophetas fuisse scrutatos dicit ea quæ nobis

nobis de Christi perpeſſionibus & gloria illas conſequutura in Euan-  
gelio exponuntur. Reſpondet igitur Apoſtolus priora ſuo tempore  
completa eſſe, nunc verò poſteriora, id eſt, quæ de gloria potentiæque  
illius David prophetabat, ordine conſummari. Nam in rebus prioribus  
ſive antecedentibus numerantur iſta, Abjectionis vel exinanitionis Chriſti,  
& finis abjectionis illius. Abjectionem Chriſti ipſis Prophetæ verbis  
designat Apoſtolus, quum dicit, *Chriſtum minorem Angelis fuiſſe factum*,  
idque ab hominibus *viſum*; nempe quia verbum caro factum, vel De-  
us in carne factus eſt conſpicuus: ut alibi loquuntur Apoſtoli. Finem  
verò exinanitionis iſtius duplicem proferat Apoſtolus, ſingularem u-  
num, & communem alterum. Finis ſingularis eſt, quòd Chriſtus huma-  
nitatem aſſumſit in unitatem perſonæ *propter mortis perpeſſionem*, id eſt,  
ut perſona illa ſecundum id quod Deus eſt exiſtens immortalis, poſſet  
mortem oppetere ſecundum id quod homo factus eſt. Communis ve-  
rò eſt, qui tamquam fructus ex fine præcedente & ſingulari naſcitur,  
poſitus in his verbis, *ut per Dei gratiam guſtaret mortem pro omnibus*, id  
eſt, ut illa mortis perpeſſio, quam pertulit Chriſtus ſecundum humani-  
tatem ſuam, nobis ſalutaris eſſet. Quomodo autem primùm, quia ipſe  
pro nobis intercedens apud Patrem æternum, factus eſt peccatum pro  
nobis, ac proinde peccati noſtri damnatus eſt in ſimilitudine carnis  
peccati: ſecundò quia gratia Dei, id eſt, divina illa virtus quæ humani-  
tatem ejus ſuſtentavit in duriffimis illis & homini cuius alioquin ine-  
luſtabilibus perpeſſionibus, illa, inquam, ſola viciffim efficacitatem  
fructumque mortis illius, pro omnibus a Chriſto obire, credentibus ap-  
plicavit. Hæc igitur omnia velut jam conſecta & conſtituta, cum verbis  
Davidis optimè comparantur. Sed quia brevis fuit perpeſſionum iſta-  
rum decurſus, quemadmodum David quoque pronuntiaverat; prop-  
tereà ſtudioſè Apoſtolus adverbium illud *pauliſſer*, ex *Pſal. 8.* repetivit;  
ut hac ratione emenſum eum eſſe afflictionum tempus, reſtare verò co-  
ronam gloriæ & honoris oftenderet, quam ſucceſſu temporis Chriſtus  
magis magisque exhibiturus eſſet. *Cernimus*, inquit, *illum gloria & honore*  
*coronatum*, id eſt, jamjam evectum ad conditionem ſummè glorioſam  
in perſona ſua, quod *Pſaltes* pronuntiaverat: ſed nondum tamen in  
pleno uſu & perfectione conſtitutum illius gloriæ, quæ in rebus creatis  
parefacienda eſt per communionem ipſius. Summa igitur eſt; Quod  
*Pſaltes* dixit, *gloria & honore coronaſti eum*, illud jam cõpletum videmus  
in perſona ejus, cum definitus & declaratus ſit filius Dei in potentia  
per reſurrectionem a mortuis ſecundum Spiritum ſanctitatis ejus, &  
quàm plurima fratrum corona ſpectante in cælum aſcenderit, ſedeat.  
que nunc ad dexteram maiestatis Dei in excelfis. Quod autem ſequi-  
tur, *omnia ſubjeçti ſub pedibus ejus*, id eſt, quod dicitur de perfectò &  
conſummato glorioſo illius regno in res creatas omnes, in primis verò  
in Eccleſiam Dei: id nondum cernimus completum; ſed in dies ſuo  
ordine & gradu a Deo perficitur, & plenè tandem conſummabitur ad-  
ventu ipſius. Itaque ſi quid ex ea Prophetia nondum completum eſt,  
aut nondum videtur eſſe completum in perſona ejus; non continuo  
ſequitur eam Prophetiam inaniter accommodari Chriſto: ſed contrà  
ex eo quòd multa jam in eo completa ſunt, completæque cernimus,  
omnino conſicitur illud quod volumus, Chriſtum eam ipſam Perſonam  
eſſe de qua prophetabat David, & omnia ſuo ordine in ipſo comple-  
tum iri. Poſt applicationem præcedentis loci, ſequitur explicatio &  
confirmatio



confirmatio illius : in qua 1. Dei Patris recordatio de eo atq; inspectio, 2. personæ conditio officiorumque ejus exponitur. Ac primum quidem expositio generatim proponitur in vers. 10. deinde verò duo illi loci ordine confirmantur; de persona & officio regali Jesu Christi reliquis. Expositio autem hæc, non solum ad eum locum respicit cujus prolata est modò autoritas; verum etiam ad propositionem illam autoritate confirmatam, Quòd Deus non Angelis mundum illum futurum, sed homini subjecerit. Utrumque igitur, propositionem inquam & confirmationem ab autoritate scripturæ exponit Apostolus, summa argumentatione a natura Dei, in hunc modum : Quicquid Deus agit in explicanda justitia & misericordia sua, agit sapientissimè & ex decore: Deus autem ad explicandam justitiam & misericordiam suam per afflictiones eum hominem consecravit, cui mundum futurum subjecit, atque adeò omnia sub pedibus ejus : Hoc igitur decuit Deum, ut filium suum paulisper inferiorem Angelis faceret, & ad mortem traderet, antequàm omnia sub pedibus ipsius subjiceret. Sensus igitur est, per verum hominem principium salutis humanæ & gloriam, quæ salutis est complementum, fuisse humano generi comparandam, & quidem comparandam per passionibus: neque decuisse Deum ut salus & gloria homini aliter conciliaretur. Itaque partes hujus expositionis sunt duæ: quarum una subiectum est (ut vocant) nempe Filium Dei verum hominem, principem salutis nostræ multos filios in gloriam adducentem, per afflictiones a Deo Patre consecratum esse: altera prædicatum est, decuisse Patrem, propter quem sunt hæc omnia, & per quæ sunt hæc omnia, ut filium daret, corpus aptaret ei, & consecraret eum per passionibus. Tria igitur distinctè de Filio Dei, verò Deo veròque homine in unitate personæ, proponuntur. Primum, quòd princeps vel caput est & autor salutis nostræ: secundum, quòd ejusdem salutis consummator est, multos filios adducens ad æternam gloriam, ut infra 13, 2. Tertium modum salutis hujus conferendæ & gloriæ consummandæ hunc fuisse, quòd Pater ipsum afflictionibus consecraverit, id est, cum pœnas peccatorum nostrorū ab ipso exegerit, tum justitiam obedientiæ illius comprobaverit atque acceperit, qua iusti in ipso efficimur solo merito ipsius. De Patre verò prædicantur duo: unum, ipsum esse causam efficientem & finalem rerum istarum omnium, id est, ab ipso, ut fonte, profluere; & ad ipsum, tamquam summum bonum, referri atque confluere: secundum, quòd ipsum decuerit hujusmodi dispositio & œconomia ad procurationem salutis nostræ. Id autem non est temerè prætereundum, quòd etsi potuit Apostolus dicere, justum fuisse aut necessarium, ut hæc a Deo Patre sic procurarentur, tamen prætulit verbum *opimus*, quod est decere; ut ostendat Dei majestatem, quæ omnibus modis omnia potest, sic tamen omnia instituisse ad œconomiam salutis nostræ, ut in satisfactione justitiæ suæ, misericordiæ suæ communicatione, potentiæ operatione, sapientiæque declaratione perfectissimè ejus rationem quod decet habuerit: quemadmodum certè eum qui summè justus, misericors, potens & sapiens est, omnino sequitur nihil secus gerere quàm convenit, & decet justitiam, misericordiam, potentiam, & sapientiam suam. Atque in hanc sententiam interpretamur illa verba Christi ad Iohannem Baptistam : *Ita enim decet nos implere omnem justitiam*. Hactenus generalis illa propositionis antecedentis explicatio. Sequitur particularis: in qua personæ descriptio duplex

duplex proponitur : una est a natura ipsius, altera ab officiis quæ præstitit participata natura nostra, dum in forma servi ambulavit, & adhuc gratosè præstat. A natura, descriptio his verbis continetur ; Et qui sanctificat & qui sanctificantur ex uno sunt omnes, &c. Ab officiis describitur sequentibus. Ad utrumque autem hunc sermonem transit Apostolus αἰτιολογικῶς, sumta occasione ex illis verbis proxime præcedentibus, *Principem salutis nostræ multos filios ad gloriam adducentem* Jesum Christum esse. Nam hæc verba, *omnia Christo attributa*, universè repetuntur & concluduntur ab Apostolo voce una, quum eundem nominat ἀρχηγόν, id est, Principem ejusmodi salutis nostræ, qui sua ipsius sanctitate Deum placaverit, nosque sanctificaverit Spiritu sanctitatis suæ, justificaveritque, ut in communionem gloriæ ipsius perducamur : Hujus verò sanctificantis Christi membrum oppositum secundum relationem est οἱ ἀγαζόμενοι, id est, reliqui filii Dei & membra Ecclesiæ, percipientia justitiæ & sanctitatis illius *μυστήριον* secundum imputationem, & applicationem, operationemque illius. De his igitur (ut vocant) correlativis prædicat Apostolus omnes ex uno esse : cujus membri multiplex affertur interpretatio. Nam aliis placet vocem ἰσὺς masculino genere accipere, propter consequentia verba Apostoli ; tamquam si dixeris, ex uno Patre, quem alii Adamum, alii Deum interpretantur : aliis verò illud ἰσὺς neutrum videtur esse, tamquam si dixeris, ex una re materiæque aliqua ; quam materiam postea exponit Apostolus versu 14. carnis & sanguinis appellatione. Ego verò etsi postremam hanc interpretationem probo omnium maximè : tamen existimo hanc ipsam interpretationem revocandam esse ad ritum legalis ceremoniæ, ad quam Apostolus his duobus versibus respicit, ut ejus complementum in Christo esse demonstraret : Ac proinde non repudio illam interpretationem, quod omnes ex uno, id est, ex una materia sint ; verum tamen haud scio utrum nomen *εὐαγγέλιον* tam benè huic loco aptari possit, quo Apostolus utitur Rom. 11. 16. Nam de hoc ritu sic loquitur Apostolus, ut massam communem statuatur unam esse Christi secundum humanitatem, & nostram omnium : ex ea massa duæ constituuntur partes, Christus primitiæ nostræ sive ἀπαρχαί, ad quas respiciens Apostolus Christum ἀρχὴν τῆς σωτηρίας appellavit ; & multi fratres ad gloriam adducendi sanctificatione ejus. Ex his ergò concludit Apostolus : Communis est analogia inter typum & veritatem ipsius : Typica autem massa una ex lege fuit, sanctificantis & sanctificati panis : Sic ergò in veritate & qui sanctificat, & qui sanctificantur ex uno sunt omnes, id est, ex una massa & secundum naturam minimè differente. Hujus verò communis naturæ nostræ, quam sermo Dei assumpsit in unitatem personæ, confirmationem Apostolus ad explicanda ejus officia transiturus profert ex ipsa Jesu Christi prophetia, qui omnibus modis illam *ἰσότητα* suæ naturæ cum nostra professus est, & nomine, & actionibus ad naturam hanc nostram pertinentibus. Nomine, & τῆς ἀδελφότητος sive fraternitatis, quum inquit Apostolus, *quam ob causam non erubescit fratres ipsos vocare* : Actionibus verò, & functionibus, quia omnes partes veri Prophetæ & Apostoli confessionis nostræ recepit in se, ut mox certis Scripturæ testimoniis confirmatur. Sic artificiosissimè transit Apostolus ad alterum particularis explicationis caput, de officiis Christi eorumque effectis, secundum Davidis prophetiam. Et primùm quidem agit de prophetia, duobus vers. tum de regno, duobus alteris ;

alteris; postremò autem de sacerdotio, ad finem usq; capitis. Sunt autem prophetiæ illius partes ordine tres ab Apostolo expositæ: Prima est functio ipsius erga fratres, & apud fratres suos: secunda interna cõstitutio ejus, nimirum certa *πρωϊοντι*: & confidentia in Deo, de universa administratione ipsius conquiescens. Postrema est grata *παρασηντι*, qua se & suos in ipso sanctificatos sistit docendos coram Deo, prout vocavit eos Prophetia ad participationem salutis gloriæque suæ. Atque hæc singula singulis Scripturæ locis ab Apostolo confirmantur. Ac de primo quidem Scripturæ loco non potest facilè oriri dubitatio; cum ex eo psalmo adducatur, qui propriè simplicitérque de persona, officiis, perpeffionibus, gloriæque Domini nostri Jesu Christi a Davide fuit exaratus, & quem propterea prisca Judæorum Ecclesia ante universum Ministerium sacrum in Domo Dei solebat decantare; ut veritatem totius cultus Legitimi in Christo exhibendam esse, & se ad Christum tamquam legalium umbrarum corpus respicere, singulis diebus Ecclesia proficeretur; quemadmodum in Matthæum Paralelo 49. indicavimus. De secundo verò ambigi apud interpretes solet quàmplurimum: propterea quòd alii Psalmum illum Davidi propriè; alii verò aliter tribuendum esse arbitrantur. Sed quia de hujus quoque Psalmi 18. propria & germana intelligentia jam antè in Epistolam ad Romanos lib. 2. Paralelo 27. sententiam nostram exposuimus, certisque (ut confidimus) argumentis Psalmum illum prædicari de Christo ostendimus; supervacaneum fore existimamus, si idem in hunc locum inculcemus, quod in illo, ad hujus & illius quoque loci intelligentiam attulimus. Et si hic quæstio una ab imperitis moveri potest: nempe, quomodo Christus, qui Deus verus est cum Patre & Spiritu sancto, dicatur fretus esse Patre, fiduciamque suam in eo collocare? Sed facilis ad objectionem hanc responsio futura est, si quis animadverterit non hanc solum cultus divini partem, sed totum cultum Patri a Filio fuisse exhibitum: ac proinde (ut Cyrilli utamur verbis) eundem fuisse adorantem, qui adoratur; eundem glorificantem, qui conglorificatur; eundem orantem, qui oratur ab Ecclesia ipsius: atque hæc fecisse Christum non secundum eam naturam simpliciter quæ Deus est, sed secundum personam, quæ Redemptor est Ecclesiæ suæ, & intercedit pro nobis apud Patrem: maxime verò secundum naturam humanam, secundum quam in mediis suis perpeffionibus, quum seipsum Deo & Patri offerret in sacrificium *ιλαστικόν* pro nobis inclamavit Patrem, dicens; *Pater, si fieri potest, transeat a me calix iste*: & rursus; *Deus mi, quare dereliquisti me*? Restat locus tertius, cujus interpretationem variis modis tradiderunt Interpretes, & multiplice interpretatione insignem illam Esaiæ prophetiam gravissimis tenebris & obscuritate obruerunt: nos verò (bona omnium venia) sententiam nostram, quàm simplicissimè possumus, afferemus. Primum igitur ponendum illud est quod antè Paralelo 57. libri primi confirmavimus; nempe, quicquid in capite 8. Esaiæ inde a promissione 10. versus continetur, id totum de Immanuèle, id est, Christo redemptore nostro accipi oportere: quemadmodum etiam totius fermè sequentis capitis flagitat consequutio. Id autem ut singuli commodiùs intelligant; videndum nobis est, qua ratione ea omnia quæ in reliquo 8. capite Esaiæ proponuntur, cum illis antecedentibus cohareant, de quibus antè in Lucam diximus. Postquàm igitur Prophetæ illis afflictionibus, quas in principio capitis prænunciaverat,



verat, quasi medicinam fecit, adjectis Electorum causa magnificentissimis promissionibus salutis Dei in Christo & per Christum obventuræ, si modò desistentes a sua trepidatione Deum sanctificent, & fide amplectantur promissiones ejus de sanctificatione sua & salute a Deo consequenda: Propheta singulare mandatum sibi a Deo fuisse datum quasi ex abrupto narrat, ut quandoquidem non solum Rex ipse, capite 7. illius Prophetiæ, verum etiam populus, capite 8. eludit promissiones Dei salutare infidelitate sua: ut igitur liget contestationem, & doctrinam consignet inter discipulos suos, ut ea ab ipsis cognita colatur religiosè; popularibus verò obrecta maneat, ne ludificari pergant, versu 16. Hoc autem mandato ita se percussum fuisse Propheta narrat, videns abscondisse Deum faciem suam a domo Jacobi, ut attonitus hæserit, & observare statuerit si qua fortè spes lucis & gratiæ a Deo emicatura esset, versu 17. Tùm autem ipsi expectanti & erecto capite observanti respondisse Jehovah: *Ecce ego & nati, quos dedi mihi Jehova*, &c. Respondens autem Jehova est Christus, cui patros dedit Jehova, id est, Deus Pater; quos in numerum filiorum Dei & communionem gratiæ & hæreditatis æternæ adoptaret. Non sum nescius aliter explicari locum; sed tamen confido fore, ut si quis & summam capituli, & narrationis seriem, & genus argumentationis observaverit rem ita se habere deprehendat, ut modò exposuimus. Ac de summa quidem & narrationis serie diximus satis in præcedentibus: Argumentationem verò, etsi non magnoperè ad institutam Apostoli quæstionem facit, paucis demonstrabimus. Attonitus Propheta ad Jehovah respiciebat; eum itaque graviter affectum Deus hac argumentatione erigit: Non est discipulus supra Magistrum, nec servus supra Dominum suum: Tu autem servus Dei & discipulus es: Quamobrem igitur meliore conditione quàm Magister & Dominus tuus futurus esses? Ecce ego, inquit Christus, & quoscumque Deus mihi dedit redimendos & adoptandos, in gloriam filiorum Dei; nonne sumus tamquam signa & ostenta in oculis tuorum popularium? Esto igitur bono animo, & quam injuriam a Magistro Dominoque tuo perferri vides, eandem subire ne dubita, fretus vocatione tua, & virtute vocantis præsentisque Dei. Optimè ergò hic locus de Christo accipitur, auctore Apostolo, & sanctissimè adhibetur ad confirmationem sermonis instituti, & circumscriptionem officiorum Christi, quæ ipsi mandavit Pater ad salutem nostram.

14 Quandoquidem igitur pueri illi fuerunt participes carnis & sanguinis, ipse quoque consimiliter particeps fuit eorumdem, ut per mortem aboleret eum qui mortis imperium habet, hoc est, Diabolum:

15 Et hos abalienaret ab eo, quotquot metu mortis per omnem vitam obnoxii erant servituti.

16 Non enim videlicet angelos assumpturus fuit, sed semen assumpturus fuit Abraham.

17 Unde debuit per omnia fratribus similis fieri, ut misericors esset & fidelis Pontifex, in iis quæ apud Deum *geri oportuit* ad expiandum peccata populi.

18 Quòd enim ipse perpeffus est quum tentaretur, eo potest iis qui tentantur succurrere.

Cum

**C**um a descriptione personæ Christi secundam naturam humanam ipsius, Apostolus per occasionem ad officii Prophetici ejus mentionem commodè transivisset; ut ab officii illius extequutione demonstraret eum ipsum hominem esse, quem Patres multis antè seculis pronuntiaverat: nunc eadem planè arte ad reliqua duo Christi officia transit Apostolus, quæ in natura ipsius humana geri oportuisse, & revera fuisse gesta a persona Christi demonstrat paucis. Ars autem *μυστικὴ*, quam una voce modò perstrinximus, in eo posita est, quòd ex proximè præcedente Esaiæ loco materiam transitionis arripit, dicens: *Quandoquidem pueri illi, quorum Christus Propheta noster apud Esaiam meminit, participes fuerunt carnis & sanguinis, id est, ex humana natura constiterunt, ipse quoque consimiliter particeps eorumdem factus est;* tamquam si diceret: Quemadmodum Prophetam Christum inter homines de numero hominum esse oportuit, ita etiam Regem: primùm, quia hoc decuit sapientiam Dei Patris, ut suprà 10. versu dictum est: deinde, quia non alia ratione, nisi per passionibus & morte, mediator Dei & hominum, in regiam suam potestatem exercendam venire potuit: non fuisset autem moriturus, & quidem pro pueris illis moriturus, nisi natura humana cum illis communicavisset. Hujus porrò Regiæ majestatis, quam Christus in humana natura sua per mortem explicavit, fines sive effecta ponuntur duo: unus, contra potestates salutis nostræ adversantes, quum inquit Apostolus, *ut per mortem aboleret eum qui mortis imperium habet, id est, Diabolum*: alter pro Electis filiis ad salutem adducendis, quum ait: *ut hos ipsos filios abalienaret a dominatu & tyrannide illius, nempe quicumque metu mortis per omnem vitam obnoxii erant servituti, id est, qui in misera servitute versantes eam perhorrescebant, & mortem peccato suo denunciatam metuentes convertebant sese ad regnum salutare Christi.* Arque hæc de regno illius. Sequitur tertius locus explicationis de sacerdotio; ad ejus propositionem transit Apostolus per Epanalepsin illius ipsius sententiæ, quam antè dixerat versu 5. & quam hæcenus confirmavit a descriptione personæ & reliquorū officiorum ejus. Dicit enim Apostolus, *non Angelos videlicet assumpturus fuit, sed semen Abraham fuit assumpturus.* Hunc autem versum in hunc modum interpretari malo; quia melius respondet instituto Apostoli (ut mihi quidem videtur) & transitio hæc plus autoritatis habet, posito hoc explicationis genere: quemadmodum videmus in antecedentium officiorum aditu Apostolum viam stravisse sibi de industria ex certo aliquo Scripturæ loco. Nec ostat quòd præsens illud verbum, *ἐπιλαμβάνων*, diverso modo reddimus dicentes *fuit assumpturus*. Nam eo tempore, in eo ipso significationis modo, nec alio fermè ullo tempore Scriptura utitur. Est enim *ἐπιλαμβάνων* breviter dictum, pro eo quod est *μίλλει ἐπιλαμβάνων*: quemadmodum Matth. secundo Herodes dicitur percontatus esse a sacerdotibus *ποῦ ὁ Χριστὸς γινῆται*, id est, ubi Christus nasciturus esset: & Lucæ primo dicebat Maria Angelo, quomodo erit illud, *ἰσὺ ἀνδρὸς οὐ γινώσκων*. i. Siquidem virum non sum cognitura: Hæc igitur est sententia Apostoli, totam Scripturam id testari passim quod antè dixit Apostolus, Christum non fuisse assumpturum Angelos, id est, naturā Angelorum; sed semen Abraham, id est, naturam nostram ex semine Abraham secundum promissiones Dei: ex quibus promissionibus & Scripturæ testimoniis oportuit Christum per omnia

*hanc partem regij of-  
ficii Chri pmoq in  
mij locis pñat.*

*fratribus similem fieri, etiam causa illius sacerdotii, ad quod obeundum a Patre missus est. Hujus autem sacerdotii fines, sive effecta duo similiter constituuntur. Nam postquam sacerdotis officium generatim his verbis expressum fuit, ut misericors sit & fidelis Pontifex, fines duo illius adscribuntur. Prior quidem, ut in iis qua apud Deum geri oportuit misericordiam & fidem suam interponeret ad expiandum peccata populi sacrificio suo. Posterior verò, ut in iis qua apud nos, adeoque erga nos gerenda sunt, nobis quoque possit succurrere, qui tentationibus innumeris infesti sumus; quemadmodum ipse tentationibus & perpeffionibus suis ad eam rem fuit comparatus: prout capite 4. & 5. amplius exponitur.*

## CAPUT TERTIUM.

1 Proinde, fratres sancti vocationis supercaelestis participes, considerate Apostolum & Pontificem illum professionis nostrae Christum Jesum esse.

2 Qui fidelis est ei qui *Apostolum & pontificem* fecit ipsum, ut & Moses in tota domo ipsius.

3 Nam tanto ampliore gloria hic præ Mose dignus est habitus, quanto majorem honorem habet domo is qui construxit eam.

4 Omnis enim domus construitur ab aliquo: qui verò construxit hæc omnia, Deus est.

5 Ac Moses quidem fidelis fuit in tota domo illius, ut famulus, ad testimonium perhibendum eorum quæ fuerunt dicenda.

6 Christus verò, ut filius, præest domui suæ, cujus domus nos sumus: siquidem fiduciam illam & gloriationem fidei firmam ad finem usque retinnerimus.

**D**iximus antè eam propositionem, quam in ipso vestibulo hujus Epistolæ statuit noster Apostolus, per partes explicari, hoc modo; ut primùm quidem regia personæ dignitas secundum utramque naturam asseratur, capite primo & secundo: Deinde verò officia illius cetera exponantur, sequentibus. Expodata itaque regali præstantia personæ, & hac velut basi quadam totius argumenti, quod tractaturus est, constituta; tum secundum naturam divinam capite 1. tum verò secundum humanam capite proximo; transit Apostolus ad officiorum aliorum quorum causa hæc scriptio instituta est, enarrationem. Hujus autem enarrationis duo sunt loci. Prior est de officiis Prophetæ & Sacerdotis, a Deo Patre imperatis personæ Christi, atque ab ipso susceptis & præstitis ad salutem nostram, ad versum usque 29. capituli decimi. Posterior est de officio nostro, id est, credentium omnium, ex quo officia a Christo præstita sunt, & nos beneficia ab eo percipimus, secundum gratiam & veritatem officiorum ejus, inde ad versum usque 20. capituli ultimi; ubi conclusio est Epistolæ. Officiorum autem Christi quæ deinceps exponit Apostolus, sunt quidem tria genera; nempe quòd unus & idem Christus Prophetæ, Sacerdos, & Rex noster est: quemadmodum etiam in hac *metaphorâ* per Apostolum proponuntur: Sed quia non ita laborandū esse de explicatione regni Christi putavit Apostolus ut de Prophetia & Sacerdotio; & ab ejus præterea demonstratione fundamenta jacta sunt reliquæ Epistolæ: propterea summam quidem



quidem trium officiorum in hac *mutacōe* meminisse; sed postea de-  
 mum commorationem instituit in duorum enarratione; puta Prophe-  
 tiae illius, cap. 3. & 4. & sacerdotii, sequentibus. Et si huic posteriori loco  
 quaedam aspersit de regno illius, prout ad institutum visum est perti-  
 nere. Ad hanc officiorum Christi explicationem transiōne utitur  
 Apostolus, per hortationem *οὐρανίου*, tamquam ex anteceden-  
 tibus concludens in hunc modum: Quibus frater a Deo datus est Pro-  
 pheta, Rex, & Sacerdos, sanctificationis author, cælestemque vocatio-  
 nem communicans; eos par est ac religiosum ad suum illum fratrem  
 attendere. Ejusmodi autem frater est vobis, ut modò ostendimus;  
 cujus vos fratres estis sancti, cælestique vocationis participes: Consi-  
 derate igitur, &c. Hujus transiōnis documenta sunt in his verbis: *Pro-*  
*inde, fratres sancti vocationis cælestis participes.* Propositio verò sequenti-  
 bus verbis continetur: Primum quidem generalis, cum *ἐπαγγελία* live ex-  
 ornatione ipsius, ad versum usque 6. deinde verò particularis, sequenti-  
 bus. Propositionis autem argumentum est, duobus versibus; Exornatio,  
 quatuor sequentibus. Deinde verò partes propositionis illius ordine  
 explicantur: Prophetia, inde a vers. 7. ad finem usque capitis sequen-  
 tis; deinde suo ordine sacerdotium. Propositionis autem verbis, quibus  
 hortatur Apostolus ut aciem mentis nostræ in Christum Jesum defiga-  
 mus, membra hæc duo apertè proponuntur singulis vocibus; quum  
 Christus primum quidem *Apostolus*, id est, nuncius cælestis illius voca-  
 tionis a Patre missus; deinde verò *Pontifex*, id est, sacerdos summus  
 professionis nostræ, vel illius fidei & doctrinæ quam profiteamur, appel-  
 latur. Quia verò in omni functione requiritur fides, neque satis est vo-  
 catione instructum esse, nisi fides ad vocationem præstandam accesserit,  
 live (ut homonymiam vitemus) fidelitas in executione ejus: prop-  
 terea à Apostolo propositionem suam auxit singulari illa determinatio-  
 ne, quòd Christus fidelis est in functione sibi imperata; fidelis, inquam,  
 cum in referendo docendoque, ut Propheta noster, tum in faciendo &  
 præstando, ut Sacerdos noster; & quidem fidelis, non solum nobis, quos  
 instituit in sancta illa professione nostra, & qui domus ipsius sumus, sed  
 ei maxime qui constituit ipsum, id est, Deo & Patri. Atque hanc fidelita-  
 tem illustrat simili per comparationem Moysi, quum inquit *fidelis, ut &*  
*Moses fuit.* Sed quia simile istud ab imperitis hominibus facile deflecti  
 poterat *οὗτος ὁ ἰσχυρὸς*, id est, sic exponi locus, tamquam si non solum qua-  
 litas administrationis, sed etiam quantitas fidelitatis hujus cum fideli-  
 tate illius compararetur, denique per omnia Moses adæquaretur Chri-  
 sto: propterea à occurrit Apostolus in exornatione sequente, & docet  
 fuisse quidem utrumque fidelem; sed tamen plurimum interesse inter  
 hujus & illius administrationem, duobus nominibus primum, quia opi-  
 fex præstat operi, vers. 3. & 4. secundò, quia Dominus & heres antecellit  
 domui, vers. 5. & 6. Prioris comparationis hæc forma est: Opifex ma-  
 jorem habet honorem, quàm domus ipsa, ac proinde multo majorem,  
 quàm aliqua domus particula, ut fuit Moyses. Christus autem est opifex,  
 & Moyses operis particula. Christus ergo ampliore gloria quàm ille dig-  
 nus est. Assumptionem, quia hæc controversi poterat, hic autor stabilie  
 vers. 4. quum ex propositione generali, signo universalis conjuncta, con-  
 eludit particularem: Omnis domus, inquit, construitur ab aliquo: Ec-  
 clesia est domus Dei: Constructa igitur. Sed cum Ecclesia sit præstan-  
 tissimum eorum omnium quæ sunt, ædificium, addit Apostolus: Domus,

## PARALLELORUM

inquit, Dei viventis a nullo homine construi potest: A Deo igitur constructa est: Construxit autem Christus; Deus est igitur: quemadmodum primo capite demonstratum fuit luculentissimè. Alter exornationis locus versu 5. & 6. in hunc modum se habet; Amphore gloria digna est fides ejus qui filius est & heres domus, quam ejus qui famulus est. Moyses fuit famulus in tota domo ipsius, & quidem ad testimonium eorum quæ Deus populo erat indicaturus Lege. (Nam ad complementum Moyses nihil poterat, versu 5.) Christus verò filius est, heres totius domus, & omnia in omnibus implens. Hujus ergo fides quam illius gloriofior. Quamobrem Corollarii vice, huic utrique argumentationi subicit Apostolus brevem explicationem dicti sui allegorici, quum inquit, *Cujus domus sumus nos*, nimirum cuncti: nam singulos si spectes, singuli sumus lapides vivi illius domus. Et huic explicationi conditio una adijcitur, non ut in dubium vocetur illius fides, *cujus domus sumus*; Sed ut infirmæ mentes nostræ ad officium amplius excitentur, quum ait: *Siquidem fiduciam & gloriationem spei ad finem usque firmam tenuerimus*, quasi dicat, Quibus modis Christo compingimur, iisdem continemur: Compingimur autem fide & spe: ergo iisdem continemur: ac proinde operam navemus necesse est, ut eam fidem quam habemus in Deum eamque spei Christianæ gloriationem quam coram Angelis & hominibus testatam facimus, ad finem usque firmam conservemus: a Domino & herede domus nihil planè nobis defuturum est, modò ne nobis desimus ipsi.

Psal. 95.

7 Hodie si vocem ejus audieritis;

8 Ne obduretis cor vestrum, ut in conensatione, ne de tentationis in deserto.

9 Ubi tentaverunt me majores vestri, probaverunt me, etiam experti sunt opus meum.

10 Quadraginta annis fastidio habui generationem illam, & duxi; Populus sunt errabundi animo, & sunt ignorantes viarum mearum:

11 Quibus juraui in ira mea, si ingressuri sunt in requiem meam.

7 Quapropter, sicut dicit Spiritus ille sanctus, Hodie si vocem ejus audieritis,

8 Ne obdurate corda vestra sicut in exacerbatione, secundum diem tentationis illius in deserto.

9 Ubi tentaverunt me Patres vestri, probaverunt me, & viderunt opera mea quadraginta annis.

10 Quapropter offendi ad nationem istam, & dixi; Semper errant corde; isti verò non noverunt vias meas.

11 Itaque juraui in ira mea, si ingressuri sunt in requiem meam.

**A**Ntecedentis illius Propositionis sive Prolepsos, quam Apostolus instituit supra versu primo, de reliquis duobus officiis, nimirum Prophetia & sacerdotio, singularis deinceps sequitur explicatio; primum quidem Prophetiæ duobus capitibus, deinde verò sacerdotii. Prophetiæ autem expositio duobus modis ab Apostolo facta est: Primum ex autoritate & Scripturæ loco, quem in Parallelo diagrammate modò posuimus; deinde verò illius autoritatis accurata & luculenta declaratione. Gravissimè autem ex antecedentibus inferens Apostolus Prophetiam Christi agnoscendam & colendam esse, conjunctione utitur causali: *Idèò*. Nam ex iis quæ paulò antè fuerunt de Christo

Christo posita, sic argumentatur author: Quo quis plus auctoritatis, fidei, & veritatis habet, eò studiosius audire vocem illius necesse est; Ita autem est Christus, sive cum Mose, sive cum alio ullo homine & administro Dei compareretur. Huic vero argumentationi, quæ cum naturæ luce conjuncta est, gravissimè adjungitur auctoritatis sequentis commendatio a Spiritu sancto, quum inquit Apostolus, *sicut dicit Spiritus ille sanctus*; ille videlicet qui a Patre & Filio missus est, mentisque sanctorum Prophetarum & hominum Dei informavit & informat in omni veritate; quemadmodum inquit Petrus, illos olim Spiritu Dei actos prophetasse. Auctoritatis verò, quam hoc loco adducit Apostolus, partes duæ sunt; Prima est interdictum; Secunda exemplum. E quibus interdictum brevius quidem proponitur; sed tamen si rei veritatem spectes, totidem membra tacite comprehendit, quot habentur expressa in narratione exempli, quo David ad hoc argumentum usus est. Poterat quidem Apostolus alterius alienius loci auctoritatem adhibere, cujusmodi est illa Mosis Deuter. 18. quam aliquoties in Actis a Petro & Paulo adduci meminimus: Sed de industria alterum locum adhibuit Apostolus; tum quia plus habet evidentiae, per comparationem exempli a Mose narrati: tum verò quia singulares quædam hoc in loco sunt circumstantiæ, quæ Mosis locum illustrant, & ad propositam argumentationem faciunt plurimum. Interdictum autem his verbis continetur: *Hodie quum vocem ejus audieritis, ne obdurate corda vestra*: Exemplum, sequentibus. Summa igitur interdicti est, Prophetiæ Christi non esse obistendum; quæ Prophetia vox Christi appellatur. Exprimuntur verò circumstantiæ duæ; una temporis, altera modi: quas circumstantias postea sigillatim expendit Apostolus diligentissimè. Atque hæc quidem disertis verbis expressa sunt: tacite verò reliquæ partes continentur, quæ ex analogia interdicti ipsius, & sequentis exempli, quilibet potest perdiscere. Nam ex analogia interdicti omnino sequitur imperari a Deo contrarium bonum: Ex analogia verò exempli, quæ partes tenendæ sint, docet ipsa exempli narratio, qua Prophetia usus est quàm fidelissimè. Totum autem exemplum, ab historia majorum in deserto versantium, ex libris Mosis desumptum est. Nam eorum administratio, tantisper dum in deserto fuerunt, duobus modis a Propheta descripta est: nempe ab effectu, quòd pura puta fuit exacerbatio, qua Spiritus Dei exacerbatus est; & ab efficiente causa, quòd totum illud tempus peregrinationis fuit tamquam dies quidam indefinientis tentationis, qua tentantes illi Dominum, exacerbaverunt Spiritum illius. Hæ autem duæ partes singulis vocibus propositæ, sequentibus verbis minuatim explicantur *Usteget vestregy ecegid*. Nam tentatio quidem versu 9. exacerbatio verò vers. 10. & 11. exponitur. Tentationis genus primis verbis illis comprehenditur: *Ubi tentaverunt me Patres vestri*: explicatur verò altero illo verbo, *probaverunt me*; amplificatur denique tentationis indignitas, sequentibus; quum Spiritus sanctus dicit, & *viderunt*, id est, etiam eo ipso tempore quo videbant expositaque in oculis suis habebant opera mea, nempe toto illorum 40. annorum curriculo, quo in deserto vixerunt. Exacerbationis autem membra ponuntur duo: Nam primum narratur indignatio Dei, conjuncta indignationis causa, vers. 10. deinde sententia ex indignatione 11. His autem partibus exempli, similiter ostenduntur partes ad interdictum præcedens adhibendæ; nempe reos tentationis in Deum esse, qui

audita



audira voce Christi corda sua obduraverint: deinde verò exacerbati & infensum Deum experturos: quæ omnia noluit Propheta exprimere; sed satis esse putavit, quòd post interdictum pronunciatum, ab exemplo majorum, has singulas partes quasi digito monstravisset obfirmatis hominibus superventuras. Hic verò duplex quaestio oritur: prior de hujus loci applicatione, posterior de mutationibus. Applicationem illius loci ad Regnum Christi & prædicationem Evangelii, esse ex germana illius Psalmi intelligentia, duobus argumentis confirmari potest; nempe a Natura & constitutione totius illius Psalmi singularemque partem, quæ in eo sunt: & a luculentissima declaratione, quam reliquo hoc & sequente capite tradit Apostolus. Alioqui ludicra foret tota illa declaratio, & Hebraeis materiam magis præbuisset illudendi quàm credendi Evangelio Christi. Quæ res quia postea exponenda est, ab ea hoc quidem loco supersedebimus. De mutationibus quod assertur, non est tanti, ut pias mentes dimovere possit a fide & religione Scripturæ sacræ. Nam quanti est illud, obsecro, quòd singulare per plurale exponitur: quòd contentio redditur exacerbatio, his nomine: & quòd exemplum illud majorum, non de singulari aliqua tentatione solum accipitur ab Apostolo; sed de tota Majorum administratione in deserto: Hæc enim profectò iusta fuit Davidis sententia. Deinde ut demus non fuisse, tamen idem hoc loco ad amplificationem diceretur quod Amos cap. 5. Israëlitis exprobravit, & Stephanus Act. 7. Gravius illud videtur esse, quòd has voces, *quadraginta annis*, quæ de exacerbatione a Propheta dicuntur, Apostolus aptavit versui præcedenti, & retulit ad tentationis probationisq; tempus. Quæ in re Apostolus non mutavit sensum, sed interpretatus est. Nam quibus annis tentaverunt Deum, iisdem exacerbaverunt. Tentaverunt autem illis 40. annis: Ergo & illis exacerbaverunt: Et e contrario: Non enim fieri potuit, quin tentantes exacerbarent Deum, & Deus a tentantibus exacerbaretur: quæ omnia planè sunt inter se *ἀντιστοιχία*. In eo tantum discrimen est, quòd ita vilum est Spiritui sancto circumstantiam illam temporis in hac Epistola à versu uno ad alterum trajicere, ut evidentior fieret loci illius accommodatio, cujus materiam solum Spiritus sanctus per Davidem eq in loco suppeditaverat.

12 Videte fratres ne quando sit in ullo vestrum cor malum infidelitatis reum, deficiendo à Deo vivo:

13 Sed exhortamini alii alios unoquoque die, tantisper dum appellatur hodiernus dies, ut non obduretur quisquam ex vobis fraude peccati.

14 Participes enim facti sumus Christi, siquidem principium hujus subsistentiæ ad finem usque firmum continuerimus;

15 Interea dum dicitur, Hodie si vocem ejus audiveritis, ne obdurate corda vestra, ut in exacerbatione.

16 Quidam enim qui audiverant, exacerbaverunt; sed non omnes qui exierant ex Aegypto per Mosem.

17 Ad quos autem offendit quadraginta annos: nonne ad eos qui peccaverunt, quorum membra ceciderunt in deserto?

18 Et quibus juravit non esse ingressuros in requiem suam, nisi iis qui fuerant immorigeri?

Proposita

**P**roposita Scripturæ autoritate accommodationem facit illius loci nunc demum Apostolus versib. 4. deinde verò declarationem adhibet illius, sequentibus. Accommodationis sive *ἀποδομιῶς*, ut Græci vocant, alterum hoc membrum esse demonstratur ex principio verius 7. ubi causalis illa particula, *ὅτι*, quasi pendente adhuc & incerto sensu accipienda est, & cum hoc versu sive accommodationis membro conjungenda: tamquam si diceret Apostolus, Quapropter, sicut dicit Spiritus ille sanctus, hodie si vocem ejus, &c. ita vos, fratres videte ne quando sit in ullo vestrum, &c. Est igitur accommodatio hæc antecedentis autoritatis, ut diximus, *ἀποδομιῶς*. Hujus autem accommodationis membra præcipua duo sunt; unum, hortationis antecedenti ex Davide hortationi respondentis, versu 12. & 13. alterum *ἐπιτολογίας* sive rationis, circumstantiam à Spiritu sancto jam olim expressam complectentis, vers. 14. & sequente. Hortationis rursus duo sunt loci: unus, *ἀποδομιῶς*, ver. 12. alter ex contrario *ἐπιτολογίας*, ver. 13. quos locos præmunire Apostolus blandæ fratrum appellatione, viamq; sternit ad sequenturam mox *ἐπιτολογίαν*. Dehortationis autem argumentum est duplex; unum, ne cuius cor sit malum: alterum, ne quis ex malitia cordis à Deo vivente deficiat. Quorum prius efficiens est posterioris causa, in iis quibus præluceat Evangelium gloriæ Christi ad odorem mortis. Quapropter etiam optimè Apostolus malitiam cordis describit adjecto *ἀπιστίας* vel infidelitatis nomine: quod peccatum illud est, de quo Spiritus sanctus mundum arguiturus à Christo dicitur Joh. 16. ac proinde peccati illius evictione iustitiam & iudicium Dei asserturus, ad exitum eorum qui à Deo vivente ad mortem voluntariam sua infidelitate transiverint. Huic verò contrarius hortationis locus similiter duobus officiis comprehenditur: quorum prius est, ut alii alios provocemus, per hortationem & consolationem verbi, ad bonitatem Christianam & veritatem quæ est in fide: posterius, ut à fraude peccati, tum ipsi nobis, tum aliis aliis caveamus, qua fraude circumventum & oppressum cor nostrum obduretur: quanto magis ut caveamus, ne quando deficiamus à Deo vivo: qui effectus est cordis mali & ruentis in voluntariam incredulitatem. Prudentissimè verò huic hortationis loco duæ circumstantiæ ex Prophetæ verbis apponuntur: tum ut unoquoque die in sanctas hortationes incumbamus, & a fraude peccati atq; obduratione caveamus: tum verò ut his officiis studeamus, tantisper dum appellatur hodiernus dies, id est, & quotidie & indefinenter invigilemus fratrum sanctificationi, & nostræ. Horum verò omnium *ἐπιτολογία* subijcitur commodissimè 14. versu, & sequente: nempe quòd participes facti sumus Christi, & unum cum ipso. Sic enim argumentatur author à proprio. Proprium est Christi, ut consortes suos avocet à corde malo atque infideli, & ab impia defectione, & sacris hortationibus verbi per Spiritum liberet à fraude peccati, & obduratione illius consecraria: Nos autem participes Christi effecti sumus; Hæc igitur propriè in nobis Christus, qui caput est & consummator fidei nostræ, effecturus est. Nam Christus sine conditione præstat suis, quæcumque opus sunt ad sanctificationem ipsorum; à nobis verò conditionem unicam desiderat, nempe ut maneamus in ipso, & circumspiciamus attendamusque nobis ab omni peccato & infidelitate: quemadmodum ipse in nobis spondet se mansurum esse. Atque hanc conditionem notat Apostolus his verbis: *siquidem principium aliis subsistentia*, puta, qua jam in ipso subsistimus,

velut participes & concorpores cum ipso effectu, *primum tenuerimus ad finem usque*, id est, prout in eo coaluimus, ita porro coalescimus, donec pervenerimus ad justam illam staturam in Christo, quæ nobis propofita est. Hujus communionis & conformationis tempus a principio ad finem usque sequente versu ex Prophetæ verbis circumscribitur, quum inquit Apostolus: *Interea dum dicitur, hodie si vocem ejus audieris, &c.* Hætenus accommodatio antecedentis loci: quam succulenta illa sequitur declaratio, ut paulò antè monuimus. Quemadmodum autem hortationis illius duas partes constituimus, ita & declarationis. Nam primum declaratur exemplum Israëlitarum, quod ex Prophetæ verbis adductum est, reliquis versibus hujus capituli: postea verò accommodatio, in 4. capite. In exemplo tria maxime notatu digna observat Apostolus: Primum, quia Deum exacerbaverint, versu 16. Secundò, in quos Deus irruerit judicio suo & justissima indignatione, versu 17. Tertiò, quæ tum præsignificatione, ad testandam misericordiam suam etiam in severissimis quibusque judiciis, versu 18. Primum quod attinet, duo sunt quæ Apostolus optimè inculcat, ut impietatem Israëlitarum, qua Deus exacerbatus est, & justitiam ejus asserat: tum quòd beneficia misericentissima operibus liberationis & prædicatione verbi salutaris à Deo acceperant, quibus par fuerat vel còtumacissimos animos frangi & respiscere: tum quòd sapientissimè & misericorditer disparavit Deus eos qui offensionibus suis ipsum exacerbaverant, ab iis qui sibi caverant ab offensione ipsius, & sanctificationi suæ ipsorum studuerant. Nam in illis beneficia communiter oblata quidem fuerant, sed turpiter repudiata: his verò percepta per fidem profuerant. Secundus locus, in quos Deus irruerit justo judicio suo, gravissimè exponitur duobus documentis; nempe tum ab actionibus illorum, quòd illi fuerunt peccatores, dederuntque operam impietati & injustitiæ: tum verò ab eorumdem perpeffionibus, quarum author fuit Deus justus judex, quando dicuntur ipsorum membra in deserto cecidisse, id est, aut singuli membratim invadente morte periisse, aut populus membratim, id est, per partes variis temporibus judiciisque, exardescente ira Dei in ipsos, occubuisse. Tertius denique locus, de præsignificatione judiciorum quæ peccatoribus superventura erant a Domino, ostenditur ab Apostolo duobus modis: tum quòd peccatoribus incredulis & immorigeris suum illud judicium prænunciavit Dominus: tum verò quòd prænuntiationis illius sermonem juramento confirmavit, ut videre est Num. 14. quibus in rebus fieri non poterat ut mentiretur Deus: Ac propterea certissimè debebant immorigeri timorem serium mentibus suis percipere, ut è diverso pii validam consolationem; quemadmodum noster hic Apostolus cap. 6. loquitur. Ceterum versus quidem unus præterea huic capiti in libris vulgatis adjicitur ex antiqua illa & usitata distinctione capitum, qui numero habetur 19. sed mihi propius ad ejus constitutionem & conequationem attendenti videtur probabilius esse ac convenientius, ut versus ille 19. (quemadmodum habetur vulgò) cum principio sequentis capituli conjugetur, ut cui omnino convenit argumento & consequutione sua.

## CAPUT QUARTUM.

- 1 Et videmus hos non potuisse ingredi propter incredulitatem.
- 2 Metuamus igitur, ne quando derelicta promissione ingrediendi in



in requiem illius, videatur aliquis ex vobis fuisse frustratus.

3 Et enim Evangelizatum est nobis, sicut & illis; sed non profuit illis hic sermo auditus, ut qui non fuerit contemperatus fide iis qui audiverant.

4 (Nos verò ingredimur in requiem, nempe qui credidimus) sicut dixit: Itaque iuravi in ira mea, si ingressuri sunt in requiem meam: licet operibus illis confectis ex quo jacta sunt fundamenta mundi.

5 Nam ita dixit alicubi de die septimo.

Gen. 2.

2 Et requievit Deus die septimo ab omni opere suo quod fecerat.

Et requievit Deus die septimo ab omnibus operibus suis.

6 Et hic rursum: si ingredientur in requiem meam.

7 Quandoquidem ergò relinquitur aliquos in eam ingressuros esse; ii verò quibus antè evangelizatum est, non introierunt propter incredulitatem:

8 Rursum quemdam præfinit diem, *Hodie*, apud Davidem dicens, tanto post tempore (prout dictum est) Hodie si vocem ejus audieritis, ne obdurate corda vestra.

9 Nam si eos Jesus in requie collocasset, nequaquam de alio postea die loquutus fuisset.

10 Itaque reliquus est aliquis sabbathismus populo Dei.

11 Nam qui ingressus est in requiem ipsius, requievit & ipse ab operibus suis, quemadmodum a suis Deus.

**I**nstitutæ accommodationis ex Davidis Prophetæ verbis declarationem fieri ab Apostolo antè docuimus, ejusque declarationis duas esse partes; quarum priorem, quæ est de præcorum Israëlitarum exemplo, modò perstrinximus. Sequitur deinceps posterior pars, nimirum accommodatio sive applicatio exempli ad nostra hæc tempora, quibus faciem Evangelii Christus præferri voluit. Ad hanc autem accommodationem, *ἡ ἀναλογία* est versus 1: ut res ipsa loquitur: ac propterea non dubitavimus a superiore capite eum divellere, & cum hoc conjungere. Nam in eo versu conclusio quædam summa exempli antecedentis statuitur, ut eo simili doceamur officiū nostrum, quandoquidem justitia Dei semper eadem est sibi que constans; ne si ab officio discedamus, similes pœnas subire cogamur severissimo judicio Dei. Hujus autem accommodationis membra sunt duo; prius *ἡ ἀναλογία* sive dehortationis, versu 2. & sequentibus: posterius, *ἡ ἀναλογία* sive hortationis, ut in antecedentibus diximus, & gravissimam hortationem continens, inde a versu 12. ad finem usque capituli. Prioris partis, quam in hac *ἐκτίμησις* posuimus, partes omnino duæ sunt: una dehortatio ipsa; altera, dehortationis argumentum. Dehortatio est; ne demus incredulitati locum, neve operibus incredulitatis palam faciamus nos frustra promissiones Evangelii percepisse. Quam ad rem commodissimus est ille sanctorum metus, quo sibi ipsis, suæ intelligentiæ, voluntati, viribusque omnibus diffidentes, & a seipsis maximopere metuentes, denique sibi caventes a seipsis, tamquam salutis suæ a natura hostibus, se totos credunt & committunt Domino. Quemadmodum hortatur Psalter: *Servite Jehovæ cum timore, & exultate cum tremore, id est, trepidi propter vos, læti & confidentes propter Dominum ad ipsum cœcurrite:*

Huic

Huic dehortationi tua *ειρηλογία* subnequitur, versibus sequentibus. Ostendit enim Propheta meritò nos in officio auditionis ac fidei religiosè contineri, si tum ab exemplo Israëlitarum periculù superventurum agnoscamus, nisi Evangelium sit in nobis fructuosum: tum animo præcipiamus utilitatem ad nos, si credimus, perventuram. Hujus autem beneficii oblata summa propositio continetur his paucis verbis: *Etenim nobis evangelizatum est, sicut & illis*: uterque verò eventus distinctè ponitur, sequentibus. Ac malus quidem infideles & immorigeros quibus præluxit lux Evangelii obruturus, exponitur his verbis: *At non profuit illis auditus ille Sermo, ut qui non fuit & contemperatus fide in qui audierant*: bonus verò illis, *introitus enim in requiem, nos qui credimus*: quæ verba per parenthesis si legantur, commodior futura est interpretatio. Nam confirmatio illa proximè subsequens ex verbis Davidis, ad prius membrum de incredulus immorigerisque pertinet, quum inquit Apostolus: *Non profuit illis, sicut Deus dixerat, itaq; juravi, &c.* Ceterum illud in oppositione versus 3. diligenter oportet observari, in utroque membro antitheses aliquid desiderari ad justam membrorum comparisonem: cuiusmodi *ἀναπαύειν* est in Testamento vetere, in primis autem Proverbiorum libro, frequentissimū. Sed quia in hunc modum Apostolus brevitati consultum voluit, suæq; *διόδοδος* tum ex præcedentibus, tum etiam ex ipsa *ἀνθίστατος* natura clarè sunt; non sumus in eo argumento futuri longiores. Hac declaratione posita, alterum quoque declarationis modum adhibet Apostolus, per occupationem sive anticipationem cuiusdam cavilli, quo Athei & omnes veritatis hostes poterant veritati (ut solent) illudere, nisi prudenter occurrisset. Fuerant enim dicturi fortasse nonnullis: Atqui fieri non potest, quin ii etiam quos incredulitatis reprehendis, requiem Dei pariter assequatur & fruantur ea. Nam duplex solum requies in scripturis legitur; una, inde a creatione requies sabbathi sive sabbathismus, ut postea vers. 9. appellatur; altera, requies Chanaanæ, ex quo populus Dei ministerio Josue in possessionem terræ illius missus est. Hanc cavillationem diluturus, de prior agit Apostolus ad versum usque 8. de posteriore vers. 9. Nam respectu quietis illius, qua Deus quievissè dicitur inde a jactis fundamentis mundi, respondet Apostolus, turpiter eos *παράλογίζωνται*, qui illam requiè, de qua Moses Gen. 1. loquutus est, confundunt cum ea requie, quam spectabat Propheta in eo Psalmi loco: Nam aliud esse requiem *κατά τιν*, aliud simpliciter dictam. Requiem *κατά τιν* eam esse, qua Deus quievissè in die septimo dicitur; nempe ab operibus creationis, sive a rebus novis amplius creandis & statuendis in natura rerum, vers. 4. & 5. Requiem verò simpliciter dictā eam esse, qua Deus *ἀνταπαύειν* in filio dilectionis suæ per vinculum Spiritus, & in Ecclesia illius conquieturus est per se; vicissimque Ecclesia & fideles singuli in æternum conquieturi in ipso per filium dilectionis ipsius, secundum communicationem gratiæ ipsius gloriosæ. Præterea duobus aliis modis evinci manifestissimè discrimen utriusque illius quietis; nempe, eventu, & temporis circumstantia: quæ duo Apostolus versu septimo & octavo demonstrat perspicuis verbis. Eventu quidem: Nam inquit, *illis, quibus primùm annunciatum fuit, non introituri propter incredulitatem in requiem Dei*. Atqui in hanc requiem cuius Propheta meminit, aliqui introituri sunt. Differt igitur, una ab altera; nisi quis (quod absit) Deo crimen velit mendacii impingere. A temporis verò circumstantia: Nam, inquit Apostolus, hæc posterior requies longe

longo pōſt intervallo a Davide præſinita eſt; quum dicit, *hodie*, &c. Cū itaque & prædicationis modo, & eventu, & tempore una ab altera abſit quā longiſſimē, ex ſcripturæ teſtimonio; certē non poteſt niſi ineptiſſimē requies una confundi cum altera; quam adeō diſertis verbis & ſignis neceſſariis Spiritus Dei diſterminavit in ſcripturis ſacris. Atque hæc quidem de priore illius occupationis membro. Eadem verō opera refellit Apoſtolus alterum item occupationis membrum verſu 9. quum inquit: *Nam ſi eos Jeſus in requie collocaveſſet; nequaquam de alio poſtea die loquutus fuiſſet*, id eſt, alteram eſſe hanc requiem ab ea in qua Iſraēlitæ minifterio Joſue collocati ſunt, hæc quoque poſtrema ratio quam proximē adduximus declarat evidentiſſimē. Nam dedit ſanē Joſua requiem populo Dei, eūque in ipſa collocaverit; imō verō etiam in ea ipſa requie David Rex primas obtinuerit in populo ſuo: illud pro nobis facit. Nam neceſſario ex eo ſequitur, ſi David diu poſt tempora Joſue & quidem regnans in ea requie, in quam Joſue introduxerat populares ſuos, de altera requie loquutus eſt, & eam denunciavit Eccleſiæ, dicens, *Hodie ſi vocem Chriſti audiverint, non eſſe obduranda corda*; Davidem ergō de alia requie loquutum eſſe. Ac proinde optimē concludit Apoſtolus, reliquum eſſe aliquem Sabbathiſmum ſive requiem pro populo Dei; cum neque ad priorem illam requiem, qua Deus perfectis operibus uſus eſt, neque ad poſterio-rem, qua Duce Joſue Iſraēlitæ uſi ſunt, Propheta in eo loco reſpexerit. Huic verō concluſioni commodē ſubneſcitur *ipſa* in verſ. 10. ad alteram hujus capitis partem *perſequentem*. Nam eſt certiffimis argumentis & inviſſimis Apoſtolus demonſtravit aliam eſſe ab illis requiem, de qua Propheta Eccleſiam voluit inſtituere; tamen non parum confirmationis in verſu 10. accedit huic interpretationi, quum ſuam illam prædicationem, de requie Dei in quam pii ingreſſuri ſunt, illuſtrat a complemento Prophetiæ illius in perſona Chriſti, qui tamquam Princeps & caput nobis a Patre datus jam tum ex facto in requiem Dei ingreſſus erat, quemadmodum ſuprà cap. 1. ſediſſe dicitur ad dextram Majestatis Dei in locis excelsis, & ſimilia plurima: quo ex fonte omnino profluunt ſequentium hortationum loci. Sic enim argumentatur Apoſtolus ab enumeratione partium eſſentialium & principalium myſtici illius Chriſti ſive (ut Dialectici loquuntur) a parte ad totum; ut oſtendat populo Dei aliquem ſabbathiſmum reliquum eſſe: Quō caput Eccleſiæ ingreſſum eſt, vel Princeps populi Dei, eodem Eccleſia vel populus Dei ingreſſus eſt: Eſt autem ingreſſus in requiem ipſius, & ab operibus ſuis, in quibus ſe in forma ſervi exercuit, glorioſè requieſcit; quemadmodum olim Deus in creatione quievit a ſuis operibus, ubi perfectæ ſunt. Eōdem igitur populus Dei ingreſſurus eſt, & corpus illius capiti ſuo adhæreſcens, veſtigiaq; illius ſequens, eundem ſabbathiſmum, qui reliquus jam ipſi eſt in Chriſto & per Chriſtum, exercebit. Ceterum huic interpretationi, quam adducit Apoſtolus, oblatrare Judæi poſſunt, nihil de hac futura requie a Propheta in eo Pſalmo fuiſſe traditum: Nam ſimpliciter fide hiſtorica rerum anteaſtarū exemplum aſſerri, non autem futuras prænunciari. Atque hæc cavillatio tantam ſpeciem probabilitatis habet, ut multi quoq; Interpretes mirati ſint hoc in loco fieri hujusmodi accōmodationem. Sed tamen facilis eſt obſectionis iſtius ſolutio ſi quis partim naturam juſtiſſimæ adminiſtrationis Dei, partimque loci animadverterit, Juſtiſſimæ adminiſtrationis



strationis Dei ratio semper una est & sibi constans, quemadmodum in Parallelum 6. libro 1. demonstravimus. Ex ea fide constantiâque justitiæ Dei, David in hunc modum argumentatus est: Ut Israëlitas audientes olim vocem Dei non oportuit obdurare corda sua, aut obduratos iram Dei & maledictionem suscipere; sic etiam hodie justitiam suam constanter servat Dominus: Id autem fuit tum Justitiæ Dei, quod ad homines exacerbantes Spiritum ipsius offendit, eosque in suam requiem non est perpeffus ingredi; Eadem ergo justitia hoc nostro tempore a Deo exercebitur in eos, qui vocem non audiverint ipsius, nempe quod requiem ipsius non sint ingressuri. A natura verò loci vincitur germanam hanc interpretationem esse, posita illa voce, Hodie, quam propterea multoties Apostolus inculcavit. Ergo (ut scholasticè dicamus, quod hic pluribus ab Apostolo ostenditur) qui argumentantur in hunc modum, nempe membra exempli illius ad hodiernum diem hunc minimè pertinere, indignè committunt fallaciam (ut vocant) divisionis. Nam si Propheta vocem illam, hodie, præfixit dehortationi ad tempora nostra pertinenti, & dehortationem hanc suam exemplo majorum declaravit; sequitur illud *hodie* non ad dehortationem solum restringendum esse, sed ad singula exempli membra, quæcumque instituta dehortationi suberviunt. Quemadmodum itaque dicit Apostolus: Hodie si audieritis vocem ejus, ne obdurate corda vestra, ut fecerunt illi, id est, ne exacerbate, tentate, & probate Dominum, ut verbis sequentibus Propheta ipse explicat; continuò alterum quoque membrum exempli sequitur, nempe, ne per vos fiat hodie, ut vobis infensus Dominus juret in ira sua, si estis ingressuri in requiem ipsius. Alioquin nisi hæc ita conjungantur, luisse magis quam seriò docuisse Psalter videretur: qui proposita dehortatione & exemplo ad dehortationem pertinente, statim ab instituta dehortatione, ut impos sui, aut aliud agens, dicatur aberravisse: neq; valitura esset Apostoli sanctissima & his nostris temporibus per necessaria accommodatio.

12 Studeamus igitur ingredi in illam requiem, ne quis eodem exemplo contumaciæ cadat.

13 Vivus enim est Sermo ille Dei, & efficax, & penetrantior omni gladio ancipite; ac pertingit ad divisionem usque animæ simul & Spiritus, compagumque & medullarum, & judicat cogitationes & conceptiones cordis:

14 Neque est ulla res creata, quæ non manifesta sit in conspectu illius; sed omnia nuda & patentia oculis illius, cujus causa nobis hic sermo institutus.

15 Habentes igitur Pontificem Magnum qui pervasit cælos, Jesum illum Filium Dei, teneamus hanc professionem:

16 Non enim habemus Pontificem, qui non possit unâ affici sensu infirmitatum nostrarum; sed qui fuit tentatus in omnibus similiter, absque peccato.

17 Accedamus igitur cum fiducia ad Thronum illius gratiæ, ut consequamur misericordiam, & gratiam inveniamus ad opportunum auxilium.

**A** Iterum accomodationis membrum deinceps sequitur reliquo capite, quod *ἡ ἀποστολή* esse ante monuimus, sive inhortatione positum: quæ hortatio sumitur ex contrario dehortationis

nis proximè præcedentis. Hujus autem hortationis 3. omnino sunt loci: quorum primus est de fine ad quem pios omnes opus est contendere, vers. 11. Secundus est de materia atque instrumento, quo fratres certum est nos ad finem perventuros esse, versu 14. Tertius est de modo, quo per beneficium Christi salutis nostri & instrumentum fidei ad finem illum aspiramus, versu ultimo. Finem autem, qui primus locus est, assequendū esse contentissima diligentia, id est, requiem illam Dei; primum quidem simplicibus verbis proponit Apostolus, dicens: *Studeamus igitur ingredi in illam requiem*; nempe quandoquidem Christus caput nostrum, & Princeps salutis nostræ, in eam ingressus est, & in ea gloriosissimè requiescit, *Studeamus* autē, id est, tum in doctrinam fidei tum in obsequium toto studio diligentiaque summa incumbamus: deinde verò hujus hortationis necessitatem demonstrat Apostolus ex eventu contrarii dicens; *Ne quis eodem exemplo contumacia cadat*, id est, ne ullus de numero eorum quos Deus jam erexit misericordia sua, & stare in fide voluit, ex tanta gratia gloriæque decidat; quod proculdubio iis futurum est, qui non student, id est, omnem operam occupant huic glorioso fini assequendo. Nam ut violenti rapiunt regnum cælorum quod ait Christus, ita legnes & ignavi indiligentēsque amittunt sua ipsorum culpa, & antè sibi ereptum sentiunt quàm id futurum esse præsumserint. Hanc propositionem confirmat Apostolus a persona Filii Dei (qui æternus est Dei Patris sermo, cum Patre & Spiritu sancto *ὁμοούσιος καὶ ὁμουπόστος*, & cujus vocem a nobis iussit audiri Pater olim per Prophetas, & ultimis hinc temporibus in Evangelio) tum in studiosos quietis adipiscendæ, tum in legnes efficacissimi, versu 13 & sequente. Sic enim argumentatur Apostolus: *Uivus est hic sermo & efficax*, &c. Ergo efficacitatem suam, tum in studiosos, ad salutē & requiem ipsorum; tum in contumaces, ad ruinam & perditionem, exserturus est. Hanc verò præstantiam sermonis Dei, primum a natura ipsius, deinde verò ab effectis prædicat Apostolus elegantissimè. A natura, quòd *sermo ille vivus est*, id est, æternus natura, potestate, & operatione: nunquam mortuus, nunquam intermortuus, nunquam otiosus. Effecta verò primum generatim, deinde speciatim explicat. Generatim, primum quidem simpliciter, quum *efficax* dicitur, deinde verò per comparisonem figuratè *penetrans* & *secans vehementius quàm ullus anceps gladius*; quemadmodum a Davide quoque & Jeremia appellatur. Speciatim verò hujus efficacitatis tres modi exponuntur; primus est, idēque summus, quòd in animo & corpore quidvis etiam intimum afficit virtute sua, aded ut non possit eos non perdere in quos sententiam perditionis tulit, & eos non servare qui ordinati sunt ad vitam æternam, secundum Patris in ipso *ἰουδαια*, ex verbo ipsius. Secundus modus est ad finem hunc spectans, quòd omnes homines, omnesque illorum partes, adeoque cogitationes & conceptiones intimas bellissimè dijudicat; ex quibus perituros perdat, & servandos salute donet. Tertius denique est, quòd ad hanc dijudicationem faciendam, & finem præstandum qui hominibus omnibus constitutus est, omnia habet manifesta tamquam vera lux illa, quæ illuminat omnem hominem venientem in hunc mundum, & quæ Evangelii sui illustratione omnia facit manifesta, ut inquit Apostolus Ephes. 5. Quam prædicatienem, postquam propriis simplicibusque verbis expressit Apostolus, postea venustis ornat translationibus; ostendens non homines solum, sed res omnes creatas, cælestes

caelestes & terrestres, vivo huic sermone & efficaci non secus esse expositas, quàm expositæ solebant esse oculis spectantium ex omni parte pedes in sacrificiis, quum olim a sacerdotibus in populo Iudæorum nudarentur pelle, & dissearentur in partes ad collum usque, exsecrò primùm capite: cujus exsecrandi singularem ritum Lege imperavit Deus. Non sum nescius hunc locum aliò quàm ad personam Christi jam olim relatum esse; totum quidem ab aliis; & partem ab aliis, id est, 14. versum: quia nempe hi convenientius id esse putaverunt, si hæc de verbo Dei, id est, de voce Christi quam jubemur audire, pronunciata dicantur esse. Quam interpretationem illi propterea maluerunt, quòd animadvertenter frequentissimum illud in Scriptura esse, & innumeris exemplis demonstrari posse, eam ipsam potentiam, operationem, & cetera quæ de Deo & Christo Jesu essentialiter prædicantur; de verbo quoque ipsius & voce Evangelii instrumentaliter prædicari, & (quod amplius est) etiam coaptari verbi illius ministris. Sed ubi omnia mēbra hujus enunciationis expendi, atque inter se comparavi; omnino statuo de sermone Dei æterno sic agi, ut illi ipsi sermone, id est, Domino Jesu Christo singula, tamquam propria personæ ipsius, tribuantur; quæ ipsi tum per seipsum præstat, tamquam λόγος ἰμωτος Dei Patris; tum per instrumentum verbi seu vocis Evangelii, tamquam sermonis Dei ~~ἐκφρασις~~: quo sermone Christus Jesus (qui tamquam Filius æternus Dei semper vivit, efficax est, penetrat, pertingit, dijudicat, & omnia habet cognitioni suæ exposita) has omnes operationes, quando vult, & quomodo vult, perficit. Atque hanc interpretationem ut aliis præferamus, adducimur non solum propter materiam qua de agitur (agitur enim de Christo Propheta nostro & de voce illius conjunctim) verum etiam in primis propter posteriora illa prædicationis membra sub finem versus 13. & versu quoque 14. posita, quæ non nisi βιαίως (ut ita dicam) verbo illi prædicato, id est, instrumento attribui possint; cùm sint ea essentia divina, ac non personæ solum Christi, propriissima. Exposito primo ~~ἐκφρασις~~ vel ~~παρεκκρίσις~~ membro, sequitur locus secundus hortationis verbi 15. in quo Propheta ratione illius materiae & fundamenti, cui superstructi nos ad requiem Dei venturos confidimus, hortatur ut instrumentum fidei & professionis per fidem constanter teneamus, id est, ita conquiescamus in voce Christi Prophetæ nostri per fidem, ut deinceps non solum tamquam Prophetam, verum etiam tamquam sacerdotem summum & consummatorem fidei nostræ (quam perfectè nos docuit, dum hic in forma servi ambularet) habeamus colamusque ex officio nostro. Quam ad rem pertinent amplissima illa Epitheta, quæ Apostolus de Christo prædicat; nempe quòd sacerdos summus est officio, quòd pervasit cælos in effectu, & sanctorum illorum ingressus perfectè quoque obit summi sacerdotis partes: Postremò quòd Filius Dei est, ac proinde ipsissima Dei virtus & sapientia, quæ nec errare nec infirmari potest. Atque hac ratione commodissimè transitum parat Apostolus a secundo loco de Prophetia Christi, ad tertium de sacerdotio; qui sequentibus capitibus copiosissimè exponitur. Antequàm verò ad tertium illum locum de sacerdotio transeat, opportunè sequitur occupatio cujusdam objectionis, quam pius quisque eo magis fuisset allaturus, quo plus afficitur reverentia Dei, nisi prudenter prospexisset Spiritus sanctus hac occupatione. Est autem ea hujusmodi: Hortaris ut firmè teneamus hanc professionem; sed quo pacto

firmè



firmè possumus, qui infirmi sumus, & infesti peccato, omnibùsque infirmitatum, quæ umquam fuerunt, generibus; propterea igitur subjicit Apostolus: Insunt quidem infirmitates nobis; sed res nobis cum eò est, qui summa cum misericordia afficitur sensu infirmitatum nostrarum, eas delet, nos sublevar, deniq; potentissimè & citra ullum defectù opus illud divinum misericordiæ in nobis consummaturus est. Hunc habemus, & ille vicissim nos; hujus charitate ita constringimur, ut quamvis per nos non possumus aut ipsum prehendere, aut firmè retinere professionem nostram, idem tamen qui nos prehendit, firmè nos in virtute Dei retinere, professionisque illius nostræ tenacitatem & constantiam præstare possit. Quid ita? quia primum officio sacerdos est summus acceptus Deo & Patri; secundò potestate & studio *οὐρανίου* nostris infirmitatibus; tertio denique re ipsa jam præstitit sui illius officii & potentissimæ benevolentiae complementum; quando in omnibus rebus tentatus est similiter; sed ita ut incorruptione, justitia, & sanctitate sua, quòd sine peccato est, tentationes, quas tulit, superaverit; adeò ut ex quo in ipso sumus, gloriari cum Apostolo possumus, nos in rebus omnibus *καταπινόμενοι* in eo qui dilexit nos. Atque hinc nascitur tertius & postremus hortationis locus, quandoquidem talem habemus Sacerdotem summum, non modò id nobis curandum esse ut hic constanter professionem nostram teneamus; verum etiam ut certa audacia fiduciaque in cælos ad Deum assurgamus, quum inquit: *Accedamus igitur cum fiducia ad Thronum gratiæ*, &c. ejùsque accessus, modus & causa paucissimis quidem verbis, sed amplissimis significatione demonstratur: Modus quidem, ut cum audacia sancta per fidem vivam accedamus, freti summo sacerdote nostro: causa verò; tum materialis, quia jam nobis thronus non judicii, sed gratiæ a Deo exhibetur, prout à Filio nobis reconciliatus est in cruce per sanguinem ipsius; tum etiam finalis, ut misericordiam ejus indies percipiamus, & gratiam assequamur ex misericordia. Quarum rerum amplitudo nobis eò magis est commendabilis, quòd semper invocantibus ipsum in veritate sunt paratissimæ ad opportunum auxilium: nempe quum in mediis infirmitatibus nostris premimur tentationibus, & laqueis peccati (quibus facilè circumretimur, ut ait idem Apostolus) in perditionem semè præsentissimam miserè deturbamur. Atque hic aptissima est transitio a Prophetiæ ad Sacerdotii, ut antè diximus, explicationem.

## CAPUT QUINTUM.

1 Nam omnis Pontifex ex hominibus sumitur, & pro hominibus constituitur in iis quæ apud Deum oportet geri, ut offerat dona & sacrificia pro peccatis.

2 Qui commodè possit miserari ignorantes & errantes; quandoquidem & ipse circumdatus est infirmitate;

3 Et propter eam debet offerre sacrificium pro peccatis, sicut pro populo, ita & pro seipso.

4 Neque sibi ipsi quisquam hunc honorem sumit; sed qui vocatus est a Deo, sicut & Aaron.

5 Ita & Christus non arrogavit sibi gloriam hanc, ut fieret Pontifex; sed *is scribis* qui dixit ei:

Psalm.

Psal. 2.

7 *Filius meus es tu, Ego hodie genui te.*

Filius meus es tu, Ego hodie genui te.

6 Sicut &amp; altero in Psalmo dicit, Tu es sacerdos in aeternum secundum ordinem Melchisedec.

Psal. 110.

4 *Tu es sacerdos in aeternum secundum ordinem Melchisedec.*

7 Qui in diebus carnis suae quum deprecationes &amp; supplicationes apud eum qui poterat ipsum servare a morte cum clamore valido obtulisset, &amp; exauditus esset ex metu;

8 Quamvis Filius sit, didicit ex his quae passus est obedientiam:

9 Et prout consecratus est, factus est author salutis aeternae omnibus qui auscultant ipsi,

10 Cognominatus a Deo Pontifex secundum ordinem Melchisedec.

**H**Oc demum loco aggreditur Apostolus tertium illud caput de officio sacerdotali Christi: cujus longè copiosiorē quā aliorum instituit interpretationem, quia in illius argumento potissimum veriantur ea doctrinae capita, quae reliqua sermō Epistola continentur, & quae Hebraeis offensionī futura fuissent maximē, nisi diligenter & commodē sacerdotium illius ex Testamento vetere demonstrasset. In hac verō explicatione tota duae partes observandae sunt: prior est Propositio de sacerdotio Christi, conjuncta secundo quodam exordio, vel potius dispositione, propter materiae difficultatem gravitatēque, hoc & sequente capite. Posterior verō est expositio sive enarratio propositionis illius, capite 7. & sequentibus. Propositionis autem partes item duae sunt; una est, *ἱερεὺς* sacerdotii veteris circumscriptio ex Lege, versibus 4. altera est *ἱερεὺς*, id est particularis vel singularis eorum quae de sacerdotio posita sunt accommodatio ad personam Christi, ad versum usque 10. De sacerdotio autem in genere praedicantur ista: sacerdotem secundum personam, finem, modum, officium, & vocationem justam in Lege Dei circumscriptum esse, prout hic omnia summam ab Apostolo percurruntur. Etenim personam sacerdotis, Lege imperari & sumi ex hominibus: finem esse, ut pro hominibus apud Deum ea procuraret & gerat, quae sunt opus ad reconciliationem & remissionem peccatorum, oblatiis donis & sacrificiis pro peccatis: Modum, ut aptus sit & idoneus, potentiaque justa praeditus ad miserandum commodē eos qui per ignorantiam & errorem infirmitatēque peccaverint; non autem qui voluntariē in impietatem & injustitiam ruerint, ut infra capite 9. & 10. homines isti impii excluduntur a tanto hoc beneficio. Atque hunc modum eo convenientius a sacerdote summo existere, quod ipse quoque infirmitate circumdatus est, & afficitur apud se illius conscientia, ut infirmitatem alienarum sensu tangatur vehementius, quod supra dictum est cap. 4. versu 10. Officium, quod propter communem hanc infirmitatem omnium tenebatur sacerdos, sicut pro populo, ita etiam pro seipso, tamquam infirmitatis reo coram Domino, & apud se conscio, pro peccatis offerre sacrificia.

sacrificia. Vocationem denique quia Deus solus author vocationis legitimus esse potest ad ea procuranda, quæ apud ipsum pro hominibus opus est procurari. Quapropter inquit Apostolus, *quemquam sibi ipsi non sumere hunc honorem, sed eum fungi qui a Deo ipso vocatus fuerit, sicut & Aaron vocatus est, Exodi 28.* His generatim positis, sequitur particularis accommodatio versu 5. & sequentibus: in qua *ὁσπερ ἀεγρίεσσιν* de vocatione prius agitur, cujus postremo loco facta est mentio; deinde verò de functione sacerdotii. Ad vocationem pertinent versus 5. & 6. ad functionem, sequentes 4. Vocationem ergò sacerdotii ad Christum pertinere hoc loco demonstratur ex autoritate Scripturæ: cujus autoritatem vehementiorem efficit Apostolus *ἀρρογανῶς*; quum primum quidem per negativam (ut vocant) hæc verba de Christo pronunciat: *Ita & Christus*, nempe ut Lege constitutum est, *hunc honorem non arrogavit sibi*, puta, ipse citra voluntatem Patris, ut fieret sacerdos summus pro nobis; *sed Deus vocavit ipsum*, ut præcedente versu dictum est. Vocavit autem, postquam dixisset ei secundo Psalmo: *Filius meus es tu, ego hodie genui te.* Nam idem qui hæc verba dixerat, continuo subiicit: *Pete a me, vel postula*: id est, suscipe sacerdotis partes, & ea perfice quæ apud me pro hominibus oportet procurari. Sed quia horum verborum, ut ut necessaria sit, interpretatio in dubium vocari poterat a malevolis aut malè sentientibus hominibus: propterea alterum locum velut antecedentis interpretamentum attulit Apostolus, quo & genuina prioris loci intelligentia demonstrari posset, & adversariorum refelli importunitas, qui interpretationi prioris loci fuissent illufuri: tamquam si diceret, *Et si proprium est sacerdotis ut pro hominibus petat apud Deum; ac proinde quem Deus jubet a se petere, cum vocatione instituat sacerdotem: Jussit autem Christum id a se petere: tamen ne quis cavillectur aliud agi in secundo Psalmo postulationis genus atque argumentum: idem Propheta nobis interpres futurus est qui alibi, nempe Psalmo 110. Dei verbis ita pronunciat: Tu es sacerdos in æternum secundum ordinem Melchisedec.* Qui locus cum postea cap. 7. & sequente exponatur luculentissimè, eò reiecturi sumus quæcumque videntur pertinere ad illustrationem ipsius. Post vocationem sequitur functionis sacerdotialis, quam Christus obiit, summa propositio, versibus sequentibus: quæ deinceps inde a capite septimo copiosius exponitur. Hujus functionis duæ partes commodissimè ab Apostolo statuuntur. Nam eorum quæ Christus tamquam sacerdos noster procuravit consummavit, quæ, alia sunt *τὰ ὅτι τοῦ Θεοῦ*, quæ apud Deum Patrem agi pro nobis oportuit; alia verò *τὰ ὅτι ἡμεῶν*, quæ erga nos ab ipso geri oportuit secundum Deum. *τὰ ὅτι τοῦ Θεοῦ* exponuntur 7. & 8. versu: *τὰ ὅτι ἡμεῶν*, versu 9. Quibus subjiicitur in versu 10. summa repetitio vocationis & functionis illius, quæ nihil aliud est, nisi ad dispositionem proximè sequentem *παράκλησις*. Antequam verò membra hæc persequatur, prout postulat ordo in propositione antecedente enunciatus; primum ostendit Christum sacerdotem summum ex hominibus assumptum esse, quum dicit, *In diebus carnis sue*, id est, quo tempore sermo ille factus est caro vel Deus in carne conspicuus; non quòd jam dies carnis Christi esse desierint, & essentia carnis cum infirmitate illius sublata sit unà; sed quia instituitur comparatio horum dierum, quibus caro in *ἀόζω* Dei substitit *ἐν χρόνῳ*, cum temporibus illis æternis quibus a Patre Filius gignitur, unus Deus *συναιδιός* & *ὁμοῦστος* cum Patre & Spiritu sancto.



Deinde verò cetera persequitur, quæ in sacerdote summo antè pronuntiavit ex Lege requisita esse. Etenim primùm pro eo quòd dona & sacrificia pro peccatis oblaturus sacerdos in Lege dicebatur; hic seipsum Christus, tamquam eorum corpus, Deo & Patri dicitur obtulisse. Secundò, pro eo quòd modus sacerdotii Legalis in eo definitur, quòd sacerdos commodè potest miserari ignorantium & errantium vicem; eundem modum a Christo observatum fuisse dicit, qui deprecationes & supplicationes cum clamore valido & lacrymis apud eum obtulerit qui ipsum a morte servare potuit. Tertiò, quòd sacerdotis officium in eo constituitur, ut ita pro seipso offerat pro peccatis ac offert pro populo; id eo ipso demonstrat Apostolus quòd in metu fuisse dicitur, nempe quem peccatorum causa, nostrorum quidem ipsa, ipse verò *κατ' οἰκείωσιν* & applicationem pœnarumque ex ipsis, percepit. Sed quia hæc omnia cum ab uno eodémque Sacerdote sæpius repeti, tum a diversis successivè (ut loquuntur) præstari oportebat: quibus ex rebus evincitur manifestissimè legalis illius sacerdotii, sacerdotumque omnium illorum infirmitas; propterea prudentissimè Spiritui sancto visum est quædam adjicere, quæ veritatem officii a Christo præstiti demonstrarent, perfectionemque illius ab omni infirmitate vindicarent. Prius est, quòd exauditus fuit a metu, id est, ita acceptus Deo, ut quem metum ex peccatis nostris, pœnisque meritis, & ipsonione sua secundum hominem conceperat, is a Deo Patre levaretur absolutissimè, testata remissione peccatorum ad abolendam maledictionem nostram. Deinde verò alter quoque effectus subijcitur 8. versu, nempe (ut antè diximus) *παροσχυστικός τῷ φόβῳ ἡμῶν*, quòd ubi sic exauditus est a Deo & Patre, didicit ex iis quæ perpeßus est, obedientiam; hoc est, Quemadmodum in suo illo metu gravissimo se a Deo & Patre didicit exaudiri, ita ex iis quæ perpeßus est, & quæ tam gravem metum ipsi iniecerant, didicit (*κατ' ἀνδραγαθίαν* dictum) cognovit & vidit manifestissimè, nihil amplius superesse, quàm ut membra sua a metu illo, quandoquidem ipse fuit exauditus, potentissimè liberata, in iusta obedientia informarentur, quemadmodum Zacharias Luca 1. versu 74. & sequente declaravit. Hoc ergò ut commodè intelligamus, ita paucis distinguenda est hæc discendi ratio. Discere Christus quom dicitur, aut in persona sua secundum humanitatem, aut in corpore suo, quæ Christus est Ecclesiæ caput, & illa corpus ipsius, intelligendus est: ac proinde modus discendi est duplex; unus, secundum rei veritatem; alter, secundum *οἰκείωσιν*. Utrumque autem in passione Christi effectum est. Nam & Christus, quæ homo, didicit & experimento cognovit fidem & bonitatem Patris, quam imploraverat dicens: Pater, si fieri potest, &c. & Deus mi, Deus mi, quare dereliquisti me: & quæ Christus est mysticus, unum eum Ecclesia sua pro omnibus passus, mortuus, &c. dicitur idem didicisse obediẽtiam, id est, tum sublato metu, & remissione peccatorum parta, ac reconciliatione facta in cruce per sanguinem ipsius id unum recepisse, & in mandatis a Patre habuisse ut studeret obediẽtiae, quam ipse perfectè Patri præstitit in persona sua, in nobis informandæ. Itaque ceteris rebus omnibus, quas probè didicerat, consummatis, didicit obediẽtiam, in qua adhuc informanda in nobis seipsum occupat. Didicit autem *quom vult sit Filius*, id est, non quæ Filius Dei est, vel secundum deitatem suam; sed quæ filius hominis est, id est, secundum humanitatem suam; quæ nos doceat quæ Filius Dei & filius hominis est secundum

cundum personam suam. Quamobrem etiam occupationem illam adhibuit Apostolus, ut omnem præluderet tergiverlandi locum, quum dixit; quamvis sit filius. Ac propterea etiam non dubitavit Nazianzenus Græcum illud verbum *μὴ δάσκειν*, prout apud Græcos dicitur variè, exponere altero verbo *διδάσκον*, quum inquit: *ὅς οἷς ἰσαδὴ τοῦ πατρὸς διδάσκον*, *οἷς ἐδιδάξαν το σὺνδοκασθῆναι χρειζόμεναι*. Arque hinc sequitur alter locus, quem antè diximus, *ἐστὶ τῶν πατρὸς μυστῶν*: nempe quòd consecratus & sanctissimè acceptus probaturque a Deo & Patre ad còsummandum mysterium redemptionis nostræ, factus est author salutis æternæ omnibus qui auscultant ei secundùm eam obedientiam, quam a Deo Patre acceptam informat in mentibus piorum per Spiritum: Quandoquidem obedientiæ salutis promissio facta est & legata morientis ipsius testamento; quam obedientiam in se perfecit Christus, in nobis inchoavit, & suo tempore per Spiritum æternum provehens, tandem consummaturus est secundo adventu suo. Omnia autem ex vocatione Dei Patris, quæ summatim rō. versu repetitur, tamquam mysterii illius & ministerii fundamentum; ut (quemadmodum antè dicebamus) ad dispositionem totius sequentis argumenti commodius transiretur.

Orat. de sancta  
Pascha.

II De quo multus nobis est sermo quem dicamus, & difficilis explicatu; quandoquidem segnes auribus facti estis.

12. Etenim vos, quos per tempus oportebat esse doctores, rursum habetis opus, ut doceam vos quæ sint elementa initiæ eloquiorum Dei, & facti estis ii qui opus habeatis lacte, ac non solido cibo.

13 Nam quisquis alitur laetis participatione, is expertus est sermonis iustitiae; infans enim est.

14 Adulorum verò est solidus cibus, nempe eorum qui propter habitum instrumenta sensus habent exercitata ad discretionem boni & mali.

**H**Atenus propositio summa de Christi Jesu sacerdotio, quam deinceps Apostolus copiosè explicat. Antequam verò ad institutam illam explicationem transeat, unitur hoc loco exordium novo, vel potiùs dispositione quadam; ut Hebræorum animos ampliùs compararet ad percipiendum illud sacerdotium Christi. Hujus autem exordii, siue dispositionis ad sequentem tractationem pertinentis, argumentum est hujusmodi: quum Apostolus materiam quæstionemve institutam comparat cum eorum hominum constitutione, apud quos de ea materia agi oportebat; se ferè dubitare, utram viam possit commodè insilire, tradendi lactis, ut vocat, an verò cibi solidi. In hac itaque comparatione duæ propositiones simplices & separatæ sunt: quarum prior pertinet ad distinctionem materiæ institutæ, posterior verò ad discretionem personarum quibus hæc materia fuerat proponenda. Quam rem simpliciter quidem enunciat versu 11. deinde exponit versu 12. postremò autem illustrat similitudine, duobus ultimis. Postèa verò hoc velut exordium dispositionis præmissò, ad propositionem transit illius partis quam deinde statuit explicare, in capite sexto. Distinctionis illius pernecessariæ summa propositio his verbis continetur, *de Sacerdote nobis multa dicenda sunt*, &c. De hominum verò inepta ad hanc materiam capiendam constitutione dicuntur illa: *Quando-*

*quidem segnes facti estu auribus.* Distingui materiam vel argumentum de quo agendum est non obscure ostendit Apostolus, quum non negat quidem Hebræos jam aliquid didicisse; sed alio sermone præterea opus esse narrat, hoc est, ex parte solum minima didicisse, amplius ut discant porro desiderari: ac proinde explicari ea a se oportere: quorum gravitas duobus modis perstringitur, nempe a multitudinem vel amplitudinem eorum, & ab explicandi ea difficultate. Quia verò rationem hanc impii quique arripiunt ultrò, ut sui ipsorum vitii culpam in Dei verbum regerant; propterea ostendit Apostolus difficultatem harum rerum explicandarum neque a vitio materiæ, quæ agenda est, proficisci, neque infirmitati & imperitiæ suæ acceptam ferri oportere; sed hominum stupori & indiligentiæ, quorum aures imparatæ sunt his documentis, ut par est, capiendis: Non enim per se difficultatem his rebus inesse, sed per accidens; quia homines non sunt capaces horum mysteriorum; & quamvis ad capacitatem vocati divinitus, tamen sese ineptos præstant percipiendis tenendisque his rebus, sua ipsorum segnitie & indiligentia: quandoquidem (ut Plutarchus optimè loquitur) *τὴν πάσιν τὴν ἀμολογίαν φύγει.* Hæc propositio enarratur paulò copiosius versu 22. adhibitis circumstantiis ad hanc rem pertinentibus; nempe ratione temporis, & laboris per tempus multum occupati. Quæ ratio comparata cum inani illorum profectu evincere dicitur illorum segnitiam, argumento sumto a consequentibus: Qui sunt segnes, ii non proficiunt pro ratione temporis. Vos autem non profecistis: segnes igitur. Non profecisse autem demonstrat a partis primæ vel fundamenti ipsius exemplo: Quos opus est doceri elementa, ii longissimè absunt ut Doctores appellentur: At ea vos doceri rursus opus est. Hic verò observandum est (ut in transcurso dicamus) elegantissimè a rebus naturalibus & Physicis axiomatis transferri commodas appellationes ad doctrinam Christi. Nam quemadmodum in rebus creatis, alia sunt principia simplicissima; alia verò materialia, quæ Elementa appellantur; ex quibus res omnes materiata existunt: sic in rebus sacris & Mysteriorum doctrinæ Christi, genus ab Apostolo ponitur, quum dicuntur *Eloquia Dei*: horum principium constituitur, & principii hujus Elementa, id est, summa quædam & crassissima (ut ita dicamus) capita, ex quibus reliquum doctrinæ Christianæ corpus, ut ex Elementis corpora, conformatur. Sed ne philosophari plus satis in rebus sacris videretur; repente alio se confert Apostolus, similitudinemque adhibet ex rebus humanis sumtam, illustrandæ huic increpationi; quum inquit eò devenisse ipsos, ut lacte opus habeant, non autem cibo solido: non solum ad modum docendi (ut quibusdam placere video) sed etiam ad argumentum respiciens; quia (ut altera quoque similitudine rem illustremus) aliud est semen in quo planta inest potentia, aliud verò planta ex semine in natura rerum procreata. Nam eodem quoque modo in doctrina Christi aliud est semen sive principium (ut ita dicamus) doctrinæ illius: aliud verò informata ex eo semine & diducta tamquam in ramos & fructus docendi materia ratioque. Suam verò illam similitudinem, de lacte & solido cibo, enarrat Apostolus duobus versibus ultimis per *ἀνιδιον*. Nam lactis *μυτοχλω*, quæ cum doctrina Principiorum Elementorumque comparatur, autor dicit esse hominum rudium, qui non sunt capaces sermonis justitiæ, id est, puerorum nondum ratione utentium & iustum ab injusto non valentium discernere, sermonemque de eo capere: quemadmo-



quemadmodum sequens *αἴτιον* demonstrat accipi oportere, quum inquit Apostolus, *ἡ ψυχή ἐστιν ἐν ὕμνῳ καὶ ᾠδῇ*. Solidi verò cibi usum ad eos qui adulti-ores & provectiores sunt pertinere demonstrat evidentissimè; in quibus putà tria hæc insunt, *ἡ ἐξουσία, ἡ γυμνασία, καὶ ἡ διακρίσις*. Habitus, tamquam altera natura atque tempore confirmata: Exercitatio sive consuetudo, habitum confirmans magis ac magis: *Διακρίσις* denique, tamquam finis ad vitam optimus ex habitu & exercitatione consequens. Qui ordo dum ab iis negligitur, qui Christiani dici & haberi volunt; omnino periclitantur, ut etiam ab ipsis elementis principiisque eloquiorum Christi decident indignissimè.

## CAPUT SEXTUM.

1 Quapropter missum facientes sermonem de initiis Christi, ad perfectionem feramur; non jacentes rursus fundamentum resipiscen-  
tiae ab operibus mortuis, & fidei in Deum,

2 Doctrinae baptismatum, impositionisque manuum, & resurrectionis mortuorum, ac judicii æterni.

3 Atque id facturi sumus, si quidem permiserit Deus.

4 Nam fieri non potest, ut qui semel fuerint illustrati, gustaverint-  
que donum supercaeleste, & Spiritus sancti participes facti fuerint;

5 Ac gustaverint bonum Dei verbum, virtutisque futuri seculi;

6 Ubi exciderint, eos renovet iterum ad resipiscentiam; ut qui rur-  
sum crucifigant sibi ipsis Filium Dei, & exponant ignominia.

7 Nam terra quæ pluviam sæpius supervenientem sibi imbiberit, &  
progignit herbam accommodam iis per quos etiam culta est, partici-  
pat benedictionem a Deo:

8 Quæ verò profert spinas & tribulos, reproba est, & affinis male-  
dictioni, cujus exitus ad exultionem est.

**P**ostquam Apostolus proximè præcedentem illam *ὑποδιαίρισιν* in fine capitis quinti proposuit, eloquiorum divinorum tractationem partim in elementis initiorum Christi, partimque in firmioribus & quasi provectioribus documentis constitutam esse: Nunc demum dispositionem instruit illius modi, quem in explicando Christi sacerdotio sequuturus est. Cujus dispositionis summa continetur in membro priore versus primi; deinde verò partes illius convenientissimo ordine exponuntur. Dispositionis summa est: Quandoquidem ita se res habet, & doctrina de Christo in duas partes pro ratione docendi divisa est; priorem partem, quæ est de initiis Christi, missam fieri hoc loco oportere; & posteriorem, quæ plus perfectionis habet & perfectorum sive adultorum est, deinceps sibi exponendam. Itaque duæ partes in hac summa propositione continentur: una, de omittendis rudimentis: altera, de ampliioribus documentis in commune afferendis. Sic enim ex antithesi *τῆς ἀρχῆς καὶ τῆς τελειότητος* hunc locum interpretamur, & utrumque membrum ad λόγον sive doctrinam Ecclesiasticam de Christo accipimus, quæ per gradus a peritis sapientibusque Dei ministris apud auditores suos enunciari solet, ut etiam 1. Cor. 2. legitur. Hujus dispositionis membra quia ab Hebræis controversi facile poterant, eodem ordine fuisse ponenda, & alterius explicationem altero omisso

instituendam, demonstrat Apostolus gravissima enarratione, reliquo capite. Nam primum sermonem, qui est de initiis Christi, non esse hoc loco reperendum demonstrat sequentibus, ad versum usque nonum: deinde verò alterum sermonis genus ad perfectionem spectans & perfectis conveniens institui oportere docet, reliquo capite. Sermonem de initiis Christi, fundamentum appellat, dicens: *non sciientes rursum fundamentum*, &c. Atque hoc fundamentum prædicat repeti in hoc loco minimè oportere, tribus versibus, deinde causam adfert cur ipsum hoc loco repeti minimè oporteat, vers. 4. & sequentibus. Quia verò futurum fuisset apud nonnullos obscurius; quid sibi hoc in loco velit fundamenti appellatione; idcirco materiam sive argumentum fundamenti hujus, vel initiorum Christi, circumscribit Apostolus ab enumeratione summarum illius partium. Eæ sunt in speciem numero sex, ut nonnulli putant; ut ego, in universum quinque. Prima est, ut verbis utamur Apostoli, resipiscencia ab operibus mortuis: secunda, fides in Deum: tertia, doctrina Baptisinarum: quarta, impositio manuum: ultima, resurrectio mortuorum & judicium æternum: quæ duo in unum conjungi oportere non obscurè ostendit Epanalepsis, qua utitur Apostolus in versu quinto, redditurus causam hujus instituti sui. Primus locus de resipiscencia verè principium obtinet in fundamentali doctrina Christi: cujus duæ sunt partes; una, ut doceamur opera nostra esse mortua, & nos in ipsa a natura mortuos, teste conscientia nostra, & Lege Dei iudice; Altera, ut doceamur ab illis animo & re ipsa quoque desistere, nosque renuciare & operibus nostris. Hoc fundamento posito, alterum imperstruitur, puta fides in Deum; quia ubi nos operaque nostra mortis evictos esse persentiscimus, certè non possumus, quin desperatione ruamus in exitum nostrum, nisi oculi mentis nostræ ad Deum excitentur; & fide in Deum per Christum caput & consummatorem fidei nostræ in ipso conquiescant, & ad ipsum contendant religiosissimè. Tertius fundamenti locus est, ut qui fide accedunt Dominum, doctrina Baptismatum confirmantur, se Deo acceptos esse, & per fidem insitos in Ecclesia ejus. Baptismatum autem, tum interioris, quo Christus nos Spiritu sancto baptizat & igne; tum verò exterioris, quo Ecclesia per ministerium externum, Dei gratiam testatam facit iis qui resipiscunt ab operibus mortuis, & fide accedunt Deum. Quartus fundamenti locus, est impositio manuum: qua ceremonia sancti Apostoli & Patres orthodoxi significatum voluerunt, Christianum hominem resipiscencia & fide præditum atque Ecclesie insitum, ubi legitime probatus esset, mancipari Domino, & consecrari ad vocationem suam sanctè & religiosè obeundam; sive eam quæ communis est Christianorum omnium, quæ Christiani sunt: sive eam quæ singularis & propria est ministrorum Dei, quum ad functionem aliquam intromittebantur, & per manuum impositionem mancipati ac consecrati Domino, commendabantur ipsi precibus Ecclesie, ut eorum vocationem intus semper ipsis, & foris quum videretur, testatam faceret Ecclesie suæ, donisque eos instrueret ad vocationem oblatam pertinentibus. Postremus locus est de resurrectione mortuorum & judicio æterno, id est, certissima illa spe sanctorum quæ reposita est in cælis, secundum quam corpore & animo, Deo auctore & iudice, vita æterna perfructuri sunt. Atque hic partium essentialium ordo, quæ ad Christi initia pertinent, tam naturalis est & docendis hominibus conveniens, quàm qui maximè. His positis, ad institutum

stitutum sermonem, tamquam discedens ab hyperbato proximè antegresso, repetit Apostolus consilium suum in vers. 3. dicens: *Atque id faciemus*, id est, omitemus sermonem de initiis Christi, & feremur ad perfectionem exponendam, *si Deus permiserit*. Propositionem consilii de rebus deinceps explicandis confirmat Apostolus, causarum, quæ in hoc argumento spectari debent, enarratione. Et petuntur ab objectis, in hunc modum: Quicumque homines in fundamento initiorum Christi ædificati, ab eodem fundamento exciderunt, eos non renovat Deus ad resipiscentiam; ac proinde non potest Ecclesiæ aut ullius administri & dispensatoris mysteriorum Dei officium esse, ut eos ministerio verbi revocent ad fundamentum initiorum Christi, & rem sanctam canibus exponant, verù quarto & quinque sequentibus. Uos autem non estis ejusmodi: sed contrà, etsi in doctrina perparum; tamen in fructibus resipiscentiæ non mediocriter profecistis; unde apparet manifestò, vos ex fundamento Christi minimè excidisse, neque porro de eo institui tamquam a primis rudimentis oportere, vers. 9, & sequentibus. Hoc igitur faciemus, & ad sermonem perfectionis convertemus orationem nostram, ut versu 3. fuit propositum. Negativam igitur hujus Actiologiæ proponit Apostolus, tribus versibus; postea verò exponit simili, vers. 7. & 8. In negativa subjectum (ut vocis illius, *admirator*, & prædicationis modum ad docendi commoditatem seponamus) & prædicatum circumscribuntur accuratissimè: qua circumscriptione non satis observata, plurimi a vera hujus loci intelligentia aberrarunt. Subjectum est homo duabus conditionibus vel qualitatibus præditus; primum donis acceptis, deinde verò abjectis. Donorum acceptorum enumeratio omnino respondet illi, quæ in fundamento initiorum Christi posita est. Nam primum fundamento resipiscentiæ ab operibus mortuis respondet illa prædicatione, *qui fuerint illustrati*, id est, a tenebris & morte sua ad vitam revocati per renunciationem sui ipsorum, suorumque mortuorum operum: prout fit, quum primum tenebras mortemque suam illustratione Dei videre possunt. Deinde fundamento fidei in Deum respondet alterum, quum *gustavisse* dicuntur *cælestis donum*, id est, fidem a Deo accepisse, & per fidem bona quæ Deus credentibus exhibet aut certè promittit, prehensisse. Tertiò, fundamento doctrinæ Baptismatum ex adverso comparatur illa hominum conditio, quòd *participes Spiritus sancti facti sunt*, id est, quum primum professione sacra in Christum & Ecclesiam fuerint inhti, Spiritum sanctum acceperunt in ipsis habitantem, tamquam arrabonem hereditatis nostræ, testemque adoptionis & redemptionis constantissimum. Quartò, fundamento doctrinæ de manuum impositione, respondent illa, quum *gustavisse* dicuntur *bonum Dei verbum*, tamquam justum alimentum eorum qui vivunt in Spiritu, & qui impositione manuum per Spiritum ad vitam illius acceptæ administrationis & operationes sanctas a Deo vocati sunt; quemadmodum famuli de bonis illius solent vivere cui famulantur. Postremò autem fundamento de resurrectione mortuorum judiciòque æterno convenit illud, quod item ultimo loco dicit Apostolus, *qui gustaverint virtutes futuri sæculi*, quas virtutes pii spe gustare solent, eaque in fide sustentari. Hæc igitur est perceptio donorum illorum quinque, de quibus in Christiana illa Catechesi & fundamento initiorum Christi homines instituuntur in Ecclesia, ut fructum eorum percipiant: quæ dona semel percepisse, satis est ad salutem, perseverantibus; excidentibus verò, ad exitium.



exitium. Altera conditio est principio versus sexti, quum ait Apostolus, *si exciderint*: putà non lapsu uno particulari, aut a re una alteràve solùm; sed ab omnibus rebus quæ modò dictæ sunt, & ab earum habitu; eò quòd voluntariè & malitiosè habitui privationem anteposuerint: Nam qui verbum hoc *παρρησιάζονται* aut ad partem unam solùm rerum antecedentium, aut ad tempus unum & singulare factum restringunt; imprudenter & contra veritatem ea omnia dividunt, quæ jam antè duobus locis docuit Apostolus esse conjunctissima. Hæc illa est subjecti de quo agitur ratio: nempe hic eum hominem considerari qui omnia bona fundamenti & principiorum Christi expertus est, & ab omnibus diffensionem fecit. De hoc igitur homine prædicat Apostolus *fieri non posse ut eum rursus Deus renovet ad resipiscendum*: Deinde rationem advertit cur id fieri nullo pacto possit. Fieri non posse docet Apostolus duabus de causis: una est, quòd ipsi filium Dei sibi ipsis, id est, quantum in ipsis est, suo ipsorum facto suoq; magno malo crucifigunt de integro, & Judæ illius Iscariotæ sceleratam perfidiam imponunt sibi. Altera est, quòd eundem filium Dei traducunt intolerantissimè apud omnes, & exponunt ludibrio: quæ duo crimina fieri non potest ut umquam probentur Deo; ac proinde necessariò illud consequitur, fieri non posse, ut impia illa vasa dedecoris beneficio Dei renoventur ad eum honorem, cujus primus aditus & quasi janua est resipiscencia. Hic autem duplex occurrit questio: prior, possit ne fieri ut qui illa Dei dona, quæ Apostolus enumeravit, acceperunt, ex eis decident: posterior, utrum illud honorificum, an potius contumeliosum sit Deo, quum dicitur, fieri non posse ut eos renovet ad resipiscendum, qui inde exciderint. De priorè ita statuimus paucis, posse excidere. Nam si non posset, neque hypothesein hanc facturum esset Apostolus, neque ex hypothesei tam grave pronunciatum allaturus, neq; ad hanc causam, quæ agitur, hoc dictum Hebræis, quibus scribebat, accommodaturus: sed quia indefinitarum propositionum, quæ quidem contingentes sunt, ea natura est, ut nunquam dici universales possint propriè & per se; propterea intelligendum est, in eorum numero qui dona illa perceperunt, esse qui exciderint; & esse qui non excidunt nec possunt excidere. Eorum qui excidunt conditionem describit Apostolus versu 4. & 5. ita evidenter, ut etiam ex antithesei deprehendi conditio eorum possit qui non possunt excidere. Nam illustrationis primùm modus est differens; quia in iis qui excidunt, aut foris exhibetur illustratio, aut intus infidet coruscatio, nec pleni luminis, nec plenè, nec in perpetuum mentibus eorum hærens: qui verò non excidunt, in lucem Dei sic habent in thesauro cordis, ut in ea tamquam lampade permaneat inextinguibilis, virtute Dei in eis habitantis. Similiter gustatio cœlestis doni in his atque in illis diversa est. Nam qui excidunt in tantum gustaverunt, aut ita certè gustaverunt, ut quamvis temporaria quadam lætitia donum illud cœleste acceperint, tamen non secus ac homo *κακοσμία* cibum etiam optimum infirmitate sua, ita donum cœleste fidei evomant vitiositate sua. Idem quoq; de ceteris gradibus, quos ponit Apostolus, faciendum judicium est: nempe dona Dei & vocationem, ut inquit Apostolus, esse *ἀπράπτητον*, ac proinde Deum veracè esse, ut ut sit omnis homo mendax: sed non omnia subjecta capacia eorum donorum esse rectè & salutariter: esse quidem nonnulla quodammodo & quadamtenus capacia; quæ postea misere excidunt sua ipsorum vitiositate; sed non omnia. Rectè & salutariter

salutariter capacia esse ea, quæ Deus Pater tradidit filio secundum beneplacitum voluntatis suæ, id est, Electos ejus; non esse verò capacia instrumenta ea, quæ non sunt Christo tradita secundum electionem gratiæ, quamvis externa vocatione & aliquo donorum gustu ad stationem in Christo habendam provocentur. Ad hanc rem commodius explicandam ita habendum est: lucem, dona cœlestia, & cetera quæ hoc loco nominantur, non appellari homonymas sive æquivocè, tamquam si aliam lucem donaque Deus suppeditaret improbis a Deo postea defecturis, aliâque bonis: Nam eandem lucem eadêque dona, si rei substantiam spectes, quamvis suis modulis gradibusque distincta, exhiberis; si modò fundamentum eorum omnium, id est, cômunionem Christi (in quo stant pii virtute Spiritus sanctificationis, & a quo absunt impii) exceperis. Sed illa ipsa lux, donaque, & effecta a Deo proficiscētia, partim quantitate seu modò, partimque applicatione & perceptione differunt. Quantitate, seu modo: quia electis fons ipse vel radix traditur; ac proinde rivos vel fructus per Spiritum sanctificationis oblatos sibi non possunt amittere, cum nullus eorum quos Pater dedit Christo periturus sit de manu ejus: Aliis verò rivi quidē vel rami iidem gustandi & percipiendi exhibentur, sed citra fontem radicemque ipsorum; ac proinde in ipsis positi nullo negotio exarescunt, & ipsi resiliētes a Domino sanctificationi suæ renunciant. Applicatione autem: quia piis hæc bona insident, neque solùm auribus, oculisque, vel sensibus ipsorum, aut sensui etiam communi, aut cerebro & cogitationi exhibentur; sed percipiuntur corde per fidem & bonâ conscientiam, & in thesauro cordis reconduntur; ut suo tempore res bonæ de thesauro cordis depromantur: Aliis verò qui semen pietatis non habent in Christo Jesu, hæc ipsa documenta lucis donorumque Dei ita exhibentur, ut ipsi sibi non applicent ea salutariter; ut quæ non sint cōtemperata in ipsis fide justa per Spiritum sanctificationis; sed tantùm aut quasi sensibus percepta & primoribus labris degustata; aut in conscientia mala, tamquam invulente stomacho, reposita, quæ statim evomant; aut denique *cum expira*, seu personata (ut ita dicamus) fide, ita ab eis percepta, ut nec concoqui ad vitam salutemque ipsorum, nec digeri possint. Quam similitudinem, ab usu naturalis cibi, ut adhibeamus ad hunc locum ipse Apostolus nobis author est, repetito *gustandi* verbo. Ad summam, accipiunt eadem dona impii; sed non cum radice & causa formali ipsorum, nec eadem quantitate & modo: deinde verò non ita percipiunt, quamvis a Dei gratia ad perceptionem illorum provocentur, omnes quidem communiter, pii verò salutariter: ac proinde non debet cuiquam videri mirum, si ex eis bonis dicuntur decidere, qui fundamentum, basin, radicemque, & fontem bonorū numquam tenuerunt. Quòd autem decidere hoc loco dicit Apostolus, ne quis fortè cum Novatianis hujus loci autoritate labefaciat infirmorum fidem, tres gradus intelligendi sunt, secundum quos hoc peccatum a ceteris peccatis distinguitur, & sine quibus non potest haberi commoda hujus & similium locorū interpretatio. Primus gradus est, quòd toti; secundus, quòd de toto; tertius denique, quòd in totum decidunt, qui hoc modo decidunt. Toti decidunt, qui & intelligentia & voluntate consilioque certo, non ignorantia, aut infirmitate, sed malitia toti resiliunt a Deo & donis ipsius, & se totos mancipant voluntati carnis suæ: ac proinde non ita peccavit Paulus, nam per ignorantiam fecit: non item Petrus, nam per infirmitatem

infirmi-  
tatem fecit, ac non totus renunciavit Christo; sed tantum, quis-  
quis se totum & quicquid habet avertit a Deo, & averſatur eum. De to-  
to decidunt, qui non huic tantum, aut illi bono, quod teſtatur Deus, re-  
nunciant ſemel, aut ſæpius, & a fide vitæque aberrant; ſed qui a tota  
doctrina, & vocatione Dei, bonisque oblatiſ & perceptis omnibus ab-  
ſiſtunt voluntariè, abnegantes fidem, & Legem Dei oppugnâtes, eam-  
que maximè quæ ad pietatem ſpectat & ædificationem ſecundum De-  
um. In totum decidunt, qui impiam illam ſceleſtâque defeſionem  
ſuam ita conſtituunt & obfirmât in animis ſuis, ut ultro ipſam Dei ma-  
jeſtatem infeſti petant, eamque, quoad ejus fieri poteſt, indefinenter  
ſtudent ignominiz exponere. Atq; hoc illud peccatum eſt, quod Chri-  
ſtus peccatum in Spiritum ſanctum appellavit, & Johannes, peccatum  
ad mortem, de quo poſtea idem Apoſtolus capite 10. teſtatur, non eſſe  
adhuc reliquam hoſtiam pro peccato hujusmodi. Atque hoc quidem  
peccatum totius hominis eſſe teſtantur ipſa Euangelistarum verba: ut  
quum Matthæus diſertis verbis blaſphemiam Spiritus appellat, id eſt,  
quam homo perversa voluntate Spiritu & animo iniquiſſimo pronun-  
ciat. De toto verò bonorum ſpiritualium cumulo reum hujus peccati  
decidere, demonſtrant illa, quod apud omnes Euangeliſtas de eo a-  
gitur qui adverſus Spiritum ſanctum blaſphemaverit; ut qui author at-  
que effector eſt proximus bonorum omnium illorum, quæ homines un-  
quam poſſunt accipere. In totum denique decidere demonſtrat illa  
inſtituta a Chriſto antitheſis: Quisquis loquutus fuerit adverſus Filium  
hominis, remittetur ei; quiſquis autem fuerit loquutus adverſus Spi-  
ritum ſanctum, non remittetur: quaſi dicat; Grave quidem eſt pecca-  
tum & gravis blaſphemia, quæ in Chriſtum filium Dei pronunciat,ur,  
quacumque tandem occaſione fiat: ſed quum homo blaſphemus ita  
in Chriſtum exardeſcit, ut feratur etiam infeſtus contra Spiritum ſan-  
ctum, eumque deliberata malitia ementiatur & exſtinctum velit, cujus  
vis illuxit ipſius conſcientiz; hujus crimen *ἀντομολογία* nullam con-  
donationem unquam obtinebit; ſed ligatum atque obſignatum in cœ-  
lis permanebit, cum Spiritui ſancto in totum renunciet. Ex his omni-  
bus ergo conſicitur illud quod principio diximus, poſſe fieri, ut deci-  
dant ii qui dona Dei illa acceperunt quæ hinc contulit Apoſtolus; nem-  
pe quicumque non fuerunt Chriſto traditi a Patre, neque in ipſo inſiti  
& radicati ſunt; quandoquidem omnis planta quam non plantavit Pa-  
ter, eradicabitur: contra verò, non poſſe fieri ut qui beneplacito Dei  
ſecundû electionem ejus, ſunt in Chriſto Jeſu, ii decidant de hac com-  
munionem & participationem donorum Dei; quia vero potentiſſimòque  
fundamento verè ſuperſtruſti ſunt, quod ne ipſæ quidem inferorum  
portæ unquam poterunt labefacere. Sequitur altera quaſtio, utrum  
honorificum, an verò contumelioſum in Deum eſſe videatur, quum di-  
citur fieri non poſſe ut eos renovet Deus ad reſipiſcentiam, qui ex his  
bonis exciderint. Ac mihi quidē videtur huic dubitationi cauſam præ-  
buſſe maximè ea interpretatio, quæ in vulgo hætenus obtinuit: Im-  
poſſibile eſt rursus renovari ad pœnitentiâ, &c. vel (ut aliis placet) re-  
novari per reſipiſcentiam: quod poſterius (bona pace illorum dixerim)  
a mente Apoſtoli, & proprietate vocis longiùs videtur diſcedere: U-  
trumque verò abeſſe longè ab Apoſtoli argumentatione; quæ ſumitur  
a conſilio decretòq; Dei, ut antè diximus, & cōcludit ita ſe habere vo-  
cationem & functionem adminiſtrorum ejus oportere. Quamobrem  
mihi



mihi omnino probatur hæc interpretatio, quam in diagrammate contextus sequuti sumus: nempe *ἡ ἀναρχία*, ut per se activum est, sic etiam activè accipi, & de ipso Deo salutis vocationisq; ad salutem authore hæc enunciari; nempe fieri nō posse ut eos qui tantis donis acceptis voluntariè ab eis abscesserint deciderintque, Deus iterum renovet ad resipiscentiam, &c. Quæ propositio a natura Dei constantissima & immutabili confirmatur. Etenim perinde est ac si diceret Apostolus: Deus seipsum negare non potest, ut alibi inquit idem Apostolus. Hæc autē species abnegationis sui futura esset, si eos homines, qui ab his donis omnibus exciderunt ultro, renovaret ad resipiscentiam. Hoc ergo Deus facere non potest, vel (ut commodius loquitur Apostolus) fieri non potest, ut hoc faciat Deus. Quid ergo? an impotentiam in Deo hoc sermonis genere statuimus? Minimè verò; nam contra si daremus illud, Deum potentem esse abnegandi sui, non esset perfectè omnipotens: cum illa ipsa, quæ abusive dicitur, potentia abnegandi sui, propriè non potentia, sed impotentia deputanda sit. Cum itaque absolutissimæ potentia illud sit, quod seipsum negare non potest; quod non est in ipso mutatio, ac ne mutationis quidem ullius adumbratio; quod non est ut homo qui mentiatur, aut ut filius hominis quem pœniteat, & si quæ sunt ejusmodi: omnino sequitur, sublato genere hanc quoque speciem tolli; nec magis fieri posse, ut qui constantissimus est in justitia sua, protervos peccatores istos revocet ad resipiscentiam, legemque mutet justitiæ suæ, quam potest fieri ut sese abneget. Id enim constat est & veritatis Dei; tantum abest, ut contumeliosum hoc dictum in Deum meritò videri possit. Ne quis autem fortè miretur, quod verbum *παράγωμεν* de voluntario protervoque hominum peccato & universali defectione accipimus; id imperitorum causa hoc loco monebimus, eam nos interpretationem amplecti religiosissimè, quæ habet convenientiam cum aliis Scripturæ locis argumento, & verbi ipsius significatione. Argumento; nam hoc genus denunciationis non nisi de voluntario peccato, quod fit elata manu, in Scripturis usurpari solet, ut Numerorum 1. Matth. 12. infra cap. 10. & 1. Joh. 5. & similibus præterea locis. Significatione verò: quia verbum cadendi sive decidendi Hebrais & Græcis, ut & Latinis, procidere, de voluntaria quoque dejectione, ac non de involuntaria solum vel inopinata dicitur: ut legitur Rebecca de camelo decidisse, quum Isaacum prospexisset, Gen. 24. & in libr. Judicum Axa quum pro fontibus patrem rogatura esset; & alia quoque exempla leguntur consimiliter. Hæc verò omnia tandem illustrat Apostolus adhibita similitudine: quæ similitudo, quia nihil obscuritatis habet, a nobis (quorum aliud institutum est) de industria omittetur. Tantum de eo nobis dicendum est, quid causæ fuerit cur Apostolus ad Hebræos scribens in hunc sermonem devenerit. Duæ igitur causæ sunt, judicio meo, cur in hunc sermonem venit Apostolus; prior est, ut institutam illam dispositionem a contrariis illustraret: posterior, ut Hebræos proposita gravitate minarum Dei adversus gravitatem instantium calamitatum & infirmitatem humanam confirmaret. Dispositionem fuisse illustrandam (quod ex contrariis maximo opere obtinetur) demonstrat maximè alterum hujus capitis membrum; versu nono & sequentibus. Hæc enim dispositio fuit: Duplex est docendi modus, materiæque in Ecclesia Dei: una, lactea; altera, solida: quarum lactea infantibus, solida adultis præbenda est. Ac vos quidem infantiam prætergressi

pratergressi estis, si temporis rationem habeamus: segnitie verò quadam, ac non rebus omnibus infantiam imitami. Hæc autem cùm ita sint; non tamquam infantibus sermonem de principio Christi oportet adhiberi; sed potiùs perfectiorem doctrinam proponi, conjuncta exhortatione, ut qua in re infantes imitami, ab ea desistatis, & adolescentis augeſcat; ad omne opus bonũ. Quòd si in eorum numero essetis, qui postquàm inceperunt a Spiritu, in carne desinunt, & ad carnis studia abdicato omni pietatis gustu voluntariè feruntur præcipientes; hoc ego non essem facturũ: quia canes & porcos ejusmodi nec Deus justo consilio suo renovare statuit ad resipiscẽtiam, nec verbi sui Ministerium ampliùs illudendũ hominibus istis exponere: *sed persuasimus vobis, dilecti, de vobis, &c.* versũ nono. Confirmatione verò fuisse opus, & quidem severissimis Dei minis graviter appositis adversus tam multa pericula quæ minati Hebræis videbantur, multis rationibus ostendi potest, ex natura communi omnium, historia illorum temporum, & verbis hujus ipsius Epistolæ. Nam ea est a natura hominis infirmitas, ut nisi promissionibus alliciatur, minis impellatur, omnibus denique modis quotidie excitetur; facilè ac nullo negotio infirmitatibus suis indulgear. Historia verò illorum temporum ostendit apertè, plurimas fuisse Hebræorum perpeſsiones, quas ab aliis Gentibus ferre cum summa ignominia coacti sunt: In primis autem eorum qui in Christum crediderunt; quia hi non solum eò male audiverunt quòd Judæi essent, sed apud suos etiam Gentiles fuerunt odio maximo, tamquam si scandalum suis fratribus professione Christianitatis posuissent. Maxime autem verbis hujus ipsius Apostoli capite 10. confirmantur ista: ubi hoc ipsum argumentum exhortationis iterum inculcavit, & causas ejus copiosius explicavit. Ex his itaque concludimus, non iniquam, aut ineptam, aut supervacaneam propositionem hanc apud Hebræos extitisse; sed potiùs ad lucem hujus dispositionis maximè pertinere, & oportunum illi genti temporibusque stimulum hujusmodi accessisse, quo Hebræorum animi in fide & patientia sancta persisterent.

9 Sed nobis persuasimus de vobis, dilecti, res meliores & salute conjunctas, etiam si ita loquamur.

10 Non enim Deus injustus est, qui obliviscatur opus vestrum & laborem illum charitatis, quam demonstravistis, quam ad nomen ipsius ministravistis & ministratis sanctis:

11 Sed cupimus unum quemque vestrum demonstrare idem studium ad plenam spei persuasionem in finem usque;

12 Ut ne segnes efficiami; sed imitatores eorum qui per fidem, & patientiam hereditatem promissionum obtinent.

## Gen. 22.

16 Per me juravi, dictum Jehovæ, quandoquidem fecisti rem hanc, ac non substraxisti Filium tuũ, unicum tuum:

17 Benedicendo benedicam tibi, & multiplicando, multiplicabo semen tuum, &c.

13 Nam cùm Deus promissa fecit Abrahæ, quandoquidẽ non habuit unde juraret per majorem quemquàm, juravit per seipsum.

14 Dicens, Certè benedicens benedicam tibi, & multiplicans multiplicabote.

15 Atque

15 Atque ita, quum patienter expectavisset, promissionem illam assequutus est.

16 Etenim homines per eum jurant qui major est; & iuramentum ad confirmationem adhibitum, est eis omnis controversiæ terminus.

17 Qua in re Deus volens ampliùs demonstrare heredibus promissionis immutabilitatem consilii sui, interposito iurejurando confirmavit:

18 Ut per duas res immutabiles, in quibus fieri non potest ut sit mentitus Deus, validam consolationem habeamus, qui eò confugimus, ut propositam spem teneamus:

19 Quam, velut tutam ac firmam animæ anchoram, habemus, & ingredientem in partem intimam veli:

20 Quò præcursor pro nobis Jesus ingressus est, factus Pontifex in seculum secundum ordinem Melchisedec.

Posita antecedente descriptione eorum hominum, ad quos non doctrina Christi, ac ne fundamentum quidem illius pertinet, nunc demùm propositionem alteram, & quamdam velut *indigetiam* adhibet Apostolus: quæ si ad justam argumentationis formam revo- ceretur, propositio minor, sive (ut vocant) Assumptio institutæ hujus dis- positionis vocari potest. Sic enim argumentatur, & probat consilium suum. Iis qui salutaria Dei dona evomuerunt, & fundamenta ipsorum, non est perfectionis Christianæ doctrina proponenda, neque pueris ru- dibus in Christo. Vos autem neque pueri estis in Christo, neque doctri- næ sanæ renunciavistis, ut de vobis persuasi sumus. Restat igitur, ut per- fectionis doctrinam exhibeamus vobis. Atque hæc quidem assumptio, versu nono & tribus seq. confirmatio verò, sequentibus exponitur. Pro- positionis autem de illa Christiana persuasionem fiduciæque, quam de Hebræis se narrat præcepisse, simplex enuntiatio verbis evidentibus & blanda modestia conjunctis exstat versu nono; quæ ita per se clara est, ut nos quidem lucem ei afferre nequeamus. Ejus verò confirmatio est in versu 10. ubi ostendit Apostolus persuasionem suam non esse de nihilo conceptam opinionem; sed certissimum judicium a signis & re- bus conjunctis sumtum. Sic enim statuit Apostolus: in quibus signa & testimonia bonorum operum & laboris in charitate summi posuit & ostendit Deus, de iis bona debet esse persuasio; Vos autem ii estis. Ve- rumtamen ne quis putet persuasionem hanc in virtute aut qualitate hominum fundatam esse; altiùs assurgit Apostolus, persuasionem suam testificans in Deo justissimæque natura ejus, non autem in hominibus & infirma eorum conditione acquiescere: tamquam si diceret; omnino quidem id fieri potest, ut vos vestri ipsorum obliti per infirmitatem ab opere vestro & labore charitatis illius desistatis; sed persuasio mea cõ- quiescit in Domino: is iudex ille justus est, qui opus illud vestrum & la- borem charitatis efficit in vobis, qui hæc signa testimoniæque protu- lit, & qui dona sua in vobis coronaturus est. Hanc verò argumentationem in hunc modum accipi oportere qui negant, falluntur ex homo- nymia verbi *ἡμετέριον* sive oblivisci: illis enim obliviscendi verbum non aliò spectat, quàm ad præmium & compensationem operum an- tecedentium: cùm tamen in Scripturis passim hoc idem verbum acci- piatur pro eo quod est, non pergere & continuare in promisso vel in- stituto bono: quemadmodum hoc in loco accipi oportere demon- strat



strat antithesis duorum sequentium versuum, in qua Apostolus suum desiderium studiumque explicat, velut adjuvantem causam summæ illius & principalis causæ efficientis, nempe Dei iusti, & iustum opus suum in piis & iustis iustè prosequentis ad gloriam nominis sui, sanctorum adjumentum, & omnium ædificationem: quæ causæ sigillatim his verbis Apostoli comprehenduntur; *quam charitatem demonstravistis, quomodo ad nomen vel in nomine ipsius ministravistis sancto, & adhuc ministratis.* Ad summam, hæc est Apostoli argumentatio: Qui iustum opus iustè institutum, tamquam sui ipsius oblitus, deserit, is injustus est. Deus autem non est injustus. Non igitur iustum opus vestrum, laborémque fidei, sanctis pietatis charitatisque officiis testatum in nomine suo ad ministerium sanctorum, relinquet insecutum. Huic verò propositioni succedit altera eodém pertinens; sed diverso tamen argumento seu medio argumentationis: nempe a studio Apostoli, tamquam vocati ad ministerium iustitiæ illius Dei, ad procurationem operis illius, & ad profectionem salutis nostræ. Sic enim ab exemplo Domini, cujus asseruit iustitiam præcedente versu, suum officium officio Domini sui conformatum esse affirmat, dicens; *sed cupimus* (tamquam ii nimirum, qui Dei illius non iniusti, ut antè loquutus est, administri sumus & operarii) *ut unusquisque vestrum demonstret idem studium ad plenam spei illius nostræ persuasionem in finem usque,* nimirum quale studium in opere vestro & labore charitatis erga sanctos exhibuistis: id est, ut fides vestra & demonstratio illius spei, quam Dei Spiritus genuit in vobis, eadem sit, quanta fuit demonstratio charitatis illius, de qua jam diximus. Hujus autem optati finis demonstratur versu 12. per antithesin emphaticam, ubi ait: *ut ne sitis segnes,* aut verò *segnescatis*: abicientes puta illud studium de quo modò diximus; sed potius diligentes sitis imitatores sanctorum, quorum descriptio elegantissima conclusa est sequentibus verbis, quum appellantur ii *qui per fidem & patientiam obtinent hereditatem promissionis.* Nam generalis quidem est illa sanctorum descriptio, quòd heredes promissionum dicuntur esse, hereditatémque earum obtineant; sed cum alii in re (ut Augustinus loquitur) alii in spe hereditatem obtineant; optimè formam sanctorum, tantisper dum in hac vita sunt, circumscribit Apostolus duobus attributis, fide & patientia. Quæ duo in hoc seculo omnino sunt opus, ut per fidem veritas rei teneatur; per patientiam vincatur adversitas: quemadmodum & in Apocalypsi legimus, hic est fides & patientia sanctorum. Sequitur jam confirmatio antecedentis argumenti, unde persuasio illa profecta est, & cujus argumenti respectu ac confidentia sanctos omnes alios de aliis optima quæque sperare necesse est. Sic enim Apostolus seipsum in persuasionem illa confirmans argumentatur: Quæ Deus promittit & jurat, ut iustè promittit & jurat, sic eadem iustè præstat: Hereditatem verò promissionum vobis iustè promisit Deus, juravitque, & documenta præstitit veritati suæ in illo opere vestro & labore charitatis; Iustè igitur hæc vobis quoque præstiturus est. Præstare autem demonstrat Apostolus exemplo Abrahami, versu 13. & duobus sequentibus: quod exemplum postea interpretatur, & tum omnibus sanctis, tum præsentis causæ accommodat, ad quæstionem institutam transiturus. Deum Abrahamo promississe narratur versu 13. & 14. præstitisse, decimoquinto. Promissionis duo membra statuuntur; nempe ipsum promissionis genus; & modus ad promissionem confirmandam pertinens; puta juramentum, quo Deus per

per seipsum juravisse dicitur, cum per majorem quemquam jurare non possit. Deinde confirmatur hæc propositio ab autoritate sumta ex 1. libro Moïsis, quemadmodum supra in Parallelo diagrammate nostro posuimus. Atque hic locus ita est evidens, ut declaratione ulla ampliore opus non habeat; præsertim cum hujus ipsius argumenti declaratio reliquo capite apponatur. Declarationis autem illius similiter membra duo sunt: prius enim declaratur promissionum divinarum modus, versu 16. & 17. deinde finis & effectus, reliquis. Modum promissionum per comparisonem Apostolus explicavit sumtam ex humano usu: quæ usum versu 16. accommodationem 17. complexus est. Humanum usum in juramentis distinguit Apostolus duobus modis; tum quod ii qui jurant per eum jurant qui ipsis major est; tum quod jusjurandum confirmationi rerum inservit, & omnem controversiam vel contradictionem terminat. Hujus verò propositionis sequitur accommodatio 17. versu, qua ostendit Apostolus quantopere Deus hominum confirmationi consultum voluerit: qui ratione humana heredes confirmaverit de fide & constantia sui consilii; Quod consilium his verbis exponit Apostolus: *Deum volens ex abundanti sive amplius demonstrare immutabilitatem consilii sui heredibus promissionis*: factum verò expressit illis, *intercessio vel interpositio se jurejurando*: tamquam si diceret, veram quidem, immutabilem, & indubitatam esse Dei fidem in promissionibus ipsius agnoscunt omnes, quibus manifestum est id quod de Deo cognosci potest: Ac proinde nihil attinuit ipsius causa, ut promissiones suas verissimas & heredibus earum factas ex abundanti confirmaret. Verumtamen quia heredum infirmitatem vidit, dum hic versantur in expectatione hereditatis suæ, circumstantem ipsos; propterea placuit ipsi cavere infirmitati ipsorum eodem modo quo homines inter se solent, & se ad captum & conditionem ipsorum demittere, adhibito juramento, cujus finis sequentibus versibus exponitur. Ac fines quidem propriè duo sunt: unus, ad Deum respiciens & gloriam ipsius, quum Deus versu 17. voluisse dicitur *ex abundanti heredibus promissionis demonstrare immutabilitatem sui consilii*: Alter ad nos respiciens, & bonum salutemque nostram; nempe, *ut per duas res immutabiles*, quod versu 18. dicitur, *validam consolationem habeamus* in hoc stadio curriculòque nostro, dum eo cursu contendimus, ut spem propositam in promissionibus ejus obtineamus, atque in ea persistamus. Cujus constantiæ firmamentum illud est amplissimum, quod inquit Apostolus, *fieri non posse ut in rebus illis mentis sit Deus*. Effecta verò cum fine ita conjuncta sunt, ut divelli ab eo nulla ratione possint. Nam primus hujus confirmationis divinæ effectus est fides, quod in isto cursu, quamvis arduo & perdifficilli, validam habemus consolationem, qui in fide & veritate promissionum Dei conquiescimus. Secundus effectus est spes, *quam* (inquit Apostolus) *velut anima anchoram habemus tutam ac firmam*, &c. Quæ duo effecta elegantissima similitudine & quasi allegoria hoc loco describuntur, quum hic mundus alto mari, fideles vectoribus cursu ad portum contendentibus comparantur. Quemadmodum enim vectoribus duo sunt opus in gravissimis & periculosis procillis, tum ut inter medios fluctus consolationem habeant, tum ut extra fluctus in portu quadam velut anchora confirmenter de salute sua: sic etiam fidelibus & piis omnibus prospectum fuisse a Deo demonstrat Apostolus, ut in alto fidem habeant, quam fidem spes, velut anchora in portu reposita & infixæ, tutam

& securam esse jubeat ab omni incommodo. Hujus verò securitatis maximum argumentum, sed *παράκλησις* ad quæstionem institutam, subjicit Apostolus, quum anchoram spei nostræ narrat ingredi in partem interiorem usque veli, quod olim in templo locum sanctum a sanctuario Dei determinaverat typicè, & sanctuarii celestis (ut idem post interpretatur) ingressum adumbraverat. Sic enim ostendit Apostolus, non modò facultatem ad portum appellendi nobis oblatam esse, verum etiam ipsa penetralia quietis & gloriæ Dei referata esse: cui rei fundamentum & causa efficiens proponitur versu 20. *Jesus Christus præcursor pro nobis*, &c. Qui versus nihil aliud est, nisi *ἡ προδρομία* sermonis illius, ex quo digressus erat Apostolus inde a vers. 11. capitis præcedentis, & prolepsis sive propositio summa eorū quæ postea dicere instituit apostolus de sacerdotio Christi. Nam duo summatim in hoc versu de Christo Jesu prædicantur; unum, Jesum Christum præcursores pro nobis intra velum ingressum esse: alterum, id non nisi secundum vocationem Dei fuisse ab ipso factum, ut qui pontifex sit factus in æternum secundum ordinem Melchisedec. Nam hæc duo membra prolepsos in capitibus sequentibus *ὅτι ἐν αἰῶνι* exponuntur; prius quidem capite 7. & 8. posterius sequentibus.

## CAPUT SEPTIMUM.

- 1 Nam hic Melchisedec rex Salem, Sacerdos Dei altissimi, qui venit obviam Abrahamo revertenti a cæde regum, & benedixit ei,
- 2 Cui etiam decimas ex omnibus impartitus est Abraham, qui primum quidem ex interpretatione dicitur rex justitiæ, deinde verò etiam rex Salem, quod est rex pacis,
- 3 Sine patre, sine matre, sine recensione generis, nec initium dierum, nec vitæ finem habens, sed assimilatus ipsi Filio Dei, manet sacerdos in perpetuum.

**I**Nstituta propositio de sacerdotio Domini & servatoris nostri Jesu Christi membra duo antè posita sunt: unum exsequutionis, quòd Christus persunxerit partibus sacerdotis nostri; alterum, vocationis & functionis imperatæ ad perfectionem salutis nostræ. Posteriores hunc locum supra capite 5. & 6. ita proposuit Apostolus, ut non simpliciter, sed comparatè dignitatem sacerdotii illius ostenderet ex Davidis Prophetæ verbis; quia Christus pontifex vel summus sacerdos factus esse dicitur in æternum secundum ordinem Melchisedec. Explicaturus igitur propositionem hanc Apostolus *καὶ δὲ ὁμολογῶν*, duas sibi partes sumfit ordine (ut opus fuit) explicandas: unam, typi, quo sacerdotium Christi fuit adumbratum; alteram veritatis cum sacerdotio Christi consistentis, quam ille typus jam olim adumbraverat. Est autem in his tribus versibus summa propositio illius typi, cujus enarratio deinde ad versum usque undecimum continetur: postea demum transitur ad illud sacerdotium Christi, quod Melchisedec adumbraverat. De hoc autem Melchisedeco sic agit Apostolus, ut primum descriptionem ex Mose percurrat, deinde verò officium ejus sacerdotale circumscribat ex Davidis verbis, in fine versus 3. Ad descriptionem ex Mose sumtam tria hæc pertinent: primum, quòd hominis nomen, functio, res gestæ exponuntur: secundo, quòd affertur nominum interpretatio: tertio, quòd



ea observantur, quæ a Mose typicè dissimulata sunt, sive reticentur in historia ejus. Nomen viro fuit *Melchisedec*: functio duplex: una regalis, nam *Rex* dicitur *Salem*; altera Sacerdotalis, secundum quam *Sacerdos Dei altissimi* appellatur. Facta sive res gesta, quod tamquam *Rex munificus occurrit Abrahamo revertenti a cade Regum*, & tamquam *Sacerdos ac Propheta ordinarius verbis Dei benedixit illi*; quo nomine etiam *Abraham illi decimas ex omnibus impartitus est*, & ille ab eo non dubitavit accipere tamquam fretus auctoritate Dei, & ex ea ritè perfungens sacerdotis officium. Secundus locus, puta nominum interpretatio, non habet quidem magnam auctoritatis speciem, quia nomina plerumque in rebus humanis  $\alpha\tau\tau\tau\tau\tau$   $\tau\tau\tau\tau\tau$ , vel contingenter imponi solent; ut innumeris scripturæ sacræ exemplis demonstrari potest, & quotidiana arguit experientia. Sed cum ea, quæ a Mose de Melchisedeco narrantur, primum quidem certa Dei providentia se ita habuerint, & nomina quoque eodem auctore & duce fuerint imposita: præterea cum ea ipsa quæ Dei providentia geri in hunc modum voluit, per eandem providentiam & *οικονομία* ita a Mose conscripta sint; ac proinde a Deo cum impositio nominum, qua Moses, tum interpretatio, qua Apostolus utitur, dicenda sit: non dubitamus quin necessaria sit ex illis appellationibus divinitus impositis & firma consequentia; quemadmodum supra capite primo de Christo diximus in versum quartum. Duplex igitur est interpretatio. Nam primum quidem nominis *Melchisedec* interpretatio est *Rex justitiae*: fuit enim typus Regis illius nostri, sive Jehovæ justitiæ nostræ, ut vocat Jeremias; qui ipse justus est, justitia nostra est, nos justificans, & justitiam curat regia administratione sua. Deinde verò etiam *Rex Salem* dicitur, id est, *Rex pacis*, quia pax nostra est, qui justitia sua perfectæque obedientia Deo, & Patri ita satisfecit, nosque ab omni peccato & injustitia vindicavit, ut jam pacem habeamus erga Deum per ipsum, & aditum in gratiam hanc per quam stamus, gloriemurque in ipsis oppressionibus sub spe gloriæ Dei. Est enim pax illa justitiæ Dei consecraria. Sequitur deinde tertius descriptionis locus, sumtus ex iis rebus quæ Moses typi causa dissimulavit & reticuit in historia sua, auctore Spiritu Dei. Sic enim statuit Apostolus: Quemadmodum ea ipsa quæ humanitus de Melchisedeco fuerunt pronunciata contingenter secundum hominem, respectu typi a Deo dati atque destinati necessariam efficiunt consequentiam; ut sunt ea quæ hæcenus de Melchisedeco fuerunt exposita: sic etiam quæcunque destinato certoque consilio a Spiritu Dei in libro & narratione Moysi dissimulata sunt, typi causa fuisse dissimulata; ut rerum quarundam silentium pro typo eorum haberetur quæ de persona Christi (in quo est typi illius veritas) negare necesse est. Atque hæc quidem speciatim recenset Apostolus quatuor prædicationibus in vers. 3. Deinde generatim materiam & modum harum prædicationum proponit. Specialia igitur sunt hæc, quæ de Melchisedeco reticuit Moyses typicè, de Christo autem verè oportet accipi. Primum, quod est *sine patre*, puta Melchisedec quidem sine patre quem narrat Moyses; Christus vero sine patre ullo secundum carnem, ut qui sine patre ex Spiritu sancto, id est, operatione illius & inumbratione ac veluti fori conceptus est, factus ex muliere & factus sub Lege secundum carnem. Secundum est, quod *sine matre* dicitur consimiliter; quod epitheton Melchisedeco typicè secundum historiam modum; Christo secundum veritatem

competit, quā filius est æternus Dei & Patris æterni, Splendor gloriæ, Character personæ illius, & imago Dei inconspicui, ut aliquot locis Scriptura loquitur. Atque eodē quoque pertinent sequentes aliæ prædicationes duæ: una, quod est ἀγία λόγος, quia prout typicè a Mose reticeretur Melchisedeci genus, ita revera Christus omnes generationes superat, quæ in rebus creatis dici & recenseri solent; tamquam æternū a Patre genitus inexplicabili & incomparabili generatione: Altera, quod neque principium dierum neque vitæ finem habere dicitur, nimirum κατὰ λόγον sive τὰ ἐν, id est, prout narratio illius a Mose instituta est, qui neutrum de Melchisedeco vel minima vocula expressit; sed omnia dissimulavit religiosissimè θεός τῶν, autore Dei Spiritu. Atque hæc quidem κατὰ λόγον ἱστῆρας καὶ τὰ ἐν dissimulata de Melchisedeco typicè, de Christo κατὰ λόγον ἀληθείας optimè, velut complemento antecedentis typi, enunciata sunt. Nam si Christus, omnibus modis infinitus est, quā Deus (est autem) certè etiam tempore infinitus futurus est. Quod si tempore; igitur nec principium dierum, nec vitæ finem habet; alioqui si haberet, non rectè infinitus esse diceretur. Harum verò prædicationum quatuor antecedentium materia & modis circumscribitur illis vocibus: *sed assimilatus Filio Dei*, id est, similis factus, non secundū substantiam (quis enim par aut similis Deo appellari posset propriè?) sed secundū rationem & modum narrationis historicæ; ubi de Melchisedeco ea reticentur, tamquam si non fuissent in eo: quæ de Christo religiosè & sanctè negantur, quia in ipso non sunt. Quam analogiam & proportionem typi veritatisque optimè Psaltes Hebræa appellatione significavit *Dibrath*, id est, λόγος συμπάτης: Græci τὰ ἐν appellaverunt, ut unam vocem altera exprimerēt. Restat officium Christi in persona Melchisedeci adumbratum, quod in fine versus tertii Apostolus exponit, dicens, *Manet sacerdos in perpetuum*: qua de re quia hoc ipso capite amplior futurus est dicendi locus, nimirum 8. versu, hanc partem in eum locum rejicimus.

4 Spectate verò quantus hic fuerit, cui Abraham etiam Patriarcha decimas dederit ex spoliis.

5 Ac ii quidem ex filiis Levi qui sacerdotium suscipiunt, mandatum habent decimas percipiendi a populo secundū Legem, id est, a fratribus suis, licet egressis ex lumbis Abrahæ:

6 Is verò, cujus ad illos non refertur genus, decimas ab Abrahamo accepit, & benedixit ei qui habebat promissiones.

7 Sine ulla autem controversia; quod minus est, id benedicatur ab eo quod est majus.

8 Atque hic quidem homines qui moriuntur decimas accipiunt: illic verò is cui testimonium perhibetur quod vivat:

9 Et (ut ita loquar) in Abrahamo etiam Levi, is qui decimas solet accipere, fuit decimatus.

10 Adhuc enim in lumbis patris erat, quum Melchisedec obviam venit illi.

**P**ropositionem typi antegressam sua sequitur enarratio 7. versibus, quos in diagrammate posuimus: sed quia non tanti interfuit de enarratione typi illius laborari, nisi quatenus pertinuit ad amplificandam

plificandam Christi (in quo corpus est & veritas illius typi) dignitatem; propterea visum est Spiritui sancto per Apostolum hoc loco typi illius dignitatem uno aut altero tantum argumento, de pluribus decerpto, ostendere: unde pii omnes agnoscerent, si tanta fuit illius typi dignitas atque autoritas, longè ampliorem esse veritatis in Christo Majestatem. Ad hanc autem enarrationem, postquam certo quodam velut epiphonemate Apostolus transfiliit, inquit, *Speclate quantum hic fuerit*; Tria argumenta summatim adducit illius præstantia, qua Melchisedec præ aliis secundum Christum instructus est. Primum est a jure decimandi, tribus versibus: secundum, a jure benedicendi, versu sexto & septimo: tertium denique a silentio de morte ipsius, quod silentium indefinientem vitam adumbravit versu 8. quibus breve quasi auctarium versu 9. & 10. adjectum est. Jus decimationis Apostolus exponit his verbis: Quod Abraham Patriarcha ei decimas etiam spoliolum dederit: quibus rebus & circumstantiis amplificatur typi illius dignitas, quod vir ille Dei Abraham Patriarcha, & credentium Pater, dederit ei etiam decimas spoliolum, quæ omni jure post omnem hominum memoriam Deo fuerunt sacræ; ac proinde illum non obscure Sacerdotem Dei viventis a se haberi professus est. Hic autem locus insigni comparatione illustratur ver. 5. & 6. quando sacerdotum ex gente Levitica jus in decimandis fratribus comparatur cum jure illius qui sine patre, sine matre, sine recensione generis (ut antè dixit Apostolus) jus habuit decimas capiendi. Nam Leviticis quidem sacerdotibus jus illud fuit ex mandato legali, ut fratres suos ex eodem genere & ex iisdem lumbis Abrahami progenitos decimarent: Melchisedec verò non ex mandato legali, aut humano ullo: sed divina quadam autoritate instructus: non ex generis sui privilegio, sed ex sola Dei gratia jus decimarum obtinuit; non ex populo fratribusque suis, sed ex iis ad quos non legitur pertinuisse sanguinis necessitudine. Quæ omnia si diligenter inter se comparantur, non parum momenti ad asserendam præstantiam typi sacerdotalis hujus allatura sunt. Alterum argumentum, a jure benedicendi & collata in Abrahamum benedictione, graviter enuntiatur, quum dissimulato proprio Abrahami nomine dicitur *ὁ εὐχόμενος, ὁ ἔχων τὰς ἐπαγγελίας* is qui promissiones habet: *Benedixit*, inquit Apostolus, *habenti promissiones*. Ex hac autem benedictionis divinæ pronuntiatione & administratione, quàm benè præstantia Melchisedeci spectari possit, demonstrat Apostolus versu 7. sumta argumentatione a dignitate vel natura efficientis causæ, sive ea principalis, sive instrumentalis dicatur esse. Quam conditionem affirmat Apostolus positam esse, consensu omnium, extra omnem controversiam. *Id quod minus est*, inquit, *ab eo quod majus est benedicitur*. Abrahamo a Melchisedeco benedicitur: Est igitur Abraham Melchisedeco minor. Neque refert, quod propriè principalis causa efficiens benedictionis Deus est, qui unus est supra omnes, ut inquit Ecclesiastes: Nam etiam illud omnium bonorum consensione certò constat, eum qui benedicit ex vocatione Dei & verbis ipsius, quamvis ministerialiter & instrumentaliter, ut loquuntur, tamen quatenus sese in eo ministerio, ut instrumentum Dei & legatione fungens secundum Deum, occupat; ea re majorem esse iis, quibus in nomine & autoritate Dei benedixerit. Restat argumentum amplificationis tertium, constans iisdem comparationis membris quæ in superioribus audivimus: Qui decimas capiunt, inquit Apostolus, homines



sunt, qui & natura & scriptura teste moriuntur; ac propterea de successione in Lege prospexit Deus in mortuorum locum. Dignior est autem is de quo testimonium est ipsum vivere; aut certe non est testimonium de morte ipsius: & huiusmodi noster est Melchisedec: Hic igitur illis est præstantior. Huiusmodi esse non tantum silentio Moysi (quod fuit typicum) demonstratur, verum etiam Davidis testimonio, dicentis Dei verbis, *Tu es sacerdos in æternum secundum ordinem Melchisedec*, id est, secundum quam sacerdotii constitutionem Moysi narratio de Melchisedeco auctore Dei Spiritu conscripta est, ut antè explicavimus. His argumentis postremò velut corollarium adhibet Apostolus, ad dignitatem Sacerdotii Melchisedeciani asserendam, per comparisonem utriusque sacerdotii & juris ad sacerdotium utrumque pertinentis, hoc modo: Qui decimas capit dignior est dante: Melchisedec decimas cepit, & quidem (ut ita loquamur) cepit ex ipsa gente Levitica mediatè in persona Abrahami: præstat igitur sacerdotium decimantis Melchisedeci, sacerdotio Levitico quod in Abrahamo decimatum est. Hoc argumentum videri potuit argutius, quàm ut ab Apostolo in hac causa poneretur. Quapropter duplicem *διεξέτις* adhibuit, ut totum hunc locum commodè & sine cuiusquam offensione concluderet. Prior *διεξέτις* & præmunitionis locus in his verbis positus est, *ὡς ἵππευ εἰπείν, ut ita loquamur*: quibus non obscurè testatur Apostolus se hunc sermonem suum nolle ad vivum (ut vulgò dici solet) refecari, & quasi appendi ad aurificis trutinam; sed crasse & secundum quemdam modum accipi. Posterior verò est *αιτιολογία* versu 10. quòd Levi adhuc in lumbis patris Abrahami fuit, id est (ut loquuntur Scholæ) potentialiter & originariè, quum Melchisedec ipsi occurreret. Atque hac ratione suum illud dictum quod nonnullis fortè insolentius videri poterat, Apostolus commodè temperavit.

11 Siquidem igitur sanctificatio per Leviticum sacerdotium erat (nam propter illam populo sancita est lex *Sacerdotii*) quid amplius erat opus alterum exsistere sacerdotem secundum ordinem Melchisedec, ac non dici secundum Aaronis ordinem?

12 Mutato enim Sacerdotio, necessariò etiam Legis fit mutatio.

13 Nam is, de quo hæc dicuntur, consors fuit tribus alterius, de qua nullus attendit altari.

14 Palàm est enim, e tribu Juda exortum esse Dominum nostrum; ad quam tribum nihil de sacerdotio Moyses proloquutus est.

15 Idque etiam magis ex eo manifestum est, si secundum illud simile Melchisedeci exsistit sacerdos alter:

16 Qui non sit factus secundum Legem mandati carnalis, sed secundum vim indissolubilis vitæ.

Psal. 110.

4 *Tu es sacerdos in seculum secundum ordinem Melchisedec.*

17 Testatur enim, dicens, *Tu es sacerdos in æternum secundum ordinem Melchisedeci.*

18 Etenim abrogatio fit præcedentis mandati, propter impotentiam & inutilitatem ipsius:

19 Nam Lex nihil sanctificavit, sed superaddita melioris spei introductio, per quam appropinquamus Deo.

20 Et quatenus non absque iurejurando,

Psal.

Psal. 110.

4 *Juravit Jehova, & non pœnitebit ipsum. Tu es sacerdos in seculum secundum ordinem Melchisedec.*

21 (Illi etenim sine jurejurando facti sunt sacerdotes; hic verò, cum jurejurando, per eum qui dixit ei: Juravit Dominus & non pœnitebit eum; Tu es sacerdos in æternum secundum ordinem Melchisedec.)

22 Tanto potioris testamenti sponsor Jesus factus est.

23 Ac illi quidem plures facti sunt sacerdotes, eò quòd morte prohiberentur permanere:

24 Hic verò, propterea quòd manet in æternum, indefinens habet sacerdotium.

25 Unde etiam servare in universum potest eos, qui per ipsum accedunt ad Deum, semper vivens, ut interpellet pro eis.

26 Talis enim nos decebat Pontifex, sanctus, innocens, impollutus, segregatus a peccatoribus, & sublimior cœlis factus:

27 Qui non habeat quotidie necesse, ut illi pontifices, prius pro suis propriis peccatis victimas offerre; deinde pro peccatis populi: Hoc enim fecit semel, quum semetipsum obtulit.

28 Nam Lex homines constituit Pontifices, qui infirmitatem habent: sermo autem jurisjurandi quod post Legem conceptum est, filium constituit, qui sanctificatus est Pontifex in æternum.

**C**um antè sub finem capitis sexti & principium hujus demonstraverimus, duo esse membra ad propositionem de sacerdotio Christi pertinentia; unum, vocationis; alterum exsequutionis ex mandato & vocatione Patris: quæ duo membra in typo Melchisedeci Apostolus summatim complexus est, ut in versum 3. ostendimus: deinceps transit Apostolus ad anagogen sive accommodationem & declarationem eorum membrorum, quæ de Christo summatim proposita sunt, & in Melchisedeco adumbrata: Nam vocationem Christi exponit Apostolus, hoc & sequente capite: Exsequutionem, 9. & 10. capitibus. Ad vocationis justam explicationem duo pertinent: unum, ut teneamus quisnam vocetur; alterum ut ad quid vocetur cognoscamus: quorum prius de persona vocata, hoc capite; posterius, de functione ad quam vocata est, sequente exponitur. Antequàm verò Apostolus de personæ vocatione certis argumentis agat, occasionem illius vocationis principio statuit versus 11. quum inquit, populum Israël causa sanctificationis suæ Legem sacerdotii illius Levitici a Deo accepisse: Sic enim interpretamur illa Apostoli verba versu undecimo, (ὁ λαὸς γὰρ ἐν αὐτῇ νομοθετήσας,) quemadmodum apud Græcos constat præpositionem ὅτι tertio casui junctam, causam vel finem eorum quæ dicuntur ostendere: quod exemplis a nobis confirmari nihil attinet, cum ea peti a vulgo Grammaticorum possint. Atque hæc quidem propositio certa est: Populum Dei accepisse Legem & mandatum de Sacerdotio & sacrificiis ad Sacerdotium pertinentibus, ut æterno Sacerdotio sacrificiisque Christi æternam perfectamque sanctificationem assequeretur sui. Ex hac propositione dilemma sive disjunctio statuitur in hunc modum: Cum duplex Sacerdotium in Scripturis existeret

quod probatum sit Deo; unum, secundum ordinem Levi; alterum vero, secundum ordinem Melchisedec; aut ex priore, aut ex posteriore sanctificationem esse. Non autem ex priore; Igitur ex posteriore sanctificationem obtingere. Ex priore non obtingere argumentis aliquot sic demonstrat Apostolus, ut per contrarium confirmet *εισλόγως* ex posteriore esse; quia eversa una disjunctionis parte continuo altera conficitur. Sunt autem hæc argumenta quatuor, ex quibus assurgit gloriosissima illa conclusio de persona Christi, tribus versibus ultimis. Primum argumentum est, a Sacerdotii Levitici mutatione, versibus 4. Secundum, a virtute & utilitate, versu 15. & quatuor sequentibus. Tertium ab institutionis modo, & adjunctis, versu 20. & duobus sequentibus. Quartum denique, a personarum quæ Sacerdotio funguntur discrimine, versu 23. & duobus sequentibus. Primum, quod a mutatione est, hoc fundamento nititur; Lex Sacerdotii ad sanctificationem populi Dei pertinet, & in ea conquiescit. Non est autem populi Dei sanctificatio per Sacerdotium Leviticum. Non igitur in eo Sacerdotio Lex potuit conquiescere: sin conquievisset, quid amplius fuisset opus Sacerdotem alterum exsistere? Exsistit autem: Non conquievit ergo in priore Sacerdotio, sed de altero prospexit populo Dei. De altero prospectum esse demonstratur re & nomine, in eodem versu; Re, quia alter Sacerdos exsistit: Nomine verò, quia secundum ordinem Melchisedec, ac non secundum ordinem Aaronis dicitur exsistisse. Hanc propositionem vel primum argumentationis locum enarrat Apostolus, tribus versibus proximè sequentibus: idque eo ordine, ut gradatim a generalibus ad singularia quasi deducamur manu. Nam versu 12. generalia proponuntur duo; Sacerdotium, & Lex Sacerdotii, in hanc sententiam: Constantis est perpetui Sacerdotii Lex perpetua est: contra verò, murato Sacerdotio, Lex ejus necessariò mutationem patitur. Est autem mutatum Sacerdotium Leviticum: Ergo & Lex ipsius: idque necessariò, non autem per contingentiam, ut loquuntur, humanam; quia utrumque in decreto Dei immutabili positum est, qui unus justus legitimusque author est Sacerdotii ad sanctificationem nostram, & Legis ad Sacerdotium pertinentis. Hoc autem genus argumentationis si quis ad locum topicum referre voluerit; judicio meo locus est a proprio. Nam Sacerdotii quod instituit Deus, summè propria est Lex Sacerdotii. Hinc transit Apostolus ad probationem hypotheseos, nempe mutatum esse Sacerdotium, versu 13. Atque hoc probat a persona Sacerdotis, & gente vel tribu ipsius. Ait enim, Mutata tribu cui demandatum fuerat Lege Sacerdotium, & Sacerdotium quoque mutatum est; ac proinde Lex etiam illius. Est autem mutata tribus; Nam is de quo dicuntur ista, nempe fore Sacerdotem secundum ordinem Melchisedec, & cui dicuntur, consors fuit alterius tribus, de qua nullus ex Lege antecedentis Sacerdotii attendit altari, id est, Sacerdotio functus est, synecdochicè. Mutatum igitur Sacerdotium. Rursum verò, quia regei a rixosis hominibus potuisset, ne hoc quidem videri probabile, quod alterius tribus consors ille fuerit, de quo, & cui dicebantur ista: confirmat Apostolus versu 14. Nam, inquit, hæc dicta sunt Domino Davidis, & Domino nostro per consequens, quem Dominum ne perversissimi quidem Judæi unquam negaverunt ex tribu Judæ exsisturum. Nam dixit David principio Psalmi, Dictum Jehovah Domino meo, &c. quæ in toto Psalmo Deus Pater de Christo



Christo pronuntiavit, & omnes Judæi uno ore jam tum Filium esse Davidis agnoverant, de quo in eodem Psalmo: ut interrogatione expressit Christus confessionem ipsorum Matth. 22. Atque hoc Antithesi quadam Apostolus amplificat verbis sequentibus, quum ait, *Mosem nihil de Sacerdotio pronuntiavisse*, quando tribum Judæ compellavit. Hoc enim membrum ex adverso respondet illi quod antè pro fundamento totius hujus argumentationis fuit propositum versu 11. populum nempe causa sanctificationis Legem de Sacerdotio Levitico a Deo accepisse. Secundum argumentum, a virtute & utilitate utriusque Sacerdotii, similiter per comparisonem instituitur versibus 5. sequentibus. Nam alterum hoc argumentum esse ipso transitionis modo ostendit Apostolus, quum dicit: *idque etiam magis patet, &c.* Vñ autem utilitatemque Sacerdotii posterioris asserit ab efficiente causa & effectis ipsius, versu 16. Vide autem singularem Apostoli prudentiam: qui ut melius τὸ σωςχὲν argumentationis ostendat, & minus offendat eorū animos qui in hac causa nondum satis informati essent; ἀπεργασίας postèrius illud Sacerdotium circumscribit his verbis: quòd *secundum similitudinem Melchisedeci existat Sacerdos alius*: qua circumloquutione plurimum hoc toto capite delectatur Apostolus ad eam docendi commoditatem quam modò diximus. Hujus ergo Sacerdotii causa, dicitur esse vis sive potentia, vitæ: effectus, quòd vita est indissolubilis, ac proinde Sacerdos cum sacerdotio ἀδιάλυτος & in perpetuum permanens. Quæ duo, similiter ut in præcedentibus, amplificantur Sacerdotii Levitici comparatione, quum hujus efficiens causa dicitur esse *Lex mandati carnalis*, id est, in rebus carnalibus positi atque occupati unde necessariò hic effectus sequitur, quòd mandatum illud est dissolubile: quandoquidem caro, vel carnale quicquid est, id a natura interit, & est dissolubile. Hanc verò propositionem tribus sequentibus proximè versibus confirmavit: primum quidem ab autoritate; versu 17. secundò autoritatis explicatione, duobus aliis. Autoritatis meminit Apostolus, his verbis: *Testificatur enim, putà Dominus, a quo vis illa est vitæ indissolubilis, exposita in Evangelio, quod potentia est Dei ad salutem omni credenti: Tu es sacerdos in æternum secundum ordinem Melchisedec.* Quæ autoritatis verba etsi ipsa per se perspicua sunt satis: tamen ut evidentiò fiat argumentatio, deinceps illustrantur partim rei ipsius, partimque causæ explicatione. Rei; quia inquit Apostolus, *abrogatio sit antecedenti mandati, quum datur hoc novum.* Causæ verò: quia antecedens illud mandatum viribus & utilitate dicitur fuisse destitutum. Quibus duabus prædicationibus de Sacerdotio Levitico, hæret tacita antithesis de viribus & utilitate Sacerdotii Christi; putà hoc Sacerdotium re ipsa loco prioris institutum esse, viribus autem & utilitate maximum. Quia verò hæc verba propugnatores (ut sibi videbātur) Legis facillè in calumniam fuissent vocaturi, quòd Lex viribus & utilitate dicitur caruisse: restringit Apostolus versu 19. illud generalius dictum: nempe, non id quidem contendere se, omnino fuisse nullas vires utilitatemque Legis simpliciter; sed ἡγὰρ π, nempe respectu quæstionis institutæ, de sanctificatione ex Lege Sacerdotii ad homines perventura: cujus sanctificationis causa Legem Sacerdotii a Deo fuisse datam suprà enunciaverat versu 11. Nihil enim, inquit, sanctificavit Lex illa Sacerdotii Levitici per se, ut ampliùs capite 10. postèa exponitur. Quæ ergò Lex sanctificat si dixerit quispiam: respondet Apostolus: *Introductio super*

addita melioris spei sanctificat, id est, Lex illa Sacerdotii, quam Deus superaddidit, meliore spe nostra & melioribus promissionibus (ut idem postea loquitur) effectisque melioribus: quia per hanc spem, ut fulram fretamque melioribus promissionibus, appropinquamus Deo, id est, ipsi Sacerdotes effecti sumus in communione Pontificis & servatoris nostri Jesu Christi. Tertium argumentum, ab institutionis modo & adjunctis exponitur secundum eandem antithesin, quam in precedentibus docebamus. Tantum id observandum est, quia argumentum est omnium evidentissimum, dissita esse membra antitheseos illius, & confirmatione ab autoritate interpositam fuisse *ἡ ἀποστολὴ*. Quapropter in cōtextu versum 21. nota *παρρησίας* placuit includere. Est autem hujusmodi argumentatio: Quæ Lex Sacerdotii jurejurando cōjuncta est & voluntate ultima testantis, ea præstantior est Lege sine jurejurando, & sponsor illius Sacerdotii atque testamenti sponsore hujus præstantior dicendus est; Lex autem Sacerdotiūque Leviticum sine jurejurando, Lex verò Sacerdotiūque Christi jurejurando cōjuncta est, & Lege Testamentaria: Hæc igitur illa præstantior est: & Christus Jesus sponsor omnium præstantissimus. Subjectum versu 20. prædicatum sive attributum versu 22. ponitur: probatio interferitur versu 21. & ab autoritate Spiritus sancti confirmatur, dicentis Christo; *Juravit Dominus, & non pœnitebit eum*, &c. Quibus verbis, & juramentum Dei, & rei juratæ firmitas atque immutabilitas disertè ostenditur. Nam juramentum illis verbis, *Juravit Dominus*; firmitas & immutabilitas, sequentibus, *Non pœnitebit eum*, perinde ostenditur, tamquam si dixisset Spiritus sanctus per Davidem: Non magis fieri posse, ut hic Sacerdos, hoc Sacerdotium, & Testamentum excidat, quàm potest fieri ut Deus seipsum abneget: quia fundatum est hoc Sacerdotium non in vanitate hominum, sed in veritate & fide constantiaque Dei. Quartum argumentum a discrimine eorum qui funguntur Sacerdotio, proponitur consimiliter *εἰς τὸν αἰῶνα*, versu 23. & sequente; & commendatur ab effectu, versu 25. Ad Sacerdotum comparisonem duo hæc pertinent; numerus & causa illius. Numerus, quia in Sacerdotio priore plures fuerunt qui fiebant Sacerdotes, & numero differentes: in posteriore verò unus & idem Sacerdotium habet *ἀπαράλλατος*, id est (ut ita loquamur) personale, in persona ipsius consistens, & ad personam alteram minimè transiens, nec periens tempore. Causa verò, cur differentes numero Sacerdotes antè consequuti sunt, fuit ipsorum mortalitas, eo quòd morte impedirentur, ne in Sacerdotio sibi mandato permanerent. Hujus verò immortalitas, propterea quòd manet in æternum, ut Deus pronunciaverat, in causa est cur Sacerdotium ab ipso minimè transferatur. Atque ex hac immortalitate personæ, & perpetuitate Sacerdotii hujus, sequitur magnifica illa commendatio, ab effectu & gratia præsentissima Christi Sacerdotis nostri, ad effectum illum præstandum, qui versu sequente exponitur: nempe quòd is demum Sacerdos cujus persona manet in æternum, & qui indefinens habet Sacerdotium, *quandoquidem semper vivens est, ut interpellat pro Sanctis* (nam hæc verba de industria adhibuit Apostolus, velut summam præcedentium argumentationum *ἀναπαράστασις*) Is ergo servare omnino potest, atque in æternum salutem conferre iis qui per ipsum, velut pontificem in quo vis est vitæ indissolubilis, ad Deum fide accesserint. Sic commodè transitur ad conclusionem hujus partis quam antè instituimus, per circumscriptionem accuratissi-

mam

mam illius summi Sacerdotis atque Pontificis, quem nos habere oportuit ad salutem prorsus consequendam. Hujus autem circumscriptionis partes in universum duæ sunt : una, personæ ; altera, ministerii. Persona circumscribitur his verbis: *Talu enim nos decebat Pontifex*, in se, sive in persona sua *sanctus* ; erga alios *innocens* ; a rebus aliis *impollutus* : in genere denique, *segregatus a peccatoribus* & nihil commune cum illis habens, ut qui iustificet impium, non autem cum impio ullam communionem habere possit. Ministerium verò circumscribitur, primùm quidem ingressu sanctuarii, quum dicitur *sublimior cælis factus*, id est, supra cælos evectus esse, ut principio capitis 1. & sequentis, & alibi cõfirmatur : secundò, oblationis genere atq; ratione quam per antithesin cum Levitico Sacerdotio Apostolus illustravit versu 27. dicens, *qui non habuit necesse quotidie, quemadmodum illi Pontifices in Levitarum gente, offerre oblationes prius quidem pro suis peccatis* (Nam hic nescivit quid peccatum esset) *deinde pro peccatu populi: sed ipse ultro hoc fecit semel*, id est, oblationem pro peccatis populi obtulit, quum semetipsum obtulit Deo & patri per Spiritum æternum : qui si reus fuisset peccati, seipsum non potuisset offerre salutariter. Seipsum autem obtulit : Non ergò fuit peccati reus, sed quid peccatum esset ignoravit. Huic conclusioni additur confirmationum & probationum antecedentium corollarium, ut æquè causarum atque rerum, quæ de sacerdotio Christi prædicantur, summa conclusio exstaret ad partem sequentem *μυστήριον*. Est igitur versus ultimus conclusionis præcedentis *αιτιολογικός*, & eodem modo *αιτιολογικός* quam antè sæpiùs ostendimus. Lex enim, putà Levitici sacerdotii, *homines constituit Pontifices, qui infirmitatem habent, & ex ea laborant: sermo autem ille iurijurandi quod Deus post Legem pronuntiavit, ut Sacerdotium hoc illi succederet, constituit Filium Pontificem qui in æternum vivit, æternumque sanctificatus est, ut nobis sit æternæ sanctificationis author.*

## CAPUT OCTAVUM.

1 Quod autem caput est supra hæc quæ dicta sunt, talem habemus pontificem qui sedet in dextera throni majestatis in cælis ;

2 Sanctuarii administer, & veri illius Tabernaculi, quod fixit Dominus, ac non homo.

3 Omnis enim pontifex ad offerenda dona & victimas constituitur, unde necesse fuit, ut hic quoque aliquid haberet quod offerret.

4 Etenim si esset in terra, ne sacerdos quidem futurus esset, existentibus illis sacerdotibus qui dona offerunt secundum Legem :

5 Ut qui exemplari & umbræ deserviunt rerum supercaelestium, quemadmodum divinitus fuit edoctus Moses quum absoluturus esset

Exod. 25.

40 Vide autem, & fac ad exemplar eorum, quod tibi videndum exhibitum est in monte isra.

Tabernaculum :

Nam, Vide, inquit, facias omnia secundum typum, qui monstratus est tibi in hoc monte.

6 Nunc verò excellentius ministerium sortitus est hic noster pontifex, quo præstantioris etiam testamenti mediator est, quod Lege sanctum est meliorum promissionum causa.

7 Nam



7. Nam si prius illud fuisset ejusmodi in quo desiderari nihil potuisset, haud quaquam secundo fuisset quaesitus locus.

Jerem. 31.

31 Ecce dies veniunt, dictum Jehovae, quando pangam cum domo Israël & cum domo Jude Fedus novum.

32 Non secundum illud Fedus, quod pepigeram cum patribus ipsorum, quo die prehendi ego manū ipsorum educturus eos ex terra Aegypti: quia ipsi irritum fecerunt Fedus meum, & ego conjugio junctus mansissem eis: dictum Jehovae.

33 Nam hoc Fedus est quod pangam cum domo Israël post dies illos, dictum Jehovae, indens Legem meam in mentem ipsorum, in corda ipsorum inscribam eam: & ero ipsis Deus, & ipsi populus mihi futuri sunt.

34 Neque docebunt amplius quisque amicum suum, & quisque fratrem suum dicendo, Cognoscite Jehovam: nam omnes illi cognoscunt me, cum parvulus ipsorum, tum maximus ipsorum, dictum Jehovae:

Me condonare iniquitatem ipsorum, & peccata ipsorum amplius non recordari.

8 In eo enim desiderari aliquid ostendens dicit eis, Ecce dies veniunt, dicit Dominus, quando cōsummabo in domo Israël & in domo Judæ Testamētum novum.

9 Non secundum illud Testamentum quod feci Patribus ipsorum, quo die prehendi ego manū ipsorum educturus eos ex terra Aegypti: quia ipsi non permanserunt in Testamento meo; & ego neglexi ipsos, dicit Dominus.

10 Nam hoc illud Testamentū est quod disponam domui Israël post dies illos, dicit Dominus, indens Leges meas in mentem ipsorum, in corda ipsorum inscribam eas: & ero ipsis Deus, & ipsi populus mihi futuri sunt.

11 Neque docebunt singuli proximum suum & singuli fratrem suum, dicendo: Cognosce Dominum: quia omnes cognoscent me, tum parvulus inter ipsos tum magnus.

12 Nam propitius ero injustis factis ipsorum, & peccata ipsorum iniquitatesque ipsorum non recordabor amplius.

13 Dicendo novum antiquavit prius: quod autem antiquatur senescitque, propè est ut deleatur.

**D**iximus suprà in versum 12. capitis proximè præcedentis, duo capita ad vocationem justā Pontificis nostri pertinentia, ordine explicari; unum de persona vocata & alterum de officio & functione ad quam vocata est. Ac de persona quidem hætenus secundum vocationem & institutionem illius, in maxima capitis præcedentis parte dictum est. Sequitur nunc alter vocationis locus de officio ejus qui in vocatione hac institutus est. Hanc quaestionem ingreditur hoc loco Apostolus per comparisonem ipsius cum antecedente; ostendens in hac (ut ita dicamus) nobis plus esse positum, quam in ea quæ antecessit, si respiciamus ad mysterium redemptionis nostræ. Hoc enim caput quaestionis esse potentissimum, non solum ut videamus quisnam ille sit, quem instituit Deus; sed illud in primis, ut videamus & teneamus complementum, fructumque percipiamus functionis illius, quam Deus imperavisse & Christus accepisse dicitur. In hac autem functionis a Christo

Christo susceptæ explicatione, Apostolus primum summam instituit propositionem illius, duobus versibus: Secundò illustrat & declarat typi & veritatis comparatione, ad versum usque 8. Postremò autem confirmat autoritate Prophetiæ, inde ad finem usque. Propositio summa est, *Nos talem habere Pontificem*, nempe qualem capite proximo vers. 26. & sequente descripsit Apostolus: sed functionem & administrationem illius anteponi ceteris oportere, tribus nominibus. Primum quòd ita semel victimam sui ipsius obtulit Deo & Patri, ut jam quasi perfundus opere illo oblationis, *sedeat in dextera throni*, id est, assideat proximè & secundum Deum (cui acceptum est sacrificium ipsius in æternum) obtineat locum summum, unde interpellat & intercedit pro nobis apud Patrem in cœlis, tamquam optimus & certissimus conciliator pacis nostræ cum Deo; quam semel partam sacrificio sui ipsius in terris, nunc in cœlis continet virtute ejusdem sacrificii: Secundò quòd *Minister est sanctuarii*, id est, tamquam Mediator inter Deum & homines constitutus, qui perfectissimè obeat quæcunque ad redemptionem & salutem nostram pertinent, in illo cœlesti sanctuario, ubi Gloria & Magnificencia Dei residet, & seipsum exserit potentissimè: quemadmodum olim Pontifex generis Levitici in sanctuario manufacto ea procurabat quæ apud Deum Lex mandaverat procurari. Postremò autem, quòd idem Pontifex *administer est veri illius Tabernaculi quod fixit Dominus, ac non homo*. Quod membrum quia variis interpretationibus auctum est, sententiam nostram paucis explicabimus. Verum igitur hoc tabernaculum alii de cœlo accipiendum putant, ut quod Dominus fixerit ac non homo ullus: alii de corpore Christi, quod citra viri operationem sola Spiritus sancti virtute conceptum est de substantia matris in utero illius. In priore interpretatione ut non acquiescamus, faciunt hæc: primum quòd *τατολογία* eaque maximè inutilis, (ut ita dicamus) hic esse videretur; cum res una evidenter dicta, per obscurionem & minùs intellectam significaretur. Nam evidentius est, si Sacerdotem summum dixeris ministrum sanctuarii (quod officium est summi Sacerdotis proprium) quam si ministrum tabernaculi appellaveris: quod officium est cum Levitis omnibus commune. Secundò, quòd *σειαρολογία*, & quidem planè inutilis, in fine versus hac interpretatione statuitur, quum dicitur hoc tabernaculum fixisse Dominus, ac non homo; quam orationem si de cœlo placebit accipere, quis homo ita desipit ut cœlum ab homine fixum & constitutum fuisse dicat? Postremò autem confutat hanc interpretationem ipsum Apostoli testimonium quod postea capite nono visuri sumus, & ipsa quoque figura ceremonialis, quam in eum locum (si Deus dabit) exponemus. Verum igitur tabernaculum accipimus, pro illo ipso corpore, quod Filius æternus Dei sibi assumpsit in unitatem personæ, ut per illud ingrederetur in Sanctuarium cælestē: cujus corporis finalis causa & efficiens paucis ostenditur. Finale causam ostendit *tabernaculi* appellatio; quia illud ipsum corpus, quod Deus pater aptavit Christo virtute Spiritus, quoddam velut tabernaculum fuit a Deo positum, in quo omnes pii (quos sacerdotes in Christo facit) conquiescerent, & in quo, non autem extra aut præter illud, omnia perficerent, quæ ceterorum sacerdotum Levitarumq; ministerio olim in Tabernaculo fuerunt adumbrata. Ac proinde (ut ita loquamur) Christus conceptu & nativitate ingressus est Tabernaculum, crucis sanctuarium: nobis verò, qui in Christum credimus, illud ipsum corpus

corpus Christi Tabernaculum est, per quod in Sanctuarium caeleste ingredimur. Efficientem verò causam illius Tabernaculi, quod fuit aptatum Christo, hæc verba denotant, *quod Tabernaculum fixit Dominus ac non homo*, id est (ut postea idem Author exponit capite 10. Davidis Prophetæ verbis) quod Deus aptaverit ipsi corpus; idque divina virtute solum, ac non humana ulla operatione. Cum itaque hujus tabernaculi Minister appellatur Christus; non aliud significari videtur, quam si ex opposito dixeris non esse Dominum Jesum Christum administrum earum oblationum, quæ in Tabernaculo solebant exhiberi, aut illius ipsius Tabernaculi & rerum omnium ad Tabernaculum illud pertinentium; sed potius ipsum nobis a Deo ita datum esse, ut in se & Tabernaculum, & oblationem, & omnia ad ministerium illud necessaria habuerit, quibus instructus in sanctuarium illud verum ingrederetur, & nos reconciliaret Patri. Atque hæc ita accipi oportere demonstrat sequens *αιτιολογια*, ad declarationem hujus dicti & confirmationem pertinens, quum ait Apostolus; *Omnis enim pontifex ad offerenda dona & victimas constituitur; unde necesse fuit hunc quoque habere aliquid quod offerret*: tamquam si diceret, Omnis sacerdos ex instituto Dei dona & victimas tenetur offerre. Dominus autem Christus sacerdos noster est: Donum igitur & victimam habeat, quam Deo patri offerat, necesse est. Est autem hoc donum corpus ipsius; putà verum Tabernaculum, verumque donum & oblatio a Deo instituta, eiq; accepta, quam in sanctuarium ipsum intromisit. Atque hoc quidem est primum declarationis membrum; quod Apostolus de industria subjecit proximè præcedentibus verbis, de corpore & quasi Tabernaculo Christi, ut argumentum fieret evidentius. Deinceps verò, in v. 4. & sequentibus *υπερβαλλοντες* confirmat Apostolus prius propositionis membrum; nempe oportuisse ut Christus federet ad dexteram throni majestatis Dei in cælis, & summi illius sanctuarii minister esset. Hoc autem probat Apostolus per comparisonem typi in Lege ad Leviticum sacerdotium dati, & veritatis in Christo consummate. Hujus comparisonis propositio summa his verbis continetur: *Nam si esset in terra, ne sacerdos quidem futurus esset*: Declaratio verò hujus argumenti sequentibus verbis continetur. Propositio hæc est: Quisquis sacerdos legitimus est, aut sacerdos in terra est secundum Legem mandati carnalis, aut sacerdos in cælo, & sedens ad dexteram Dei, secundum potentiam vitæ indissolubilis. Christus autem in cælis ad Dexteram Dei sedet. Ergo sanctuarii illius cælestis minister est. Probatio: nam si esset in terra adhuc, ne sacerdos quidem esset. Est autem sacerdos: Ergo jam optimo jure non est in terra, sed illud sacerdotium in cælo perfungitur. Demonstratur illud antithesi, reliquo vers. 4. & duobus sequentibus, hoc modo: Qui sacerdotes sunt in terra, offerunt secundum Legem dona, & exemplari umbræque rerum cælestium, id est, figuris deserviunt. Christus verò sacerdos noster se ipsum Deo offerens, non exemplari & umbræ figurisque rerum cælestium deservit; sed ipsi archetypo, quem exemplaria, umbræ & figuræ Legis præfiguraverunt. Alius igitur sacerdos est ab illis Christus. Hinc sequitur alterum argumentum in vers. 6. Præstantius est ministerium rerum cælestium quam umbraculorum. Christus autem rerum cælestium obtinet ministerium: Præstantius igitur, Prioris argumentationis majorem minoremque eadem opera confirmat Apostolus versu 5. ab authoritate. *Nam Moyses, inquit, de vivis fuit edoctus istud, quum esset absoluturus*



*absoluturus Tabernaculum, dicente Domino, Uide facias ad exemplar istorum, &c.* Perinde enim est, ac si distinctè Dominus exposuisset Mosi, alterum esse illud sacerdotium quod imperabat ipsi: alterum verò sacerdotium quod in archetypo legalis illius & ceremonialis sacerdotii atque umbratilis præstandum esset. Nam cum Deus illa Mosi imperaverit, & typum illorum in monte ostenderit, id est, fecerit ut Moses ex monte ubi cum Deo colloquebatur, in cælum prospectans typum illorum perceperit; omnino sequitur relationem quamdam analogicamque inter duas illas partes statui oportere: nempe cæleste & terrestre tabernaculum: ex quo discrimine consimiliter ἀναλόως sacerdotes, ministeria, oblationes, res denique omnes ad sacerdotium pertinentes, discernantur. Atque hinc conficitur alter argumentationis locus quem antè diximus; nempe præstantiorem esse sacerdotem, & ministerium præstantius, quod archetypo aut veritati præstatur, quàm quod exemplis & umbraculis ipsius: ut versu 6. per ἀντίθεσιν concluditur. Verumtamen ut sacerdotii hujus dignitas ampliùs ostendatur, commodè Apostolus duo argumenta illius præstantiæ subjicit in eodem versu: quorum unum est a proprio illius sacerdotii; alterum a fine. Sic enim statuit Apostolus; Cujus sacerdotii proprius modus & finis præstantior est, illud sacerdotium altero est præstantius: Ita autem est sacerdotium Christi. Proprium hujus sacerdotii esse præstantius his verbis ostendit Apostolus, quum Christum mediatorem esse, vel intercessorem dicit *melioris Testamenti*: quod Testamentum qua ratione melius appelletur, sequentibus in capite 9. ita explicatur, ut nihil ad lucem illius orationis possimus addere. Finem quoque præstantiorem esse affirmant illa verba, quòd *Testamentum illud* cujus mediator est Christus, *ad meliores promissiones*, sive (ut antè loquutus est) ad meliorem spem pronunciatum Lege & introductum est: quæ promissiones similiter in sequentibus exponuntur. Ex his itaque transiturus Apostolus ad confirmationem hujus sacerdotii, & cum eo conjunctæ dispositionis testamentariæ, qua tota vis sacerdotii manavit ad nos; conficit breve *ἰμνησιμὸν* versu 7. ex iustituta illa utriusque sacerdotii comparatione nascens. Sic enim statuit: Si sacerdotium unum altero præstantius est; illud quod inferius est, non est ἀμυπτον, quàm est inferius, id est, non ita se habet ut nihil in eo desiderari possit. Est autem inferius Leviticum sacerdotium: Non igitur ἀμυπτον. Probat illud eodem argumento, quod antè copiosius idem author cap. 7. versu 11. & sequentibus explicavit: nempe, si prius illud sacerdotium Leviticum ita fuisset constitutum, ut nihil in eo desiderari meriti potuisset, non fuisset quæsitus secundo locus: Quæsitus est autem, & per Dei gratiam constitutus: Conficitur ergo, prius illud sacerdotium vel Dei ipsius & Servatoris nostri testimonio habuisse quod in ipso desideraretur. Ac cetera quidem hujus argumentationis mēbra extra controversiam videntur posita, si minorem (quam vocant) exceperis; nempe quòd dicimus, secundo sacerdotio quæsitum fuisse locum; & Deum ipsum in priore aliquid desideravisse, ac proinde secundum obulisse. Hanc igitur partem de infirmitate sacerdotii Levitici, & secundi hujus subrogatione, author confirmaturus ab authoritate Scripturæ sacræ, his verbis uritur, Μαμφόματος γάρ, &c. Quæ verba procul dubio respiciunt ad illa quæ proximè antecesserant. Nam si prius illud sacerdotium fuisset ἀμυπτον, &c. tamquam si diceret, Non est quòd quisquam eo nomine

nomine offendatur, aut mihi crimen intendat blasphemiz, quodd prius illud sacerdotium cum posteriore hoc comparatum ἀμύνην esse pernego: hoc enim non dictum meum est: sed Dei ipsius dictum & Prophetæ ejus: Deus enim per Prophetam in priore illo sacerdotio desiderari aliquid disertis verbis pronuntiavit; idque non clam, aut obsecrè: sed palam Israëlitis dixit, & per eum Prophetam qui ad sacerdotale genus illud pertinebat. Propterea cum illud non ex me dicatur; sed a Deo, & sacerdote ipsius profectum sit; certa fide illud pro vero ducendum est, non autem pertinacia malitiæque oppugnandum. Jam verò quomodo utrumque per Prophetam Deus fecerit, ostendens in priore desiderari aliquid, ac propterea posterius ei subrogari, videamus. Locus est Jeremiæ 31. vers. 31. & sequentibus, ut in Parallelo diagrammate posuimus. Illius autem loci, qui totus est Evangelicus, membra duo sunt, prout in 6. versu ab Apostolo fuerint exposita: prius est de Testamento, ut proprio ac necessario sacerdotii illius ἀπαρχὰς καὶ ἀδελφὰς cōsecratio, quod antè dicebamus: posterius, de promissionibus ad Testamentum hoc pertinentibus. Testamenti propositionem continent versus duo: promissiones in Testamento factas, additas, & quasi legatas piis, alii 3. versus cōplectuntur. Utrumque melius esse in sacerdotio Christi quàm olim fuerit in Levitico, demonstratur per antithesin hujus & illius Testamenti, ex Dei ipsius verbis: Ecce, inquit Deus, *venient dies quando consummabo in domo Israël & in domo Jude Testamentum novum.* Hæc propositio: deinde verò sequitur explicatio ex antithesi: *Non secundum Testamentum aut simile isti Testamento quod feceram Patribus ipsorum, quo die prehendi manum ipsorum educturus eos ex terra Aegypti,* id est, hoc officium & procuracionem recepi in me, ut eos, tamquam nutricius, manu ducerem ex domo servitutis, in libertatem asserendos. Non igitur Testamentum illud, sed alterum novum futurum est: subjicitur deinde causa, nempe quodd prius illud Testamentum (ut Paulus de Lege loquitur, Rom. 8.) impotens fuit in carne. Hujus ἀδελφὰς documenta duo sunt; ex effectis, & consequentibus. Ex effectis: *Nam ipsi,* inquit Deus, *non persisterunt in illo meo Testamento,* vel potius, non steterunt illi; nempe quia illud Testamentum impotens fuit in carne ipsorum; quandoquidem literam magis occidentem quàm Spiritum vivificantem (ut vocat Apostolus 2. ad Corinth. 3.) habuerunt: denique conditiones infuerunt & jugum ejusmodi, ut illi neque præstare illas, neque hoc portare potuerint. A consequentibus. Nam inquit Deus, *Ego despexi ipsos,* id est, prout illi me averfati sunt, neque dederunt operam ut perstarent in mei Testamenti Legibus, sic ego averfatus sum illos pro merito ipsorum. Hic verò gravis incidit quaestio de mutatione; quia plurimum videtur hoc loco Apostolus a verbis Prophetæ discessisse: Quamobrem plerique existimant omnia hæc, ut habentur hoc loco, ex septuaginta Græcorum interpretatione manasse: ac proinde huic causæ satisfactum putant si mutationis (ut videtur) culpa in 70. deriveretur. Mihi verò neque in 5. versu, neque in hoc similiter vitiosa ullo pacto videtur esse interpretatio, neq; aliena loci ac commendatio; ut in hos aut illos rejiciatur factum, sed potius Apostolus ultrò hanc interpretationem, sive ab illis acceptam, sive a Spiritu sancto huic argumento (quod magis puto) accommodatam proponere. Nā in precedente versu, neque Hebræis Prophetæ verbis, neque translatione 70. dicitur, *Consummabo in Domo Israël, &c.* Sed tantum *pangam:* Aposto-

Apostolus verò ampliore verbo & magis significante hoc loco usus est, respiciens ad Testamenti & promissionum in eo complementum, quod Christus in carne exhibuit Ecclesiae suae. In hoc autem versu, sive 70. illorum interpretamentum spectes, sive haec verba Apostoli cum verbis illorum convenientia; *Et ego neglexi eos*; Haec igitur verba specie quidem a verbis Prophetæ Jeremiæ longè absunt; sed re ipsa id ipsum exprimunt, quod sibi Prophetæ voluit Hebræis illis; *Et ego conjugio junctus mansissem eis*, id est (si propriè reddas) & ego non neglexissem eos, divortiumque fecissem ab eis; Quia verò Erotematicum illud loquendi genus emphasim habet, seu vehementiam, qua vehementia Spiritum sanctum uti in hoc loco non fuit necesse, ut tum in Jeremia fuit, quum homines seculi sui compellaret; commodissimè certè provisum est, ut quod *ἐγενήκατο πικρὸς καὶ ἐμπατικὸς* illuc fuerat enunciatum, hic redderetur *κατηρηκεῖν*. Alienam verò non esse loci accommodatorem, si pro eo quod vulgo exponitur Fedus, substituta est Testamenti appellatio, evidentissimè (ut spero) in caput 9. demonstrabimus. Atque hæc quidem de Testamento & mutationibus quæ in proponendo illo divino testamento in hoc capite adhibentur. Sequitur alter locus de promissionibus testamento illo comprehensis, quibus ipsa natura & vis tota hujus testamenti circumscribitur. Harum promissionum tres omnino ponuntur loci: primus est, de modo testamenti: Secundus, de substantia illius: tertius denique, de effectis ex substantia illa ad pios perventuris: ad quorum omnium explicationem transit Apostolus his verbis: *Quia hoc testamentum est quod disponam domui Israël post dies illos, dicit Dominus*; quasi dicat: Quod dixi me testamentum novum esse consummaturum, non autem secundum prius illud testamentum olim Patribus factum; id usque adeò verum est, ut posterioris testamenti conditiones illud prius testamentum omnibus modis superaturæ sint, quamvis eadem substantia. Nam primum modus novi hujus testamenti modo illius longè præstantior est; cum illud nihil nisi literam occidentem per se habuerit, hoc verò Spiritum vivificantem, quem Deus his verbis promittit: *Indam leges meas, menti ipsorum & cordi ipsorum inscribam eas*, hoc est, intelligentiam voluntatèque ipsorum virtute Spiritus, quem infundam ipsis, reformabo; & pro eo quod corda habuerunt lapidea, efficiam carnea, atque in eis inscribam efficaciter posterioris hujus testamenti in Christo veritatem. Secundò, substantia utriusque testamenti una quidem atque communis est in Christo Jesu, eaq; partibus duabus comprehensa, prout Abrahamo primum Genes. 17. deinde verò posteris illius fuit exposita: una promissionis, quum Deus inquit, *summius sum ipsis Deus*; altera, conditionis appositæ, qua Deus petit ut nos vicissim pareamus ad stipulationem ipsius; quum ait, *Et ipsi mihi erunt populus*. Sed tamen illud testamentum a novo testamento ratione una superatur, quod in hoc novo testamento Christus promissionum veritas & complementum conditionum illarum exhibetur; qui in vetere sperabatur; & in utroque creditur, sed ita ut in hoc novo planè melior conditio testamenti promissionumque in Christo habeatur. Terriò autem effecta illius testamenti minimè omnium cum effectu hujus cõparari possunt; sive Dei cognitionem spectes, quam novo testamento ampliorem in Christo largitur Deus; sive cognitionis fructum, id est, reconciliationem cum Deo, & remissionem peccatorum ad vitam

æternam.



1. Cor. 13.

æternam. Ac cognitionis quidem vel scientiæ & intelligentiæ spiritualis, quam Novo testamento nobis contulit Christus, præstantiam Jeremias verbis ostendit Apostolus versu 11. quum per ἀναφανίσκειν veteris illius testamenti doctrinam, quæ ad scientiam spiritua-lem pertinet, comparat cum doctrina Novi: quia doctrinæ, quam testamentum illud antiquum habuit, conditio fuit obscurior, & rerum plurimarum, atque adeò unius etiam rei, obscuras habuit significatio-nes, & quasi inchoatas intelligentias; quas necesse fuit fideles doceri in Ecclesia, alios aliorum ministerio; In novo autem claræ sunt & ap-ertæ illius beneficii intelligentiæ, quas vel minimus quisque præ evi- dentia & facilitate ipsarum potest addiscere, & de quibus Prophetæ jam olim diligentissimè inquisierunt, ut eam salutem, quæ nobis an- nunciatur, ampliùs cognoscerent. Ac proinde comparatè vel secun- dum quid (ita loquuntur) accipienda est illa prædicatio de scientia nostra in Novo testamento: quemadmodum e diverso si nostra hæc scientia conferatur cum ea quam in vita æterna olim habituri sumus, confitendum est cum Paulo nos ex parte cognoscere, & ex parte pro- phetare; postquam autem advenerit quod perfectum est, fore ut quod ex parte est tunc aboleatur: nos cernere nunc per speculum & per ænigmam; tunc autem fore ut cernamus in os coram; nunc cognoscere ex parte, tunc verò, prout etiam sumus cogniti, cognituros esse. Alter ve- rò effectus duobus membris continetur: quorum prius est de reconcili- atione & gratia Dei reparata & restituta nobis, quamvis indignis pec- catoribus: posterius de remissione peccatorum, quam in eo contequi- mur qui tollit peccata mundi, velut agno immaculato & incontamina- to Dei: sed hæc omnes docti uno consensu semper docuerunt, & pluri- mi in Ecclesia didicerunt; adeò ut nihil accessione sit opus inter- pretationis nostræ. Ex hac verò autoritate, quam sermoni suo institu- to interfervit ad confirmationem Apostolus, tandem id quod vole- bat concluditur in versu ultimo; nempe id quod priùs instituerat sep- timo versu, antequàm hæc Prophetæ verba adduceret. Dixerat enim, qui Testamentum habet ἀµαµτων, id est, in quo nihil meritò desidera- ri possit, is secundo Testamento non est quæsiturus locum. Deus autem secundo Testamento quæsitivit locum; Prius ergo Testamentum non fuit ἀµαµτων, cum illius succedaneum Testamentum Dominus procu- raverit. Ex ea propositione concluditur, qui novum Testamentum vel novam dispositionem dicit, introducitque, is antiquat veterem. Deus autem novum Testamentum, novamque dispositionem dixit, pronun- ciavit, promisit: Ergo priorem antiquavit. Atque ex hac conclusione, quam nemo Judæus vel perveracissimus negare possit, alterum ἰμπε- ρημα adhibet author hujus Epistolæ; ut illud legale Testamentum, & ritus ceremoniasque eò pertinentes brevi extinctum iri, & honestè ab Ecclesia sepeliendum esse (ut cum Augustino loquamur) ostenderet: ac proinde Hebæeos revocaret (si qua fortè religio prioris illius Testa- menti mentes ipsorum adhuc incesseret) a prioris illius Testamenti ob- servatione ad posterioris cultum. Nam propterea dicit Apostolus, quod autem antiquatur, puta institutione Dei, & confesceat, puta sua ipsius in- firmitate (ut vetere illo Testamento factum est necessariò, quum veri- tas illius tota resedit in novo) illud ergò propè est ut deleatur, extin- guatur, atque evanescat; translata nimirum omni autoritate & virtu- te in secundum Testamentum & dispositionem illius.

CAPUT

## CAPUT NONUM.

1 Igitur habebat quidem prius illud Testamentum etiam iusta instituta cultus & Sanctuarium mundanum,

2 (Nam Tabernaculum fuerat comparatum, prius *quidem*, in quo & lucerna, & mensa, & propositi panes fuerunt, quod Tabernaculum appellatur Sancta:

3 Post velum autem secundum, Tabernaculum posterius, quod dicitur Sancta sanctorum.

4 Habens aureum thymiaterium, & Arcam federis undique circumtectam auro, ubi urna fuit aurea habens manna, & virga Aaronis quæ germinaverat, tabulæque federis:

5 Supra hanc verò arcam, Cherubini gloriæ obumbrantes operculum propitiatorium, de quibus nunc dicendum non est singulatim.

6 His autem sic comparatis, in prius quidem Tabernaculum omni tempore ingrediuntur sacerdotes, qui ritus obeunt ad cultum pertinentes:

7 In secundum verò semel per annum solus Pontifex; nec sine sanguine, quem offert pro suis ipsius erratis, & pro erratis populi.

8 Hoc declarante Spiritu sancto, nondum patefactam fuisse viam ad sacrarium, quum prius adhuc Tabernaculum staret.

9 Quod exemplar erat ad præsens illud tempus, quo dona & sacrificia offerebantur, quæ non poterant cultorem sanctificare secundum conscientiam,)

10 Cum cibis solùm, & potionibus, diversisque ablutionibus, ac iussis carnalibus institutis, ad tempus usque correctionis imposita.

11 Christus verò quum advēnit, Pontifex bonorum, quæ futura erant, per majus & perfectius Tabernaculum, ac non manu factum, id est, quod hujus structuræ non est,

12 Neque per sanguinem hircorum vitulorumque; sed per proprium sanguinem æternam Redemptionem adeptus, in sacrarium semel ingressus est.

13 Nam si sanguis Taurorum, hircorumque, & cinis juvenæ aspergens inquinatos, sanctificat eos ad carnis puritatem:

14 Quantò magis sanguis Christi, qui per Spiritum sanctum seipsum obtulit inculparum Deo, purgaturus est ab operibus mortuis conscientiam vestram, ad serviendum Deo vivo &

**H**Actenus de vocatione, quam Deus Pater imperavit Christo, in Lege pronunciavit, in Melchisedeco & ceremoniis adumbravit, promissionibus deniq; singularibus & jurejurando confirmavit. Deinceps altera pars sequitur, ut in finem capitis 6. & principium septimi docuimus, de exsequutione & præstatione divinæ illius functionis, quam Christo imperavit Pater. Hujus autem exsequutionis propositio summa continetur in iis versibus quos modò simul conjunximus: postea verò, reliquo hoc & sequente capite, præcipua illius exsequutionis adjuncta minutatim exponuntur. In hac autè propositione summa, idem oportet observari quod in vocatione declaranda capite 7. annotavimus; nempe comparisonem typi & veritatis institui ad majorem argumenti totius evidentiam. Ac typi quidem descriptio, versibus

decem; veritatis verò, quæ in Christo esse ostenditur, declaratio continetur vers. 11. & sequentibus. In descriptione typi quatuor partes omnino videntur esse, quas certo ordine perstringit Apostolus, quantum putavit opus esse ad instituti sermonis commoditatem. Nam primum de rebus typicis agitur, versibus 5. Secundò, de actionibus, versu 6. & 7. tum de usu illarum, versu 8. & 9. postremò autem de fine, in versu 10. Rerum typicarum, quæ in priore Testamento ex instituto Dei obtinuerunt, partes duæ summam ab autore proponuntur, versu 1. nempe iusta legitimæque instituta ad cultum Dei pertinentia, quæ priscus ille populus apud Deum tenebatur observare; & sanctuarium illud sive Tabernaculum totum, tamquam sedes & domicilium Dei, ubi legitima illa instituta & ritus sibi exhiberi olim mandavit Deus. E quibus prior pars officium nostrum apud Deum; posterior beneficia Dei erga nos, & præsentiam ejus in Ecclesia ad sanctificationem & benedictionem populi, testificabatur. Harum verò partium brevis descriptio in sequentibus proponitur, ὡς ἔστιν ὡς ἔστιν. Nam sanctuarium quidem illud quod mundanum appellat author *διὰ τὸ πικρὸν* (ut a sanctuario cælesti & verò Tabernaculo distinguatur) perstringit author versibus 4. postea verò ad institutos ritus cultumque devenit versu 6. & sequente. Sanctuarii partes instituuntur duæ: una, prioris Tabernaculi cum instrumento suo, versu 2. altera, posterioris, similiter cum instrumento suo, versu tertio, & duobus sequentibus. Ac prioris quidem Tabernaculi instrumenta eadem ponuntur hoc loco, quæ Deus in Lege imperavit: prout Exodi 25. legimus. Posterioris verò sive interioris Tabernaculi (quod ab Hebræis Sancta sanctorum κατ' ἱερόθυτον, id est, sanctissimus locus dicebatur; ut prius Sanctorum nomine appellabatur *διὰ τὸ πικρὸν*, pro eo quod est sanctus locus, non autem sanctissimus) Illius igitur posterioris a priore loco distincti velo, quod secundum vel medianum hoc loco appellatur, & cujus Matthæus 27. 51. meminit in historia Christi, instrumenta quo modo se habeant, apud Interpretes non satis convenit; quia in speciem hic aliud videtur author noster dicere, quam aut Deus per Moysen instituit, aut testantur alii Scripturæ loci. Ac facili quidem fuisset nobis e regione singulorum versuum, quos antè posuimus, locos Parallelolos committere, prout in antecedentibus diagrammatis fecimus: sed quia res illa plurimum operæ consumsisset, nec admodum commodè nisi mutilatis quibusdam locis præstari potuisset; in primis autem quia non ad unum aliquem certum Scripturæ locum, consilio certo respexit Apostolus; sed potius ad totam priscam historiam & formam priscæ illius Ecclesiæ, quæ servata est in adventum usque Christi: propterea malimus tum ipsi ab eo labore supersedere, tum abstinere ab eo opere, quod Lectori potius fuisset futurum molestum, quam gratum & utile. Ut igitur ad rem; Plerique omnes existimant, aut aliud hic ab Apostolo dici, quam quod ex Testamento veteris Scriptura didicimus; aut, si idem dicitur, constare nobis non posse quo id modo verum demonstrari possit. Nam, inquiunt illi, neque aureum thymiatærium in sacratio fuit, sed in priore Tabernaculi parte ex præscripto Legis; neque ur̄ha aurea aut virga Aaronis in arca fuisse legitur: sed potius ex disertis Scripturæ verbis confirmatur nihil fuisse in arca præter tabulas federis a Deo datas, 1. Reg. 8. 9. & 2. Chron. 5. 10. Ad hæc omnia respondebimus paucis, & quidem *μὴ τὰς ἐστὶν*; resumta hac ipsa narratione Apostoli: deinde si qua obscurius fortasse dicta videbuntur, amplius declarabimus.



bimus. Sic ergo loquitur Apostolus; & nos *μεταφασίζομεν*. In ipso spatio prioris Tabernaculi erat dissepimentum quoddam ex velo sive aulæ constitutum; quod exteriorem partem prioris Tabernaculi, in qua lucerna, mensa, & panes erant, ab interiore, in qua altare suffitus, discernebat: quam rem ipse quoque Moses, quamvis obscurè, videtur innuisse, quum primò Tabernaculo priori viginti cubitos, posteriori decem tribuisset. Post illud autem velum, quod secundum vel medianum appellatur, id est, in spatio interiore vel, ut idem Apostolus disertè nominavit supra 6. 19.) erat Tabernaculum posterius, sive sacrarium, quod sanctitas sanctitatum Hebræis, Græcis Sancta sanctorum fuit *ἁγία ἁγίων* appellatum. Hujus sacrarii instrumenta in hunc modum se habuerunt; quod alia quidem foris, sed intra velum; alia intus, id est, intra spatium conclusum, vel claustrum ipsum sacrarii reposita sunt. Cùmque eorum instrumentorum duo præcipua sint, reliqua verò in accessionibus numerentur: hæc ita fuerunt constituta, ut sacrarium, foris quidem, sed in ipso aditu ante cōspectum Jehovæ habuerit thymiaterium, id est, aureum illud suffitus vel suffimenti altare, ante arcam testimonii, e regione operculi propitiatorii quod erat supra arcam federis vel testimonii, ut Moysi utamur verbis Exodi 30. 6. Intus verò arcam federis & conventus sive testimonii, quo Deus conveniebat cum populo suo, undique circumtectam auro, ut describit Moyses Exodi 25. His accedebant instrumenta reliqua in eodem Tabernaculo, alia foris, alia intus (ut de præcipuis instrumentis dictum est) reposita. Ac foris quidem, iudicio meo, fuit urna illa aurea habens manna, & virga aurea quæ germinaverat: quæ propter de utroque Moyses dixit nominatim, deposita fuisse ante cōspectum Jehovæ, Exod. 16. 34. & Num. 17. 25. Erat autem ipsum quoque thymiaterium ante cōspectum Jehovæ, ut modò dicebamus. Intus verò erant hæc instrumenta, tabulæ federis in arca conditæ; & supra fedus, arcamque ipsam federis synecdochicè, Cherubini gloriæ obumbrantes operculum illud propitiatorium, quod arcæ federis erat impositum. Hic verò duo capita sunt (nisi me conjectura fallit) de quibus aliqua moveri controversia potest: unum, de illo mediano velo, utrū pars sacrarii fuerit, nec ne; alterū, de relativo in v. 4. c. 7. *ἐν μέσσοις*, utrū pertineat ad propinquius nomen arcæ, an verò ad longinquius *σκηνῆς*, id est, Tabernaculi. Prius caput etsi jam ex parte demonstravimus, frecti analogia legalis illius Tabernaculi, quod Moysi fuit imperatum: tamen ut ampliùs querentibus satis fiat, quoad ejus fieri potest, tria testimonia ex Testamento novo adferemus. Primum est Matth. 26. 51. ubi τὸ *κατακτασθαι τὸν ναὸν*, id est, velum ædis fissum fuisse dicitur. Est enim Græcis *ναὸς*, non universum templum aut structura ipsius; sed ea demum pars templi ad quam cultori homines adire solent. Atque hoc modo *ναὸς* & τὸν *ισοῦ* non rarò distinguitur. Est enim *ναὸς* Græcum *ναός* τὸν *ἰησοῦ*, ut ædis ab adeundo Latinis dicta. Alterum documentum est ex verbis hujus authoris ipsius supra 6. 19. ubi Pontificem nostrum affirmat ingressum esse non simpliciter εἰς τὸ *ἱερόν*; sed comparatè εἰς τὸ *ἱερόν* *ἐν τῷ κατὰ πνεῦμα*, tamquam si interius ab intimo Latine discreveris. Tertium denique est ex hoc ipso loco. Sic enim habent verba Apostoli: *Post secundum autem velum* (nam prius erat in ædis aditu atque vestibulo) *comparatum fuit tabernaculum, quod vocatur Sancta sanctorum*. Ergo aliud est velum a Tabernaculo. Quod si aliud a Tabernaculo quis esse dixerit, ut pars aliud est a toto: ne hoc quidem commodè obtineri

potest; cùm dicat Apostolus, Tabernaculum illud post velum consiliu-  
tum esse: quæ res non nisi figuratè illo sensu dici potest. Nos autem pro-  
pria sequimur ex verbis & analogia Mosis interpretationem. Quæstio  
altera, de antecedente nomine ad quod relativum pronomen respicit,  
ex eo nata est; quòd plerique omnes relativum illud ad proximè præ-  
cedens nomen *archæ*, id est, arcæ federis exillimaverunt pertinere;  
cùm tamen id ipsum cum reliqua Scriptura viderent non admodum  
convenire posse. Nam in arcæ federis authenticas illas tabulas Legis  
solùm, Dei digito exaratas, fuisse repositas didicerant ex iis locis quos  
antè protulimus; nec aliud quicquam in ea arcæ extitisse: præterea  
eidem arcæ operculum propitiatorium, ita fuisse impositum & impac-  
tum ex mandato Dei, ut non facilè inde posset eximi; neque verò exi-  
mendi facultatem cuiquam fuisse datam. Hæc autem omnis dubitatio  
tollì evidentissimè potuit (nisi me animus fallit) unica observatione  
hac grammatica; quòd relativum pronomen in utroque Testamento,  
pro ratione locorum modò ad proximum nomen, modò ad longin-  
quius pertinet: quod ex argumenti & historię veritate demùm dignos-  
citur. Ac hujus quidem rei documenta & probationes plurimæ adferri  
possent. De priore, putà de eo quòd relativum propinquo antecedenti  
convenit, nemo dubitationem movet: posterioris igitur, quòd relati-  
vum cum remotiore & longinquiore antecedenti conjungi oporteat,  
exempla paucula docendi causa citabimus. Genes. 10. 12. dicitur Nim-  
rod ædificasse Niniven, urbem Rechoboth, & Celach, & Resenem inter  
Ninivem & Celach; illam esse urbem maximam; putà Ninivem, cujus  
primo loco meminerat: ut omnes Hebræi & homines nostri uno con-  
sensu agnoverunt. Item 1. Sam. 7. sub finem dicitur Samuel proficis-  
cens de anno in annum, obivisse domum Dei fortis, & Gilgalem, &  
Mitzpam, ut judicaret Israël in omnibus locis illis: deinde solitum  
esse regredi Ramam, quòd ibi esset domus ipsius, & ibidem judicavisse  
Israëlem, & extruxisse illic altare Jehovæ: illic autem, id est, in Cari-  
athjarim, quæ propter stationem arcæ federis domus Dei appellata  
fuit, antecedente versu. Nam Samuelem, tantum Prophetam & veræ  
pietatis typum, quis homo pius altare extruxisse alio in loco concesserit;  
præsertim si ad historiam quæ est Jos. 22. attenderit? Nec dissimilis  
locus est 2. Sam. 21. 14. quum Deus fuisse ipsi terræ exoratus dicitur, post  
illud: non illud quod proximè author exposuerat; sed potius illud  
quod inde a principio capitis author narraverat fuisse gestum ex man-  
dato Dei Gabaonitarum causa. Quid? quòd eodem modo Psalter  
argumenta laudationis Dei adferens Psalmo nonogesimo nono, in  
hunc modum loquitur? Mosem & Aaronem cum Sacerdotibus ipsius,  
Samuelemque cum invocantibus nomen ipsius inclamantes Jehovam,  
ipse illic exaudivit eos: postea verò ad superiores citra controversi-  
am respiciens subjicit? In columna nubis alloquutus est eos, Quæ  
verba de Mose quidem & Aarone rectè; de Samuele, non nisi præter  
veritatem fidemque historię, exponi possent. Illud igitur his exemplis  
(ut confido) obinemus; relativum utrovis, pro natura locorum re-  
rumque veritate quæ enunciantur, trahi oportere. Cùm autem, si ad  
propinquius nomen, nimirum arcæ, accommodaveris, ea sententia  
consequatur ex hac constructione, quæ auctoritate disertòque testimo-  
nio scripturæ evertitur, & ne minimo quidem apice confirmari potest;  
Equidem non video quid obstarè posset, quo minùs relativum istud  
ad

ad antecedens longinquius revocetur, id est, ad nomen illud Tabernaculi posterioris, quod versu 3. expressum est: cujus Tabernaculi sive sacrarii interiora arcam federis, anteriora verò thymiaterium habuerunt, ut antè exposuimus: cui thymiaterio ante conspectum Jehovæ aditumque Sacrarii aderant hæc instrumenta, quæ recenset author, nempe urna aurea habens manna, & virga Aaronis quæ germinaverat. Dixerit fortasse quispiam, non videri causam, cur hoc relativum ad remotius antecedens trahi oporteat; aut si trahendū est, minimè exstare causam, cur Apostolus hoc ordine res istas enunciaverit. De utroque sic paucis respondemus. Causa cur relativum istud remotiori antecedenti aptari necesse sit, est Scripturæ autoritas & historiæ fides. Nam si ad propinquius nomen retuleris; id non modò ex Scripturis probari non potest, verum etiam omnino confutatur disertis atque luculentis testimoniis. Cur autem hunc ordinem in hac recensione Apostolus tenuerit; causam jam antè perstrinximus; nempe principalia duo instrumenta sacrarii divini, exterius atq; interius, fuisse ponenda priore loco: posteriore verò per Epanalepsim ejusdem antecedentis, quod versu 3. enunciaverat, reliquum instrumentum fuisse exprimendum; tum exterius adjacens thymiaterio, nimirum urnam mannae & virgam Aaronis; tum interius ad arcam pertinens, nempe tabulas federis & Cherubinos gloriæ, opèculo arcæ, quod propitiatorium vocant, impositos. Quem ordinem in hoc narrationis genere; & in tanta brevitate mīrari potius debemus (ut est admirabilis) quàm temeraria præsentia carpere. Sequitur actionum descriptio, versu 6. & 7. ad quam se transire non obsecrè declarat author, quum inquit principio versus, *Hu autem ita comparatū*, &c. Actionum autem in universum administrationumque sacrarum duo ponuntur genera; unum commune sacerdotum omnium, versu 6. alterum, singulare Pontificum (qui etiam Sacerdotes uncti in Testamento vetere, aut Sacerdotes summi in vulgo *διακοναὶ* appellantur) versu 7. Atque horum Sacerdotum administratio, luculenta antithesi his duobus versibus circumscribitur. Illi enim ad quos communiter sacerdotalis functio pertinebat, dicuntur primū, si de loco quæsieris, in prius Tabernaculum ingressi esse; si de tempore, semper vel quovis tempore; si de functione & opere administrationis, consecuisse cultus, id est, non unum aliquem solummodò cultum, sed varios atque differentes ratione legitima procuravisse. Nam in priore Tabernaculo erat cultus duplex, ut iterum distinguamus, communis, & hebdomadarius. Communis, qui exercebatur in vestibulo & priore parte Tabernaculi, atriisque antecedentibus: Hebdomadarius verò, qui in Tabernaculo curabatur, atque speciatim in secunda illa parte Tabernaculi, quæ erat post velum, ante conspectum arcæ, nempe ad thymiaterium sive altare suffitus. Quamobrem propter multiplicem rituum varietatem, & locorum viciumque discrimen, τὰς λειτουργίας, id est, ritus & officia, ut vocant, divini cultus, Apostolus nominavit. Pontificis verò administratio septimo versu pariter circumscribitur, opponiturque antecedentibus: si locum respexeris, quum dicitur in secundum Tabernaculum ingressus esse; si tempus, quum semel in anno solum; si personam, quum solus & citra ullum comitatum sive adjuventum ministratorium: si opus functionis & administrationis, quum eò venisse dicitur non sine sanguine, sine quo alioqui licebat ingredi in alias partes Tabernaculi; prout ritus sunt legitimi ad res



singulas imperati, & apud Moſem diſtincti exſtant. Potentiſſimum verò diſcernendæ hujus functionis argumentum, quo ceterorum functionibus miniſterioque antepōnitur, ſub ſinem adjecit author; quum inquit, *Quem ſanguinem offert pro ſui ipſius & populi erratis*, non autem pro alia ulla cauſa, quæ extra hunc ingreſſum ſacrarii alioquin erant licita ſacerdotibus, ſive oblationes voluntarias, votivæque, ſive Eucharifticæ, ſive quid aliud oblaturi eſſent. His poſitis, demum venit Apoſtolus ad explicandum uſum earum rerum, quæ modo fuerunt poſite, verſ. 8. & 9. quam explicationem præmunis ab authoritate Spiritus ſancti; tamquam illius, cuius proprium eſt homines deducere in omnem veritatem, & res obſcuras, ac typis ceremoniſque involutas atque adumbratas declarare. Sic enim ait Apoſtolus: *Hoc declarante Spiritu ſancto*, puta qui & umbras ritus ceremoniæque illas inſtituerat, tamquam Spiritus æternus a Patre & filio procedens, & eaſdem res virtute ſua illuſtravit maximè in temporum plenitudine, ex promiſſo Chriſti, Johannis 14. & ſequentibus. Uſus autem, quem declarare Spiritus ſanctus dicitur, illis obſervationibus, duplex quidem eſt revera: ſed unus ſolùm hic ab authore exprimitur; alter in eum locum, qui de veritate eſt typorum ceremoniarumque rejicitur. Uſum ergo priorem hæc verba ſignificant: *Nondum patefactam fuiſſe viam ad ſacrarium, quum adhuc ſtaret prius Tabernaculum*, verſ. 8. Sensus eſt, illas umbras, typos, & ceremonias totidem fuiſſe documenta, quibus priſcam illam Eccleſiam docebat Deus; neq; illud perfectum eſſe Tabernaculum aut ſacrarium ejus; neq; perfectâ & abſolutam adminiſtrationem, quæ in eo perficiebatur; neq; perfectum eventum ex eis conſequuturum; quia non erat illa via ad perfectum Tabernaculum, ſed tantum viæ adumbratio & ſignificatio: ac proinde viam hanc uni ſolùm ſacerdoti, ac non omnibus: uno ſolùm die, ac non ſemper patuiſſe; quia hæc figurativam habebant ſignificationem, ad quam referebantur inſtituto Dei, non autem exhibitivam, ut loquuntur, potentiam atque energiam, quæ ad ſolum Chriſtum Jeſum pertinet, & quæ ad tempus illis rebus atque ceremoniis antè figurata eſt. Quapropter etiam illius temporis circumſcriptio accuratiſſima ſubjicitur his verbis: *Quum prius adhuc Tabernaculum ſtaret*, id eſt, ſtatum ſuum antecedentem obtineret, qui verſu ſequenti exponitur. Atq; hæc modus expoſitionis eſt, quo utitur Apoſtolus, ut primùm Tabernaculi ipſius, de quo agitur, uſum; deinde verò ceremoniarum & rerum oſtendat, quæ fiebant in Tabernaculo. Tabernaculi uſum definit duobus modis; relatione, & tempore. Relatione; quia prius illud Tabernaculum *παράδειγμα*, id eſt, *exemplum* fuit adumbrans illud Tabernaculum verum & non manu factum, cuius poſtea mentio fit verſu 11. id eſt, corpus Domini & Servatoris noſtri Jeſu Chriſti. Tempore, quia exemplum illud non perpetuum, ſed temporarium fuiſſe dicitur; idque non hujus temporis quo verbum caro factum eſt, & Deus in carne patefactus; ſed illius temporis quod tum erat, *quum dona & ſacrificia offerrentur*, &c. id eſt, priſca Eccleſia aleretur umbris in venturi corporis & veritatis per Chriſtum exſpectatione. Rerum verò quæ in Tabernaculo obſervatæ ſunt uſus demonſtratur modo, numero, & efficacitate ipſarum: modo, quia dona & ſacrificia fuerunt rerum aliundè ſumtarum & imperatarum Lege: Numero, quia multæ fuerunt atque multiplices: Efficacitate denique, quia non poterunt ſecundum conſcientiam ſanctificare eum, qui Dominum colebat

ipſis;

ipsis: prout substantia, modo, numeroque, & eventu ipsarum convincitur. Atque hætenus quidem in antecedente hyperbato, inde a secundo versu, duæ illæ partes in versu primo *enunciatae* *ὁστέον* *ὁστέον* descriptæ sunt: tertium desiderabatur, nempe quænam materia ad legitimum illum cultum in sanctuario illo mundano adhiberetur, antequam finem eorum omnium Apostolus ostenderet. Materiam itaque, regrediens ad institutum illum sermonem Apostolus, optimè determinat principio versus 10. quando certas primo loco species ad materiam illam pertinentes; deinde verò brevitatæ causa genus earum omnium nominatim tradit. Tres enim species ex iis omnibus quos imperabat Lex adferuntur, cibi, potiones, & lotiones diversæ: quarum omnium hoc genus unum est, quod iusta quidē instituta sive observationes sunt legitimæ, sed carnales solum; ac proinde corpus, veritatem, aut Spiritum minime habentes; sed umbram, figuram, & literam occidentem solum. Et si hoc membrum, si quis cum præcedente versu conjungi voluerit & hyperbato consimiliter includi; non magnopere contendam: ut quod non ineptè in hanc sententiā præcedentibus aptari possit, in hunc modum: prius tabernaculū ad tempus illud fuisse exemplar, quum dona sacrificiaque oblata sunt; quæ secundum conscientiam non possint sanctificare cultores: quippe quæ in cibis dumtaxat & potionibus, diversisque lotionibus posita sint. Verumtamen prior interpretatio magis convenit, iudicio meo; maximè cum hoc argumentum postea ex professo ab ipso Apostolo versu 13. & 14. tractetur luculentissimè. Alioqui utrovis modo legeris, omnino statuo sequentia verba extra hyperbaton ponenda esse, & cum principio hujus capituli cōjungenda, quum inquit Apostolus, *ea usque ad tempus correctionis fuisse imposita*. Nam etsi illud vocabulum Græcum, *ὁμολογία*, alii per enallagen casus positum fuisse volunt ratione sensus, neglecta Grammaticorum & authorum Lege (cujusmodi exempla non inficior exstare paucula apud probatos auctores, sed in locis demum evidentibus, ad ornatum, euphoniāmq; , citra jacturam sensus) alii pro autoritate genus illius dictionis commutant sceminino; aut casum quartum tertio: mihi tamen (quod citra cujusquam offensam, & bona omnium pace dictum) nulla ratione necessarium videri potest, ut figuratus loquendi modus loco proprii invehatur, mutatione ulla generis, aut casus, aut denique syntactæ. Propria autem futura hæc constructio est; si hæc verba adaptans principio capituli legeris in hunc modum: *Igitur habebas prius illud sedus iusta instituta cultus, & mundanum sanctuarium, usq; ad tempus correctionis imposita*, præscæ Judæorum Ecclesiæ: Atque hoc modo locus est evidentissimus. Tempus autem correctionis appellatur illud, quo res eæ quibus non possunt cultores sanctificari secundum conscientiam ipsorum, fuerunt abolitæ in plenitudine temporum, & melior spes introducta, ut antè dixit Apostolus cap. 7. versu 19. *puta quum advenit Christus, Pontifex futurorum bonorum*, &c. quæ sequentibus versibus enarrantur. Sed quare, dixerit quispiam, huc usque rejecta fuerunt hæc verba, quæ ad principium capituli dicuntur pertinere? cur non ibidem quasi perpetuo contextu posita? Respondemus, id optimo consilio fuisse factum: nempe ut hæc clausula & antecedentis sermonis finem constitueret, & principium sequentis. Nam paucula hæc verba (ut ita dicamus) summam narrationis sequentis de adventu, officio, beneficioque Christi comprehendunt; qua in re posita est eorum veritas, quæ antè recensuit Apostolus.

Sequitur ergò deinceps alter locus; puta veritatis, quæ in Christo est, declaratio anagogica, & applicatio ad præcedentes typos. In hac autem anagoge ea perstringit Apostolus, quæ singulis partibus typi antecedentis responderent. Antequam verò singulas partes percurrat; personam Christi nominat, & adventum priorem ipsius: quam personam & adventum certo consilio opponit omnibus antegressi illius typi partibus; ut demonstret omnium universè & sigillatim umbrarum typorumque veritatem in uno Christo existare, & in eo solo ab Ecclesia percipi; ut qui Pontifex est vel summus sacerdos in æternum a Deo vocatus, & datus, ut supra capite 5. fuit explicatum. De hoc igitur pontifice diverso ordine partes easdem perstringit Apostolus, quas ante meminerat. Nam cum proximè a fine typorum deliverit; jam a fine incipit veritatis, quam in Christo obtinemus, quum eum nominat *pontificem eorum bonorum quæ futura erant*, quæque futura significabantur typis. Sic enim justam arbitramur interpretationem esse τῶν μελλόντων ἀγαθῶν, quæ hoc in loco appellantur: atque hoc membrum illi opponendum, quod antè pronuntiavit Apostolus dicens, nondum patefactam fuisse viam ad sacrarium, stante illo tempore, nimirum quo dona & sacrificia offerebantur. &c. Reliquas autem partes antecedentis typi, non dissimili ordine percurrit Apostolus, & paucis explicat. Nam primùm veritatem utriusque Tabernaculi declarat hac sua anagoge: deinde actionem operationemque ejus: postremò usum, quemadmodum in typo factum fuisse ostendimus. Prioris Tabernaculi veritas est corpus ipsum Christi mediatoris nostri: quod Apostolus his verbis innuit, *per majus & perfectius Tabernaculum, non manu factum, id est, non hujus structura*. Atque his quidem verbis non solum carnem Christi illud ipsum esse Tabernaculū docet, per quod nos tamquam sacerdotes in ipso, oportet ad Deum accedere; verum etiam conditionem ejus dignitatēque explicat, duobus modis: nempe forma essentiali & ortu vel causa efficiente ejus. Essentialis forma illius Tabernaculi, id est, carnis vel naturæ humanæ Christi, est ipse λόγος, cujus unione personali omnis plenitudo deitatis habitat in ipso corporaliter. Atque eo nomine proculdubio majus & perfectius est hoc Tabernaculum priore illo, quod Moyses exstrui mandato Dei curavit. Ortus verò & causa efficiens ejus κατ' ἀνάγκην, sive per Negativam, ut loquuntur, his verbis ostenditur; *Non manu factum*, ut illud fuerat olim, id est, non hujus creationis vel structura: pro eo quod est, non humana operatione aptatum λόγῳ; sed aptatum potius a Deo Patre (ut infra capite decimo ex Psalmis dicitur) per Spiritus sancti operationem, quam Luca 1. Angelus exposuit commodissimè. Nam quod ex his verbis Anabaptistæ & Schvvenckfeldiani sibi videntur confirmare, Domini Jesu Christi carnem non esse de substantia carnis nostræ, carnem de carne nostra, & os de nostris ossibus; id vel eo ipso revincitur, quod Apostolus de causa efficiente atq; operante, vel potius de modo actionis & operationis loquitur, quàm de carnis illius substantia. Iniquum est autem argumentandi genus, quum nuntatur ipsum prædicationis caput, & ab actione ad substantiam, aut ab agentis modo (ut ita loquamur) ad patientem transfertur oratio. Hic verò non de substantia, sed de actione & operatione agi, quum inquit Apostolus, non esse hujus creationis illud Tabernaculum, demonstrat antecedens attributum, quando dixit idem esse ἀχρησποίητον, synecdochicè intelligens nec manu, nec arte, nec labore humano ullo, aut operatione

corpus



corpus fuisse aptatum & adunatum λόγῳ, utramquam Tabernaculum subsistens in λόγῳ, atque (ut Patres dixerunt) ἐν πνεύματι, Deo Patri acceptum esset. Alterum Tabernaculum sive posterius, de quo supra versu tertio & sequentibus, unica voce exprimitur, quum appellantur τὰ ἄλλα, id est, Sacrarium, ut antè exposuimus: cujus Sacrarii vera interpretatio infra versu 24. commodissimè exponitur. His autem omnibus si materiam adjunxeris, quæ fuit opus ad legitimum illud ministerium intercessionis; tota illa pars prima justam interpretationem habitura est. Hanc verò Apostolus exprimit ἀνθρώπου, quum ait, *non per sanguinem hircorum & vitulorum*, qui imperabatur lege; *Sed per suum ipsius propriumque sanguinem* ministerium illud sibi a Patre mandatum consecisse. His positis sequitur actio; quòd Christus (ut qui ipse personaliter habet Tabernaculum suum, id est, corpus non manu factum, quod priore illo Tabernaculo fuerat adumbratum) non habuerit necesse, ut sacerdotes illi, ingredi amplius in aliquod Tabernaculum, & quasi antecessum cœlestis Sacrarii; sed ingressus sit, tamquam Sacerdos summus, in verum illud Sacrarium, non sine sanguine, & quidem semel; quemadmodum semel quotannis solus Pontifex in secundum Tabernaculum ingrediebatur. Nam ut ille Pontifex, Christi; sanguis animalium, sanguinis illius; Tabernaculi in illud Sacrarii cœlestis fuit umbraculum: sic annus vertens in hoc typo fuit umbraculum ἡμετέριων, ut in Scripturis appellantur. Quamobrem semel tantum necesse fuit Christum in Tabernaculum illud introire. Restat usus sanctissimi illius ministerii & humano generi salutaris: nempe quòd Christus hoc suo ingressu paravit nobis redemptionem æternam; ut qui in sanctuarium illud verum semel sit ingressus, ad beneficium tantum in æternitatem comparandum. Hanc verò propositionem, de usu sanctissimi illius ministerii, quia partim Iudæi erant oppugnaturi argumento Legis, partimque alii rationibus carnis ludificaturi; propterea Apostolus per comparisonem minoris cõfirmat hoc suum dictum, de æternitate redemptionis Christi, elegantissimo ὁπὸ χερμάτι, duobus versibus proximè sequentibus. Hujus ὁπὸ χερμάτι quid à prosyllogismus evidentie causa ponendus est ab analogia in huic modum: Quarum rerum institutio est ἀνάλογος, quamvis in diverso genere; earum vis & efficacia pro ratione generis sui major aut minor dicenda est. Sanguinis taurorum, hircorumque, cineris, & ceterarum expiationum legitimarum ritus est ἀνάλογος cum asperzione sanguinis Christi; Ergo pro ratione utriusque generis alia est hujus, quam illius efficientia. Ex hoc prosyllogismo conficitur argumentatio, quam his constituit Apostolus: Infinitè major est rei spiritualis & æternæ efficientia, quàm rei carnalis, quamvis cum altera habentis analogiam. Sanguis taurorum, hircorumque, & cinis juvenæ, quibus inquinati ex Lege aspergebantur, sanctificavit ad carnis puritatem. Infinitè igitur major est efficacia sanguinis Christi, ut versu 14. additis quibusdam argumentosis vocibus demonstratur. Hanc comparisonem ita instituit Apostolus hypotheticè; ut antecedens hypothesis versu 13. consequens 14. concludatur. Antecedens verò eo liberius potuit Apostolus enunciare hypotheticè, quòd rem sibi cum Hebræis esse animadverteret, apud quos hæc pars argumentationis in dubium minimè vocabatur: ut qui omnes Legem à Deo fuisse laram, ceremonias imperatas, usum sanctificatum, & efficacitatem divinitus additam crederent essentque persuasissimi:

suavissimi : quemadmodum etiam hoc nostro tempore nemo, qui Deum Testamenti veteris authorem & Legis Moisaicae latorem fuisse credit, temere negaturus est, eos secundum carnem sanctificatos fuisse legitimis illis observationibus, qui easdem usurpaverint mandati divini conscientia. Secundum carnem autem & ad puritatem illius, nempe legitimam, sanctificatos fuisse; optimè determinatur pro natura earum rerum, quarum sanguis aut cinis aspergebatur: quia alioqui secundum Spiritum certum est res carnales huiusmodi nihil præstare posse spiritualis fructus, ad puritatem animorum iis qui aspergebantur, conferendam; quemadmodum postea ab eodem authore arguitur principio capitis decimo. Ex his autem conficitur consequens, vel alterum ~~verborum~~ membrum; multò magis sanguinem Christi purgare non carnem, sed conscientiam, duobus modis: tum quia in præsens, sive (ut loquuntur) ex facto, fideles abluit & purificat ab operibus mortuis, ut qui propitiatio est apud Patrem pro peccatis nostris: tum quia nos infuturum comparat ad sanctificationem Christianis hominibus dignam, ut serviamus Deo viventi, postquam mortuis operibus nostris renunciavimus. Quia verò potuissent nonnulli obijcere materialem illum sanguinem Christi, qui profusus est in remissionem peccatorum, non minùs per se carnalem esse substantia sua, quàm sit animalium sanguis, quæ Lex imperaverat: propterea sanctissima quadam occupatione ostendit Apostolus maximum discrimen esse, inter hæc duo comparationis membra: quia sanguis Christi non eo simpliciter nos purgat & abluit a peccatis nostris, quia sanguis materialis est; sed quia sanguis Christi est, sermonis illius æterni, qui carnem sibi assumpsit in unitatem personæ, ut ea ipsa caro filii Dei in ipso subsisteret: ac proinde vis æterna filii Dei in eo sanguine, cum eo, & per eum, servata utriusque naturæ proprietate, operatur ad purgationem & sanctificationem nostram: quemadmodum virtute illa divina totus ipse Christus, & per consequens sanguis ipsius, Deo acceptus est, & consummata nostra redemptio. Atque hoc illud est, quod sibi volunt hæc verba; Christum per Spiritum æternum, id est, Deitatem suam, secundum quam Spiritus est coessentialis & coæternus Patri & Spiritui sancto, seipsum obtulisse inculpatum Deo. Sic enim constat, non carnale, sed spirituale Christi sacrificium habendum esse; quamvis materia carnis & sanguinis, quam Christus propterea assumerat, ab eo sacrificio excludi pòtè nullo pacto possit. Nam quantum est, obsecro, illud, quod de carne & sanguine Christi in ἱλαστικῷ hoc sacrificio pro nobis oblato prædicatur; si cum persona ipsa filii Dei comparetur, quæ assumpsit carnem, & seipsam obtulit Deo ad remissionem peccatorum & reconciliationem nostram? Itaque in hanc sententiam argumentatur Apostolus: Spiritualis sacerdotis & sacrificii atque inculpati est quoque spiritualis efficientia. Eiusmodi est Christus, & sacrificium ipsius: Igitur & efficientia. Assumptionem confirmat his verbis: *Qui per Spiritum æternum*, id est, deitatem suam *seipsum*, id est, totam personam suam ex duabus naturis, una per seistente, altera *ἐν ποσείῳ* constantem, divina & humana, offert; ejus sacrificium non carnale, sed spirituale dicendum est. Is autem est Dominus & servator noster, sacerdos & sacrificium nostrum. Stat igitur firma & indubitata illa que antecessit argumentatio. Neque obstat, quòd Apostolus sanguinem Christi hoc loco appellavit. Nam primum ita fieri oportuit, ut constaret membrorum, quorum instituta est

est comparatio, inter se analogia; deinde etiam non simpliciter sanguis, sed sanguis Christi appellatur, determinatione tam necessaria quam quicquam esse possit: quia (ut ex Cyrillo antè dicebamus) non eò purgat quòd sanguis est, sed tantum quòd sanguis est Christi, qui seipsum tradidit pro nobis, & sanguinem suum effudit, quem cum filiis Dei participaverat, ut nos virtutis & Spiritus illius æterni unione facta in se cum natura nostra, consortes efficeret redemptionis æternæ, quæ paulò antè nominata est.

15 Ac propterea Mediator est Testamenti novi, ut consequuta morte ad redemptionem earum transgressionum, quæ sub Testamento priore fuerant, ii qui vocati sunt promissionem æternæ hereditatis acciperent.

16 Nam ubi Testamentum est, mortem intercedere necesse est Testatoris.

17 Testamentum enim ratum est Testatoribus mortuis: alioqui nondum valet quum Testator vivit.

18 Unde ne prius quidem illud absque sanguine fuit dedicatum:

Exod. 24.

7 Accipiens Moses librum illum federis quum legisset audiente populo; & dixissent illi, quicquid edixerit Jehova faciemus & auscultabimus:

8 Accipiens sanguinem illum sparsit super populum;

Et dixit, Ecce sanguinem illius Federis, quod pangit Jehova vobiscum, ex omnibus verbis istis.

19 Postquam enim universum mandatum secundum Legem a Mose toti populo enunciatum fuit; accipiens ille sanguinem vitulorum & hircorum, cum aqua & lana coccina, & hyssopo simul, & librum ipsum, & totum populum adpersit.

20 Dicens: hic est sanguis Testamenti, quod mandavit ad vos perferri Deus:

21 Et Tabernaculum quoque, & omnia vasa ministerii sanguine aspersit consimiliter.

22 Et omnia ferè sanguine purificantur secundum Legem, nec absque sanguinis effusione fit remissio.

23 Igitur necesse fuit exemplaria quidem eorum quæ sunt in cælis, purificari hisce rebus; ipsa verò cœlestia, melioribus sacrificiis quam hæc sint.

24 Non enim in manufactum sacrarium ingressus est Christus, quod sit veri sacrarii typus alter priori respondens; sed in ipsum cælum, ut nunc compareat in conspectu Dei pro nobis:

25 Neque ut sæpè offerat seipsum, quemadmodum Pontifex ingreditur in sacrarium quotannis cum sanguine alieno:

26 (Alioquin oportuisset cum sæpè pati a condito mundo) nunc verò in consummatione seculorum ab abolendum peccatum per oblationem sui ipsius semel patefactus est.

27 Et prout statutum est hominibus, ut semel moriantur; postea verò iudicium:

28 Sic Christus semel oblatus ad tollendum peccata multorum, secundò sine peccato conspicietur iis qui ipsum expectant ad salutem.

Ex



**E**X duobus proximis Capitibus antè didicimus, officium veri & perfecti sacerdotis nostri non in eo solùm versari, ut nos reconciliet Deo per sanguinem crucis; verum etiam ut sua morte sanciat in perpetuum Testamentum illud salutare, quo meliores promissiones nobis legatæ sunt: ac proinde respectu Dei Patris, Jesum Christum sacerdotem apud ipsum esse; respectu verò nostri, testatorem esse, a quo bona omnia sacerdotio ipsius parata ad nos perveniant; postquam Testamentum, quo ea omnia legantur nobis, morte sancit sua. Quod beneficium Apostolus hoc Capite expositurus hætenus de sacerdotio dixit: nunc autem pro eo ordine quem in capite 8. sequutus est, transit ad conjunctum alterum illud beneficium; testamenti putà, quo nos locupletavit Christus, & a servitute peccati, morte, malisque omnibus vindicavit. Ac de Testamento quidè cum sacerdotali functione juncto, prout re ipsa unū est, sed λέγω seu ratione differens, loquitur Apostolus ad versum usque vigesimum primum: postea verò de utroque simul, sacerdotio puta & Testamento, instituit declarationem, reliquo capite & sequentis parte. Quia verò in explicatione sacerdotalis administrationis & exsecutionis illius, sermo a typo cœpit, & terminatus est veritatis & complementi declaratione; nunc diverso ordine, ad commoditatem explicationis, a veritate salutaris illius Testamenti initium facit, eamque exponit tribus versibus: deinde verò ad confirmationem illius accommodat typum veritati, versu 18. & duobus sequentibus. Atque hanc rationem docendi commodam esse & convenientem priorum institutioni, omnes facillè animadversuri sunt, qui citra præjudicatum ad enarrationem hanc attenderint. Nam veritati sacerdotii quum Testamenti veritas adaptatur, juvatur omninò priorum intelligentia, tamquam unius argumenti aut certè continui declaratione; quemadmodum postea ex diverso typis ad Testamentum Christi pertinentibus secundum Legem subnectit Apostolus ea proximè, quæ ad typos sacerdotii & Testamenti communiter pertinebant, versu 22. & sequentibus. Ad veritatem postea & complementum illius Testamenti quod habemus in Christo, & ex quo heredes Regni celorum instituti sumus, asserendum, constitutio ejus, versu 25. proponitur; confirmatio, duobus sequentibus. In constitutione & exsecutione ejus proponenda, duo membra convenientissimè statuuntur: Prius est, de authore & effectu Testamenti illius; posterius de fine. Antequàm verò hæc membra explicet, optimè transitionē facit a Sacerdotio Christi ad Testamenti explicationem, dicens, *Propterea*, nimirum quòd Christus sanguinem suum effudit, & tamquam sacerdos noster per Spiritum æternum seipsum obtulit sacrificium inculpatum Deo: propterea, inquam, *Mediator est Testamenti novi*. hoc est, morte sua (tamquam Testator justus, in cujus manum omnia fuerat data a Patre ipsius, & qui heres omnium fuerat constitutus, suprà 1. 2.) Testamentum suum stabilivit, quod Spiritu & verbo exaraverat; & adhuc in iis qui heredes futuri sunt illius vitæ, constabit; prout eodem Spiritu æterno hoc novum esse Testamentum voluit, Deo & Patri acceptum, & in credentibus omnibus, tamquam heredibus vel legatariis, efficax. Hæc autem res non ita se habuerat in Testamento vetere; ideòque hoc Testamentum novum, discretionis causa, fuit appellatum. Finem verò hujus mediationis siue intervētus atque Testamenti demonstrat

Apostolus

Apostolus verbis sequentibus, quum ait ; *Vt ii qui vocati sunt promissionem accipiant aeternae hereditatis* : id est, quamvis sint annis minores, & quodammodo pupilli, nec adhuc capaces plenae possessionis quam ipsis hereditariam assignavit Christus Testamento suo ; tamen promissionem illius obtineant, dum expectant perfectionem ; cujus promissionis veritatem in Spiritu ex facto jamque habeant, & in eodem Spiritu de perfectione futura obsignentur, prout signaculum est redemptionis nostrae (ut Paulus loquitur Ephes. 1.) & spei arrhabo. Sed quoniam hujus Testamenti veritas neque in sese constare, neque in nobis exsistere, aut etiam adiri a nobis potuit, nisi precedente morte illius Testatoris nostri ; qui ut sacerdos sacrificiumque nostrum, seipsum morti tradidit, & ut Testator Testamentum morte ratum esse voluit : propterea certo consilio Apostolus opus illud salutare sacerdotis nostri, nempe quod animam suam cruenta morte posuit pro ovibus suis, conjungit cum hac enarratione Testamenti. Nam unica hujus mortis duplex fuit usus : respectu quidem sacerdotii, quod per mortem agni illius immaculati, redemptionem & absolutionem obtinemus ab iis omnibus praevocationibus quibus priore illo Testamento nexi & obligati tenebamur ; respectu vero Testamenti, quia non satis fuit nos absolvi & liberari a transgressionibus & peccatis nostris ; nisi, prout heredes Testamento instituti sumus a Christo servatore nostro, ita morte ipsius Testamentum fuisset ratum. Hic vero obloquuntur multi, tum Judaei, tum etiam alii, qui ex Judaeorum face imbiberunt imprudentes, communem illam Judaeorum interpretationem vocis Hebraeae *Berith* : tanquam si Apostolus a consilio Dei in Mose, & ab etymo propriaque significatione vocis discessisset. Ex quo factum est, ut alii hanc interpretationem & argumentationem totam improbaverint ; alii vero saltem eò devenerint, ut hoc documento confirmari satis putaverint, hanc Epistolam non esse germanam Pauli : sed ab altero pio & docto homine, quicumque tandem fuerit, exaratam. Ut itaque eorum omnium judicia refellentes, veritatem interpretationis, argumentationis, rei que totius, & auctoritatem hujus Epistolae a sermonibus illorum vindicemus ; primum de propria nominis illius Hebraei significatione ; deinde vero de hujus argumenti totius necessitate ; postremo autem de auctoritate Epistolae, quatenus hoc argumento nonnulli eam labefactari putant, paucis dicturi sumus. Nomen igitur Hebraeum *Berith*, qui pro federe simpliciter accipi contendunt oportere, ii neque significationem, neque usum illius vocis videntur, ut par est, animadvertisse. Significationem etymo ; usum exemplis demonstrabimus. Nomen *Berith*, si etymon spectes nihil aliud significat, quam declarationem sive expositionem voluntatis, consilii, aut promissionis, aut si quid est ejusmodi ; sive ab uno profisciscatur illa, sive a pluribus, sive unius sponsione pura, sive mutua inter diversas partes responsione & restipulatione. Est autem vulgò fedus, ejusmodi declaratio sive expositio voluntatis, consilii, aut promissionis, quae fit inter plures mutua sponsione & stipulatione : ac proinde species tantum est illius dispositionis, quae apud Hebraeos denotatur *Berith* appellatione. Quis autem non videt iniquum esse, si nomen generis, quod patet latius, ad speciem unam necessitate quadam restrinxeris, nisi adsit loco reipsa generis illius determinatio, & differentia illius speciei quae agitur *συμπαισις*, sive (ut loquuntur) specifica : Hic autem nihil ejusmodi aut

ex Testamento vetere, aut ex novo adferri potest, quò necessariò cogatur hæc determinatio: ac proinde jam id obtinemus, si etymon vocis species, non posse vel probabiliter reprehendi Apostolum hujus interpretationis nomine. De usu verò, quòd illi affirmant perpetuum usum & constantem esse illius nominis, pro federe inter partes inito & mutua continente obligationem, quocumque modo constitutam; id verò aded putidum est, ut vix egeat confutatione. Verumtamen afferemus quosdam locos Testamenti veteris; in quibus si illi probare poterunt, hoc nomen pro mutuo federe accipi oportere, fatebor ultro me nihil videre in hoc argumento. Genes. 6. 19. *Stablio fedus meum tecum*, inquit Deus, *te ingressurum in arcam*, &c. Hoc verò non fedus est, sed dispositio ultro a Deo spondente constituta. Item Genes. 9. 9. & sequentibus, Deus sponsonem suam & dispositionem de non tollendis amplius diluvio hominibus, & arcus celestis testimonium, appellat fedus signumque federis. Levitici 24. 8. Deus panes propositionis & thus unoquoque die sabbathi coram se imponi jubet sacre mensæ a filiis Israël federe perpetuo, id est, dispositione & institutione perpetua. Et Numer. 18. 19. postquàm omnes oblationes rerum sanctarum Deus adjudicavit Aaroni & liberis ejus in statutum perpetuum, adjicit hoc esse fedus salis, id est, dispositionem perpetuam coram Jehova, &c. Similiterque Numer. 25. 12. Deus sacerdotii Phinees pacem & Sacerdotium perpetuum adjudicat federe, id est, dispositione sua, quàm perinde voluit ratam & irrevocabilem conservare, quàm si federe inter partes inito contractus voluntarius fuisset constitutus. Neque verò aliter accipiendus est elegantissimus ille locus Jobi 31. ut vulgò redditur, *Fedus pepigi cum oculis meis*: cum tamen Jobi verba & consequutio flagiter convenienter argumento, ut ita potius reddatur locus: *Dispositionem statui vel constitui oculis meis*: & alia quàmplurima, quæ dispositionem citra fedus vel contractum ullum in Testamento vetere denotant. Itaque hoc quoque secundum obtinemus, usum Hebræi nominis id minimè omnium postulare, ut de federe vel contractu inter partes differentes inito & mutua continente obligationem complectente necessariò interpretemur, ubicunque legitur. Quemadmodum ex contratio etiam Græcam illam *διαθήκη* vocem neque ex etymo, neque ex probatissimorum quorumque authorum usu unquam confirmaturi sunt pro Testamento semper & ubique accipi oportere. In hanc verò sententiam nomen quoque federis apud veteres Latinos fuisse usurpatum, & vocis etymon ostendit, & probati authores exemplis confirmaverunt. Fedus enim, si Varroni credimus ex Poëta Ennio, fides olim dictum, levi commutatione vocalis unius in affinem alteram, ex eo dictum est, quòd datur fides. Datur autem non solum in contractibus & pactionibus mutuis, verum etiam in puris sponsonibus promissionibusque; ut noverunt omnes. Usus verò istius nominis in hac significatione classicis authoribus non fuisse incognitum, antè in oratione quadam demonstravimus, ex duobus locis Virgilii, quorum unus Georg. 1. sic habet:

*Continuo has leges æternæque fœdera certis  
Imposuit natura locis, quo tempore primum  
Deucalion vacuum lapides jactavit in orbem.*

Alter verò 1. AEncidos elegantissimus, eodem modo de ventis,  
*Sed Pater omnipotens speluncis abdidit atris*

Hoc



*Hoc metuens, molémque & montes in super altos  
Imposuit: regémque dedit, qui federe cerro  
Ex premere, & laxas sciret dare iussus habenas.*

Cùm itaque neque ex proprietate vocis, neque exemplo & auctoritate probati alicujus auctoris, id de quo laborant confirmari possit; eam justam & necessariam esse semper & ubique nominis illius interpretationem: temerarium est factum, quum propter imperitiam aut malevolentiam crimen falsi huic auctori nostro impingitur. Sed ut hoc melius constet, de secundo capite videamus. Diximus hujus argumenti totius necessitatem invictam esse. Pendet autem universa hæc argumentatio, ex justa nominis illius interpretatione: quod cùm per se generale sit, & pateat latissimè; non aliundè circumscribi potest, quàm ex typis rem ipsam adumbrantibus, & ex promissionibus, quæ eodem pertinent in Testamento vetere. Circumscriptionem hujus nominis ex typis atque umbraculis Legis demonstrat paulò post versu 15. & sequentibus Apostolus: quum omnino statuit, Dei gratiam eo loculentiorē hominibus explicatam esse, quòd suis non fedus, sed Testamentum dederit; quia fedus conditiones mutuas fuisset habiturum, quas si altera pars non præstet, fedus est irritum: Testamentum verò, liberalitatis & gratiæ citra ullam conditionem instrumentum est: ex quo heredes vocantur & instituuntur, citra contemplationem ullius officii quod ab ipsis proficisci possit. Esse autem hoc testamentum, ac non (ut illi volunt) fedus, ostenditur ab adjunctis. Nam federis adjuncta propria non sunt sanguis, & mors illius qui fedus contrahit; (quid enim cum moriente, aut moribundo homine opus est federe?) sed hæc omnino adjuncta sunt Testamenti; quæ sequuntur quidem consecutionem illius, validitatem verò effectiōemque antecedunt necessario, ut duobus sequentibus versibus demonstratur. Quod si quando federibus pangendis contrahentes sanguinem adhibuerunt ad religiosum compromissorum obsignationem, id non ab una solùm parte, sed ab utraque fuisse præstitum noverunt omnes; neque ad mortem cujusquam statuendam præstando federi, sed potius in eum pronuntiandam qui federis rupisset leges. Hic verò unius, non plurium; testantis, non contrahentis; mortem spondentis ad rei complementum, non minantis ratio habenda est: nam ita se habuit Christus Mediator Testamenti novi. Cùm itaque testamentorum (si rata futura sunt) proprium & necessarium sit adjunctum mors testatoris, atque hæc mors sanguinis effusione in Testamento vetere fuerit adumbrata; in novo consummata; omnino sequitur optimè hic Testamentum, non autem fedus appellari, eam dispositionem, cujus auctoritas & exsecutio post mortem demùm auctoris & testatoris rata futura est. Alterum verò circumscriptionis locum ex Dei promissionibus idem auctor nobis suppeditavit copiosè capite 8. quum locupletissimum illum Jeremiæ Prophetæ locum adduceret. Nam excutatur totus ille Propheta locus, & omnes partes illius sermonis, quem Dei verbis Propheta habuit in eo capite, expendantur; ne apex quidem unus comperietur, ex quo stipulationem aut pactionem mutuam Dei cum populo, & populi vicissim cum eo, quisquam confirmare possit: sed puræ puræ sunt promissiones & beneficia a Deo promissa, legata, & addita electis secundum gratuitam ejus misericordiam. Quod genus promissionum, si cui placebit fedus appellare, equidem non refragabor; si eo sensu accipiat

cipiatur fedus quem ex Ennio, Varrone, & Virgilio antè ostendimus: Alioqui id (si propriè loquamur, & communem vocis interpretationem teneamus) non fedus, sed beneficium; non contractus, sed donum; & quidem Testamentarium donum, quum donatoris mors interveniat, dicendum est. Quòd si donum Testamentarium est, ut ex proprio ad-  
 juncto intelligitur; hoc ergò magis propriè Testamentum quàm fe-  
 dus potest appellari; & revera hoc respectu appellari debet. Nam alio-  
 qui respectu antecedentis sponsonis stipulationisque in Testamento  
 veteri, non negamus fedus commodè appellari potuisse actionem il-  
 lam quæ narratur a Mose Exodi 19. Sed quum paulò post audita vo-  
 ce Dei pronunciantis Legem, & perceptis signis amplissimis, populus  
 conscientia infirmitatis suæ affectus esset, & intercessorem suo nomine  
 apud Deum desideravisset, Exodi 20. singulare profectò divinæ miseri-  
 cordiæ documentum ea in re existit, quòd Deus populum, quanvis  
 certis conditionibus, ad Testamentum suum revocavit, & mortis fu-  
 turæ signis consolatus est; tamquam veri hujus & novi Testamenti ac  
 complementi prænunciis. Quas ob res, ut de autoritate hujus Episto-  
 læ (quod postremo loco dicendum esse meminimus) nunc demum sen-  
 tentiam nostram adferamus; iniquè facere videntur ii, qui hoc velut  
 ariete hanc Epistolam labefactari putant. Nam cum verissima sit vo-  
 cis illius Hebrææ quæ agitur interpretatio, sanctissimum argumentum,  
 & summè necessaria quoque hæc argumentatio ex Mosis ipsius Pro-  
 phetarumque testimoniis, non videmus quid sit cur (quod vulgò dici  
 solet) glandem quæramus invento pane; & argumento rei unius, non  
 benè, aut certè non satis intellectæ, & hunc locum & totam simul E-  
 pistolam, ut *adversarios* aut infirmæ autoritatis, adversarii possint tra-  
 ducere. Nam quod alii præterea obtinent, apparere ex hac conse-  
 quutione non fuisse hanc Epistolam Hebraicè ad Hebræos; sed Græcè  
 scriptam, id damus ultro. Sed hoc dato, quid illi effecturi sunt? Con-  
 cludunt (ut sibi quidem videntur) non fuisse Paulum ad Hebræos scrip-  
 turum Græcè; ac proinde non esse Pauli. Quid tum autem? etiam si id  
 quoque daremus, non esse Pauli; non tamen continuò sequeretur, ergò  
 non esse Apostoli; aut ergò non esse a Dei spiritu: ergò non esse tan-  
 ta, ac volumus autoritate. Sed tamen quia Pauli esse factum omnino  
 judicamus, ut alibi antè ostendimus: unde probari illud possit, non fu-  
 isse Paulum nisi Hebraicè ad Hebræos perscripturum; equidem videre  
 non possum. Nam & ex eo sequuntur incommoda, si demus Hebraicè  
 scripturum esse: & si demus Græcè (ut ego quidem probo maximè)  
 amplissima comoda consequuntur. Incommoda quæ ex eo ventura  
 dicimus, si Paulus Hebraicè ad Hebræos scribere cogitavisset, duo ad-  
 feremus; quæ mihi ad hoc argumentum fore videntur satis. Unum est,  
 quòd neque potuisset Paulus ipse cum animo suo statuere per illud  
 tempus, quæ sibi dialecto literæ fuissent exarandæ quas ad Hebræos  
 daret, neq; si qua dialecto scripsisset; Hebræi omnes fuissent intellectu-  
 ri. Nam erat purus Hebræus sermo in scriptura quidem, sed non in usu  
 populari: erant dialecti in populo, Chaldaica, Syra, Hierosolymita-  
 na, Samaritana, & aliæ: quæ etiam pro ratione locorum, quòd Judæi  
 erant diffusi, jam eo tempore mutationes & corruptiones plurimas in-  
 duerant: quibus rebus jam tum effectum erat, ut nec lingua Hebræa a  
 plurimis, nec dialectus hæc aut illa ab his aut illis intelligeretur. Quid  
 ergò censores isti Hebraicè a Paulo scribi voluissent? qui si Hebraicè  
 scripsisset,

scripſiſſet, Hebræos ſcripto minimè docuiſſet, niſi doctos; ſi dialecto aliqua ſcripſiſſet, non docuiſſet niſi aliquos. Alterum incommodum eſt, quòd hac ſcriptionis forma ſuam gentem ſolùm docturus fuiſſet Paulus; & hoc argumentum ab ipſo perſcriptum, boni quidem (qui in gente Judæorum pauci erant) fuiſſent accepturi: ſed impii (quorum numerus fuit maximus) eò audaciùs fuiſſent illuſuri doctrinæ Pauli, eamque apud imperitos, & apud exteros malitiòſè traduſſuri; niſi ea lingua ſcripſiſſet, quæ & populares ſuos docuiſſet, & fidem ipſius aliis probaviſſet, aſſeruiſſetque contra virulentas aliorum calumnias. Ex his incommodis omnes facilè judicare poſſunt, quæ commoda ex hoc ſcriptionis modo acceſſerint, ut ſecundo loco affirmabamus. Nam primum hoc ipſius ſcriptum a Judæis omnibus, ubicumque locorum eſſent (erant autem in minore Aſia maximè, ut ex principio prioris Epistolæ Petri & Apocalypſeos confirmatur) tamquam popularem locorum, in quibus verſabantur, linguam colentibus, potuit intelligi. Deindè verò ab alijs omnibus gentibus, quibus hoc quoque ſcripto per conſequens Apoſtolus conſultum voluit. Nam cur ad Romanos Græcè, niſi hac de cauſa, ſcripſiſſe dicendus eſt? Ergò & ad Hebræos Græcè, ſimili argumento. Nam etſi tum imperium penes Romanos erat, pleraſque tamen orbis terrarum partes Græcorum ſermo obtinebat. Sed ut hac quæſtione omiſſa, ad inſtitutum Apoſtoli revertamur, unde digreſſi ſumus: dictum eſt; Jeſum Chriſtum Sacerdotem noſtrum, eo ipſo quòd mortem ſubiit pro peccatis noſtris, mediatorem eſſe novi Teſtamenti, in quo promiſſionem habemus, heredeſque inſtituimur hereditatis æternæ. Hoc dictum confirmat poſteà author duobus modis; jure communi, verſu 16. & 17. & jure legali typorum vel ceremoniarum, ſequentibus. Jus commune duabus propoſitionibus concluditur, quas ad commodiorem ordinem tranſponemus in docendo, hoc modo; prior propoſitio ex verſu decimo ſeptimo per *αὐτὸς ὁ θς* & *ὁ θς* hæc eſt: Non valet Teſtamentum, dum adhuc Teſtator vivit; ſed tum demum valet, ratumque & firmum eſt, quum imortui ſunt qui fecerunt Teſtamentum. Chriſtus autem Teſtamentum fecit, quod ratum ſuo tempore firmumque eſſe voluit. Ergo (quæ ſecunda propoſitio eſt verſu 16. comprehenſa) mortem intercedere illius, velut teſtatoris noſtri, oportuit; ut Teſtamentum ipſius ratum firmumque in heredibus vocatis & inſtitutis permaneret: Ac proindè mors Chriſti duplici reſpectu nobis eſt utilis: reſpectu quidem Sacerdotii, quòd expiavit peccata noſtra in ſanguine ſuo; Teſtamenti verò, quòd Teſtamentum ſuum ſtabilivit, ut hereditatem nobis Teſtamento legaram cerneremus, & mitteremur in poſſeſſionem illius. Sequitur ſingulare jus legalium typorum ceremoniarumque, quas in Chriſto Jeſu impleri oportuit. Hoc autem ſingulare jus tribus verſibus expreſſum, fundamentum habere in communi jure confirmat Apoſtolus particula illa *κατὰ τὴν*, Unde; tamquam ſi diceret: Quæ communis ratio in jure humano eſt (quandoquidem naturalis eſt juris, Teſtamentorum conſectio atque authoritas) eandem rationem a Deo in priore illo federe fuiſſe obſervatam; & mortem interveniſſe, non teſtatoris quidem; ſed ſignificans, ſanguinem & mortem illius figurantis. Hujus autem ſingularis juris propoſitio eſt, verſu 18. Confirmatio, duobus ſequentibus. Propoſitio hæc eſt: Prius Teſtamentum non fuit dedicatum, id eſt, ſanctum, firmumque a Deo declaratum abſque ſanguine;



puta quin sanguis effunderetur & mors sequeretur *δια τῆς αἱμάτων*.  
*οιᾶς*. Sic ergo posterius quoque Testamentum dedicari & consecrari  
oportuit. Antecedens confirmatur narratione historica; quæ apud  
Mosem existit Exod. 24. ut Parallelo diagrammate ostendimus. Id enim  
disertis verbis fuisse gestum eo in loco exponit Moses, quod 18. versu  
author pronuntiavit. Verumtamen quia adjectiones & mutationes  
quædam præter Mosis testimonium hic ab Apostolo videntur factæ,  
necesse est ut pauca de iis in hunc locum adferamus. Ac primum qui-  
dem illud est quod ait Apostolus, *totum mandatum a Mose secundum Le-  
gem universi populo recitatum esse*; cum tamen Moses librum illum fe-  
deris sive Testamenti dicat fuisse lectum. Sed hæc omnino conveniunt.  
Non enim propriè dicit Apostolus omnia mandata secundum Legem,  
id est, legalia populo recitata esse, per illud tempus; sed potius univer-  
sum mandatum, putâ quod a Deo acceperat, de federe, Testamentô-  
que, & conditionibus illius in populo enunciandis. Hoc autem quid  
aliud sibi vult, quàm quod dicit Moses, libellum federis sive Testa-  
menti ab ipso fuisse lectum, id est, de scripto recitatum? Secundum  
est, quod ceremonias quasdam huc refert Apostolus, quarum eo in  
loco Moses neque disertè, neque tacitè, ut multi putant, videtur me-  
minisse. *Nam hircorum, aquæ, lana coccinea, hyssopi, & aspersi libri* cum  
populo, Moses non meminit: quæ omnia hic, tamquam ex Mose, pro-  
ponuntur. Atque hæc quidem a Mose disertis verbis expressa non esse  
agnoscimus: sed tamen rem ita habuisse duobus argumentis respon-  
detur. Unum est; Hæc narrari ab autore nostro, ut alia multa in  
Scripturis narrantur, ex traditione; quæ tùm apud Hebræos ipsos pro  
certa exploratâque habebatur. Alterum est, hæc ipsa quamvis tacitè,  
a Mose declarari per analogiam earum ceremoniarum, quas Deus  
jam antè usurpari voluerat, & tum adhuc Mosi de integro, quum ei  
Testamentum in montem traderet, Lege confirmavit. Priorem re-  
sponsionis modum probaturus essem, si alia non existeret via tuendæ  
veritati & auctoritati, quam sanctam testam huic Epistolæ oportet reli-  
giosè conservari. Sic enim Scriptura sacra nonnumquam adfert inter-  
pretationes, quæ in primis libris, unde historia sumta sunt, non compa-  
rent usquam. Quemadmodum de Josepho prædicabat David AEGyp-  
tios pedem illius afflixisse compede, eumque ferrum subivisse: quod  
nusquam a Mose dictum est (si benè meminî) disertis verbis. Similiter  
Jannem & Jambrem nominavit Paulus 2. Tim. 3. & Judas Enochî Pro-  
phetiam, & si qua sunt ejusmodi. Sed alter responsionis modus arridet  
mihi vehementius: nempe quæ hoc loco exponit Apostolus, ea ana-  
logicè sive *κατὰ συνακλόουησιν* includi narratione Mosis, quamvis  
expressa non existent. Nam primùm quum Moses dicit versu 5. pueros  
Isrælitarum obtulisse holocausta, putâ pro peccato & ad expiationem  
pertinentia; ea certè, quum jam Moses Legem a Deo accepisset, non  
alia fuerunt quàm hircorum, quos pro peccato ad justum sacrificium  
offerri sibi Lege mandavit Deus; ut Levitici 4. & 9. & 16. & alibi passim:  
postea verò juvenei, in eodem versu, sacrificiis Eucharisticis deputan-  
tur. Tria quæ sequuntur aqua, lana coccinea & hyssopus, eadem ex ana-  
logia intelligenda sunt. Nam illota sacrificia & ab illotis hominibus  
tum fuisse oblata in hac solenni federis & Testamenti divini obigna-  
tione quis credat? cum in rebus singularibus & minutissimis eadem  
observari Deus præceperit Lege; & non sit dubium quin Deus in hac  
publica

publica solennique communicatione cum populo suo, coram universo populo his ordinariis futuris ritibus præire exemplo suo voluerit. Nam aquam ad omnia fuisse imperatam fatentur omnes: lanam coccinam eodem ferme momento ad cultum suum adhiberi iussit, capite 25. hyssopum prius egressuris ex Aegypto Israëlitis imperatam, ut commodum & odorem *ἁγιάσματος*, & deinceps ad aspersiones indidum & consecratum instrumentum, alii confirmant Scripturæ loci Levitici 14. & Numerorum 19. ad quam ceremoniam velut ordinariam, respiciebat David, quum oraret Psalmo 51. Expiato me hyssopo, ut mundus sim, &c. Hæc igitur omnia, quæ Deus ordinaria in Lege esse voluit, jam autè Mose proposuerat, & imperari iusserat. Quis ergò dubites eadem in hoc publico & solenni actu fuisse observata? & per singularem Dei providentiam hoc velut principio sanctificata, coram omni populo, ad futurum tempus? Tertium quod item videtur adici, est librum federis aspersum esse. Negant igitur multi hoc ex Mose constare posse. Atqui hanc rem sic accipiendam esse evincit ipse narrationis contextus, versu sexto & septimo. Nam librum quidem non dicit Moses *ῥαντισθαι* sanguine aspersum esse; sed quum pridie librum illum conscripseret, posteròque die manè altare exstruxisset; librum habuit altari impositum: neque antè recepit ex altari Moses, quàm dimidio sanguine aspersisset altare illud cui liber erat impositus. Hæc aspersione facta versu sexto librum recepisse dicitur, versu septimo, & audiente populo legisse eum, &c. quo facto populum demùm aspergit, reliqua sanguinis parte, in versu octavo. Restat postrema mutatio, quod inquit Apostolus: *Hic est sanguis Testamenti, quod mandavit ad vos perferri Deus.* Sic enim explicio verba illa Apostoli, *ἡ ἐντεύχῃ τοῦ θεοῦ ὑμῶν* & *Θεός*, per Metalepsin Hebræis, & ex Hebræo sermone Græcis frequentissimam. Quam interpretationis viam flagitat constructio. Atqui hæc non adversantur Mosis sententiæ; sed eam potius explicant convenientissimè. Nam quod dixit Moses; Jehovaham pangere fedus cum Israëlitis secundum omnia verba illa, quæ ex libro Mosis de scripto legerat; id certè planè *ἰσχυρισμὸν* his ipsis vocibus quas ponit Apostolus, hoc fedus ac potius testamentum esse, quod mandavit ad ipsos perferri Deus. Nam sive dicamus Jehovaham pepigisse cum Israëlitis fedus per Mosem, secundum omnia verba illius libri ubi Testamentum ejus conscriptum est; sive dicamus Jehovaham mandavisse Mose, ut hoc Testamentum in eo libro comprehensum ad Israëlitas perferret, nullum aliud discrimen est inter hæc duo prædicationis genera, quàm quòd priore loquendi modo Jehova dicitur agere per Mosem; posteriore Moses dicitur agere nomine Jehovahæ & secundum mandatum ejus. Quæ duo eodem planè sensu, prout se revera habent, oportet accipi. Id quidem est difficultatis reliquum, quòd Testamentum hic ab Apostolo nominatur loco Hebræi illius nominis, quod vulgò fedus exponitur, ut antè ostendimus: sed quia proximè cum de iusta nominis illius significatione, tum de hujus argumenti interpretatione, quod satis visum est, protulimus; nolumus molesti esse, & pium Lectorem repetitionibus minimè necessariis fatigare. Nam ex superioribus id omnino constat, sanguinem illum fustum non ad ipsum fedus; sed propriè & singulariter ad testamentum, quod Sacerdos noster expiatis peccatis nostris commisit nobis, pertinere. Atque hæc quidem de jure singulari typis & ceremoniis adumbrato ex præscripto Legis, novumque illud

Testamentum Domini Jesu Christi Servatoris nostri confirmante. Deinceps verò, putà inde a versu vigesimo primo, regrediens Apostolus ad sermonem institutum versu undecimo & duodecimo, ubi cœperat anagogen vel accommodationem instituere veritatis cum Legis umbraculis, putà Sanctuario & ritibus illius; proponit eos ritus, qui communiter tum ad sedus illud Sacerdotio Christi obsignatum per sanguinem ejus, tum ad Testamentum Sacerdotio illius conjunctum spectant: ac propterea, quemadmodum de persona dixit, iisque rebus, quas Sanctuarium illud mundanum figurabat; ita nunc de ritibus, qui ex Lege in Tabernaculo illo mundano observabantur instituit dicere, & veritatem eorum ostendere ad finem usque capitis: postea verò confirmationem subjicit principio capitis decimi, ad finem usque Tractationis hujus, quem in versu decimo octavo decimi illius capitis esse, superioribus ostendimus. Hac igitur de causa, per Epanalepsim quamdam, ritus in Tabernaculo servatos describit, duobus versibus; anagogen verò, declarationemque veritatis illorum reliquo capite. Rituum duo ponuntur genera: unum *ἀγιασμῶν*, sive consecrationis, versu 21. alterum *καθαρῶν*, id est, purificationis in remissione peccatorum, versu vigesimo secundo. Consecratio simplex, earum rerum propria est, quas Deus dederat; ut rerum suarum promissionum, actionum, benedictionumque essent umbracula. Nam in his propriè neque impuritatem, neque peccatum fuisse dicendum est: sed tantum hæc propter Ecclesiam illam opus habuisse, ut consecratione Deus testatam faceret institutionem suam ad usum illorum in populo ipsius legitimum. Hujus generis sunt, Tabernaculum, & omnia vasa, id est, instrumenta ministerii: quæ sanguine aspersa fuisse testatur Moses Levitici 8. & 9. & 16. *καθαρῶν* verò sive purificatio & expiatio cum remissione peccatorum juncta, ad eas res propriè respicit, quæ ab homine adferuntur: ut qui a natura impurus est, & purificatione, peccatorumque suorum remissione opus habet; quam nobis Christus effuso sanguine suo comparavit. Quapropter tum de rebus quas homines Deo exhibuerunt, tum de personis prædicatur illud: *omnia ferè secundum Legem sanguine purificata esse*, eò quòd utrumque, res & personæ, impurum fuisset futurum, & ineptum indignumque quod exhiberetur Domino, nisi puritatem sanguine Christi adeptum esset. De personis verò sive hominibus, qui ipsi rei sunt peccati, & res ceteras peccato suo impuraverunt, dicit Apostolus, *absque sanguinis effusione remissionem non esse factam*. Sic omnia quidem purificatione, ut apta essent; homines verò tum remissione peccatorum, ut non inepti essent; tum purificatione, ut apti essent, opus habuerunt. Hinc transiens ad anagogen rituum Apostolus, ad quam aditum sibi paravit hac summa rituum propositione; per antithesin exponit rituum illorum veritatem, reliquo capite. Hujus autem *ἀντιθέσεως* membra sunt quatuor. Nam primum fit antithesis rerum sive oblationum, quæ ad purificationem purgationemque pertinerunt, versu 23. Secundò sacrarii, quòd res importatae sunt ad purificationem spectantes, versu 24. Tertiò actionum, quæ ad perficiendam illam purificationem fuerunt opus, versu 25. & 26. Postremò usus ex illis ritibus consequentis & porrò consequutori, duobus ultimis. Rerum antithesis evidentissimè ab autore nostro instituitur, quum figurativas (sic enim Scholarum more liceat *ὑποφωτιστικὰ* exponere) figuratis opponit duobus modis. Nam in utroque genere res aliæ sunt purificantes,



purificantes, alia purificata. Sed figurativè in terris existentes exemplaria fuerunt a Deo instituta, eorum quæ sunt in cælis. Figurata verò nominantur *αὐτὰ τὰ ἱεροῦσεν*, id est, res ipsæ cælestes, vel potius quæ supra cælos sunt. Ex his et res quæ figurativæ sunt, ritibus illis typicis ac figurantibus purgata fuisse dicuntur; nempe ad carnis puritatem secundum Legem, ut supra versu 13. dictum est: Res verò cælestes, melioribus vel potioribus victimis quàm illæ fuerint, nempe sanguine Christi (ut versu 14. loquutus est) qui per Spiritum æternum seipsum obtulit inculpatus Deo, ut purgaret conscientias nostras. Quæ victima etsi unica est reipsa, respectu tamen applicationis & efficientiæ, non modò instar est illarum omnium, verumetiam modis omnibus exsuperat; cum illis res terrestres singulæ secundum carnem, ad tempus, mutabiliterque purificarentur: hoc verò sanguine res cælestes, omnes & singulæ secundum spiritum, in perpetuum, & immutabiliter purificata sint, atque consecrata recipiendis Electis, & corpori Christi in domicilium illud æternum adoptando. Quamobrem etiam unicam illam oblationem Christi comparatè author plurali numero appellavit, respectu applicationis illius & efficientiæ ad multos pertingentis. Sic enim solitus est Deus in typis res plures, in sermone numerum pluralem ad rem unam designandam sumere, cujus applicatio effectiòque ad plura objecta pertinet, pro ratione illarum: ut Dei providentiam, multis oculis Ezechiel; Christum, Lex typis innumeris; Christi gratiam, Zacharias duobus tubulis oleum effudentibus; Christi sapientiam, Apocalypsis septem oculis; virtutem, septem cornibus; Spiritum sanctum, septem spiritibus qui ante thronum Dei dicuntur esse, denotavit: putà pro ratione visorum objectorumve, ad quæ accommodatio sive applicatio, & efficientia ipsorum scribitur pervenisse. Secundum locum antitheseos, de sacrario terreno ac cælesti gravissimè pronunciat Apostolus, his verbis, *Non enim ingressus est Christus in sacrarium manufactum*, &c. Nam etsi plana est & perspicua illa antithesis sacrarii mundani sive terrestris, & illius cælestis, in cuius spe vivimus: optimè tamen ad rei declarationem amplificationemque duobus argumentis hæc antithesis illustratur, nempe a natura utriusque sacrarii, & ab usu illius. Natura, quia illud sacrarium fuit manufactum; hoc autem minimè, in quod Christus Jesus Pontifex noster ingressus est: id enim cælum est, ut interpretatur Apostolus. Usu verò, quia illud nihil aliud fuit, nisi typus veri illius sacrarii. Hoc verò sacrarium non est *αὐτὸ τυπικόν*, id est, æquè typicum veri sacrarii atque fuit illud, sed ipsum verum sacrarium est *αὐτὸ ἁγίον*: prout a fine confirmatur his verbis, ut nunc compareat in conspectu Dei pro nobis, nempe in vero illo sacrario (ubi Deus est reipsa, ac non figura; veritate, non typo scilicet) non autem veri typo, aut alterius typici antitypo. Sic enim tum in hoc loco, tum etiam alibi & ex vocis Etymologia, rei veritate, & Nazianzeni exemplo interpretamur vocem *αὐτὸ ἁγίον*. Tertia *ἀντίδοσις* in actione & administratione Pontificis nostri posita versu 25. & sequente, duo præcipuè membra complectitur; nempe actum ipsum, & actus ipsius operationem, sive energiam. In actus declaratione opponuntur ista: quòd olim Pontifex sæpè obtulit, nimirum quotannis; nunc verò in consummatione & plenitudine temporum semel offert Christus: deinde, quòd ille cum sanguine alieno, hic verò cum immolatione sui ipsius parefactus est, & declaratus reipsa verus noster æternusque Pontifex. Illius verò divini actus energia

& operatio similiter circumscribitur duobus modis: primum, quod est ad abolendum peccatum; putâ & sufficiens per se, & in omnibus quos ipsi dedit Pater efficientissima: tum etiam quod est perpetua & in æternum permanens, quemadmodum ex facto & officio Christi argumentatur Apostolus hac interjecta in suum sermonem clausula, *alioquin oportuisset eum sæpè fuisse passum a conditu mundi*. Hæc enim est sententia Apostoli: Cujus efficientis causæ perpetuus est & immutabilis effectus, ejus actum repeti nihil necesse est. Est autem perpetuus & immutabilis effectus per passionem Christi: Has igitur repeti, ut sacrificia illorum Pontificum qui fuerunt sub Lege, nihil necesse est: alioquin si perpetuus non fuisset effectus ejus, oportuisset illum sæpè inde a conditu mundi pati, & deinceps quoque per passionibus iisdem infestari. Hoc autem neque factum est, neque porro futurum est; quia quod semel præstitit, id ipsum præstitit *ipsæ*; ut etiam *ipsæ*, id est, semel & in sempiternum permanent effectus per passionem ejus. Restat ultima antithesis de usu ex legitimis illis ritibus consequuturo, & ex complemento per passionem Christi. Qua in parte non opponitur singularis aliqua Pontificum Sacerdotumve conditio, salutari illi conditioni quam habet Christus; sed communis omnium eventus a natura, cum usu & eventu gratiæ in Christo ad omnes pios perventuræ, comparatur elegantissimè. Etenim conditio naturalis omnium duabus rebus definitur, versu 27. mortis omnibus semel eventuræ hic, & judicii ex morte illic consequuturi. Huic verò miseræ conditioni omnium, si Deus ad nos, prout in nobis sumus, respiceret; ex adverso opponitur illa conditio Christi, quam per se in seipso habet, & quæ per ipsum in nobis futura est beneficio illius. Nam loco mortis illius naturalis nostræ nobis proponitur mors illa Christi; qui semel obtulit seipsum morte, ut mortificaret deleteretque peccata multorum, nempe electorum, & quoscunque ipsi tradidit Pater ex beneplacito voluntatis suæ: judicio verò illi horrendo & refugiendo hominibus, si extra Christum essent, opponitur secundus adventus ipsius, quum sine peccato existens, vel (ut antè dixit Apostolus 7.26.) segregatus a peccatoribus, conspicietur fidelibus iis qui ipsum expectant & gloriosum adventum ejus: sine peccato autem, non solum in persona sua, quæ nescit peccatum, verum etiam in corpore suo & membris ipsius: quæ licet antè peccatum sciverint; tamen eo tempore liberata a servitute & labe peccati, justitia capitis sui circumvestientur; ut hanc remissionem peccatorum, justitiâmq; æternam in capite suo adepti, salute æterna perfruantur.

## CAPUT DECIMUM.

- 1 Lex enim umbram obtinens eorum bonorum quæ futura erant, ac non imaginem ipsam rerum, iisdem hostiis anniversariis, quas Sacerdotes offerunt, nunquam in perpetuum sanctificare accedentes potest;
- 2 (Alioquin nonne illæ offerri desivissent, propterea quod cultores illi, postquam semel purgati essent, nulla amplius conscientia peccatorum afficerentur? )
- 3 Sed in eis fuit quotannis peccatorum recordatio:
- 4 Non enim potest taurorum hircorumque sanguis auferre peccata.

5 Quapropter

5 Quapropter ingrediens in mundum dicite: Sacrificium & oblationem noluiſti; corpus autem ap-  
taſti mihi.

Pſal. 40.

7 Sacrificio, inquit, & munere non es delectatus, aures perfodiſti mihi.

Holocaustum & oblationem pro peccato non poſtulauiſti.

8 Tum dixi: Ecce venio, in volumine libri ſcriptum eſt de me:

9 Facere voluntatem tuam, Deus mi, delectator.

6 Holocaustumata & hoſtias pro peccato non approbaviſti.

7 Tunc dixi: Ecce adſum, in volumine libri ſcriptum eſt de me, ut faciam, Deus, voluntatem tuam.

8 Quum ſuperius dixit, ſacrificium & oblationem, & holocaustumata, & hoſtias pro peccato noluiſti, neque approbaviſti, quæ quidem offeruntur ſecundum Legem;

9 Tunc dixit, Ecce venio, ut faciam, ô Deus, voluntatem tuam, tollit prius, ut ſtatuat poſterius:

10 Qua voluntate ſanctificati ſumus per oblationem corporis Jeſu Chriſti ſemel factam.

11 Ac omnis quidem ſacerdos adſtat quotidie miniſtrans, eaſdem ſæpius offerens hoſtias, quæ quidem numquam poſſunt auferre peccata.

12 Hic verò poſtquam unam pro peccatis hoſtiam obtulit, in perpetuum conſedit ad dexteram Dei,

13 Id quod ſuper eſt expectans, donec inimici ipſius diſponantur in ſcabellum pedum ipſius.

14 Una enim oblatione conſecravit in perpetuum eos qui ſanctificantur.

15 Teſtificatur autem nobis ipſe quoque Spiritus ſanctus. Nam poſtquam prius dixiſſet,

Jerem. 31.

33 Hoc illud eſt Teſtamentum, quod diſponam domui Iſraëlis poſt dies illos, dictum Jehova, Indam legem meam cordi illorum, & animo illorum inſcribam eam.

34 Me condonare iniquitatem ipſorum, & peccata ipſorum non eſſe recordaturum amplius.

16 Hoc eſt Teſtamentum quod diſponam eis poſt dies illos; dixit Dominus, Indens leges meas cordibus illorum, & mentibus illorum inſcribam eas:

17 Et peccata illorum, atque iniquitates illorum non recordabor amplius.

18 Ubi verò eſt horum remiſſio, non amplius eſt oblatio pro peccato,

**P**oſtquam ſummum illud myſterium redemptionis noſtræ comparatæ ſacerdotio Chriſti, & hereditatis æternæ legatæ teſtamento ejus, ut legales typi & ceremoniæ præfiguraverant, expoſuit Apoſtolus proxime præcedente capite, & certis antitheſeos membris ſingula beneficii illius membra commodè illuſtravit: nunc demum eorum omnium confirmationem ſubnectit his verſibus, quos propterea viſum eſt conjungere in ſuperiore diagrammate. Cùmque illius antitheſeos animadverteret membra quædam extra controverſiam eſſe; ut ſunt



(verbi gratia) secundum, de sacrario typico & vero, cujus probationem supra 8.5. attulerat; itemque ultimum de usu illorum beneficiorum, quæ nobis a Christo parata sunt: propterea duo solum reliqua antitheseos membra suscipit confirmanda; præsertim cum iis probatis atque confirmatis cetera ultro & per se consequantur. Hoc igitur argumentum est, quod Apostolus probandum suscipit, & quidem (ut antè fecit) antithetis: Neque oblationes legales totumque ministerium, neque Sacerdotè Lege institutum, ea præstare & perficere potuisse quæ ostendebantur; sed contrà in Christo nobis & perfectum sacrificium, & sacerdotem perfectum fuisse exhibitum, ad complementum eorum omnium, quæ typis & ceremoniis legalibus fuerant præfigurata. Ac de oblationibus quidem, confirmationem affert Apostolus decem primis versibus: de Sacerdote verò & administratione ejus, versibus reliquis. Prius membrum, de oblationibus, eadem antithesi quæ antè posita est, confirmatur. Nam primum legales illas oblationes non fuisse ejusmodi, ut illud quod ostendebant præstiterint, demonstratur versibus 4. deinde verò, oblationem Christi eam esse in qua Deus acquieverit, & per quam satisfactum sit iudicio ac legi ipsius, versu quinto, & sequentibus. Prioris membri summam propositionem tertio antè versu fecerat author *παρὰ τὴν*, quum diceret: *Alioquin oportuisset Christum sæpe passum esse a conditu mundi*: sed quia institutam suam antithesin non planè absolverat; cujus tamen præstabat continuari interpretationem, & huc confirmationem rejici: jam rediens ad illum confirmationis locum, ostendit *τὸ ἀδύνατον* typorum & ceremoniarum Legis, argumentatione primum, deinde autoritate Scripturæ. Argumentatio hæc est, ut nos ad commoditatem docendi per *ὁσιώσπον* contexamus, *Qua oblatione sacrificantes ita purgantur semel, ut nullorum peccatorum conscientia amplius teneri possint, ea non est repetenda*, versu secundo. *Lex autem oblationem suam singulis annis eandem offerri jubet*: Ergo legalis illa oblatio accedentes & sacrificantes purgare & sanctificare in eum modum non potest, versu primo. Hoc verò dictum quod in assumptione est, ne quis contumeliosum in legem Dei esse putaverit, prudentissimè Spiritus sanctus *ὁ δὲ θεὸς* quandam statim principio adhibet a natura Legis in his verbis: *Umbra obtinens eorum bonorum quæ futura erant, ac non imaginem ipsam rerum*: tamquam si diceret: Non est cur mirum cuiquam videatur, quod Legis oblationibus ea quæ ostendunt minimè perfici contendimus. Nam quod de parte dicimus, idem quoque de toto affirmamus: nempe ne Legem quidem id posse, quod de parte negamus ipsius. Quod si non potest tota, multò minùs pars ejus hac potestate prædita futura est. Obscurum illud est, quod Lex hoc loco dicitur *non habere imaginem rerum*, & ab interpretibus variè exponitur. Nam imaginem alii ex antithesi *οὐκ ἔστιν*, id est, umbræ, putant esse expressam quādam ad vivum, (ut loquuntur) formam rei aut corporis alterius, cujus est imago; ut contrà nomine *οὐκ ἔστιν* intelligi volunt adumbratam formam; id est, crassam, rudem, & incompositam, quales sunt *μορφὴς* ac vix satis dedolata statua, quæ potius umbra statuarum, quàm statua debeant appellari. Alii ex eadem antithesi umbram cum corpore ipsius comparantes, statuunt imaginem hoc loco *ἰσχυρὰ* accipi oportere, pro ipsa veritate, corpore, essentiæque rerum quæ adumbrabantur Lege. Priorem interpretationem, sive ad Evangelium, sive ad aliud quidvis referas, probare non possum;

possum; præsertim cum in sequente loco ex autoritate, omnibus his legalibus umbris, opponatur corpus, quod Christo aptavit Deus, & perfecta voluntas Dei in illo corpore. Posteriores igitur accipio: sed hæc ut commodius intelligatur, primum de voce imaginis; secundò de eo, quod hac imagine significatum voluit Apostolus, paucis dicturi sumus. Imaginem ergò, tamquam relativum nomen duobus modis accipi inter omnes constat. Nam quemadmodum relativa pleraque materiale suum (ut vocant) fundamentum putâ & terminum, communi appellatione donare solent; ita fit imago. Terminus in hunc modum, & terminans, & terminatus appellatur; lines, limitans, & limitatus; numerus, numerans, & numeratus; forma, formans (quam essentialem vocant) & formata ad essentialis modum. Similiter imago dupliciter accipitur. Nam aut est id ad quod sive ad cuius exemplum aliud fit, vel est; aut est id quod fit, vel est ad aliud, sive ad exemplum & similitudinem illius. Ac posteriore quidem significatione in vulgo plurimum accipitur: quemadmodum & formam vulgus potius pro specie externa & similitudine accipit, quàm pro essentiali parte rei, quæ pars constituat rem: sed ex contrario sapientes viri propriè loquentes, quum formam nominant, partem illam essentialis rei intelligunt, quam modò dicebamus. Sic etiam imaginem pii & prudentes, pro ratione locorum argumentorùmque, hoc aut illo modo solent accipere, propriè, aut populariter. Etsi nonnumquam usu venit, ut pro ratione rei quæ agitur, utrumque propriè enuncietur: ut si Patrem aliquem imaginem filiorum suorum appellaveris, & filios vicissim Patris. Hæc autem duo imaginum genera si quando inter se comparantur; imago essentialis habetur pro corpore substantiæque rei: altera verò quæ ad eam respicit, sive natura sive institutione, pro umbra corporis illius ducitur. Nunc videamus, quid sibi author imaginis voce hoc loco voluerit. Hanc ergò imaginem posteriore significatione accipi non posse, nimirum pro eo quod fuit factum, vel est, ad aliud, & ad exemplum similitudinemque illius, ipsa demonstrat antithesis umbræ, quæ hoc in loco usurpatur. Nam cum evincat antithesis imaginem comparatè hoc loco appellari; omnino hic accipienda est pro ratione illius rei, cum qua comparatur, & ad quam respicit. Si enim cum corpore aut re comparatur, cuius referat similitudinem; est quædam velut umbra illius: sicut naturaliter umbra est, rudis imago corporis illius quod sua umbra sequitur. Sin autem respicit ad id quo corpus aut res ipsa adumbratur figuraturque; hæc imago essentialis est. Hic autem respicit ad umbram suam, & comparatè hoc sensu dicitur; ut ipsa authoris clamat antithesis. Hæc ergò imago essentialis est. Nunc quænam sit hæc imago videamus. Circumscriptio huius imaginis non aliunde quàm ex ipso Apostoli sermone petenda est; cum imaginem vocat rerum: easque res adhuc evidentius determinat oppositione alterius membri, dum has ipsas res in Testamento veteri dicit fuisse ea bona quæ erant futura, quum plenitudo temporum advenisset. Hæc igitur imago, ut determinationem sequamur Apostoli, nihil sibi vult aliud, quàm veritatem & substantiam ipsam rerum bonorùmque omnium, quæ olim futura præsignificabantur; nunc verò re ipsa exhibentur in hac temporum plenitudine: quo respectu *αἰματὶ*, tamquam res ipsæ & actiones gestæ confectæque opponuntur futurorum bonorum appellationi. Ex hac determinatione, qui statuunt imaginem  
essentialem

essentialem istarum rerum Jesum Christum esse, aliquid adferunt: sed tamen non satis ad hujus argumenti intelligentiam. Nam est quidem Christus corpus & veritas ipsa, in quo omnia dona, administrationes, actiones, operationesque, & perfectiones ad redempturam nostram pertinentes, fundamentum & complementum habent: sed de his omnibus conjunctè hoc loco agitur; nempe tum de persona, tum de actionibus & bonis omnibus, adeoque plenitudine illa, quam in Christo consequimur secundum personam, officium, & beneficium illius: prout intelligi hoc membrum oportere demonstrat consilium Apostoli, ea antitheseos membra, quæ in priore capite confirmatione opus habuerant, declarantis. Sed ut ad institutum sermonem revertamur, ex antecedente argumentatione nascitura erat objectio, Si legales hostiæ minimè sanctificant, Igitur esse inutiles: propterea artificiosè hanc objectionem occupat Apostolus in versu 3. & ostendit non valere eam consequutionem: nam tum demum validam fore, si illud vincatur omnes hostias sanctificationem conferre iis qui ipsas offerunt: sed hostiarum alias esse *ἱλαστικὰς* & *τελειωτικὰς* sive *καθαρικὰς*, id est, sanctificantes, consecrantes, vel purificantes; alias verò typicas & *μυμνηστικὰς*, id est, figurativas & ad recordationem memoriæque pertinentes: Sacrificium Christi esse expiatorium (ut postea dicitur) legalia omnia ad recordationem mentionemque pertinere eorum quæ adumbrata fuerunt ipsis: Atque hoc demonstrari duobus argumentis: primùm a repetitione ipsorum ex instituto Legis: Nam in istis coli mentionem peccatorum quotannis, versu 3. Deinde verò a natura ipsarum rerum quæ offerebantur: Non enim posse sanguinem taurorum & hircorum auferre peccata, versu 4. quemadmodum supra versu 13. proximi capitis perspicuè ostenderat. Sequitur jam alter locus confirmationis ab auctoritate: in quo primùm probat Apostolus id quod modò dictum est, legales oblationes non præstare sanctificationem: deinde ex contrario præstationem, & complementum illius in Christo nobis exhiberi: quem ad sermonem transit Apostolus posita rationali particula, *Quapropter*, ut ostenderet hac ipsa Legis infirmitate in nobis Christum adductum esse, ut veniret in mundum, seque Deo & Patri sisteret interventorem pro nobis: quemadmodum Apostolus his verbis ostendit, dicens, *Veniens Christus in hunc mundum dicit*, &c. Antequàm verò de hujus loci sententia dicimus; videndum est quàm verè hic tribuantur Christo ea, quæ David de seipso videtur prædicare. Nam etsi hoc loco expressum non exstat Christi nomen: omnino tamen id sibi vult illa circumlocutio, *Veniens in mundum*, & Christum apertè denotat: quemadmodum etiam capite primo, eodem respectu Deus suum primogenitum in orbem terrarum dicitur introducere versu 6. Ac primùm quidem omnia hæc verba, quæ in hac causa hoc loco adducuntur, non obscurè ostendunt hæc ad Davidem minimè pertinere. Nam quòd sacrificia & cetera Deo probari negat, aut ab ipso peti, quòd se constitutum esse affirmat ad faciendum voluntatem Dei, quòd seipsum sistit ex decreto ad faciendum ea quæ vult & probat Deus, improbatè rejeclisque sacrificiis: Hæc certè omnia David de seipso numquam prædicaverit; sed potius de eo homine in mundum venturo cujus tum diem vidit in Spiritu & gavisus est, ut Christus de Abrahamo loquitur. Necesse igitur est, ut ea verba apud Davidem, postulante argumento, & interpretante in hanc sententiam Apostolo, statuamus ad Christum respectisse.

Quomodo



Quomodo autem eo in Psalmo ad Christum accommodari oporteat, nondum propterea constat. Nam alii verba illa de Davide propriè acceperunt, tamquam si in hoc loco detorquerentur a consilio ipsius, aut certè Christo accommodarentur per minoris comparisonem: Alii de Davide propriè, typicè verò de Christo interpretantur: alii contra typicè de Davide (ut qui typus fuit Christi in regnò Judæ) & de Christo propriè, servata relatione ad typum: alii denique de Christo purè simpliciterque, citra relationem aut cõtemplationem Davidis exponi volunt. Hæc singula expendamus paucis. Psalmum totum Davidis esse, & a Davide propriè fuisse de rebus ipsius prædicatum fatentur omnes: sed non sequitur, ex eo quòd totus Psalmus Davidis est, totum Psalmi (ut Scholasticorum modo loquamur) de Davide esse. Nam agens David de rebus suis, etiam argumenta foris non rarò interponit: in primis autem, quæ de gratia, de federe Dei, de officiis, beneficiis, & promissionibus Christi, in quibus David adquiescebat fide, prædicantur. Deinde non possunt ista propriè de Davide enunciari, quòd Deum sacrificio & munere delectari neget, quòd aurem sibi a Deo perfossam asserat, quòd se ipsum sistat confidenter Domino, quòd ad se Legem respexisset tamquam ad finem suum gloriatur, quòd se facturum spondeat voluntatem Dei, & perfecturum ea omnia quæ sacrificiis legalibus non poterant expleri propter infirmitatem ipsorum, & si quæ sunt ejusmodi. Postremò vel ex precedentis versus argumento evidentissimè constat, non posse hos versus de Davide, aut ullo fideli commodè intelligi. Nam eo in versu pii abrepti admiratione operum & consiliorum amplissimorum Dei erga ipsos, exclamaverunt infinitam esse cum providentiam, tum beneficentiam ipsius, quam nemo homo explanare possit; sed ille demum solus dicere possit, qui potest facere. Huic autem argumento planè adversarentur hi versus, si nunc demum aut pii omnes, aut ipse David, aut alius quisquam confirmaret gloriareturque se infinitæ illi administrationi Dei velle perfectè satisfacere, & posse, & re ipsa præstiturum esse. Concludimus igitur hæc verba propriè de Davide accipi simplicitérque non posse. Quòd si propriè & simpliciter ad eum minimè pertinent, cõficitur multò minùs ita propriè ad Davidem pertinuisse, ut Christo typicè accommodentur; cum in Davide typus magis dicendus sit & veritas in Christo, quàm ex contrario typus in Christo, & in illo veritas statuenda. Sin autem alii (quorum tertia sententia est) propterea hæc a Davide typicè de se ipso, & secundum veritatem de Christo putent prædicari: ne hoc quidem commodè obtineri potest, tum propter eas res quas ante diximus, tum etiam propterea quòd non suo solum ipsius nomine, sed piorum omnium canticum illud novum (ut appellatur in versu 4.) fuit decantatum: quemadmodum confirmant illa verba versu 6. *Tu multa præstas, Jehova Deus meus, mirabilia tua & cogitationes tuas erga nos, &c.* Restat igitur his omnibus expensis, ut concludamus hæc verba propriè simplicitérque de persona Christi, sive illius verbis a Davide conscripta esse. Quod ut omnes videant; necesse est paucis & statum Psalmi, & partes illius, & hujus maximè partis ordinem ostendamus. Psalmus est *Invocatio* vel petitorius salutis: quam ad petitionem muniendam Psalter primùm argumenta fidei adducit, quibus ad Deum orandum confirmetur ad verbum usque duodecimum, deinde exponit petitionem suam ad finem usque illius. Argumenta fidei pios in oratione confirmantis exponunt

tur tria: primum est, a beneficiis acceptis: secundum, a causa & fundamento beneficiorum, putà a federe Dei in Christo Mediatoris nostro: tertium, a fructibus inde consequentibus & testatam facientibus æternam illam Dei gratiam in Christo. Horum argumentorum exposito primo a sua ipsius experientia, David ostendit illud opportunissimum esse piis argumentum, ut canant Canticum novum, versù quarto, cujus cantici forma sequentibus exponitur. Illius autem Cantici summa propositio continetur versu quinto: Deinde verò *ip̃sa illius* subjicitur secundum eundem argumentorum ordinem, quem antè ostendimus. Primum enim generatim omnia Dei beneficia accepta & oblata proponuntur in versu 6. his verbis: *Tu plurima sive ampliſſima, præſtas, ô Jehova Deus m̃i, mirabilia tua & cogitationes tuas erga nos, quibus recensendis nemo par est tibi; si indicabo & eloquar*, id est, eloqui instituerò, *numerosiora sunt quàm ut a nobis enarrari possint*, tamquàm si dicerent pii; Tanta est amplitudo & innumerabilitas tuorū erga nos beneficiorum, ô Deus, & gratiæ illius quam in Christo explicatam nobis voluisti, ut prædicari a nobis non possit, ut par est; sed ab eo uno, quem tu Prophetam nobis (ut qui sermo tuus æternus est) tradidisti, & quem propterea enarrantem audiri a nobis necesse est. Quemadmodum etiam Psalmo 2. dicit, *Narrabo ad decretum Jehovæ*, id est, Prophetæ partes in Ecclesia exsequar. Hoc igitur posito, pii fundamentum & causam beneficiorum Dei non instituunt enunciare ipsi: nam hoc a se fieri non posse modò confessi sunt; sed Christum ipsū, in quo omnes promissiones & benedictiones Dei sunt etiam & Amen, attentè audiant narrantem ea quæ in hunc locum Apostolus commodissè importavit, ut complementum rerum legalium, & veram loci illius interpretationem aperiret. Sunt igitur revera illa verba Christi, tamquam ingredientis mundum, ut hîc ab autore nominatur: Quibus verbis ille instituit narrare mysterium illud omnibus seculis absconditum, quod oculus hominis non viderat, auris non audiverat, nec cuiquam in mentem venerat, nisi ille ipse narravisset, cujus persona a Davide loquens in eo Psalmo introducitur. Hujus autem enarrationis mirabilium operum consiliorūque Dei, quam Christus hoc loco instituit, & pii prædicant verbis illius, partes eadē constituendæ sunt, quas antè diximus in principium hujus capituli: Nam primum *to aduyn* legis, deinde verò Christi *χριστου* vel Dei Patris in Christo exponitur; idque duobus gradibus antithetis: Nam res rebus, & actiones actionibus opponuntur. Rerum inter se oppositio hæc est: sacrificium & oblationem Deum noluisse, sed tantum voluisse & acceptum habuisse servum suum, cui apravit corpus, ut convenientes actiones voluntati Dei in eo perficeret. Actionum oppositio fit cōsimiliter, quum holocausta quidem & hostiæ pro peccato fuisse oblatas ostendit Christus; sed inani & irritò effectu: ac propterea Christum videntem ut legis impotentia nihil potest in carne, seipsum in suo illo corpore, quod per Spiritum ipsi apravit Pater, simile carni peccati, stitisse coram Deo & Patre, ut (quod Lege fuerat prædictum & significatum) in eodem suo corpore faceret voluntatem Dei, id est; suum illud corpus vel carnem exhiberet, in qua condemnaretur peccatum nostrum, & nos in perpetuum sanctificaremur unica oblatione illius. Ac horum quidem omnium sententia, si in hunc modum acceperis, aperta futura est: nec dubito quin eò David respexerit, quum Ecclesiam introduceret

introduceret proficentem quantopere impar esset prædicandis Dei beneficiis: & Christum, tamquam venientem in mundum & defungentem Prophetæ partibus, exhiberet. Quædam tamen hic a verbis Prophetæ diversa sunt; ex quorum comparatione imperitiores faciliè laberentur, & impii ludificarentur auctoritatem scripturæ, nisi perspicua fieret Prophetæ simul & Apostoli consensus in hoc argumento, quamvis differentibus verbis. Prima mutatio est hæc; quod pro illis Prophetæ verbis, *Aures perfodisti mihi*, substituit Apostolus; *Corpus aptasti mihi*. In hac verò mutatione, si quis ad rem penitiùs animum adverterit, comperiet hoc loco minimè ea tolli quæ a Davide iis verbis expressa sunt; sed potiùs ea solum de sententia verborum illorum decerpta esse, quæ ad illustrandum hoc argumentum maximè visa sunt pertinere. Triplex igitur est conciliationis modus. Primus & quidem vulgò receptus, est hanc interpretationem a Septuaginta illis profectam esse, quorum verba Apostolus hoc loco expresserit, ac non laboraverit de sententia Hebræarum vocum accuratiùs declaranda. Sed hanc defensionis viam ego quidem non possum insistere; illud pro certo habens, si omnino aliena esset interpretatio, non fuisse hunc authorem nostrum eam in argumento tam gravi sequuturum; & multò minùs propterea sequuturum, quod non cum Græcis aut aliis exteris, sed cum Hebræis instituisse agere; apud quos inanis fuisset futura Græcæ illius interpretationis a Septuaginta prolatio. Secundus conciliationis modus est, duo quidem membra in eo Psalmo a Davide prædicari: Nam & subjectum de quo agitur ab eo exponi, & prædicatum sive attributum illius, iisdem verbis: subjectum esse personam Christi, qui (ut λόγος vel sermo æternus Patris) corpus vel carnem sibi assumeret in unitatem personæ, ut in ea impleteret Legem, & nos a maledictione illius redimeret: Prædicatum esse, quod illa persona ex natura divina & humana constans, vocationem a Deo habuerit, seque in ea vocatione Deo & Patri ultro stiterit, ad perficiendum in æternum voluntatem ipsius: ac propterea tum Pater probaverit acceptumque habuerit officium ministeriumque ipsius; ut olim servorum constantium ultro in ministerio suo, auris pertundebatur sibula subulave, ad obsignationem constantis illius & voluntarii obsequii in perpetuum: Sed ex his duobus membris hunc authorem nostrum prius tantum hoc loco adhibere, id est, agere de constitutione subjecti solum, omittit altera parte, quæ apud Davidem de ipso prædicatur, duabus de causis: tum quia membrum illud prius ad hunc locum & argumentum propriè pertinet, alterum non item: quandoquidem hic præcipuè agitur antithesis rerum quæ offerebantur in lege; & sacrificii quod Christus obtulit in hac temporum plenitudine: tum quia posterius membrum jam antè fuit expositum & comprehensum partim in descriptione personæ illius cap. 2. partimque in Prophetici inuneris, quod obivit Christus, declaratione, cap. 3. & 4. Non igitur Apostolum injuriam facere Davidis verbis qui auctoritatem illius adducat; sed potiùs evidentia hoc modo consulere citra illius injuriam; quum ea assumit quæ ad præsentem quæstionem pertinebant; cetera verò non negat aut tollit ex facto, sed suo loco relinquit integra. Et profectò certum est, si quis ex uno authore scriptorve aliquo, subjecti probationem sumserit sine prædicato, aut contrà; aut etiam ex alterutro partem adhibuerit, ad consilii sui demonstrationem ex veritate faciendam; non propterea authorem quem-

quam



quam mutilari cum injuria, sed eò lectorem juvari potius, quando ea dissimulantur reticenturque sapienter, quæ ad institutum sermonem non planè faciunt, quæque adjecta non præberent lucem, sed ei potius officerent, cum maximo legentium vel audientium damno. Atque hæc quidem interpretatio mihi satisfacit, bonisque omnibus & minimè φιλοεικας facile (spero) satisfactura est. Nam quum Christus diceret; *aves perfodisti mihi*, hæc singula (ut ita dicamus) superponebat: primum aures sibi esse, ac proinde corpus humanum, synecdochicè: secundo, se in eo corpore factum ex muliere, factum esse sub Lege, & servum esse Dei Patris: tertio, se verum esse illum & germanum servum, qui ministerium suum ultro utiliterque Deo & Patri offerre posset: postremo autem ex his suppositis concludit se, hominem servumque Dei, & quidem voluntariè sese perpetuo ministerio illius addicentem, a Deo probatum & acceptum esse, ut æterno ministerio suo apud ipsum perfungeretur ad salutem nostram. Verumtamen si cui hæc interpretatio nondum satis videtur esse: veniamus ad tertium conciliationis modum, qui haud scio an etiam nonnullis de I x x. illorum sententia secundo illi anteponi possit: docti & pii viderint. Tertius igitur modus est, priscam illam I x x. interpretationem optimè & planè Hebræis verbis respondere. Nam Hebræorum verborum justum hoc interpretamentum esse, *aves paravisti sive aptavisti mihi*: Quæ verba prisci illi Interpretes adeò propriè interpretati sunt, ut tantum mutata synecdoche pro aurium nomine nomen corporis substituerint, sensu evidentissimo: sed aures a Propheta potius quam corpus totum fuisse dictas, quia voluit Spiritus sanctus eadem opera, ab instrumento auditus ad docilitatem & obsequium servile ac ministratorium necessarii, officium Christi quod apud Deum & Patrem indefinenter præstat, conjungere. Quod si quis illius verbi, quod perfodere vel perforare exponitur vulgò, hanc neget esse significationem, aptare, comparare, & similia; is se imperitum Hebrææ linguæ demonstraturus est. Atque hic quidem est triplex conciliationis modus; quorum primus mihi probari non potest, ut dixi; duo verò per me in medio relinquuntur; secundum certè judico simplicissimum, & cum Prophetae verbis tum authoris hujus consilio convenientissimum. Alteram mutationem inesse his verbis nonnulli putant: *καπαλίσαι βιβλίον*, &c. eò quod καπαλίσαι judicent in significatione primitivi nominis καπαλὶ retinendum esse; ac proinde non satis commodè Hebrææ vocis notationi respondere: sed mihi non aliter exponenda videtur καπαλίσαι, atque illa ipsa Hebræa vox apud Davidem usurpatur. Est enim καπαλὶς volumen dictum Metaphoricè, a specie, eò quod convolutum & complicatum libri corpus (ut libri quidem fuerunt veteres) quasi opus capitatum est. Restat igitur mutatio tertia, nempe quod Apostolus intracum relinquit illud verbum in fine possum diagrammatis nostri; *delector*. Sed cum hoc sine ulla injuria aut deminutione sensus factum sit ab Apostolo; non video quid causæ sit, cur id ab ullo homine urgeatur; Quandoquidem in producendis alienis testimoniis id semper cuius licuerit testimonia aut integra, aut dimidiata, aut alio quocumque modo, vel indicata solùm adducere; præsertim cum res aut commodè intelligitur sine plurium verborum adjectione, ut hoc loco; aut etiam adjecta verba tenebras magis obfusura essent, quam lucem allatura. His positis, venit Apostolus ad authoritatis illius, quam adduxit, expositionem

tribus

tribus verbis: cujus expositionis partes duæ sunt; una substantiam (ut ita dicamus) argumenti; altera, effectum ex eo consequentem explicans. Substantiam totius argumenti, repetitione antitheseos, & summa conclusione illius, Apostolus complectitur, versu 8. & 9. Repetitionem antitheseos hæc verba continent: *Cum superius dixisset Christus, sacrificium & oblationem, item holocausta & hostias pro peccato noluisti, neque approbasti*; hoc est (ut idem interpretatus est) non acquievisisti omnibus iis rebus quæ secundum Legem offeruntur (atque hætenus prius antitheseos membrum de legalibus observationibus in Testamento vetere imperatis) *tunc*, id est, ubi planè testatum fecit Deus se rebus illis minime delectari: ac proinde non posse cuiquam homini propter istam remissionem peccatorum, reconciliationem cum Deo, iustitiâque, & vitam æternam obtingere: *tunc* ergò dixit Christus, quasi interventorem & fidei iussorem se sistens pro nobis; *Eccce venio, ut faciam, & Deus voluntatem tuam*. Ex quibus verbis optimè concluditur corollarium illud; *Tollis primum, ut statuas posterius*: tamquam si diceret; Posteriora derogant prioribus: Deus Pater posteriora voluit, probavit, iisque delectatus est in Christo, quæ hac plenitudine temporum per ipsum consummata sunt, secundum Davidis ipsius, priscæque Ecclesiæ testimonium. Rectè igitur priora illa Deus Pater, & Christus ipse, adeoque David per Spiritum sanctum suslulerunt (ut in Psalmo illo ostenditur) quo posteriora statuerent, quandoquidem in his acquiescit voluntas Domini. Atq; hinc optimè consequitur effectus ille, quem author exponit versu 10. Nos illa voluntate Dei, quam Christus facturus venit, sanctificator esse per oblationem semel factam corporis illius; quod corpus non fuerat manufactum Tabernaculum, aut hujus creationis; sed a Deo ipso & Patre aptatum ipsi, Spiritus sancti operatione, ut esset agnus immaculatus inde a primo conceptus momento, & sanctificandis nobis idoneus. Atque hæc quidem de antithesi oblationum, quam inde a principio capitis author persequutus est: sequitur jam alterum membrum antitheseos, quod restare diximus explicandum; nempe de sacerdote nostro, ministerioque ejus, versu. 11. & sequentibus. Hujus membri tractatio, similiter ac præcedens, instituitur propositione 4. versibus, & confirmatione illius, 4. alteris. Propositionis partes, secundum naturam *argumenti*, habentur duæ. Nam priore priscorum sacerdotum ratio, in versu 11. posteriore, summi sacerdotis Pontificisque nostri exponitur vers. 12. & sequente. Priscorum sacerdotum totiusque ministerii illorum conditio circumscribitur his modis: primum numero personarum, functionum, & oblationum; quod plurimi, *Singulis diebus, multis oblationibus, & persæpe* iidem quasi fatigarent Deum: secundò administratione, quod *starent ministrantes*, id est, tamquam famuli accincti ad capeSSenda jussa Domini sui comparèrent in conspectu illius: tertio ab effectu, quod numquam illæ ipsorum administrationes, oblationesque *aufferre* cujusquam peccata possent. Nostri verò Pontificis ratio longè præstantissima contrariis planè modis ostenditur. Nam primum ille ipse unus priscis omnibus opponitur, versu 12. deindè illa unica ipsius administratio, & oblatio unica pro peccatis, quam fecit in carne sua, opponitur quotidianæ illi stationi, ministerioque, & frequentatæ oblationi veteris Testamenti: postremò autem pro eo quod illæ oblationes dicuntur numquam potuisse peccata auferre, hæc oblatio dicitur *in perpetuum oblata esse*, id est, eam vim facultatèque obtinere, ut nulla amplius

repetitione

repetitione sit opus; quemadmodum supra idem author argumentabatur secundo versu. Quapropter etiam quartum adhibet amplificationis locum, ad dignitatem illius oblationis, quam Christus semel exhibuit, asserendam: nempe quod tantum abest, ut amplius stare ministrans, & hostiam eandem offerens coram Deo & Patre teneatur, ut jam gloriosissimè per voluntatem Dei Patris sedeat ad dexteram ipsius, id est, non amplius ita necesse habeat laborare in opere redemptionis nostræ; sed potius tum ipse testimonium habeat fructumque amplissimum a Deo Patre, illius voluntarii obsequii & oblationis suæ, tum verò eundem fructum gloriosissimè cum suis communicet, perficiens in dies potentia regni sui quicquid opus est ad perficiendam in nobis voluntatem Dei. Quapropter hoc illius opus duobus modis definitur, versu 13. primum quod *expectare* Christus ad dextram Dei dicitur *id quod superest*, id est, reliqua membra quæ ipsi dedit Pater, & ipse quoque illa unica oblatione sua a tyrannide Sathanæ vindicavit: deinde verò quod inimicos suos & regno ipsius adversantes pedibus suis subicit, & in æternum subiecturus est, tamquam Rex potentissimus in suos beneficus; & adversarios magnificentissimè debellaturus atque domiturus. Atque hæc quidem duo consecratoria sacerdotii, effectusque regni potentis Christi momento uno, si videretur, & hoc ipso tempore consummaturus esset; sed quia sic visum est Deo æconomiam salutis nostræ in Christo disponere, ut res per gradus provehantur ad illustrationem gloriæ ipsius; quam rem impii ludificari solent, tamquam si tardaret Deus, aut promissa præstare non posset: propterea Apostolus his omnibus cavillationibus impiorum, infirmorumque dubitationibus occurrit prudentissimè unico hoc verbo, quum Christum ait expectare: tamquam si diceret, idem in aliis præstare posse, quod in seipso assequutus est: sed ita se habere providentiam & dispensationem ipsius, ut expectare tempus justum malit quam antevertere: ac proinde iniquè eos facere, qui aut expectare non possunt cum patientia eum qui expectat ipsos, aut ludificari non dubitant eum qui patientia & expectatione tolerante sua invitatur ipsos ad resipiscientiam; non autem materiam sibi illudendi præbet. Atque ex hoc postremo dicto de sessione Christi ad dextram Dei optimè concludit Apostolus versu 14. ex consequente antecedentia, quum ait: *Christum unica oblatione consecrasset eos in perpetuum qui sanctificantur*. Sic enim se habet argumentatio: Qui sua oblatione non sanctificaverit in perpetuum eos quos sanctificari opus est, is repetere oblationem tenetur; ac non considerare potest ad dextram Dei; Non alius autem quam Christus una oblatione perfecit illud: Non alius igitur quam idem Christus ad dextram Dei sedere potest; Sedet autem: Perfecit igitur, & contrà; Perfecit autem; jure igitur sedet ad dextram Dei Patris. Sequitur jam confirmatio ab autoritate, quam gravissimè adducit Apostolus his verbis: *Testificatur verò nobis & ipse Spiritus sanctus, &c.* Hic autem locus autoritatis, qui ex Testamento vetere petitur, is ipse locus est quem supra cap. 8. adduxit Apostolus ex Jeremiæ 31. Quamobrem non sumus longiores futuri ad explicationem illius: si hoc tantum observaverimus, eandem planè temporum & beneficiorum institui antithesin, quam paulo antè ostendimus Nam prius membrum antitheseos, de vetere Ecclesia testamentoque his verbis indicatur. *Posteaquam enim dixisses prorsus, Hoc est Testamentum quod disponam eis post dies*



*des illos, nempe dies veteris Testamenti exactos, quum illa plenitudo temporum Patribus promissa adveniret: deinde vero sequitur posterius, de nova Ecclesia Testamentoque Christi; dicit Dominus, &c. Quo ex federe promittuntur duo beneficia Christi; unum, cognitionis, quam ex Prophetia illius percipimus, versu 13. alterum, remissionis peccatorum & gratiæ æternæ ex sacerdotio ejus. Etsi autem hæc quomodo conveniant cum antecedente dicto, prima specie non satis animadvertitur; non dubium est tamen, quin hac Prophetia proximum illud axioma confirmetur ab autore positum; nempe unica oblatione Christi eos qui sanctificantur, in perpetuum consecratos esse: verumtamen ut melius coherentia hujus auctoritatis, cum illo dicto constet; vim totius auctoritatis hujus ostendit Apostolus, versu 18. dicens: *Ubi verò est horum remissio, non est amplius oblatio pro peccato; tamquam si diceret: ubi remissio peccatorum est, nullus amplius relinquitur locus oblationi pro peccato. In Christo autem, unica oblatione illius, remissio peccatorum est in Ecclesia; quemadmodum se peccatorum atq; iniquitatum recordaturum non esse promiserat: Nullus igitur est amplius novæ oblationi locus, quandoquidem suos unica oblatione corporis sui semel facta consecravit. Atque hoc elegantissimo dicto, luculentissimæque auctoritate, totus de Sacerdotio Christi locus concluditur.**

19 Cum igitur fratres, habeamus libertatem adeundi ingressum Sanctuarii per sanguinem Jesu;

20 Viam, quam dedicavit nobis, recentem & vivam, per velum, hoc est, carnem suam;

21 Et Sacerdotem magnum, præfectum domui Dei:

22 Accedamus cum vero corde, persuasione certa fidei purgati cordibus a conscientia mala:

23 Et corpore abluti aqua pura, teneamus confessionem spei non vacillantem (fidelis enim est qui promisit)

24 Et observemus alii alios, ut nos acuamus ad charitatem & bona opera;

25 Non deferentes aggregationem nostri mutuam, sicut mos est quibusdam; sed adhortantes alii alios; idque eò magis quo magis diem illum appropinquare cernitis.

26 Nam si ultrò nos peccaverimus, postquam accepimus cognitionem veritatis; non amplius pro peccatis reliqua est hostia;

27 Sed formidabilis quædam expectatio judicii, & ignis fervor devoraturi adversarios.

Num. 15.

30 *Anima que commiserit peccatum elata manu, sive ex indigenâ, sive ex peregrinâ, Jehovah afficit probro: omnino exstinditur anima illa & mediopopuli sui.*

Deut. 19.

15 *Ex sermone duorum testium, aut ex sermone trium testium statuta res esto, &c.*

28 Si quis contemserit Legem Moysi, absque misericordia duobus aut tribus testibus contestantibus moritur.

29 Quanto (putatis) acerbioris supplicio dignus futurus est, qui Filium Dei conculcaverit, & sanguinem Testamenti prophanum duxerit in quo sanctificatus fuerat, & Spiritum Gratiae contumelia affecerit;

X

Deut,

Deut. 32.

35 *Meum est ulcisci & rependere.*  
 36 *Iudicaturum est Jehova popu-  
 lum suum.*

31 Horrendum est incidere in manus Dei viventis.

30 Novimus enim eum qui dixit;  
 Mea est ultio, ego rependam, dicit  
 Dominus. Et iterum, Dominus ju-  
 dicaturus est populum suum.

**A**bsoluta prima parte hujus Epistolæ, quæ tota est *ἡ δὲ αὐτοῦ ἐπιστολὴ* de persona officioque Christi, & gratia ac veritate quæ nobis in ipso obtigit: sequitur jam secunda pars, quæ ex documentis *ἡ δὲ αὐτοῦ ἐπιστολὴ* præcedentis alii git necessario: nimirum pars *ἡ δὲ αὐτοῦ ἐπιστολὴ* ad usum legitimum justumque earum rerum quæ antè fuerant expositæ. Hujus autem *ἡ δὲ αὐτοῦ ἐπιστολὴ* sive hortationis (quæ ad versum usque 20, capitis ultimi protenditur) primùm quidem summa prolepsis inducitur, & comprehensio traditur rerum ad hortationem hanc pertinentium, ad versum usque 32. nempe in illa superiore versuum syzygia, quos propterea diagrammate uno conjunximus: deinde verò expositio hujus prolepsos commodè subicitur ad eum usque versum cap. 13. quem antè diximus. Ad prolepsin autem hanc duo distinctè ab autore adhibentur: Nam primùm substantia (ut ita dicamus) materiæque omnium hortationum sequentium, ad versum usque 26. deinde verò necessitas prolepsos hujus ostenditur, 6. reliquis versibus. Ad substantiam prolepsos hujus hortationis duo capita pertinent: unum, ut causæ fundamentæque hujus hortationis teneantur: alterum, ut materia & argumentum illius. Causæ, tribus versibus; materia quatuor exponitur. Causæ autem ex antecedentibus documentis omnes petiæ sunt; & quamdam veluti conclusionem totius antegressi sermonis complectuntur; nempe quòd nos, qui fratres in Christo effecti sumus per sanguinem Jesu Christi Servatoris nostri in communione ipsius, tria habemus singularia beneficia; quæ ut nos de vita æterna confirmant, sic etiam hic in omni veritate ad sanctificationem & omne piùm officium semper provocatura sunt; ut quamvis absentes simus a Domino, & in peregrinatione versemur; tamen cum omni fiducia in officium nostrum incumbamus & ad veram Patriam nostram contendamus. Primum caput est, domum nostram apertam esse, & jus nobis traditum in eam ingrediendi, versu 19 secundum, viam, quæ fert eò, constitutam & sacratam esse per carnem Christi, quæ olim priore Tabernaculi parte ac velo representabatur; eamque viam esse ejusmodi ut nunquam vetustescat, nunquam intermoriatur, denique nunquam eos sinat in mortem abripi qui ipsam institerint, versu 20. Postremum caput est, nobis esse Sacerdotem magnum, qui & nos in via erret, & domum ipsam Dei, quòd venturi sumus, regat disponatque ad gloriam Dei Patris & salutem nostram. Quas ad res regno Christi ducimur, Prophetia docemur, & sacerdotio consecramur (ut ex superioribus cognovimus) in ipso denique perfectionem & complementum obtinemus, versu 21. Ex his igitur capitibus sequitur substantia hortationum omnium consequentium, per prolepsin accuratissimam, quatuor versibus. Ac summa quidem hortationis est, ut accedamus domum illam Dei: quæ sancta hortatio ex illis rebus, quas modò diximus, optimè consequitur. Nam quibus aperta domus est, jus ingrediendi datum, via comparata, dux & consummator itineris & quietis præsens, eos non accedere debere quis dicat? Sed quia ad dignissimum hunc sanctissimumque

tissimūque accessum non aliter vocatur, nisi ut eadem opera nos ipsos singuli comparemus, prout dignum est hac celesti vocatione nostra, hujus hortationis quatuor adhibentur partes, quibus piorum ad Deum contendendum animus, ad officium justamque constitutionem & sua vocatione dignum provocatur. Prima pars hortationis est, ad fidem & bonam conscientiam, versu 22. secunda, ad spem firmam & confessionem ipsius, versu 23. tertia, ad charitatem & bona opera versu 24. quarta, ad omnia pietatis exercitia, quibus fides, spes & charitas Christianorum omnium alii in Ecclesia tolet atque augescere, versu 25. Ad fidem, cujus adjunctum proprium est *πληροφεια*, id est, certa persuasio eorum quæ comprehendit fides, adjunguntur duo: cor verum, id est, de veritate & in veritate a Deo informatum; & conscientia bona: quam tum demum adipiscuntur pii, quum corda sua per fidem purificata esse asperione sanguinis Christi sentiunt, & in eodem Christo, vero seu verace corde acquiescunt. Ad spem, cujus adjunctum necessarium est & proprium, stabilitas, non in nobis nixa, sed in illo fideli & verace, qui spem nostram de promissionibus suis in nobis excitavit, adhibentur duo; unum, ut quemadmodum olim accessuri Deum lavabant sua corpora aqua pura; sic nos in sanctificationem nostram incumbamus. Alterum, ut eam spem animo præceptam confiteamur liberè, neque nos propter rem ullam pudeat confessionis Christi. Ad charitatem & bona opera similiter requiruntur duo: tum ut alii alios ad hæc officia acuamus; tum ut ea de causa alii alios observemus, & in administrationem fratrum nostrorum sic fraterno animo attendamus, ut omni pietate, prudentia, veritate, & sanctimonia alii alios ad charitatem bonæque opera accendamus. Ad exercitia denique, consimiliter capita adhibentur duo: unum, ut sanctos cætus colamus, sancto animo, ac non ab illis nos profanè abduci patiamur, neque ipsi deseramus ultro: alterum, ut opportunè, importunè, in Ecclesia, domi, denique omni tempore & loco sacris adhortationibus alii alios adjuvemus. Atque hæc quidem sunt hortationis partes; quarum ordinem accuratissimum hic paucis propositum, deinceps servaturus est Apostolus; Eidem, capite 11. Spem, 12. charitatem, & exercitia his rebus convenientia cap. 13. suis distinctis hortationibus & argumentis exponendo. Id verò non est prætermittendum, quòd duobus argumentis postremum exhortationis locum Propheta exaggerat; unum, ab exemplo est: alterum, ab eventu. Nam quum Apostolus his verbis utitur, *sicuti mos est quibusdam*, exemplum est *γενεστωσιν*, ad deterrendum pios; ne fortè quod in aliis damnum, id ipsi patiantur sibi accidere. Fit enim plurimùm, ut qui in Ecclesia sunt & cætus frequentant illius, improbent eorum factum qui aut per se ipsi, aut per judicium Ecclesiæ fiunt *ἀποσωσμενοι*: cum tamen non pauci qui in Ecclesia sunt, licetiosius e cætibz Ecclesiæ emanando, se ipsos reddant *ἀποσωσμενους*. Alterum argumentum ab eventu, continetur his verbis; *idque eo magis quo magis diem illum appropinquare cernitis*, nimirum diem quo futurum est, ut qui sacra hæc & salutaria exercitia monitæq; neglexerint ultro, accipiunt judicium suum. Sic transit Apostolus ad ostendendam necessitatem harum hortationum; vel potius sex versibus sequentibus exponit quid sibi hoc argumento voluerit, ut piorum animos magis ad hæc officia accenderet. Hanc igitur necessitatem ab eventu lucuosissimo, qui certò in die illo consequuturus est, demonstrat Apostolus versu 26. & 27. confirmat verò, quatuor



sequentibus. Propositio est plana, conveniens cum iis quæ suprà in caput 6. exposuimus: verumtamen quia omnia hæc fermè ex Lege desumpta sunt, noluimus committere quin locos Parallelos ex Testamento vetere cum his conjungeremus. Nam huic propositioni omnino convenit cum verbis Moïsis Numerorum 15. Hæc igitur Propositio est quidem hypothetica, ut res odiosas modestiæ causa sic enunciari, & ad vitandam graviolem offensam, necesse est: Alioqui categoricè sic potest enunciari: Quisquis ultrò sive elata manu, ut loquitur Moïses, post acceptam cognitionem veritatis peccat, id est, a veritate iustitiæque sibi exposita discedit; hujus pro peccatis non adhuc reliqua est hostia secundum Legem: hoc est, non est huic remissio peccatorum aut reconciliatio attributa. Hæc enus *æquivoca*, sive negativa, ut vocant; jam sequitur thesis, sive affirmativa ex contrario, ad rei amplificationem pertinens, versu 27. *Sed huic reliqua est*: vel nihil ampliùs restat quàm *formidabilis* & horrenda quædam *expectatio* *judicii in die illo*, quem modò dicebam, superventuri; & ex *judicio ignis æterni fervor*, qui *adversarios* delerentes aggregationes Domini & illudentes ipsi ac Ecclesiæ ejus, *devoraturum* & conlumenturus est; quamvis hæc *judicium humanum*, quod Moïses Lege imperaverat, effugerint. Huic propositioni attexitur sua confirmatio; primùm quidem ex comparatione Minoris, versu 28. & sequente: deinde ex autoritate, versu 30. Comparatio minoris eodem penè modo instituitur, quem supra in principium secundi capitis audivimus. Nam ut illic eorum scelus atque impietas supplicium justum subitura dicitur, qui vocem Christi respuerint; ab exemplo eorum qui Angelorum vocem neglexissent: similiter hoc loco futurum iis dicitur, qui vocem Christi in Ecclesia neglexerint, ab exemplo eorum qui Legem Moïsis contemnebant. Ac de exemplo quidem nemo dubitaturus est, qui aut illud caput Numer. 15. aut alterum illud Deuter. 18. perlegerit, ubi hæc fermè instituitur comparatio, Moïsis putà & Prophetæ illius quem Deus e medio fratrum suorum erat excitaturus. Ratio autem *judicii illius observabatur ex duorum aut trium testimonio*, secundum eam Legem quæ exstat Deuter 19. & quam libro secundo Parallelorum in Epistolam secundam ad Corinthios Parallelo 50. libri 2. exposuimus. Cui rationi duo accedunt singulis fermè vocibus ab autore explicata; Causa nimirum, & modus *judicii*: Causa, quòd Moïsis Legem protervè contempsisset: modus verò, quòd absque misericordia *judicium subiturus esset*, ut *lignatoris illius exemplo Num. 15. confirmatur*. Atque hæc duo, in altero comparationis membro, similiter maxima cum Emphasi demonstrantur; Modus quidem, *eremata comparatione*; *Quanto putatis acerbioris supplicio, &c.* Causa verò, tribus maleficiorum gradibus, quæ in hoc uno peccato dicuntur concurrere, si quis ultrò post acceptam cognitionem veritatis peccaverit, & de gratia illa antè accepta se ipsum dejecerit, decideritque, ut idem supra capite 6. loquutus est. Primus gradus est, quòd quisquis ejusmodi est *Filius Dei* & Servatorem nostrum Jesum Christum, eundemque Regem nostrum adidentem dexteræ Dei Patris omnipotentis, *conculcat* teritque pedibus; putà quantum in se est: id est, perindè facit hac impietate sua, atque si omnipotentem illum Regem de solio cælesti deturbaret, in terram affigeret pedibusque æterer: quod crimen impiæ perduellionis est infinito supplicio dignissimum. Secundus gradus est, quòd *sanguinem Testamenti, in quo fueras sanctificatus,*

*sanctificatus, profanum ducis*, & tamquam profanum habet, quantum in ipso est: id est, cum oblata exhibitâque sibi beneficia Christi in sanguine ipsius, putâ sanctificationem, justitiâque sacerdotio, & hereditatem vitæ æternæ Testamento in Evangelio traditam sensisset gustavissetque ad salutem suam, protervè tamen conspurcat sanguinem illum; & sacerdotem, sacerdotium, oblationemque ejus tamquam illotis manibus inquinans, corrumpit Testamentum illud salutare sibi futurum in sanguine Christi, & sanctitatem sibi in Ecclesia collatam quodammodo evomit atque repudiat. Nam quòd homines isti in sanguine Christi sanctificari dicuntur, id partim de sufficientia (ut ita dicamus) Christi oportet accipi; partim de vocatione externa, partimque de aliquo gustu perfunctorio atque transeunte, quem illi percipiunt in Ecclesia, ut quando sanctificationis externæ in ea facti sunt participes, etiam internæ consortes se esse fingant, & apud alios habeantur; quamvis revera neque membra sint Ecclesiæ Dei, neque membra Christi, cum non vivant de Spiritu Christi. Tertius gradus est, quòd contumelia afficiunt Spiritum gratiæ, sive (ut Christus loquutus est) peccant in Spiritum sanctum, eumque exacerbant, quantum in ipsis est: id est, quemadmodum regno Christi, proculcantes ipsum, & sacerdotio, inquinantes sanguinem ipsius, renunciant; ita etiam protervè dant operam, ut Prophetiam ipsius oppugnantem Spiritum exstinguant, & non modò omnem gratiam vel donum gratiæ antè acceptum depellant a se, verum etiam omnem lucem gratiæ sibi oblatam omnibus viribus extinguant deleantque, & lumina sua ocludant ultrò, ne lucis ullius spiritualis sensu afficiantur umquam; denique illum ipsum Spiritum a Deo Patre & Filio procedentem (qui propterea a Patre & Filio missus est, ut dona Dei per ipsum in nobis proximè terminum suum obtineant, deducamurque in omni veritate) oppugnant malitiosè, ne quam vel minimam communionem in illo cum Christo habere possint. Summa igitur est, tantum esse hoc maleficio, ut uno eodémque peccato, personæ, officiis, beneficiisque Christi, & mediis omnibus ad ea omnia percipienda fruendâque necessariis, omnino renunciantes, ipsi sibi omnem præcludant viam remissionis peccatorum & reconciliationis obtinendæ: neque fieri posse, ut Deus iustus iudex, velut sibi ipse renuncians, homines istiusmodi renover ad resipiscenciam, ut capite 6. copiosius fuit expositum. Alter confirmationis locus est ab auctoritate; quòd transir Apostolus argumento sumto a natura Dei, propositâque ejus conditione; prout nos omnes & natura & verbo in conscientia nostra instituti sumus de veritate constantiâque dictorum ejus. Nam inquit: *Novimus eum qui dixit*, &c. In hanc sententiam consci sumus cum animis nostris veritatis & constantiæ Dei in præstandis promissionibus & minis quas denunciaverit. Hæc autem pronunciavit Deus & interminatus est, cum speciatim Deuter. 18. ut antè diximus, tum verò generatim, Deut. 32. duabus illis sententiis, quas in Parallelo diagrammate posuimus. Atque hinc tamquam Epiphonemate gravissimè concludit Apostolus verù 31. *Horrendum est incidere in manus Dei viventis*: Isti autem revera incident, & gravitatem ultionum ejus ac judiciorum experturi sunt, quia dixit. Quàm igitur horrendam conditionem, acerbûmq; supplicium illorum putamus fore, qui Deum ita provocaverint, & sancta resipiscencia non fugerint ab ira ventura, & manibus severis illius?

32 Recordamini verò præcedentes dies, quibus postquàm illustrati fuistis, multum certamen afflictionum sustinulistis :

33 Partim quidem, quando cum probris & oppressionibus velut in Theatro fuistis expositi, partim verò, dum loci facti estis eorum qui similiter in *probris oppressionibusque* versati sunt.

34 Etenim de vinculis meis mecum doluistis, & direptionem facultatum vestrarum cum gaudio accepistis; ut qui apud vos essetis consciï vos habere in cœlis meliorem substantiam atque permanentem.

35 Ne igitur abjiciatis fiduciam illam vestram, quæ magnam habet retributionem præmii.

36 Nam opus habetis patientia, ut ubi voluntatem Dei effeceritis, promissionem illam reporteris.

37 Adhuc enim pauculum, pauxillum; & qui venturus est veniet, neque tardabit.

Abac. 2.

4 Ecce ebullat in quo non est rec-  
tus animus ipſius : justus autem ex fi-  
de sua vivet.

38 Justus autem ex fide vivet :  
quod si subduxerit se quisquam,  
non probat eum animus meus.

39 Nos verò non sumus, qui nos subducamus ad exitium; sed qui fide utamur ad conservationem animæ.

**H**Actenus prolepsis, vel summa hortamentorum propositio, quæ postmodum reliqua fermè Epistola tractare instituit author. Deinceps verò sequitur expositio illius prolepsos; primùm quidem generalis, reliquo hoc capite; deinde verò particularis, per singulas illas hortationis partes quæ in prolepsi fuerunt positæ. Expositionis generalis membra in hoc capite ponuntur duo; eaque ad singulas hortationis illius partes omnino pertinentia; suntque tamquam media, quibus ad eas partes singulas hortationis accendamus, confirmemurque. Prius membrum est, recordatio cum nostræ ipsorum experientiz; tum alieni exempli tribus veris. Posterius est confirmatio in ea fiducia Christiana, quam ex superioribus documentis hac epistola propositis percipimus; prout ostendit Apostolus supra versu 19. Qui locus versibus quinque ultimis hujus capitis perstringitur. *Recordatio rerum antecedentium* generatim versu 32. imperatur, circumscribiturque duabus notis singularibus; una facti, quod afflictiones sustinuisse dicuntur, & quidem multas & certam fidem ipsorum & gratiam Dei in ipsis oppugnantes; prout Satanas peccatum, caro, & mundus, sanctam piorum constitutionem singulis fermè momentis labefactare conantur afflictionibus. Altera nota est temporis, quo hæc dicuntur sustinuisse *diebus antecedentibus*, ex quo fuerunt illustrati illustratione Evangelii Gloriæ Christi, ut vocat Apostolus 2. Corinth. 3. Hæc verò recordatio præteritarum rerum generatim hoc modo posita, illustratur præstantissima rerum illarum distributione, versu 33. & sequente confirmatur. Res enim antea quas distinguit Apostolus tum in eas quas Hebræi ipsi perpeſsi sunt; tum in eas quibus cum fratribus perpetientibus communica-verunt: id est, ut antè diximus, in experientiam ipsorum, & alienum exemplum. Experientiam rursus vult pius esse confirmationi, a materia &



1. Cor. 4. 9.

& forma perpeſſionum quas fuerint experti: Materia; quia probis honorem ſuum, & per conſequens Dei gloriam, vitam *afflictionibus* tenuerunt appeti, & ſuſtinuerunt: Forma verò, quia *tamquam in theatrum producti fuerunt*, qui ſpectaculo eſſent mundo, & Angelis & hominibus (ut verbis utamur Pauli) quum probis illis & afflictionibus eſſent onuſſiſſimi. Exemplum verò alienum duobus modis adducitur: primum, quia cognoverunt, teſtèſque effecti ſunt alienarum calamitatum, & fratrum exemplis inſtituti: ſecundò, *quia cum illis fratrum ſuorum diſcultatibus*, qui tamquam in theatro, cum mole proborum afflictionumque pugnabant & conſiſtabantur, Chriſtiana pietate & charitate *communicaverunt*. Utriuſque rei demonſtratio hiſtorica, & confirmatio habetur verſu 34. ubi primum eadem partes *xviii vſeſſon* confirmantur hiſtoriis quibuſdam ſingularibus, deinde cauſa iſtarum rerum exponitur. Alieni exempli & communicationis hæc probatio ſingularis eſt. *Etenim de vinculo meo mecum doluiſti* ex animo, & vos dolere ex facto oſtendiſti: propriæ experientiæ illud eſt, quòd dicit, *dirèptionem ſcultatum veſtrarum cum gaudio accepiſti*. Cauſam verò iſtarum rerum demonſtrant ſequentia, nempe quòd apud ſe *ſerverint*, id eſt, teſtificatione Dei conſcii fuerint cum animis ſuis *ſe habere meliorem ſubſtantiam*, &c. id eſt, quòd jam animo & fide perceperint ea quæ promiſſionibus Dei teſtata ſunt, & gratia beneficiòque Chriſti omnibus piis & *ſupremoſſon animi* comparata. Hujus verò ſubſtantię quam prehendit fides, conditio attributis certis amplificatur; primum quidem in genere; quia melior hæc ſubſtantia dicitur quàm illa fuerit, cujus dirèptionem perpeſſi ſunt: deinde verò ſpeciatiim, quia duobus modis omnino melior eſt quàm ſint præſentia, tum eò quòd in cœlis nobis reſervatur virtute Dei, ubi tunc non rodunt nec fures fodiunt diripiuntque; tum eò quòd ſubſtantia eſt permanens in ſe, & in nobis ad perpetuitatem glorioſa. Alterum membrum, quod confirmationem eſſe diximus in Chriſtiana fiducia noſtra, proponitur verſ. 35. deinde verò iſtrumenta, & quaſi ſtatumina duo illius fiducię, ordine proponuntur, patientia, & fides, binis verſibus. Quia verò proclive eſt, ut illis tentationibus, quarum mentio jam modò facta eſt, homines a ſua illa fiducia decidant; aut ipſi tamquam infirmitati ſuę conſulturi, carnali prudentia quadam abjiciant eam; loco hortationis inſtitutę dehortationem rei contrarię proponit Apoſtolus, dicendo: *Ne igitur abjiciatis fiduciam illam veſtram*, putã quam velut fundamentum hortationum poſuerat, ſuprà verſu 19. deinde ex proximè præcedente membro adjicit commodiſſimum hortationis ad fiduciam illam argumentum, à conſequentibus; nempe quòd illa fiducia *magnam habet retributionem premi*, ut ipſi ſecum ſunt conſcii, & ex verbo Dei indubitato cõfirmati. Hujus autem fiducię, qua freti & de æterno domicilio cœleſti noſtro viãque illius ac duce confirmati, ad Deum accedimus, conſtabiliendę in nobis (ne fortè contra officium deferamus eam) iſtrumenta duo ſunt, patientia, & fides: patientia; qua res adverſas toleramus, dum in hac exſpectatione ſumus: Fides, qua ad perfectionem rerum ſperatarum & animę ſalutem contendimus. Patientiam alendę huic fiducię neceſſariam eſſe oſtendit author, his verbis, *Nam vobis opus eſt patientia*: tamquam ſi diceret: Fiducię conſtantis magna eſt retributio: conſtans eſt autem fiducia per patientiam, quæ nos cohibet ne fracti afflictionibus & probis abjiciamus eam: Ergò ſi retributionem illam adepturi eſtis,

opus est vobis patientia : Ac propterea id ipsum repetens Apostolus verbis diversis, finem proximum illius patientiæ ostendit esse, ut præstantes voluntatem Dei, id est, in hac fiducia acquiescentes & obsequentes illi reportemus eam promissionem, qua Deus confitentibus in ipso spondit magnam retributionem à se futuram esse. Neque solum ex hoc fine proximo ducit Apostolus argumentationis locum : verum etiam stimulat amplius à brevitate illius spatii, quod nos in patientia oportet consumere, quum inquit : *Nam adhuc paululum pauxillum* (sic enim Græcas voces ex usu veterum exponimus) & *u qui venturus est*, nempe ad retributionem vestram & promissionum complementum, certo *venturus est minimeque tardaturus* adventum suum. Atque hæc quidem amplissima est consolatio, & patientiæ colendæ argumentum, in qua animas nostras possideamus. Sed quia fides statumen est huius patientiæ, qua ad eum, qui venturus est respicimus exserto capite, & in ejus communione vivimus (Nam ad locum fidei hæc verba sunt *paracleti*) exemplo Prophetæ Habacuc unde hæc verba desumpta sunt; transit Apostolus ad locum de fide, ostendens fidem cum patientia his calamitosi temporibus maxime justo necessariam esse, qui justitiam Dei prehenderit, & se in colenda justitia occupare voluerit : Nam fidem hominis justæ esse quasi *ὁ ἡγεμον*, cujus temperamento vitam in se obtinet, quemadmodum etiam in caput primum Epistolæ ad Romanos Parallelo 1. libri 2. ostendimus : Hanc autem propositionem de necessitate fidei, ex contrario illustrat Apostolus, dicens ; *Quod si quis se subduxerit*, nimirum *δι' ἀπιστίας*, non probat eum animus meus, quasi dicat, absit a me coram Domino, ut ei homini indulgeam vel minima significatione; cū potius ego ex animo ab ejusmodi infidelitate & impatientia, qua homines isti seipso subducunt, abhorream. Ceterum nō est dissimulandum illud, hæc verba pleraque in hoc & præcedente versu ex secundo capite Abacuc deprompta esse; & proinde etiam bonam partem in Parallelo diagrammate comparavimus : sed tamen si quis rem accuratè consideret; id iudicio me animadversurus est, Apostolum hic verba Prophetæ non adducere ex professo; sed tantum ex analogia illius Prophetiæ instituere hoc loco & accommodare suis temporibus propositionem eandem, quam prius illi sæculo Abacuc pronuntiaverat. Quod genus accommodationis nos certè non allusionem verborum appellamus; sed accommodationem exemplorum ætiologicam : cujus causa a servis Dei hominibusque *ὑποκρίσεις* plerumque etiam adhibetur eorundem verborum accommodatio. Quod dico ejusmodi est : alia est Prophetæ eo in loco hypothesis : alia hic Apostoli : sed hypothesis illius antegressiæ exemplum cum hac hypothesis comparatur, non ut conficiatur contingens aliquod documentum ex hac comparatione, sed potius necessarium. Quomodo autem? quia non habetur ratio propriè singularis illius facti, causæ, vel hypothesis; sed habetur ratio illius juris quo Deus in illa causa sic egit, & quia natura est constantissima, in qualibet simili causa non secus acturus est : quia ætiologiæ ratio (ut sæpè in Marthæum diximus) est constantissima. Frustra itaque laborant, iudicio meo, qui de singulis horum versuum partibus accommodandis sunt solliciti; cū id unum voluerit Apostolus; perstringere exemplum illud solummodò, & voces huic argumento convenientes excerpere; non autem de singulari partium singularum accommodatione laborare, aut labore in hoc genere accommoda-

dationis

dationis defatigare quemquam. Quia verò hic postremus sermo gravior esse, & malè (ut ita dicamus) ominari quodammodo Hebræis videbatur; statim lenissima quadam *ἐνδεγνεία* Hebræorum animos delenit Apostolus; eadēq; opera transitum sibi parat ad sequentem locum de fide, quum dicit antithetis, primum quidem correctionis modo: *At nos non sumus ii qui nos subducamus*, putā ab illa fiducia, patientia, & fide in quam vocati sumus, *ad perditionem*, id est, ut ultrò ruamus ipsi in mortem & condemnationem æternam; Postea verò confirmationis, quum ait, *sed fidei sumus*, id est, eorum de numero sumus, qui fide iusticiam Dei amplectimur, atque in ea vivimus; cujus officii finis proximus est *animarum nostrarum salus* in futuro seculo; & in præsentē, conservatio ab omnibus illis malis atque periculis; ut iis exsuperatis salutem illam æternam assequamur.

## CAPUT UNDECIMUM.

1 Est autem fides, substantia eorum quæ sperantur, argumentum rerum quæ non cernuntur.

2 Hac enim majores instructi fuerunt testimoniis.

3 Fide intelligimus secula fuisse confecta verbo Dei, ut ea quæ videntur *intelligamus* non esse facta ex rebus apparentibus.

**A**ntecedentem prolepsin vel propositionem generalem sequitur jam sua *ἐκδοσις* sive expositio, suo & distincto ordine. Primum itaque de fide agitur, in hoc capite; postea verò in reliqua Epistola de operibus fidei quæ antè distinximus. Fidem autem describit Apostolus a duabus proprietatibus, versu 1. deinde confirmat descriptionē institutam, sequentibus; una proprietas est fidei, quum *eorum quæ sperantur substantia* appellatur; altera, quum *argumentum* dicitur *earum rerum quæ non videntur*. Etsi autē hæc duo attributa fidei, propria sunt illius in hoc argumento; quia hic agitur de iis rebus quæ rationem & naturæ lucem omnino transcendunt: tamen utcumque prædicationes hæ accipiantur, necesse est figuratas dici; quia de fide instrumentaliter, non autem propriè & essentialiter (ut ita loquamur) intelligendæ sunt. Ut autē rem exponamus plenius; antequam de illis attributis dicimus, de *objectis* ad quæ fides secundum has prædicationes respicit, priore loco dicendum est; tūc facilius demonstrabimus prædicationis modum. Objectorum igitur ad quæ fides respicit, duo pronuntur genera; ea quæ sperantur, & ea quæ non videntur. Quæ duo, etsi in speciem eodē pertinerere imperitiores faciliè credent; tamen sapientissimè ab Apostolo distinguuntur, quia eorum quæ dicuntur alia sunt, & non sunt alia. Quæcunq; non sunt, ea nec videntur; sed quæcunque non videntur, ea si quis nō esse dixerit eò quod non videtur, is ad agnatos & gentiles relegandus esse videbitur. Eorum autem quæ sunt, alia videntur, & alia minimè. Ad ea quæ videntur fides minimè respicit, sed sensus: ad ea quæ non videntur, si naturalia sunt, respicit naturalis ratio; si supernaturalia, fides. Hæc igitur objecta duo fidei commodissimè distinguuntur, quod una in spe sunt, quamvis non sint in re; altera verò in re sunt, quamvis in sensum non cadunt. Cujus distinctiones (ne longius abeamus) ex ipsius fundamentis hujus exhortationis exempla sumenda sunt. Tria sunt autem quæ in fundamentis Apostolus numeravit, *suprà 10. 19. & sequentibus*;



sequentibus; sacrarium, & jus ingressus; tum via quæ fert ad sacrarium; ac postremò sacerdos; quibus alia sperantur quæ nondum sunt, ut ingressus noster in sacrarium; alia sunt quæ non videntur, ut jus ipsum ingrediendi, & si quæ sunt ejusmodi. Nam etiam hoc nomine a Petro his verbis commendatur piorum fides; *Cum non videritis Christum, diligite; cumque nunc non cernatis eum, tamen credentes ei exultati gaudio ineffabili & glorioso, reportantes mercedem fidei vestre, salutem animationum.* Nunc ad prædicationes veniamus. Ex, ut antè perstrinximus, si instrumentaliter accipiantur, sive (ut Grammaticorum more loquamur) metonymicè; videtur locus commodè explicari posse. Nam qua ratione Euangelium est potentia Dei ad salutem omni credenti, eadem ratione fides substantia est eorū quæ sperantur, & indicium earū rerum quæ non videntur. Est autem illud potentia Dei instrumentaliter; tamquam si dixeris instrumentum potentiæ Dei, quo videlicet potentia Dei utitur ad salutem credentium. Non secus hoc loco fides substantia est eorum quæ sperantur, instrumentaliter; sive instrumentum capiens & continens substantiam eorum quæ sperantur, & ea percipiens in Domino: similiterque argumentum est rerum quæ non videntur, hoc est, certissimum instrumentum, quo arguere possumus ea ipsa, quæ in sensum cadere non possunt, non eo minùs esse; licet oculis nostris minimè videantur. Denique (ut metonymiam hanc quàm evidentissimè possumus simili exponamus) fides est tamquam manus, aut tamquam oculus,prehendens thesaurū gratiæ quem Deus nobis exhibet in Christo Jesu. Quæ autem sperantur, etsi re nondum sunt, in se aut in nobis; tamè in Deo sunt, cui omnia sunt præsentissima; & horum substantiam fides apprehendit in Deo, quum apprehendit Deum. Quæ verò non videntur, & tamen tum re ipsa sunt, tum re ipsa a credentibusprehenduntur; eorum indicandorum cognoscendorumque instrumentum est optimum & sanctificatum à Deo, fides. Sic omnes thesauros gratiæ, quamvis perfectissimos, hoc instrumento & ratione hac percipimus. Ceterum non est illud dissimulandum, esse qui existiment distinctionem aliter collocandam esse, nimirum hoc modo: *ὅτι δὲ πιστὶς, ἢ ἐλπίς, ἢ ἀγάπη, τὰς αὐτὰς ἀρετὰς καὶ ἰσχυροὺς ἐν βλαπομένῳ;* nempe ut nomen rerum ad utrumque membrum accommodetur evidentiùs. Sed mihi non videtur necesse, ut ea de causa a recepta & communi lectione discedamus; tum quia etiam citra translationem commatis, hæc verba in eam sententiam accipi possunt; tum verò quia haud scio an certo consilio Spiritus sanctus nomen ἀγάπης ad posterius solummodò membrum voluerit pertinere. Cum enim ἀγάπη rem significet, & propriè rem factam & quæ jam est in opere, ut ita loquamur; probabilius est hoc nomen ad ea referri non oportere quæ sunt ἐλπίς, id est, quæ sperantur; sed ad ea propriè quæ ita sunt in natura rerum, sive (ut loquuntur) in esse, ut tamen non videatur ipsorum esse. Sequitur confirmatio duplex: una, ab exemplis; altera verò, a creatione & administratione Dei. Ab Exemplis, locus est secundo versu. *Hac enim ait Apostolus, majores instructi fuerunt testimonio:* Quæ propositio deinceps reliquo capite inductione quadam, vel exemplorum accumulatione demonstratur. A creatione locus est in versu 3. quum inquit: *Fide intelligimus secula fuisse confecta,* &c. Huius autem loci quia multiplex adducitur interpretatio; omissis præjudiciis omnib. eam simpliciter adferemus, quæ cum simplicitate verborum & argumento videtur convenire. Duplex igitur pro-

positio est in hoc versu, rerum ad fidem nostram ex argumentis naturalibus pertinentium. Prior est, de creatione; posterior, de gubernatione rerum quas creavit Deus: quæ duo commodissima sunt juvanda stabilien-<sup>secula.</sup>que fidei nostræ argumenta. Creationis materia his verbis significatur. *Secula confecta esse verbo Dei*: id est, Deum ad confectiōem seculorum nullam machinam, nullam materiam, formā, aut si quid est aliud, adhibuisse aliunde, ut ea conficeret; sed unico suo verbo atque decreto effecisse, ut ea quæ non erant, momento ad nutum ipsius existerent. Verumtamen quia seculorum meminit Apostolus, hæc autem vox variè accipitur; nobis videtur propriam & simplicem vocis illius significationem servari hoc loco oportere. Nam videtur certo consilio Apostolus non hujus mundi, sed potius seculorum in Epistola hac meminisse; quia semper instituit comparationem hujus & futuri seculi: ac propterea supra 1. 2. dicebat Deum per filium suum secula fecisse. Hæc autem secula, ubi seculi præsentis & futuri tempus complectuntur, appellantur secula seculorum; ut supra primo, octavo, & infra decimotertio capite. Ubi autem inter se distinguuntur, hoc quidem præsens seculum appellatur, ut Galat. primo, versu quarto: illud verò, cujus heredes futuri sumus, appellatur futurum seculum, ut supra secundo, versu 5. & sexto, versu 5. & alibi. Hæc igitur significatione dicit Apostolus: *Verbo Dei fuisse confecta secula*, tum hoc, quod cæli & aliorum conversatio pro numero temporis determinat, tum illud quod sine termino futurum est, quia infinitum & omnem quantitatem superans. Hoc autem utrumque seculum quod fecit Deus; unum commune rerum creaturarum omnium; alterum, beatorum singulare & electorum ejus, per fidem intelligimus: neque solum intelligimus esse; sed etiam ortum ipsius a Deo esse sola fide cognoscimus, quæ ex auditu verbi Dei in nobis generata est. Ex hoc priore membro alterum conficitur, de Providentia Dei & gubernatione seculorum, quæ ab ipso fuerunt condita: quam partem, iudicio meo, Apostolus proposuit his verbis; *Ut intelligamus ea quæ videntur, non esse facta ex rebus apparentibus*: id est, ut quemadmodum creationem soli verbo Dei acceptam ferimus, Deoque soli gloriam creationis totam atque in totum tribuimus; sic etiam fide cognoscamus eodem planè modo se habere gubernationem Providentiæ ejus in iis omnibus, quæ aut esse fierique videmus, aut fuisse intelligimus: nempe eas res non ex rebus, id est, causis, materiis, formis, instrumentis, aut mediis apparentibus fuisse in rerum natura, aut fuisse factas; sed soli providentiæ Dei verboque potenti ejus ea omnia, certa fide & persuasione tribuamus. Non sum nescius alias interpretationes ad hunc locum fuisse allatas; & quidem a viris, quorum pietas & eruditio maxima, pro ea religione ac deo, a me colitur, officiosissimè: Sed quia hæc nostra interpretatio (nisi me animus fallit) cum proprietate verborum, puritate sententiæ, & veritate argumenti maximè convenit; non dubito, quin etiam boni omnes qui aliud sentiunt, aut etiam forte sensuri sunt, in bonam partem accipiant, (si prout me obstringit pietas & veritas) ea sine offensa dico, quæ ad veritatem facere iudico. Tantum unum est, quod præter sermonem Apostoli huic membro ad iudicio ad evidentiorē interpretationem illius, nempe quòd *Dei nomine* repeto verbum intelligendi in hoc posteriore membro, quo in priore author utebatur, dicens: *Fide intelligimus*, &c. Sed hoc supplementum

Ellipseus

Ellipseos nemo qui Grammaticam a limine salutavit, improbaturus est. Omnino interpretationem hanc, ellipsi posita, confido luculentiorē esse.

4 Fide amplius sacrificium Abel obtulit Deo quā Cain: per quam testimonium obtinuit quod justus esset, testificante Deo de donis ipsius; & per eam adhuc, quamvis mortuus, loquitur.

5 Fide Enoch fuit translatus, ne videret mortem; nec fuit inventus, quia transtulerat ipsum Deus: prius enim quā transferretur, testimonium obtinuit quod placuisset Deo.

6 Sine fide autem ut quis placeat ei, fieri non potest: nam qui accedit ad Deum, hunc oportet credere Deum esse, & prēmia rependere iis qui requirunt ipsum.

7 Fide, quum Noë divinitus fuisset admonitus de iis quæ nondum videbantur, veritus comparavit arcam ad servandum domum suam: per quam arcam condemnavit mundum, & heres factus est iustitiæ illius quæ est ex fide.

8 Fide, quum Abraham vocatus esset, obedivit, ut abiret in eum locum quem erat accepturus hereditatis nomine; & abiit nesciens quod esset venturus.

9 Fide commoraturus venit in terram promissam, velut alienam; habitans in tabernaculis cum Isaaco & Jacobo coheredibus ejusdem promissionis:

10 Expectabat enim urbem habentem fundamenta, cujus artifex & conditor est Deus.

11 Fide, ipsa quoque Sara accepit vim ad ejiciendum semen, & præter ætatis rationem peperit; quandoquidem fidelem duxerat eum qui id promiserat:

12 Quapropter etiam ex uno, eoque emortuo, geniti sunt *poster* multitudinem sicut alba cæli & sicut arena quæ est ad litus maris, innumera.

13 Hi omnes secundum fidem mortui sunt, quum non accepissent promissa; sed eminens ea vidissent credidissentque, & salutavissent, ac professi fuissent se hospites & advenas esse in hac terra:

14 Nam qui res dicunt hujusmodi, palam ostendunt se patriam querere.

15 Quod si illius recordati essent ex qua exiverant, habituri fuissent tempus ad revertendum:

16 Nunc verò meliorem expetunt, hoc est, supercælestem: quapropter Deum non pudet illorum, quin vocetur Deus ipsorum: urbem enim paraverat ipsis.

17 Fide Abraham, quum tentaretur, obtulit Isaacum, & unigenitum illum obtulit, is qui promissiones exceperat,

18 Cui dictum fuerat, In Isaaco vocabitur tibi semen:

19 Reputans Deum potentem esse, qui ex mortuis excitaret ipsum; unde etiam illum recepit quadam similitudine.

20 Fide Isaac de rebus futuris benedixit *filii* Jacob & Esau.

21 Fide Jacob moriens benedixit cuique filiorum Josephi, & adoravit summo baculo suo nixus.

22 Fide Joseph moriens meminit de egressione filiorum Israël, & de ossibus suis mandata dedit.

23 Fide, quum natus esset Moses, tres menses occultatus est a parentibus



rentibus suis, eò quod viderent scitum esse puerulum; ac non time-  
runt illud edictum Regis.

24 Fide Moses, quum increvisset, renuit dici filius filia Pharaonis:

25 Potius eligens malis affici unà cum populo Dei, quàm tempo-  
rarium habere fructum peccati:

26 Arbitratus majores divitias esse probum Christi, quàm eos the-  
sauros qui in Aegypto erant: Intuebatur enim in illam retributionem  
præmii.

27 Fide reliquit Aegyptum, quum non timuisset iram Regis: con-  
stanter enim tolerabat, ut qui videret eum qui est invisibilis.

28 Fide perfecit Pascha, & effusionem sanguinis illius; ne is qui pe-  
timebat primogenita, ipsos attingeret.

29 Fide transiverunt mare rubrum, quasi per siccum abivissent: cu-  
jus periculo facto, Aegyptii absorpti sunt.

30 Fide muri Jericho ceciderunt, quum circumdati fuissent ad dies  
septem.

31 Fide Rahab meretrix non periit unà cum immorigetis, quum pa-  
cificè exploratores excepisset.

**E**Xposito loco de fide, a creatione providentiæque Dei; sequitur  
alter locus ab exemplis illius: quem Apostolus summam per-  
trinxerat 2. versu, quum majores per fidem testimoniis instructos  
fuisse diceret. Hanc enim propositionem confirmaturus sive demon-  
straturus Apostolus primùm in signa aliquot exempla percurrit, ad ver-  
sum utque 31. deinde verò conclusionis loco summam accumulat quæ  
ad idem argumentum visa sunt pertinere, inde ad finem usque capitis.  
Exemplorum autem singulorum, quæ huc adducuntur, finis est; ut os-  
tendatur sanctos illos Patres secundum eam fidem, cujus proprietates  
principio fuerant expositæ, testimonium a Deo obtinuisse earum rerum  
ad quas reipexit ipsorum fides, & nobis quoque testimonio esse. Quam-  
obrem etiam in singulis exemplis duæ illæ partes plurimùm pertrin-  
guntur; putà de substantia eorum quæ sperantur, & de eorum quæ non  
videntur, argumento. In his autem exemplis adferendis, servatus ordo  
est temporum: quem ordinem Deus in rebus gerendis servavit, Eccle-  
siæque promovenda: & Moses consimiliter in iis narrandis. Sed quia  
exempla hæc ferè sic adducuntur, ut summam capitum magis conti-  
neant, quàm ut ad unum aliquem versum referri possint; propterea  
nolumus Parallelos locos apponere, ne sine usu aut necessitate plus  
tereitemus chartæ & temporis, quàm adjumenti lectoris præberemus.  
Primum exemplum est Abelis: in quo narrantur duo ad fidei commen-  
dationem, putà factum ipsius, & testimonium. Factum, quòd *per fidem*  
*amplius sacrificium obtulit Deo quàm frater ipsius Cain.* Testimonium verò  
triplex: primùm quòd per fidem eam qua Deo sacrificium obtulit, *tes-*  
*timonium intus habuit per Spiritum Dei, quòd justus esset,* eadem fide in  
eam qui justificat impium: secundum, quòd foris testimonium a Deo  
habuit quum *testaretur de donis ipsius ea sibi accepta esse,* sive immis-  
so igne cælitus, sive alio testificationis modo. Atque hæc duo testi-  
monia a Mose perscribuntur Genes. 4. quum ait *Jehovam respexisse ad*  
*Abelē & ad munus ejus.* Tercium testimonium est, *quòd per eandem fidē*  
*adhuc loquitur, quamvis sit mortuus,* id est, ex Dei ipsius testimonio ad-  
huc loqui dicitur post mortem suam, vers. 10. ejusdem capitis. Loquitur  
autem

autem Abel duobus modis; uno figuratè, quem Moyses ibidem explicat; quia sanguis ipsius a fratre fusus & in terra exsilians, ~~et vocatus~~ clamare dicitur, hoc est, perinde fecisse atque si clamavisset ad Dominum, & visum esse quodammodo fidem illius implorare, quum terra humaniter ipsum exciperet, quam inhumanè frater cruentaverat. Deinde verò propriè, loquutus est Abel; quum tamquam primitiæ quædam Ecclesiæ Dei, persecutionem a fratre secundum carnem perpessus, Dei fidem iustitiæque imploravit, ut pii omnes persecutionibus infestati dicuntur implorare coram maiestate Dei, Apoc. 6. 10. & alibi. Quod etiam respicit Apostolus infra 12. 24. Secundum exemplum est Enoch, cuius habetur historia Genes. 5. 22. & sequentibus. In hoc autem exemplo, diverso ordine proponitur primùm beneficium Dei in ipsum, secundò testimonium quod antecessit illi beneficio. Beneficium Dei est, quod *translatum fuit*, putà ex hoc seculo in alterum, *ne videret mortem*; quæ in hoc seculo ab hominibus singulis videnda est, supra 9. 27. Quam translationem illius confirmat author ex Moysis ipsius verbis, quum ait; Non caruisse amplius; vel *non fuisse inventum* inter homines, eò quod assumsisset eum & *translulisset Deus*. Hujus verò beneficii antecedens testimonium, quod in conscientia ipsius perhibuit Deus per gratiam iustificantem suam in Christo Jesu, exponitur verbis sequentibus; quod *priusquam transferretur, testimonium obtinuerit se placere Deo*: Quam rem etli Moyses iisdem verbis non videtur exprimere, tamen re ipsa per æquivalens (ut loquuntur) exprimit, quum illum narrat indefinenter ambulavisse cum Deo, hoc est, non solum ipsum Deo adhæsisse, verum etiam Deum adstitisse ipsi, eumque quasi duxisse manu, eò quod placeret ipsi. Quia verò satis obicure historia hæc ad fidem accommodari videbatur, propterea interfertur Apostolus probationem dicti sui, quod hæc omnia Enoch fide assequutus esset, versu. 6. *Fieri non potest, inquit, ut sine fide, id est, nisi per fidem, quicquam placeat Deo*. Enoch autem placuit Deo. Ergo fide placuit. Cum enim Apostolus hac particula utitur, *sine fide*, non est hæc particula proinde accipienda, ut vulgò in Logicis solet; sed amplius intelligendum est, nempe sine fide neminem placere Deo; quia hæc fides, de qua hoc loco agitur, est eorum substantia quæ sperantur instrumentaliter. Nemo autem Deo placere potest, quin hoc instrumento animum instructum habeat, eoque res speratasprehendat, ut pium & fidelem decet. Deinde vero, ut os impietati & adversariis doctrinæ de fide amplius præcluderet; adhibet alterum *exemplum*, ex Mose sumptum, in hunc modum: Nemo Deum potest accedere & indefinenter cum ipso ambulare, quin credat & Deum esse Deum suum, & præmia rependere iis qui requirunt ipsum, hoc est, fide invocantibus & implorantibus misericordiam ejus. Enoch autem accessit ad Deum, & indefinenter cum eo ambulavit, ut Moyses loquitur Genes. 5. 22. & 24. Credidit igitur, & Deum sibi Deum esse, & remuneratorem fore sibi invocanti ipsum in perditissimis illis temporibus, quibuscum religiosè confictari ipsum oportuit: quemadmodum illa tempora fuisse corruptissima Moyses sub finem capitis 4. & principium 6. declaravit. Tertium exemplum est Nohe; in quo & factum ipsius, & testimonium breviter perstringitur, ut narrat Moyses Genes. 6. & sequentibus. Factum, quod *divinitus admonitus de iis que nondum videbantur, & cum reverentia metu a verbo Domini, & arcam sibi imperatam fecit ad servandam domum suam, & per eandem*

dem arcem condemnavit reliquum mundum, qui ad sermones judiciæque Dei tamdiu pronuntiata respicere noluerat. Testimonium verò, quòd heres factus est iustitiæ illius quæ est ex fide: quemadmodum ex narratione Moſis capite 8. & 9. & ex proximè præcedente argumentatione in historia Enochii poſita, neceſſariò conſicitur. Quartum exemplum eſt Abrahami: in cujus narratione (ut qui pater credentium prærogativa ſingulari dictus eſt) amplior eſt commemoratio a verſu 8. ad 19. ulque. Hujus autem comparationis capita ſunt quinque ad exempla fidei, de qua hoc loco agitur, pertinentia. Primum enim narratur fidele obſequium Abrahami ex vocatione; qui frutus promiſſionibus hereditatis a Deo obrinenda, migravit e natali ſolo, neſcius planè illius ſedis, quam deinceps habiturus eſſet. Quod quidem inſigne fuit & laudatiſſimum fidei in promiſſiones divinas teſtimonium, & ad revincendam hominum infidelitatem, cum Deo veluti nundinantium, ſanè commodiſſimum: prout narratur Genef. 11. & principio 12. ei dixiſſe Dominum; *Abi in eam terram quam monſtraturum ſum tibi*, tamquam ſi dixiſſet Dominus: Non eſt cur ſolicite inquire; ſed tantum acquieſcito. Secundò narratur fides de hereditate promiſſa, & incolatus illius per fidem: itémque Iſaaci & Jacobi poſteriorum ejus brevitatis cauſa conjungitur. Quo in argumento fides eorum duobus nominibus præcipue commendatur, nempe a modo incolatus illius; & a cauſa, propter quam eo modo inquilini eſſe non dubitarent in ea regione, cujus hereditatem ex promiſſo ſuam eſſe minimè dubitabant. Modus eſt duplex; unus, quòd regionem, quam ex promiſſione Dei ſuam eſſe noverant, perinde incoluerunt, ut advenæ & peregrini alienam, ſequè peregrinos in ea eſſe profeſſi ſunt, ut Abraham loquitur Gen. 13. 4. & ſic de ceteris. Alter, quòd in tabernaculis habitaverunt: quod ſignum fuit hominum pedem in regione illa minimè defigentium: ut qui non tantum ſe exteros eſſe profiterentur, quando ſe cum indigenis comparabant; verum etiam, ubiſvis terrarum eſſent, peregrinari ſe agnoſcerent, teſtarumque facerent ultro ſe a Domino & patria ſua juſta abſentes eſſe. Atque hic ſecundus eſt locus nimium cauſa incolatus huiusmodi, quæ verſu 10. exprimitur. Nam, inquit Apoſtolus, non habebat tabernaculis quæ ſine fundamento ſunt, & ad tenues paxillos fixos reſixosq; alligantur, ponuntur, deponuntur, quæ pro voluntate migrantium; neque habebat terra illi promiſſæ ſacramentaliter poſſidenda, quæ æquè indigenæ atque ipſi advenæ communiter fruebantur, ſi a ſacramentali uſu & ratione diſceſſeris: ſed exſpectabat civitatem illam, quæ habet fundamenta, id eſt, fundatiſſimam ac proinde *ἀνέλιπτον*, ſive inconcuſſam, ut appellatur infrà 12. 28. melioremque patriam, hoc eſt, cœleſtem, ut verſu 16. proximè exponitur. Hujus verò civitatis, ad quam Patrum reſpexit fides, dignitas non ſolum a fundamentis immotis illius, ut aliquot locis prædicavit Pfalter; *Pſal. 87.* verum etiam a curatoris & conditoris præſtantia ſummopere eſt commendabilis. Quam præſtantiam author his verbis denotavit; *Κυριου ci-  
vitatıs artifex & conditor eſt Deus*: quia eodem artificio curat civitatem hanc quo ipſam condidit, id eſt, infinita providentia ſua & admirabili. Tertiò narratur Abrahami & Saræ fides de promiſſis heredibus, ad quos hereditas erat perventura. Sic enim accipio loquutionem illam, *πίſτις ἡ αὐτῆς Σάρρα*: tamquam ſi dixiſſet Apoſtolus; Fide Abraham, & ipſa quoque Sara cum illo, &c. De hac autem fide promiſſionem



nem heredum spectante, similiter exponuntur duo ; factum & eventus. Facti duæ statuuntur partes, veritatem promissionum Dei, & magnitudinem illorum fidei ostendentes ; una, quod Sara quoque, ut Abraham ex promissione vim accepit divinitus, qua ipsa quoque semen crearet, & ex coagmentato utriusque semine factum conciperet. Sic enim propriè accipio, & sine figura ulla, hanc loquutionem qua author utitur, *εἰς καταβολὴν σπέρματος* : quemadmodum etiam Augustinus lib. 16. de civitate Dei, cap. 18. & alii interpretati sunt. Neque me deterret ab hac interpretatione aut Aristotelis, quamvis acutissimi Philosophi, aut aliorum *ἐμφύτων* authoritas, ne illud sentiam. Nam rationes quas adducit, mihi quidem ea non videntur esse, quas certis rationibus alii nequeant refellere ; & verò medici plerique jam olim refellerunt : & illa ipsa definitio seminis, qua author ille utitur, dogma ipsius fermè labefactat, quum *σπέρμα* definit esse τὸ ἐξ ἀμφοτέρων τῶν ἀρχῶν ἔχει τὴν συνδυασθῆναι. Altera pars facti est, quod propter conditionem ætatis peperit mulier nonagenaria, ut Deus promiserat, & promittendi Abraham arrisile legitur Genes. 17. 17. cujus facti quasi instrumentum fuisse fidem, amplius confirmaturus author, has voces adjicit exegeticās ; eò fuisse factum, quod eum qui promiserat fidelem judicaverit. Hæc autem verba ad Abrahamum quidem referri possent, si quis disertum ex Mose testimonium hujus rei postularer : sed quia hoc versu potissimum de Sara agitur, etsi in postremo illo congressu Domini, antequam Sara conciperet, tantum absuit ut simplice fide primò complexa sit promissiones illius, ut contrā in reprehensionem a Deo incurreret, Genes. 18. 13. tamen mihi non est dubium, quin postea melius & divina illa reprehensione & privato sermone a viro instituta cum de presentia Jehovah sermonibusque illius, & iudicio confirmata postridiè consequuto, Genes. 19. & sua pietate & aliis fortè modis adducta in hanc fidem acquieverit promissioni, & eum qui promiserat, ut hoc loco dicitur, fidelem judicaverit. Ac propterea Isaac non solum Abrahamo ; sed Saræ quoque datus est, promissionis filius, quum ipsam visitavit Deus, quemadmodum prius futurum dixerat. Eventus autem, quem hæc fides consequuta est, exponitur versu 12. nempe quod propter eandem fidem, quæ de Sara modò prædicata est ab uno patre multarum gentium Abrahamo, eoque emortuo, si naturæ conditionem ordinariam spectes, nempe centenario, geniti sunt heredes innumeri : prout in singulis fermè suis promissionibus Deus fore pronuntiaverat, similibusque duobus ostenderat ; stellarum in cælo & arenæ in litore, Genes. 13. & 15. & sequentibus. Quartò, post documenta fidei, a vocatione prima & promissionibus hereditatis heredumque perceptis proposita, subjicitur generalis quædam propositio de Abrahami aliorumque sanctorum Patriarcharum fide, quam toto vitæ suæ curriculo coluerint, & professi fuerint, versu decimotertio, & professionis hujus declaratio subditur tribus sequentibus, ne postea sapius inculcari eandem oporteat. Constantis illius fidei & per totam ipsorum vitam ad extremum usque Spiritum in sanctis illis Patribus permanentis propositio est, his verbis : *Secundum fidem hi omnes mortui sunt*, pro eo quod est, in hac sancta veraque fide ad mortem usque sibi constiterunt. Deinde verò constantia hæc amplificatur aliquot argumentis ; quæ nemo mediocriter versatus in hoc argumento potest ignorare, si modò vestigia Apostoli eodem ordine verborum

verborum sequi voluerit. Nam primum fidei robur eo ostenditur, quod *promissa nondum acceperant*, sive temporalia promissa terrarum, sive spiritualia promissi & exhibendi Christi; sed ea solum e longinquo & in futurum conspiciebantur fide: Secundò, quod persuasi erant, & in sua hac fide virtute Dei confirmati: Tertiò, quod *saluaverant*, id est, quasi in transcurso tantum licuerat ipsis degustare amplissimas illas promissiones, quas prehendebant fide; prout sub finem hujus capituli amplius exponitur: Postremò quod *profitebantur se hospites & advenas esse in terra*, etiam coram gentibus alienis a fide; quia ipsos non pudebat Evangelicarum promissionum Dei, quin testarentur palam se ali amplissimarum promissionum illarum expectatione, pro certo habentes nunquam futurum esse ut spes ipsorum in Deo locata confundatur. Hujus autem professionis testimonia apud Moysen exstant de Abrahamo, Genes. 23. 4. ut antè diximus: de Isaac, Genes. 26. de Jacobo, 47. 9. & alibi. Hanc verò professionem peregrinitatis ad fidem ipsorum respexit exponit Apostolus 3. versibus proximè sequentibus. Primum enim sic argumentatur 14. versu: Qui se hospites & advenas esse in terra profitentur, *palam ostendunt se patriam querere*. Hi autem constanter illud professi sunt, ut modò ostendimus ex Moysi testimonio; Patriam igitur non obscurè suam quæsierunt. Hunc autem prosyllogismum sequitur alter dilemmaticus. Nam potuissent alii objicere, Certè quidem quæsierunt illi patriam suam, sed eam videlicet ex qua exiverant. Itaque respondet author, Aut suam illam quæsierunt ex qua exierant, aut alteram meliorem: Suam autem illam ex qua exiverant, minime quæsierunt: Nam *si meminissent illius ex qua exierant*, & ad eam respexissent quum se peregrinos & advenas profiterentur, *habuissent tempus ad revertendum*, & commodè, ut qui diu vixerunt, per tempus reverti eò potuissent. Non sunt autem reversi: Illius ergo non meminerunt, quum ista profiterentur, versu 15. Conficitur ergo eos meliorem patriam expectivisse, quàm ea sit unde exiverunt, versu 16. id est, non terrestrem aliquam, ut quæ erat in Babylonia; sed cœlestem illam, cujus artifex & conditor est Deus, ut antè dictum est. Atque hic quidem fidei locus ex correlativo (ut vocant) amplius confirmatur verbis sequentibus, quum Spiritus sanctus dicit, *Quapropter Deum non pudet illorum, quin vocetur Deus ipsorum*; tamquam si diceret; Commune officium est, ut tum qui cives sunt civitatis Dei profiteantur civitatem suam, tum Deus profiteatur cives ad civitatem suam pertinentes. Hos autem Deus professus est; nec horum puduit ipsum, quin Deus ipsorum vocaretur. Optimo igitur jure patriam illam suam & civitatem quæsierunt; cujus se cives esse, & fide sua sentiebant, & professione Dei in dies confirmabantur, qui reipsa urbem illis receptumque paraverat ex hac peregrinatione. Quintò his omnibus fidei, qua Abraham fuit præditus, documentis luculentissimum adhibetur testimonium, ac velut signaculum, versu 17. & sequentibus, quum sanctissimum illud Abrahami narratur obsequium, de quo Gen. 22. legitur. Hoc autem opus fuisse fidei ostendit Apostolus, illius facti cum fide, quam ad factum hoc erat opus adesse validissimam, comparatione. Factum narratur his verbis; *Fide Abraham, quum tentaretur, obtulit Isaacum*: amplificaturque sequentibus, a persona primum quidem oblato, *unigenitum, inquam, illum obtulit*: deinde a persona offerentis, *is qui promissiones acceperat*. Postremò a circumscriptione promissionum illarum, nempe quod non quasvis

promissiones aut generales accepisset; sed singulares, definitas, & ad Isaacum particulariter respicientes, versu 18. cui dictum fuerat, ait Apostolus, *In Isaac vocabitur tibi semen*. Hujus ergo facti amplitudine, fidei quoque veritas & amplitudo ostenditur 19. versu, partim ab efficacia fidei; partimque ab eventu, quod tam insignem fidem muneratus est Dominus. Efficacitatem hæc verba ostendunt, quibus Abraham secum *reputasse* dicitur, *Deum vel ex mortuis excitare posse* illud promissionis semen; ac proinde veritatem suarum promissionum quocunque modo effecturum. Eventu autem, quod secundum quamdam similitudinem Filium suum oblatum Domino, & morti traditum, ex mortuis quodammodo recepit per benedictionem Dei. Quintum exemplum est Isaaci; qui non solum eadem fide qua Abraham, promissiones conspicatus, sed et hospitem & advenam in terra professus est; sed etiam (quod amplius est) earundem promissionum fiducia & per singularem testificationem Spiritus benedixit filiis suis de rebus futuris, Gen. 27. & res olim eventuras non secus pronunciavit, quam si in rem præsentem eos deduxisset; nimirum substantiam habens eorum quæ sperantur, & rerum quæ non videntur argumentum. Sextum exemplum eodem modo se habet: quum *Jacob moriens* dicitur *per fidem singulis filiis Joseph benedixisse*, quando rem narravit longo post intervallo factam, & per sortes hereditatem distributam ita assignavit liberis, ac si coram in consilio Josue Seniorumque; per quos terra divisa est, omnia dispescuisset. Unum verò singulare fidei documentum est, quod Jacob decrepitis senex, quum filiis ejus enunciaret Dei verbis ea quæ certa fide a Deo didicerat; non destitit omni conatu & nisu corporis, quamvis infirmissimi, ostendere quanta fide & religione illas promissiones Dei cum ipse acciperet, tum posteris suis accipiendas & fruendas traderet; cujus rei signum illud fuit, quod bonus senex jam clinicus factus & laboribus ætate fractus, e lecto utcumque poterat exurgeret, adhibitoque scipione corpus suum, quàm maxima commoditate poterat, brachio sustentaret, ad studium suum in Deo adorando & colendo testificandum liberis. Quam rem qui non animadverterunt, immerito Septuaginta Interpretes hujus loci nomine, & hunc authorem ipsum ausi sunt flagellare. Nam utrumque verum est, si ad rem ipsam attendamus; tum piùm hunc senem adoravisse incumbentem quodammodo cervicali lecti sui, ut quasi ex dimidio staret: tum etiam inter adorandum scipionem manu tenuisse, ut commodius, quum opus esset, infirmum corpus suum surrigeret, aut flecteret arbitrato suo. Id quidem negare nolum, hæc verba ab illis Septuaginta sub finem capitis 47. Genes. fuisse posita pro illis quæ Moses dixerat, *adoravisse Israël ad cervical lecti sui*; & facilem fuisse lapsum (si lapsus dicendus est) in Hebræa lingua, ut pro cubili baculus aut virga substitueretur. Sed mihi tamen non videtur probabile, aut ita hallucinatos esse LXX. illos omnes, ut eum locum tam oscitanter, & sine judicio ita mutaverint, aut imprudentem illorum mutationem Apostolus ad Hebræos scribens, temerè sequutus sit: Quin potius cum illos hujus mutationis authores judicio certo sic interpretatos arbitror, tum eadē mutatione usum esse cum judicio hunc authorem nostrum, vel potius interpretationis modo, quemadmodum supra ostendimus. Duæ quæstiones incidunt: prior, unde igitur habeatur illud, quod Jacob baculo nixus fuerit; posterior, quo modo hoc de Jacobo moriente dicatur, cum ille locus Gen. 47. pertineat ad tempus aliquod



aliquod antecedens mortem illius. De priore ita respondemus; Con-  
 stare ex analogia eorum quæ de Jacobo præterea narrantur sub finem  
 Geneseos, seni fuisse baculum aut fulcrum commoditatis causa adhibi-  
 tum. Nam primum eò pertinent illa verba ver. 29. ejusdem capituli, *quum*  
*propè essent dies Israël ut moreretur*: item Gen. 48. 2. illa, *Confirmavis se Is-*  
*raël, ut sederet super lectum suum*: itemque Geneseos 49. 33. *Recepit pedes*  
*suos ad lectum*, &c. Ex quorum comparatione facile colligimus, Jaco-  
 bum ex infirmitate maxima corporis laborantem omnibus commodis  
 instrumentis fuisse usum, ut partes veri Patris familiæ & pili maximè in  
 causa Religionis, coram filiis suis exhiberet: Ac præterea confirma-  
 visse suum illud infirmum & exsangue corpus etiam baculo adhibito,  
 quandocunque aut Dei verbis filios compellaturus, aut Deum pro se  
 filiisque suis invocaturus esset; Denique si non ut voluit, saltem ut po-  
 tuit, se comparavisse. Hanc autem analogiam, & analogicum interpre-  
 tationis modum, alibi quoque in Scripturis frequentari, supra in caput  
 10. ostendimus. Ad posteriorem verò quæstionem hæc responsio est,  
 præsens participium, *moriens* hoc loco habere paulo post futuri signifi-  
 cationem, ut apud Hebræos est frequentissimum: Illa autem omnia,  
 quæ tribus capitulis inde a fine capituli 47. Geneseos exponuntur; eo  
 tempore fuisse gesta quo Jacob appropinquare ad mortem videbatur  
 (ut ibidem *disperdendi* narrat Moses) quamvis singula suo intervallo  
 gesta sint; cumque in singulis narrationibus illis, res divinas vel divi-  
 nitus sibi inspiratas Jacob pronunciaverit, non dubium esse quin stans  
 pro modulo suo partes Prophetæ in familia sua obierit: quemadmo-  
 dum stantes olim constat incubuisse rebus religiosis, ut multis Scriptu-  
 ræ sacræ exemplis in eos ipsos locos, & alibi quoque ostendimus. Hoc  
 autem fecit Jacob non semel, sed sæpius; nempe quoties his religiosis  
 actibus operam dedit; etiam in illo extremo actu, quum benedictione  
 in omnes filios pronunciata pedes suos in lectum recepisse dicitur Ge-  
 nes. 49. 38. Quapropter etiam commodè hæc adoratio postremo narra-  
 tionis loco de Jacobo posita est, quia hic postremus actus vitæ, quum  
 Jacob expiraturus esset, exstiterit. Septimum exemplum est Josephi:  
 cujus fides duobus documentis ostenditur, prædictione gratiosæ libe-  
 rationis, quam Israëlita erant a Deo adepturi, & mandato testamentar-  
 io de ossibus ipsius ex Aegypto in terram promissam exportandis; quæ  
 duo indubitata fuerunt argumenta illius fidei, qua Joseph promissio-  
 nes Dei amplexus est; & quidem eò maximè, quòd æquè hic, ut Pa-  
 ter ipse, moriens habuit sermones ejusmodi: quandoquidem ultimæ  
 voluntates apud liberos religio, apud omnes verò in summa autho-  
 ritate sunt. Octavum exemplum est de parentibus Moysi versu 23.  
 quorum fides duobus testimoniis hoc loco evidenter ostenditur: uno,  
 quòd illorum opera Moses, quum natus esset, occultatus est tres  
 menses, eò quòd viderent scitum esse puerulum, ut narratur Exodi 2.  
 altero, quòd non metuerunt sibi ab edicto Regis, quominus pueru-  
 lum in speciem expositum curarent observari, tamquam postea re-  
 cepturi & ampliùs educaturi, prout majore ipsorum commodo post  
 illud factum divinitus obrigit, ut ibidem exposuit Moses. Hic verò ob-  
 jectione una adferri potest: nempe non videri hoc per fidem a parenti-  
 bus Moysi fuisse factum, cum diserte Moysi illic, & hic Apostolus testen-  
 tur eam rem a parentibus fuisse factam, quòd *viderent scitum esse pueru-*  
*lum*, aut certe quòd videret Mater. Sic enim argumentari possunt, qui

hunc locum de fide conantur evertere. Si propter speciem infantis occultaverunt ipsum, non propter fidem: Propter speciem autem, fecisse Scriptura dicit: Non igitur propter fidem. Responsio est, veram fore argumentationem, si disjunctiva illa esset *ἀμωσ*, aut illa membra *αὐτῶν*, ut justa ratio disjunctionum postulat. Non esse autem *ἀμωσ* vel ex eo ipso ostendimus, quod utrumque, fides inquam, & species, ab Apostolo conjungitur. Nam alioqui si quis causam rogaverit, cur parentes puerulum occultaverint; nemo negaturus est, quin plus una causa fuerit, & plures simul concurrerint. Primum enim, naturalem parentum in liberos *σπῆν* fuisse in illis omnes confessuri sunt: secundò etiam ex eadem *σπῆν* id consequutum esse, ut bellus & scitus puer parentibus suis videretur; ut etiam de ea re sunt in ore vulgi proverbialia. Tertiò fidem quoque his naturalibus causis accessisse, qua in studio illo suo amplius confirmarentur. Sed quum mater dicitur a Mose, aut parentes ab Apostolo, vidisse scitum esse puerulum, ut etiam Actorum 7. narravit Stephanus; hic demum quarta indicatur causa; cur parentes amplius de occultando puerulo fuerint solliciti: nempe quod ex ipsa specie divinitus huic puero indita, testimonium divinum perceperunt, non humana quadam stulticia aut indulgentia, sed divina inspiratione, puerum illum ad bonum aliquod & grande opus ipsis a Deo fuisse datum. Per fidem igitur occultaverunt, vel eo nomine, quod per fidem animadverterunt scitum esse puerulum; & divina quædam signa tamquam emicantia in vultu ipsius observarunt. Fortasse etiam dubitationem illud injicere posset imperitioribus, quod dicit Apostolus parentes *non timuisse edictum Regis*, quum tamen non nisi ex timore expositus ab illis fuisse videatur. Responsio est, utrumque verum esse. Nam quod hoc loco non timuisse dicuntur, id secundum quid, ut loquuntur, vel comparatè dicitur; nempe quod ita non timuerint, ut metu edicti illius a fide in Deum, officioq; fidei in puerulum discesserint. Timuerunt ergo ex infirmitate; non timuerunt ex fide; quæ ejecit timorem, fecitque ut parentes in fide confirmati hoc officium puero exhiberent; non proijciendi in rivum ut Pharaon imperaverat Exod. 1. sed simulandi; cum tamen puerum in capsâ optimè oblita rivo imposuissent, puellamque e longinquo custodem adhibuissent ad cognoscendum quid fieret eo; id est, observandum quid aut Deus per alios facturus esset, ut fecit, quam occasionem pueri clam recipiendi oblaturus, aut quid ipsis imperaturus faciendum. Nonum exemplum est Moysis, versu 24. & sequentibus. Quo in exemplo tria sunt ad confirmationem fidei pertinentia capita: primum, de cruce voluntaria; secundum, de necessaria cruce, atque imposita alieno facto; tertium, de liberatione per beneficium Dei. Crucis voluntariæ per fidem susceptæ a Mose, narratio est tribus in versibus; continens factum, & causam illius. Factum versu 24. his verbis proponitur: *Fide Moses jam grandis factus renuit filium vocari filia Pharaonis*. Quorum verborum sententia ita est evidens, ut nostra interpretatione non egeat. Nam hæc planè cum ea narratione conveniunt, quæ habetur Exod. 2. 10. & sequentibus. Causa verò illius facti sequentibus versibus exponitur: Primum quidem *ὁ δὲ τῷ ὀφείλει*, id est, consilio & electione certa: Secundò a judicio certo, quod illam *ἐπιλογὴν* moderatum est: Tertiò, a fide in Deum, quæ sola est indubitata regula & minimè fallax consiliorum judiciorumque omnium, quibus pios uti necesse est. Electionem his verbis designat Apostolus versu 25. quod

quòd possids elegis Moses malis affici unà cum populo Dei; & participare temporarias afflictiones illius cum pietate & iustitia, quam frui commo-  
 du illis temporariis peccati, quibus abundabat quum filii loco esset filii  
 Pharaonis. Hujus autem electionis consiliq; fundamentum est verum  
 illud iudicium quod narratur postea versu 26. nempe quòd Moses du-  
 xit probum Christi, id est, Ecclesia, quæ corpus est Christi, & in qua jam  
 tum perpetiebatur Christus, majores divitias esse, quam omnes eos thesauros  
 quos in Aegypto essent: Quia verò in rebus humanis nihil est tam parado-  
 xum, quam hoc ipsum iudicium, quod Moses fecisse dicitur; nempe  
 ejusmodi probum Christi majores divitias esse quam thesauros mun-  
 di: propterea ostendit Apostolus, quomodo majores hæ divitiæ sint illis  
 quas tanti mundus æstimare solet, dicens: *Insuperbatur enim in illam retribu-*  
*tionem præmii*, cujus facta est mentio supra vers. 6. tamquam si diceret:  
 Quibus certa est amplissimi præmii retributio, quòd nulla ratione, nul-  
 laque temporis injuria interverti potest, eorum felicius est probum &  
 beator occupatio, quamvis laboriosissima; quam vana & incerta, ad-  
 eoque certò ruitura ad præsens tempus tranquillitas. Ita est autem  
 eorum conditio qui fide ambulant, & in retributionem illam præmii  
 quod solus Deus præstare potest, intuentur. Horum ergo probum feli-  
 cius. Hoc autem fecit Moses constantissima fide, iudicio firmo, & elec-  
 tione sive *magis* sanctissima: Beatum igitur illum, qui tam certo  
 consilio, iudicio, & fide voluntariam crucem subiverit. Jam de adventi-  
 tia & aliunde imposita cruce videamus. Per fidem, inquit author, reliquit  
 Aegyptum, quum non timuisset iram Regis. Hujus versus variat interpre-  
 tatio. Etenim plerique in eam sententiam acceperunt, tamquam si his  
 verbis ageretur de exitu ex Aegypto, quum duce Mose populus manu  
 Dei liberaretur a servitute Aegyptia. Sed hæc interpretatio mihi pla-  
 cere non potest: primùm, quia hac ratione ab ordine temporis, quem  
 religiosè hætenus servavit author, & deinceps retinet, disceditur: De-  
 inde verò, quia idem exitus populi ex Aegypto, altero post versu seor-  
 sim narratur in argumentis fidei. Quæ cum ira sint, omnino in eam sen-  
 tentiam venio, hic notari priorem illam migrationem & discessum Mo-  
 sis, quum ex Aegypto fugiens sese in agrum Madianitarum contulit. Nam  
 etsi Moses timuisse dicitur, & Pharaõ audito facto illius quævisse ad  
 interficiendum ipsum, & Moses ipse a conspectu illius profugisse, Exo-  
 di 2. 14. 15. non dubium est tamen, quin etiam fide instructus (ut suis  
 quoque discipulis præcepit Christus Matth. 10.) fugerit, & se aliò rece-  
 perit Deo duce, quum præstandæ vocationis suæ in Aegypto per illud  
 tempus non videret locum, ut ex narratione Stephani Act. 7. satis in-  
 telligitur. Nec obstat, quòd hoc loco inquit Apostolus ipsum *nihil timu-*  
*isse iram Regis*, contra quam Exodi 2. fugisse Moses a conspectu Pharao-  
 nis dicitur. Nam utrumque verum est, quia diverso respectu dicuntur  
 ista; Hic, quòd Moses nihil timuerit, illic, quòd fugerit a conspectu Re-  
 gis. Cum hic nihil timuisse dicitur, alterum est fidei, qua Moses instruc-  
 tus erat, argumentum, tamquam si diceret Apostolus: Duobus modis  
 fidem suam Moses testatam fecit, primùm rebus in Aegypto gestis, de-  
 inde migratione ex Aegypto. Rebus gestis: quia videns Hebræum ex  
 fratribus suis iniquè oppressum, non ita sibi metuit ab ira Regis, quin  
 divinæ vocationis conscius apud se fratrem injustè oppressum ulcisce-  
 retur, existimans fratres suos intelligere (ut ait Stephanus) Deum per  
 manum ipsius jam dare salutem eis. Migratione: quia qua fide cœpe-



rat aggredi Ministerium suum, eadem fide ab illo destitit, & se contulit aliò jubente Domino ad tempus, donec ad eamdem vocationem ceptam mandato Dei revocaretur. Causa verò hujus facti, inquit Apostolus, non alia quàm fides adferri potest. Nam quòd reliquit Aegyptum, quòd illud exilium constante animo toleravit, expectavitque mandati à Deo redintegrationem; id fide perfecit, ut eorum quæ non videntur argumento; quandoquidem videbat eum qui est invisibilis, id est, Deum autorem & vocationis ipsius, & fuge. Unum ob stare videtur huic interpretationi; nempe quòd Græcum illud participium, *ποῦν*, tempore plusquàm perfecto reddimus, quod fortasse novum aut inauditum nonnullis esse videatur. Sed si veritatem historiarum cum usu Græcorum recepto comparaverint, non mirabuntur hæc ita a nobis accipi. Sic enim historia postulat, & fert communis usus ratioque illius temporis, cujus exemplum (ne longius abeamus) eodem planè modo positi participii habetur, infra versu 31. quum Rahab dicitur non periisse cum immorgeris, *ἐκείνη*, id est, postquàm exploratores recepisset. Tertium fidei, quia Moyses fuit præditus, argumentum est versu 28. quòd ipse post gravissimas Regis Aegyptii interminationes, omnibusque furentibus, cum suam ipsius fidem *Paschatis observatione & sanguinis profusione* testatam fecit: tum universum populum, quamvis plus latius contumacem, ex Dei mandato adduxit ad eamdem observationem, ut Exodus 12. legimus. Qua in re. non solum fidei obsequium, quòd imperanti Deo paruerint, est commendabile; verum etiam finis obsequii, quem sequentibus verbis perstringit Apostolus: putà *postea sanguine aspersos esse in domibus Israelitarum, ne is qui per voluntatem Dei peremurus erat omnia Aegyptiorum primogenita, ipsos attingeret*: Quæ ex fide id consequutum est, ut Israelitæ omnes incolumes ex Aegypto proficiscerentur. Atque hoc decimum est fidei exemplum versu 29. Moysis & Israelitarum commune: qua fide eodem momento duo consequuta sunt; miraculosa populi Dei salus, transcuntis rubrum mare veluti per siccum; & hostium ejus, quum ad tantum miraculum non respicerent, exitium lamentabile. Undecimum fidei documentum est similiter in populo toto editum, quòd *quum intenia Jericho dies septem circumvisissent per fidem*, id est, instructi fide qua Deo imperanti obsequebatur & amplectebantur promissiones ejus mandato còjunctas, ea repente corruerunt: quod beneficium numquam Dominus in populum suum fuisset collaturus, nisi promissiones ipsius per sacerdotes populo significatas fide amplexi essent. Restat duodecimum de Rahab, cujus historia habetur Jesuæ 2. estque per se evidentissima. Una hîc tamen quæstio moveri potest, nimirum de eo nomine *ῥαβ*, id est, meretricis, quod Rahabæ tribuitur. Existimant enim plerique injuriam Rahabæ in novo Testamento fieri, tum hîc, tum Jacobi 2.25. quòd meretrix appellètur, cum Hebræum nomen (ut testis est Chaldaus Paraphrastes & Hebræi interpretes non pauci) mulierem cauponam, ac non meretricem significet. Verum falluntur ii, qui propter Chaldaei illius aut Judæorum interpretationem non dubitant hos locos eludere. Nam est quidem Hebræum nomen, ut illi volunt, non incommodè traductum ad mulieris cauponæ significationem; ex eo quòd obsonia parat viatoribus & hospitibus, quæ obsonia affini quadam radice apud Hebræos denotantur: Neq; dubium est quin hac interpretatione sua Chaldaus, & alii putaverint se honestati populi Judæorum & Rahabæ existimationi atque honori consulere, dum

dum odiosam illam significationem fugerunt. Sed cum propria radix nihil aliud propriè significet quàm scortati, & nomen Hebræum ex illa affini radice nusquam hac forma exstet, ubi vel probabiliter in eo significato accipi possit; equidem non video, cur magis sit necesse propriam radice significationem & communem nominis Hebræi usum eumque perpetuum in hoc argumento abjicere; quàm de Rahaba confiteri quod propria vocis notatio postulat, peccatricem fuisse, & scortationi dedisse operam. Quam ad rem certè non incommoda est eorum functio quæ hospites externos accipiunt, & quæ quæstum faciunt cauponaria; unde etiam Græcis *πανδοχείς* & *πανδοκαύται* appellantur, ut Chaldaus vertit Græca appellatione. Nam ex Hebræo verbo quod propriè est scortari, propriè appellantur scorta *Zonith*: ex eo autem, quod plerumque cauponæ ex frequente viatorum congressu insolentes factæ efficiuntur meretrices, & non solum communi tecto, verum etiam lecto accipiunt eos, sit ut cauponæ *καταχρηστικῶς* meretricum nomine designentur. Neutrum verò Jerichunte probrosum fuit. Quod si honori feminae hujus consultum voluerunt; attamen potior est veritatis ratio: cum neque Christum generis hujus puduerit, Matth. 1. neque sit obscurum ubi peccatum abundat, ibi superabundare gratiam, & illustriorem Dei misericordiam elucere.

32 Et quid præterea dicam? Nam deficiet me tempus, si narrem de Gedeone, & Baraco, & Samione, & Jephthe, Davidéque, & Samuele, ac Prophetis:

33 Qui per fidem debellarunt regna, exercuerunt justitiam, consequuti sunt promissa, obstruxerunt ora Leonum;

34 Exitinxerunt vin ignis, effugerunt acies gladii, confirmati sunt ab infirmitate, facti sunt validi in bello, exercitus exterorum fuderunt:

35 Per quos mulieres acceperunt ex resurrectione mortuos suos; alii verò tormentis enecti sunt, non accipientes liberationem hanc, ut meliorem illam resurrectionem consequerentur:

36 Et alii ludibria flagellæque experti sunt, etiâque vincula & carcerem:

37 Lapidati sunt, serra dissecti sunt, cremati sunt, gladio cæsi occubuerunt, oberraverunt induti ovillis, induti caprinis pellibus, destituti, oppressi, malè habiti:

38 Quibus non erat dignus mundus, in desertis errantes, & montibus ac speluncis, cavernisque terræ.

39 Atque hi omnes testimonium adepti per fidem, non obtinuerunt promissum illud:

40 Nempe quod Deus de nobis melius quiddam providisset, ne absque nobis consummarentur.

**S**ingularem documentorum ab exemplis fidei Narrationem, sua sequitur conclusio *διὰ πειρασέ-ων*, quum Apostolus inquit, *Es quid præterea dicturus sum?* deinde causam illius præteritionis exponens, quod tempus ipsum esset defecturum, si narrationem accuratam de singulis vellet instituere; Accumulatione utitur, primum quidem personarum, versu 32. tum etiam rerum gestarum, 6. versibus sequentibus; Postremò autem eventorum; qua ratione transitus comparatur ad sequentis capitis argumentum, duobus versibus ultimis. In persona-

rum accumulatione plana sunt omnia. Et si, ut in transcurso dicam, non possum satis mirari eorum hominum audaciam, quamvis pietatem colentium, qui perinde Baraci, Samsonis, & Jephthæ historias accipiunt, ac si omnia quæ gesserunt, carnali potius studio & secundum hominem, quam fide & pietatis conscientia secundum Deum gesserint: cum Apostolum hoc in loco videamus optimum certissimumque vindicæ & assertorem esse fidei illorum a judiciis ejusmodi. Rerum gestarum accumulatio duas habet partes: quarum una mirificas actiones continet, quibus fidem illorum Deus contestatus est: altera perpeffiones gravissimas, quibus illi coram Deo, Angelis, hominibusque intrepidè contestati sunt fidem suam, & in ea constanter perseveraverunt. Aliorum duo sunt genera; unum quod res omnes adversas, ut fortes milites Christi, etiamque *regna debellaverunt*. Hoc enim synecdochicè accipio dictum: Alterum, quod, *justitiam exercentes* in rebus bonis, sanctis, & justis se occupaverunt; hoc est, & res malas pietati & justitiæ adversantes oppugnaverunt, & propugnaverunt bonas. Ex eo studio eventus sequitur, quod *assequuti sunt promissa Dei*, quæ ad illud officium suum ex voluntate Dei & vocatione consummandum aut communibus legis promissionibus, aut singularibus Spiritus Dei revelationibus acceperant. Hujus dicti confirmatio deinde sequitur, in reliquis accumulationis istius membris: tamquam si roganti alicui, quomodo promissa assequuti sint; responderet Apostolus, e non hic agere de amplissimis illis promissis ad exhibitionem Christi in hac temporum plenitudine pertinentibus; sed de singularibus illis promissis, quæ fuerant illius temporis, prout res postulabant: cujusmodi ea sunt, quæ sequuntur postea ordine: nempe quod *ora leonum obstruxerunt*, ut de Samson, Judicum 14. Davide, 1. Sam. 17. de potentioribus ejus comitibus; 2. Sam. 23. & de Daniele, capite 6. legimus. Item quod exstinxerunt vim ignis, ut Dan. 3. exemplum exstat luculentissimum: tum quod *aciem superunt gladii*, in rebus infirmis divinitus fuerunt confirmati, *validi in bello facti*, & copias exterorum fugaverunt; quarum rerum exemplis pleni sunt Moysis, Josue, Judicum, Samuelis, Regum, & Macchabæorum libri: Postremò quod per illos vel fide illorum *mulieres mortuos suos acceperunt resurrectione*, ut Elias fecisse legitur 1. Reg. 17. & Elifæus 2. Reg. 4. Sequuntur perpeffiones, invictæ piorum fidei & constantis indices; quarum tria sunt genera: primum est, tentationum mortem antecedentium, & pios ad defectionem sollicitantium: Secundum, mortis ipsius omne genus acerbissimæ: Tertium, fugæ miserimæ. Tentationum mortem antecedentium tres modi hoc loco exponuntur; primus, tormentorum; secundus, illusionum dedecore quodam secundum carnem conjugarum; Tertius, vinculorum atq; custodiæ. De primo solummodò, quid sibi velit, ambigitur. Nos in hanc sententiam accipimus. Nomen Græcum *τύπωμα* dictum *τύπος τῶ τυπῆν*, quod est verberare, modò instrumentum significat illud quod pulsatur, vel in quod pulsatur: modò instrumentum pulsans, id est, fustem ad pulsationem, cujuscunque ea sit generis, accommodum. Instrumentum quod pulsatur, duobus modis accipitur. Nam aut lusionis est, cujus artifices tympanistæ vel tympanotribæ appellantur: aut tormenti est, quo utebantur carnifices. Brat autem hoc tormentum ejusmodi, ut reorum corpora distenderentur gravissimè, machina tractoria (quam Græci etiam *σπέρων* appellaverunt) adeò ut miseri nullam corporis sui partem vel latum unguem movere possent; sed susti-

gantium



gantium & pulsantium plagis in omnes partes essent expositi: quapropter etiam illud instrumentum a Græcis *τύπικον* fuit nominatum. Eo autem tormenti genere veteres utebantur, sive ad quæstionem, ut docent Iureconsulti; sive ad necem, ut exemplum est 2. Maccab. 6. sive ad extorquendam *μαρτυρίαν* & abnegationem fidei; ut testis est historia Ecclesiastica, Christianos olim ad fidem abnegandam, libellos conscribendos, thus idolis adolendum, sacrificia facienda, legitima & ritus sacros contaminandos, & alia id genus, coactos esse: ex quo in Ecclesia vetere libellatici, sacrificati, thurificati, & si qua similia sunt nomina, dicebantur. De his verò sanctis hominibus, quos gravissima hæc tentatio exercuit, sanctissimè prædicantur verba sequentia, quod *non acciperunt liberationem*, id est, non attenderunt ad conditionem illam sibi promissam, fore ut dimitterentur & libertatem suam reciperent, si quidem vellent cedere tormentorum violentiæ: idque eo consilio fecisse, *ut resurrectionem meliorem assequerentur*, id est, eo quod mallerent sententia Dei in futuro iudicio resurgere ex mortuis ad vitam æternam, quam sententia hominū carnificum in iudicio isto perituro resurgere a præsentissima morte, cum veritatis divinæ & salutis æternæ ipsorum dispendio. Secundum genus, mors acerbissima his verbis describitur: *Lapidati sunt*, nempe tamquam anathemata, *serra dissecti sunt*; ut de Esaia ex Judæorum consensu scribit Hieronymus: *cremati sunt*; & igni traditi; *gladio occisi sunt*. Quorum suppliciorum innumera fuerunt exempla, & plenæ habentur historię. Id tantum Lectorem moniturus sum, cum verbum tentandi huic loco non satis commodè videatur convenire, multis nominibus; maximè cum utrumque circumstent verba certum aliquod genus mortis significantia; mihi omnium probari maximè, non ut expungatur, sed potius ut levissima mutatione pro *infixi sunt*, quod est, tentati sunt, legamus *infixi sunt*, quod est, cremati sunt, vel igni traditi, *πυρὶ τὸ πνεῦμα*: quod verbum ne ipse quidem Homerus ignoravit. Tertius perpeffionum modus est, fuga a persecutione legitima: de qua Tertullianus, Cyprianus, & alii scripserunt quam plurima. Huius duo sunt genera: Nam aut de civitate in civitatem & de domo in domum fugiunt, quum fratrum est commoditas ad quos se recipiant, aut petunt solitudines, ubi nullus apud homines tutus comparet locus. Prius genus relinquo vers. 37. Posterius sequente proponitur. Priori autem sua adhibentur incommoda, præter fugam; tùm in ratione vestitus, sive dissimulationis animo fiat, sive inopia & necessitate, quum *ovillis & caprinis pellibus* induti ambulant; tùm verò in ratione victus commodorumque omnium ad vitam pertinentiū, quia omnibus modis *deserti* dicuntur esse commodis, & malis *oppressi*; denique in genere ex omni parte malè habiti. Posterioris generis gravitas per se nota est satis, quum *in desertis, in montibus* horridis, *in speluncis & caviis foraminibusque terræ*, id est, apud feras potius receptum habent, quam apud homines: quorum impietas optimè exaggeratur his verbis; *In indignum fuisse mundum*, ac proinde sanctos illos homines ultrò à consuetudine illorum abstinuissè; cum neminem esse dignum pace ministerioque ipsorum deprehenderent: prout etiam discipulis mandavit Christus Matth. 10. Nunc ad eventum illius fidei, qui ad caput sequens est *persecutio*, veniamus. Eventū igitur hunc illis obtigisse dicit Apostolus, quod *testimonium quidem adepi sunt per fidem* eorum quæ sperantur & quæ non videntur; sed tamen *promissionem* illud quod prebenderunt

fide

fide reipsa non obtinuerunt; ut qui Christum venturum & exhibendum crederent, ac non viderent (ut nos) exhibitum. Hoc autem sequente versu commodè exprimitur; quum hujus rei causam Apostolus ostendit esse consilium & providentiam Dei qui hæc nostra tempora ita dispescuit ab illis, ut prioribus illis etsi idem bonum fructu & substantia, ratione tamen & modo non tantum bonum contulerit. Id enim significatur illis verbis; *quod Deus de nobis melius quiddam providisset*, nempe ratione & modo, ne absque nobis consummarentur illi, id est, consummatam sanctificationem gloriâque in Christo capite nostro adipiscerentur ante nos, ad quos pervenit temporum plenitudo. Etenim omnes quidem in se consummati fuerunt virtute Christi, etiam ante adventum ipsius fructumque salutis in cœlis adepti sunt; sed longè præstantius illud est quod nunc assequimur, quum eandem consummationem promissorum in nobis obtinemus, non solum virtute Christi, & quidem (ut illi) exhibendi; sed communione & veritate exhibiti. Quo respectu illi quidem consummantur nobiscum; sed ante adventum Christi absque nobis non fuerunt consummati, cum neque exhibitum reipsa in carne Christum, neque tantum communionis modum hic, aut in cœlis tenere possent; sed in tantum mysterium, ut beati quoque Angeli, cuperent introspicere: 1. Petri 1.

## CAPUT DUODECIMUM.

1 Proinde nos quoque, cum tantam habeamus nubem testium circumstantem nos; posito omni pondere & peccato ad nos circumdandos proclivi, decurramus per patientiam propositum nobis stadium:

2 Aspicientes in ducem fidei & consummatorem Jesum, qui pro gaudio sibi proposito pertulit crucem, contemta ignominia, sed itaque ad dexteram throni ipsius Dei.

3 Nam reputate animo eum qui talem sustinuit a peccatoribus adversum se contradictionem; ut ne fauscatis remissi animis vestris.

4 Nondum ad sanguinem usque restitistis, adversus peccatum decerto:

Proverb. 3.

11 *Fili mi, ne spernas eruditionem Jehova: neque tadeat te correctionis ejus.*

12 *Nam quem diligit Jehova, corrigit; & quidem ut Pater filium, cui bene vult.*

5 Et obliti estis adhortationis quæ vobis tamquam filiis loquitur; Fili mi, ne parvi facias castigationem Domini, neque remissus sis, quum ab eo argueris:

6 Quem enim diligit Dominus, eum castigat; & flagellat filium quemcumque accipit.

7 Si castigationem sustinetis, Deus tamquam filiis sese vobis offert; quis enim filius est quem non castiget pater?

8 Sin autem estis sine castigatione, cujus participes sunt omnes; ergo nothi estis, non autem filii.

9 Deinde castigatores habuimus eos qui patres sunt carnis nostræ, & reveriti sumus; an non multo magis subjiciemur Patri spirituum, & vivemus?

10 Etenim

10 Etenim illi ad paucos dies prout ipsis videbatur castigabant: hic verò ad utilitatem, ut participes simus sanctimoniz ipsius.

11 Omnis autem castigatio, in præsens quidem gaudii non videtur esse, sed tristitia; postea verò fructum tranquillum iustitiz reddit iis, qui fuerunt exercitati ea.

12 Quapropter remissas manus, solutaque genua surrigite:

13 Et rectas orbitas facite pedibus vestris, ne quod claudum est luxetur amplius; sed ut sanetur potius.

**E**Xposita prima hortationis parte ad fidem & bonam conscientiam pertinente; nunc demum author venit ad secundam, quæ est de spe Christiana & confessione illius stabili retinenda, cum nostri ipsorum sanctificatione, tum omni officio ad sanctificationem nostram pertinente: qui secundus est locus proleptice illius hortationis, quam supra 10. 19. & sequentibus ostendimus. Hujus autem hortationis ad spem & stabilem confessionem ipsius, duæ sunt in universum partes: prior est, ut nos ipsi constanter in stadio illo & curriculo nostro spe certa ita nos geramus, ut fortes milites & athletæ pugilesque Christi altera, ut ad idem officium alios & adjuvemus opere, & exemplo magis magisque provocemus. Quorum documentorum prius ad versum usque; 13. posterius ad 24. usque exponitur: Postremo autem iustus istarum rerum assequendarum ac præstandarum modus ostenditur, reliquo capite; Ac primum quidem, locus ille primus, quo nos Apostolus ad veram confessionem spei nostræ hortatur studio operibusque sanctificationis nostræ, proponitur versu 1. & 2. deinde verò confirmatur versibus novem; & tandem concluditur duodecimo & 13. versu. Propositio hortationis est, ut cōstanter & per patientiam, qua animas nostras possidemus, in medio hoc certamine & agone Christiano, decurramus stadium nobis propositum: propositum autem, & providentia consilioq; singulari Dei, & vocatione nostra. Huic propositioni adiunguntur duo documenta: quorum unum est de modo & ratione huius decursus nostri; alterum de argumentis illius. Modus est duplex: unus, ut nobis ipsis & iis omnibus rebus quæ a nobis sunt renunciemus, quod inuitur his verbis; *Abiecto omni pondere & peccato ad nos circumcingendos proclivi*. Nam quid aliud sumus, aut caro nostra, quam pondus iutile? & quid aliud a nobis proficiscitur, aut nobis adhæret quam peccatum? intus vivens, foris agens, & omnia, quamvis sanctissima, impuritate sua contaminans? Alter modus est, ut intueamur in Jesum, id est, oculos mentis nostræ certa spe in eum defigamus; ac non ad aliud quicquam in nobis aut extra nos respiciamus in salutis causa & sanctificationis ad salutem. Argumenta huius hortationis sunt duo: unum, ab exemplis antecedentibus sanctorum hominum, qui in fide quamvis non obtinerent promissa plenè, tamen in hoc curriculo spem suam testati sunt constantissimè: quod argumentum his verbis innuitur, *Proinde nos quoque cum tantam habeamus nubem testium circumdantem nos*, elegante metaphora innumeram piorum multitudinem cum nube comparantibus. Alterum argumentum est a persona Christi, propter exemplum, officium, & energiam operationemque ipsius. Exemplum: quod ignominia, quam pro nobis & propter peccata nostra subiit, contempta ultrò pertulit mortem crucis, & nunc superata morte confidet ad dexteram throni ipsius divini, tamquam spe sua non

*frustratus*



frustratus qua crucem & ignominiam in forma servi contempsit. Quod exemplum eo amplius Christianos debet afficere, quod finem habet suavissimum, quia hæc omnia consummavit Christus pro gaudio sibi proposito, id est, ad gloriam illam cœlestem cum Ecclesia, tamquam cum suo corpore, cujus servator est, communicandam, & perficiendam in singulis membris illius. Officium: quia Christus dux est fidei nostræ, nempe, verbo præluens nobis, opere præiens, & communione in nobis prævehens salutarem ductum, quo ad metam decursus nostri contendimus. Energiam denique: quia est *πληρωτής* id est, consummator, sive perfectior fidei nostræ, qui solus virtute sua præstat omnia quorum testimonium per fidem adepti sumus, & nos consummat in sese: ut sit Ecclesia complementum ipsius qui omnia implet in omnibus. Hujus hortationis confirmatio vel particularis applicatio proximè sequitur in versu 3. & sequentibus exponitur. Reipexit enim Apostolus ad tacitam quamdam occupationem, qua poterant Hebræi sese excusare: quod nempe tantopere mundus huic studio contradiceret, & cursui obstitere. Propterea *απολογώμεθα* in hunc sermonem ingreditur dicens; *Nam reputate animo*, &c. In hanc sententiam, Non frustra Jesum vobis proponens intuendum & res gestas ipsius, ducem & consummatorem fidei appellavi: *Nam reputate* cum animis vestris, *quisnam ille sit qui talem sustinuit contradictionem a peccatoribus adversum se*. Hic dux fidei, hic consummator est, hic in gaudio illo sibi proposito vivit, & nos ductu ac consummatione operis sui itidem collocaturus est. Quibus autem dux & consummator ille est, ii nullo jure possunt animos abjicere atque fatiscere. Hunc igitur reputate, ne fatiscatis. Exornatur hæc confirmatio, primum a rebus antea actis, versu 4. Secundò autem ab autoritate Scripturæ & afflictionum usu ex Scripturæ documentis, versibus sequentibus. Prior locus a rebus antecedentibus, id tantum sibi vult: nondum Hebræos omni officio perfundos esse, cum tamen omnes teneantur abjicere omne pondus & peccatum quo implicati sunt. Posterior locus ab autoritate Scripturæ, iisdem fermè vocibus continetur, Proverbiorum 3, ut in parallelo diagrammate posuimus: si hoc exceperis, quod verbum *sedes* a Sapiente positum hic altero verbo ad evidentiam redditur, sine ulla deminutione sensus. Mihi autem videtur (etsi nulla veterum librorum autoritate id confirmari potest) versus 3, cum interrogatione legendus esse, ut oratio sit *παρηγορησθε*, in hanc sententiam: Et propterea quod aliquid sustinuistis, ut suprà capite 10. dictum est, nunc tamquam bellè perfundi officio vestro, destituri essetis a cursu & certamine Christiano, & illam insignem adhortationem oblivioni tradituri: sive (ut Pauli utamur verbis) *Adeo ne amittentes offeru, cum spiritum inceperitis, ut nunc carne perficiamini: tam multa passi essetis frustra*. Adhortationis verò, quæ ex Solomone sumta est, partes duæ sunt; hortatio versu 5. & causa, 6: Hortationis membra duo sunt, unum ut castigatio Domini æquo animo accipiat, non autem protervè contemnat: alterum, ut in justo usu occupetur, non autem fatiscamus & animis abjectis nos finamus frangi afflictionibus. Causæ similiter adferuntur duæ, cur Deus castiget: una ut castigatio sit amoris ipsius erga nos documentum: altera, ut sit documentum salutis, ad quam gratuito ipsius amore per castigationes deducimur. Has duas causas ordine exponit author, & Hebræis applicat: Priorem, versu 7. & 8. posteriorem, tribus sequentibus. Amoris documentum per

per hypotheticam antithesin explicat Apostolus, cujus antitheses membra singulis versibus continentur. Usus verò castigationum duobus modis ostenditur; primum a simili, secundò ab eventu vel fine castigationum. Simile est vers. 9. *Habuiamus patres castigatores carnis nostra, eosque sumus reueriti*, id est, ad officium adducti ipsorum reuerentia: annon multò magis subjiciemur ei qui pater est Spirituum, eosque iustitia consummata donat (ut postea dicitur versu 13.) & vivemus? Ex hoc simili, ad finem consequentem ex afflictionibus transitur commodè, in versu decimo, ubi & modus & finis castigationum comparatur ad ampliorem hujus loci declarationem. Nam, inquit Apostolus: *Sunt quidem omnes castigationes ad paucos dies*, quapropter eò amplius danda nobis est opera, ut in patientia eas decurramus; sed tamen eò differunt inter se Dei & parentum secundum carnem castigationes, quòd illi *nos castigabant prout ipsis videbatur*, id est, humano iudicio & voluntate, ac proinde nec modo, nec fine usquequaque iusto, quia falli & errare possunt; Deus autem & modo & fine iusto castigationes adhibet: Facit enim *ad commodum nostrum, ut participes simus sanctimoniam ipsius*. Objicitur, Atqui non est gaudii, sed tristitiæ. Hanc objectionem occupans Apostolus dicit versu 11. *falsum est. Omnis enim castigatio in presens quidem non videtur esse gaudii, sed tristitiæ*, Sed falsum est illud argumentationis genus, si dixeris: Non videtur esse gaudii; Non est igitur gaudii. Quandoquidem ab eo quod videtur ad id quod est non valet consequentia, ut in caput 2. supra ostendimus. At contrà, inquit Apostolus, etsi non videtur esse gaudii ad presens, est tamen per consequens in futurum tempus. Nam primum castigatio cultura est quædam: deinde ut cultura non est sine fructu, ita etiam castigatio Dei, fructum reddit iustitiæ & sanctitatis iis qui per eam exculi fuerint. Postremò autem reddit fructum pacis in Spiritu; quia ut cetera omnia deficient pium, tamen pacem habet erga Deum per Dominum nostrum Jesum Christum, & aditum in gratiam illius fide. His positis regreditur Apostolus ad exhortationem intermissam inde a versu 3. & ex iisdem causis quæ prius adductæ sunt, loco finis illius *ἀπογοιζαντοῦ* quem ibi posuerat. Ne vestris animis remissi fatiscatis; jam hortationem contrariam subjicit, ut remissas potius manus & genua soluta surgant: id est, se ipsos confirment ad opus Dei, & recto iustitiæque studeant, atque in ea ambulent, tum sua ipsorum causa, tum verò infirmorum fratrum, qui tamquam claudi & infirmi pedibus, si ad iter asperum atque non rectum offenderint, periclitantur ne afficiantur pejùs: quemadmodum si quando hominis claudi pes luxetur amplius ad everisionem ipsius; cum & mandato Dei, & naturæ officio, & charitate Christi obligeimur, ut salutem eorum procuremus, & amoliamur destructionem aut subversionem, quibuscumque modis possumus. Nam in hanc sententiam accipio verbum *ἐκτρέψω*, pro eo quod est luxari, vel diverti a iusto acerabulo atque commissura ossium: tamquam si his verbis usus fuisset author, *ἵνα μὴ τὸ χωλὸν ἐκτραπῇ τοὺς πόδας*: id est, ne fortè, si quis jam claudus est ex pedum infirmitate, amplius novo offendiculo periclitetur, ut salutis iacturam faciat. Sic transit Apostolus ad secundam hortationis locum.

14. Sectamini pacem cum omnibus, & sanctificationem; sine qua nemo Dominum viturus est;

15. Adspici-

15 Adspicientes, ne quis deficiens a gratia Dei, ne qua radix amaritudinis enascens obturbet, & per quam inquinentur multi:

16 Ne quis scortator, aut profanus; ut Esau, qui pro edulio unico exposuit suum jus primogenitorum.

17 Nam scitis eum, etiam postea quum vellet hereditatem benedictionis adipisci, fuisse reprobatum: non enim reperit pœnitentiæ locum, quamvis cum lachrymâ exquisivisset illam.

18 Non enim accessistis ad montem contrectabilem, & incensum ignem, & turbinem, & caliginem, & procellam.

19 Et sonitum tubæ, & vocem verborum, quam qui audiverunt deprecari sunt, ne amplius sibi fieret sermo.

Exod. 19.

13 *Ne attingito eum ulla manus, sed lapidibus obriator, aut jaculando conficitor; sive jumentum sive homo, ne vivo.*

20 Non enim ferebant quod nuncio misso fuerat significatum; Si vel bestia attigerit montem, lapidabitur, aut jaculo configetur.

21 Et Moses, adeo visum illud erat terribile, dixit, Expavescactus sum ac tremebundus.

22 Sed accessistis ad montem Sion, & civitatem Dei viventis, Jerusalem supercaelestem, & myriadas Angelorum.

23 Conventum & Ecclesiam primogenitorum qui conscripti sunt in cælis, & Deum judicem omnium, & spiritus justorum consummationum,

24 Et Jesum Mediatorem novi Testamenti, & quidem sanguine asperfusionis meliora loquentem quàm Abel.

**S**ANCTIFICATIONIS, de qua proximè egit Apostolus, finis non solum est, ut omnem vitam occupemus ad Dei gloriam, & nos ipsos in spe salutis confirmemus; verum etiam ut alijs adjumento simus, ne qui infirmi sunt amplius infirmetur; sed sanentur potius & in omni bono corroborentur, ut superiore versu demonstratum est. Nunc itaque hac via comparata ad ingrediendum hoc alterum documentorum genus, proponit Apostolus illum confessionis modum alterum, quo alii alios adjuvamus; cujus documentum propositio est in versu 14. expositio, sequentibus. Propositionis duo sunt membra: prius, ut *pacem sectemur*: posterius, ut *sanctificationem*: videlicet ne pacem quamlibet imperari nobis cogitemus, sed eam demùm quæ sanctificatione vitæ conjuncta est: Et huic propositioni hortationis locus adjicitur, a spe futura nostra; Quod si vitam hoc modo instituerimus, *Domini visuri sumus*. Propositio vel hortatio exponitur tribus versibus proximè sequentibus. Hortationis argumentum, versu 18. & 6. sequentibus. De sectanda igitur pace versu 15. de sanctificatione, duobus alijs agitur. Pacis præceptum est, *ut proficiamus ne quis*, &c. id est, ut cum nos ipsos religiosè observemus, ne quid adversus pacem quæ Deo accepta est offendamus; tùm verò aliorum quoque rationem habeamus, duobus modis: nempe ut demus operam, ne quis deficiat a gratia Dei offensione ulla provocatus, ac proinde turbas alijs faciat; Deinde *ne qua radix amaritudinis* (ut Moses vocat Deuter. 29.) ex animo non satis pacato pullulans alijs offensioni sit. Ex quibus duobus



duobus malis, tum defectionis, tum etiam conturbationis rerum, alterum illud malum plerumque sequitur; quod ex hac etiam conturbatione inquinantur multi, & pax piorum animis eripitur, gravissimo non solum privato malo, sed etiam publico Ecclesiae periculo. Sanctificationis documentum ex contrario proponitur ver. 16. quum interdicat Apostolus, *ne quis scortator, aut prophanus obturbes similiter*, id est (ut ego quidē accipio synecdochicē) ne quis aut in secundā legis tabulam aut in primam offendens, abjecta humanitate, justitia, & pietate, quas Dei reverentia postulat, publicē aut privatim fratribus impedimento sit, ne pacem aut sanctificationem ex officio colant. Hujus verō interdicti membrum posterius exemplo illustratur Esau; cujus primum quidem profanum factum, versu decimosexto; deinde verō pœna, versu 17. ostenditur. Profanum factum est, ut Gen. 25. exponitur, quod unico edulio exposuit suum jus primogenitorum, hoc est, divinum beneficium minimo pretio, vel numo, abjudicavit sibi. Pœnam verō exponunt sequentia ex Gen. 27. nempe quod reprobatus fuit, nec precariō umquam exorare potuit, ut revocaretur illa reprobationis sententia. Expōsita hortatione, sequitur expōsitiō argumenti ad eam pertinentis, quod generatim induxerat author versu 14. dicens: *sine sanctificatione non esse quemquam visurum Dominum*, id est, neque hīc visurum prout videri in Ecclesia potest (est enim fides eorum quæ non videntur argumentum) neque illic visurum prout est. Hoc autem argumentum exponit Apostolus, per comparationem evidentissimam illius modi quo prisca Ecclesia vidit, cum eo modo & iis rebus quas videt nostra, his ultimis temporibus. Prius membrum comparationis per *αἰσχρονομίαν* vel negativam exponitur duobus versibus; & exornatur, duobus alteris: posterius, in quo adversa affirmativa est, continetur versu 22. & reliquis. Prius enunciatur his verbis: *Non enim accessit ad montem correclabilem*, quibus exponitur locus, adjuncta, & modus quo populum olim instituit Deus. Locus enim fuit mons; qui per se quidem attingi poterat, sed Deus & opere & verbo attingi prohibuit, ad reificandū præsentiā suā. Adjuncta fuerunt, ea quæ montem attingi prohibuerunt, ignis ardens, turbo, tenebræ, procellæ, testantes præsentiā Dei. Modus fuit, sonitus tubæ, populum ad attentionem comparans; & vox verborum, quasi intonans in aures omnium Legem illam Dei quæ habetur Exodi 20. Cujus vocis vehementiam majestatemque eventus indicat luculentissimē, quia deprecati sunt qui audierant ipsam, ne ampliū fieret sibi sermo; sed per interpretem a Deo secum ageretur. Hujus autem deprecationis causam ex sequentibus ampliū exponit Apostolus, quum inquit: Non modō vocem, sed rem quoque ipsam eos ad deprecandum adduxisse, quia & interdicto sancita fuerat, & revera per se, etiam citra interdicti considerationem neminem non consternabat. Interdicto fuisse sanctam illius amplitudinem demonstratur his verbis: *Non enim ferebant id quod sibi Deus per nuncium* (puta Mosem) *significaverat*, &c. ut Exodi 19. a Mose exponitur. Neminem verō fuisse, qui amplitudine illius visi non afficeretur, etiamsi Deus non cavisset interdicto, ostenditur sequente verū ab exemplo Moysis. Si enim Moyses viso illo fuit exterritus, quanto magis alii, qui non ita potuerant in os videre Deum, ut Scriptura loquitur: *Est autem exterritus*, prout ipse vocibus istis confessus est; *expauescēsus sum ac tremebundus*. Hic verō quæritur, ubi hæc dixisse legatur Moyses. Mihi verō certissima hæc responsio videtur esse,

non

non existare quidem hæc verba in Testamento vetere, tamquam a Mose usurpata; sed rei ipsius argumentum. Nam Exod. 19. dicitur Moses, quum populum obviam Deo e castris eduxisset, totiusque mons ille tremere, ad sonum tubæ, Moses loquutus esse antequam Deus planè ad montem Sinai, descendisset, & Deus ipsi respondisse voce, id est, Mosem agentem de terrore & consternatione sua totiusque populi, consolatus esse & confirmavisse sermone suo. Ex eo igitur loco facile est videre, quæ fuerit Mosi affectio ad primam illam speciem descendens Dei: cuius affectionis argumentum his paucis verbis hoc loco exponitur. Sequitur jam alterum comparationis membrum, versu 22. & sequentibus, quum author inquit: *Sed accessistis ad montem Sion, &c.* Quo in membro eadem quoque partes *amendæ* sunt observandæ, quæ fuerunt in præcedente. Nam primùm quasi locus & sedes assignatur; deinde adjuncta; postremò autem modus accessus illius nostri ostenditur. Quasi locus est Ecclesia Dei; quæ tribus typicis locutionibus figuratur, quum nominatur mons Sion, civitas Dei vivi, & supercælestis Jerusalem, per gradationem: ex comparatione veteris illius Ecclesiæ in loco, quem Deus elegerat, confidentis. Adjuncta autem & quasi incolæ illius loci constituuntur hi: primùm ex rebus creatis & tamquæ advenis, *Angeli & homines primogeniti* in Christo, id est, benedictionis Christi participes, quorum nomina in calis jam olim *conscripta sunt*, ut in conventum illum & sanctam Ecclesiam reciperentur. Secundò *Dei ipse opifex & Dominus* illius domus, *omniumque domesticorum* ad eam pertinentium *iudex*. Nam cum his omnibus jam ex factò in hac Ecclesia, & vita terrestri communicamus: Angelis quidem, tamquam ministris: piis hominibus, tamquam membris: & Deo, tamquam præside hujus Ecclesiæ militantis. Sed etsi hæc argumenta sunt amplissima ad majestatem illius rei, propter quam studemus sanctificationi, demonstrandam; amplius tamen pios ac vehementius stimulat, quum adduntur hæc verba; *Es ad spiritus iustorum consummatorum*; tamquam si diceret: Non solum communionem, quam hic habemus in Ecclesia cum Angelis, hominibus, Deoque ipso, nos inflammare; verum etiam illud ipsum, quod jamque communionem habemus per spiritum cum sanctis illis spiritibus & iustis hominibus qui sunt in cælo, ut putæ adepti consummatam & perfectam sanctificationem suam. Horum verò omnium medium, ut loquuntur vulgò, vel modus ipse 24. versu subijcitur, his verbis: *Accessistis ad novi testamenti mediatorem Jesum*, id est, ad eum ducem & consummatorem fidei nostræ, qui sacerdotio suo delens peccata nostra, morte confirmavit & sancivit Testamentum illud, ex quo pervenit ad nos vitæ cælestis hereditas. Atque hic quidem est fons ille, de cuius plenitudine haurimus omnes; sed quia non aliter haurire possumus beneficia ejus, & ad Ecclesiam hanc salutariter accedere, nisi quatenus aspersi & irrigati sumus sanguine ipsius; qui nos abluit ab omni peccato, ut Deo accepti simus: propterea etiam huic communioni Christi adjicitur proximus ille modus, quem de fonte Christi percipimus; nimirum *sanguis aspersiois*, quo sanguine cruenta illius cæde fuso res meliores proloqui dicitur, quàm Abel, de quo supra 11.4. dictum est, ipsum mortuum adhuc per fidem loqui. Nam loquitur quidem Abel, & quicumque sancti persecutiones passi sunt, & Deo exhibent illud orationis genus, de quo in eum locum dicebamus; Christi verò sanguis omnia divina proferet, omnemque plenitudinem in ipso habitantem nostram facit per remissionem

remissionem peccatorum, quæ unicus est aditus ad omnia bona ipsius. Hæc autem verba Apostoli quòd aliter transferimus, quàm vulgò fieri solet, id cùm loquutionis modus postulat, tum sequens argumentatio. Etenim Græcus articulus *παρὰ τὸν Ἄγγελον*, de homine ac non de sanguine clamat hæc verba intelligi: sequens autem argumentatio ad quam horum verborum occasione transitur, nihil aliud astruit, quàm ad hominem eum qui loquitur attendi oportere.

25 Videte, ne aspernemini eum qui loquitur. Nam si illi non effugerunt qui aspernati sunt eum qui Dei nomine loquebatur in terra, multò magis nos, si eum aversemur qui loquitur e cælis,

Aggæi 2.

6 Sic ait Jehova exercituum. Adhuc semel (parum illud est) sum ego commoturus sum cælum & terram, & mare, & siccum.

26 Cujus vox tunc concussit terram; in hoc verò tempus promissus erat qui dicit, Adhuc semel ego concussurus sum non solum terram, sed etiam cælum.

27 Illud autem, adhuc semel, declarat a motionem rerum quæ concutiuntur, tamquam factarum, ut mancant ea, quæ non possunt concui.

28 Quapropter assumentes regnum quod non potest concui, teneamus gratiam per quam serviamus Deo, ut placet ipsi, cum verecundia & reverentia.

29 Etenim Deus noster ignis consumens est.

**H**Actenus duo hortationis loci ad illam spei nostræ confessionem pertinentes: nunc tertius subjicitur, in quo earum rerum aperitur assequendum modus, ad quas Apostolus antè exhortatus est. Est autem modus in eo positus: primùm ut Christo Prophetæ nostro hæreamus, vers. 25. deinde ut in eo iustum finem modumque omnium cogitationum, sermonum, actionumque nostrarum teneamus, versu 28. Prioris loci propositio est in his verbis: *Videte ne aspernemini eum qui loquitur*, putà Christum Mediatorem longè meliora loquentem quàm Abel, ut proximè fuit expositum. Hujus exhortationis argumenta adferuntur duo; unum, ex comparatione minoris, id est, Moïsi cum Christo, & eorum qui Moïsem aspernati sunt cum iis qui Christum averfantur: Qua comparatione idem author suprà 3.3. & 10.21. usus est copiosius. Hæc verò uno maximè argumento amplificatur, quòd Dei verba Moïses in terris proloquebatur, nunc verò in cælis Christus. Alterum est, a comparatione signorum adjunctorum & consequentium ex vocis illius majestate: nempe quòd tunc quum Moïses Dei verbis loqueretur, vox Dei concussit terram; nunc autem quum patefaciendum fuit Evangelium, id est, in hæc ultima tempora is olim promissus est, & nunc exhibitus, qui non solum terram sed etiam cælum concutit, vers. 26. ut Christi ipsius verbis Aggæus 2. capite confirmavit. Atque hoc quidem argumentum potentissimum est ad homines adducendos, ut cum reverentia accipiant verbum Christi, quum ad exhibitionem ipsius, & complementum rerum, quas Testamentum verus in Evangelio fore prædixerat, cælum & terra dicuntur fuisse concessa. Quam rem videmus re ipsa contigisse, quum Dominus Jesus Christus spiritum exclamans voce maxima emisisset. Cujus miraculi & Phlegon apud Eusebium



testis est, & Tertullianus in Apologetico in Actis publicis testatur Romanam fuisse consignatum, dicens: *Eodem momento dies medium orbem signante sole subducta est. Deliquium utique putaverunt qui ad quoque super Christo pradicatum non sciverunt: & tamen eum mundi casum relatum in Archivum vestrum habetis.* Id quidem non negaverim, quod vulgò adfertur ad loci huius interpretationem; eam esse vim & dignitatem Evangelii, ut cælum & terra quodammodo commoveantur, Angelis, hominibusque applaudentibus ad prædicationem illius: sed quia singulare signum quod ad promulgationem Legis adhibuit Deus, comparatur cum signo ad promulgationem Evangelii accedente: quemadmodum illud principio fuit oblatum ad testandam auctoritatem Legis: Sic etiam istud principio ad declarandam auctoritatem Evangelii exhibitum fuisse arbitror, nempe quum Christus dissepimento rupto quod erat in templo positum, Judæos & gentiles in uno corpore Deo reconciliavit per crucem; peremtis inimicitias in ea, & Evangelizavit pacem longinquis, & propinquis, ut Paulus inquit Ephes. 2. Alioqui non eò minus stat communis illa sententia: nempe quòd ut momento illo exclamans Christus cælum & terram concussit corporaliter; ita etiam afficit spiritualiter Evangelii prædicatione. Quam consequentiam ostendit Apostolus ex egei versus 27. dicens: *Illud autem adhuc semel, declaras depositionem sive abolitionem amotionemque eorum quæ concutuntur, tamquam fictitiorum*, id est, rerum non solum creatarum in rerum natura; verumetiam imperatarum a Deo ad usum transeuntem & ambulatoriū (cujusmodi fuerunt legales typi & ceremonia) ut maneat ea quæ non possunt concuti, id est, quæ æterna sunt in Domino, & quæ in nobis æterna futura sunt per communionem Christi. Quòd autem ex Aggæi Prophætæ verbis quædam omittuntur; id propterea factum est, quòd ea verba ad hanc argumenti partem, de quo hic agitur, minimè pertinerent. Quam rationem omittendarum vocum, aut orationis partium, justam & necessariam nonnumquam esse libro 1. Parallelo 5. docuimus. Posterior locus vel modus ad antecedentes hortationes pertinens versu 25. proponitur. Causa verò, ultimo. Finis est, ut *assumamus regnum quod concuti non potest*, id est, constantissimè hæreamus ei. Modus verò, ut *habeamus vel retineamus gratiam*, id est, hærentes Christo nos permitramus consilio & manui gratiosæ ejus per fidem, atque hac ratione *serviamus* Deo (nam hic effectus est gratiæ illius Christi) secundum voluntatem ipsius, id est, ut sequentibus verbis exponitur, *cum verecundia*, seu pudore ex infirmitatis & indignitatis nostræ conscientia, & *cum reverentia* ex agnitione majestatis illius cui servimus in spiritu, ut bene moratos filios parentibus servire decet. Causa verò hortationis istius una, versu ultimo adducitur ex eventu contrario, si qui in hunc modum non serviverint Domino. *Etenim, inquit, Deus noster ignis consumens est; ac proinde eos qui secus fecerint consumturus.* Quo argumentationis genere Moses quoque usus est Deut. 4.

## CAPUT DECIMUMTERTIUM.

- 1 Fraterna charitas maneat.
- 2 Hospitalitatis ne sitis immemores: per hanc enim quidam inficii hospitio Angelos acceperunt.

3 Mementote

3 Mementote victorum, ut unâ cum illis victi; eorum qui afficiuntur malis, ut qui etiam ipsi estis in corpore.

4 Honorabile est conjugium inter quosvis; & cubile impollutum; scortatores verò & adulteros Deus judicaturus est.

Josue 1.

5 Non deseram te, neque derelinquam te.

Psalmo 118.

6 Jehova adest mihi, non timebo: quid esset mihi facturus homo?

3 Mores alieni sunt ab avaritia: Estote contenti rebus presentibus; ipse enim dixit; Non deseram te, neque derelinquam te:

6 Ad eò ut nos confidenti animo dicamus, Dominus est adjutor mihi, & non timebo quid mihi facturus sit homo.

**H**ABET tertia pars hortationis est, quam supra 20. 24. in prolepsi seu generali propositione suo ordine distinximus; nempe quòd ad charitatem & bona opera accendimur; Quæ duo membra ternis versibus hoc loco proponuntur. Nam primum *charitas fraternæ* universè imperatur in versu 1. deinde verò quia occasiones & argumenta charitatis explicandæ duo per illa tempora, quæ persecutionibus fervebant, in dies offerebantur piis; nempe quòd Christianorum peregrinationes & exsilia, & quòd vincula afflictionis & frequenter erant: duo singularia charitatis officia cùm erga omnes, tùm erga domesticos fidei maximè commendat illis; *hospitalitatem*, secundo versu; & *victorum afflictorumque recordationem*, tertio. Etsi non dubium est, quin omnia charitatis officia his duobus exemplis comprehendere oporteat synecdochicè; prout in versu 1. genus & fons horum officiorum omnium fuit imperatus. Hospitalitatis argumentum ab exemplo commendatur, & singulari honore illo, quo Deus hospitales viros olim prosequutus est; nempe quòd quidam in scilicet Angelos hospitio exceperunt. Christianæ verò *sympatheiæ* recordationis & afflictorum, & modus, & causa exponitur convenientissimè, ad afficiendas gravius piorum mentes, & inscribendam in eis charitatis sanctæ *descriptionem*. Modus: quòd perinde meminisse victorum oportet, ac si unâ cum illis essemus *vincti*. Causa verò: quòd in eodem corpore sumus; non modò a natura, secundum speciem humano generi communem, propter quam omnium humaniter oportet meminisse; verum etiam a gratia, secundum communionem Christi; propter quam fratrum piorum oportet meminisse; quia & unum caput habemus Christum; & unum corpus in eo sumus. Sequitur alter locus de aliis bonis operibus ad charitatem accedentibus; quorum loci ponuntur duo; unus, ad septimum respiciens; alter, ad octavum præceptum Legis. Ad septimum pertinet versu 4. ubi justis conjugii encomium habetur, tùm ex natura & conditione ejus, tùm ex contrario; ac propterea inter omnes homines, cujuscunque sint generis aut sortis, dicitur commendabile. Commendationis loci duo sunt: unus, quòd *pretiosum est conjugium coram Deo*, & honorabile apud omnes honoratos & honestatis amantes homines: alter, quòd *cubile ejus impollutum est*, id est, coram Deo culpa vacans; ut quod ipse sanctificaverit, & coram honestis hominibus liberum ab omni criminatione. Ex contrario verò conjugium commendatur, quum *Deus scortatores & adulteros judicaturus* dicitur, nempe quòd factum ipsorum

& inhonoratum ac potius flagitiosum est, & pollutionis plenum; quas res Deus non potest non ulcisci iudicio suo. Ad octavum pertinent sequentia; quum & *avarit* sordidique *mores* interduntur, & animus imperatur *contentus rebus presentibus*; id est, quum & externæ vitæ administrationisque nostræ, & animi quoque in hoc argumento modus præscribitur; quia non posset alioqui hominis ullius vita probari Deo, qui specie alienus foret ab avaritia coram hominibus, intus verò coram Deo ferveret cupiditatibus, nec presentibus commodis quæ Deus offert, acquiesceret. Deinde verò ad hanc rationem & institutum vitæ causa adfertur elegantissimè, a promissione Dei, versu 5. & a fide nostræ promissionem amplectente, atque de ea gloriante, in versu 6. Nam et si promissionis divinæ locus singularis videtur esse, quum Deus his verbis apud Josuam uteretur, *non deseram te, neque derelinquam te*; duo tamen eo in loco tenenda sunt: primum, promissionem illam Duci populi factam communiter ad populum totum respexisse; ac proinde tam ad Ecclesiam hujus temporis pertinere, quam ad illam præseam, cui Josue præfectus erat. Deinde, cum Deus semper idem sit & sibi constet; quod exemplum in Scriptura protulit suæ promissionis gratiosæ, in hunc aut illum studentem vocationi suæ, illud æquè ad pios omnes vocationi suæ hærentes respicere: quemadmodum testatur Apostolus, quæcunque antè scripta sunt, ea fuisse scripta ad consolationem & ædificationem nostram. Quid autem tam esse consolationi potest, quam gratiosa Dei promissio? Atque eadem quoque ratio est illius professionis & gloriationis fidei, cujus exemplum ex Davide petiturum est. Sed quia hoc argumentum & amplissimum est, & ab omnibus satis expositum; ad sequentia venturi sumus.

Rom. 15.

7 Recordamini ductorum vestrorum, qui eloquuti sunt vobis sermonem Dei: quorum imitamini fidem, subindè considerantes qui fuerit exitus conversationis ipsorum.

8 Jesus Christus heri, & hodie idem est, & in secula.

9 Doctrinis variis ac peregrinis ne circumferimini: bonum est enim stabiliri cor gratia, non cibis; in quibus *discriminandi* qui versati sunt, non sunt adjuturi.

10 Habemus altare, ex quo non habent jus edendi qui tabernaculo illi deserviunt.

11 Nam quorum animalium sanguis pro peccato infertur in sacrificium per Pontificem; eorum corpora exuruntur extra castra.

12 Quapropter & Jesus ut sanctificaret populum per proprium sanguinem suum, passus est extra portam.

13 Exeamus igitur ad eum extra castra, portantes opprobriū ejus.

14 Non enim civitatem habemus hic manentem; sed eam quæ futura est, inquirimus.

15 Per ipsum igitur offeramus sacrificium laudis indefinenter Deo; id est, fructum labiorum confitentium nomini ejus:

16 Beneficentiæ verò & communicationis ne obliviscimini. Nam ejusmodi sacrificiis delectatur Deus.

17 Obedite ductoribus vestris & obsecundate; (hi enim vigilant pro animis vestris, tamquam rationem reddituri) ut cum gaudio hoc faciant, ac non gementes: Nam id vobis futurum esset inutile.

18 Orate



18 Orate pro nobis : persuasi enim sumus nos bonam conscientiam habere, ut qui inter omnes honestè velimus conversari.

19 Amplius autem hortor vos, faciatis illud, ut celerius restituar vobis.

**D**iximus suprà 10. 19. & sequentibus, prolepsin sive propositionem quadripartitam hortationum sanctarum contineri. Nam primùm fidem & bonam conscientiam; deinde spem firmam constantemque professionem ipsius; tum charitatem & bona opera; postremò omnia exercitia pietatis ad colendam fidem, spem & charitatem pertinentia commendari. Restat hoc postremum argumentum: nam cetera suo ordine antè sunt explicata. De his igitur exercitiamentis deinceps agit Apostolus in tota illa versuum syzygia, quam modò proposuimus. Harum exercitationum sacrarum materia tota posita est in ministerio verbi, quod Ecclesiæ imperavit Deus. Quapropter a personis fidelium servorum Dei ministrorumque verbi salutaris ejus, ducuntur omnes hujus hortationis loci. Sunt autem in hac hortatione tria exercitiamentorum genera, quæ piis a sancto Spiritu commendantur. Primum, ut doctrinæ solidæ studeant, versu 7. & quinque sequentibus: secundum, ut doctrinæ illi obsequentes in Ecclesiâ exerceant, quæcumque ad veræ doctrinæ fideique testificationem sunt opus, versu 13. & quatuor sequentibus. Tertium, ut ante omnia precibus & orationibus studeant, tum, pro omnibus hominibus, maximè verò pro iis quos Deus ipsis præfecit; tum pro iis qui in sancto cursu vocationis suæ interturbantur afflictionibus, ne opus mysterii sibi imperatum præsent. Doctrinæ solidæ studendum esse Apostolus docet synecdochicè, quum ait: *Recordari dulcorum nostrorum* oportere: Quod officium communiter quidem debemus omnibus iis quos Deus nobis præficit voluntate sua: sed iis tamen præcipuè, qui eloquuti fuerint sermonem Dei, & qui fideliter ( ut loquitur Paulus ) dispensaverint mysteria illius. Hujus autem recordationis, primùm quidem modus, deinde causa exponitur, versu 8. postremò verò enarratur sequentibus. Modus recordationis est duplex: unus, ut vitam ipsorum observemus; ut qui Ecclesiæ dati sint eo consilio a Domino, ut lux sint mundi; atque hoc subinde recolamus, *considerantes quæ fueris exitus conversationis ipsorum*, id est, quomodo tota conversatione sua ad finem usque testatam fecerint fidem & integritatem suam in doctrina. Alter modus est, ut fidem illorum quam ea ratione testatam fecerint, discamus imitemurque religionem maximam. Hujus autem fidei ab illis doctæ & præstite, a nobis autem imitandæ causa & fundamentum continentur his verbis: *Jesus Christus heri & hodie idem est, atque in secula*, tamquam si diceret Apostolus: Illi ut fide Christum didicerant; ita docuerunt & in eo inculpate ambularunt, constantem retinentes professionem & gloriationem fidei, quia Jesus ille Christus Deus constantissimus, docuit illos, docentes rexit, & ambulantes duxit, vel potiùs in ipsis docuit ambulavitque ad finem usque, adeò ut tota ipsorum conversatio & conversationis exitus nihil aliud sit, quàm pura & singularis actio Christi viventis in ipsis. Vos igitur imitamini illos, freti eo ipso Imperatore & Duce, qui illos duxit rexitque pro fide sua in omni veritate. Jesus Christus heri, & hodie idem est, & in secula. Fuit autem erga homines illos ejusmodi: Igitur etiam erga vos futurus est idem qui erga illos fuit. Quod si Jesus Christus

heri, & hodie, & in secula semper idem est, tum in seipso, tum in omnes virtute, veritate, & operatione sua; hoc autem quarto (ut cum logicis loquamur) modo proprium Deitatis est: optimè sequitur, id quod orthodoxi Patres ex hoc loco adstruxerunt, putà Jesum Christum verum & æternum Deum esse *ἑμὸν πατέρα* Patri & Spiritui sancto: quandoquidem ut illi docuerunt, essentia identitas (sic enim loqui liceat) ex identitate actionum effectuumque, id est, causa ex effectis suis *ὁμοεικὴς* & necessariò concluditur. Hanc propositionem sua enarratio sequitur per interdictum contrarium. Hoc autem interdictum certo consilio opponit Apostolus illi doctrinæ a ductoribus prolatae, cujus causa unica & fundamentum est Christus, ut præcedente versu fuit expositum. Hoc autem interdictum est, ne se Hebræi circumferri patiantur, aut doctrinæ variæ, ut si Legis ceremonias cum simplicitate Christi vellent confundere, quod jam tum lecerant Nazaræi, aut etiam peregrinæ, cujusmodi erant doctrinæ gentium, inter quas sacræ Judæorum reliquæ dispersæ erant. Confirmatur verò hoc interdictum versu 9. & 3. sequentibus duobus argumentis: quorum prius ab eventu ducitur, in versu 9. posterius, a Legis instituto & ceremoniali observatione ejus, sequentibus verbis. Ab eventu confirmatur per antithesin, aliquot capitibus supra jam satis explicatam. Quapropter brevior hic est Apostolus in eo explicando. Hæc autem sententia est: Quibus doctrinis adjuvantur ii qui versantur in ipsis, & cor ipsorum stabilitur; hæc doctrinæ sunt bonæ, ac propterea retinendæ: Doctrinam gratiæ hæc omnino consequuntur: Hæc ergo unica doctrina tenenda est. Et ex contrario: Hæc autem doctrinæ sive variæ, sive peregrinæ minimè consequuntur. Variæ igitur doctrinæ atque peregrinæ a piis non sunt retinendæ. Non consequi hæc ab illis doctrinis variis atque peregrinis, quas senecdochicè designat Apostolus ciborum appellatione; quia omnes usu perire solent (ut Colossensibus scribit Apostolus) docetur ab exemplo Judæorum ipsorum, eodem planè argumento quo utebatur Petrus Act. 15. quum diceret; Neque Patres, neque ipsos impositum jugum portare potuisse. Hoc enim argumentum his verbis innuitur, *quibus non sunt adjuti qui versati sunt in illis*, & in discretionem illorum scrupulosè & superstitionè observanda plurimum occupati. Alterum argumentum ab instituto Legis evidentissimum est; ut ostendatur ne per Legem quidem licere cuiquam legales illas ceremonias cum Evangelio Christi confundere. Quod ut commodius intelligatur, in syllogismum revocabimus mutato versuum ordine; deinde si quæ partes declaratione opus habere videbuntur, eas explicabimus. Hæc igitur est argumentatio: *Quorum animalium sanguis inferitur pro peccato, in sacrarium ipsum per summum Pontificem, eorum corpora exuruntur extra castra, neque jus edendi ex eis habent qui tabernaculo deserviunt*, versu 11. *Habemus autem altare ejusmodi*, putà altare sacrarii illius cœlestis, quò agni illius immaculati sanguis illatus est pro peccatis nostris, versu 10. Hujus ergo agni pretiosi corpus, aut etiam (si magis placet) de carne ipsius edendi jus non habent, qui tabernaculo ipsi ex Lege deserviunt. Hinc autem planè sequitur utrumque: tum nos, qui acquiescimus sacrificio Christi, ut cujus sanguis in sacrarium illatus est & corpus elatum foras, non habere jus doctrinæ variæ aut ceremonias Legis adhibendi: tum Judæos & quicumque Tabernaculo illi priori hæerere volunt, non habere jus edendi de hoc altari, id est, de sacrificio illo quod semel oblatum est Deo & Patri

Coloss. 2.

Patri ad abolitionem peccatorum nostrorum. Majorem demonstravimus Parallelo aliquo diagrammate, si ad locum unum aliquem respexisset: sed quia plurimum est locorum *artificiosus*, non placuit unum aut alterum cum hoc comparare; quandoquidem communis est, ac non singularis, locorum aliquot accommodatio. Minorem demonstravit supra Apostolus, quum de sacrificio & sacerdotio summi Pontificis nostri diceret. Optimè igitur argumentatio hæc ex rebus antè sanctitatis autoritate Legis, & suprà in Epistola hac probatis concluditur. Verumtamen quia dixerat Apostolus eorum corpora exuri extra castra, ac proinde nemini jus edendi de illis esse: arripiens occasionem hanc, ex hoc ipso signo, velut proprio & destinato typo ad præfigurandum Christum, & perpeffiones ipsius (ut quosdam proprios & singulares typos esse præscriptos Lege, Parallelo 24. libri primi antè ostendimus) demonstrat Apostolus Jesum Christum, qui nostrum sacrificium est, secundum id quod Lex præfiguraverat, *extra portas urbis* Jerosolymorum *eductum esse*; ut eo signo, quod Lex præstituerat, amplius confirmemur, ipsum esse verum illum Agnum qui in verum sacrarium pro peccatis nostris sanguinem suum intulerit; eodémque signo evincantur adversarii, vel minimis in rebus Legem a Christo completam esse. Quòd fides & observationes etiam leviusculas, ut videri possunt, in suis perpeffionibus observavit: multò magis res gravissimas & momenti maximi ab ipso implere esse: Cujusmodi est sanctificatio populi per sanguinem ipsius. Quamobrem sapientissimè utrumque Apostolus versu 12. conjunxit, dicens; *Quapropter etiam, nempe quia Lex jussit, ut quorum sanguis infertur pro peccato in sacrarium per Pontificem, eorum corpora exurantur extra castra, etiam Jesus extra portam civitatis passus est, ut sanctificaret populum proprio sanguine*, id est, ut eo signo testificaretur, se ipsum esse sanctificatorem nostrum: quod opus (ut essentia majestatisque proprium esse Deus sapè pronunciat, Levi. 22. & alibi. Atque hæc quidem interdicti enarratio simplicissimè in hunc modum se habet, judicio meo. Ex postrema autem clausula ipsius argumentum sumens author, transitionem facit ad secundum genus sanctorum exercitiorum; & in hortatione hac partes ipsius doctrinae, in qua Ecclesiam opus est occupari, percurrit commodissimè. Nam primum hortatur ut Christum præeuntem sequamur & neglectis omnibus afflictionibus ad ipsum contendamus, versu 13. Secundò, ut Deo sacrificium laudis, versu 15. Tertiò, ut proximis sacrificium beneficentiae & communicationis, versu 16. Postremò, ut pastoribus ductoribusque nostris præstemus obsequium, tamquam ad officia antegressa prælucentibus, versu 17. Primus doctrinae locus est de *sequendo Christo*; qui modum continet Christianis omnibus communem, nempe ut opprobria, afflictionibus, & cruce cum Christo communicent. Causa adjicitur proxima; respectu nostri, versu 14. quòd *non habemus hinc manentem civitatem, sed illam quæ futura est nobis inquirimus*: In eam autem pervenit Christus foras exiens: Adeum igitur exire necessarium est, & omni opera contendere, ut apprehendamus ipsum. Secundus locus, de *sacrificio laudis quod exhibemus Domino*, ita est evidens, ut nihil ad explicationem ejus opera nostra possit accedere. Nam argumentum est commune & in Ecclesia vetere jam olim receptum, ut vel Davidis testimonio Psalm. 51. & Osee 14. manifestum est. Tertius locus de oblatione (ut Paulus vocat 1. Cor. 16. & 2. Cor. 8. & 9.) vel *sacrificio beneficentia*



*de communicatione* cum Sanctis, nihil obscuritatis habet; tantum causa officii illius observanda est, quod talibus sacrificiis oblectatur Deus. Ostendit enim Apostolus nos propterea beneficos & κοινωτικὸς esse oportere, quod officium hoc Deo sit acceptum; non autem quod ratione hac quicquam apud ipsum promereamur, aut nobis ipsi possimus acquirere. His duobus sacrificiis, quæ nobis sanctificavit Christus, succedit tertium vetu 17. ut nos ipsos sistamus ductoribus nostris, tamquam ministris voluntatis Dei, sanctoque obsequio eis pareamus secundum Deum tamquam Domino, a quo vocati sunt ad dispensationem mysteriorum ejus. Ac primum quidem in hoc exercitamento proponitur mandatum; deinde causæ illius adferuntur. Mandatum est, ut *pareamus* & quidem cum summisione tamquam præfectis a Domino. Causæ ponuntur duorum generum: Nam aliæ communes sunt, aliæ singulares. Communes sunt, quæ relationem habent inter ductores & eos qui ducuntur; cujusmodi sunt istæ. Prima a vocatione; quod illi *ducunt*, nos ducimur ex vocatione & instituto Dei secunda, ab opere vocationis; quod illi *vigilant pro animis nostris*, & animæ nostræ ministerio illorum passæ secum degunt in caula Domini. Tertia a consequentibus, quod illi *ratione redduntur sunt* dispensationis suæ; nos verò testes illis futuri, & quasi corona ipsorum; ut Paulus loquitur. Singulares causæ sunt duæ; una a persona ipsorum; ut *cum gaudio hoc faciant* quod ipsis commissum est, non autem gementes, id est, voluntario & hilari animo distribuunt talentum quod a Domino acceperint; quam ad rem plurimum gregis sui obsequio & studio adjuvantur. Altera causa est, a persona eorum ad quos servi Dei missi sunt; quod *inutile ipsis est*, si quando ductores a Deo præfecti gementes funguntur vocatione sua; neque id solum inutile, verum etiam plerumque damnosum: quem tamen eventum de industria reticet Apostolus, tum quia semper bene sperari jubet de animo servorum Dei in ministerio: tum verò, quia in sermonibus ejusmodi præstat *κατὰ διανοησιν* ea mala quæ graviora sunt, sic dissimulare, ut verbis tamen levioribus innuantur. Reitat jam tertium exercitamentorum genus, de precibus, tum privatim, tum etiam publicè in Ecclesia habendis pro servis, quos ad ministerium Evangelii vocavit Deus. Hoc autem exercitamenti genus etsi universè pro omnibus piis Pastoribus privatim publicèque colendum est: Apostolus tamen, hortationem hanc speciatim accommodat Ecclesiæ in personæ suæ causa, ut eadem opera & subventionem precum Ecclesiæ compararet sibi, & aliis idem officium præstandum ostenderet, quum ait: *Orate pro nobis*. Hujus verò exercitamenti quod imperatur Ecclesiis, duæ adferuntur causæ; prior est testimonium *bonæ conscientie*, cum in vita tum in administratione sua. *Persuasi enim sumus*, inquit, *nos bonam habere conscientiam*; cujus bonæ conscientie indubitatum est argumentum, quum pii & fideles ministri dant operam diligentissimè, ut inter omnes, sive in rebus omnibus, honestè converſentur: cujus rei studium semper sibi adfuisse author profitetur. Posterior causa est versu 19. ab Ecclesiarum commodo, quarum precibus servi Dei restituti fuerint beneficio ejus, & è faucibus leonum liberati (ut idem alibi loquutus est) ad commodum & adificationem Ecclesiæ in fide. Quem orationum Ecclesiasticarum finem Apostolus expressit his verbis, *ut caloridè, vestimur vobis*, putà ad communem consolationem percipiendam apud ipsos per mutuam fidem, ipsius inquam Apostoli, & Ecclesiarum percipi-

percipientium doctrinam ejus : Quem eundem finem copiosius expressit Apostolus Epistolæ ad Rom. capite 1. Arque hæcenus de usu officiorum Christi, in quo Ecclesiam a Christo redemptam sese religiosè opus est occupare.

20 Deus verò pacis, qui eduxit ex mortuis magnum illum Pastorem ovium, *instructum* sanguine Testamenti æterni, Dominum nostrum Jesum,

21 Perficiat vos in omni opere bono ad præstandam voluntatem ipsius, efficiens in vobis quod acceptum est in conspectu ipsius per Jesum Christum; cui sit gloria in secula seculorum, Amen.

22 Hortor autem vos fratres, sufferte sermonem exhortationis: Etenim brevibus scripsi vobis.

23 Scitote fratrem Timotheum solutum esse; cum quo, si celeriter venerit, visurus sum vos.

24 Salutate omnes duces vestros, & omnes sanctos. Salutant vos Italici.

25 Gratia sit vobiscum omnibus. Amen.

**H**is paucis versibus conclusionem Epistolæ totius instituimus: cujus conclusionis partes, ut summatim dicamus, hæ sunt; præcatio, narratio, & salutis dictio. Precatio duplex est; una ad Deum versu 20, & sequente; altera ad Hebræos versu 22. pertinens. Preca-tionis, qua apud Deum utitur Apostolus, tria membra observanda sunt; Fundamentum precationum, ex antecedente argumento hujus Epistolæ, versu 20. Summa precationis, bona parte versus 21. & finis ejusdem, altera parte versus. Fundamentum precationis, secundum essentiam unum est, Deus Pater, Filius & Spiritus sanctus: secundum personarum verò distinctionem, & sanctissimam illam œconomiam salutis nostræ, duplex hoc loco ponitur, Pater, & Filius: quæ personæ duæ cum Spiritu suo Paraclete in piis operentur, eumque in æternum spirent, nulla ratione ab eodem Spiritu divelli possunt. Etsi hoc loco Spiritus reticetur; tùm quia necessariò comprehenditur, quamvis dissimulato nomine ipsius; tum verò quia breviter voluit Apostolus in summam unam contrahere illa Dei Patris & filii beneficia, quæ suprà rota hæc Epistola fuerunt proposita. De Patre enim prædicantur duo: unum, quòd Deus est pacis, ut qui pacem inivit nobiscum, eamque colit sanctissimè in filio dilectionis suæ: Alterum, quòd filium suum eduxit ex mortuis, ut accepto illius sacrificio, & omni administratione in ipsum quasi translata manu illius, tamquam pastoris nostri, in pace ageremur. De Filio verò eadem prædicantur, quæ suprà in Epistola hæc perscripta sunt, officia. Nam primùm Propheta noster & quidem maximus appellatur, deinde sacerdos, postremò autem Rex & Dominus a Patre constitutus. Prophetæ officium his vocibus describitur periphraстикè, quum *magnum ovium Pastor* appellatur, ut qui gregem suum pascit salutare verbo, eodemque veluti sceptro regit ad vitam æternam. Sacerdotis officium ostendunt illa, quibus maximus ille ovium Pastor dicitur *instructus sanguine Testamenti æterni*, id est, in sanguine suo, quo redemit Ecclesiam suam, tamquam recente adhuc & vivo, opus sacerdotii perficere, nos Deo & patri reconciliare, viamque in sacrarium illud cœleste nobis dedicare (ut supra 10. 20. loquutus est) qua per eum in cælum

cælum ingrediamur, donumque vitæ æternæ percipiamus legatum nobis Testamento ipsius. Regia verò ipsius dignitas communi illa *Domini nostri* appellatione asseritur. Atque hæc tria certissima fundamenta sunt petendorum, expectandorum, & percipiendorum omnium beneficiorum Dei. Quapropter eis commodissimè subiecit author sequente versu postulatam suam: in quo summam duo comprehenduntur, quæ Deum præstare in suis necesse est: nempe piorum perfectio, constitutiq; commoda ad omne bonum opus: & modus illius. Ad piorum perfectionem in omni bono opere, non solum id necesse est, ut convenienter aptati sint & constituti ad omne bonum opus præstandum foris; verumetiam ut bonum finem in suis operibus præstandis habeant, sine quo fieri non potest, ut ullum opus bonum esse possit. Ad ad bonum quidem opus pios magis ac magis comparari virtute Dei postulat illis verbis, *Perficiat nos in omni opere bono*. Finem verò demonstrat illis, *Ad faciendam voluntatem ipsius*. Modus autem rerum istarum æquè a Deo proficiscitur. Nam Deus est qui efficit ut velimus, & ut perficiamus pro bona voluntate sua, & dat ipse quod jubet, ut Augustini utamur verbis: sed ita tamen, ut quemadmodum in fundamento petitionis hujus, Patris opus ab opere Filii distinctum fuit in sanctificando consummandoque mysterio redemptionis nostræ; sic etiam distinguatur in sanctificatione nostra. Pater enim is esse dicitur tãquam author vel causa prima, qui *facit in nobis quod placet sibi & in conspectu suo*: Filius verò is esse dicitur, per quem pater velut Mediatorem, omnia hæc in nobis perficit. Unde sequitur finis ille summus, quò omnia cogitata, sermones, & actiones nostras oportet contendere, quum ait Apostolus: Cui nimirum Patri & Filio cum Spiritu sancto, *sit gloria in secula seculorum, Amen*. Nam ut a Dei gratia omnia illa profluunt quæ piis promittuntur; sic ad Dei gloriam, cujus causa efficiuntur maximè, referri necesse est. Altera precatio ad Hebræos respicit versu 22. qua monet ipsos, ut sustineant sermonem exhortationis, & se æquo animo patiantur erudiri sacris concionibus, oburgationibus, reprehensionibus, & omne genus admonitionibus in Domino. Cujus rei causa est finalis, piorum emendatio & salus: occasionem verò singularem exponit Apostolus quum inquit, *Et enim brevibus scripsi vobis*, nimirum exhortationis, qua habetis opus, argumentum: tamquam si diceret, Non placuit mihi, nec volui multus esse longiore Epistola, & copiosiore sermone ad hortationes pertinentem: tum ne vobis molestius essem, lōgitudine scripti: tum verò quia hoc officium ad quotidianas hortationes sacrarum concionum putavi pertinere: ac propterea cōfidens doctoribus vestris, eos strenuè atque diligenter facturos officium, & pro certo habens, eos in hac re jam religiosissimè versari; id tantum a vobis peto ut quod officium hac Epistola non præstiti, quia illi faciunt, id officium ab illis pari reverentia ac religione suscipiatis, ut si a me coram sermone, aut etiam Epistola hac proficisceretur. Secunda pars conclusionis, brevis narratio est & sponsio. Narratio est, *fratrem Timotheum solum esse sponsum*, Apostolum, *cum ipso venturum ad Hebræos, si quam primum veneris*. Hic verò duplex oritur quæstio. Nam primum, quia nusquam legitur Timotheus fuisse captivus Romæ, quo tempore Paulo adfistebar, quæritur quid sibi hæc narratio velit Timotheum solum esse: deinde verò quæritur, quomodo Paulus Romæ victus hanc Epistolam dicatur conscripsisse & spem fecisse Hebræis adveniens sui. De priore ut dicamus paucis, falluntur

sanè



sanè qui vocem Græcam ἀπολύειν, aut Latinam *solvi*, non aliter putant posse accipi, quàm de liberatione a vinculis. Nam dicunt etiam Græci ἀπολύειν τῆς μίμης, pro eo quod est absolvi a criminatione etiā domestica & privata, sine cognitione vel accusatione forēsi. Cùm itaq; verbum illud homonymas a Græcis enuncietur, id potius videndum fuit, qua significatione hæc vox commodè hoc in loco exponi possit, ut cùm veritate historię consentiat. Ac de Timotheo quidem, utrū fuerit in vinculis alicubi (nam Romæ in vinculis fuisse hoc loco minimè dicitur:) An verò aliqua insigni criminatione aspersus a malitiosis Satanz administris, ut ferè fit; cū ex Scripturis aliquid costare non meminerim; non possum faciliè statuire: Etsi proprietatem Græcæ linguæ si observaveris, probabilius est ex vinculis solutū dici; quia hoc verbum absolutè non legitur in altera illa significatione. Verumtamē, suum cuique iudicium per me liberum esto. Quòd si ex aliorum locorum comparatione fas est conijcere, crediderim eo tempore Timotheum in vincula incidisse, quum Paulus Roma Timotheum misit, qui Asiaticas Ecclesias confirmaret, statimque earum cognosceret ad Paulum relaturus, ut ipse scribit Philipp. 2. 19. Cū enim Timotheus forti animo præditus esset, qui germanè curaret res Ecclesiarum, ut ibidem loquitur Apostolus; credibile est, quemadmodum non fuit segnis in opere Domini, ita non fuisse segnem Diabolum in opponendis impedimentis fori huic athletæ Christi. Neq; mirum cuiquam videri debet, si aut a Luca in Actis Apostolorum, aut a Paulo alibi non est injecta horum vinculorum mentio. Nam Lucas res tantum describit Apostolorū, ac præcipuè Pauli, gestas; & ante hæc tempora finem fecit historię suę. Paulus verò hanc postremā scripsit Epistolam ad Hebræos, ut eos armaret adversus gentis suę criminationes, iudicio meo; & velut cygneū melos, reliquit hoc scriptum in Ecclesia Christi. Deinde credibile est diuturnam illius in vinculis non fuisse moram; ac proinde tam celerè fermè fuisse nuncium de liberatione, quàm de vinculis & captivitate ejus. Altera quæstio, quomodo Paulus hanc Epistolam conscribens Roma, spem facere potuerit adventus sui, solvitur simili ad Philip. loco, quum inquit secundo capite: *confido in Domino, me quoque citò venturum ad vos.* Quamobrem nullius momenti videntur mihi argumenta esse, quibus nonnulli adducti sunt, ut hanc Epistolam negarent Pauli germanam esse; cū hæc omnia & rerum veritati, & temporum circumstantiæ, & reliquæ Scripturæ convenient commodè: Neque hic solum Timotheus a Paulo appelletur *frater*, sed etiam in multis aliis Epistolis, nisi quum ad ipsum scriberet. Restat salutis dictio, tū a Paulo, tum a fratribus *Italicis*, id est, non iis solum qui Romæ commorabantur, verum etiam iis qui ex Italia tota Paulum salutaturi veniebant Romam; tamquam si dixisset, a cismarinis hominibus. Atque hæc salutis dictio ad omnes ut perveniret, Paulus certo consilio utitur enumeratione partium, quum dicit: *Ductores vestros, & omnes Sanctos*, id est, Pastores & oves de grege Christi. Atque hæc salutatio fausta precatione concluditur, *Gratia sit vobiscum omnibus, Amen.* Etiam atque etiam, Amen.

# SACRORVM PARALLELORVM APPENDIX.

*Ex Epistola Jacobi.*

## PARALLELUS PRIMUS.

Levit. 19.

13 *Diliges proximum tuum, sicut te ipsum.*

Jacobi 2.

8 Siquidem legem Regiam præstatis secundum scripturam, Diliges proximum tuum ut teipsum; bene facitis.

**E**ST quidem illius sententiæ, quam Deus imperavit Lege, finis & argumentum evidens: sed accommodatio, qua Jacobus hoc loco utitur, paulò obscurior est, nisi quodammodo ratio illius exponatur. Ac finis quidem est, ut inter sanctos, & in Ecclesia maximè, tollatur omnis prosopolepsia sive personarum acceptio, non solum re ipsa, verum etiam specie & apparentia, ut vulgò loquuntur. Summa verò, eos qui secus faciunt, venire contra Legem atq; ab ea, ut transgressores, redargui. Hoc argumentum ut probet Apostolus utitur loco a genere (ut Logicorum more dicamus) contrario, & argumentatur in hanc sententiam: Qui non diligit proximum suum ut Lex præcipitur, is peccatum committit, & ab ea redarguitur. Lex autem proximum jubet diligat quisq; ut seipsum, id est, sine personarum acceptione ulla eum prosequatur eodem amore, quo nos ipsos natura duce prosequimur. Qui ergò proximum suum ita non diligit, is peccatum committit, & Lege Dei redarguitur. Elegans verò epitheton illud est, quòd Lex illa, regia Lex ab Apostolo nominatur; sive (ut vetus interpret reddidit) regalis. Nam etsi alii, ut Syrus Interpres, Regiam Legem accipiunt ab efficiente causa, quia a Deo Rege nostro lata est (hoc autem modo omnes Leges a Deo latæ tam dicendæ sunt Regiæ, quàm hæc a Deo dicitur) Alii Regiam Legem appellari statuunt ut viam Regiam, id est, omnibus patentem viam Regiæ instar: atque in hunc modum via Regia Num. 21. 22. appellatur. Omnino tamen crediderim, bona omni pace, Legem potius Regalem eo appellari, quòd Regio fermè spiritu, id est, forti & constante animo a piis omnib. præstari debeat, tamquam Lex digna regalibus ingenis. Quo argumento ait Solomo Proverb. 30. tria benè procedere, imò quatuor benè ambulare: veterem Leonem, equi dossuarium, caprum, & Regem, in quem nemo ausit insurgere. Nam pari animo hominem oportet instructum esse qui ἀγερω πολλήν πλῆθος in hac senescentis mundi colluvie ambulare velit. Hæc interpretatio mihi quidem plus cpm argumento habere videtur convenientiæ.

PARAL-

## PARALLELUS II.

*Jacob. 2.*

21 Abraham Pater ille noster, nonne ex operibus justificatus est, quum obtulit Isaac filium suum super altare ?

22 Vides fidem operatam fuisse cum operibus illius, & ex illis operibus fidem fuisse consummatam ?

*Gen. 15.*

6 Credidit autem Abraham Deo, & imputavit hoc ei ad justitiam.

23 Et impletam esse eam Scripturam quæ dicit, Credidit autem Abraham Deo, & imputatum est ei ad justitiam, & amicum Dei vocatum esse.

24 Videtis igitur ex operibus justificari hominem, ac non ex fide tantum.

25 Similiterque etiam Rahab illa meretrix annon ex operibus justificata est, quum excepit nuncios, & alia via emisit eos.

Cum de veritate utriusque hujus historię inter omnes conveniat, neque ullo pacto discedere videatur ab iis Apostolos quæ in Testamento vetere perscripta sunt; non sumus hoc loco de historię comparatione dicturi quicquam: sed quia ab his exemplis quæ ad doctrinam nostram scripta sunt, Eruit Apostolus documentum istud; Abraham & Rahab ex operibus justificatos esse; quod in utraque historia non fuit expressè dictum: paucula tantum annotabimus; acquiescentes iis quæ & sancti Patres, & homines nostris sanctè doctæque de hoc argumento tradiderunt. Tria igitur summatim adferemus, ut veritatem hujus loci melius assequamur; primum est, quid in quæstione sit: secundum, quæ media ad quæstionem exponendam adhibeantur: postremum, quid conficiatur ex iis mediis quibus Jacobus utitur. Quæstio est versu 14. quæ sit utilitas, si quis licet fidem habere se, opera verò non habeat: id est, non hic quæritur de Christiana fide absolutè, ut est donum Dei habituale, vel habitus donativus in nobis: non item relatè, id est, prout vera fides necessariam cum operibus fidei relationem habet; neq; ab eis divelli potest: non item comparatè, id est, prout arbor cum fructu interdum comparari solet, & de utraque distinctè dici: sed de fide hoc loco quæritur oppositè, hoc est, ita ut fides separatim itémq; separatim opera, tamquam separata duo subjecta, in quæstionem veniant, & alterius cum altero fiat comparatio secundum effecta ipsius. Hæc ita se habere ostendit exemplum hypotheticum, versu 15. & 16. deinde verò contentio elegantissima versu 18. quum Jacobus ait, *Tu fidem habes & ego opera, ostende mihi fidem tuam absq; operibus tuis*, &c. deinde versu 19. per distinctionē homonymiæ quæ est in verbo *Credere*, & nomine *Fides*, ad quam homonymiam optimè allusit Augustinus dicens: *Fidem sine operibus, fidem esse Diaboli: fidem conjunctam operibus fidem Christiani*. Hanc igitur quæstionem postquam duobus argumentis antea solvisset, quæ modò indicavimus; omissis rationibus, quæ tamen apud homines valere debent, transit Apostolus ad auctoritatem

Scripturæ,



Scripturæ, dicens versu 20. *viu verò nō esse, 6 homo vane, fidem quæ est abs- que operibus mortuam esse?* Deinde suam illam propositionem duobus mediis confirmat; Abrahami sanctissimi credentium Patris, & (ut ampli- or peccatoribus sit consolatio) Rahabæ meretricis. De Abrahamo in- quit vers. 21. *Abraham ex operibus iustificatus est, quum obtulit Isaac filium suum super altare:* tamquam si diceret, hanc utilitatem ex operibus suis habuit (ut duobus versibus sequentibus concluditur) quòd fide ipsius in eum modum operante cum operibus ipsius, quorum radix est fides, fuit tum consummata perfectaque, id est, in usum justum perducta & palàm testata ac demonstrata fides illis operibus, & completa est Scriptura illa quæ dicit, *Credidit Abraham Deo, &c. & amicus Dei vo- catus est.* De hac autem utilitate fidei ita statuendum est, aliam esse utilitatem fidei, quum absolutè respicitur; Aliam, quum relatè: sed nullam esse, quum oppositè appellatur fides. Quæ est utilitas absolutæ fidei? quòd per eam Christum prehendimus & in eodem iustificamur fide. Quæ utilitas relatæ? quòd gignit bona opera, et quæ coram ho- minibus cum sui ipsius veritatem, tum hominis cui inest iustitiam ex fide testatam facit, & (ut Apostolus loquitur) seipsam ostendit ex su- is operibus. Horum verò neutrum præstat illa fides, quæ operibus fi- dei opponitur: quia non est id quod fides, sed esse dicitur per homony- miam vocis. Optimè autem Apostolus a relatæ fide argumentatur, ad eam evertendam quæ per oppositionem appellatur fides. Nam cum illius fidei per oppositionem dictæ nulla sit utilitas, neque apud De- um, neque apud homines; fidei autem relatæ, de qua hic agitur, sua sit utilitas & apud Deum, & apud homines: necessarium est, ut ea fi- des quæ suas utilitates habet, vera dicatur fides; & illa repudietur quæ utilitate caret. Cum autem relatæ fides; qua ad Deum Patrem respicit in Christo, citra contemplationem operum nostrorum nos iustificet coram Deo; qua autem gignit opera, nos iustificet coram hominibus, id est, ostendat se iustam fidem esse, & nos ex ipsa iustos in Christo Jesu: omninò verum est quod dicit Apostolus; Abraham ex operibus iustificatum esse, non oppositè, ita ut tollatur fides; sed re- latè, ita ut fides apud eum iustificet qui fidem videt: opera verò apud eos iustificent, in quorū oculis exposita sunt. Nam alioqui rei imperfe- ctæ perfectæ non potest esse efficacia; Opera autem nostra imperfecta sunt, quamvis purissimi hominis: Ac propterea perfectam illam iustifi- cationem, qua iustificamur gratis coram Deo, conferre in solidum aut ex parte non possunt; sed eam solus Christus sibi vindicat, & nos in Chri- sto solum fide percipimus. Perinde igitur est atque si diceret Apосто- lus: Abraham pater ille noster jam olim fide iustificatus coram Deo, postea ex operibus fidei iustificatus est, quum filium suum obtulit, &c. Quamobrem, ut hæc opera oppositè non esse accipienda osten- deret, subiicit *ixbion* vers. 22. & sequente, tamquam si diceret: Illi ho- mines qui sibi blandiuntur inani specie & appellatione fidei, iniquè oppositionem faciunt fidei & operum, cum hæc duo nulla ratione di- velli possint. Nam fides est principium operationum omnium, in singu- lis operibus bonis, & in omnibus piis cum operibus ipsorum agens; & vicissim piorum opera sunt complementa, id est, iusti & maturi fructus illius fidei, quæ per charitatem & opera bona operatur. Ex hac autem fide per opera bona seipsam explicante, duo illa encomia ad fideles quosque perveniunt, quæ de Abrahamo prædicantur vers. 23. unum, quòd

quodd fides illa coram Deo, quæ imputatur ipsis ad iustitiam, impleri dicitur, hoc est, amplius complementum sui ostendere. Alterum, quodd illi sententia Dei pronunciantur esse amici Dei: id est, prout suam fidem magis ac magis testatam fecerunt operum bonorum complemento, sic Deus amicitiam illorum (nempe qua Deum amant & colunt) in lucem proferre dicitur, adeò ut huic ipsorum iustificanti fidei non modò opera ipsorum, verumetiam gratiosæ Dei testificationes coram omnibus hominibus attestentur. Sic iustificantur operibus; dum hæc testificantur eorum fidem, qui operam dant bonis operibus: ac proinde utriusque, puta fidei & operibus ex fide, Deus perhibet testimonium. Nam eò respexit Apostolus, quum diceret Abrahamum amicum Dei vocatum esse, id est, ita probatum fuisse Deo amorem illius quo Abraham diligebat ipsum, ut palàm testificatus sit Deus religiosum illud studium amoris in se: quemadmodum a Mose narratur dixisse Dominum, *Per me iuravi, dictum Jehova, eo quodd fecisti rem hanc, neque subtraxisti filium tuum, unicum tuum, &c.* id est, magis me, quàm filium tuum amavisti; adeò ut eum audita voce mea & mandato meo paratus fueris inacquare, ratiocinatus me vel ex mortuis eundem excitare posse. Ex huius exempli propositione infertur illa conclusio versù 24. nempe, ut Abraham iustificatus est, ita homines iustificari: Abrahamum ex operibus iustificatum esse, & non ex fide tantum. Ergo etiam homines reliquos: Iustificari autem secundum naturam præmissarum propositionum, ut amplius concluditur in versu ultimo. Eodem quoque pertinet alterum exemplum meretricis illius Rahab: quo Deus idem argumentum amplius voluit confirmari, ut peccatores videant quanta sit Dei misericordia in eos, qui per fidem ex animo respicientes bonis operibus studuerint. Ex his exemplis per inductionem quamdam Rhetoricam, ne plura adducerentur, Apostolus paralepsi utens similitum exemplorum, quæ sunt innumera, optimè statuit & concludit ex antecedentibus mediis, Christianum hominem iustificari & coram Deo fide, & coram hominibus operibus bonis quæ progignit fides. Iustificari autem primùm fide, quæ imputatur ipsi ad iustitiam perfectam & absolutam coram Domino; deinde verò operibus fidei, quæ præstantur secundum imperfectam illam & inchoatam in nobis iustitiam, sanctificationemque nostram, non coram Deo perfecto iudice, sed coram hominibus, fidem electorum ex operibus & iustitiam ex fide animadvertentibus. Nam pro eo quod licentiosi illi præcones fidei suæ, qui oppositione inter fidem & opera statuebant, gloriabantur iniquè de sua illa fide; Apostolus contra fidem relatè considerari demonstrat oportere: ut non solum Deus radicem videat, sed homines quoque arborem ex fructu possint cognoscere, & quisque pius, qualis sit, ex fructibus vitæ ostendere. Quapropter optimè concludit Apostolus in versu ultimo, *sicut corpus absque Spiritu mortuum est, ita etiam mortuum esse fidem illam quæ est absque operibus*: tamquam si diceret; quemadmodum relatio est inter corpus & Spiritum, omnino necessaria, secundum personalem unionem in unoquoque homine; ita in unoquoque Christiano & fidei, relationem esse realemque unionem inter fidem & opera ipsius. Fidem enim vitalem esse in singulis piis, ut quæ prehendam Christum qui vita est nostra: Vitam verò illam quæ est ex fide, non esse futuram verè vitam, si in operibus vitæ illius, qua vivimus credentes, non occuparetur. Quod autem querere aliquis posset: Cur ergò non dica-

dicat potius Apostolus opera absque fide esse mortua, ut comparationi instituta respondeat corporis & spiritus? Facilis est responsio. Non enim argumentatur Apostolus in hoc simili, a rerum singularum, & proprietatum quæ sunt in eis comparatione; sed potius ab exemplo unionis personalis, realem unionem statuit fidei & bonorum operum: Ex qua concludit, fidem mortuam esse absque operibus; quia hic disputatur adversus eos, qui justam esse hominis Christiani fidem, etiã sine operibus bonis prædicabant, seque pro fidelibus viris, & Christianis venditabant. Nam alioqui ea opera quæ hominibus videntur bona, vel quæ secundum hominem bona appellantur, si Apostolus hoc loco fuisset criminatus, verum quidem dixisset; sed nihil ad causam quæ agitur. Etsi nemo pius est, qui dubitet bonorum operum, quæ verè bona sunt, formam esse duplicem, internam, & externam. Formam internam fidem esse, sine qua nec ipsi Deo placere possumus, nec opera nostra coram Deo accipi: Externam verò, quæ vulgò justitia humana dicitur, tum demum bonam esse, quum ab interna proficitur formaturque: Sin autem interna careat, videri quidem hominibus justitiam; sed non esse: ut mortui hominis corpus, quod formam quidem externam habet, internam verò minimè, non aliter quàm æquivocè homo dici potest. Sic ergò imprimè concludit Apostolus, fidem sine operibus non esse fidem, sed tantum dici: fidem verò conjunctam operibus esse & dici revera fidem, atque ab hominibus pro fide agnosci: quæ coram Deo tamen est & censetur fides ad justitiam, etiam citra operum, quæ homines vident, contemplationem.

## PARALLELUS III.

Num. 11.

29 Dixit autem Moses illi, an invides mea causa? o si daretur totum populum Jehovæ Prophetas esse, &c.

Prov. 3.

34 Derisores Jehovæ deridet, humilibus autem dat gratiam.

Jacobi 4.

5 Aut putatis inaniter Scripturam dicere? Ad invidiam concupiscit Spiritus ille qui habitavit in nobis?

6 At majorem dat gratiã: propterea dicit, Deus superbis resistit, humilibus verò dat gratiam.

**E**ST quidem finis & summa hujus argumentationis evidens ex ea propositione, quam tribus primis versibus hujus capituli Jacobus instituit: Sed in locorum accommodatione, ad quos respexit quum has Scripturæ autoritates adduceret, variant sententiæ; cum propter diversitatem orationis a stylo communi Testamenti veteris, tum propterea quòd non facillè videtur extare locus, qui cum illo priorè comparari possit. Mihi verò, ut omnia præjudicia mittam, videtur Apostolus contra illam humanam & diabolicam invidiam, duos Scripturæ locos, duplicemque argumentationem ex eis attulisse. Prior locus (nisi me conjectura fallit) ex hypothesi vel exemplo singulari sumtus est: posterior thesin complectitur vel generale documentum. Hypothesin ex responsione Moysi ad Josuam ductam esse judico. Nam quum iniquè ferret Josue, duos illos seniores populi, Eldad, & Medad, in



in castris prophetare, & apud Moſem inſtaret, ut eos ab illo prophetandi officio intercluderet; Moſem reſpondiſſe legimus, *An invidet mea cauſa?* &c. ut in Parallelo diagrammate poſuimus; tamquam ſi diceret: Communis eſt ille Spiritus, qui in utroque noſtrum & in aliis Dei ſervis habitat, tum ad ſingulorum regenerationem, tum verò ad dona illa Prophetiæ ſingularia, & ad communem ædificationem omnium. An verò putas Spiritum illum habitantem in nobis, concupiſcere ad invidiam, id eſt, eundem Spiritum & ad bonum ædificationemque fratrum fuiſſe datum, & ad malum ac deſtructionem ipſorum? quò ſpectat invidia. Imò verò tantum abeſt, ut vel privata mea ipſius cauſa, vel cuiuſquam alterius, ad invidiam abſcipiam, aut Spiritus ille Propheticus eò deducat me; ut contrà nihil tantopere exſpectam ſublata omni invidentia, quàm ut ſinguli, qui in populo Jehovæ ſunt, eodem Spiritu inſtructi prophetare poſſint. Hæc ſententia eſt illorum verborum, quibus Jacobus utitur & Moſem interpretatur, dicens; *An concupiſcit ad invidiam Spiritus ille qui habitat in nobis?* Sic enim verba Jacobi accipio erotematicè: deinde ex contrario ſubjicit; Imò verò, tantum abeſt ut ad invidentiam concupiſcat, ut contrà majorem dec gratiam, id eſt, profundat hilariter & liberaliter citra omnem invidentiam ea dona, quæ gratis a Deo accepit, Deumque, a quo omne munus bonum & perfectum donum ſupernè deſcendit, imitatur: Is enim omnibus dat benignè, nec ulli exprobrat; ut antè capite primo docuerat, & ſequentis loci autoritate confirmatur. Quum enim Jacobus, inquit, dicere Scripturam: *Deus ſuperbis reſiſtit, humilibus verò dat gratiam*, in hanc ſententiam argumentatur: Qualis Deus eſt, tales nos oportet eſſe: Deus autem humilibus eſt gratioſus: Nos ergo etiam oportet eſſe gratioſos, & quam gratiam ab eo accepimus, eandem grato animo cum aliis communicare, nec ulli invidere. Ceterum in hac locorum parallela comparatione, videtur plurima eſſe mutatio, ſi ad hæc verba reſpexeris, & ad ea ſimul quæ leguntur in Teſtamento vetere, ut palàm eſt diagrammate. Sed non eò minùs putandum eſt Scripturæ adduci locos, ſi quando aut verborum, aut argumentationum modus mutatus eſt; modò in ſumma ſubſtantiæque rei juſta ſit convenientia: quemadmodum antè in libro 1. Parallelo 5. oſtendimus. Nam plurimum accidit, ut aut locorum & argumentorum ratio mutari aliquid poſtulet ad evidentiam, aut partem ſolùm aliquam excerpti, præſertim ſi totius loci perſcriptio obſcuritatem eſſet allatura. Hoc verò futurum fuiſſe, ſi totum Moſis locum Jacobus adduxiſſet, tam certum eſt, quàm quod certiffimum. Deinde verò longiore ſermone fuiſſet opus; quia poſita illa hypotheſi, fuiſſet poſtea ad theſin veniendum; & argumentum accommodandum ſermoni inſtituto: quæ res non adjuviſſet, ſed implicaviſſet magis animos legentiùm. In altero autem loco nihil nocet, quòd LXX. interpretationem Jacobus ſequutus eſt. Nam primùm eadem eſt ſententia planè, quamvis differentibus a Salomone verbis: deinde, etſi duodecim tribubus diſperſis apud Gentes ſcribebat; tamen duo ſpectavit, quæ in Epiſtolam ad Hebræos, jam ſuprà attigimus; nempe gentiles ſuos peritiores per illud tempus Græcæ linguæ quàm Hebrææ fuiſſe; & præterea ſic illis conſuli oportere, ut aliis quoque Gentibus, ad quas ſermò Euangelii pervenit, conſuleretur. Arque hæc facilis, judicio meo, horum locorum ſententia & interpretatio.

## PARALLELUS IIII.

Jacobi 5.

11 Tolerantiam Job audistis, &amp; finem Domini vidistis.

**F**inis huius loci est, ut ab exemplo discamus beatos esse qui adversa tolerant: summa; in Jobo & sanctæ tolerantia & sperata beatitudinis exstare exemplum a Scriptura sacra nobis propositum. Omnia conveniunt optimè, nec egent a nobis interpretatione. Id tantum observandum est, posteriora illa verba, *finem Domini vidistis*, id est, finem quem assequutus est a Domino, respicere ad ea quæ habentur Jobi 42. 12. *Jehova ergo benedixit fini Jobi magis quam principio*, &c.

## PARALLELUS V.

Jacobi 5.

17 Elias homo erat iisdem quibus nos obnoxius, & precibus precatus est ne plueret, ac non pluit super terram annos tres & sex menses:

18 Et rursus precatus est, cælumque dedit pluviam, & terra produxit fructum suum.

**F**inis est, ut sanctarum precum quibus fideles utuntur, fructum agnoscamus: summa; ut antè dicebat Jacobus plurimum valere deprecationem iusti efficacem. Hoc dictum exemplo Eliæ confirmatur. Quod exemplum nihil obscuritatis habet. Tantum duo in dubium vocari possunt: prius, quòd non videtur sacra Testamenti veteris historia dicere, hanc rem Eliam precatum esse; posterius, quòd ea non videtur spatium illud annorum trium & sex mensium circumscribere. Ac prius quidem verum est, non legi disertis verbis Eliam contendisse precibus, ne plueret; quæ res inhumanitatis aliquid habere videretur: sed si narratio ex 1. Reg. 17. benè expendatur, hæc ita se habere evincit analogia. Nam historia sacra non orditur eo in loco narrationem suam, inde a principio vocationis Propheticae & functionis Eliæ, neque res singulas antegressas minutatim narrat; sed tantum brevitatis causa summas quasdam rerum gestarum & cum eventis conjunctissimas percurrit; reliquarum (ut mos Scripturæ est) paralepsi vel præteritione utitur. Non est autem dubium, quin jam diu ante narrationem illam Elias prophetaverit, & Deo ministraverit: Nam propterea dicit; *Vir viri Jehova Deus Israël, in conspectu cuius sto*, &c. Similiter quin a Deo edoctus fuerit, publicam illam rebellionem Regis & regni totius Israëlitarum, opus habuisse singulari aliqua & extraordinaria castigatione; ut experti singulari modo iram acerbam Dei, peccata sua recognoscerent: quam ad rem petendam Elias per Spiritum Dei adductus est, & se exorari a Deo cognovit singulari revelatione & mandato de prænuncianda indicendaque illa plaga. Postremò etiam non dubium est, quin analogus huius propositionis veritatem ostendat de suis precibus, quum ait, *Non esse futurum annis illis rorem aut pluviam, nisi ex verbo ipsius*, id est, ad preces, quas habuisse dicitur 1. Reg. 18. 42, ac proinde ex eodem verbo, id est, precibus ipsius cohibitam fuisse pluviam, quo post illud spatium fuit redhibita. Optimè igitur statuit Jacobus Eliam precatam

catum esse ne plueret; qui quum primum in contrariam sententiam precatus est, pluviam exoravit, & fructus terræ consequutus est. De spatio autem illo temporis quod hic circumscribitur, non est cur magnopere laborent qui ad historiam 1. Regum 17. & 18. attenderint. Nam primum non sunt obscura Eliæ verba in principio capitis 17. *Non est futurus annus istius vos aut pluvia*: deinde verò primum annum ad torrentem Cerithi exegisse dicitur versu 7. tum alterum Sareptæ apud viduam, versu 15. itémque tertium, reliquo capite. Postea verò demum diebus multis post annum tertium (id autem est, sex mensibus) Elias verbo Domini ad Achabum missus est, 1. Reg. 18. 1. Quapropter optimè tùm Christus Lucæ 4. 25. tùm Jacobus hoc loco, spatium illud triennii & sex mensium definiverunt, eò quòd pluvia, post quarti civilis anni, (ut ego quidem judico) sex menses elapsos, id est, verno tempore immissa est, ad preces Eliæ, postquàm Prophetæ Baalis fuerant jugulati, & Dei gloria ab eorum impietate vindicata in conspectu omnium.

## EX PRIORE EPISTOLA PETRI.

### PARALLELUS VI.

Levitiçi 11.

44 *Eistote sancti: Nam ego sanctus sum.*

1. Petri 1.

16 Sicut is qui vos vocavit sanctus est, ipsi quoque sancti sitis in tota conversatione.

17 Propterea quòd scriptum est; Eistote sancti, Nam ego sanctus sum.

**H**ujus loci finis & summa sive argumentum est evidentissimum; nempe pios non solùm ab exemplo, verum etiam a communione sua cum Deo Patre in Christo Jesu per Spiritus sancti communicationem, secundùm sedus, promissiones, & virtutem Spiritus in ipsis habitantis, ad sanctificationem vocari: summa argumentatione a propria natura Dei, & relatione nostri cum Deo. Nam si Deus sanctus est; sanctitas autem cum impuritate consortium non potest habere; omnino sequitur, aut sanctitati nos incumbere, aut renunciare Deo oportere, & a communione illius planè abstinere.

### PARALLELUS VII.

Esaia 40.

6 *Omnis caro est gramen, etiam omnis benignitas in eam collata, similis est flori agri.*

1. Petri 1.

24 Renati non ex semine corrupto, sed incorrupto per sermonem Dei viventem & manentem in seculum:

A a 2

7 *Exarcesis*



7 *Exarescit gramen, decidit flos  
quum spiritus Jehova perflavit ipsum:  
utique gramen est populus.*

8 *Exarescit gramen, decidit flos:  
at verbum Dei nostri permanet in  
seculum.*

25 Propterea quod omnis caro  
ut gramen est, & omnis gloria ho-  
minis ut flos graminis. Exaruit  
gramen, & flos ejus decidit.

26 Sed verbum Domini manet  
in aeternum.

**F**inis hujus sermonis non est obscurus ex antecedente proximè do-  
cumento Petri. Nam postquam ad fidem & sanctimoniam pios  
hortatus est, ostendit demum his verbis, unde hæc bona, quæ Deus  
per ipsum imperavit, ad nos perveniant, & quo instrumento utatur De-  
us ut ea in nobis suboleant. Finis igitur est, ut pii teneant quæ prin-  
cipia, progressus, & alimenta sint fidei & sanctimonie, ex quo in ipsis  
fuit inchoata beneficio Dei. Summa est; principia fidei & sanctimo-  
nie electorum esse a Deo per regenerationem gratiæ: cujus regene-  
rationis informandæ, alendæ, & promovendæ in nobis semen & instru-  
mentum est verbum Dei, quod Evangelizatum est Ecclesiæ ejus.  
Quapropter hoc *semen regenerationis incorruptum* appellatur, & *verbum  
Dei*, quod tamquam semē seritur in mentibus nostris, *vivum & manens  
in seculum*. Hoc dictum Apostoli duobus modis poterat controverti.  
Nam primū fuerant adversarii autoritatem vel testimonium Scrip-  
turæ desideraturi: deinde verò hoc loco Esaiæ adducto, fuerant dic-  
turi, non agi illic de hac Evangelii prædicatione. Propterea utrum-  
que facit Apostolus: Nam & autoritatem adfert, & eandem confir-  
mat ad sermonem hunc pertinere. Autoritatis verba sunt evidētia:  
nam & verbum Dei in seculum manere dicitur, & illius vis gloriæque  
amplificatur demonstraturque potentissimè instituta oppositione va-  
nitatis naturalis, quæ inest homini, nec alia ratione corrigi aut eximi  
ab eo potest, quàm si seminis æterni subiectum fiat: qua ratione illud  
ipsum subiectum in quo semen æternum seritur, æternitatem partici-  
pat. Hominis vanitatem exposuit Propheta simili per gradationem.  
Nam primū *omnis caro*, id est, homo synecdochicè, *ut gramen esse* dici-  
tur: deinde accedit incrementum, quum *omnis gloria hominis*, quæ nihil  
aliud est nisi beneficium a Deo collatum in hominem (quod Esaias  
spectavit, quum benignitatem hominis appellavit, pro eo quod est  
gloriam benignè attributam) dicitur *ut flos esse graminis*; ac proinde  
(quod verborum sequentium exegesis docet) *ut gramen exarescit &  
flos ejus decidit*, ita homine fieri. Sed utur miserum & vanitatibus in-  
festum sit per se subiectum istud; tamen vindicatur homo a miseria &  
vanitate sua, quum verbum Domini habet in se manens. Firma est e-  
nim argumentatio, qua etiam Augustinus utitur agens de immortalita-  
te animæ, & ex ratione naturali sumta: Rei æternæ subiectum æternum  
esse oportere: Verbum Dei æternum esse; Igitur in subiecto æterno  
manere. Quod si per se non æternum esse dicitur subiectum illud; om-  
nino tamen virtute Dei & communione incorrupti illius seminis æter-  
num effici. Quod argumentum jam olim Esaias prædicavit, & op-  
timè interpretatur Petrus. Sunt quidem mutata paucula in hac au-  
thoritate adducenda, & plura deminuta: sed si quis rem penitus in-  
trosperit, facile animadversurus est nullam verbis Esaiæ deminutio-  
nem fieri cum jactura sensus; sed commodè pro hoc argumento non-  
nulla

nulla explicari, & omitti alia, quæ ad hoc institutum non magnopere petinebant. Quia verò, ut antè diximus, illud etiam rogari potuit, illa Eſaiæ verba ad hoc argumentum minimè pertinere; contraria affirmatione refellit Apostolus impiam objectionem istam, quum postea subijcit in fine capitis: *Hoc autem est verbum illud quod Euangelizatum est vobis*: Quibus verbis omnino respexit ad illud mandatum Dei de pronunciando in gentibus Euangelio, Eſaiæ 40. 6. *Vox dicens, prædica, etiam dicis, quid predicaturus sis: Omnem carnem esse gramen, &c.* tamquam si diceret: Cum Deus jam olim hoc argumentum sacrarum prædicationum in Euangelio esse voluerit, ut homines deſicerentur in se, Euangelio autem erigerentur in spem vivam per resurrectionem Jesu Christi ex mortuis, ut idem loquutus est: hoc autem ministerium Euangelii his temporibus ultimis sit omnibus patefactum, prout Eſaias olim prophetaverat: non posse quemquam cum ratione, adeoque specie rationis, contendere adversus hanc prædicationem incorrupti verbi, quo ad incorruptionem vocati sumus: nam hoc jam complementum in Ecclesia existere, quod olim fuit prænunciatum per Prophetas in Scripturis sacris.

1. Petri 2. 6. Eſaiæ locus jam suprà expositus est libri secundi Parallelo 15.

1. Petri 27. Davidis locus ex Psalm. 118. similiter fuit expositus libri primi Parallelo 40.

## PARALLELUS VIII.

Exodi 19.

5 Eritis mihi peculum ex omni-  
bus populis: Nam mea est universa  
terra:

6 Vos, inquam, eritis mihi regnum  
Sacerdotum, & gens sancta.

1. Petri 2.

9 Vos autem genus electum, re-  
gale sacerdotium, gens sancta, po-  
pulus ad acquisitionem institutus,  
ut annuncietis virtutes illius, qui  
vocavit vos e tenebris in admira-  
bilem suam lucem.

10 Qui quondam eratis non populus, nunc verò populus Dei estis;  
qui quondam non consequuti misericordiam, nunc verò consequuti mi-  
sericordiam.

**H**Æc verba ex duobus veteris Testamenti locis deprompta esse res ipsa loquitur: de quorum posteriore jam suprà diximus libri secundi Parallelo 13. De priore igitur videamus. Sumtus est autem (ut omnes Interpretes uno ore consentiunt) ex capite 19. Exodi, prout in Parallelo diagrammate posuimus. Finis idem est, & argumen- tum idem: si hoc exceperis, quod Moſes quum illa Dei verba populo enuntiaret, enunciavit hypotheticè ex conditione Legis; ut qui proximè ad Legem respiceret, mediata verò a Lege ad Christum, qui finis est Legis, & ad quem Lex ut pædagogus fuerat populum deductura: Petrus verò, omiſſa verborum illorum hypotheſi, proximè ad Christum respicit; ut in quo exhibitus Ecclesiæ eſſet finis & complementum Le- gis. Cum enim Moſes diceret; *ſi omnino audiveritis vocem meam & obſer-*

vaveris sedum meum, tūm futuri eētū mibi peculium, &c. conditionem legalem implicavit, quam Israëlitas præstare oportuerat, si ex operibus legis justificari vellent, easque prærogativas sibi comparare, quas Deus pronunciat. Cum autem Petrus sublata conditione categoricè prærogativas easdem attribuit piis; statuit id quod pios omnes pro certo habere necesse est; nempe, conditionem Legis in Christo impletam esse, ac proinde ad singulos qui in Christo Jesu sunt, easdem prærogativas purè simpliciterque pertinere. Sic ergo finis & argumentum idem est: sed eo tantūm discrimen intercedit, quòd Moyses finem proximum Legis & remotum Christi simul sua illa conditione complexus est: Petrus verò simpliciter ad Christum respexit, citra Legalis conditionis respectum; quia Christus nobis proximus finis effectus est ultimis hisce temporibus, præstita in se conditione Legis. Ceterū nonnulla est in verbis mutatio. Nam pro eo quod *regnum Sacerdotum* dicebat Moyses vel regnum Sacerdotale, Petrus *Regale Sacerdotium* interpretatus est, sequutus Græcorum LXX. interpretationem: sed eodem redeunt omnia. Nomen verò *peculii*, quo Moyses utitur, exposuit Petrus periphrastice: *Populus ad acquisitionem institutus*: quemadmodum etiam res labore parata, pretio, aut alio quocunque modo, ejus viri peculium esse dicitur, qui acquisivit eam sibi & velut quæsitam jure servaturus est.

Quæ subjecit Petrus in fine capitis secundi de persona Christi; ea quidem omnia ex Prophetarum sermonibus fuerunt ducta, maxime verò Esaia: sed quia ex professio non adducitur illorum autoritas, nec Petro necesse visum est; nos quoque non arbitramur ad institutum hoc nostrum pertinere, ut parallelam eorum comparisonem in hoc loco exhibeamus, præsertim ad eò communij & perspicuo argumento.

## PARALLELUS IX.

Gen. 18.

12 Dominus meus senex est.

1. Petri 3.

6 Sicut Sara obedivit Abraham, Dominum eum vocans.

**F**inis utrobique est, ut sanctum exemplum sit sanctis & piis fœminis, & ad sanctimoniam documentum; Summa, Saram & re & sermone Abrahamum virum suum honore & obsequio justo prosequutam esse, & obsequium suum omnibus testatam communi appellatione, quòd eum Dominum suum nominaret, conscia tūm naturalis juris, de quo Genes. 2. & 3. tūm sponsionis & obligationis conjugalissuz. Ex hoc autem exemplo sequitur, eū illa propter commune jus naturæ in matrimonium, & singulare vel privatum obligationis suæ, eam se præstiterit viro, eodem jure teneri omnes fœminas quæ ad conjugium divina institutione vocatæ sunt.

Quæ sequuntur postea in eodem capite inde à versu 9. ad 15. usque ea omnia sermè ex certis veteris Testamenti locis translata sunt commodissimè, ad explicationem Ethici piorum officii: sed non visum est nobis parallelas de iis rebus locos instituere; tūm quia non adducuntur ex professio loci ab Apostolo: qui omnes ex Proverbiis, Psalmis, & Esaia adducuntur: tūm verò quia argumentum est per se evidentissimum, nimirum in ætiologia positum, & omnibus ex naturæ Lege tam altè



altè mentibus impressum, ut nemo hæc documenta naturali jure inscripta & divino confirmata in dubium vocare possit.

## PARALLELUS X.

## 1. Petri 3.

19 Per Spiritum profectus etiam Spiritibus qui sunt in carcere prædicavit,

20 Olim immorigeris; quum semel exspectaret Dei patientia in diebus Noë, dum apparabatur arca; in qua paucæ, id est, octo animæ, servatæ sunt in aqua.

**H**UIC loco Parallelum attexere fuit difficile, quia summam continet duorum fermè capitum, quæ habentur in libro Geneseos: idèoque non placuit aut librum percriptione capitum onerare, aut Lectori adferre tedium. Finis autem hujus loci est, ut exemplo tam Christi ipsius, tum etiam Noë, qui suo tempore fuit administer Christi, adducamur ad sanctificandum Dei nomen, conscientiam bonam habentes, & animas nostras possidentes cum patientia. Summa, Christum sanctificationis illius, & bonæ conscientie qua revincantur impii, & patientie qua sustententur & ædificentur pii, exemplum & documentum edidisse, non solum immediate in persona sua, quum factus est caro, & in ea iustus pro injustis passus est; verum etiã mediatè inde à principio in servis suis, quos eodem Spiritu, id est, virtute divina rexit, ut in sanctificatione nominis Dei, conscientia bona, & patientia pergerent, eosque pudefacerent qui incessunt bonam ipsorum in Christo conversationem: Hujus rei exemplum singulare & potentissimum esse de temporibus Noë, quibus Christus per eundem Spiritum, id est, virtutem suam divinam immediate in Noa operans, per ipsum mediatè exemplum præbuit horum documentorum omnium, quamvis depravatissimo seculo, & in perniciem suam ruente ultro. Hanc interpretationem jam olim vidit Augustinus, ut in Epistola 99. ad Euodium videre est: sed non perduxit omnino ad justam illius expositionem: Quæ res, ut melius videatur, Metaphrasi quadam hunc locum explicabimus & cum verbis Moïsis comparabimus. Quemadmodum igitur, inquit Petrus, persona Christi in carne earum rerum, quas antè diximus, documentum exhibuit amplissimum, ut nos ad Deum adduceret; quum carne quidem perpassiones mortis subiit; spiritu verò, id est, persona æterna sua, cui caro facta est *ἐννόητος* vel divinitate sustentavit carnem & vitam restituit, eam à morte præsentè vindicans: ita etiam post omnem hominum memoriam eodem spiritu vel divinitate sua exempla proposuit earundem virtutum quas Deus a piis omnibus desiderat, & Christus immediate in mentibus piorum præstat, & in oculis impiorum mediatè per servos & ministros suos. Cujus rei exemplo esto miserum illud seculum, quo Noë inter peccatores vivere & prædicare justitiam Dei coactus est. Nam primùm Christus, tamquam æternus Dei λόγος, per quem Deus Pater inde à principio sanctis Patribus locutus est, venit sive profectus est ad Noam; profectus autem non mutatione loci (Nam qui non capitur loco, secundum locum mutari non potest) sed singulari quadam presentie suæ testificatione per revelationem & operationem suam: ut de

majestate Dei Scriptura passim loquitur *et patet* ea dicens fieri, quæ patefiunt divina operatione ejus. Deinde verò dicitur persona Christi secundum illam æternam divinitatem suam, qua venit ad Noam, prædicavisse omnibus spiritibus, qui sunt in carcere, quamvis immergeris; quum tribus singularibus illis revelationibus quas Moyses narrat Genes. 6. 3. & 7. & 13. versibus, decretum suum explicavit Noë, & per eundem, velut præconem justitiæ, secundum speciales illas revelationes, Dei prædicari voluit illis spiritibus, id est, hominibus, qui nunc sunt in carcere, id est, qui ad judicium servantur, velut fructum suæ illius *arcediæ*. Nam in hac utraque prædicationis forma; immediata, qua spiritus Christi instruxit Noam; & mediata, qua idem spiritus alios instruxit per Noam, exempla earum virtutum existerunt, documentaque evidentissima quas antè commendavit Petrus: ut sequentibus verbis ostenditur. Etenim primum patientia tum Dei ipsius, tum verò Noë secundum Deum, diuturnissima demonstratur his verbis; quum *expectaret semel*, id est, post irrevocabile decretum pronunciatum & latum ab ipso, illustris fuit patientia Dei in diebus Noë, qua patientia tum Deus ipse (ut longanimis est) utebatur, tum Noam studentem cultui ipsius & prædicantem instruebat. Deinde verò prædicationis modus ostenditur: quod Noa & sermonibus sacris seculum suum institueret, & opere exemplumque testatum faceret, quanta religione ad sanctificationem nominis Dei populares suos provocaret, dum apparabatur arca ex mandato Dei, Genes. 6. 13. Postremò autem ad eventum transit Apostolus, quem pii demum assequuntur, quum se fideliter & religiosè in officiis illis occupaverunt; ut omnes videant non esse incertum aut inanem fructum illius patientiæ in fide & sanctificatione nominis Dei; sed contrà certissimè illud consequi, quod antè ex Davide ostendit Apostolus: *Qui vult vitam diligere & videre dies bonos, coercet linguam suam à malo, &c.* Hunc fructum demonstrat Apostolus, quum ait; *in Arca paucas*, id est, *omnes animas servatas esse* per medias aquas, ne cum reliquis immergeris interirent: cujus rei narratio exstat capit. 7. & 8. Genesios. Sunt quidem alii præterea, ac non pauci Scripturæ loci, quibus in reliqua hac Epistola Petrus commodissimè usus est: sed neque discretis verbis adduxit auctoritatem authorum a quibus fuerunt prolati, quia non erat necessarium; neque ii tam videntur ad confirmationem sermonis quàm ad Ethicam Christianam five ætiologiam, quæ plerumque minùs controversa est, pertinere. Eiusmodi sunt capite 4. versus 8. 12. 17. & 18. & capite 5. versus 5. 6. 7. & 8. Quapropter nos quoque à parallela eorum comparatione hic abstinemus.

## EX EPISTOLA SECVNDA PETRI.

### PARALLELUS XI.

2. Petri 2.

Gen. 3.

4 Nam si Deus Angelis, qui peccaverant, non peperit, sed carnis caliginis tradidit in tartarum detruos, servatos ad judicium.

5 Et prisco mundo non pepercit; sed octavum Noë servavit, præconem justitiæ, quum impiorum mundo diluvium induxisset:

Gen. 7.

6 Et civitates Sodomorum & Gomorrhę in cinerem redigens subversione, condemnavit, disposuitque exemplo ut sint iis qui victuri sunt impie;

Gen. 19.

7 Et justum Lot fatigatum a libidinosa hominum exlegum conversatione eripuit.

8 (Nam hic justus quum inter eos habitavit, in dies animam justam illegitimis eorum operibus videndo & audiendo, cruciabat)

9 Novit Dominus pios e tentatione eripere; injustos autem, dum puniuntur, servare ad diem judicii.

2. Thess. 1.

**F**inis hujus sermonis est, ut pii certa fiducia liberationis a Deo in omni afflictione consequendæ, & recognitione judiciorum Dei in eos a quibus affliguntur, sanctè confirmetur & contineantur in officio fidei secundum doctrinam puram, & obsequii vel sanctificationis ex fide. Summa, Deum maleficis Angelis hominibusque pietatem aut justitiam oppugnantibus numquam pepercisse, aut suos oppugnatos tentationi dedidisse, ut in perditionem raperentur; sed iustissime hos eripuisse, & illos perdidisse; ac proinde, ut est immutabilis, eundem fore uno quoque tempore; & scire, & posse, & velle horum salutem, illorumque exitium procurare atque perficere admirabili providentia sua, & immutabili. Hanc propositionem Rhetorica inductione demonstrat Apostolus, quum de multis exemplis divinæ administrationis decerpit tria luculentissima, ad argumentum hoc pertinentia. Hos, inquit, peccatores perdidit, & servavit justos, 4. primis versibus: Ergo, & reliquo tempore idem facturus est, versu 9. Antecedens demonstratur tribus exemplis: è quibus primum, Angelorum est; secundum, Noë & seculi illius; tertium denique, Loti & Chanaanorum, urbes planities, ubi nunc lacus Asphaltites est, incolentium. Primum exemplum alteram solum confirmat propositionis partem, de impiorum exitio; quia diversa est Angelorum electorum ratio: reliqua autem duo per antithesin probationem utriusque membri, quod in propositione est, complectuntur; ut in consequente hujus propositionis, id est in versu 9. concluditur. Si utrumque fecit, etiamnum utrumque novit facere; Fecit autem Scriptura teste: Novit igitur facere. De primo exemplo magis laboratur; quia non videtur existare in Scripturis evidens ullum judicii istius documentum. Mihi verò omnia penitus introspicienti videtur Petrus respexisse ad locum illum Gen. 3. 15. *Hoc semen conservet tibi caput, &c.* Nam primum quod Angeli illi peccavisse dicuntur, non refero simpliciter ad peccatum illud, quo defecerunt, ac non perstiterunt in veritate; sed ad illud quoque, quod hominem seduxerunt: ut fuit Diabolus homicida & mendax inde a principio. Peccaverunt igitur, tum quod ipsi renunciaverunt justitię, tum quod homini authores fuerunt ut similiter sanctissime illi imagini Dei renunciaret. His autē Deus non pepercisse dicitur; ut in se reis peccati, & in alios peccati authoribus; sed tribus modis supplicium eis intulisse: primum, quod sententia sua eos tartaro mancipavit, id est inferno: secundò, quod catenis (ut Petrus loquitur) caliginis, id est, tristissimis vinculis eos constrictos tenet jam hoc ipso tempore, ne quò moveantur, aut quicquam moveant præter consilium Dei, tamquam fontes quibus impendet tortoris manus:



manus: Tertio, quod servantur ad iudicium illud, quo plenam vindictam iræ Dei in suam impietatem & iniustitiam experturi sunt. Hæc autem omnia non obscure in sua illa sententia pronuntiavit Deus, quum serpenti illi diceret, *Inimicitiam pono inter te & mulierem, &c.* Nam primum maledictionem tartaream (ut ita dicamus) ex antecedentis versus analogia, quum Deus serpenti malediceret, intelligi omnino necesse est: secundò autem, quum inimicitias illas exerceri statuit; sed ita ut earum eventum proximè circumscriberet, futurum dicens ut semen mulieris conterat caput illius, ostendit eas catenas eaque vincula a providentia Dei in istos Angelos injecta esse, quibus & ipsi coërceantur, & actiones omnes ipsorum. Postremò autem ad iudicium servari, quod futurum sit ineluctabile, illa propositio ostendit, qua semen mulieris prævaliturum sic esse dicitur, ut caput conterat illius. Cetera exempla duo-binas habent partes; unam, de iudicio adversus impios; alteram, de salute piorum, quorum exempla adferuntur, eaque perspicua. Nam exemplum iudicii in priore historia narratur his verbis: *Prisco mundo non pepercis*, Genes. 7. diluvio in mundum impiorum inducò. Exemplum verò salutis, illis; *Ostium Noë servavit praconem iustitie*, ut proximè Parallelo 10. exposuimus. In tertio quoque exemplo iudicium declaratur his verbis: *Cruitates Sodomorum ac Gomorrhæ condemnavit, in cineres redigens subversione*, & quidem eo fine ut aliis hominibus impiè victuris exemplo essent. Salutis verò ad justos perventuræ exemplum in versu 7. continetur, ubi pietas iusti Lot duobus nominibus singulariter cõmendatur: tum quod iustè ageret; tum verò quod impietate, iniustitia & libidine incolarum defatigaretur, & cruciaretur, ut versus 8. exegetis amplius ostendit. Ex his assurgit necessariò illud confectarium quod affirmat Petrus in vers. 9. nempe Dominum ab illo suo officio numquam discessurum, quo & pios liberaturus est, & impios hic puniturus, & servaturus deinceps ad diem illum, quo iudicium severissimum & damnationem perlaturi sunt ex iustissima sententia Dei.

## PARALLELUS XII.

2. Petri 2.

15. Isti recta via relicta aberrarunt, sequuti viam Balaam filii Bosor qui mercedem iniquitatis amavit.

16. Sed redargutionem suæ transgressionis sustinuit, jumentum brutum humana voce loquutum prohibuit illius Prophetæ dementiam.

**F**Inis orationis hujus & argumentum per se dubium esse non potest. Historia quæ attingitur ex Numer. 22. petita est. Nam primum eam fuisse viam Balaami ipse Angelus pronuntiat Numer. 22. 32. deinde mercedem iniquitatis amavisse ostendit Legationis instrumentum, Balaci promissio, & Balaami prævaricatio, Numer. 22. 7. 15. & 17. & 18. versibus. Postremò autem redargutum fuisse propter iniquitatem suam ab asina miraculosè, narrat Moyses ibidem 28. versu. Quod autem ex eo exemplo statuitur, idem futurum esse illis Atheis de quibus sermonem instituit Petrus; id necessariò concluditur a natura Dei & veritate Scripturæ ejus: quandoquidem non alia futura est

est Dei iustitia in hos, quàm in illum: est enim constantissima. Scriptura vend exempla adducit ejusmodi, non ut historicè cognoscantur solùm, sed potius ut ad publicam doctrinam & consolationem accommodentur; quem ad finem authore Dei Spiritu antè fuisse scripta testatur Apostolus Rom. 15.

## PARALLELUS XIII.

Proverb. 26.

11 *Ut canis redit ad vomitum suum, ita stolidus iteras stultitiam suam.*

2. Petri 2.

22 Accidit eis, quod vèro proverbio dicitur; Canis reversus ad suum ipsius vomitum, & sus lota ad volutabrum cœni.

**E**st quidem hic locus ex proverbiorum 26. sumtus, quo respexit illa appellatio τοῦ καὶ ἀλθὺς παρομιῆς, qua Petrus utitur: sed cùm finis, argumentum, & accommodatio nihil obscuritatis habeat, pi-um Lectorem nolumus remorari in rerum planarum declaratione.

Quæ tertio capite versu 4. & 5. & 6. & 8. & 9. leguntur similiter ex veteris Testamenti locis petita sunt; nempe ex Esaia 5. Genes. 1. & 7. & Psalmo 90. & Ezechielis 18. Sed quia neque ex professo adducuntur loci, neque obscuritatem ullam (si accommodationem spectes) meo judicio habent, propterea ad alios locos sumus transituri.

## PARALLELUS XIII.

Esaia 65.

17 *Ecco ego creaturus sum celos novos & terram novam, neque commemorabuntur hæc priora, neque venient in animum, &c.*

2. Petri 3.

13 Celos autem novos terramque novam expectamus secundum promissum, in quibus iustitia inhabitat.

**H**ujus propositionis utrobique finis est, ut omnes pii certa fide amplitudinem dici illius ultimi ab effectis quæ prænunciat Scriptura, agnoscētes, religiosè dent operam sanctis conversationibus & pietatis officiis, ut Petrus dixit versu 11. Effecta autem ponuntur duo: prius, quòd hi celi cum stridore præteribunt, elementa æstantia solventur, terræque & res quæ in ea sunt exurentur, omnia denique omnino colliquescent, tribus versibus antecedentibus: id est, hæc omnia, tamquàm vanitati subiecta, peribunt glorioso illo adventu Christi, ut Psalter loquutus est Psalmo 102. Alter effectus est, quòd novi celi, nova terra, nova vrbs, nimirum venturi illius seculi, omnia denique nova p̄is in Christo futura sunt, ut Esaia 65. & 66. gravissimè promissum est: & Joannes prædicat gloriosissimè Apocalyp. 21. proculdubio innuens non celum hoc, aut terram hanc quasi refusam; sed illud ipsum habitaculum, in quo iustitia inhabitat: prout typis quamplurimis, qui tùm ex rebus naturalibus, tùm ex ceremoniis Legis sumti sunt, demonstratur duobus illis Esaie locis, itémque capitibus Apocalypses duobus ultimis.

Cùm

Cum autem celestis illius habitaculi conditio aliter hoc tempore exponi non possit, quàm rerum præsentium similitudine; propterea duo extrema hujus universitatis tum Esaias Propheta, tum Petrus ex Esaias nominavit; ut typo universitatis hujus, id est, præsentis seculi, in quo nunc versamur, universitatem illam, id est, futurum seculum, in quo æternum victuri sumus, quodammodo adumbraret. Quamobrem ridiculè, ne quid gravius dicam, mihi videntur facere, qui ex his Scripturæ locis in curiosas quæstiones prolabantur, quid hoc cælo & terra futurum sit; & a figuratis his propositionibus conclusiones proprias, ut restes ex arena, nectunt, somniisque plus satis indulgent sine certis Scripturæ testimoniis, aut ædificatione fidei secundum Deum.

Tres Epistolæ Johannis non videntur habere quod præcisè ex Testamento vetere peti oporteat, si illud exemplum Cain exceperis, quod Johannes adducit primæ suæ Epistolæ capite 3. ex Genesios 4. Sed nolumus inaniter in perspicuis rebus pro lectioni molesti esse, & actum agere.

## EX EPISTOLA IVDÆ.

## PARALLELUS XV.

5 Dominus, quum populum ex Aegypto liberasset, iterum eos, qui non crediderunt perdidit:

6 Et Angelos qui non servaverunt suam ipsorum originem, sed reliquerunt proprium domicilium, vinculis æternis sub caligine reservavit ad judicium diei magni.

7 Quemadmodum Sodoma & Gomorra & civitates quæ circumstabant illas, cum scortantes a Deo simili atque illi modo defecissent, & carnem alienam sectata essent, propositæ sunt exemplo, ignis æterni pœnam sustinentes.

**H**ujus sermonis quem Judas instituit finis est; quem versu 3. dixerat, ut fortiter decertent pii pro fide, quæ semel tradita est sanctis, & ab impiis caveant, qui oppugnant ipsam. Summa, religiosissimè ab illis rebus cavendum esse tamquam ab exitio horrendo, quod illos duces cæcos oppressorum est, & eos item qui sequuntur ipsos. Exitii illius exempla adducit tria; primum, populi Israëlitarum, versu 5. secundum, Angelorum, versu 6. tertium denique, hominum alienorum a fide & ad sedus ipsius non pertinentium: ut ex his tribus exemplis ostenderet, neminem fore in cælo aut terra, in federe aut extra fedus, qui manus Dei viventis effugiet si ab officio discesserit. Sed exempla aperta sunt & plana; deinde singula jam antè in nostris ante scriptis notis in Epistolam Judæ exposuimus: postremò autem de duobus posterioribus exemplis, quod satis ad hoc institutum visum est, diximus suprà Parallelo 11.



## PARALLELUS XVI.

Zachar. 3.

1. Postea ostendit mihi Josuam Sacerdotem maximum stantem coram Angelo Jehova; & Satanam stantem ad dexteram ejus, ut adversaretur ei:

2. Dixit autem Jehova Satana, Increpet Jehova te, o Satan; increpet, inquam, te Jehova qui elegit Jerosolyma, &c.

Jude.

9. Michaël Archangelus quum adversus Diabolum certans disceptabat de corpore Moysi, non ausus est illi impingere notam maledictionis; sed dixit, Increpet te Dominus.

**F**Inem hujus argumentationis ex præcedentibus omnes faciliè visuri sunt. Voluit enim Apostolus per comparationem majoris ostendere, quantæ sit & quam intolerandæ audaciæ, quod homines impii dignitates convitiis non dubitant incescere. Summa igitur est, eum ipsum qui Michaël Archangelus, vel Angelorum Princeps appellatur, ne ipsi quidem Diabolo opus Dei sanctissimum oppugnantem maledicere: multò minus penes istos homunciones esse, ut aliis quos Deus ad dignitatem aliquam evehit, convitiis & maledictionibus molesti sint. Hic verò quaeruntur duo: primum, quid sibi hæc historia velit: alterum, unde sumpta fuerit. Sententiam hujus loci plerique omnes ita acceperunt, ut Diabolum statuunt laboravisse de rapiendo corpore Moysi, cujus situm esse incognitum narratur Deuter. 34. & in publicum producendo, ut eo ad nefariam idololatriam abuti posset: Archangelum autem, ut hic appellatur, subdolis Diaboli conatibus secundum voluntatem Dei obstituisse; tandem verò pervicacissimè instante & pugnante Diabolo non fuisse gravius proloquutum, quàm quod eum judicio Dei permiserit, his verbis utens, *Increpet te Dominus*, & ab omni maledicto abstinens: Hujus sententiæ authorem alium non haberi hoc tempore, quàm Judam; sed olim aut scripto, aut traditione authorem aliquem unum aut plures fuisse habitos. Quam rem omnes ferè Patres uno consensu traditionibus adscripserunt, neque solùm hoc, sed ipsam quoque sepulturam ab Angelis fuisse factam ex traditione perscripserunt: ut Epiphanius apertè contra Samaritanos scripsit. Sed quum ad rem attendo diligentissimè, in dies magis confirmor in ea interpretatione quæ antè problematicè in Notis nostris ad Epistolam Judæ adducta est: nempe respicere hunc locum ad tertium caput Prophetæ Zachariæ: eum qui Michaël Archangelus appellatur, Jesum Christum esse; qui Michaël quidem Hebraica origine compositè appellatur, tamquam si dixeris, eum qui rêvera Deus est fortis ut Pater; Archangelus verò, quia Princeps Angelorum est, ut in ultimum Danielis caput olim annotavimus, qui idem & Angelus Jehovæ, Zachariæ 3. 1. & Jehova, versu 2. appellatur: Eum qui Diabolus hoc loco dicitur, eundem esse qui illic appellatur Satan: corpus Moysi non propriè, sed figuratè accipi oportere; putà non de illo corpore quod in monte Nebone in vertice collis, qui situs est è regione Jerichuntis, à Deo sepultum est, ut narratur Deut. 34. 6. sed de veritate & complemento Legis à Mose datæ, cujus complementi quod est in Christo antitypus alter fuit

fuit Josua sacerdos ille maximus, ad cujus dexteram stetit Satan ut adversaretur ei. Est enim corpus Moïse, idem corpus quod Moïses prædixit Lege & præsignificavit ceremoniis, idemque corpus quod postea temporibus Zachariæ Josua sacerdos maximus adumbravit, ut ibi legitur. Neque est cur obijciat quisquam, deminui hoc pacto de auctoritate Christi, si dicitur non fuisse ausus Satanam maledicto confingere. Nam hoc eadem ratione sanctè prædicari de Christo potuit a Juda, & sanctè potest à nobis accipi, quia Zacharias dixit Jehovam ipsum dixisse Satanæ, *Jehova te increpet*. Etenim utroque in loco ita spectanda est persona Christi, ut eam consideremus fungentem Mediatoris partes, quæ verus Deus est & verus homo in unitate personæ: quas partes quia accepit à Deo & Patre, ita perfungitur, ut æconomice, id est, prout à Patre accepit, exsequatur voluntatem ejus, non secundum potentiam illam suam absolutè, quam habet ut Deus æternus & coessentialis Patri & Spiritui sancto: sed secundum eam potentiam suæ æconomiam, quam ut mediator à Patre habet ad implendum redemptionem nostram, eaque omnia perficienda, quæ ad eam spectare videntur. Si qui plura desideraverint à nobis, eas notas per nos licet consulant; quas ante annos aliquot in Epistolam Judæ edidimus.

Quæ sequuntur versu 11. adeò sunt perspicua, ut nulla interpretatione egeant. Nam impietas istorum de quibus agit Apostolus & exitium ex impietate superventurum, tribus similibus ostenditur, Cain, Balaam, & Core, quorum historia est in vulgo notissima; & quorum pars jam antè à nobis fuit explicata.

Ex his quoque locis unus adducitur Apocalyp. 2. 14. depromtus ex historia Balaami Numer. 24. & 25. sed quia illa historia tota, & duo crimina illa Balaami, quod Israëlitas ad idololatriam, & ad fornicationem de consilio ejus Rex Balac adduxerit, optimè in iis locis à Mose expressa sunt, & à nobis quàm evidentissimè demonstrata in altera editione veteris Testamenti nostra; ne actum agamus, ab istarum rerum explicatione superfedebimus. Ceterum sunt quidem innumera voces, sententiæ multæ, argumenta non pauca in toto libro Apocalypseus, quæ Testamentum vetus redolent dignitate maxima: sed eorum interpretatio mihi quidem non videtur hujus loci esse: tum quia non adducuntur nominatim Scripturæ loci, aut profertur autoritas aliqua una, unde illi depromti sunt; sed plurimum bini, terni, aut plures loci unà consuntur artificio elegantissimo: tum verò quia si quis hoc instituerit, eum necesse fuerit aggredi totius libri Apocalypseus interpretationem. Quam rem neque spondimus hoc instituto nostro, neque spondemus in posterum; accuratorem illius libri investigationem iis committentes, qui plus eruditione valent, judicioque & quibus præterea singularis aliqua Spiritus divini gratia ad institutum illud accesserit. Nam utrumque opus esse arbitramur ad justam illius libri explicationem. Tu verò, Domine Jesu, veni, & fac. Amen.

FINIS.

